

Jc. sup. 23. Pl. 2.



- MAG 4738

APPARATUS

A D

POSITIVAM THEOLOGIAM METHODICUS,

In quo jam reviso multumque ditato,

CLARA, BREVIS, & EXPEDITA DELINEATUR
Idea positivæ & scholasticæ Theologiæ, Scripturæ sacræ,
Traditionis divinæ, sanctorum Ecclesiæ Patrum, sacrorum Eccle-
siæ Conciliorum, Pontificiarum Ecclesiæ Decisionum, necnon
variis temporibus & variis in locis ortarum in Ecclesia hæresum,


AUCTORE R. P.

PETRO ANNATO,

Congregationis Doctrinæ Christianæ
Generali Præposito.

Editio quarta expurgata, accuratior & auctior.

TOMUS SECUNDUS.



VENETIIS, MDCCXVII.

E Typographia Balleonii.

SUPERIORUM PERMISSU, AC PRIVILEGIIS.

1. The first part of the paper discusses the importance of the study.

2. The second part of the paper discusses the methodology used in the study.

3. The third part of the paper discusses the results of the study.

4. The fourth part of the paper discusses the conclusions of the study.

5. The fifth part of the paper discusses the implications of the study.

6. The sixth part of the paper discusses the limitations of the study.

7. The seventh part of the paper discusses the future research.

8. The eighth part of the paper discusses the acknowledgments.

9. The ninth part of the paper discusses the references.

10. The tenth part of the paper discusses the appendices.

11. The eleventh part of the paper discusses the index.

12. The twelfth part of the paper discusses the glossary.

SECTIO PRIMA.

De Conciliis in genere.

Circa Concilia generatim sumpta sciendum est in primis, quid sit Ecclesiæ Concilium, & quotuplex; quid generale, quid œcumenicum, quid nationale, provinciale vel diœcesanum; unde Conciliorum origo, an divina vel humana? à quo convocanda Concilia, & quæ ad Concilia de jure vocandæ personæ, vel non: quis Conciliis debeat præsidere convocatis, quis ea confirmare finita; & alia his similia scitu necessaria licet trita, sequentibus articulis breviter attingenda.

ARTICULUS PRIMUS.

Quid sit, & quotuplex esse possit Ecclesiæ Concilium.

Sicut passim scioli audiuntur varii varios anhelis pulmonibus citare Ecclesiæ Patres, quos numquam viderunt; ita & varia passim turgidis faucibus reperiuntur laudare Concilia, quæ numquam legerunt, nec fortè Concilii naturam, Conciliorumve discrimina varia novèrunt, quia hæc quasi trita sui que ingenii captu minora putarunt. Quod ut caveat Candidatus, & juvenis quisque Theologus,

CONCLUSIO.

Quid sit Concilium.

Dico, *Concilium genericè sumptum sic rectè definiri posse, dicendo quòd sit Prælatorum Ecclesiæ congregatio, ad fidei controversias definiendas, vel fidelium mores reformandos, à legitimo capite convocata.*

Quotuplex Conciliorum genus.

Nam hæc Prælatorum congregatio *Sanhedrîn* sive *Synedrion* ab Hebræis, *Synodus* à Græcis, & *Concilium* à conciliando dicitur à Latinis, nomine sumpto à *Con* & *Cilium*, inquit Archidiaconus, eò quòd, sicut dum oculorum *Cilia* clauduntur, conveniunt in unum, & conciliari dicuntur oculi; ita quia simul congregati, dum concludunt vel definiunt aliquid, in unum conveniunt, & conciliari dicuntur Episcopi: ideò cætus eorum, sive congregatio, jure *Concilium* à conciliando vocatur.

Ex hac Concilii definitione sequitur, triplicis speciei Concilium esse posse, videlicet *provinciale, nationale & generale*. Ratio est, quia illa Prælatorum, seu Episcoporum convocatio, vel est ab Archiepiscopo in sua Provincia, vel à Primatè seu Patriarcha in suo Patriarchatu, vel à summo Pontifice in toto orbe Christiano. Si sit ab Archiepiscopo omnes suæ Provinciæ suffraganeos convocante Præsules, *Provinciale* Concilium dicitur; si à Primatè omnes suæ primatiæ sive nationis convocante Prælatos, tam Episcopos, quam Archiepiscopos, Concilium *Nationale* vocatur; si denique à Papa universalis Ecclesiæ Prælatos, tam Patriarchas & Archiepiscopos, quam Epi-

Episcopos convocante, *Universale* seu *Generale* Concilium simpliciter & absolute nuncupatur; ad discrimen nationalium plurimorum, quæ generalia interdum vocantur, non absolute & simpliciter, sed secundum quid tantum, & respectu unius determinatæ nationis vel regni. *Generale* simpliciter iterum duplex esse potest, legitimum nimirum, & illegitimum; si legitimum sit, hoc est, à Romano Pontifice approbatum, *œcumenicum* vocatur; si illegitimum, hoc est, à Romano Pontifice reprobatum, *pseudosynodus*, sive conciliabulum, vel latrocinium diaboli dici solet.

Dices. Generale, universale, & œcumenicum idem sonant; ergo omne generale Concilium œcumenicum est.

Generale
Concilium
& œcume-
nicum in
quo disci-
rant.

Resp. dist. ant. Idem sonant grammaticaliter, & juxta vim nominis loquendo; conc. Reipsa, & juxta eruditorum sensum & usum; nego ant. & conseq. Constat enim plura esse generalia & universalia Ecclesiæ Concilia, quæ tamen œcumenica dicet nemo, qualia sunt v. g. *Mediolanense* Concilium an. 354. in causa Athanasii habitum; *Ariminense* an. 359. coactum, in cuius fine per fraudem damnata Nicæna fides; ex quo, juxta Hieronymum, *Totus ingemuit orbis, & se Arianum esse miratus est*; quale est & *Ephefinum II.* an. 439. habitum, in quo, Dioscoro Præside, confirmata est Eutychis hæresis; qualia sunt *Constantinopolitana duo*, unum sub Leone Isauro, an. 730. alterum sub Constantino Copronymo, an. 755. contra sacras Imagines convocata, quæ generalia sunt Concilia, non tamen œcumenica, quia per Ecclesiam reprobata, & nusquam pro œcumenicis habita: plura siquidem requiruntur ad hoc ut Concilium aliquod œcumenicum dicatur, quam ad hoc ut generale dicatur; ut enim generale dicatur, satis est quod sit totius orbis Episcoporum congregatio, vel saltem quod ad illud fuerint vocati universi Christiani orbis Episcopi; ad hoc autem ut sit œcumenicum, seu generale legitimum, requiritur insuper inter alia, ut sit in Ecclesia pro œcumenico receptum; nullum enim est ab Ecclesia pro œcumenico receptum, quod non sit verè œcumenicum; & nullum pariter est verè œcumenicum, quod non sit ab Ecclesia pro œcumenico probatum atque receptum.

ARTICULUS II.

Unde sit Conciliorum origo?

Quia Lutherus in suo de Conciliis inscripto libro, Concilia juris divini, seu divinæ institutionis esse negat, ac proinde nihil Concilii opus esse contendit, ideo pro rei veritate firmanda,

CONCLUSIO.

Dico, *Juris divini esse, seu à Christo Domino originem habere sacra Ecclesiæ Concilia*, idque

Unde sit
Concilio-
rum origo.

Prob. 1. Ex ipso Christi facto, qui degens adhuc in terris, ut de sua divinitate fidem in Apostolis firmaret, eos in unum convocavit, & questionem istam eis proposuit discutendam; *Quem dicitis esse Filium &*
Appar. Annati T. II.

hominis ? Quam Petrus tanquam futurus Ecclesiæ primas & caput resolvit, dicens : Tu es Christus Filius Dei vivi. Quam decissionem divinitus inspiratam illicò testatur Christus, dicens Matth. 16. vers. 17. Beatus es Simon Bar-Jona, quia caro & sanguis non revelavit tibi, sed Pater meus, qui in cælis est.

Prob. 2. Ex ipsomet Christo Domino, qui sui divinam assistentiam sacris Ecclesiæ Conciliis promisit, dum apud Matth. cap. 18. vers. 20. dixit : *Ubi sunt duo, vel tres congregati in nomine meo, ibi sum in medio eorum.* Quibus verbis Christum ipsa instituisse, & commendasse Concilia, tenet & asserit Chalcedonense Concilium in Epist. ad Leonem Papam hujus nominis I. quod Christi factum & verba sequentes Apostoli, varia deinde post Christi ad Cælos ascensum celebrarunt Concilia, & post Apostolorum ex hac vita discessum, varia alia Apostolorum successores Episcopi, ergo juris divini sunt, & à Christo suam originem habent Ecclesiæ Concilia sacra.

Prob. 3. Ex eo, quòd non minis providerit Christus Dominus suæ Ecclesiæ regimini, quàm Judæorum Synagoga gubernio providerit olim Deus ; atqui eo ipso, quo Pontifices instituit olim Deus, qui Synagoga regerent, instituit & seniorum Concilium in ea sive *Synedrium*, ad quod posset esse recursus pro resolvendis occurrentibus in ea controversiis, ut patet ex illo Dei Moysen alloquentis mandato, Num. cap. 11. vers. 16. his verbis expresso : *Congrega mihi septuaginta viros de senibus Israel, quos tu nosti quòd senes populi sint ac magistri : & duces eos ad ostium tabernaculi faderis, faciesque ibi stare tecum, ut descendam & loquar tibi : & auferam de spiritu tuo, tradamque eis, ne sustentent tecum onus populi, & non tu solus graveris.* Et iterum ex illo Deut. cap. 17. vers. 8. *Si difficile & ambiguum apud te iudicium esse perpexeris . . . Venies ad Sacerdotes Levitici generis, & ad iudicem qui fuerit illo tempore : quaresque ab eis qui indicabunt tibi iudicii veritatem, &c.* Ergo si Concilia, sive Synedria instituit in Synagoga Deus, instituit & Concilia in Ecclesia Christus ; ergo.

Dices. Possunt emergentes in Ecclesia controversiæ, aliunde per summum Pontificem resolvi ; ergo ad has resolvendas frustra instituisse Concilia Christus. Resp. perm. ant. neg. conseq. quæ falsa patet ex ipso Apostolorum facto ; licet enim singuli, & seorsim singulas possent definire fidei morumque controversias Apostoli, ne tamen viderentur ordinarium ad hoc institutum à Christo remedium spernere, noluerunt controversiam de legalium observatione sine Concilio decidere ; sed Act. cap. 15. vers. 6. coacto Jerosolymis Concilio, *convenerunt Apostoli & seniores videre de verbo hoc.*

ARTICULUS III.

Cujus sit generalia convocare Concilia, & in iisdem præsidere convocatis.

Quia Imperatoris esse, & non Papæ, generalia convocare Concilia, & in iisdem præsidere convocatis contendunt Lutherus, Calvinus, Magdeburgenses, & sequaces alii ; ideòque generale, seu universale Concilium

cilium dici velint, quia ab Imperatore universali omnium domino convocatum, eaque de causa ad Tridentinum venire Concilium tenuerint Germaniz Protestantes hæretici, illudque idem idèò non recipiendum clamet Carolus Molinæus, quia non ab Imperatore, sed à Romano Pontifice convocatum; idèò ut rei veritas elucescat, & communis Catholicorum doctrina pateat,

C O N C L U S I O.

Dico, *solius Romani Pontificis esse de jure generalia convocare Concilia, & in iisdem per se, vel per Legatos præsidere convocatis.* Et sic

Quis de jure debeat generalia convocare Concilia.

Prob. 1. prima pars. Ut legitimum sit Concilium, debet in nomine Christi, hoc est auctoritate Christi convocari, juxta illud Christi, Matth. cap. 18. vers. 20. dicentis: *Ubi fuerint duo, vel tres congregati in nomine meo, ibi sum in medio eorum.* Et ut sit in nomine, seu auctoritate Christi convocatum, debet ab eo solo convocari, cui Christus hanc concessit auctoritatem; atqui Christus soli Petro, & in persona Petri Romano Pontifici, & non Imperatori hanc auctoritatem concessit, dum Cælos ascensurus, Petro in littore piscanti, & non Tiberio Romæ imperanti, suam regendam commisit Ecclesiam, dicens: *Pasce oves meas*; ergo ut sit in nomine Christi convocatum, debet à Romano Pontifice, vel de illius consensu, vel saltem illo minime inconsulto convocari.

Prob. 2. tum ex antiquo illo Canone, quem Julius Papa in Epist. ad Episcopos Antiochenæ Provinciæ Apostolicum esse dicit, quemque Alexandrina Synodus in Epistola ad Felicem, à Nicæno I. renovatum esse testatur, quo statuitur: *Præter sententiam Romani Pontificis, non posse Concilia celebrari.* Tum ex facto Concilii Chalcedonensis, non permittentis Diofcorum Alexandrinum Patriarcham inter Episcopos sedere, eò quod aliam Synodum cogere fuerat ausus inconsulta Romana Sede, & alta voce clamantis: *Id numquam factum, numquam licitum fuisse.* Tum denique ex facto Concilii Romani quarti, in causa Symmachi Papæ, à Theodorico Rege convocati, & conquerentis, se non à Rege, sed à Papa debuisset convocari, nolentisque Regi acquiescere dicenti, se Concilium de consensu Romani Pontificis convocasse, donec ita esse præfens ipse fateretur summus Pontifex; ergo Romani Pontificis est, non Imperatoris, generalia convocare Concilia, imò & in illis per se, vel per Legatos præsidere convocatis, ut sic

Prob. secunda pars. 1. Quia solius Pastoris est suo præsidere gregi; sed Romanus Pontifex est universalis Ecclesiæ, seu Christi gregis Pastor constitutus à Christo dicente, Joan. cap. 21. vers. 18. *Petre, pasce oves meas, pasce agnos meos.* Ergo solius est Romani Pontificis toti seu universali præsidere Ecclesiæ, sive per orbem diffusæ, sive in Concilio congregatæ, ac proinde & Concilio generali Ecclesiam representanti.

Quis de jure debeat in Conciliis præsidere.

Prob. 2. ex perenni & antiqua Ecclesiæ praxi, qua constat nedum Petrum præfuisse primo Apostolorum Concilio Jerosolymis habito pro electione Mathiæ, & alteri omnium præcipuo caterorumque normæ, ibidem pro determinanda legalium cessatione celebrato, de quo Actuum cap. 15. sed etiam post Apostolos, Romanum Pontificem ceteris æcumenicis, tam Orientalibus, quam Occidentalibus, per se, vel per Le-

gatos præfuisse Conciliis, Imperatorem verò minimè nec per se, nec per alium.

Prob. ant. 1. Per se Præses fuit Romanus Pontifex Occidentalibus omnibus, excepto Tridentino, ut constat apud omnes; Orientalibus verò per Legatos, ut sic ostenditur; nam præfuit Nicæno I. *S. Silvester* per *Osium*, *Vitum*, & *Vincentium* Legatos à se missos; Constantinopolitano I. præfuit *Damasus* per *Nectarium* Constantinopolitanum Patriarcham, non missum quidem, sed sui loco præsidere permissum, vel ut probabilius opinantur alii, per *Timotheum* Alexandrinum; Ephesino I. & œcumenico III. præfuit *Celestinus* I. per *Cyrillum Alexandrinum*, deinde per *Arcadium* & *Projezum* Episcopos, & *Philippum* Presbyterum; Chalcedonenſi Concilio præfuit *S. Leo* per *Paschasium* & *Lucentium* Episcopos, *Bonifacium* & *Basilium* Presbyteros; Constantinopolitano II. œcumenico præfuisse dici potest *Vigilius* per *Eutychium* Constantinopolitanum Patriarcham, præſidentiam Vigilio ultro offerentem, & nihil in Concilio definiri patientem, nisi prius lectis *Vigilii* epistolis, & ejus præhabito consensu; Tertio Concilio Constantinopolitano, œcumenico sexto, præfuit *Agarbo* per *Theodorum* & *Gregorium* Presbyteros, *Joannem* Diaconum, & *Constantium* Subdiaconum; Septimo œcumenico Nicæno secundo præfuit *Adrianus* I. per *Petrum* *S. Sabæ*, Romanæ urbis Abbatem, & *Petrum* Archipresbyterum; in octavo denique œcumenico, seu Constantinopolitano quarto præfuit *Adrianus* II. per *Donatum* & *Stephanum* Episcopos, & *Marianum* Diaconum: Tridentino verò Occidentali, & œcumenico omnium ultimo præfuisse primò nomine *Pauli* III. tres Romanæ Ecclesiæ Cardinales, videlicet *Joannes Moronus* Episcopus Prænæstinus, *Marcellus* Presbyter, & *Reginaldus Paulus* Diaconus, natione Anglus; nomine verò *Julii* III. post obitum *Pauli* III. præfuisse Cardinalis de *Crescentio*, *Sebastianus Pighion* Archiepiscopus Sipontinus, & *Aloysius Lippomanus* Veronenſis Episcopus; & tandem post obitum *Julii*, præfuisse quatuor Cardinales alii, nomine *Pii* IV. videlicet *Hercules* de Mantua, *Hieronymus Seripandus*, *Stanislaus Hoſius*, & *Ludovicus Simoneta*.

Ergo ex hac antiqua & constanti Ecclesiæ praxi constat, Romani Pontificis esse, non Imperatoris, generalibus præsidere Conciliis.

Objices 1. in primam partem. Quatuor priora œcumenica Concilia fuere ab Imperatoribus convocata, videlicet Nicænum I. à *Constantino*, Constantinopolitanum I. à *Theodosio* seniore, Ephesinum à juniore, & Chalcedonenſe à *Martiano*; ergo non Romani Pontificis, sed Imperatoris est œcumenica convocare Concilia. Resp. 1. neg. ant. Nullum enim est assignabile verè œcumenicum Concilium, quod fuerit à solo Imperatore, & non à summo Pontifice, vel de illius consensu tacito, vel expreſſo, aut saltem illo minimè inconſulto convocatum, ut faciliè singula percurrenti patebit; nam

1. Nicænum I. non à *Constantino* solo, sed à *Constantino* & *Silvestro* congregatum fuisse constat ex sexta Synodo, act. 18. & ex *Ruthino*, lib. 10. hist. cap. 1. dicente illud à *Constantino* congregatum, ex sententia Sacerdotum, & nominatim *Silvestri*.

2. Constantinopolitanum I. non à *Theodosio* seniore, sed à *Damaso* Romano Pontifice, *Theodolii* senioris opera convocatum, satis indicant ipsi Concilii Patres, in epist. ad *Damasum*, dicentes: *Mandato literarum à superiori anno, à vestra reverentia ad sanctissimum Imperatorem Theodosium*

missa.

missarum, ad iter dumtaxat Constantinopolim usque faciendum nos preparavimus. Testantur & vetustissimi Vaticanæ Bibliothecæ codices, expressè sic dicentes: Sententiam de damnatione Macedonii & Eunonii Damasus confirmari præcepit, etiam in sancta secunda Synodo, quæ præcepto & auctoritate ejus apud Constantinopolim celebrata est.

3. Ephesinum I. non à Theodosio juniore & Valentino, sed eorum opera à *Cælestino I.* indictum, colligitur ex Cælestini ad Cyrillum Alexandrinum literis, imò & ex ipsa Concilii relatione ad Theodosium Imperat. missa aët. 3. sic dicente: *Hæc, antequam hæc sanctissima Synodus conveniret, Cælestinus I. magnæ Romæ Episcopus per literas suas indicaverat, Cyrilloque sanctissimo, Deoque dilectissimo, magnæ civitatis Alexandria Episcopo; ut suas vices subiret, commiserat.*

4. Chalcedonenſe, non à Martiano, sed à Leone Magno indictum constat, ex epistola Martiani ad Leonem, ante Chalcedonenſe Concilium posita, qua rogat ipsum ut veniat, & ipse Concilium faciat; vel si venire nolit, per literas significet quid agi velit; & ex ejusdem Leonis ad Martianum epistola, ubi ait: *Literas dedimus ad fratres, & Coepiscopos nostros, iisque Concilium generale indiximus.* Imò & ex ipsius Concilii Chalcedonenſis factio, non permittentis Dioscorum inter Episcopos sedere, quia aliam celebrare Synodum fuerat ausus absque S. Romane Sedis assensu, *quod nusquam licitum, nusquam factum*, conclamarunt omnes Concilii Patres.

Quis ergo dicit ab Imperatore solo, non à Romano Pontifice convocatum Concilium illud, vel ante illud, aliquod œcumenicum aliud? cum clarè & manifestè pronuntiet, *Id nusquam licitum, nusquam factum.* De cæteris sequentibus Conciliis Orientalibus dubium ferè nullum; fatetur enim quisque peritus quintum œcumenicum à *Vigilio*, sextum ab *Agathone*, septimum ab *Adriano I.* & octavum ab *Adriano II.* Romano Pontifice convocatum. De Occidentalibus, constat in iis per seipſos Romanos præfuisse Pontifices, Tridentino excepto, in quo varii præfuerunt Legati.

Obijcies 2. Concilia particularia Galliæ, Germaniæ, Hispaniæ, non ab alio, quàm à Regibus fuere convocata, & tamen passim eorum Canonibus observat Ecclesiæ; ergo supponuntur ritè convocata. Resp. hujusmodi Concilia non fuisse à Regibus convocata propria auctoritate, sed de consensu vel Romani Pontificis, vel Episcoporum nationalium, & potissimum Primatum aut Metropolitanorum.

Obijcies 3. in secundam partem. In primis Orientalibus Conciliis semper præfuerunt Imperatores, vel eorum Legati, & nusquam summi Pontifices; ergo Imperatoris est, non Romani Pontificis, generalibus præsidere Conciliis. Resp. neg. ant. Id enim juris non habent Imperatores, seque non habere satis testatus est religiosissimus Imperator *Constantinus* in primo Nicæno Concilio, cum in eo nedum minimè præſeſſe Concilio, sed nec in eodem, quo Episcopi loco, sedere voluerit, & publicè professus fuerit se non Episcopos judicare, sed ab Episcopis judicari debere. Quòd si primum locum materiale in Conciliis interdum tenuerint Imperatores, tenuere non ut Judices & definientes, sed solum honoris causa; non ut Concilii Præsides aut Judices, sed ut defensores ac tutores.

ARTICULUS IV.

Quanam personæ sint ad Concilium vocanda.

Sciendum est quadruplex hominum genus Conciliis interesse posse; alii enim intersunt ut Judices habentes suffragium decisivum, ut Episcopi; alii, ut Jurisconsulti, habentes suffragium consultivum, ut viri docti; alii ut Ministri, seu ut ministerium impendant aliquod Concilio, ut Notarii sive Scribæ, janitores, & alii similes; alii denique intersunt, ut Concilii defensores, caventes ut in eo pacata fiant omnia, ejusque decreta executioni mandentur, ut Principes. His ergo ita positis, quaeritur, quinam de jure, vel ex privilegio sint ad Concilium, ut Judices vocandi, seu ut habentes suffragium decisivum. Circa quod varia sunt hæreticorum figmenta; voluit enim aliqui, ut Lutherus, & cum eo Protestantes cæteri, omnes peritos etiam Laicos jus habere suffragii decisivi; alii, ut Brentius & Calvinistæ, solos electos, utpote solos ad Ecclesiam pertinentes; opinantur alii omnes nedum Episcopos, sed etiam Presbyteros curam animarum habentes, sive Parochos, esse ad Concilium de jure vocandos: contra quos, aliosve quoscunque

CONCLUSIO.

Quis de
jure debeat
ad genera-
lia vocari
Concilia.

Dico, solos Episcopos de jure ad generale Concilium esse vocandos ut Judices; & ex consuetudine Cardinales; Abbates verò & Religionum Generales ex privilegio.

Prob. prima pars. 1. ex communi Ecclesiæ praxi, qua constat in antiquis omnibus Ecclesiæ Conciliis, solos Episcopos tanquam Judices & definitores subscripsisse, hac utendo formula: *Ego Episcopus definiens subscripsi.*

2. Ex illo S. Cypriani ad Jubajanum dicentis: *Ecclesiam, ac consequenter Concilium representans Ecclesiam, in Episcopo esse.*

3. Ex illo celebri Concilii Chalcedonenſis Patrum dicto: *Mitte foras superfluos, Concilium Episcoporum est.* Ergo si soli ut Judices antiquis interfuerint Ecclesiæ Conciliis Episcopi; si in Episcopis sit Ecclesia, & Concilium representet Ecclesiam; si Concilium denique sit Episcoporum, soli de jure ad Concilium vocandi videntur Episcopi, ut Judices, suffragiumque decisivum habentes.

Prob. 2. ratione fundamentali. Ut quis sit ad Concilium de jure vocandus ut Judex, jurisdictionem spiritualement in foro externo habeat necesse est; cum in Conciliis vel damnari soleant hæreses contra hæreticos, vel condi Canones pro reformatione morum & disciplinæ, vel privatorum Episcoporum, aut aliorum privatæ causæ judicari; qui omnes actus, sunt externæ jurisdictionis actus; atqui soli Episcopi, & nulli alii, sive Parochi, sive Docti, sive Imperatores, sive Reges, & cujuscumque alterius dignitatis Laici habent hujusmodi jurisdictionem; ergo Episcopi soli, & nulli alii sunt de jure ad Concilium, ut Judices vocandi.

Prob. 3. Cum Concilium sit Ecclesiæ representatio, ad illud hi soli sunt

sunt de jure vocandi, per quos possit Ecclesia representari, seu in quibus est Ecclesia: atqui hi sunt soli Episcopi, cum dicat S. Cyprianus: *Ecclesia est in Episcopo*. Ergo hi soli sunt de jure vocandi; ex privilegio verò, & ex consuetudine Cardinales non Episcopi, Abbates, & Religiosorum Ordinum Generales; ut sic

Prob. secunda pars. 1. de Cardinalibus; nam Cardinales, vel sunt Episcopi, vel non; si Episcopi, sunt de jure vocandi, quia Episcopi; si non sint Episcopi, sunt etiam ut Cardinales, si non de jure, saltem ex consuetudine usu recepta & approbata, pariter vocandi; & meritò, 1. quia ut Cardinales & Papæ collaterales, licet non Episcopi, sunt ipsis Episcopis majores ob amplitudinem suæ dignitatis, & assistentiam, ut habetur ex cap. *Ad apostolica de judic. in 6. & ex Clement. Pastoralis eodem titulo*. 2. Quia Cardinales suis in titulis jurisdictionem habent Episcopalem, ut constat ex cap. *Uique de major. & obediens*. Ergo si non de jure, saltem ex consuetudine jure merito recepta vocandi; imò & Abbates, & Religiosorum Generales, ut sic

Quis ex consuetudine.

Prob. tertia pars. 1. quia id ex praxi & consuetudine constat. 2. Quia illud ipsa suadet ratio; nam ipsi Abbates, & Religiosorum Ordinum Generales sunt Superiores fidelium exemptorum à jurisdictione Episcoporum; ergo cum Concilium generale sit universalis Ecclesiæ representatio, & ad illud vocandi sint de jure Episcopi, ut sibi subditos representent fideles, ita & ad illud vocari debent Abbates, & Religiosorum Ordinum Generales Superiores, ut sibi subditos fideles, & ab Episcopis non representatos, quia Episcopis non subditos, representent, & in quos jurisdictionem quasi Episcopalem habent; & quia hujusmodi jurisdictionem quasi Episcopalem, illamque ab Episcopis exemptionem ex privilegio, non de jure tenent; ideo non de jure, sed ex privilegio ad Concilium ut Judices vocandi.

Quis ex privilegio.

Objicies 1. In Concilio generali Apostolico, pro determinanda Legaliū cessatione Jerosolymis habito, quodque cæterorum debet esse Conciliorum norma, interfuere non solum Apostoli, sed etiam Presbyteri omnes, juxta illud Actuum, cap. 15. vers. 6. *Convenerunt Apostoli, & seniores videre de verbo hoc*, ubi nomine seniorum, intelliguntur Presbyteri curam animarum habentes; imò interfuere & Laici, ut colligitur ex contextu sequenti: *Tunc placuit Apostolis & senioribus, cum omni Ecclesia*: ergo non solum Episcopi, sed etiam Presbyteri, præsertim curam animarum habentes, seu Parochi, imò & alii viri docti, licet Laici, sunt ad Concilium ut Judices vocandi. Resp. perm. ant. neg. conseq. Ratio est, quia licet hi omnes interfuerint Concilio præfato, non tamen eodem modo, eodemque jure, & ut Judices; nam Apostoli interfuere ut judicarent, juxta illud Jacobi ibidem dicentis: *Propter hoc ego judico, &c.* Seniores ut consultarent & inquirerent, juxta illud, *Et cum magna disquisitio fieret*; cæteri verò Laici, ut tacerent & acquiescerent, juxta illud, *Et tacuit omnis multitudo*. Et hoc idem in cæteris Conciliis fieri consuetum est; Episcopi enim, cæterique habentes ex consuetudine, vel ex privilegio suffragium decisivum, interfunt, ut judicent & definiant; alii viri docti, ut consultant & inquirant; cæteri Laici, ut taceant & definitionibus acquiescant. Resp. 2. ibi per ly *Seniores* intelligi tam Episcopos quam Presbyteros, juxta illud Petri epist. 1. cap. ultimo, vers. 1. dicentis: *Seniores ergo, qui in vobis sunt, obsecro, consenior..... pascite qui in vobis est gregem Dei*.

Obji-

Obijcies 2. *Causa communis communibus votis est ab omnibus tractanda*; ergo cum *causa fidei*, quæ solet in Conciliis tractari, sit Christianis omnibus, etiam Laicis, communis, ab iis omnibus est in Conciliis tractanda; ergo. Resp. dist. ant. Est ab omnibus tractanda diverso modo; conc. Eodem modo; neg. ant. & conseq. Licet enim *causa victoriæ* sit à toto exercitu promovenda, non tamen eodem modo ab omnibus, sed à ducibus, ut præcipientibus & dirigentibus; à speculatoribus, ut vigilantibus & inquirentibus; à militibus verò, ut pugnantibus: ita & *fidei causa* est ab omnibus tractanda; & reipsa in Conciliis ita tractatur ab omnibus, sed diverso modo: ab Episcopis nempe, ut Judicibus definientibus; ab aliis non Episcopis, sed peritis & doctis, ut consultantibus & inquirentibus; à Laicis, ut audientibus & acquiescentibus.



SECTIO SECUNDA.

De sacris Apostolorum Conciliis.

Septem
genuina A-
postolorum
Concilia
sunt.

A Postolica Concilia voco ea, quæ à Judæ Iscariotis obitu, & S. Mathiæ in ejus locum per electionem accessu celebrarunt Apostoli; quorum aliqua fuere propriè dicta, alia impropiè & latè sumpta tantum, licet omnia Jerosolymis habita, uno excepto Mileti congregato; suntque numero septem, ista videlicet,

1. Pro eligendo Mathia loco proditoris Judæ, anno Christi 34.
2. Pro septem eligendis Diaconis ad sedandum Græcorum murmur, anno 34.
3. Pro SS. Petro & Joanne ad Samaritanas mittendis, anno 35.
4. Pro fidei Symbolo ante dispersionem edendo, anno 37.
5. Pro definienda questione de Circumcisione, aliisque Legalibus servandis, anno 51.
6. A Paulo Mileti convocatum, pro hortandis Ecclesiæ Senioribus ad vigilem Ecclesiæ curam, anno 53.
7. Pro tollenda Gentilismi suspitione de Paulo à Judæis concepta, anno 58.

De quibus singulis ut hîc fusiùs inquiramus, eaque verè extitisse, & quid in unoquoque gestum sit, summatim hac in Sectione videamus, sit

ARTICULUS PRIMUS.

De primo Apostolorum Concilio, anno 34.

Pro eligendo Matbia loco proditoris Judæ.

1.
Pro cle.
Sione Ma-
thiz.

Concilium istud verè Apostolicum esse & Jerosolymitanum, hoc est ab Apostolis, & Jerosolymis aliquando celebratum, non aliunde melius constare potest, quàm ex Actuum Apostolorum cap. 1. vers. 15. ubi expressè dicitur, quòd dum in cœnaculo Jerosolymis reclusi, promissum

sum à Christo Jesu Spiritum Sanctum expectarent Apostoli omnes, ceterique Christi fideles, tunc, hoc est, in diebus illis exurgens Petrus in medio fratrum dixit: (erat autem turba hominum simul, fere centum viginti.) Viri fratres, oportet impleri Scripturam, quam prædixit Spiritus Sanctus per os David de Juda, qui fuit dux eorum, qui comprehenderunt Jesum: qui connumeratus erat in nobis, & sortitus est sortem ministerii hujus. Et hic quidem possedit agrum de mercede iniquitatis, & suspensus crepuit medius & diffusa sunt omnia viscera ejus. Et novum factum est omnibus habitantibus Jerusalem, ita ut appellaretur ager ille, lingua eorum, Haceldama, hoc est, ager Sanguinis. Scriptum est enim in libro Psalmorum: Fiat commoratio eorum deserta, & non sit qui inhabitet in ea: & Episcopatum ejus accipiat alter. Oportet ergo ex his viris, qui vobiscum sunt congregati in omni tempore, quo intravit & exivit inter nos Dominus Jesus, incipiens à baptismo Joannis, usque in diem qua assumptus est à nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est Justus, & Mathiam. Et orantes dixerunt: Tu Domine, qui corda nostri omnium, ostende, quem elegeris ex his duobus unum accipere locum ministerii hujus, & Apostolatus, de quo prævaricatus est Judas, ut abiret in locum suum. Et dederunt sortes eis: & cecidit sors super Mathiam, & annumeratus est cum undecim Apostolis.

Ex quo contextu manifestè patet, quomodo S. Petrus incipiens sui primatus officio fungi, & Ecclesiæ curam gerere, ceteris Apostolis in cœnaculo Jerosolymæ congregatis, anno 34. à Christo nato, hoc est post Christi ex hac vita discessum, & ad cœlos ascensum, ac ante Spiritus Sancti de cœlo descensum, proposuit unum alium eligendum esse, qui Judæ prævaricato succederet. Quo audito, statim oratione præmissa, cœptis electionis processibus, duobusque æquè dignis in medium statutis, Barsabas scilicet & Mathia, eisque sortibus datis, sors cecidit super Mathiam, qui numeratus inter Apostolos, Judæ suscepti Apostolatuum. Sed circa illam Mathiæ electionem forte celebratam,

Queritur 1. an sortibus propriè dictis hac in electione usi fuerint Apostoli. Resp. 1. varia esse circa hoc Auctorum placita. Sunt enim qui censent sortes illas non fuisse sortes propriè dictas, sed signum aliquod è cœlo divinitus lapsum super Mathiam, puta lucis radium aliquem super caput Mathiæ divinitus lapsum, quo designatus fuerit eligendus Mathias; eo scilicet modo, quo S. Gregorius Magnus lucis radio designatus fuit olim summus Pontifex; idque ita censet S. Antoninus 1. parte titul. 6. cap. 2. vel columbam aliquam in caput Mathiæ de cœlo missam, sicut in Fabianum olim dum creatus esset summus Pontifex, ut putat Dionysius Carthusianus; vel denique aliquod aliud simile signum divinitus missum, ut S. Dionysius Areopag. lib. de Eccl. Hierarch. cap. 5. part. 3. expressè tenet, dicens: *Videtur mihi Scriptura sortem appellasse divinum illud munus, per quod illic homo sacratissimo insinaretur, qui esset divina electione declaratus.* Resp. 2. cum aliis, Apostolos verè sortibus propriè dictis fuisse usos, 1. quia id ipsa sonant & indicant Scripturæ verba: *Et dederunt sortes eis, & cecidit sors super Mathiam.* 2. Quia S. Ambrosius in cap. 1. Luc. Apostolos viam eligendi per sortes inuisse putat, ne Apostoli electio à mandato discrepare legis veteris videretur: at in lege veteri è sacerdotibus sorte eligi solebat unus, qui incensum adoleret ante altare Dei, ut constat de Zacharia Joannis patre, de quo S. Lucas cap. 1. vers. 9. sic ait: *Secundum consue-*

Sortibus
propriè dictis
facta.

consuetudinem sacerdotii sorte exiti, ut incensum poneret ingressus in templum Domini. 3. Quia Apostoli secuti sunt alia Scripturæ exempla varia : sic enim Saul sorte creatus est Rex, ut habetur 1. Reg. cap. 10. vers. 20. sic sorte divisa est Terra promissa, ut constat ex Josue, cap. 15. Ita Corne-
lius à Lapide in Act. cap. 1.

Idque li-
cité tunc.

Quæritur 2. an licité hac in electione fortibus uti potuerint Apostoli, siquæ illam electionem sacram casui ac fortunæ committere. Resp. affirmativè, 1. quia duo eligendi, *Marbias* videlicet & *Barsabas*, ita erant merito pares, ut non posset humano iudicio discerni quis eorum dignior esset; atqui cum res ita se habet, ut humano iudicio discerni non possit, rectè & licité committi potest fortibus à divina providentia dirigendis, quia tunc hoc non est tentare Deum; ergo fortibus hoc in casu licité uti poterunt Apostoli : idque totum colligitur & confirmatur ex S. August. Epist. 180. ad *Honoratum* docente, sorte discendum esse, qui sacerdotes persecutionis tempore in urbibus manere debeant & fidelibus assistere, qui verò fugere; & sic dicente : *Si inter Dei Ministros inde sit disceptatio, qui eorum maneant, ne fuga omnium; & qui eorum fugiant, ne morte omnium deferatur Ecclesiæ; tale quippe certamen erit inter eos, ubi utrique fervcant charitate, & utrique placeant charitati; quæ disceptatio si aliter non poteris terminari, quantum mihi videtur, qui maneant & qui fugiant, sorte legendi sunt.* 2. Quia si fortibus usi sunt Apostoli hoc in casu, id fecerunt ex speciali Dei instinctu, quo illis tacité promittebat Deus, se suam voluntatem per illas sortes ostensurum, & dignorem ex his duobus designaturum; sicut olim Dei iussu Samuel fortibus est usus, ut Saulem Regem crearet, & Josue ut Achan deprehenderet, Terramque promissam divideret : ita *Lessius* lib. 2. de *Instit.* cap. 43. dubio 9. & cum illo *Corn. à Lap.* in *Act.* cap. 1. 3. Quia ut volunt alii cum SS. PP. Hieron. in *Jonæ* cap. 1. S. August. Serm. de *Mathia*, & S. Thomas 2. 2. quæst. 95. art. 8. Apostoli adhuc rudes & inexperti id fecere ex consuetudine Patrum veteris Testamenti, antequam recepissent Spiritum Sanctum; idèòque post eum receptum, id postea non fecerunt in electione septem Diaconorum.

Licet il-
licitus ho-
die sortium
usus in om-
ni electio-
ne sacra.

Quæritur 3. an exemplo Apostolorum fortibus uti liceat hodie in electionibus sacris. Resp. negativè, 1. Quia jam jure Canonico omnis fors in electionibus Ecclesiasticis est prohibita, ut constat ex Honorii III. decretali ad *Lucanum* Capitulum directâ, & 5. decretalium libro inserta titul. de *sortilegiis*, cap. *Ecclesiæ*; & in qua sic rescribit præfato Capitulo consultus ille Pontifex, dicens : *Ecclesiæ vestra Episcopo desinita, vos convenientes in unum ut de futuri tractaretis electione Pontificis, unum elegistis ex vobis per sortem, qui tres auctoritate vestra elegit, per quos vice omnium Lucanæ provideretur Ecclesiæ de pastore, quorum duo tertium, Magistrum N. scilicet elegerunt, quod expresse licebat eisdem secundum traditam à vobis omnibus potestatem. Nos tali examinato processu, licet nota non careat, quinimò multa reprehensione sit dignum, quod fors in talibus intervenit electionem de ipso celebratam ad confirmationis gratiam admittimus, sortis usum in electionibus perpetua prohibitione damnautes.* 2. Quia in electionibus Ministrorum Ecclesiæ, Pastorum præsertim curam animarum habentium, eligendus est dignior, ut passim docent Theologi, & Conc. Tridentinum Sess. 24. cap. 18. de reform. Atqui alius utendo fortibus in electione potest eligi, nec nisi per accidens & casu sic eligitur is qui iudicatur dignior:

dignior: unde uti forte in electione, est electionem casui & fortunæ committere; ergo fortibus in electionibus uti non licet.

Dices fortè. Concilii Barcinonenfis Patres, anno 599. sub Gregorio Magno congregati, Can. 3. sortium usum in electionibus Episcoporum approbant; ergo perperam hunc illicitum esse dicimus. Resp. dist. ant. approbant, si casus ita contingat, ut ad Episcopatum propositi, sint ita meritis pares & æquè digni, ut humanæ prudentiæ iudicio non possit dignior discerni; conc. Secus, neg. ant. & sub eadem dist. conseq. quia non alia sic credenda est mens illorum Barcinonenfis Concilii PP. à mente S. Augustini in epistola ad Honoratum suprâ laudata.

ARTICULUS II.

De secundo Apostolorum Concilio, anno 34.

Pro septem eligendis Diaconis ad sedandum Græcorum murmur.

Eodem pariter anno Christi 34. non longè post Christi in cælos ascensum, & visibilem Spiritus Sancti in Apostolos de cælo descensum, cum jam Christum prædicarent Apostoli, & ad Christi fidem converterentur multi; crevit fidelium numerus, & crescente fidelium numero factum est murmur Græcorum adversus Hebræos, eò quòd despicerentur in ministerio quotidiano viduæ eorum: viduæ siquidem olim, utpote quia seniores & matresfamilias, ministrabant aliis necessaria; cumque viduæ Hebrææ eò quòd Hebrææ essent, arrogarent sibi honoratiora & locupletiora ministeria, præsertim distribuendi cibos & vestes, viliora verò & renuiora relegarent ad Græcas: & rursum cum in ciborum & vestium distributione magis favere plusque dare viderentur Hebræis quàm Græcis; ideò murmur exiit à Græcorum, hoc est Gentilium viduis, & à viduis murmur transit ad viros: quod murmur & schisma nascens ut statim sedarent Apostoli, Ierosolymis iterum congregantur, ubi per modum quasi Concilii conventum celebrant istum, pro septem eligendis Diaconis boni testimonii viris, sapientia & Spiritu Sancto plenis, qui mensarum ministerio vacarent, & providerent ut omnia tam alimenta quàm vestimenta omnibus æquè distributa forent, ut constat ex Act. cap. 6. vers. 1. & seq. ubi sic legitur: *In diebus illis, crescente numero discipulorum, factum est murmur Græcorum adversus Hebræos, eò quòd despicerentur in ministerio quotidiano viduæ eorum. Convocantes autem duodecim multitudinem discipulorum, dixerunt: Non est æquum nos derelinquere verbum Dei, & ministrare mensis. Considerate ergo fratres, viros ex vobis boni testimonii septem, plenos Spiritu Sancto & sapientia, quos constituamus super hoc opus. Nos verò orationi, & ministerio verbi instantes erimus. Et placuit sermo coram omni multitudine. Et elegerunt Stephanum, virum plenum fide & Spiritu Sancto, & Philippum, & Prochorum, & Nicanorem, & Timonem, & Parmenam, & Nicolaum advenam Antiochenum. Hos statuerunt ante conspectum Apostolorum: & orantes imposuerunt eis manus.*

Circa septem Diaconos illos, occasione murmuris Græcorum, ab Apostolis ad mensis ministrandum electos,

^{2.}
Pro septem
eligendis
Diaconis.

Quæri-

Qui essent
nedum vul-
garis & pro-
fana præfe-
cti, sed
etiam sacre
mensæ mi-
nistri,

Quaritur 1. an septem illi Diaconi fuerint sicut nostri hodie sacri al-
taris ministri; vel solum mensarum communium præfecti, non sacri.
Resp. septem illos primos Diaconos verè fuisse institutos, & sacra ordina-
tione munitos, nedum ut forent vulgaris & profana mensæ præfecti;
sed ut essent sacri sacre mensæ ministri, quales sunt & hodie Diaconi
nostri; idque constat

1. Ex iis quæ observarunt Apostoli in his septem eligendis & con-
stituendis Diaconis: nam 1. quæsierunt an essent boni testimonii, &
Spiritu Sancto ac sapientia pleni. 2. Oraverunt super eos; & 3. impo-
suerunt eis manus, ut ex contextu suprâ citato patet: atqui hos om-
nes tam sacros ritus non adhibuissent Apostoli in septem illis consti-
tuendis Diaconis, si illos instituere voluissent, ut vulgaris & profana
tantum & non sacre mensæ ministri forent, in qua frangitur sacer ille
panis, de quo Paulus ait 1. ad Cor. cap. 10. vers. 16. *Panis quem fran-*
gimus, nonne participatio corporis Domini est? Ergo nedum constituti sunt
ut essent vulgaris & profana mensæ præfecti, sed ut essent sacri sacre
mensæ ministri.

2. Id constat ex eo quòd S. Ignatius Martyr ad Heronem Diaconum,
suumque postea in Antiochena sede successorem, scribens dicat: *Nihil*
sine Episcopis facio; sacerdotes enim sunt, tu verò sacerdos tu minister.
Baptizant, sacrificant, eligunt, manus imponunt; tu verò illis ministras,
ut Stephanus Jacobo; ergo Stephanus qui unus è septem illis primis Dia-
conis erat, ministrabat Jacobo sacrificanti, ac proinde & sacre mensæ
minister erat.

3. Ex eo quòd affirmet S. Hieronym. epist. 1. Nicolaum è primis septem
Diaconis pariter munum, ministrasse calicem Domini; ergo ut sacrum sa-
cre mensæ ministerium.

4. Ex eo quòd Concilium Aquisgranense Can. 7. dicat, Diaconos in
Ecclesia ordinari hodie adinstar horum septem primorum Diaconorum;
ergo sicut Diaconi ordinantur hodie ut sint sacre mensæ ministri, ita &
illi septem primi.

Dices. Septem illi Diaconi primi instituti sunt occasione murmuris
Græcorum, eò quòd despicerentur in ministerio quotidiano viduæ eo-
rum, seu eò quòd in quotidiana eleemosynarum, præsertim ciborum dis-
tributione sive activa sive passiva despicerentur Græcorum viduæ; ergo
instituti sunt, ut ad mensas communes ministrarent, ac providerent ne
despicerentur Græcorum viduæ, vel aliæ, & curarent ut hac in eleemo-
synarum sive ciborum distributione æqualiter omnia fierent; ergo non ut
sacris mensis ministrarent. Resp. conc. ant. & neg. conseq. non enim in-
de sequitur illos ideò fuisse institutos & electos, ut vulgaribus tantum &
profanis ministrarent mensis & non sacris, sed ut utrique simul ministra-
rent, sacre mensæ primariò, & communi ac profanae secundariò: primis
enim Ecclesiæ temporibus conjunctæ erant illæ duæ mensæ sive cœnæ,
communis videlicet & sacra; quia primi Christiani quotidie communica-
bant, & post communionem simul cœnabant, ut patet ex illo Pauli 1. ad
Cor. cap. 11. vers. 21. dicentis: *Unusquisque suam equam præsumpsit ad man-*
ducandum, &c. Unde non sumebant cibum corporalem in mensa illa com-
muni & vulgari, nisi prius sumpsissent cibum sacrum, videlicet Eucha-
ristiam in mensa sacra. Diaconi ergo instituti fuere, ut utrique illi mensæ
ministrarent; ut scilicet ministrarent in mensa sacra quæ erat Eucha-
ristiæ,

rificiæ, & ut ministrarent in mensa communi quæ erat Agapæ: erat enim Agapæ commune convivium, seu cœna vulgaris post Eucharistiæ sumptionem fieri solita, in signum charitatis & unionis.

ARTICULUS III.

De tertio Apostolorum Concilio, anno 35.

Pro definienda Petri & Joannis ad Samaritanas missione.

Cum, occiso lapidibus Stephano, orta esset persecutio magna in Ecclesia quæ erat Jerosolymis, sæviretque Saulus spirans minarum & cædis in discipulis Christi, intrans domos, & trahens viros ac mulieres, indeque dispergerentur & fugarentur fideles omnes, præter Apostolos, per Judææ Samariæque Regiones, Samariamque venisset Philippus ab Apostolis ad Christum prædicandum missus, non quidem Apostolus, sed Philippus alter ille è septem primis Diaconus unus à Stephano primus, vir verè Apostolicus, signis & prodigiis clarus: ibique cum inter alia, Candacis Æthiopum Reginae Eunuchum baptizasset, Simonem pariter magum sacro Christi baptismate tinxisset, innumerosque Samaritanas alios ad Christi fidem converterisset, & assidue intenderent turbæ his quæ dicebantur ab illo, unanimesque crederent videntes signa quæ faciebat; eaque omnia magno cum gaudio cum Jerosolymis accepissent Apostoli, statim ibidem convenientes in unum, & per modum Concilii congregati anno post Christum natum 35. & post ejus in cœlum ascensum secundo, definiunt Samariam esse mittendos, & re ipsa mittunt Petrum & Joannem, qui Samaritanas illos ad Christum convertos, & à Philippo recens baptizatos Confirmationis Sacramento muniant, & in fide firmant ac roborant; quod non poterat Philippus, utpote quia tantum Diaconus & non Episcopus. Quò cum venissent duo illi primarii sacri cœtus Apostoli, statim oraverunt pro ipsis ut acciperent Spiritum Sanctum, imposuerunt eis manus, & sic Confirmationis Sacramentum administrarunt; quod totum manifestè narrat Lucas Act. cap. 8. vers. 1. & seq. præsertim vers. 14. ubi sic ait: Cum audissent Apostoli, qui erant Jerosolymis, quod recepisset Samaria verbum Dei, miserunt ad eos Petrum & Joannem. Qui cum venissent, oraverunt pro ipsis ut acciperent Spiritum Sanctum: nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum Sanctum, &c. Circa hoc Confirmationis Sacramentum hic à Petro & Joanne Samaritanis collatum, ut tenent communiter DD. contra Calvinum, qui negans Confirmationem esse Sacramentum, dicit illam manus impositionem fuisse meram orandi pro aliquo cæremoniam.

Quæritur utrùm Apostoli illi, hoc conferendo Sacramentum, usi fuerint chrismate, vel an illud sola manus impositione cum oratione contulerint.

Resp. duas esse oppositas DD. sententias, quarum utraque videtur probabilis.

Prima quæ est S. Thom. Bonavent. Scoti, Durandi, Paludani, Suarez & aliorum, tenet Apostolos hoc conferendo Confirmationis Sacramentum.

Appar. Annati T. II.

B

men-

3.
Pro definienda Petri & Joannis ad Samaritanas missione.

Qui illius Confirmationis Sacramentum

ministra-
runt, non
pura sed
chrismati-
ca manus
impositio-
ne.

mentum, nullum adhibuisse chrisma, sed solam manus impositionem, id-
que ex speciali Dei dispensatione: & ratio eorum est, quia cum tunc Spi-
ritus Sanctus visibiliter descenderet super confirmatos, nulla erat necessa-
ria unctio chrismatica, quæ esset signum unctionis internæ per Spiritus San-
cti descensum effectæ.

Secunda, quæ est Hugonis à S. Viçt. lib. 2. de Sacram. p. 7. §. 2.
Vvaldens. Corn. à Lap. & aliorum, tenet multò probabilius Apostolos
hoc Sacramentum Confirmationis numquam sine chrismate ministrasse;
idque sic ostendunt:

1. Quia numquam alia leguntur Apostoli administrasse Sacramenta
sine ordinaria & essentiali illorum materia; ergo nec dicendi sunt Con-
firmationis Sacramentum Samaritis ministrasse sine chrismate, ejus essen-
tiali materia à Christo instituta, & præsertim in Judæa, ubi est olei
& balsami copia ad conficiendum chrisma, & nulla urgeret causa, nul-
la necessitas.

2. Quia dicuntur Apostoli hoc Sacramentum Samaritis ministrasse per
manus impositionem; sed nomine impositionis manus rectè comprehen-
ditur unctio chrismatica, etiam si non exprimat, ut notat Hugo Viçt.
quia qui inungit, manus imponit: & cum familiare sit Scripturæ sacræ
res plures conjungi solitas per compendium enuntiare, una tantum ex-
pressa, ut ibid. dum Lucas ait Apostolos baptizasse in nomine Jesu Chri-
sti, non exprimendo alias personas, sed relinquens nobis illas simul intel-
ligendas, dicens Act. cap. 8. vers. 12. *In nomine Jesu Christi baptizaban-
tur viri ac mulieres.* Et cap. 19. vers. 5. *His auditis, baptizati sunt in no-
mine Domini Jesu.* Quasi dicat, baptizabantur, non baptismo Joannis,
non Phariseorum, sed Christi, in quo inter alias SS. Trinitatis personas
invocatur nomen Filii Dei, scilicet Christi: sic dum Lucas ibi dicit Apo-
stolos confirmasse per manus impositionem, non expressit unctionem
chrismaticam, sed nobis reliquit illam simul cum manus impositione
intelligendam; & re ipsa illam intellexit S. Cyprianus epist. 73. ad Ju-
bajanum, ubi sub nomine impositionis manus comprehendit & unctio-
nem chrismaticam, cum per illam intelligat Confirmationis Sacramen-
tum, quod non fit sine unctioe chrismatica, dum ait: *Id à Petro &
Joanne factum est, ut oratione pro eis habita, & manu imposita invocare-
tur & infunderetur super eos Spiritus Sanctus: quod nunc quoque apud nos
geritur, ut qui in Ecclesia baptizantur, præpositis Ecclesiæ offerantur, &
per nostram orationem ac manus impositionem Spiritum Sanctum consequan-
tur, & signaculo Domini consummentur.* Ubi S. Cypr. loquitur de Confir-
mationis Sacramento à Petro & Joanne in Samaria collaro, & de eo
quod ab Episcopis confertur hodie, & utrumque per manus impositio-
nem intelligit; ergo, &c.

Dices. In decreto Eugenii IV. pro instructione Armen. dicitur dari
nunc in Ecclesia Confirmationem loco impositionis manus Apostolorum;
& Innocent. III. cap. *Cum venisset* T. de S. unctioe, ait, per frontis
chrismationem designari manus impositionem Apostolorum; ergo idem
non faciebant tunc Apostoli manus imponendo, quod nunc confirmando
faciunt Episcopi. Resp. perm. ant. neg. conseq. hinc enim non sequitur,
quod id quod faciebant Apostoli tunc, distinguatur ab eo quod faciunt
nunc Episcopi, tanquam ritus à ritu; sed solum modus loquendi à modo
loquendi: volunt enim tantum dicere & Innocentius & Eugenius, quod
idipsum

idispum quod faciebant Apostoli, dum dicebantur manus imponere, faciunt nunc Episcopi, dum dicuntur confirmare; quasi dicant, quòd id quod tunc vocabatur manus impositio, vocatur nunc confirmatio, quamvis sit idem Sacramentum.

ARTICULUS IV.

De quarto Apostolorum Concilio, anno 37.

Pro edendo fidei per orbem predicanda Symbolo, & designandis unicuique predicantium regionibus.

Quamvis de Concilio isto nihil manifestè nobis ex Scriptura constet, ex perenni tamen & constanti PP. traditione liquet, Apostolos post Christi in caelos ascensum, antequam Ierosolymis discederent, & in dispersionem Gentium abirent, edidisse Symbolum fidei, quam per orbem Gentibus prædicarent; ut sic unius labii omnes & ubique forent, eoque fidei Symbolo quasi nota & signo dignoscerentur, qui verè Christum juxta regulas prædicarent Apostolicas. Neque enim est credibile Apostolos cæco more & casu Ierosolymis discessisse, & ad Gentes abiisse, quin prius simul convenissent de provinciis sive regionibus ad quas quique tenderent, sicut & de fidei articulis quos ubique Gentium annuntiarent. Verùm cum Symbolum edere istud, & de fide simul conferre non potuerint Apostoli, nisi fuerint simul alicubi collecti & conciliariter congregati, non immeritò concluditur à nobis eos Concilium celebrasse istud, antequam se per orbem dispergerent: sed quo in loco non constat, quia secretò & sub silentio ob metum Judæorum, & sævientis persecutione celebratum: unde & editum in eo Symbolum, quod Symbolum Apostolorum vulgò dicimus, parvumque *Credo* vocitamus, & sub silentio & secretò in Ecclesia recitamus.

Circa quod cum ex Symbolo Apostolorum vulgò dicto hoc quartum inferamus Apostolicum Concilium;

Queritur 1. Unde constat Symbolum Apostolorum vulgò dictum, esse verè ab Apostolis editum; hoc enim est probandum, & hoc negant Calvinus, Novatoresque cæteri.

Resp. Id constare 1. ex illa celebri S. Augustini regula lib. 5. de baptismo contra Donatistas dicente: *Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum rectissime creditur*: Atqui Symbolum Apostolorum vulgò dictum, est tale, ut semper fuerit retentum, nec ab ullo Concilio, ab ullo Pontifice, vel ab ullo auctore alio inveniat institutum vel editum; ergo Apostolica traditum auctoritate, hoc est ab Apostolis traditum & editum rectissime creditur.

2. Ex SS. Ecclesiæ Patribus, & præsertim, aliis omiſſis, ex S. Ambrosio epist. 7. sic ad Siricium expressè dicente: *Credatur Symbolo Apostolorum, quod Ecclesia Romana intemeratum semper custodit & servat*. Et ex S. Leone epist. 13. ad Pulcheriam sic loquente: *Siquidem ipsius Catholici Symboli brevis & perfecta confessio, quæ duodecim Apostolorum totidem est signata sententiis, tam instructa sit in omni munitione cælesti, ut omnes Hæreticorum opiniones suo ipsius possint gladio detruncari*.

⁴ Pro edendo fidei Symbolo.

Quòd Symbolum verè Apostolicum esse probatur.

3. Ex Ephesino œcumenico Concilio, in relatione ad Theodosium de Nestorii depositione sic dicente: *Fides inisio quidem à sanctis Apostolis tradita, postea verò à trecentis decem & octo Patribus in Metropoli Nicæna expressa*. Ex quibus, aliis omiſſis, & ex communi DD. mente ita constat Symbolum Apostolorum vulgò dictum, esse verè ab Apostolis editum, ut licèt hoc non sit de fide, temerarium tamen ad minus esset oppositum asserere, inquit Yzambertus, quia hoc communi PP. consensui & Traditioni repugnaret. Sed

Dices. Si Symbolum hoc esset ab Apostolis traditum, esset de Scriptura canonica; sed hoc est falsum, nec ullus PP. hoc umquam asseruit. Resp. dist. maj. si esset ab Apostolis scripto traditum, & id de fide constaret, essetque per Ecclesiam definitum; conc. Secis, neg. maj. sic conc. min. & neg. conseq. quia licèt sit certum, Symbolum hoc verè esse Apostolicum, tamen non est ab his scripto traditum, nec est de fide quòd sit ab illis traditum, nec ullibi per Ecclesiam definitum, ac proinde non potest esse de Scriptura canonica, cum Scriptura canonica sit scripto tradita, & de fide est quòd sit ab auctoribus sacris.

Instabis. Si Symbolum illud esset ab auctoribus sacris, puta ab Apostolis, Lucas Apostolorum acta describens, vel aliquis ex Apostolis, vel Evangelistis alius mentionem illius alicubi fecisset; atqui nec Lucas, nec ullus alius ex his illius ullibi mentionem fecit; ergo, &c. Resp. 1. neg. maj. quia sunt & alia quæ Apostoli fecere, & quorum non meminit Lucas; nec tamen inde falsa censerì debent; Lucas enim nullam de adventu Petri Romam mentionem facit; ergone inde falsus ille Petri Romam adventus? Resp. 2. dist. si Symbolum illud esset ab Apostolis scripto traditum; conc. Si ore tantum sit in aurem traditum; neg. maj. & sic concessa min. neg. conseq. quia Symbolum hoc fuit ab Apostolis non scripto aliquo, sed ore & fidelium memoria traditum, ut expressè docet S. Hieron. epist. 6. ad Pammachium, dicens: *Symbolum fidei & spei nostræ quod ab Apostolis traditum, non scribitur in charta aut atramento, sed in tabulis cordis carnalibus*.

Urgebis. Si Symbolum hoc esset verè sive ore sive scripto ab Apostolis traditum, esset ubique idem, nedum quoad sensum, sed etiam quoad verba & verborum dispositionem; atqui non est ubique idem quoad verba; nam in antiquo vulgari Romano primus articulus sic legitur: *Credo in Deum, Patrem omnipotentem, creatorem cali & terre*: In Orientali verò Symbolo sic legitur: *Credo in unum Deum, Patrem omnipotentem*; & in Aquilejensi Symbolo sic: *Credo in unum Deum, Patrem omnipotentem, invisibilem & impassibilem*; ergo, &c. Resp. dist. maj. esset ubique idem etiam quoad verba, si integrum & intemeratum fuisset ubique servatum; conc. Secis, neg. maj. & sic concessa min. neg. conseq. quia non est ubique servatum integrum & intemeratum quoad verba, sed ei sunt interdum addita aliqua, majoris explicationis gratia: unde est orta quibusdam occasio dicendi, Symbolum hoc esse quidem verè Apostolicum, seu ab Apostolis editum quoad sensum & doctrinam, sed non quoad dispositionem & verba.

ARTICULUS V.

De quinto Apostolorum Concilio, anno 51.

Pro definienda Antiochia suborta questione de Circumcisione, legalibusque servandis aliis à Gentibus ad Christum conversis.

CONSTAT ex Actuum cap. 15. vers. 1. 2. & seq. quòd cùm Antiochiæ acris esset orta contentio, & celebris illa agitata quæstio, an scilicet præter Euangelicam Christi legem, Gentiles ad Christum jam conversi tenerentur insuper circumcidi, cæteraque servare legalia & judaizare. Id mordicus affirmabant Judæi, præsertim Cerinthus & Ebion, qui de Judæa descendentes Antiochiam, Gentiles illos jam ad Christum conversos turbabant, subvertentes eorum animas, & docentes inter alia: *Fratres, nisi circumcidamini, non potestis salvari.* Contendebant enim illi solis Judæis promissum ac missum esse Messiam, ejusque gratiam & salutem, ac proinde Gentiles nec Messiz, nec Christianismi capaces esse, nisi prius circumciderentur & sicerent Judæi. Christiani verò, & præsertim Paulus & Barnabas econtra illos ad circumcisionem, cæterasque legis Mosaicæ cæremonias minimè teneri, illisque ad salutem Evangelium sufficere dicebant. Ad littem hanc dirimendam, Jerusalem ad Apostolos & Seniores mittitur statim cum Barnaba Paulus ex una parte; mittuntur ex aliis, hoc est ex altera parte quidam alii: quòd cum pervenissent, illic conveniunt Apostoli, & Seniores videre de verbo hoc; & Concilium istud Jerosolymis celebrant anno à Christo nato 51. à Christo passio 16. & à Paulo converso 14. Quo in Concilio ex Apostolicis omnium celeberrimo, & cæterorum subsequenti archetypo, magna conquisitione facta, unanimi omnium suffragio, incipiente Petro, & dirigente Spiritu Sancto, resoluta quæstio, & definitum Gentes ad Christum conversas seu Christianos nec ad circumcisionem teneri, nec ad cæremoniales Mosaicæ legis observantias alias, nihilque ultra eis imponendum esse, quàm ut abstineant ab immolatis simulacrorum, à sanguine, à suffocato & fornicatione: idque ut eis, præsertim Antiochiæ degentibus, eorumque viduis notum facerent, hanc eis per Judam & Silam, Synodicam miserunt epistolam.

^{5.} Pro definienda quæstione de legalibus servandis vel non servandis, Antiochiæ suborta.

Apostoli & Seniores fratres, his qui sunt Antiochia, & Syria, & Cilicia, fratribus ex gentibus, salutem Quoniam audivimus quia quidam ex nobis exeuntes, turbaverunt vos verbis, evertentes animas vestras, quibus non mandavimus: placuit vobis collectis in unum, eligere viros, & mittere ad vos, cum charissimis nostris Barnaba & Paulo, hominibus, qui tradiderunt animas suas pro nomine Domini nostri Jesu Christi. Missimus ergo Judam & Silam, qui & ipsi vobis verbis reserent eadem. Visum est enim Spiritui Sancto, & nobis, nihil ultra imponere vobis oneris quàm hæc necessaria: ut abstineatis vos ab immolatis simulacrorum, & sanguine, & suffocato, & fornicatione; à quibus custodientes vos, bene agatis. Valete.

Queritur 1. cur, & quo jure, hoc in Concilio (quod futurum erat exemplar & norma subsequenti) interfuere nedum Apostoli, sed etiam Seniores, seu Presbyteri, qui nullum in Conciliis habent jus suffragii. Resp. interfuisse quidem hoc in Concilio, sed diverso modo nedum Apostolos seu Episcopos, sed etiam Seniores sive Presbyteros, imò & Laicos,

Huic Concilio interfuere Episcopi, Presbyteri, & Laici, sed diverso modo.

ut constat ex illo ejusdem cap. 15. vers. 22. ubi dicitur : *Tunc placuit Apostolis & senioribus cum omni Ecclesia, eligere viros ex eis; placuit Apostolis, en Episcopos; & Senioribus, en Presbyteros; cum omni Ecclesia, en Laicos* : hi enim omnes interfuere, modo tamen valde diverso; Apostoli siquidem seu Episcopi interfuere, ut judicarent & definirent; Seniores seu Presbyteri, ut consultarent & inquirerent; Laici verò ut tacerent & acquiescerent. Episcopi interfuere ut judices : unde est quòd Jacobus dixerit vers. 19. *Propter quod ego judico*. Presbyteri interfuere ut consultores & inquisitores, unde vers. 7. dictum : *Cum autem magna conquisitio fieret*. Laici ut auditores, ut tacerent & definitis acquiescerent; unde & ibidem vers. 12. dictum : *Tacuit autem omnis multitudo*. Et hoc idem deinceps in cæteris Conciliis fieri consuetum : Episcopi enim, cæterique si qui sint habentes ex consuetudine vel privilegio suffragium decilivum, interfunt ut judicent & definiant; alii verò doctores Theologi sive sæculares sive regulares, ut consultant & inquireant; Laici verò cæteri, ut taceant & decisionibus acquiescant.

Quæritur 2. quinam ex Apostolis huic interfuerint Concilio; non enim tunc omnes erant Jerosolymis, sed jam per orbem dispersi. Resp. 1. esse qui velint, tres primarios, videlicet Petrum, Jacobum & Joannem interfuisse, cæteris per orbem dispersis : Petrum, quia expulsus Roma cum cæteris Judæis redierat Jerosolymam : *Ed quòd præcepisset Claudius discendere omnes Judeos à Roma*, ut habetur Act. cap. 18. vers. 3. Jacobum verò, quia Jerosolymorum Episcopum; & Joannem, quia ab Epheso facile vocari poterat. Resp. 2. esse alios qui tenent cum Clem. lib. 6. Const. omnes 12. per orbem dispersos, Jerusalem institutu Dei ad hoc Concilium venisse Apostolos : & hoc falsum esse patet ex eo quòd *Jacobus* major, unus è 12. jam obierat, occisus ab Herode anno 44. Unde resp. 3. probabilius esse omnes alios præter Jacobum, ad hoc Concilium Dei revelatione venisse Apostolos; idque ita non solum quia id innuit præfatus Clem. Rom. Const. liber, sed quia id de se expressè docet Paulus ad Galat. cap. 2. vers. 1. & 2. dum ait : *Deinde post annos quatuordecim, iterum ascendi Jerosolymam cum Barnaba, assumpto & Tito. Ascendi autem secundum revelationem; & contuli cum illis Evangelium, quod prædico*. Si ergo Dei revelatione monitus post 14. annos à sua conversione, hoc est anno Christi 51. ad hoc Concilium Jerosolymam venit Paulus cum Barnaba, cur non simili revelatione moniti ad illud venisse putandi sunt Apostoli cæteri ad hoc Concilium, quod erat futurum exemplar & norma subsequantium, & in quo erat contra Judaismum Christianismi definienda causa?

Quæritur 3. cur ea quæ hoc in Concilio fuere decisa & præcepta, non observantur hodie; fuit enim decisum & præceptum ut Christiani abstinerent à sanguine & suffocato, & tamen nullus est qui hoc observet hodie, imò & à multis centenis annis, cum S. Aug. expressè dicat lib. 32. contra Faustum, jam hoc suo tempore non observari : *Quis jam hoc Christianus observat, ut vel minutiores apiculas non attingat, nisi quarum sanguis effusus est, aut leporem non edat, si manu à cervice percussus nullo cruento vulnere occisus est*? Resp. mirum non esse, si jam à multis annis per non usum sive per non observantiam abolita sit lex de abstinentia à sanguine & suffocato; cum jam à multis ejus cessaverit causa, & cessante causa cesset effectus. Ideò enim lata fuerat hæc lex, ut facilius conciliarentur Gentiles

tiles cum Judæis, & simul habitantes in unum populum coalescerent, sublati hisce causis quibus præsertim ab invicem diffociari & alienari possent, qualis erat esus sanguinis & suffocati, à quo propter antiquam consuetudinem vehementer abhorrebant Judæi; & esus eorum quæ fuerant simulacris immolata, erat eisdem scandalum, quia putabant hoc esse argumentum sive signum idololatriæ: & cum jam Judæorum & Gentilium discordia desierit, & utrique in unam Ecclesiam Christi plenè coaluerint, non mirum si communi Occidentalis Ecclesiæ consensu sit antiquata lex illa de abstinentiâ à sanguine, à suffocato & ab immolatis simulacrorum.

ARTICULUS VI.

De sexto Apostolorum Concilio, anno 58.

Pro hortandis Ecclesiæ Ephesinæ Senioribus, ad Ecclesiam summa cum vigilantia regendam.

Concilium istud particulare, etsi non fuerit propriè Apostolorum conventus, Apostolicum tamen dico, quia à Paulo Apostolo pro Ecclesiæ bono & Christi gloria, Mileti coactum & habitum anno Christi 58. Constat enim ex Act. cap. 20. vers. 17. & seq. quòd cum Paulus Epheso discedens, & Jerosolymam ad vincula tendens, per varias Asiæ & Græciæ urbes pergeret in Macedoniam, inde Troadem, & Troade Miletum: *A Mileto autem mittens Ephesum, vocavit majores natu Ecclesiæ; qui cum venissent ad eum & simul essent*, sciens quòd eos non amplius visurus esset, dixit eis inter alia multa, ultimum vale, & impensè mandavit eis, ut Ecclesiam summa cum vigilantia regerent, & credito sibi Christi gregi indefessè vigilerent, dicens: *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo. Ego scio quoniam intrabunt post discessionem meam lupi rapaces in vos, non parcentes gregi; & ex vobis exurgent viri loquentes perversa, ut abducant discipulos post se: propter quod vigilate, &c.* Circa quod à Paulo indictum particulare Seniorum Ecclesiæ Ephesinæ Concilium,

Quæritur, quinam sint hi natu majores Ecclesiæ Ephesinæ, scilicet quos ibi Paulus vocat Episcopos; non enim plures erant, nec esse poterant unius Ephesinæ civitatis Episcopi, sed unus tantum, videlicet *Timotheus*, quem non convocat Paulus, quia ille jam erat cum Paulo, ut constat ex vers. 14. Resp. illos natu majores Ecclesiæ, esse Ecclesiæ Seniores seu Presbyteros, quos Paulus ideo ibi vocat Episcopos, quia tunc Presbyteri invigilabant Ecclesiæ, eamque regebant simul cum Episcopo; unde inspectores & speculatores, sive Episcopi dicebantur ut ille, licet illo semper dignitate & potestate minores & inferiores; idque confirmatur ex eo quòd idem Paulus ad Philipp. scribens cap. 1. vers. 1. dum salutat Clerum Philippensem, & nominatim Presbyteros & Diaconos, Presbyteros pariter vocat Episcopos, dicens: *Omnes sanctis in Christo Jesu, qui sunt Philippi, cum Episcopis & Diaconibus.* Ubi per ly *cum Episcopis* intelligit Presbyteros; non enim potest intelligere Episcopos propriè

6.
Pro hortandis Ephesinæ Ecclesiæ primoribus ad summam pro Ecclesiâ vigilantiam.

dictos, quia non plures erant, nec simul esse poterant Episcopi in eadem civitate Philippenſi, sed unus tantum, quem ibi non intelligit nec salutat Paulus, quia is erat Epaphroditus huiusce ad Philippenſes lator epistolæ, inquit apud Corn. à Lap. Theodoretus. Resp. 2. esse DD. qui tenent Paulum plures re ipsa vocasse Episcopos alios, præter Seniores seu Presbyteros Ephesi, nimirum aliarum Ephelinæ provincię civitatum Episcopos; idque videtur innuere Paulus ipse, dum Act. cap. 20. vers. 30. sic ait: *Nunc ecce scio, quia amplius non videbitis faciem meam vos omnes per quos transivi, prædicans regnum Dei.* Idque expressius asserit S. Irenæus lib. 3. cap. 14. dicens: *Paulus in Mileto convocatis Episcopis & Presbyteris, qui erant ab Epheso, & à reliquis proximis civitatibus, multa testificans eis adjecit, &c.*

Instabis. Si invigilabant olim Presbyteri Ecclesiæ curæ cum Episcopo, & dicebantur Episcopi sicut ille; ergo æquales Episcopis erant, suntque adhuc hodie Presbyteri, ut contendebant Acrius & Vvicleſſus. Resp. neg. conſeq. quia licet & nomen & ollicium Episcopi esset tunc commune Sacerdotibus, tam majoribus quàm minoribus, hoc est tam Episcopis propriè dictis, quàm Presbyteris, numquam tamen utrisque fuit æqualis concessa potestas: numquam enim Sacerdotibus minoribus seu Presbyteris fuit collata potestas consecrandi Ecclesiæ ministros, & Presbyteros alios ordinandi, sicut nec Confirmationis Sacramentum administrandi, ut ministros ejus ordinarios; quam tamen semper habuere majores Sacerdotes seu Episcopi propriè dicti; ac proinde potestate & dignitate numquam Episcopis æquales fuere Presbyteri. Idque ita certum est, ut oppositum asserens, Tridentinum incurrat anathema, dicens sess. 23. can. 7. *Si quis dixerit, Episcopos non esse Presbyteris superiores, vel non habere potestatem confirmandi & ordinandi; vel eam, quam habent, illis esse cum Presbyteris communem; anathema sit.*

ARTICULUS VII.

De septimo Apostolorum Concilio, anno 58.

Pro tollenda Gentilismi suspitione, de Paulo à Judæis concepta.

7.
Pro tollenda Gentilismi suspitione, de Paulo à Judæis concepta.

Paulus licet natione Judæus, & pro Judaismo in Christianos olim totus spirans minarum & cædis, cum post conversionem jam vas electionis, Christi prædicator Euangelii, & omnibus omnia factus esset, ut omnes sive Judæos sive Gentiles ad Christum converteret, Judæorum iras & odium in se convertit; à quibus ut se immuni faciat, Judæorumque suspitionem omnem à se procul repellat, Jacobum Jerosolymorum Episcopum adit, à quo inquirat, quid sibi opus facto iudicet. Cujus rei dyndicandæ gratia, apud Jacobum collecti sunt Seniores omnes; sicque si non Concilium propriè dictum, saltem conventum habuerunt aliquem eodem anno 58. in quo actum est de modo sive via, qua Paulus Judæorum iras & odium effugeret, illorumque de se conceptam Gentilismi suspitionem removeret; & unanimiter judicatum ac decissum, ut hunc in finem Paulus se Judæorum more purificaret sive sanctificaret, seu Nazareatus votum exsolveret: idque totum constat ex Act. cap. 21. vers. 18. & seq. ubi sic legitur:

Sequenti autem die introibat Paulus nobiscum ad Jacobum, omnesque collecti sunt Seniores. Quos cum salutasset, narrabat per singula, quæ Deus fecisset in Gentibus per ministerium ipsius. At illi cum audissent, magnificabant Deum, dixeruntque ei: Vides, frater, quot millia sunt in Judæis, qui crediderunt, & omnes sunt amulatores legis. Audierunt autem de te quia discessionem doceas à Moyse eorum, qui per Gentes sunt, Judæorum: dicens non debere eos circumcidere filios suos, neque secundum consuetudinem ingredi. Quid ergo est? utique oportet convenire multitudinem: audient enim te supervenisse. Hoc ergo fac quod tibi dicimus: Sunt nobis viri quatuor, votum habentes super se. His assumptis, sanctifica te cum illis: & impende in illis ut radant capita: & scient omnes quia quæ de te audierunt, falsa sunt, sed ambulas & ipse custodiens legem, &c. Circa hoc

Quæritur 1. quænam fuerit illa Pauli purificatio sive sanctificatio, de qua ibi dictum est illi vers. 24. *Sanctifica te cum illis.* Resp. varios varia circa purificationem illam opinari; nam 1. censet Vatablus apud Corn. à Lap. & alii cum illo, purificationem illam fuisse votum Nazareatus, quod tunc vel inchoaverit vel expleverit Paulus, ut Judæos sibi reconciliaret, illi scilicet de discessionem à Moyse non prædicare suaderet. Nazareatus enim vocabatur purificatio & sanctificatio, 1. quia Nazaræi à vino & sicera se abstinabant, erantque Deo consecrati. 2. Quia Nazareatus suscipiebant, ut luxum præteritum castigarent, & ab eo se purificarent. 3. Quia in fine Nazareatus purificabant se, offerentes victimam pro peccato, ut scilicet expiarent defectus tempore Nazareatus in voti observatione contractos: unde hæc Pauli purificatio fuit, Pauli præsertim comæ expleto jam voto cremandæ, inquit Arias: quasi dicat, quod Paulus purificavit se, suam comam deponendo, & post oblatas hostias cremando in atrio templi, juxta legem Num. c.6. v.18. 2. Cajetanus tenet Paulum non fuisse Nazaræum, nec Nazareatus solvisse votum, quia recens venerat, & ibi nulla fit voti mentio; sed Paulum se junxisse quatuor illis Nazareatus votum habentibus, pro oisque expensas fecisse, & quasi patrum eos in templo presentasse; sicque publice Judæis declarasse, se Nazaræorum & Judæis & Judæorum patrum ac patronum, & non à lege Apostatam esse: idque infert Cajetanus ex illo vers. 24. *Et impende in illis ut radant capita.* Liranus tamen & alii tenent Paulum fuisse Nazaræum, sumique votum hic explese; illudque indicari ex illo vers. 24. *Sanctifica te.* 3. Sanchez verisimilius tenet hanc Pauli purificationem fuisse propriè dictam, quia in Græco sic eam semper vocat Lucas, sive Paulum habentem votum Nazareatus contactu mortui fuisse pollutum, & ab hac immunditia legalitè se purificasse, radendo illic caput, & purificatum octava die adiisse templum, ut ibi annuntiaret, & exploret victimis oblati purificationem suam, ut habetur Num. cap.6. vers.9. sicque ostendisse Judæis se legem non damnare, sed servare.

Quæres 2. in quo consistebat Nazareatus, seu illud Nazareatus votum. Resp. Nazareatus votum situm fuisse præsertim in abstinendo à vino & in alenda conia, eaque postea in fine voti, seu peracto voti tempore radenda, Deoque consecranda, & in holocaustum in templo cremanda, ut constat ex Num. toto capite 6. Quod si coma illa contaminaretur per finis aliquod, aut per morticini contactum, tenebatur Nazaræus, seu Nazareatus votum habens tondere comam quasi pollutam, & de novo Nazareatus sui tempus inchoare: quod quia sæpè contingeat, ideo votum illud per plures annos sæpè durabat.

Nazaræi enim erant apud Judæos viri religiosi, qui ut liberius vacarent legi & rerum divinarum meditationi, aliorum commercio se abdicabant; & hi Nazaræi erant quasi contemplantes; vel qui cum profusius vino & reliquis deliciis usi fuissent, postea abstinentiæ & severioris vitæ generi se mancipabant, ut corpus affligerent, & hi Nazaræi pœnitentes erant; & utrique hoc vitæ genus eligeant, vel pro semper, vel ad tempus; unde quidam erant votum perpetuum habentes, ut Samuel 1. Reg. cap. 28. & Samson Jud. cap. 12. vers. 7. quidam verò ad tempus tantum, ut Paulus Act. cap. 21. vers. 23. & utrique tenebantur sinere promissam excrescere comam, in qua intonsa, præcipua sita erat Nazaræotum cæremonia, ut colligi potest ex toto libri Numerorum cap. 6. ubi describuntur Nazaræorum ritus & consecratio.

ARTICULUS VIII.

De octavo, sive Antiocheno Apostolorum Concilio, anno 57.

Pro sedandis, ut dicitur, controversiis Antiochiæ subortis.

8.
Sed sup-
posititum
Apostolo-
rum Con-
cilium.

Eruntur & aliud Antiochiæ celebrasse Concilium Apostoli anno Christi 57. ad sedandas controversias eo in loco subortas, ibique 9. edidisse Canones, in Origenis bibliotheca postea repertos à Pamphilo Martyre, ut post Baronium & Binium refert Franc. Turrianus S. J. in 1. suo adversus Magdeburgenses libro, pro defensione Canonum Apostolorum, Decretaliumque Pontificum edito, & quos Canones sic in compendium digestos enumerat.

CANON I.

A quo
editi Cano-
nes octo.

Statuit, ut credentes in Dominum Jesum, qui tunc dicebantur discipuli, dicerentur deinceps Christiani, *ut habetur Act. cap. 11.*

CANON II.

Nē ille qui semel esset baptizatus, Judaico more circumcideretur.

CANON III.

Ut omni nationi ad Ecclesiam pateret aditus, nec ullus excluderetur à Religionem Christianam.

CANON IV.

Erat de vitanda avaritia & quæstibus iniquis à viris Ecclesiasticis.

CANON V.

De vitio gulæ coercendo, de abstinendo à juramento, & de ludorum theatralium curiositate vitanda.

CANON VI.

Erat de scurrilitate vitanda, Gentiumque moribus fugiendis.

CANON VII.

Præceptum Jerosolymitani Concilii de abstinencia à sanguine & suffocato confirmat.

CA.

CANON VIII.

Ne decipiantur salvati ob idola, sed pingant ex opposito divinam humanamque veri Dei ac Christi salvatoris effigiem, ipsiusque servorum, ne errent in idolis, neque fiant similes Judæis.

CANON IX.

Denique erat de non admittendo à Judæis perperam usitato ciborum delectu.

Sed Concilium istud cum suis Canonibus, ut supposititium & apocryphum reputant eruditi non pauci, 1. quia in Actibus Apost. nulla ejus reperitur mentio. 2. Quia nulla ejus memoria, nullumque vestigium ejus invenitur in vetustis historiæ Ecclesiasticæ libris. 3. Quia *Hincmarus* Rem. nono scribens sæculo, & Apostolorum Synodos sive Concilia recensens omnia, istius Antiocheni nullam mentionem habet.

Dices. Innocentius I. epist. 18. de Antiochena loquens Ecclesia, ait : *Ibi & nomen accepit Religio Christiana, & conventum Apostolorum apud se fieri celeberrimum meruit*; ergo Antiochiæ ab Apostolis habitum est Concilium aliquod, videlicet istud. Resp. perm. ant. neg. conseq. quia hæc Innocentii verba non significant Antiochiæ habitum ab Apostolis Concilium aliquod, sed solum Concilium Apostolorum Jerosolymis habitum, pro decidenda de legalibus quæstione, celeberrimum fuisse apud Antiochenos, 1. quia in eo actum est de controversia Antiochiæ suborta. 2. Quia Antiochena Ecclesiæ rogata convocatum. 3. Ex illo missa est Synodica epistola ad Antiochiæ fratres ex gentibus conversos. 4. Quia dici potest aliqualem Apostolorum Conventum Antiochiæ factum, eumque celeberrimum dici, quatenus Judas & Silas è Jerosolymitano Concilio missi Antiochiam cum Paulo & Barnaba venerunt, non ut ibi Concilium haberent, sed ut datam à Concilio deferrent epistolam, & de cæteris in Concilio gestis ipsos Antiochiæ fratres instruerent, juxta illud Act. cap. 15. vers. 27. *Misimus ergo Judam & Silam, qui & ipsi vobis verbis referent eadem*.

Instabis. Octavus hujus Concilii Antiocheni Canon de sacris Imaginibus, citatur in II. Nicæno œcumenico Concilio; ergo genuinus ille Canon, ac proinde genuinum & Concilium illud Antiochenum. Resp. dist. ant. citatur in Concilio II. Nicæno ab aliquo particulari, & sine fundamento; conc. & probatur à Concilio Nicæno II. & cum fundamento; neg. ant. & conseq. quia non sequitur illum Canonem genuinum esse, licet citetur ab aliquo particulari & sine fundamento, qualis fuit Gregorius Pessinuntis Episcopus istum citans Canonem, & malè citans ac sine fundamento; cum, ut visum est, nullum reperiatur apud veteres Concilii vestigium.

SECTIO TERTIA.

De œcumenicis Ecclesiæ Conciliis.

Cum generalia reperiuntur plura habita in Ecclesia Concilia, nec tamen œcumenica omnia; quandoquidem, ut visum est supra, licet omne Concilium œcumenicum generale sit & universale, non vicissim omne generale propriè vocatur œcumenicum, nisi fuerit approbatum & pro œcumenico in Ecclesiam receptum. Ideo ut probata à non probatis, & spuria fecernantur à legitimis & œcumenicis, sit

ARTICULUS PRIMUS.

Quæ & quot fuerint œcumenica Concilia.

Licet de Conciliorum œcumenicorum numero non convenienter eruditi communiter omnes, & alii plura, alii pauciora esse contendant; nihilominus ut rei veritas pateat,

CONCLUSIO.

Concilio-
rum œcu-
menicorum
numerus &
ordo,

Dico, inter œcumenica Concilia recenseri potissimum ista, quorum alia Orientalia & Occidentalia alia.

Orientalia sunt, *Nicænum I.* sub Silvestro Papa contra Arium; *Constantinopolitanum I.* sub Damaso contra Macedonium; *Ephesinum I.* sub Cœlestino contra Nestorium; *Chalcedonense* sub Leone I. contra Dioscorum & Eutychem; *Constantinopolitanum II.* sub Vigilio, pro tribus Capitulis; *Constantinopolitanum III.* sub Agathone contra Monothelitas; *Nicænum II.* sub Adriano I. contra Iconomachos; *Constantinopolitanum IV.* sub Adriano II. contra Photium.

Occidentalia verò sunt, *Lateranense I.* sub Callisto II. pro tollendis inter Papam & Imperatorem dissidiis; *Lateranense II.* sub Innocentio II. contra Petrum Leonem; *Lateranense III.* sub Alexandro III. pro Ecclesiæ disciplina, & contra Albigeneses; *Lateranense IV.* sub Innocentio III. contra Almaricum, aliosque hæreticos, & pro Terra Sancta recuperanda; *Lugdunense I.* sub Innocentio IV. pro expeditione ineunda, ad recuperanda veneranda Terræ Sanctæ loca; *Lugdunense II.* sub Gregorio X. contra Græcorum errores, & pro illorum ineunda cum Latinis unione; *Vienneuse* sub Clemente V. contra Begardos & Beguinas, & depravatos Templariorum mores; *Constantiensis* quoad ea, quæ fuere approbata per Martinum V. *Florentinum* sub Eugenio IV. pro debellandis Græcorum erroribus, ipsisque Græcis cum Latina uniendis Ecclesiæ; *Lateranense V.* sub Julio II. & Leone X. contra Conciliabulum Pisani, pro extinctione schismatis, reformatione Ecclesiæ, Christianorum Principum inter se diligantium concordia, & promovenda in Mahometanos expeditione bellica; *Tridentinum* denique, sub Paulo III. Julio III. & Pio IV. contra Lutheri & Calvini, eorumque sequacium novatorum hæreses, & ad reformandos Cleri populi que mores.

Objicies. Constantinopolitanum I. œcumenici Concilii conditiones non habet, cum non fuerit à Romano Pontifice Damaso convocatum, cum in eo non præfuerit ipse Damascus neque per se neque per Legatos, & in eo soli interfuerint Orientales Episcopi; ergo œcumenicum dici nequit. Resp. neg. ant. & conseq. Ratio est, quia Concilium istud considerari debet non præcisè ut Orientale fuit, sed ut moraliter junctum cum Occidentali Concilio, tunc & eodem tempore à Damaso Romæ celebrato; sic enim spectatum est moraliter unum cum illo, seu unum resultans ex illis duobus in eandem fidem & sententiam conspirantibus, quodque ut sic œcumenici conditiones habet, & ut œcumenicum est à Damaso & à tota Occidentali Ecclesiâ receptum. Resp. 2. Esto non fuerit

fuerit œcumenicum ratione convocationis, est saltem œcumenicum ratione confirmationis & approbationis, cum sit sub Damaso Papa ab œcumenica probatum & receptum Ecclesia, & unum ex iis quatuor quæ S. Gregorius Magnus in Synodo Romana confirmavit, & ut quatuor Evangelia sacra se venerari dixit.

ARTICULUS II.

De Concilio Nicæno primo, anno 325.

Sub Silvestro primo Romano Pontifice, pro Filii Dei divinitate tuenda contra Arium : determinando festi Paschalis die contra Quartodecimanos : & sedando Meletii schismate contra Meletium.

Brevis
& historica
primi Nicæni
Concilii
summa.

Cum imperante Flavio Constantino Magno, Alexander vir sanctissimus post Petri & Achille decessum, Alexandrinus fuisset electus Episcopus anno juxta Hieronymum 321. id ægrè ferens Arius Presbyter Alexandrinus, ambitionis & invidiæ stimulis agitatus, Alexandri vitam cum non posset, doctrinam impugnare decrevit, & novum ac impium cœpit in vulgus de Filio Dei disseminare dogma, dicens ; *Erat aliquando, quando non erat, ex non extantibus factus est, non de Patris substantia genitus ex tempore, non ab æterno, haudquaquam Deus verus de Deo vero, sed ex nihilo creatus, minor Patre, voluntate naturaque mutabilis.* Quæ, aliaque id genus impiè delirans & seminans, multis calamitatibus diu Catholicam afflixit Ecclesiam. Hunc blandis & amicis cohortationibus ad saniorē mentem reducere conatur Alexander, sed frustra : magis econtrā furit in dies, & sui sceleris socios aggregat quoscunque potest ; ipsos etiam Ecclesiarum Pastores vertit in Lupos, & Eusebium in primis Nicomediensem Episcopum sibi patronum allicit. Alexander crescenti periculo quærens remedium, coacta ex Libya & Ægypto centum Episcoporum Synodo, Arium & sequaces anathemate ferit : at Arius qui in Palæstina apud Eusebium Nicomedie exulabat, alio in Arianorum Concilio Eusebii factione in Bithynia coacto, in Ecclesiæ communionem recipi jubetur, & ex hoc magis invalescere Ariana cœpit hæresis.

Eodem tempore erat intestinum aliud, quo afflicta gemebat Ecclesia ; malum, auctore Meletio Lycopoleos in Ægypto Præfule, quem multis convictum criminibus, eoque potissimum quod idolis sacrificasset, cum Petrus Alexandrinus Episcopus & Martyr in frequenti Episcoporum Synodo de sede detrussisset Episcopali ; is rem iniquè ferens, non modò Petrum ipsum ejusque successores Achillam & Alexandrum scdissimis criminationibus oneravit & opprobriis, sed etiam hæresiarcha & ductor factus eorum, qui Meletiani fuere deinceps vocati, tota ferè bacchatus in Ægypto, manus imponendæ facilitatem perperam usurpans & temerè, multisque per civitates Diaconis, Presbyteris & Episcopis creatis, pernicioso schismate catholicam discindebat Ecclesiam.

Ad illos Arii & Meletii tumultus accedebat & alia gravis & inveterata dissensio, ab Asiaticis orta Præsulibus, qui non Dominico die, quo à mortuis surrexit Christus, sed ipsa decima quarta primi mensis luna, in quemcunque incidisset diem, Judaico ritu Pascha celebrabant. Hunc ritum

ritum ut Apostolicæ traditioni dissonum, variis decretis jamdudum damnaverant *Visitor* Rom. Pontifex & Martyr Romæ, *Theophilus* Cæsariensis in Palæstina, & *Irenæus* in Gallia.

Sed cum his remediis non magis Asiæ, quàm Meletius & Arius ad sanio rem mentem rediissent, *Silvester* Romanus Pontifex, & Imperator *Constantinus* ut iis malis laboranti subvenirent Ecclesiæ, hoc generale Nicææ in Bithynia celebrandum indixere Concilium, anno Christi 325. Imperii Constantini 20. & Silvestri Pontificatus 12. juxta Baronium ad annum 325. Silvester quidem suo consensu, consilio, & auctoritate Pontificia; Constantinus verò sua cura, subsidio & opera; Silvestri enim Romani Pontificis assensu, & ejus, Alexandrique Alexandrini Præsulis per literas hortatu, ad expensas faciendas inductus pius Imperator, Episcopos ex universis terræ partibus Nicæam urbem Bithyniæ Metropolim convocavit, ubique paratis ad itinera vehiculis; eoque venire, *Athanasio* oculato teste in epist. ad *Jovinian. Imp.* præter Diaconos & Presbyteros numero multos, Episcopi trecenti decem & octo; hique, ut ex Concilii subscriptionibus constat, Orientales omnes, præter tres S. Sedis Legatos, videlicet *Osium* Cordubensem ex Hispania Præsulem, *Vitum* & *Vincetium* urbis Romæ Presbyteros, & *Nicasium* è Gallia Diniensem Episcopum.

Hos inter venerandos Concilii Patres, præter Sedis Apostolicæ Legatos totius agminis ductores & præfides, eminere plures alii vitæ sanctitate & eruditione celebres, quales fuere 1. *Alexander* Sedis Alexandrinæ Patriarcha cum suo Diacono *Athanasio*, vir innumeris ferè Sanctorum elogiis prædicatus; qui primus omnium in Arii blasphemias sublime vexillum erexit. 2. *Eustathius* Antiochenus, celeberrimus fidei confessor pro fide exilium passus, & demum in exilio vita functus. 3. *Macarius* Jerosolymitanus fidei defensor, & Ariæ perfidiæ insectator accerrimus. 4. post sequebatur *Potamion* Heracleensis in Egypto ad Nilum Episcopus, insignis fidei confessor, ob testimonium Christi altero orbatu oculorum. 5. *Paphnutius* Thebaidos superioris Episcopus, vir Apostolicis clarus miraculis; qui verbo Dæmones fugabat, ægros oratione sanabat; quique sæviæ persecutione, altero privatus est oculo, & sinistro truncatus poplite; quemque tanti faciebat *Constantinus*, ut avulsam ejus pro fide oculum avidis sæpè demulceret osculis. 6. *Spiridion* Tremithuntis in Cypro Episcopus, mirabilium patrator egregius; qui ob insignem fidei confessionem, post dextrum avulsam oculum & sinistram succisum genu, ad metalla damnatus olim. 7. *Paulus* Neocæsariensis, qui Licinii persecutione sæviæ, pro fide, manu virilique membro, candente ferro semiustus; de impietate prostrata victor extitit. 8. *Jacobus* Nisibenus in Mesopotamia Præsul verè Apostolicus, doctrina & scripto celebris, mortuorum suscitator & fidei defensor insignis. 9. *Leontius* Cæsareæ Cappadociæ Antistes, vir Angelicæ vitæ & spiritu Prophetico celebris; qui dum iter haberet ad Concilium, Gregorii Nazianzeni patrem & baptismo lustravit, & futurum denuntiavit Episcopum, teste Greg. Naz. in iun. patr. 10. *Nicolaus* Myræ in Lycia Episcopus, vir sanctitate celebris, quem Deus, ut canit Ecclesia, miraculis decoravit innumeris: & plures celebres alii, ut *Amphion* Ipphæniensis, juxta *Ath. apol.* 2. confessor eximius, & *Hypatius* Gangrensis, juxta Menolog. Græc. meritis & martyrio clarus. Huic sanctissimo cœtui interfuit & ipse purpura auroque micans *Constantinus*, non

non ut iudex, sed ut moderator; aureo quidem sedili, sed humili ac infra Episcopos, & non nisi annuentibus ipsis, sedens: quem *Eusebius* Antiochenus oratione salutavit eleganti, nomine totius Concilii Patrum; quos vicissim alloquens omnes Religiosissimus Imperator, ad pacem & concordiam, contentionesque vitandas peramanter cohortatus est, & eleganter. Quibus ista præmissis, recitantur impia Arii dogmata, ad quæ exhortuere Orthodoxi Concilii Patres. Invitantur Ariani, ut suas in medium proferant sententias, earumque rationes, ut his confutatis, veritas clarius elucesceret. Disputant Orthodoxi plerique cum hæreticis, *Athanasius* præfertim licet Diaconus adhuc cum Ario, rebusque in utramque partem jactatis, & ad certam Scripturæ normam perpensis.

1. Communi Patrum suffragio, cum Ario & Arianis Ariana damnatur hæresis, & Dei Filius Deus de Deo, lumen de lumine, Deus verus de Deo vero *ὁμοῦς*, hoc est, consubstantialis Patri conclamatur, & fidei formula, seu fidei Symbolum, omnium nomine ab *Osio* Cordubensi, Sedis Apostolicæ Legato, conscribitur, ut constet ex *Athan. Socrat. Sozom. & Theod. à Labbeo* in 2. tom. citatis.

2. Determinatur postea Paschalis celebranda dies, non ritu Judaico, sed Apostolico, hoc est, non decimo quarto lunæ die mensis Martii, sed die Dominica decimam quartam Martii lunam post verum æquinoctium immediatè sequente.

3. Judicata est *Meletii* causa, & statutum, ut nudo Episcopi retento nomine, sine Episcopi functionibus ullis, Lycum incoheret, seu in sua Lyco-politana civitate maneret. Qui autem ab eo sacris fuerant initiati, Alexandrino subiacerent Episcopo, aliis Ecclesiarum ministris postpositi.

4. Tandem pro firmanda vel restauranda Ecclesiæ disciplina, varii editi sunt Canones: sicque Concilium hoc œcumenicum primum ceptum anno 325. die 13. Kalendas Julii, conclusum est & absolutum 8. Kalend. Septembris ejusdem anni; imò & antequam dissolveretur, missum per Constantinum ad Silvestrum Rom. Pont. & à Silvestro Rom. Pont. in Romana Synodo ducentorum septuaginta quinque Episcoporum ex Italia aliisque vicinis provinciis in hunc finem congregata confirmatum; ita referente Dion. Exig. in præf. Conc. Nicæni apud Labbaum tom. 2.

De numero Nicæni Concilii Canonum, gravis fateor, & sub judice pendens adhuc controversia, qua non obstante, Græci & à Latinis eruditi ferè omnes, viginti dumtaxat, nec plures esse vel saltem superesse contendunt.

CANON I.

Illos, qui se sponte abscindunt sive castrant, clericos fieri vetat: id tamen permittit aliis, à medicis in ægritudine, vel à barbaris aut dominis suis violenter sectis.

Canones
Nicæni nu-
mero vi-
ginti.

CANON II.

Neophytos, hoc est à Gentili vita recens conversos & baptizatos, in Presbyteros vel Episcopos statim post baptismum ordinari prohibet, cum Apostolo dicente 1. ad Tim. cap. 3. vers. 6. *Non Neophytum, ne in superbiam elatus, in judicium incidat diaboli.*

CANON III.

Clericis subintroductas inhihet feminas omnes; his tamen exceptis, è quibus nulla potest suspicio esse, quales sunt mater, soror, avia, amita, matertera.

CA-

CANON IV.

Episcopum à Comprovincialibus omnibus Episcopis, si fieri possit, vel saltem à tribus de aliorum consensu ordinari jubet, Metropolitæ confirmationis jure servato.

CANON V.

Illum sive Clericum sive Laicum, qui excommunicatus est ab uno Episcopo, ab alio recipi vetat.

CANON VI.

Patriarcharum, præsertim Alexandrini jura confirmans, jubet ut antiqua per Ægyptum, Libyam, & Pentapolim servetur consuetudo; ita ut Alexandrinus Episcopus horum omnium potestatem habeat, quia & Romano Episcopo parilis mos est, nimirum ut potestatem habeat in omnes sui Patriarchatus Ecclesias.

CANON VII.

Patriarchalem honorem vetusta consuetudine partum Jerosolymitano confirmat Episcopo; nulla tamen jurisdictione data, sed salvo Cæsariensis Metropolitæ jure.

CANON VIII.

Eos, qui ex Novatianis sive Catharis qui se mundos dicunt, ad Catholicam Ecclesiam redire volunt, suscipere jubet: & si Clerici sint in sua secta ordinati, in Clero manere decernit, modò in scriptis se Catholicæ Ecclesiæ leges servaturos, seque bigamis & lapsis communicaturos promittant: si verò veniens fuerit Episcopus, habeat Sacerdotii dignitatem, nisi fortè Catholico placeat Episcopo, ei etiam Episcopalis nominis honorem concedere; si verò non placuerit, providebit ei aut Chorepiscopatus aut Presbyterii locum, ut in Clero prorsus esse videatur, ne in una civitate duo Episcopi probentur existere.

CANON IX.

Presbyteros sine examine promotos, vel in examine sua peccata confessos, & nihilominus contra Canones manuum impositionem affectos rejicit, quia quod irreprehensibile est, Catholica defendit Ecclesia.

CANON X.

Statuit, quòd quicumque de lapsis ad ordinem Cleri promoti sunt per ignorantiam vel dissimulationem ordinantium, hoc Ecclesiasticæ non præjudicet regulæ, sed cogniti deponantur.

CANON XI.

His qui Licinii persecutione sæviante, citra necessitatem atque periculum (ponte lapsi sunt, pœnitentiæ modum præscribit & tempus; statuens ut tribus annis, si fideles inter audientes habeantur, & septem aliis annis omni se contritione deciant; duobus autem annis sine oblatione populo in oratione communicent.

CANON XII.

Illis pariter, qui sæviante persecutione sese idololatriæ periculo exposuere, resumendo militiæ cingulum jam pro fide Christi calcatum, pœnitentiam injungit; videlicet ut decem annis post triennii tempus quo inter audientes erunt, in afflictione permaneant; si verò lacrymis, patientia & bonis operibus se verè & non simulatè conversos ostendant, peracto auditionis tempore, fidelibus in oratione communicent; postmodum verò liceat Episcopo de his aliquid humanius cogitare.

CA-

CANON XIII.

Decernit ut extremè laborantes & in exitu vitæ positi, ultimo & maxime necessario non priventur viatico : quòd si convalescerint, communionem consecuti, sint inter eos, qui in sola communicant oratione.

CANON XIV.

Catechumenis in persecutione lapsis poenitentiam præscribens, statuit ut tribus annis sint inter audientes tantummodo; post hæc autem cum Catechumenis orent.

CANON XV.

Translationes Episcoporum, Presbyterorum & Diaconorum de una Ecclesia in aliam inhibet, irritasque declarat; eos sic translatos in pristinas Ecclesias reduci jubet.

CANON XVI.

Presbyteros, aliosve quoscunque Clericos in his pro quibus ordinati sunt, Ecclesiis manere jubet, Episcopis prohibens alienos ordinare Clericos.

CANON XVII.

Clericos qui avaritiam turpiaque lucra sectantes, mutuum dantes, usuras exigunt & accipiunt, a clero deiciendos esse declarat,

CANON XVIII.

Statuit ne Diaconi Eucharistiam Presbyteris portigant, nec in medio Presbyterorum sedeant; quia nec regula nec consuetudo tradidit, ut ab his qui potestatem non habent offerendi, illi qui offerunt Christi corpus, accipiant.

CANON XIX.

Paulianistas, hoc est Pauli Samozateni sectarios ad Ecclesiam revertentes, rebaptizandos esse decernit.

CANON XX.

Occasione Quartodecimanorum, qui in die Dominica & in ipsis diebus Pentecostes orantes genua flectebant, sicut in cæteris hebdomadarum diebus; ut omnia in omnibus consonanter observentur, statuit sancta Synodus hoc Canone, ut fideles Christi Resurrectionis memores, non genuflectendo, sed stando præfatis diebus orent,

Notanda circa Nicænos Canones.

1. Notandum est circa primum hujus Concilii Canonem, qui est de his quæ abscindunt, quæ fuerit ejus occasio, quæ ratio, & quis sensus. Occasione fuit Leontius quidam Presbyter, qui accusatus de familiari quodam cum juvencula muliere commercio, jussusque cessare & ab illius abstinere contubernio, seipsum castrandum dedit, ut sic liberè ejus uti commercio posset; & nihilominus depositus est, & ad Arianos deficiens, Antiochenus Arianzæ factionis factus est Episcopus; ita *Ath. de fug. sua, & in epist. ad solit.* Causa verò seu ratio Canonis patet 22. Apost. Canone idem statuente & dicente: *Si quis abscidit semetipsum, id est si quis amputavit sibi virilia, non fiat Clericus, quia sui ipsius homicida est, & Dei conditionis inimicus.* Sensus autem Canonis est, non quòd involuntaria virilium membrorum præcisio faciat irregularem, sed solum spontanea sui ipsius procurata

Circa Nicænos Canones notanda nulla.

castratio, quantumvis id bono pietatis zelo contingeret, ut Origeni, qui spontaneam sui ipsius abscissionem ex zeli motivo passus est, & postea per Alexandrum Jerosolymorum Episcopum Presbyter ordinatus, de ordinatione perperam suscepta accusatus est, & tandem à Demetrio Alexandrinæ Sedis Episcopo damnatus.

2. Circa secundum Canonem, qui est de Neophytis non ordinandis, notandum est, ideò Concilii quarti Constantinopolitani seu œcumenici octavi Patres Photio anathema dixisse act. 1. ejusque ordinationem irritam esse can. 4. declarasse, quia contra regulas sacras, maximè contra Canonem istum repente de administratione curiali, secularique militia sublatus & ordinatus, Ignatio Constantinopolitano tyrannicè detruso subrogatus est.

Cur Ne-
starius, Am-
brosius &
Tharasis
ordinati li-
cèt non
baptizati,
vel adhuc
laici.

Cùmque Photius licet ex Neophyto ordinatus, in sui defensionem allegaret exempla Nestarii, Ambrosii, & Tharasis; Nestarii, qui licet nondum baptizatus, Constantinopolitanus est electus Episcopus; Ambrosii, qui licet Catechumenus adhuc, Mediolanensis est Episcopus creatus; & Tharasis, qui è laicali ordine à cingulo militari ad Patriarchalem sedem Constantinopolitanam est pariter evectus, sic in epistola ad ipsum scripta respondet Nicolaus I.

Quod de Nestario objicis, necessitas magna urgebat, ne Domini Ecclesia in pessimæ hæreseos nimbofa caligine, destitutione Pastoris viduata remaneret; nec Synodus, ut iterum fieret, confirmavit nec instituit; & ideò privilegia paucorum legem non faciunt: nam Ambrosius non instinctu hominum, sed divina vocatione per miraculorum prodigia electus est; & Tharasis statim ac Episcopus factus est, ne quis de sua fide dubitaret, prolixam texuit fidei confessionem.

3. Circa tertium Canonem, qui est de subintroductis mulieribus, notandum est, hujus Canonis auctoritate fretum Basilium, non permisisse olim septuagenario seni secum habere mulierem, sed ei dixisse: *Ejice illam ex adibus tuis, & trade in monasterium; sit illa cum virginibus, tu inter viros ministra; lege Canonem à SS. Patribus nostris in Nicæna Synodo constitutum, qui manifestè interdixit, ne quis mulierem subintroductam habeat, epist. 17. ad Pargor.*

4. Circa quintum, qui est de excommunicatis ab uno, non recipiendis ab alio, notandum est in primis huic Canoni occasionem dedisse Eusebium Nicomediensem, dnm Arium, & Arii sectarios ab Alexandro excommunicatos recipere fuit ausus. 2. Advertendum est contra hunc non valere, si quis dicat limitatam esse cujuslibet Episcopi jurisdictionem, ac proinde excommunicatum ab uno Episcopo, non esse ubique vitandum à quolibet alio; quia non dicitur vitandus, & non recipiendus propter solam excommunicantis Episcopi jurisdictionem particularem, sed propter auctoritatem totius Ecclesiæ hoc Canone præcipientis, ut excommunicatus ab uno vitetur, & non recipiatur à quocumque alio.

5. Circa sextum Canonem, qui est de Metropolitanorum jure, notandum huic Canonis occasionem dedisse Meletium; cùm enim ex antiqua consuetudine receptum esset, ut Alexandrinus Episcopus per Ægyptum, Libyam & Pentapolim sacras ordinationes faceret, vel fieri permitteret; huncque ritum & ordinem factio Schismate turbasset Meletius, varios per varias Ægypti civitates Diaconos, Presbyteros & Episcopos creando sine Alexandrini Episcopi consensu; Concilii Nicæni Patres ut huic malo remedium ferrent, & Alexandrino aliisque Patriarchis antiqua jura confirma-
rent,

tent, hunc sextum edidere Canonem, dicentes : *Antiqua consuetudo servetur per Aegyptum, Libyam & Pentapolim, ita ut Alexandrinus Episcopus horum omnium habeat potestatem, quia & urbis Romae Episcopo parilis mos est. Similiter autem & apud Antiochiam, ceterasque provincias suis privilegia servantur Ecclesiis; illud autem generaliter clarum est, quod si quis praeter sententiam Metropolitanam, fuerit factus Episcopus, hunc magna Synodus definitur Episcopum esse non oportere, &c.* In quo comparatur Alexandrinus Episcopus ut Patriarcha Aegypti, Libyae & Pentapoleos cum Romano Episcopo, ut Occidentis Patriarcha est, & statuitur quod sicut parilis mos est ut Romae Episcopus, ut Patriarcha est, habeat potestatem in omnibus sui Patriarchatus Ecclesiis; ita & Alexandrinus Episcopus ut Patriarcha servet antiquam consuetudinem, & habeat Patriarchalem potestatem per Aegyptum, Libyam & Pentapolim. Similiter & apud Antiochiam, ceterasque provincias suis privilegia servantur Ecclesiis; ita ut generaliter clarum sit, quod si quis praeter consensum Metropolitanam fuerit factus Episcopus, hunc Episcopum esse non oporteat.

6. Circa octavum, qui est de Novatianis ad Ecclesiam redeuntibus, notandum est ad ultima hujus Canonis verba alludere S. Augustinum epist. 110. dum ait, se per ignorantiam, Episcopo Valerio adhuc vivente, ordinatum fuisse ejusdem sedis Episcopum, contra Niceni Concilii Canonem, prohibentem duos in eadem sede Episcopos esse. *Adhuc in corpore posito beata memoria Patre & Episcopo meo sene Valerio, Episcopus ordinatus sum, & sedi cum illo, quod Concilio Niceno prohibitum fuisse nesciebam: Et inde est quod sollicitè curans ne aliis accideret; quod sibi contra Canones ignoranter ordinato accidisse dolebat, effecerit ut in Concilio Carthaginiensi tertio, anno 397. ederetur Canon iste hujus Concilii tertius: Placuit ut ordinandis Episcopis vel Clericis, prius ab ordinatoribus suis decreta Conciliorum auribus eorum inculcentur, ne se aliquid contra statuta Concilii fecisse asserant.*

7. Circa decimumtertium, qui est de extremè laborantibus, & quo praecipitur ut lex antiqua servetur, ita ut si quis egreditur de corpore, ultimo & maximè necessario Viatico minimè privetur, &c. Notandum est ibi per *ly Viaticum maximè necessarium*, non intelligendam esse Communionem Eucharisticam, ut intelligunt nonnulli; sed absolutionem Sacramentalem à peccatis, quae est morituris magis necessaria quam Communio Eucharistica, quæque à PP. congruenter Viaticum ideò vocatur, ut constat ex Concilio Arausicano I. anno 441. can. 3. dicente: *Qui recedunt de corpore, poenitentia accepta, placuit sine reconciliatoria manus impositione eis communicare, quod morientis sufficit reconciliatio, secundum definitiones Patrum, qui hujusmodi communionem congruenter Viaticum nominarunt.* Nec obstat si dicas, quod illa Communio per absolutionem data, & quam PP. Viaticum vocant, datur sine reconciliatoria manus impositione; ergo & sine reconciliatio, ac proinde non sufficit morientis reconciliatio, nec consequenter dici potest Viaticum ultimum & maximè necessarium, quod morientibus minimè negandum esse volunt Niceni Conc. PP. hoc inquam non obstat. Ratio est, quia licet illa Communio per absolutionem data, detur sine reconciliatoria manus impositione, non sequitur quod detur sine reconciliatio prima & ad salutem morientis sufficienti: duplex enim erat reconciliatio, prima nempe seu minima, & altera ultima & maxima. Prima dabat jus Communionis simplicis, absolvebat

Quid ultimum & maximè necessarium Viaticum.

à peccatis, & restituebat jura omnia, excepto jure ad Eucharistiam & oblationes; altera verò seu ultima restituebat jus ad Eucharistiæ susceptionem seu ad Communionem Eucharisticam, quæ vocatur *legitima Communio*. Prima erat Sacramentalis, quia per absolutionem Sacramentalem data; ultima verò erat solemnis & Canonica, quia cum solemnî manus impositione juxta Canones concessa, & de qua ultima reconciliatione & Communionem loquuntur in fine ejusdem Canonis 3. Arausiaci Patres, cum sic pergunt: *Quòd si supervixerint, stent in ordine penitentium, ut offensivæ necessariis penitentia fructibus, legitimam Communionem cum reconciliatoria manus impositione recipiant.*

8. Circa decimumquintum Canonem, qui est de migrantibus Episcopis de una Ecclesia ad aliam, & quo prohibentur hujusmodi translationes, notandum est Canonem illum editum esse occasione Eusebii Nicomediensis, è Berœnsi ad Nicomedensem Ecclesiam translati: idque strictius postea prohibitum in Sardicensi Concilio Can. 1. ubi expressè præscribitur, ut nec laicam Communionem habeat quisquis Episcopus de sua Civitate transiret ad aliam; idque ejusdem Eusebii Nicomediensis occasione, qui post duas sedes mutatas, se Constantinopolim transferri curaverat; imò & Episcoporum aliorum qui humanæ gloriæ libidine moti, è minoribus ad majores sedes provehi laboraverant, & ideò Athanasio & Eustathio Antiochenis primatibus ejciendis ac deturbandis ex ambitione calumniam intulerant.

9. Circa decimumoctavum, qui est de Eucharistia à Diaconis non administranda, notandum est, hoc Canone Diaconis prohiberi tantum, ne Presbyteris Eucharistiam porrigant; sed Can. 15. Arelatenis Concilii II. sub Siricio habiti anno 389. iisdem prohiberi, ne eam etiam populo, præfente Presbytero, tradant his verbis: *In Secretario Diaconis inter Presbyteros sedere non liceat, vel corpus Christi præfente Presbytero tradere non præsumant: quod si fecerint, ab officio Diaconatus abscedant.* Id tamen eis urgente necessitate permittit Conc. Carthagin. IV. sub Anastasio Papa habito anno 398. & à Leone III. confirmatum, dum Can. 38. sic ait: *Diaconus præfente Presbytero Eucharistiam Corporis Christi populo, si necessitas cogat, insus erogat.*

10. Denique & ultimò notandum est, circa horum omnium Canonum numerum, quòd licet 20. præfatos dumtaxat admittant eruditi ferè omnes, plures tamen fuisse alios, sed injuria temporis deperditos, colligitur,

11. Ex eo quòd inter 20. præfatos non extet Canon ille, quo decretum est Pascha non decima quarta lunæ primi mensis die, sed die Dominica immmediatè sequenti celebrandum; qui tamen unus è præcipuis fuit, juxta Eusebium lib. 3. de vita Constantini, & Athanasium in epist. de Synodo Ariminenfi.

12. Ex eo quòd pariter inter 20. istos non reperiatur Canon de Bigamis ab Ordinibus arcendis, quem tamen in Nicæno Concilio constitutum dicit S. Ambrosius ad Vercellensem Episcopum sic scribens: *Sed prius cognoscimus, non solum hoc Apostolum de Episcopo & Presbytero statuisse, sed etiam Patres in Concilio Nicæno tractatus addidisse, neque Clericum quemquam debere esse qui secunda conjugia sortitus est.*

13. Ex eo quòd nec Canon reperiatur ille inter istos de Scripturis sanctis authenticis, cujus tamen meminit S. Hieronymus epist. 3. de libro Judith loquens & dicens: *Sed quia hunc librum Synodus Nicæna in numero sanctarum Scripturarum legitur computasse, acquiri postulationi vestra.*

Alios fuisse Nicænos Canones, sed deperditos, colligitur ex multis.

4. Denique ex eo quodd ab aliis citentur Nicæni Canones alii plures ; qui non reperiuntur inter 20. præfatos istos.

ARTICULUS III.

De Concilio Constantinopolitano primo , anno 381.

*Sub Damaso I. Romano Pontifice , pro Spiritus Sancti divinitate ,
contra Macedonium & Macedonianos astruenda.*

Post damnatam à 318. Nicæni Concilii Patribus impiam de Filii divinitate ac blasphemam Arianorum hæresim , ex illa pullulans paulò post non minus impia in Spiritum Sanctum furere cœpit alia , auctore *Macedonio* , Præfule quidem Constantinopolitano , sed Arianorum factione per Constantium Imper. in Pauli depulsi sedem perperam intruso , & docente Spiritum Sanctum Patre Filioque minorem , nec ejusdem cum Patre & Filio substantiæ , sed meram creaturam esse. Ad quam in dies crescentem , & longè latèque serpentem protinus evellendam hæresim , Constantinopoli habitum est hoc Orientalium Concilium , anno Christi 381. quod licet præcisè ut Orientalium Episcoporum est , & à Theodosio Seniore convocatum , non œcumenicum esse ratione convocationis , sed solum ratione acceptationis & approbationis post habitæ contentandæ bene multi ; spectatum tamen ut junctum & moraliter unum cum Occidentalium alio tunc Romæ congregato ab eodem Rom. Pontifice Damaso , & in eadem conspirante fidem , verè à Damaso I. Rom. Pontifice convocatum , ac proinde etiam ratione convocationis œcumenicum esse censendum. Ad illud ergo , juxta Theodoretum lib. 5. hist. Eccl. cap. 7. venire à Theodosio jussi è diversis provinciis Orientales Episcopi centum & quinquaginta ; inter quos eminebant Timotheus Alexandrinus , Meletius Antiochenus , Cyrillus Jerosolymitanus , Helladius Cæsariensis Episcopus , magni Basilii successor , Gregorius Nyssenus , ejusdem Basilii frater ; Amphilo-chius Iconiensis in Lycaonia Præsul ; Acholius Theſsalonicensis , qui Theodosium per baptismum in Christo genuit ; & inter illos & alios insignes pietate ac eruditione viros claruit Gregorius Nazianzenus , clarissimum Ecclesiæ lumen , qui oratione ad Concilii Patres habita , sponte dimissionis libellum petiit , suoque se lubens abdicavit Episcopatu Constantinopolitano , & ejus in locum concordibus animis electus Nectarius patria Tarsensis , illustri loco natus , Senatorii ordinis vir , ætate gravis , moribus honestus , & re ipsa tunc Prætoris officio clarus.

Quis autem istis præfuerit Orientalibus Episcopis , Constantinopoli per Theodosium congregatis , satis obscurum & ambiguum est. Sunt enim qui Nectarium , de quo supra , utpote quia jam Constantinopolitanum Episcopum , alii Meletium Antiochenum , alii Timotheum Alexandrinum præfuisse volunt : sed nec Nectarium , nec Meletium præfuisse credibile est ; non Nectarium , is enim nec debuit , nec potuit ; quia is initio Concilii nondum Episcopus , imò nec sacro baptismate tinctus erat , quique catechumenus adhuc , Constantinopolitanæ sedis Episcopus electus est ; non *Meletium* Antiochenum , quia absente primæ sedis Episcopo , videlicet Romano , jus præsidendi Synodo non devolvitur ad Antiochenæ sedis Aptisti-

Appar. Annati T. II.

C 3

tem,

Constantinop. Concilii primi brevis & historica summa.

tem, sed ad secundæ, videlicet Alexandrinæ sedis Episcopum; ac proinde non Meletium Antiochenum, sed Timotheum potius Alexandrinum, præfuisse credendum. Idque manifestè confirmatur ex octava Synodo œcumenica, actione 6. sic dicente: *Quoniam Timotheus primus factus est prædictæ sanctæ Synodi præfident, utpote Alexandrinus Patriarcha, & una cum Episcopis qui secum erant, prorexit Nectarium Constantinopoleos Patriarcham.*

Conciliantur tamen ab aliis hæ diversæ auctorum sententiæ, dicendo cum Theodoro lib. 5. hist. Eccl. cap. 8. tres intra annum habitas esse Constantinopoli Synodos, & primæ præfuisse Meletium Antiochenum, secundæ quæ œcumenica est, & ea de qua agitur hic, Timotheum Alexandrinum jure suæ sedis; tertiæ denique præfuisse Nectarium, jam è Catechumeno ad sedem Constantinopolitanam evectum, & in locum Gregorii Nazianzeni se ipsum in œcumenica Synodo abdicantis, substitutum. In hac ergo œcumenica Synodo nedum damnata Macedonianorum hæresis, sed insuper conditi Canones, & editum Fidei Symbolum: Canones quidem septem ab Isidoro Mercatore collecti, ut volunt aliqui; vel tres tantum à Dionysio Exiguo recensiti, ut probabilius opinantur alij, præsertim Nat. Alex. sæc. 4. dissert. 37. probantque ex eo, quòd hi septem ab Isidoro Mercatore relati, nihil re ipsa continent aliud, præter id quod continent soli tres à Dionysio Exiguo ex Orientalis Ecclesiæ codice desumpti, ut seriò examinanti patebit. Sunt autem tres isti:

CANON I.

Canones
Concilii
primi Con-
stantinop.
numero tan-
tum tres.

Ut ea quæ apud Nicæam statuta sunt à trecentis decem & octo Patribus, immota permanent, statuit; & insuper anathematizat Arianos, Eunomianos, Macedonianos, Sabellianos, Photinianos, Marcellianos & Apollinarios.

CANON II.

Circa singularum diœceseon ordinem, & privilegia quæ Aegyptiis, Antiochenis, Constantinopolitanisque debentur, præcipit, ut sua quæque Ecclesiæ servant privilegia, sibi per Nicænos Canones tributa; suasque ita gubernent Ecclesias Episcopi, ut non accedant ad alias; statuens tamen ut Constantinopolitanus Episcopus habeat honoris primatum post Romanum Episcopum, propterea quòd urbs ipsa sit nova Roma.

CANON III.

De Maximi Cynici inordinata constitutione Constantinopoli facta agens, Maximum illum nec Episcopum esse, nec fuisse declarat; omnes per eum ordinatos Clericos, cæteraque per eum gesta irrita esse denuntiat.

Notandum.

Quamvis omnia hujusce Concilii in Macedonium, aliove præfatos hæreticos decreta, Romana probaverit & receperit Ecclesiæ; Canones tamen minimè recepit istos usque ad Innocentium III. & Lateranensæ Concilium IV. præsertim Canonem de primatus honore Constantinopolitanæ sedis, qui tertius est, ut constat 1. ex Greg. Magno lib. 6. epist. 31. expressè dicente: *Romana Ecclesiæ eosdem Canones, vel gesta Synodi illius, scilicet Constantinopolitana, hætenus non habet, nec accipit. In hoc autem*

eam-

eandem Synodum accepit, quod est per eam contra Macedonium definitum.
 2. Ex eo quòd Leo magnus nunquam probaverit, imò rejecerit Chalcedonenſis Concilii Canonem 28. in gratiam Anatolii furtivè & ſinito jam Concilio cuſum; quo confirmatur Conſtantinopolitani Concilii Canon, tribuens primatus honorem, locumque ſecundum Conſtantinopolitanæ ſedis Epifcopo: unde licèt in Orientalibus Eccleſiis recipere ille Canon, numquam in Occidentali receptus eſt Eccleſia; donec tandem Innocentius III. in Lateranenſi Concilio IV. primum locum poſt Romanum Conſtantinopolitano dedit Epifcopo, dicens: *Antiqua Patriarchalium privilegia renovantes, ſacra univerſali Synodo approbante, ſancimus ut poſt Romanam Eccleſiam, que diſponente Domino ſuper omnes alias ordinariæ poteſtatis obtinet principatum, utpote mater univerſorum Chriſti fidelium & magiſtra, Conſtantinopolitana primum, Alexandria ſecundum, Antiochena tertium, Jeruſolymitana quartum obtineat locum, ſervata cuilibet propria dignitate*: Idque ita prudenter ſancivit ſummus ille Pontifex bono pacis conſulens, tum ut hæcenus nutantes Græcos in ſubjectione Romanæ ſedis devinceret, tum quia jam à multis ſæculis Conſtantinopolitano cedebant reliqui Orientalis Eccleſiæ Patriarchæ.

Symbolum Fidei Conſtantinopolitanum.

Hoc eſt, Fidei Symbolum hoc in Concilio editum, quod idem eſt ad illud, quod inter Miſſarum ſolemnia cantatur in Eccleſia, ſoletque Nicænum vulgò dici, & unum & idem cum illo haberi, quia reiſſa non diſcrepat à Nicæno, niſi penes majorem vel minorem explicationem, quantumvis Nicæno plura Conſtantinopolitanum addat, ut ex utriuſque contextu legenti patebit: nam

Symbolum Fidei Conſtantinopol.

1. Ad primum articulum, contra *Marcionitas, Manicheos, & alios*, duo admittentes principia, ante hæc Nicæni Symboli verba, *Viſibilem & inviſibilem*, additur *Celi & terra* à Conſtantinopolitano, majoris explicationis gratia.

2. Contra *Phoetium*, Verbum divinum, non æternum, nec conſubſtantiale, ſed temporale eſſe, & in Virginis utero cœpiſſe, blaſphemantem, additur *natum ante omnia ſæcula*.

3. Contra hæreſim *Apollinaris* volentis Filium hominìs de cœlo veniſſe, ſuamque de cœlo carnem tuſſe, additur *de Spiritu Sancto, natus ex Maria Virgine*.

4. Cum in Nicæno legeretur tantum, *paſſus eſt*, additur majoris explicationis gratia, *Cruciſixus etiam pro nobis, ſub Pontio Pilato, & ſepultus*.

5. Contra fabuloſam de millenario Chriſti in terris regno, addita ſunt iſta de Chriſto: *Sedet ad dexteram Patris, venturus cum gloria, cujus regni non erit finis*.

6. Contra *Macedonium*, Spiritum Sanctum Deum eſſe negantem, poſt hæc Nicæni Symboli verba, *Et in Spiritum*, additur *Domium & vivificantem, ex Patre procedentem, cum Patre & Filio adorandum & conglorificandum, qui locutus eſt per ſanctos Prophetas; & reliqua ſequentia.*

De Particula *Filioque*.

Cui addita
particula
Filioque, &
quando.

Quandonam autem fuerit addita Nicæno Symbolo particula illa *Filioque*, & ceptum de Spiritu Sancto in Ecclesia dici, *Qui ex Patre Filioque procedit*, non satis liquet; volunt enim aliqui additam fuisse in Concilio quodam in Occidente congregato, non assignando locum neque tempus ejus; additam alii credunt à *Damaso* Papa, anno 381. in habito Romæ Concilio; alii verò à II. *Nicæno* Concilio, anno 787. alii denique anno 858. à *Nicolao* Romano Pontifice hujus nominis I. additam fuisse probabilis esse contendunt, 1. Quia non potest certò dici addita in Concilio quodam Occidentali, cujus nec nomen, nec locus, nec tempus assignatur. 2. Non potest pariter dici à *Damaso* addita in Concilio Romano; nam si à *Damaso* Papa fuisset addita, illam non improbasset, nec rejecisset sine dubio *Leo III.* consultus à *Gallis*, & rogatus à *Carolo Magno*, ut hæc præfata adderetur Symbolo particula. Leonem autem III. illam improbasse & rejecisse constat. Non denique dici potest in II. *Nicæno* Concilio ab Orientalibus addita; quia, si ita esset, sine dubio non latuisset Græcos, & aliqui saltem Codices (præter eum, quem Græcis opponebant Occidentales) ita habuissent; quod tamen falsum esse constat; ergo in illo II. *Nicæno* Concilio addita dici nequit, ac proinde multò probabilius est à *Nicolao I.* Romano Pontifice fuisse additam anno circiter 858. eo videlicet tempore, quo cœpit *Photii* Græcorum antesignani schisma; quia id colligitur 1. ex encyclica *Photii* ad sedes Orientales epistola. 2. ex eo quòd *Nicolao* exprobret *Photius*, ipsum ob additionem illam incurrisse anathema ab Ephesina Synodo latum contra quoscumque *Nicæne* fidei Symbolo quidquam addentes. Dixi à *Nicolao I.* fuisse primò additam, auctoritate videlicet Romani Pontificis; nam præter Romani Pontificis auctoritatem, longè antè additam fuisse tenent eruditi ferè omnes à Concilio *Toletano VIII.* circa annum 553. in Hispania celebrato, anteq̃ ortum Græcorum schisma.

ARTICULUS IV.

De Ephesino Concilio, anno 431.

Sub Caléstino I. Romano Pontifice, pro una in Christo persona, contra Nestorium..

Brevis &
historica
Concilii
Ephesini
summa.

Cum, post *Nestarium*, in sede Constantinopolitana feliciter successisset *S. Joannes Chrysostomus*, *Chrysostomo Arfacius* *Nestarii* frater, *Arfacio Atticus*, & *Attico Synesius*; mortuoque *Synesio*, cum Clerus pro illius eligendo successore esset in partes divisus, aliis *Proclum*, *Philippum* Presbyterum postulantes aliis; *Theodosius junior* Imp. ex Antiocheno Clero *Nestorium* adscivit, virum ex Germanicia Syriæ oppidulo natum, professione prope Antiochiam Lanæ S. Enprepii Monachum, *Theodori Mopsuesteni* discipulum, doctrinæ & eloquentiæ fama celebrem, vultus pallore, corporis macie, vestium neglectu, sanctitatis Apostolicæ mentientem imaginem. Is omnium consensu Episcopus initatus,

hæ-

hæresibus statim omnibus bellum indixit, ut suæ uni paulò pòst diffeminandæ locum pararet hæresi. Duxerat ea de causa, ex Antiocheno Clero, Presbyterum quemdam Anastasium nomine, fidissimum comitem ac familiarem. Is ad populum sermonem habens, eò dementiæ scelerisque venit, ut Beatam Mariam ^{Θεοτοκον}, hoc est, *Deiparam* dicendam esse negaverit, propterea quòd ab homine Deus nasci non posset. Excitavit impia vox magnos populi tumultus & turbas. Nestorius interim Anastasium illum tanti sceleris auctorem, & nedum anathemate, sed ultimo dignum supplicio, advocata concione magnificè laudavit; utque sacrilegia sacrilegiis obfirmaret, sublato *Deipare* nomine, Christum Dominum in duas distinxit hypostases, sive personas; in eo sicut naturas duas, ita & personas duas, ita & Filios duos, & Christos duos asserens; unum quidem Deum ex Patre Deo, hominem alterum ex Matre, quam idcirco non ^{Θεοτοκον}, sed ^{Χριστοτοκον} *Christiparam* appellabat. Attollitur statim in Nestorio irati populi clamor, decurritur per urbem magno cum tumultu; sic ab illo multorum, nedum plebis & Senatus, sed & Monachorum, discessio; furit & sævit in illos Nestorius, Clericos rectè sentientes ab aris avelit & focis, alios fame vinculisque punit. Vulgantur interim ejus per Orientem descriptæ conciones, sanie ac veneno plenz. Fremunt in eas quoque fuere Orthodoxi, Cyrillus præsertim Alexandrinus, vir vitæ sanctitate & eruditione magnus, qui hanc invalescentem & pullulantem hæresim, tribus libris ad *Theodosium* & ad *Reginas*, hoc est, ad *Pulcheriam* & *Eudoxiam* missis, confutavit: scripsit & ad alios alias de eodem argumento epistolas, quibus ad Nestorium perlatis, irascitur, & furit in Cyrillum Nestorius. Hortatur Cyrillus Nestorium in visceribus charitatis, ut errorem incautè fortè prolatum emendet, & Beatam Virginem *Deiparam* fateri non recuset. Cyrillum quasi insolentem & indoctum frequentibus per epistolas convitiis impetere cæpit, etiam apud Imperatorem; utque in eum Romanam concitet sedem, ad Cœlestinum in ea sedentem scribit. Ne Romano Pontifici imponeret Nestorius, scripsit & ipse Cyrillus Cœlestino, qui statim coacta Romæ Synodo exitale Nestorii damnavit hæresim, ipsique Nestorio decem dierum spatium ad resipiscendum, per literas ad eum missas, præscripsit; & ni resipiscat, anathemæ comminatur: scripsit & ad Cyrillum idem summus Pontifex de rebus in hac Synodo gestis, suasque illi vices committens, mandat ut Nestorium anathemate feriatur, aliunde ejus in sede constituat, nisi intra decem dierum intervallum palinodiam cantet.

Acceptis Cœlestini literis, Synodum statim Cyrillus Alexandriæ coegit; in qua quatuor decernuntur Legati Episcopi ad Nestorium mittendi, cum litteris Romani Pontificis, ei decem dierum spatium ad hæresim abjurandam præscripturi, insignemque Synodi epistolam laturi, complectentem 12. capita, quæ ab anathemate in hæreticos, 12. anathematismi vulgò nuncupantur. Sprevit hæc omnia Nestorius, anathematismis anathematismos opposuit, Theodosium Imperatorem contra Cyrillum commovit, Joannem Antiochenum, ceterosque sibi amicitia conjunctos Syriæ Episcopos contra 12. Cyrilli capitula, sive anathematismos, tanquam de Apollinaristarum hæresi suspectos concitavit. Existimans itaque Theodosius Imperator, ad has componendas turbas universali opus esse Concilio, quod Cyrillus congregari postulabat, quod Basilius & Archimandritæ Monachi rogabant, de illo in sequentem annum celebrando, apud Cœlestinum Romanum

Pon-

Pontificem egit, & de illius consensu Concilium hoc generale ad sequentis anni 431. Pentecosten, Ephesi celebrandum denuntiavit.

Ad illud statim post Paschales ferias properat *Nestorius*, magna stipatus populi frequentia. Paulò post, cum instaret solemnitas Pentecostes, adfuit & *Cyrillus* Cœlestini iussu, & ut sedis Apostolicæ Legatus; cum illo ducenti interfuere Præsules, ut Patres & Judices; interfuisset & *S. Augustinus* Hipponensis Episc. nisi morte raptum invenissent illum honorificæ, quibus invitabatur, Imperatoris epistolæ. Præfuit Concilio *Cyrillus*, tum jure suæ sedis, tum ut sedis Apostolicæ Legatus ad executionem sententiæ in *Nestorium* latæ, donec accessere tres alii, *Arcadius* scilicet & *Proiectus* Episcopi, & *Philippus* Presbyter, à Cœlestino & Occidentali Synodo missi; tum quia congruum erat, ut de Occidentali essent Ecclesiæ, qui & Romanum Pontificem, & Occidentalem repræsentarent Ecclesiæ; tum quia jam Nestorianorum fraudibus & mendaciis Imperatori decepto suspectus erat *Cyrillus*. Inchoatur Ephesi Synodus in Ecclesiæ B. Mariæ, die Pentecostes, decimo Kalendas Julias, anno 431. continuaturque per 7. actiones, sive sessiones.

Cujus
actiones si
ve sessiones
fuerint se-
ptem.

In prima, cum ritè citatus *Nestorius*, & scelerum conscientia perterritus non comparuisset, Concilii quoque iussu, ac Legatos petulanter sprevisset, tandem itum est ad iudicium, publicè pronuntiata Nicæna fides, lectæ sunt *Cyrilli* ad *Nestorium*, & *Nestorii* ad *Cyrillum* epistolæ, diligenterque discussis, ac testimonio probatis cæteris *Nestorii* blasphemis, lecta est in illum lata excommunicationis & depositionis sententia; damnata illius hæresis, declaratum in Christo unicam esse personam, & B. Virginem Mariam *Θεοτοκον*, seu *Deiparam* esse dicendam. Dum interim *Joannes* Antiochenus, coactò suis in ædibus conciliabulo, sententiam pariter depositionis dicit in *Cyrillum*, & *Memnonem* Ephesium Episcopum.

In 2. ad Concilium venire novi Romanæ sedis Legati, lectisque solemniter Cœlestini Romani Pontificis literis, unanimi voce acclamatum est à Concilii Patribus: *Novo Paulo Cœlestino, Cœlestino custodi fidei, Cœlestino cum Synodo concordii, universa Synodus gratias agit*; quod sine dubio non fuisset acclamatum, si sine Cœlestini consensu fuisset ab Imperatore ista convocata Synodus, nec ad illam Legatos misisset Cœlestinus.

In 3. lecta sunt Synodi gesta in causa *Nestorii*, & à Legatis probata, & subscriptione firmata.

In 4. & 5. actum est in Joannem Antiochenum; conquestus est enim *Cyrillus* in illum, 1. quòd contra jus omne, depositionis sententiam in ipsum & in *Memnonem* tulisset; & 2. quòd divulgato quodam libello famoso, ipsum de Apollinaristarum hæresi perperam accusasset.

In 6. inter alia, damnatum est impium *Theodori* Mopsuesteni Symbolum, & prohibita est alterius à Nicæna fidei conscriptio, seu novi Symboli coniectio.

In 7. denique sessione præter 13. Capitula, seu 13. Canones in *Nestorii* blasphemias jam editos, & initio Concilii probatos, edita sunt & alia octo capitula, sive octo Canones alii, quibus traditur modus procedendi cum *Nestorii* feciariis; & in octavo prohibetur Episcopis, ne in aliena Diocesi ordinationes fiant.

Capitula autem ista seu Canones illi, quorum 12. priores, quia cum anathemate definiti, ideo Anathematismi vulgò dicti, sunt isti. Anathe-
matismi 12.

ANATHEMATISMUS I.

Si quis non confitetur Deum esse veraciter Emmanuel, & propter Dei Genitricem sanctam Virginem; peperit enim secundum carnem, carnem factum Dei Verbum, secundum quod scriptum est, Verbum caro factum est; anathema sit.

ANATHEMATISMUS II.

Si quis non confitetur carni secundum substantiam unitum Dei Patris Verbum, unumque esse Christum cum propria carne, eundem scilicet Deum simul & hominem; anathema sit.

ANATHEMATISMUS III.

Si quis in uno Christo dividit substantias post unitatem, sola eas con-
nexionem coniungens, eamque, quæ secundum carnis dignitatem sit, vel etiam auctoritatem & potestatem, ac non potius conventu, qui per unitatem factus est naturalem; anathema sit.

ANATHEMATISMUS IV.

Si quis in personis duabus, vel subsistentiis, eas voces, quæ in Apostolicis scriptis continentur & Evangelicis, dividit; vel quæ de Christo dicuntur à Sanctis, vel ab ipso, & aliquas quidem ex his, veluti homini, qui præter Dei Verbum specialiter intelligatur, aptaverit; illis autem tantum Deo, soli Dei Patris Verbo deputaverit; anathema sit.

ANATHEMATISMUS V.

Si quis audeat dicere hominem Christum Theophoron, id est, Deum ferentem, non Deum esse veraciter dixerit, tanquam Filium per naturam, secundum quod Verbum factum est caro, & communicavit similiter ut nos carni & sanguini; anathema sit.

ANATHEMATISMUS VI.

Si quis dicit Deum esse, vel Dominum Christi Dei Patris Verbum, & non magis eundem ipsum confitetur Deum simul & hominem, propter quod Verbum caro factum est secundum Scripturas; anathema sit.

ANATHEMATISMUS VII.

Si quis velut hominem Jesum, operante Deo Verbo, dicit adiutum, & inigeniti gloriam, tanquam alteri præter ipsum existenti tribuit; anathema sit.

ANATHEMATISMUS VIII.

Si quis audet dicere assumptum hominem coadorandum Deo Verbo & conglorificandum, & nuncupandum Deum tanquam alterum cum altero; nam cum syllaba supradicta hæc cogit intelligi, ac non potius una supplicatione veneratur Emmanuel, unamque ei glorificationem dependit, juxta quod Verbum caro factum est; anathema sit.

ANA-

ANATHEMATISMUS IX.

Si quis unum Dominum Jesum Christum glorificatum dicit à Spiritu Sancto, tanquam qui aliena virtute per eum usus fuerit, & ab eo acceperit efficaciam contra immundos spiritus posse, & coram hominibus divina signa perficere, ac non potius fatetur ejus proprium spiritum, per quem divina signa explevit; anathema sit.

ANATHEMATISMUS X.

Pontificem & Apostolum confessionis nostræ factum esse Christum divinam Scripturam commemorat; obtulit enim semetipsum pro nobis in odorem suavitatis Deo & Patri. Si quis ergo Pontificem & Apostolum nostrum dicit factum, non ipsum Dei Verbum, quando caro factum est, & homo juxta nos homines, sed velut alterum præter ipsum specialiter hominem ex muliere; aut qui dicit quod pro se obtulisset semetipsum oblationem, & non potius pro nobis solis; non enim eguit oblatione, qui peccatum omnino nescivit; anathema sit.

ANATHEMATISMUS XI.

Si quis non constitetur carnem Domini vivificatricem esse, & propriam ipsius Verbi Dei Patris, sed velut alterius præter ipsum conjugati eidem per dignitatem, & quasi divinam habentis habitationem, ac non potius vivificatricem esse, quia facta est propria Verbi cuncta vivificare valentis; anathema sit.

ANATHEMATISMUS XII.

Si quis non constitetur Dei Verbum passum carne, & crucifixum carne, & mortem carne gustasse, factumque primogenitum ex mortuis, secundum quod vita est, & vivificator ut Deus; anathema sit.

ANATHEMATISMUS XIII.

Non est anathematismus, sed solum lucida fidei de mysterio Christi Incarnationis explicatio.

Et octo Canones. Præter illos Cyrilli anathematismos initio hujus Concilii probatos, sunt & alii octo Canones à Concilii Patribus editi.

CANON I.

Præcipit, ut qui cum Cœlestio, aut complicitibus sentiunt, deponantur; à Synodo enim recessere nonnulli numero circiter 30. qui sunt Nestorii ac Cœlestii placita tenere deprehensi, quos hoc Canone sancta Synodus communionem privat.

CANON II.

Jubet, ut qui deficientibus à Synodo adhaerunt, Sacerdotio priventur.

CANON III.

Statuit, ut qui à Nestorio sunt Sacerdotio privati, restituantur.

CANON IV.

Pronuntiat, ut qui cum Nestorio aut Cœlestio sentiunt, deponantur.

CANON V.

Quos ob turpia gesta, sancta Synodus condemnavit, restitui prohibet.

CA.

CANON VI.

Gestorum Synodi perturbatores è proprio gradu deponi jubet.

CANON VII.

Alteram fidem à Nicæna proferri, aut componi, vetat.

CANON VIII.

Prohibet, ne ullus Episcopus in aliena Diœcesi ordinationes faciat.

His in hoc Concilio ita feliciter peractis, & prostrata Nestorii hæresi, ad reparandam injuriam B. Virgini Deiparæ à Nestorio latam, Salutationi Angelicæ addendam esse, definitum fuisse creditur, precatiunculam istam: *Sancta Maria, Mater Dei, ora pro nobis, &c.* ut notat Coriolanus in sua Summa Conciliorum pag. 366.

ARTICULUS V.

De Chalcedonenſi Concilio, anno 451.

Sub S. Leone Romano Pontifice, contra Eutychen & Dioscorum, pro duabus in Christo naturis.

EX Labbeanz præsertim editionis Concilii Chalcedonenſis historia constat, quòd ab Ephesini Concilii Patribus damnato feliciter Nestorio, & proſcripta penitus de duabus in Christo personis hæresi, ex ea Constantinopoli non minus impia suborta prodiit altera, unicam in Christo naturam esse tenens, auctore Eutyche, Cœnobii Archimandrita celeberrimi, & docente Dei Verbum ita esse in carnem conversum, duasque naturas divinam & humanam ita in unam esse inter se confusè permixtas, ut per divinam absorpta sit humana, solaque proinde divina remaneat in Christo natura. Quod cum per Eusebium Dorylæi in Phrygia Præsulem illustrem audiisset *Flavianus*, post Proclum Patriarcha Constantinopolitanus, qui tunc tertio Episcoporum præsidebat Concilio, in causa Florentini Sardeorum Lydiæ Metropolitæ, & duorum suffraganeorum ejus *Joannis & Cossini* convocato, cumque idem audiissent & cæteri qui cum Flaviano congregati erant Episcopi, exhortuere protinus omnes. Placuit primum illis, ut moneretur Eutyches per Eusebium Dorylæum, utpote quia familiarem & amicum. Rem detrectat Eusebius, quia non semel expertus sua monita quantumvis amica obstinato nihil profuisse viro: mittuntur itaque Joannes Presbyter & Andreas Diaconus, qui Concilio sisterent Eutychen venire. Renuit ille, pernegans sibi fas esse vel pedem efferre è monasterii septis, quo se veluti tumulo quodam mortuus magis quam vivus incluserat. Tergiversantem hæreticum accersunt iterum Concilii Patres, Synodici literis per Mamantem & Theophilum Presbyteros missis; sed eo tum senectutem, tum solitudinis inviolabile jus opponente, re infecta rediere Legati. Vocatur & tertio per Memnonem sacrorum vasorum custodem, duosque Diaconos Epiphanium & Germanum, quibus ad Eutychis monasterium profectis, Abrahamus alter Archimandrita Eutychen excusaturus, ejusque nomine ad propositam de fide quæstionem responsurus, ad Synodum venit: sed illo repulso Eutychis Legato à Concilii Patribus,

Brevis & historica Chalcedonenſis Concilii summa.

xqum

æquum non esse judicantibus, ut alius pro alio se obtruderet; dumque interim urgeretur Eutyches à Meunnone, nec alias quas prætexeret causas haberet, venturum se quò vocabatur spondet. Impetrat septem dierum inducias, quibus languentem valetudinem repararet; quas intra inducias conversus ad dolos, obtinet ab Imp. Theodosio, ut Florentium Patrium, cum imperio nequid Ecclesiæ detrimenti pateretur, Synodo jubeat interesse. Cum Florentio illo nedum Monachorum turba, sed & militum armis stipatus ad Synodum tandem venit Eutyches. A Patribus, quid de Christo crederet, interrogatur; amplecti quæ Synodus imperabat, paratum se esse respondit; sed iterum atque iterum prodere iussus, non quod ex imperio, sed quod ex mente sentiret, vomere cepit illicò latentem doctrinæ saniem, & dnas quidem ante unionem, unicam verò post unionem in Christo naturam asserere. Monent illum Concilii Patres, hortantur & urgent, ut ad Nicæni Symboli normam attendat, & piè damnet quod impie protulerat: sed tam salutaria respicientem monita virum damnant tandem Concilii Patres; & nedum à Monasterii gubernio deiciunt, sed ab orthodoxorum consortio segregant, idque 30. Episcoporum & 23. Abbatum subscriptionibus obfignant.

Ad hæc furere cepit *Eutyches*, affixisque primùm per trivialis libellis, injuriam sibi à Concilio factam publicè vulgat, scribit S. Leoni Romano Pontifici, Constantinopoli Nestorianam revixisse hæresim, seque fictis criminationibus appetitum, oppressum, exturbatum, nec fuisse, dum ad Apostolicam sedem appellasset, auditum. Commoverat ea res statim Pontificem, sed acceptis Flaviani Constantinopolitani literis, Synodique gestis omnibus auditis, facillè conquievit. A Pontifice ad Augustum provocat Eutyches, oratque jubeat Imperator revideri gesta Concilii, & ab isdem Episcopis coram Florentio Patricio recognosci; ea quippe corrupta à Flaviano contendebat. Annuït Imperator; relegendur acta, & quò accuratius inquiruntur omnia, cò clarius enituit Flaviani incorrupta fides, & patuit aperta Eutychis fallacia. Eutyches legitimis iudiciis frustra tentatis, *Dioscori* Patriarchæ Alexandrini, Flavianoque graviter insensu patrociniū implorat. Dioscorus ut Eutychi succurat afflicto, suadet per literas Imperatori, œcumenico res tantas indigere Concilio; repugnat ex adverso *Flavianus*, reclamat Leo Papa, obstrepunt pii omnes, sed favori plus datum quàm Religioni, & indictum à Theodosio Concilium Ephesinum II. novemdecim annis circiter ab Ephesino primo. Ad illud venit Dioscorus, & cum eo 130. & amplius interfunt Episcopi. Leo quoque ut pareret Imperatoris voluntati, suos misit Legatos cum epistolis, ad Flavianum scilicet una, ad Synodum altera: quibus contra Eutychis deliria, Catholicam fidem luculenter explanat. Misit Imperator Barsumam Archimandritam, & Elpidium sacri consistorii comitem; illum ut Monachorum omnium nomine, contra Orientales Episcopos qui Eutychen damnaverant ageret; istum ut Synodi defensor esset & custos, & Episcopis qui Eutychem judicaverant, judicandi potestatem adimeret. His tam insausitè premissis, Ephesi 4. idus Augusti in Basilica B. Mariæ aperitur hæc infausa Synodus. Juber statim *Elpidius* de actis præfatæ Synodi Constantinopolitanæ questionem haberi. Obstant Apostolici Legati, priusque S. Leonis epistolas legi postulant: obstitit Eutyches, cosque in suspensionem trahit, quod apud Flavianum pransi plus nimio Flavianum olerent. Abscedunt itaque Synodo Legati, tum ob suppressas & non lectas Romani Pontificis

epistolas, tum ob sibi non delatum in sedendo primatum, licet postea redierint; sed Dioscorus & Barsumas, legitimis diffiliis iudiciis, militum copias congregant, Synodum irrumpunt armati, Notariis Synodi scribentibus acta digitos lacerant, tabulas frangunt, Flaviano silentium imperant, ejusque comites in ferrum & catenas adigunt, Episcoporum adversus Flavianum per terrores & minas extorquent suffragia. Ad hæc reclamant Apostolici Legati; cumque frustra clamarent, per alios satellites elapsi se è Synodo illa velut è sicariorum agmine subducunt: quibus egressis, recitatur & comprobatur Eutychis doctrina, & pristinum in statum restituitur Eutyches ipse: Eusebius verò Dorylænsis Episcopus, atque Flavianus hæreseos nomine coniciuntur in vincula. Ad Apostolicam sedem provocat Flavianus, sed provocantem Dioscorus ita pugnīs calcibusque contundit, ut post triduum in exilio gravi dolore plagarum obierit. Victor Dioscorus gestit, & ne quid furoris omitteret & audaciæ, Alexandriam revertitur, anathematizare ipsum quoque Leonem Romanum Pontificem Ecclesie caput attentat.

Ut his Ecclesie malis remedium ferret opportunum *S. Leo* Supremus Pontifex, coacta Romæ alia quamprimum Synodo, quicquid Ephesi fuerat actum damnavit atque rescidit, crebrisque deinde literis Theodosium & Pulcheriam urgere cepit, ut intra fines Italie communi consensu congeretur Synodus altera, quæ Ephesinam deleteret ignominiam & labem. Sed Eutychianis fraudibus & dolis præoccupatus Theodosius, nullis literis precibusque nullis flecti potuit; quin potius Flavianum publicis legibus damnavit, Ephesinamque Synodum illam Nicænæ iussit æquari; sed non impunè; siquidem non multò post dum equitaret, collapsio equo graviter elisus interiit, hærede relicto nullo. Theodosii soror Pulcheria succedens fratris Imperio, se ipsam cum Imperio, suffragante Senatu, in matrimonium dedit *Marciano* Senatori clarissimo. A Marciano viro religiosissimo jam imperante per literas obtinet *S. Leo*, quod non potuerat à Theodosio. Assensere Marcianus & Pulcheria, & Concilium illud generale convocarunt, de *S. Leonis* Romani Pontificis assensu, ut patet ex mutuis ultro citroque datis inter Leonem & Marcianum epistolis: sic enim Marcianus Imp. ad Leonem scribens epist. quæ est inter præambulas ad Chalcedonenfè Concilium, ait: Superest ut, si placuerit tuæ Beatitudini in has partes advenire, & Synodum celebrare, hoc facere Religionis affectu dignetur, nostris utique desideriis vestra Sanctitas satisfaciât, & sacre Religionis quæ utilia sunt decerneret, &c. Et cui rescribens *S. Leo* Pontifex Maximus in sua ad Marcianum Augustum data & ibidem posita, sic ait: Poposcerim à gloriosissima clementia vestra, ut Synodum quam ad reparandam Orientalis Ecclesie pacem, etiam à nobis petitam, necessariam judicatis, aliquantisper differri ad tempus opportunius juberetis, ut liberioribus ab omni perturbatione animis, hi quoque Episcopi, quos hostilitatis metus detinet, convenirent; sed quia pio studio, humanis negotiis divina præponitis, & rationabiliter ac religiosè Regni vestri viribus creditis profuturum, si nulla sit in Sacerdotum sensibus dissonantia, nulla sit in Evangelii prædicatione discordia: ego etiam vestris dispositionibus non renitor, &c. Convocatum à Marciano de *S. Leonis* Rom. Pont. assensu, idque Nicæam primò convocatum: at Sedis Apostolicæ Legati à Leone Rom. Pontifice missi, permagni interesse rati ad res componendas tumultusque sedandos, si Synodo Marcianus interesset, illum cnixè rogarunt,

runt, ut eò loci Concilium transferret, quò & ipse commodè se transferre posset; & ea de causa Chalcedonem urbem Bithyniæ celebrem fuit translata Synodus, ibique haberi cœpta octavo Octobris die anno 451. in sanctæ Euphemie V. & M. Basilica, & præsentibus Sedis Apostolicæ Legatis, videlicet *Paschasino* Lilybærano & *Lucentio* Asculano Episcopis, *Bonifacio* & *Basilio* Presbyteris, & istis adjuncto *Juliano* Coenfi Episcopo, ut constet ex S. Leonis ad Marcianum epistola 43. sic expresse dicente: Nec me quoque, ut voluit vestra clementia, ab illo credaris abesse Concilio, cum in his fratribus quos direxi, id est *Paschasino* & *Lucentio* Episcopis, *Bonifacio* & *Basilio* Presbyteris, sed & in fratre meo *Juliano* quem eorum volui esse participem, etiam mea sit æstimanda præsentia. Interfuit & ipse cum sua uxore *Pulcheria* *Marcianus* Imper. non ut præesset, nec ut *Judex*, ut in fidei decretis canonibusque sancientis suffragium ferret, sed ut defensor & tutor, ut turbas tumultusque compesceret, & Concilii decreta defenderet atque firmaret, ut palam ipse declarat actione sexta Concilii PP. alloquens & dicens: Nos enim ad fidem roborandam, non ad potentiam ostendendam, exemplo Religiosissimi Principis Constantini, Synodo interesse volumus. Interfuere cum ipso, juxta Nicephorum, sexcenti & triginta sex Episcopi; curavit siquidem *Marcianus*, ut foret istius Concilii Patrum numerus duplo major Nicæni Concilii Patrum numero; ab his tandem post damnatum cum *Eutyche* Dioscorum 16. actionibus, conclusum est feliciter Concilium Kalendis Novemb. Cujus

In Actione primâ.

Cujus
Actiones
numerantur
16.

Cum jam suæ dignitati congruum quique Prælati selegissent locum, sederentque à sinistra utpote nobiliori S. Sedis Legati, post illos *Anatolius* Constantinopolitanus Patriarcha, post ipsum *Maximus* Antiochenus, & alii post istum deinceps Episcopi: à dextera verò sederet *Dioscorus* Alexandrinus, post illum *Juvenalis* Jerosolymitanus, & alii consequenter Episcopi; statim à S. Sedis Legatis denunciatus est *Dioscorus*, quòd generale Concilium inconsulta Romana Sede convocare, eique prædere contra jus omne fuerat ausus: *Quod nusquam factum, nusquam licuit*, conclamarunt Concilii Patres; unde Concilii decreto, è Patrum consensu amotus *Dioscorus*, nec inter Patres ut *Judex*, sed ut reus judicandus in medio sedere permixtus. Jussa sunt deinde legi Ephesini Conciliabuli acta, examinata à *Dioscoro* Ephesi lata in *Flavianum* sententia; ab omni hæresis labe vindicatus *Flavianus*; ut iniqua ejus cognita depositio, ejusque accusatores omnes, præsertim *Dioscorum* Alexandrinum, *Juvenalem* Jerosolymitanum, *Thalassium* Cæsareæ *Cappadociæ* Episcopum, *Eusebium* Ancyra, *Eustathium* Beryti, & *Basilium* Seleuciæ *Isauriæ* Episcopos, qui hoc in conciliabulo tenuere primatum, eadem poena plectendos, & à dignitate Episcopali deponendos esse judicatum est; & tandem pro gratiarum actione, & in Dei laudem, ab omnibus sacrum illud Trisagium acclamatum, *Sanctus Deus, Sanctus fortis, Sanctus immortalis*.

In secunda.

Cœptum est de fide tractari; lectum est Symbolum Nicænum, simul & Constantinopolitanum; lectæ duæ S. Cyrilli epistolæ, quarum una ad Nesto-

sto-

storium, ad Joannem Antiochenum altera; lecta insuper celebris illa S. Leonis de Verbi Incarnatione ad Flavianum epistola; declaratum est duas in Christo naturas esse, & ab omnibus acclamatum: *Hæc est Patrum fides, hæc Apostolorum fides, omnes ita credimus, Orthodoxi ita credimus, anathema qui non ita credit, Petrus per Leonem ita locutus est.*

In tertia.

Ter citatur ad Concilium Dioscorus, & renuens venire deponitur; tum quod Eutychen à proprio excommunicatum Episcopo in communionem recepisset, tum quia S. Leonis epistolam in Synodo Ephesina II. legi prohibuisset, tum quod Leonem ipsum excommunicare fuerat ausus, & quod demum ter ad Concilium vocatus venire rennuisset.

In quarta.

Varii Clerici & Monachi Concilium ingressi, Dioscorum in communionem restitui, & in Concilio sedere postulant; sed contra illos, & Dioscorum unanimi Patrum voce clamatum: *Anathema Dioscoro, Dioscorum Christus deposuit, mitte foras superfluos, Concilium Episcoporum est.*

In quinta.

Leſta eſt tandem & approbata fidei definitio, quã unum, eundemque Christum Filium divinum unigenitum, in duabus naturis inconfuſe, immutabiliter, indiviſe, inſeparabiliter agnoſcendum declaratur.

In ſexta.

Ad Concilii Patres orationem habens Imperator, dixit inter alia, ſe cum uxore piſſima Pulcheria, ad Concilium veniſſe ad fidem roborandam, non ad aliquam potentiam oſtendendam ſive exercendam, exemplo religioſiſſimi Principis Conſtantini; ut veritate inventa, non ultra multitudo pravis doctrinis attrita diſcordet. Poſt hæc, relecta eſt fidei definitio, & omnium ſubſcriptione firmata, & inſuper tria iſta Capitula diſciplinam ſpectantia, Concilio probanda propoſuit Marſianus; quorum

1. Monachis interdicit, ne præter Episcopi voluntatem, Monasteria ædificent, & ne ſervos in Monasteriis recipiant abſque dominorum conſenſu.

2. Clericis vetat, ne poſſeſſiones conducant, aut procuracionem ſuſcipiant.

3. Denique eiſdem prohibet, ne è propria in alienam tranſeant Eccleſiam.

In ſeptima.

Cauſa Juvenalis Jerofolymitani, ac Maximi Antiocheni, & iudicio Synodi, & mutuo partium conſenſu compoſita.

In octava.

Theodoretus Cyri Episcopus jussu Synodi in Nestorium dixit anathema, quo peracto sibi omnium conciliavit animos, & suæ sedi restitutus est, à qua fuerat à Dioscoro in Ephesino Conciliabulo dejectus; aut potius approbata ejus restitutio antea per S. Leonem decreta.

In nona & decima.

Causa Ibx Edeffeni Episcopi agitata est, Is à Dioscoro pariter in Ephesino Conciliabulo depositus; sed re ad hoc Chalcedonense Concilium delata & discussa, vitæ probata, & integræ fidei repertus est; quare dicto in Nestorium & Eutychen anathemate, suæ restitutus est Ecclesiæ.

In undecima & duodecima.

Bassiani & Stephani controversia sopita est; ille enim à sede Ephesina depositus, iste subrogatus fuerat; judicatum fuit, ut neuter sederet, tertius ordinaretur, & utrique ex ærario Ephesinæ Ecclesiæ subministraretur pensio, *Nutrimenti gratia & consolationis*; sive decretum est, ut utrique annua daretur pensio, collatis ex ærario Ephesinæ Ecclesiæ solidis aureis ducentis, quovis anno persolvendis: & hæc est prima pensionum Ecclesiasticarum origo; nullibi enim legitur hujusmodi pensionum mentio facta ante Concilium Chalcedonense, à quo coepit statui pensio pro *Bassiano & Stephano* exauctoratis; imò & pro *Sabiniano* Perrhenfis Ecclesiæ Coadjutore.

In decima tertia.

Eunomii Nicomedienfis Episcopi, & Anastasii Nicæni pariter Episcopi lis finita est. *Anastasium* Nicænum accusabat *Eunomius*, quòd sibi Metropolitanus jus usurparet contra Canones; nihil econtra se adversus Canones tentasse respondebat *Anastasius*.

In decima quarta.

Agitata est causa de contentione Perrhenfis Episcopatus inter *Sabinianum & Anastasium*; & judicatum, quòd si intra octo menses non convinceretur *Anastasius* Perrhenfis Episcopus, suæ restitueretur Ecclesiæ, à qua fuerat dejectus; *Sabinianus* verò eo casu substitutus esset, id est, Coadjutore, Ecclesiæque Perrhenfis sumptibus aleretur, seu pensionem ex redditibus Ecclesiæ Perrhenfis haberet.

In decima quinta.

Absentibus Sedis Apostolicæ Legatis, plures Canones à Patribus editi sunt. Græci Codices habent 30. Latini verò 28. vel 27.

In decima sexta.

Postulantibus Sedis Apostolicæ Legatis, relegendur gesta in præcedenti sessione, præsertim Canon 28. tribuens Constantinopolitanæ Sedi Primatum honoris post Romanam.

CANON I.

A præcedentibus Conciliis constitutos confirmat Canones omnes.

Et Canones edicti 28.

CANON II.

Simoniacas ordinationes, sicut & Beneficiorum collationes reprobat.

CANON III.

Clericis sæcularium negotiorum curas, dempta pupillorum causa, vetat.

CANON IV.

Sine Episcopi consensu Monasteria, vel Oratoria fieri prohibet.

CANON V.

Episcopis ac Clericis de una in aliam migrare civitatem inibet.

CANON VI.

Clericos absolute, id est, sine titulo, aut beneficio ordinari non permittit.

CANON VII.

Clericis & Monachis militiam, sæcularesque prohibet dignitates.

CANON VIII.

Pauperum, seu Mendicorum dispensatores Episcopo suo subjacere & obedire jubet.

CANON IX.

Præcipit, quòd si Clericus adversus Conciliarum causam habeat, non ad sæculare Tribunal, sed ad Episcopale deferat; si adversus Episcopum ipsum, ad Provinciæ Synodum; si adversus Metropolitanum, ad Primatem, vel ad Regiæ urbis Constantinopolitanæ sedem.

CANON X.

Clericis prohibet, ne in duabus conscribantur Ecclesiis, seu ne duo simul beneficia teneant.

CANON XI.

Egenis peregrè proficiscentibus epistolas pacificas, non commendatitias dari decernit.

CANON XII.

In una & eadem Provincia duos Metropolitanos esse vetat.

CANON XIII.

Clericis suam extra Ecclesiam ministrare prohibet, sine commendatitiis sui Episcopi literis.

CANON XIV.

Clericis, quibus & ubi nubere licitum est, uxorem alterius sectæ ducere vetat.

C A N O N X V.

Diaconissam ante annum quadragesimum ordinari vetat, & semel ordinatam, si nubat, excommunicat cum marito.

C A N O N X V I.

Sacras Virgines Deo dicatas, similiter & Monachos nubere prohibet.

C A N O N X V I I.

Ad vitandas de Parochianis Ecclesiis inter Episcopos rixas, jubet Parochianas Ecclesias apud eos manere, qui eas per 30. annos rexerint.

C A N O N X V I I I.

Clericos adversus Episcopos, vel alios conspirantes, sive fratias, hoc est factiones componentes, suo privat gradu.

C A N O N X I X.

Concilia provincialia bis in anno, juxta Regulas Patrum celebrari jubet, & Episcopos in unum convenire ut corrigenda corrigant.

C A N O N X X.

Clericos in una Ecclesia ordinatorum, & migrantes ad aliam, communione privat, simul & qui eos suscipiunt, Episcopos.

C A N O N X X I.

Clericos aut Laicos passim accusantes sine probatione, ad Episcoporum, vel Conclericorum accusationem recipi vetat.

C A N O N X X I I.

Clericos Episcopi defuncti bona diripientes gradu privat.

C A N O N X X I I I.

Clericos & Monachos sine licentia Episcopi in regia vagantes civitate, ad propria redire loca compellit.

C A N O N X X I V.

Monasteria semel Deo dicata, sæcularium cœnacula fieri vetat.

C A N O N X X V.

Episcoporum ordinationes sex intra menses fieri, & non ultra differri jubet.

C A N O N X X V I.

Occasione libæ Edeffeni Episcopi de mala bonorum Ecclesiæ administratione suspecti, in qualibet Ecclesia œconomum institui jubet.

C A N O N X X V I I.

Mulierum raptores, simul & cooperantes, si Clerici sint, gradu privat; si Laici, anathematizat.

C A N O N X X V I I I.

Jus Patriarchicum, & Primatus honorem, post Romanam Constantinopolitanæ Sedi confirmat.

Notandum

Hic obiter hunc 28. Canonem esse celebrem illum Canonem à Canono numero etiam à Græcis expunctum, & à S. Leone tunc Romano Pontifice nusquam probatum, sed rejectum; non solum, quia Anatolii Constantinopolitani Patriarchæ fraudibus, regressis Sedis Romanæ Legatis, & aliis absentibus Patriarchis, furtim & clandestinè cūsum; sed quia duo continet manifestè falsa. 1. est, quòd dicat à Nicæno Concilio huic concessum Sedi Romanæ Primatum; alterum, quòd idè ei concessum asserat, quia Roma Sedes est Imperii. Primum enim ex eo patet falsum, quòd sextus Nicæni Concilii Canon in genuinis Codicibus sic incipiat: *Ecclesia Romana semper habuit Primatum; antiqua autem consuetudo servetur*; si semper habuit ante Nicænum Concilium, ergo non à Nicæno Concilio primitus habuit. Alterum non minus falsum esse docent S. Leo in epist. ad Marcianum, & S. Gelasius in epistola ad Episcopos Dardaniæ, ubi inter alia sic ait: *Mediolanum, Ravenna, Sirmium, Treveri, & Nicomedia multis temporibus Sedes Imperii fuerunt; quibus cum nihil plus juris, dignitatis, & prerogativæ Ecclesiæ ea de causa concessum fuerit, non immeritò mendacii arguntur, qui dicunt prædicta de causa Romanam urbem ad fastigium Apostolici muneris evellam esse.*

ARTICULUS VI.

De Concilio Constantinopolitano II. anno 553.

*Sub Vigilio Romano Pontifice pro celebri de tribus Capitulis decidenda lite;
& damnanda erronea Origenis doctrina.*

TRIA Capitula, de quibus est frequens & celebris in historia Ecclesiastica mentio, & præcipua hoc in Concilio œcumenico questio, erant ista. Primum erat de Theodori Mopsuesteni libris, alterum de Theodoretæ Cyrensis in Cyrillum anathematismis, & tertium de Ibæ Edeseni ad Marim Persam epistola. Hæc tria probabantur à multis: ut impia vicissim Nestorioque faventia meritò rejiciebantur ab aliis. Theodorus enim Mopsuestenæ civitatis Episcopus, ante Ephesinam Synodum, contra Eunomium & Apollinarem assertores unius in Christo naturæ ita scripserat, ut unam tamen in Christo personam, & Deum carne indutum, & Mariam Dei matrem fuisse negaret; Theodoretus verò Cyrensis Episcopus, duodecim Ephesinæ fidei Capitulis à Cyrillo conscriptis totidem objecerat anathematismos; Ibæ denique Edesenæ civitatis Episcopus in sua ad Marim Persam epistola coarguit Rabulam decessorem suum, quòd immeritò anathemate damnaasset Theodorum Mopsuestenum, quem de Ecclesia benè meritum, Doctoremque fuisse strenuum in multis adversus hæreticos dimicationibus agebat. Fuit hæc epistola multis offendiculo, trahebaturque rudiores ad Mopsuesteni partes, cujus dogmata continebat. Ex iis tribus non damnatis in Chalcedonenſi Concilio Capitulis, Nestoriana reviviscere cœpit hæresis, & occasio nasci quintum hoc œcumenicum celebrandi Concilium: ex eo enim quòd hæc tria Ca-

Brevis &
historica
Concilii
Constanti-
nop. II.
summa.

Appar. Annati T. II.

D 3 pitula

pitula non essent à Chalcedonenſi Concilio damnata, Neſtorii doctrinæ licet multum faventia; ſed econtrà auctores illi, ſaltem duo, videlicet Ibas & Theodoretus eſſent in communionem recepti, conſequenter perperam & injuſtè ab Ephreſino œcumenico Concilio damnatum fuiſſe eum ſua doctrina Neſtorium inferebant Neſtorii Sectarii ſive Neſtoriani. Urgebant interim *Eutychiani*, ut damnarentur hæc tria Capitula: ſperabant inde futurum ut Concilii Chalcedonenſis, à quo fuerant ipſi damnati, minueretur auctoritas. Inter utroſque, Neſtorianos videlicet & Eutychianos, dubii quid facerent hærebant orthodoxi; an damnarent vel approbarent, quòve ſe verterent nescii, timentes ne ſi approbent, ſaveant Neſtorianis in Ephreſino Concilio damnatis; ſi econtrà reproben, proſcriptis in Chalcedonenſi Concilio ſaveant Eutychianis. Gravis ea de re agitur, vigetque ceutenos ſerè per annos controverſia; cui tandem ut finem imponeret Imperator *Juſtinianus*, ſolemne condemnationis edictum in hæc tria præſata Capitula tulit: ſed illi, quia in hoc Imperii limites tranſgreſſo, oblitit ſummus Pontifex *Vigilius*. Irascitur vehementer in Vigilium Imperator, variisq; eum vexat laboribus & contumeliis; nec deſiſit Vigilius, planè ſciens in Chalcedonenſi Concilio hæc tria, nec damnata, nec approbata fuiſſe Capitula, ſed ſolùm auctores eorum, videlicet duos, *Ibam & Theodoretum* in communionem fuiſſe receptos, eo ipſo quo Neſtorio & focus ejus anathema dixere. *Vigilius* tandem inviſta conſtantia victus *Juſtinianus*, edictum ſuſtulit, ſicque edicto ſublato, de communi utriuſque conſenſu integra decifio cauſæ ſuſpenſa eſt, & ad univerſale Concilium remiſſa. Convocatum itaque eſt Concilium iſtud œcumenicum V. & Conſtantinopolitanum II. à Vigilio quidem ſaltem conſentiente, auctoritate Pontificia, à Juſtiniano verò exequente, opera, ſtudio & favore, anno Chriſti 553. eique interfuere 165. Epifcopi, quos inter tres Orientales eminebant Patriarchæ, videlicet Eutychius Conſtantinopolitanus, Apollinarius Alexandrinus, & Dominus Antiochenus.

Concilio præſuit non Mennas, ut falſò docet Calvinus, ſed Mennæ ſucceſſor Eutychius, conſentiente & per ſe ipſum addeſſe nolente *Vigilio*, licet tunc Conſtantinopoli degente, & per Patriarchas & Epifcopos 17. nomine totius Concilii, & iterum per Patricios tres cum Epifcopis ab Imperatore miſſos, etiam atque etiam intereſſe rogato, imò & per *Eutychium* ipſum ad præſidendum invitato, etiam ante Concilium convocatum, ut indicat ipſa *Eutychii* ad Vigilium epiſtola, quatuor menſibus ante Concilium data; in qua ſic ait: *Neceſſarium conſerri de tribus Capitulis, unde quibuſdam quaſtio nata eſt; & ideò petimus præſidente nobis veſtra beatitudine, ſub tranquillitate & ſacerdotali manſuetudine propoſitis ſanctis Euangelis, communi tractatu eadem Capitula in medio proponenda quari & conſerri, & ſinem quaſtioni imponi Deo placitum, & convenientem his qua à ſanctis quatuor Conciliis definita ſunt; & conſtituit ipſa Vigilius ad Eutychium epiſtola, in qua ſic loquitur Vigilius: Veſtrum deſiderium cognoscentes annuimus, ut de tribus Capitulis ex quibus quaſtio nata eſt, factò regulari conventu, ſervata æquitate, mediis ſacroſanctis Euangelis, collationem cum unitis fratribus habeamus, & ſinis detur placitus Deo, & conveniens iis qua à ſanctis quatuor ſunt definita Conciliis. Conſentit itaque Vigilius, ut Concilio præſideret Eutychius, ipſe verò per ſe ideò intereſſe noluit, tum ut à majorum ſuorum qui Synodis generalibus non interfuerunt, conſuetudine non recederet, tum quia paucos ſecum ex Italia duxerat Occidentales Epifcopos:*

pos : quippe qui non ad Synodum, sed ad Imperatorem profectus fuerat. Imperator vero suam de tribus Capitulis sententiam pluribus Episcoporum suffragiis confirmari peroptans, solos Orientales, & nullos Occidentales ad Concilium vocaverat Episcopos : quod cum improbasset, acriterque reprehendisset *Vigilius*, convenerat enim cum Imperatore tot Concilio interesse debere Occidentales, quot Orientales; inde factum ut totidem postea ex Occidente, quot ex Oriente vocaverit. Sed interea dum expectantur vocati, Imperatore maturante Synodum ante Occidentalium adventum, congregantur Orientales; inchoatur Concilium quarto nonas Maji, & concluditur collationibus sive sessionibus octo, quæ colliguntur omnia ex *Liberato Carthag. ex Niceph. & actis Synodi quinta*.

In 1. Collatione.

Deputantur ad Vigilium 17. Metropolitani Episc. & 3. Patriarchæ suppliciter rogaturi, ut ad Concilium venire, eique præesse dignetur; se ob corporis aegritudinem venire non posse respondit. *Vigilius*, seque in hoc suorum prædecessorum exempla sequi velle, qui nusquam per seipsos generalibus Conciliis interfuisse leguntur, promittens se suam de tribus Capitulis sententiam scripto publico dicturum, & ad Imperatorem missurum. Quibus ad Concilium relatis, ad eundem iterum iidem remittuntur Legati Præsules, cum pluribus Patriciis & Nobilibus ab Imperatore missis, eundem iterum rogaturi nomine Concilii.

Cujus
collationes
numerantur
octo.

In 2. Collatione.

Suæ Legationis rationem reddentes Concilio Legati Præsules, referunt se ad Concilium venire non posse dixisse *Vigilium*, eo quod Orientalium Concilii Patrum numerus esset Occidentalium sibi adherentium numero longè major, seque scorsim, quid de tribus Capitulis sentiret, ad Imperatorem quamprimum fieri posset, missurum.

In 3. Collatione.

Fidem Catholicam ab Apostolis traditam, & à quatuor præcedentibus Conciliis declaratam profitentur Concilii Patres, & hæreticos ab iisdem Conciliis damnatos damnant. Quibus peractis, decernitur detribus Capitulis tractandum esse in proximè futuro confesso.

In 4. Collatione.

Cum quarto idus Mayas, quartam Collationem habituri convenissent Concilii PP. ut tria inciperent discutere Capitula præfata, mandarunt legi codices, & recitari horrendas *Theodori Mopsuesteni* blasphemias, impiumque ejus fidei Symbolum; quo audito Symbolo sancta Synodus exclamavit, anathema ei qui hoc Symbolum composuit, anathema Theodoro Mopsuesteno, anathema illis qui non anathematizant eum; & licet manifesta essent quæ contra eum SS. PP. leges Imperiales, & historici dixerunt, tamen ne quid examinandum omitteretur, in alium diem cætera remiserunt audienda.

In 5. Collatione.

In medium producta sunt quæ SS. PP. quæ præsertim Cyrillus, Proclus & Rabula in Theodorum dixerunt, quæ leges Imperiales in eum sancitæ fuere; acta Synodi Mopfuestenæ recitata sunt, quibus constaret illum olim fuisse ex Ecclesiæ dypticis abrasum, & dictum hæc in Theodorum dicta sufficere, definitumque quod tunc apud multos in controversia erat, hæreticos etiam post obitum ab Ecclesia posse damnari, idque probatum à Sextiliano Africanæ Ecclesiæ Legato; & postea à Theodoro ad Theodoretum scripta illa quæ erant fidei contraria, factus transitus, hoc est ad ejus in Cyrillum anathematismos: quibus recitatis, laudatum est sanctum Chalcedonenſe Concilium, quod non prius Theodoretum ad Communionem suscepisset, quam is Nestorio anathema dixisset.

In 6. Collatione.

Post recitatam Ibæ Edesseni Præfulis epistolam, lecta est Procli Constantinopolitani ad Joannem Antiochenum altera, ex qua constaret apud Proclum accusatum fuisse Ibam, quod Nestorii dogmata diligeret, & impia Theodori scripta comprobaret: lecta insuper acta Ephesini Concilii primi, lecta & S. Leonis ad Flavianum epistola, lecta & fidei professio, Concilii Chalcedonenſis actibus inserta, & his omnibus cum præfata Ibæ Edesseni Præfulis epistola ritè collatis, universo placuit Concilio illam ut in multis hæreticam epistolam damnare & anathematizare: conclamarunt enim omnes Concilii PP. *Epistola hæretica est, epistolam quæ dicitur Ibæ, omnes condemnamus, istam omnes anathematizamus, &c.*

In 7. Collatione.

Ad suggestionem Quæstoris Imperatorii lectæ sunt illæ Vigiliæ Romæ, Pout. literæ, quæ ad Rusticum & Sebastianum Ecclesiæ Romanæ Diaconos, ad Valentinianum Tomitanæ Ecclesiæ Præfulem in Scythia, & ad Aurelianum Arelatenſem Episcopum fuerant scriptæ; easque ideò legi voluit Imperator, ut ex his Vigiliis prævaricationis arguere posset, quasi antea tria Capitula condemnasset, quæ postea defenderet: ostensum est postea ex Antiochenis Nestorianos sibi Theodoretum tanquam vendicasse, ejusque imaginem cum triumpho & Psalmorum cantu in civitatem Cyri duxisse.

In 8. Collatione.

Hac in 8. & ultima Collatione quarto nonas Junii habita, post breviter recensita omnia hæcenus hoc in Concilio gesta, post susceptas iterum quatuor primas sanctas Synodos, Nicænam, Constantinopolitanam, Ephelinam & Chalcedonenſem, post suscepta omnia quæ ipsæ definirunt, & damnata quæ damnarunt, prolata tandem est Synodica & definitivæ damnationis sententia in hæc tria Capitula, videlicet in impium Theodorum Mopfuestenum & scripta ejus, in Theodoretum Cyrensis anathematismos contra Cyrillum scriptos, & in Ibæ Edesseni Præfulis epistolam ad Ma-

Marim Persam scriptam; & ad sententiæ calcem appositi sunt 14. anathematismi seu Canones 14. cum anathemate à Concilio Patribus editi, in quibus nedum hæc tria Capitula, sed ipsi Origenistæ reperinntur anathematizati; imò Arius, Eunomius, Macedonius, Apollinaris, Nestorius, Eutyches, Origenes & alii cum suis impiis scriptis in quatuor primis sanctis Conciliis à Catholica & Apostolica Ecclesia damnati.

CANON I.

Anathematizat eum, qui non confitetur unam & eandem esse naturam sive essentiam, virtutem, potentiam Patris, Filii, & Spiritus Sancti, Trinitatem consubstantialem, unam Deitatem in tribus subsistentiis, sive personis adorandam. Et Canones sive anathematismi 14.

CANON II.

Anathematizat eum, qui non confitetur Dei Verbi duas esse natiuitates, unam ante sæcula incorporaliter ex Patre, alteram ejusdem in tempore incarnati ex sancta gloriosa Dei Genitrice.

CANON III.

Anathematizat eum, qui dicit alium esse Deum Verbum, qui miracula fecit, & alium Christum qui passus est, &c.

CANON IV.

Anathematizat eum, qui non confitetur unionem Dei Verbi ad carnem secundum compositionem, id est, secundum subsistentiam factam.

CANON V.

Anathematizat eum, qui unam subsistentiam Domini nostri Jesu Christi ita intelligit, tanquam suscipientem multarum substantiarum significationem, & propterea conatur introducere in Christo duas subsistentias, vel personas, & ab eo introductis duabus personis, unam personam dicit per dignitatem & honorem & adorationem, sicut Theodorus & Nestorius infantes dicebant.

CANON VI.

Anathematizat eum, qui abusive & non verè Dei Genitricem dicit sanctam, gloriosam, semperque Virginem Mariam.

CANON VII.

Anathematizat eum, qui in duabus naturis dicens, non ut in deitate & humanitate, unum Dominum nostrum Jesum Christum cognosci confitetur, ut per hoc significet differentiam naturarum, ex quibus confusa & ineffabilis unitas facta est, &c.

CANON VIII.

Anathematizat eum, qui dicens ex divina & humana natura unionem fuisse factam, non sic intelligit, ut SS. PP. docuerunt, quòd ex divina natura & humana, unionem secundum subsistentiam facta, unus Christus factus est.

CANON IX.

Anathematizat eum, qui sic in duabus naturis Christum adorat, ut non una & eadem adoratione, & Deum Verbum incarnatum cum ejus carne

carne adoret, sed duas introducat adorationes, unam Dei Verbo, alteram homini.

C A N O N X.

Anathematizat eum, qui non confitetur crucifixum carne Dominum nostrum Jesum Christum, esse verum Deum, Dominum gloriæ, & unum de sancta Trinitate.

C A N O N X I.

Anathematizat eum, qui non anathematizat Arium, Eunomium, Macedonium, Apollinarem, Nestorium, Eutychen, & Origenem, cum impiis eorum scriptis, hæreticosque alios à sancta Dei Ecclesia, vel à præcedentibus quatuor Conciliis anathematizatos.

C A N O N X I I.

Anathematizat eum, qui impium Theodorum Mopsuestenum defendit.

C A N O N X I I I.

Anathematizat eum, qui impia Theodoreti scripta propugnat, ea videlicet, quæ contra Ephesium primam Synodum, S. Cyrillum, & contra 12. Cyrilli Capitula, quæve pro Theodoro & Nestorio conscriptis.

C A N O N X I V.

Anathematizat eum, qui epistolam, quæ ab Iba ad Marim Persam dicitur scripta, defendit.

Confirmatur hoc Concilium à Pelagio II. à Greg. Mag. à Leone II. & à Vigilio.

Obijcies tortè & 1. Concilium istud non videtur à sancta Sede confirmatum & approbatum; ergo nec œcumenicum censi debet. Resp. neg. ant. & consequ. Fuit enim approbatum à pluribus summis Pontificibus, & præsertim

1. A Pelagio II. ut patet ex libro illo quem, teste Gregorio Mag. lib. 2. epist. 36. conscripsit adversus Schismaticos illos, qui repudiantes hoc Concilium tanquam Chalcedonensi contrarium, se ab unitate Ecclesiæ separaverant.

2. A Gregorio Magno Pelagii successore, ut patet ex ejus ad Joan. Constant. epist. 24. lib. 1. in qua sic ait: *Quintum quoque Concilium pariter veneror, in quo Theodorus personam mediatoris Dei & hominum in duabus subsistentiis separans, ad impietatis perfidiam cecidisse convincitur, & in quo scripta quoque Theodoreti, per quæ Beati Cyrilli fides reprehenditur, ausu dementia prolata reperiuntur; cunctas vero quas præfata veneranda Concilia profus respuit respuit, quas venerantur complector, &c.*

3. A Leone II. ut constat ex ejus ad Constantinum Imp. epistola in Concilio œcumenico recitata.

4. Ab ipso quoque Vigilio; sed quo tempore, quoque modo, controversatur. *Euagrius* lib. 4. cap. 37. tenet illum per literas Synodo consensisse; at cum conitet Imperatorem, tam Vigiliū quàm alios orthodoxos Antislites in exilium relegasse, quod damnationem trium Capitulorum & cætera Synodalia decreta non reciperent, non videtur verum, ut notat *Binius*, Vigiliū per literas consensisse; si enim consensisset, nullam eum relegandi causam Imperator habuisset; unde verius esse censendum, tum demum Vigiliū hanc Synodum approbasse, abrogato quod prius pro defensione trium Capitulorum fecerat Constituto, quando vindicata per Narsetem à Gothis Italia anno primo post absolutum Concilium, ab exilio

lio solutus ab Imperatore acerrimo trium Capitulorum hoste, muneri-
bus, donis ac privilegiis ornatus in Italiam redire permittus est.

5. Omnes denique Synodi œcumenicæ post hanc quintam celebratæ,
eamdem quintam pro œcumenica agnoverunt & approbarunt; ac pro-
inde ex iis sufficienter constat, hanc esse ab universali Ecclesia pro œcu-
menica receptam & approbatam.

Instabis. Ergo erroris & inconstantiæ ac prævaricationis reus dicendus
ipse *Vigilius*, quod semel suo Constituto tria Capitula defenderit & proba-
verit, & postea ad Concilii & Imperatoris mentem accedens, eadem vi-
cissim, hoc Concilium œcumenicum quintum approbando, damnaverit.

Nec ta-
men in hoc
erroris vel
inconstan-
tiæ reus di-
cendus Vi-
gilius.

Resp. neg. consequ. quia teste S. Greg. lib. 3. epist. 37. hoc in Concilio,
in hisce disceptationibus de tribus Capitulis nulla fuit de fide, sed tantum
de personis quæstio. Quæstio autem quæ non erat de fide, sed de perso-
nis tantum, citra periculum erroris in fide, vel alterius cuiuscunque cri-
minis pro circumstantiarum diversitate affirmari quandoque, & negari
quandoque poterat, id ita exigente pacis & Ecclesiæ bono, ut in hoc Vi-
gilii casu. Quod ut clarius pateat, advertendum est, quod cum in Africa-
na Occidentali Ecclesia Schisma fuisset ortum, ex eo quod summus Pon-
tifex *Vigilius* ad sententiam Imperatoris hæc tria impugnantis Capitula de-
clinasset, huiusmodi Schismatis Occidentalis Ecclesiæ tollendi gratia, opus
fuit ut pro defensione trium Capitulorum Constitutum ederet *Vigilius*, cu-
jus vi Occidentales Orientalibus unirentur Ecclesiæ, & vitaretur Chalce-
donensis Concilii contemptus à trium Capitulorum impugnatoribus inten-
tus. Cum verò post finem huius Concilii, Schismatis longè majoris immi-
neret periculum, totaque Orientalis ab Occidentali separanda metuere-
tur Ecclesia, si Concilium istud non approbasset, & à Concilio damna-
ta tria Capitula non damnavisset, ideo hoc in casu in quo nullum erat fidei
nocendi periculum, sed e contra novi Schismatis nova timenda ratio,
priorem mutavit sententiam, & istud Concilium approbans, tria Capitu-
la cum Concilio damnavit; qua in re nec erroris, nec inconstantiae,
nec prævaricationis reus dicendus, sed de summa prudentia & sapienti
œconomia laudandus est *Vigilius*, in hoc Paulum Apost. prudenter imita-
tus, qui quantumvis antea in Concilio Jerosolymis habito, suum pro
abroganda Circumcisione suffragium tulisset, nihilominus nova suborta
circumcidendi causa, Timotheum circumcidit, ut legitur Act. cap. 16.
vers. 3. novique scandali emergente periculo, Petro ad tempus dissimu-
lanti in faciem restitit.

Obicies. 2. Hæc tria Capitula fuere in Chalcedonensi Concilio recepta
& probata; ergo erravit, & Chalcedonensi Concilio injuriam fecit ista
quinta Synodus, dum hæc tria Capitula damnavit. Prob. ant. 1. *Theodo-
rus Mopsuestenus* etiam mortuus laudatur à Joanne Antiocheno in episto-
la ad Proclum, & hanc epistolam Chalcedonense Concilium approbavit
in allocatione ad Marcianum Imper. ipsiusque Theodori laudatores alios
suscepit ut Patres. 2. *Theodoretus Cyrensis* à Synodo Chalcedonensi inter
Patres susceptus est, ejusque fides laudata. 3. denique *Ibas Edesseus* Episc.
nec dum susceptus est à Chalcedonensi Concilio, sed etiam relecta ejus
epistola, agnitus est ut orthodoxus à Sedis Apostolicæ Legatis: Atqui
hæc sunt tria Capitula de quibus est quæstio; ergo hæc tria Capitula fue-
re in Concilio Chalcedonensi probata.

Nec erravit
Concili-
um istud,
nec Chal-
cedonensi
Concilio
injuriam fe-
cit ullam,
tria Capitu-
la damnan-
do.

Resp. neg. ant. absolute; hæc enim tria nec probaverat, nec repro-
bave-

baverat Concilium Chalcedonenſe Capitula, ſed ſuum de iis ſuſpenderat iudicium, & ſolum *Theodoretum* & *Ibam* in communionem admiſerat eo ipſo, quo anathema dixerat Neſtorio. Ad probationes in contrarium allatas repono. 1. Quoad *Theodorum* Mopſueſtenum, dico *Joannem* Antiochenum non eum ita hac in epiſtola laudare, ut eum erroris putum aſſerit; ſed ut oſtendat tantum eum cum hæreticis non eſſe damnum, propter egregiam Eccleſiæ navatam operam, & quia in Eccleſiæ pace deſunctus videbatur; de illo enim alibi ſic loquitur *Joannes* Antiochenus, ut referatur in epiſtola Pelagii II. ad Epiſcopos Iſtriæ: *Multo tempore perſeverans Theodorus perſuaſus multis & Neſtorio, quod Chriſtus Filius Dei vivi, qui de ſancta Virgine Maria natus eſt, non eſt qui ex Patre natus eſt Verbum, conſubſtantialis Genitori, ſed homo pro qualitate ſue voluntatis ex Deo Verbo cooperationem ſuſcipiens.* 2. Quoad *Theodoretum* verò fateor cum Pelagio II. in epiſt. ad Epiſc. Iſtriæ, ſuſceptum fuiſſe quidem à Chalcedonenſi Concilio inter Concilii PP. poſtquam dixit anathema Neſtorio Neſtorique doctrinæ; quod anathema dicendo, ſua conſequenter pro Neſtorio, & contra Cyrillum ſcripta damnavit & anathematizavit. 3. Quoad *Ibam* Edeſſenum denique reſpondeo, quòd licet ut orthodoxus à Chalcedonenſis Concilii PP. fuerit ſuſceptus *Ibas*, non ſequitur illius Catholicam & orthodoxam fuiſſe epiſtolam, quia non eſt ſuſceptus pariter *Ibas*, niſi poſtquam pariter dixit anathema Neſtorio, quo anathemate in Neſtorium Neſtorique doctrinam lato, viſus eſt conſequenter ſuam ad Marim epiſtolam Neſtorio faventem reprobare & anathematizare; ac proinde licet ut orthodoxus fuerit ſuſceptus *Ibas* à Chalcedonenſis Concilii PP. non ſequitur ejus approbatam fuiſſe & ut orthodoxam admiſſam epiſtolam: & licet unus aliquis à Chalcedonenſis Concilii PP. qualis fuit *Maximus* Antiochenus, illam orthodoxam eſſe judicaverit, nihil inde concludi poteſt, quia in Concilio Concilii iudicium dici nequit, quod unus vel pauci, ſed quod omnes, vel major pars judicaverit. Concilium autem Chalcedonenſe nec illam ut orthodoxam judicaverat, nec ut hæreticam reprobaverat; ſed ſuam de illa, imò & de tribus Capitulis iudicium tulerat nullum; ac proinde à Chalcedonenſi Concilio approbata dici nequeunt tria Capitula illa, nec conſequenter erraſſe, vel Chalcedonenſi Concilio injuriam feciſſe dicenda quinta Synodus, dum tria illa Capitula damnavit.

Nec jurisdictionis ſuæ limites exceſſit *Theodorus* Mopſueſtenum licet mortuum excommunicando.

Infatis. Injuſtè ſaltem, & ultra ſuæ jurisdictionis limites proceſſit quinta Synodus iſta, dum *Theodorum* Mopſueſtenum jam diu vita ſunctum anathematizavit, cum mortui ſint extra forum Eccleſiæ poſiti, ac proinde nullam in illos jurisdictionem habet Eccleſia; ergo, &c. Reſp. neg. ant. quia licet non poſſit Eccleſia in mortuos iudicium ferre, & eos anathematizare ſeu excommunicare excommunicatione propriè & ſtriçtè ſumpta, quæ ſit à fidelium communione ſeparatio, poteſt tamen de illorum libris, ſcriptis & doctrina, ac conſequenter & indireçtè ac illativè de illorum perſonis & in illarum nomen & memoriam anathema ſeu excommunicationem ferre, ſed excommunicationem improprie & latè ſumptam, quæ nihil ſit aliud, quàm declaratio deteſtationis in illorum nomen & memoriam; quatenus poteſt judicare & declarare illorum nomen ex Eccleſiæ dypticis eſſe delendum & deteſtandum, ſi hæretici vel ſchiſmatici ex ſcriptis fuiſſe probentur. Quod autem poſſit Eccleſia mortuos ſic excommunicare excommunicatione quæ illorum non attingat animam, ſed nomen & memoriam, probatum eſt in hac Synodo, quanta collat. & conſtat,

1. Ex Canone Africanæ Ecclesiæ 85. his verbis expresso : *Si quis Episcopus hæreticos extraneos à consanguinitate sua, vel hæreticos etiam consanguineos, aut paganos Ecclesiæ præstulerit, saltem post mortem, ei anathema dicatur, atque ejus nomen inter Dei Sacerdotes nullo modo recitetur.*

2. Ex S. August. epistola ad Bonifacium Comitem, dicente, se anathema dicturum Cæciliano, si vera essent quæ in illum objiciebant Donatistæ; quamvis & si vera essent quæ ab eis objecta Cæciliano, & nobis possent aliquando monstrari, ipsum jam mortuum anathematizaremus, &c.

3. Ex Benigno Heracleensi in Paphlagonia Præsule, & uno è Synodi quintæ Patribus collat. 5. dicente, Valentinum, Marcionem, & Basilidem à nulla Synodo, dum viverent, fuisse anathematizatos; & tamen alienum pietatis erat dogma quod turabantur, etiam post mortem ab Ecclesia anathematizari: justè ergo post mortem anathematizari potuit à quinta Synodo Theodorus Mopsuestenus.

Urgebis. Saltem hi qui in communione & pace Ecclesiæ mortui sunt, non possunt per Ecclesiam anathematizari, juxta illud S. Leonis ad Theodorum Forojulensem scribentis : *Nec necesse est nos eorum qui sic obierunt, merita actusque discutere; cum Dominus Deus noster, cujus judicia nequeunt comprehendere, quod sacerdotale ministerium implere non potuit, suæ justitiæ reservaverit.* Aequi Theodorus Mopsuestenus in communione & pace Ecclesiæ mortuus est; ergo anathematizari non potuit. Resp. diff. maj. si certum sit eos in Ecclesiæ pace obuisse, eosque non meruisse anathematizari seu ab Ecclesia rescindi dum viverent; conc. secus, neg. maj. & ad minorem, falsum esse dico Theodorum Mopsuestenum in Ecclesiæ pace obuisse, ipsumque non meruisse dum viveret anathematizari, ob suas hæreses, & obstinatum in his docendis animum: dixit enim idem Benignus Heracleensis in eadem quinta Synodo contra eos qui Theodorum in Ecclesiæ pace defunctum esse dicebant : *Ille in communicatione & pace Ecclesiarum defunctus est, qui usque ad mortem recta Ecclesiæ dogmata & servavit & predicavit: quod verò Theodorus non servavit nec predicavit recta Ecclesiæ dogmata, certum est ex ejus blasphemis; unde & post mortem ex Ecclesiæ Mopsuestenæ dypticis ejus nomen erasum & expunctum.*

Objicies 3. *Ibæ ad Mariam epistola* fuit in Chalcedonenſi Concilio recitata, nec tamen damnata; ergo approbata, ac proinde perperam & injustè postea damnata sub *Vigilio* in hac Synodo oecumenica quinta. Resp. perm. ant. neg. conseq. quia Chalcedonenſe Concilium *Ibæ* epistolam nec probavit nec reprobat, sed solum illam recitari permisit: cum enim ad illam provocatum esset, ut ex illa de Nestorianismo convinceretur *Ibas*, allata est & recitata act. 10. cùmque *Ibas* illam à se scriptam non negasset, & se nunc aliter sentire professus fuisset, à Concilii PP. ad communionem admissus est, & nullo alio de epistola illa judicio lato Orthodoxus declaratus, non ob scriptam à se epistolam illam, sed ob declaratam suam ab illa resipiscientiam; at postea cùm finita de fide *Ibæ* controversia, fuit sublato de illius Orthodoxia dubio, Nestoriani hac abuterentur epistola, falsòque dicerent eam à Chalcedonenſi Concilio receptam atque probatam, ac proinde probata in ea contenta dogmata omnia; cùmque inde fieret, ut Chalcedonenſe Concilium contemneretur à multis, quasi impiam illam *Ibæ* epistolam approbasset; ideo congruum fuit & necessarium, ut Synodali judicio decerneretur an quinta Synodo ista, impiam & hæreticam esse præfatam *Ibæ* epistolam, quamvis Catholicus & Orthodoxus esset *Ibas* auctor ejus.

Nec in pace & Ecclesiæ communione obierat Theodorus Mopsuestenus.

Nec Chalcedonenſi Concilio approbata, vel reprobat *Ibæ* ad Mariam epistola.

Objicies 4. Hispaniensis Ecclesia non recepit olim per multos annos quintam istam Synodum, ut ex multis constat, præsertim ex Conc. 14. Toletano, in quo sexta œcumenica in Monothelitas habita immediatè post Chalcedonense Concilium recensetur, & post illud recipiendum esse decernitur, nulla prorsus quintæ Synodi contra tria Capitula celebratæ mentione facta; & tamen Romani Pontifices à sua communione Hispanienses non rejiciebant Episcopos; ergo liberum erat quintam Synodum istam pro œcumenica recipere vel non recipere, ac proinde œcumenica dici nequit, cum licitum non sit Synodum œcumenicam pro libito recipere vel non recipere.

Resp. perm. ant. neg. conseq. quia licet alicujus provincie vel regni particularis illam non reciperet Ecclesia, non inde sequeretur illam œcumenicam non esse Synodum, si illam pro œcumenica universalis agnoscat Ecclesia; & reipsa quintam istam semper ut œcumenicam agnovit. Resp. 2. quòd si per aliquod tempus illam ut œcumenicam non receperint Ecclesiæ Hispaniensis Episcopi, idè non recepere, quia errore facti decepti, illam Chalcedonensi Concilio oppositam esse putabant; at tandem errore facti depositi, & melius informati, ad communem universalis Ecclesiæ sensum accesserunt Hispani, quorum processum hæcenus dissimulaverant & toleraverant summi Pontifices, quia non procaciter & palam Synodum quintam impugnabant Hispani, sed solum illam alto prætermittentibus silentio. Resp. 3. cum Sever. Binio, non idè Hispanos Concilii Toletani PP. can. 7. hanc Synodum quintam prætermisisse, quasi illam ut non verè œcumenicam abjicerent; sed quia eas illi tantum enumerabant Synodos, in quibus de fidei quæstionibus actum fuerat. Quare cum illi de fide tractarent, & in hac quinta Synodo, non de fide, sed de personis tantum ageretur, illam velut ad fidei dogmata stabilienda minis necessariam omiserunt. Vide Baronium ad annum 684. num. 6.

ARTICULUS VII.

De Concilio Constantinopolitano tertio, anno 681.

Sub Agathone Romano Pontifice pro duplici in Christo voluntate, contra Monothelitas.

Brevis & historica
tertii Con-
cilii Con-
stantinopo-
litani sum-
ma.

Quia definierat sub *Celestino* Romano Pontifice Synodus Ephesina contra *Nestorinm*, unam esse in Christo personam, definierat & postea sub *Leone Magno* contra Eutychem Chalcedonense Concilium, duas in Christo naturas esse; ex illa definitione duplici, suborta est nonnullis occasio hæresim cudendi novam, & negandi duas in Christo voluntates esse, operationesque duas: sicque ut occultè redirent isti ad priores Eutychem errores, & unicam in Christo naturam palam asserere non auderent, unicam in eo voluntatem, & operationem unicam assererebant, unde à voluntate una *Monothelita* cœpere dici, quicumque fuere ita sentire visi; quorum inter alios, duces fuere præcipui, *Theodorus* Pharanitanus Episcopus, *Cyrus* Alexandrinus, *Sergius* Patriarcha Constantinopolitanus, ejusque postea successores *Pyrrhus* & *Paulus*, qui omnium primi ausi sunt asserere, quòd sicut in Christo unus est operator, & unus volens, ita unam esse voluntatem,

tatem, operationemque unam : idque Heraclio Imperatori ita suaserunt consulti Sergius & Cyrus, ut sententiam illam Heraclius de una in Christo voluntate operationeque una publico vulgaverit edicto, quam Ecdesiam, hoc est fidei expositionem nominarunt, quamque Sergius post Constantinopoli coactam suorum Episcoporum Synodum, Imperatoris auctoritate & Episcoporum subscriptionibus, toto spectante populo, primarii Templi foribus affixit.

His magno fidei zelo non parum restitit *Sophronius*, spectatissimæ vitæ monachus, scriptis primò ad Cyrum & Sergium epistolis, & postea ad Patriarchalem Ierosolymæ sedem evectus, suorum coacto Episcoporum Concilio, in quo hæc nascentis Monothelismi perniciofa denuntiavit & enuntiata damnavit initia. Id molestè ferens Sergius, scripsit ad Honorium Rom. Pont. contra *Sophronium*, quòd novis duarum voluntatum actionumque nominibus totum misceret Orientem; scripsit & *Sophronius*. Scripta utrinque fuere plura. Hæc inter dissidia, pro bono pacis visum est nonnullis, abstinendum esse ab unius vel geminæ voluntatis vocabulo. Consensit, ut cederet tempori, *Sophronius*; consensit per Sergii literas apparerent sinceræ & Orthodoxas affectus summus Pontifex Honorius, scribens & ipse ad Sergium, virum in specie bonum; sperans ingens bonum inde futurum, & silentium fore fibulam pacis. Sed conventionis leges perfidè transgrediens Sergius cum suis, unam in Christo voluntatem, idque, sed falsò, ex sententia Honorii Rom. Pontificis prædicat. Serpit hæc hæresis per 40. circiter annos, ab Honorii scilicet primi Pontificatus ad Agathonis usque tempora.

Tandem ne latius ultra serperet, hortatu, consilio & opera *Constantini Pogonati*, & *Agathonis* Romani Pontificis auctoritate indictum & congregatum Constantinopoli hoc universale Concilium, anno Christi 680. Egit enim *Constantinus Pogonatus* primum cum Domino Rom. Pontifice, deinde cum Agathone Domini successore, de œcumenico Constantinopoli cogeno Concilio, præsentibus Sedis Apostolicæ Legatis. Annuit itatim *Agatho*, cogitque Romæ 125. Episcoporum Synodum, ut Occidentales Episcopi, qui vel per ætatem ipsi, vel per corporis morbum, aut ob itineris difficultates Synodo œcumenicæ præsentem esse non possunt, sua legatione præsentem forent, mittendo videlicet Legatos, qui Occidentalium Episcoporum nomine profiterentur, quid pro fide Catholica contra Monothelitas decernendum esse censerent. Misit ipse qui suo nomine, & ut Sedis Apostolicæ Legati Concilio œcumenico præfissent, quatuor istos, videlicet *Theodorum* & *Georgium* Presbyteros, *Joannem* Diaconum, & ut scribit *Anastas.* in Agathone, *Constantium* Subdiaconum. Misit verò Romana Synodus & tres alios, videlicet *Joannem* Portuensem, *Abundantium* Paternensem, & *Joannem* Regiensem sive Regitanum Episcopos; dato illis commonitorio tali, ut de incertis & dubiis nihil contendant, eaque dumtaxat in universali Patrum consensu proponant, quæ in hac Romana Synodo de fide fuerant constituta. Dedit & suis Agatho Legatis egregias & eruditas ad Imperatorem epistolas, quibus fidem Orthodoxam clarissimis factorum Voluminum, Patrumque sententiis ac traditionibus explicabat. Hoc commonitorio, hisque literis sic instructi, tam Romanæ Synodi quàm Agathonis Romani Pontificis Legati, Constantinopolim simul ad Concilium universale profecti sunt: cum his Concilio interfuere diversarum provinciarum Episcopi numero 289. si credamus *Theophani*

phani & Cedreno in suis annal. at 170. tantum, si Photio in lib. de Synodis, licet in actis Synodi actione ultima, 166. nec plures reperiantur subscripti. Interfuit & ipse Imperator *Constantinus Pogonatus*, non ut iudex & suffragator, sed ut defensor & moderator. Cæptum est Concilium septimo idus Novemb. anno 680. in ipso Palatii Secretario, cui quia in altum porrecto & in rotundum concamerato, Trullus siue *Trulla* nomen erat; ibique tandem 18. actionibus feliciter conclusum die decima sexta Decembris, anno 681. post Monothelitarum hæresim conciliari processu damnatam, ut constat tom. 6. Conc. ex sextæ Synodi generalis historia.

In Actione I. 7. dię Novembris habita.

Cujus
Actiones
fuerunt 18.

A sinistris, loco utpote in Ecclesia digniore, sedentes sedis Apostolicæ Legati, dum à dextris sedebant Constantinopolitanus & Antiochenus Patriarchæ, nec non vacantium Alexandrinæ & Jerosolymitanæ Sedium Legati, indicti Concilii causam exponentes, dixerunt ideò præsertim hoc indictum esse Concilium, ut nova de unica in Christo voluntate hæresis à Sergio & successoribus ejus invec̃ta damnaretur. Cùmque Macarius Antiochenus Patriarcha & Monothelita, Imperatoris jussu ad Legatorum objecta suo suorumque Sectariorum nomine responderet, nullam à se novitatem inductam vel hæresim, sed potius se credere & prædicare, quæ à sanctis Conciliis & Patribus accepta Honorius Papa & Cyrillus Alexandrinus professi essent; utque probet, quinque primarum Synodorum œcumenicarum deferuntur codices à Stephano Macarii discipulo, legiturque Synodus Ephesina usque ad illum Cyrilli locum, *est enim ejus omnipotens voluntas*: ex quo intulit statim Macarius unam in Christo voluntatem esse; sed frustra, perperam & ineptè: ostenderunt enim illic Sedis Apostolicæ Legati, præfatum Cyrilli locum de divina dumtaxat Christi voluntate loqui.

In Actione II. 10. Novemb. habita.

Chalcedonense legitur Concilium; ex quo nihil contra fidem orthodoxam pro sua firmanda hæresi invenire vel objicere potuit Macarius, sed potius Legatorum instantia, quando legebatur S. Leonis ad Flavianum epistola, qua duæ naturæ, & operationes duæ in Christo manifestè prædicantur, suis quasi jaculis confossus Macarius turpissimus, convictus mendacio quæsitivum effugium, & auctoritate Dionysii Areopagitæ usus, voluit ut Dei virilis tantum operatio Christi diceretur, duarumque voluntatum & operationum vocabulis abstinere.

In Actione III. 13. Novemb. habita.

Legitur quinta œcumenica Synodus, ad cujus initium, cùm commentitia quædam Mennæ Constantinopolitani Episcopi ad Vigilium epistola legeretur, in qua dicebatur unam in Christo voluntatem esse, hanc supposititiam esse, & Monothelitarum fraudibus, actis insertam esse, ex eo probarunt Legati, quòd sex annis ante quintam Synodum sub Vigilio habitam, Mennas ille præfatus ex hac vita migrasset.

In A^ctione IV. 15. Novemb. habita.

Le^ctā est Agathonis ad Imperatorem epistola; le^ctā est & Synodi Oc-
cidentalis altera, demonstrans utraque Catholicum esse dogma, duas in
Christo voluntates asserere, additque *Agatho* in sua, nullum Prædeceiso-
rum suorum usquam ab Orthodoxa & Catholica fide deflexisse,

In A^ctione V. 7. Decemb. habita,

Duos Macarius protulit codices, quibus, ut assererat, de unica in
Christo voluntate & operatione continebantur testimonia; quibus per-
lectis, decretum est, ut reliqua, si quæ haberet, in proximè futura ses-
sione proferret.

In A^ctione VI. 12. Decemb. habita;

Reliqua testimonia pro sua confirmanda sententia protulit Macarius;
quæ cum perlecta essent, truncata esse dixere sedis Apostolicæ Legati;
idque ut probarent, ex urbis Patriarchio authenticos deferri codices pe-
tiere; qua occasione iussit Imperator, utriusque partis probationes exhi-
bitas sigillo consignari, diligenterque custodiri, & de iis sequenti sessione
fideliter inquiri; & hæc anno Christi 680.

In A^ctione VII. die 13. Febr. anno 681. habita.

Pro duplici asserenda in Christo voluntate, varia SS. Patrum testimo-
nia protulere sedis Apostolicæ Legati; quibus perlectis, rogati Georgius
Constantinopolitanus & Macarius Antiochenus, an iis essent convicti,
cum codicibus Constantinopolitanis ea conferri petiere, & an Latina exem-
plaria sint cum Græcis consona, in præsentia plurium examinari.

In A^ctione VIII. die Martii 7. habita.

Georgius Constantinopolitanus, aliique plures Episcopi, qui præfato-
rum exemplarium interfuere collationi, retulerunt se loca Patrum à sedis
Apostolicæ Legatis pro duabus in Christo voluntatibus allata, fideliter al-
legata cognovisse, eaque authenticis Patrum codicibus planè consona re-
periisse, seque ea occasione motos, cum SS. Patribus de Christi volunta-
tibus & operationibus sentire ac credere, desertaque Monothelitarum per-
fidia fidem orthodoxam profiteri; quasque direxerat Agatho Papa sua in
epistola suggestiones, tanquam ex Spiritu Sancto dictatas per os Petri,
& digito ipsius Agathonis scriptas suscipere & amplecti. Macario econ-
trā non relapscenti, sed se potiùs membratim incidipassurum protestan-
ti, unanimi PP. voce, tanquam novo Dioscoro dictum est anathema,
iussusque deponi.

In A^ctione IX. die 8. Martii habita.

Testimoniorum Macarii collatione publicè facta, eorumque deprava-
tione
Appar. Annati T. II. E

tione palam manifestata, lata est depositionis sententia in illum, ejusque Diaconum, perfidix focium ac discipulum Stephanum.

In Aetione X. 18. Martii habita.

SS. Patrum testimonia ab Agathone per Legatos missa, ad duas in Christo voluntates afferendas, fuere cum Græcis Codicibus collata, & cum eis in omnibus convenire dicta.

In Aetione XI. 20. Martii habita.

Postulante Theodoro Jerosolymitano, lecta est Sophronii ad Sergium epistola, & omnium judicio probata. Lecta post hæc ad medium usque Macarii, ejusque discipuli Stephani scripta; sed inventa blasphemus plena, ulterius legi prohibita.

In Aetione XII.

Post lectionem epistolarum Sergii ad Cyrum & Honorium, nec non confictarum Mennæ ad Vigilium & Vigilii ad Mennam, lectæ sunt & cum originalibus collatæ aliæ: quibus simul consentientibus, rursus à S. Synodo declamatum est in Macarium, velut indignum qui ad Synodum admitteretur ulterius, & postea petum à Syriæ Episcopis ac Clericis, ut in locum ejus Orthodoxus Ecclesiæ Antiochenæ subrogaretur Episcopus, eique subrogatus est Theophanes aetione sequenti, videlicet 13. Illud colligitur ex eo quod Theophanes in singulis sequentibus aetionibus, titulo Prænlis Antiocheni reperiatur nominatus, & cum de hujus Theophanis in locum Macarii subrogatione nulla fiat aetione 13. mentio, hinc infert Binius vitiata, corrupta & mutilata fuisse hujusce Concilii sessionis acta.

In Aetione XIII. die 28. Martii habita.

Lectæ est damnationis sententia in Monothelitas omnes, & nominatim Cyrum, Sergium, Pyrrhum, Paulum & Petrum, imò & in ipsum Honorium summum Pontificem, ejusque ad Sergium literas, ut Concilii testantur acta; sed mendosè, ut notat Sev. Binius, & per imposturam Theodori Constantinopolitani Episcopi, quem Synodali judicio de hæresi condemnatum fuisse testatur Anastasius in vita Agathonis, licet nomen ejus nullibi reperiatur in actis Concilii: Is enim Theodorus cum Vitaliani nomen, invito Imperatore, è sacris dypticis expunxisset, non tantum Episcopatu privatus, sed etiam propter hæresim à Concilio damnatus fuit, ei substituto Georgio; sed post obitum Georgii orthodoxum se esse simulans, sequenti anno sedi suæ restitutus est, teste Nicephoro in Chron. Natus itaque exemplar originale Concilii ea occasione, ut illud auctoritate Pontificia confirmandum ad Leonem II. mitteret, suo ubique nomine expuncto, in odium Rom. Pontificis, nomen Honorii ubique substituit, & sic acta Concilii in Honorii causa corripuit.

In Aetione XIV. 2. Aprilis habita.

Libelli Mennæ ad Vigilium, & Vigili ad Justinianum, ut supposititii & conficti, univerto PP. consensu fuere declarati.

In Aetione XV. 26. Aprilis habita.

Polychronius Presbyter & monachus Monothelita, homo insanus & falsis Dæmonum illusionibus deceptus, ad Concilium vocatus, & de fide interrogatus, non solum se Monothelitam, sed se præstigiatores & impostores esse prodidit, dum fidei suæ formulam in chartula descriptam, qua profitebatur utiam in Christo voluntatem, & Dei-virilem operationem unam, super mortuum poni postulavit, spondens se illum suscitaturum, ad suæ fidei veritatem comprobendam: cumque pluribus horis defuncto cui chartula imposita erat, astitisset, eique plura, sed frustra in aures infusurasset, se tandem mortuum suscitare non posse confessus est. Post hæc rursus à Concilio citatus & à Patribus interrogatus, num errorem revocare & resipiscere vellet, in errore contumaciter perseverans, ut impostor & hæreticus depositus & anathematizatus est.

In Aetione XVI. 9. Augusti habita.

Constantinus quidam, Apameensis Ecclesiæ Presbyter & Monothelita ad Concilium accessit, dicens se ad concordiam inter Monothelitas & Catholicos ineundam invenisse modum, videlicet ut dicerentur in Christo duæ operationes, voluntas autem una. Cumque interrogatus à Synodo, dixisset Christum ab humana voluntate, carne & sanguine, tempore crucis desertum esse, responsio ejus explosa est, & damnata ut Manichæa; ille verò foras eiec-tus ut hæreticus. Quo expulso, rogat Georgius Constantinopolitanus cum suæ sedi subditis Episcopis, ut si fieri possit, non nominatim anathematizentur sui prædecessores Sergius, Pyrrhus, Paulus, Petrus & alii: sed nominatim anathematizandos esse respondet Synodus.

In Aetione XVII. 11. Septemb. habita.

Edita est à Patribus & promulgata fidei definitio, postea Nicænum cum reliquis quatuor œcumenicis Conciliis suo decreto corroborarunt, eorumque Symbola recitari mandarunt. His peractis, Monothelitarum hæresim ejusque auctores, sectarios ac defensores, juxta regulam ac normam ab Agathone Papa & Romano Concilio ut profitentur sibi præscriptam, magno omnium Catholicorum applausu condemnarunt.

In Aetione XVIII. die 16. Decemb. habita.

Fidei definitio jam promulgata coram Imperatore, rursus legitur & approbatur; cumque petiisset Imperator, an Episcoporum omnium subscriptione promulgata esset, omnes ad unum exclamarunt, *Omnes ita credimus, hæc est fides Apostolorum, hæc est fides Patrum, hæc est fides orthodoxorum: &*

iteratæ acclamationes, iterata anathemata in *Theodorum Pharinitam*, *Sergium & Honorium*, *Pyrrhum & Paulum*, *Cyrum & Petrum*, *Macarium*, *Stephanum & Polychronium*. Gratias deinde cum egisset Imperator Concilii Patribus ob extinctam hæresim, lectus est acclamatorius Concilii PP. sermo ad Imperatorem, quo rogarunt cum Concilii PP. ut Concilium edito firmaret Imperiali, ut his quæ in eo gesta erant nullus contradicere, vel novam machinari quæstionem auderet. Scripta est postea, & per Legatos ad *Agathonem* missa Synodica relatio, petitæque confirmatio & obtenta, non quidem ab *Agathone*, quia è vivis inter illas moras raptò, sed ab ejus successore *Leone II.* per Imperatorem rogato. Subscribere Concilio Legati, Patriarchæ, cæterique præsentés Episcopi, & post ipsos Imperator piissimus hunc in modum: *Constantinus in Christo Deo Rex ac Imperator Romanorum, legimus & consensimus.* Vide Binium, & novam Conc. edit. tom. 6.

Confirmatum non ab *Agathone* jam in morte raptò, sed à *Leone II.*

De Honorio I. Romano Pontifice.

Honorium hoc in Concilio non esse damnatum con-
tendunt aliqui.

Quæritur hic, & celebris est ac antiqua inter eruditos controversia, an *Honorius* Papa hujus nominis primus, fuerit hoc in Concilio cum Monothelitis damnatus. Damnatum fuisse videtur certum, cum id tellentur non semel sed pluries acta Concilii, ut actione 13. & actione 16. sed e contra non fuisse damnatum, vel injustè fuisse damnatum, suadere videtur *Agathonis* ad *Constantinum Pogonatum* epistola, in hoc Concilio lecta, laudata & probata; in qua nullum prædecessorum suorum, nec consequenter *Honorium* in fide errasse testatur *Agatho*. Hanc controversiam ut dirimant, respondent varii varia.

1. Sunt qui dicunt cum *Baronio & Binio*, acta hujus Concilii *Honorium* cum Monothelitis damnatum fuisse testantia, Græcorum manu fuisse corrupta, & in odium Romanæ Sedis, substitutum fuisse nomen *Honorii*, pro nomine *Theodori* Constantinopolitani Præfulis, & de hæresi Synodali judicio damnati. Quod autem *Honorius* non fuerit damnatus hoc in Concilio, variæ suadent rationes, quarum

Prima est, quia non potuit Concilium istud *Honorium* damnare, nisi cum *Agathonis* epistola pugnaret, sibi que ipsi contradiceret; *Agatho* enim in sua ad *Constantinum Pogonatum* epistola apertè dicit, nullum suorum prædecessorum Pontificum in fide vera defecisse & errasse; & hanc epistolam ita laudant & approbant hujus Concilii Patres, ut dicant Petrum in ea per *Agathonem* fuisse locutum, eamque à Spiritu Sancto dictatam: Si ergo fateantur hujus Concilii Patres hac in epistola Petrum per *Agathonem* fuisse locutum, & hanc epistolam à Spiritu Sancto dictatam, & *Agatho* hac in epistola dicat, nullum suorum prædecessorum, nec consequenter *Honorium* in fide vera defecisse; quis audeat asserere Concilium istud *Honorium* damnavisse ut Monothelitam & hæreticum? Nisi ipsum sibi contradicere Concilium, imò & ipsum secum pugnare Spiritum Sanctum, dum hanc dicat *Agathonis* epistolam, & istud dirigit Concilium, quod *Honorium* ut hæreticum damnat.

Secunda est, quia dici non potest Concilium istud *Honorium* sine causa justa innocentem damnavisse: Atqui sine causa justa damnavisset illum ut hæreticum, cum ejus epistolæ ad *Sergium* scriptæ, & quarum causa in actis Concilii damnari dicitur, Catholicæ sint & nulla hæreseos suspicione laborarent,

rent, ut prolixè notat *Binius* in epistolis ipsis, & in vita ipsius *Honorii*; ambæ enim clarissimè testantur ipsum sensitse & docuisse duas in Christo voluntates, & operationes esse, & solùm voluisse abstineri à vocabulis *unius* vel *duarum*, pro bono pacis, & ad tollendum scandalum contentionesque sedandas; & non possit quis justè de hæresi damnari, qui rem ipsam confitetur, licet nomen, præsertim ante definitionem Ecclesiæ, iusta de causa tacendum esse dicat: alioquin *B. Hieronymus* posset jam pro hæretico damnari, quia in epistola ad *Damasum* censuit, non esse dicendum in Deo tres hypostasies esse, cujus contrarium Ecclesia non semel postea definivit. Ergo dici non potest de sanctissimo Concilio isto, quòd *Honorium* ut hæreticum damnaverit; & si in actis Concilii reperiatur damnatus, dubium non est quin hæc Concilii acta fuerint in causa *Honorii* corrupta atque vitata. Ita *Coriolan. in Sum. Conc.*

2. Respondent & asserunt alii, verè damnatum fuisse; idque negari non posse, cum id non semel sed pluries ipsa Concilii testentur acta, ut actione 13. & iterum 16. in qua expressè legitur: *Theodoro Pharanitano hæretico anathema, Sergio hæretico anathema, Cyro hæretico anathema, Honorio hæretico anathema.*

Verè
damnatum
esse conten-
dunt alii.

Dices cum *Baronio, Binio* & aliis, post Concilium, hoc est, paucis mensibus post Concilium, corrupta fuisse ac depravata hujusce Concilii acta, ubicumque anathematizant vel hæreticum asserunt *Honorium*; idque factum à *Theodoro Constantinopolitano*, ob hæresim paulò ante Synodali judicio damnato ac deposito, sed post obitum *Georgii* substituti, & emissam fidei professionem restituto; qui inde occasione data, Synodi actis suum nomen expunxit, & *Honorii* nomen intrusit; ac proinde ex iis depravatis Concilii actis, *Honorium* fuisse hoc in Concilio cum Monothelitis damnatum concludi nequit; ergo, &c. Resp. neg. ant. 1. Quia non est credibile, hujus Concilii acta sic corrumpere & depravare potuisse *Theodorum*; nam quamvis corrumpere potuit authenticum exemplar illud, quod in fuz scriniis Ecclesiæ asservabatur Constantinopoli, non tamen corrumpere potuit exemplaria authentica alia ad sedes Patriarchales alias è Concilio translata, ibique pariter asservata: delata siquidem fuisse Concilii actorum exemplaria authentica ad singulas quinque Patriarchales sedes, Romanam videlicet, Constantinopolitanam, Alexandrinam, Antiochenam, & Jerosolymitanam, constat ex eo quòd actione 18. post sermonem acclamatorium, id ab Imperatore sic expressè petierunt Concilii PP. *Ad majorem orthodoxæ fidei confirmationem, ut subscripta exempla definitionis relecta præsentè vestra serenissima potestate, edantur quinque Patriarchalibus, una cum pia vestra subsignatione.* 2. Quia pugnantià loquuntur hi, qui cum *Baronio* volunt, *Theodorum* paucis post Synodum mensibus restitutum hæc corrupisse acta, cum non fuerit restitutus *Theodorus* in suam sedem, nisi post obitum *Georgii*, & paucis mensibus post Synodum nondum obiisset *Georgius*, qui tres post Synodum vixit annos, ut suo in *Chronico* manifestè docet *Theophanes*.

Instabis cum eodem *Baronio*. Hujus sextæ Synodi Patres in epistola ad *Agathonem* expressè dicunt, se Monothelitas damnassee juxta tenorem sententiæ per ipsum in eos sua in epistola lata: *Anathematibus interfecimus, ex sententia per sacras vestras literas de iis prius lata, videlicet Theodorum Episcopum Pharanitanum, Sergium, Honorium, Cyrum, Paulum, Pyrrhum & Petrum*: Atqui *Agatho* Papa sua in epist. ad Constantinum Pogonatium non

damnavit, nec nominavit *Honorium* cum aliis *Monothelitis Sergio*; *Cyro*; *Pyrro*, *Petro* & *Paulo*. Ergo nec sexta Synodus ista; ac proinde corrupta dici debent sextæ Synodi acta illa, quæ *Honorium* cum aliis *Monothelitis* damnatum vel anathematizatum asserunt. Resp. verè à sexta Synodo ista damnatum fuisse *Honorium*, idque non contra, sed juxta *Agathonis* sententiam, licèt *Agatho* ipse *Honorium* nominatim & expressè non damnaverit. Ratio est, quia *Agatho* solos *Monothelismi* auctores, sectariosque præcipuos nominatim damnavit, non autem omnes absolute *Monothelitas* vel *Monothelismi* fautores; unde non mirum, si *Honorium* expressè non damnaverit, qui nec auctor nec sectarius, sed solum *Monothelismi* fautor fuerat: at sexta Synodus ista nedum *Monothelismi* auctores, ac sectarios, sed & fautores ipsos, ac proinde *Honorium* anathematizavit, idque juxta latam de iis omnibus ab *Agathone* sententiam; quia licèt præcipuos illos tantum nominaverit *Agatho*, non tamen illos solos, sed omnes sive auctores, sive sectarios, sive fautores damnandos à Synodo præscripsit, dicens: *Restat . . . ut & novitatis error cum suis inventoribus, & iis qui eorum doctrinam secuti sunt, propria presumptionis penam exsolvat*. Unde sicut *Macarium*, *Stephanum* & *Polychronium* damnavit sexta Synodus, licèt eos nominatim non damnaverit *Agatho*; ita & *Honorium* licèt ab *Agathone* non damnatum, damnavit eadem sexta Synodus.

Urgebis cum eodem *Baronio*. Summus Pontifex *Agatho* in sua ad *Constantinum* epistola scribit, neminem prædecessorum suorum in fide vera defecisse, sed suos fratres semper in fide confirmasse; sic enim ait: *Consideret itaque vestra tranquilla clementia, quoniam Dominus & Salvator omnium, cujus fides est, quæ fidem Petri non defecituram promisit, confirmare cum fratres suos admonuit; quod Apostolicos Pontifices mea exiguitatis prædecessores confiderenter fecisse semper cunctis est cognitum*. Et hæc *Agathonis* epistola fuit in hac Synodo lecta Act. 4. & approbata Act. 8. tanquam à Spiritu Sancto dictata per os sancti ac beatissimi Principis Apostolorum *Petri*; ergo *Honorium* *Agathonis* prædecessorem ut hæresis fautorem non damnavit sexta Synodus; vel si damnavit, erravit illum damnando, aut erravit *Agathonis* epistolam approbando. Resp. dist. ant. cum *Nat. Alex.* summus Pontifex *Agatho* scribit de suis prædecessoribus, eos numquam in vera fide defecisse, quoties locuti sunt ex Cathedra, hoc est, quoties aliquid universis fidelibus credendum vel observandum proposuere; conc. Quoties ut privati homines vel Doctores aliquid dixerè, scripsere vel definire, qualis fuit *Honorius I.* dum suas ad *Sergium* privatas scripsit literas, illas in Synodo postea damnatas, & ob quas ille pariter damnatus; neg. ant. & conseq. Quia nullus ibi Synodi error in hoc sensu *Honorium* damnando, vel prætatem *Agathonis* epistolam approbando.

Addes. Si ut privatus homo illas ad *Sergium* scripsit literas *Honorius*, & propter illas fuerit cum hæreticis *Monothelitis* damnatus; ergo ut privatus homo hæreticus fuit *Honorius*. Resp. neg. conseq. ratio est, quia cum hæresis sit hominis Christiani error in fide cum pertinacia conjunctus, ille solum propriè hæreticus dicendus est, qui errorem in fide cum pertinacia defendit: & hoc dici non potest de *Honorio*, qui licèt *Monothelismi*, hoc est *Monothelitarum* hæresis fautor fuerit, numquam tamen illius defensor vel sectator.

Superaddes. Si verè hæreticus non fuit *Honorius*; ergo perperam & errando, illum ut hæreticum anathematizavit sexta Synodus, dicendo non semel & præsertim Aët. 16. *Honorio hæretico anathema*. Resp. neg. consequia ideo sexta Synodus ista *Honorium* anathematizando vocat hæreticum, non quòd hæreticus fuerit electione propria, proprioque judicio & sententia propria, sed solum favore, silentio & negligentia; hoc est, non quòd ipse fuerit hæresis auctor, sectator aut defensor, sed quòd fuerit suo silentio, & sua negligentia hæresis hæreticorumque fautor, seu non quòd ipse hæresim docuerit aut defenderit, sed quòd nascentem hæresim non extinxerit, ut debebat, sed negligendo confoverit, ut manifestè declarat *Leo II.* in epistola ad Episcopos Hispaniæ de *Honorio* dicens: *Qui flammam hæretici dogmatis non ut decuit, Apostolica auctoritate incipientem extinxit, sed negligendo conforvit*; unde hæreticus non fuit, hæresim docendo, sed hæresim docentibus non resistendo; non hæreticis consentiendo, sed hæreticos, ut par erat, non coercendo; ac proinde non perperam nec injustè damnatus *Honorius*, licèt non hæreticus ipse, quia hæresis hæreticorumque silentio suo, suaque negligentia fautor; cum ejusdem culpæ rei censentur erroris fautores & auctores, & dicat *Cælestinus* ad Galliarum Episcopos scribens: *Meritò namque nos causa respicit, si silentio favoreamus errori*.

Nec tamen ut hæreticum propriè hæresim sua electione docentem, sed improprie hæresim sua negligentia foventem.

Repones. In suis ad *Sergium* literis scripsit & asseruit *Honorius* unam in *Christo* voluntatem, & duas apertè negavit; ergo eandem hæresim ac hæretici *Monothelitæ* docuit & asseruit. Resp. dist. ant. duas in *Christo* voluntates negavit in sensu Catholico, & à sensu hæreticorum longè alieno; conc. ant. In sensu *Monothelitarum* hæretico; neg. ant. & consequ. Quia non duas absolute voluntates negavit, quarum una esset divinitatis, & humanitatis altera; sed duas solius humanitatis & contrarias negavit esse voluntates, quarum una esset carnis, & altera spiritus: id constat ex *S. Maximo Martyre* pro *Honorio* ex persona *Joannis IV.* dicente: *Cum enim scripsisset Sergius, esse qui dicerent in Christo duas contrarias voluntates, rescripsimus, Christum non habere duas contrarias voluntates, carnis inquam & spiritus, sed unam tantum, quæ naturaliter humanitatis ejus nota essentialis est*.

ARTICULUS VIII.

De Concilio Nicæno II. anno 787.

Sub Adriano I. Romano Pontifice, pro restituendo sacrarum Imaginum cultu contra Iconomachos.

Cum *Paulus*, Patriarcha post *Nicetam* Constantinopolitanus, ob simulatam fidem, & juramento confirmatam Iconoclastiæ perfidiam, penitentia ductus relicta sede in *Flori* monasterium secessisset, & facti rationem quaerentibus spectatissimis è Senatu patriciis ab *Irene Augusta* missis dixisset: *Nisi Synodus universalis fiat, & error qui est in medio vestri corrigatur, salutem non habebitis*: Eoque dicto delignatum successorem *Tharasium* addò commovisset, ut non nisi ea conditione ut œcumenicum cogeretur Concilium, oblatum Episcopale munus Paulique sedem suscep-

Brevis & historica secundum Nicæni Concilii summam.

xit; promittere lubenter Constantinus Augustus, & Irene mater Augusta. Inauguratur Tharasis, inauguratusque statim fidei suæ professionem, supplicetque pro convocatione Concilii literas misit ad Adrianum I. Rom. Pont. Ad eundem scripsere pariter Constantinus & Irene, rogantes ut Constantinopolim venire dignaretur ipse Concilio præfuturus, vel Legatos mitteret per quos præciseret. Extant hæ literæ in 6. Conciliorum tomo edit. Labb. inter præambulas alias ad septimanæ Synodum literas, & in quibus sic ad Pontificem: *Scit vestra paterna Beatitudo, quæ pridem facta sunt in hac nostra Regia Civitate propter venerabiles Imagines; qualiter qui ante nos regnaverunt, eas destruxerunt, & in debonestatem atque injuriam posuerunt.....* Cum Concilio decrevimus ut fieret universale Concilium, & rogamus vestram paternam Beatitudinem, &c..... *Ut det seipsam, & nullam tarditatem faciat, & ascendat huc in stabilitatem & firmitatem antiquæ traditionis super venerabiles Imagines. Si enim non potueris ascendere huc, quod putamus non fieri, scimus enim eum studiosum esse circa dyoma, eligat viros honorabiles habentes scientiam, & dirigat unâ cum synallabis, ut inveniantur ex persona sacra & paternæ vestre Beatitudinis hic.*

Convocatur itaque primò Constantinopolim Concilium istud œcumenicum septimum anno Christi 786. rogatu quidem, auxilio & opera Imperatorum, sed assentientis Adriani primi Rom. Pontificis auctoritate; verum Iconomachorum factione Constantinopoli seditione suborta, insequentem annum dilata est Concilii celebratio, & tandem Nicæam translata, ibique inchoata octavo Kalendas Octobris, anno Christi 787. & actionibus sive sessionibus septem feliciter conclusa die 22. Octobris ejusdem anni, à trecentis & quinquaginta vel sexaginta Orientalibus Episcopis: quibus præfuerunt ut sedis Apostolicæ Legati, Petrus Archipresbyter Ecclesiæ Romanæ, & Petrus Abbas S. Sabæ; licet de istorum consensu & permisso præcipua Concilii dirigendi cura fuerit relicta Tharasio Patriarchæ Constantinopolitano, viro utpote in rebus arduis exercitato, & Græcæ linguæ peritissimo. Quid autem hoc in Concilio contra Iconomachos pro sacris Imaginibus, vel pro disciplina Ecclesiastica fuerit decissum, patebit ex brevi singularum actionum historia summatim ex septimo Conciliorum tomo deprompta.

In Actione I.

Cujus
Actiones
sive sessio-
nes fuerint 7.

Post apertum à Tharasio, brevi sed eleganti sermone Concilium, lectæ sunt Constantini & Irenes matris ad Concilii Patres directæ literæ; in quibus inter alia, & ipsæ Adriani Rom. Pontificis literæ jubentur juxta Synodicam consuetudinem publicè legi. Discutitur postea lapsorum Episcoporum causa, & Basilus Ancyranus, Theodorus Myrensis & Theodorus Amorii Episcopi, qui Conciliabulo Constantinopolitano sub Leone Isauro habito, Imagines cum aliis damnaverant, coram istius Concilii septimi PP. consilio, suo explorato lapsu, cantata palinodia & ejurata hæresi, suas in sedes restituntur, dilata in aliam sessionem aliorum lapsorum Episcoporum causa, utpote difficiliore, quia istorum longior fuerat five diuturnior in hæresi mora.

In Actione II.

Ad Concilium ductus est Episcopus lapsus alius, Gregorius Neocæsareus dictus, qui suum lapsum confessus & veniam deprecans, in proximè sequentem remissus est sessionem. Interim jubetur legi Adriani primi Rom. Pontificis ad Constantinum & Irenem Augustam epistola, in qua inter alia, multa sunt pro sacrarum Imaginum cultu relata, & quod notatu dignum, historia ipsa de lepra & baptismo Constantini Magni fusè descripta. Lecta est postea ejusdem Adriani Pontificis ad Tharasium epistola: quibus perlectis, sedis Apostolicæ Legati, suffragii prærogativa utentes, petiere à Tharasio, deinde à Concilio, an has reciperent vel non Adriani Pontificis literas; & universi respondere Synodi Patres: *Sequimur, suscipimus & admittimus*: Idemque rogati & ex Synodi privilegio suffragantes, respondere reverendissimi Archimandritæ Monachi.

In Actione III.

Discussa est in primis Gregorii Neocæsariensis Episcopi causa: quæ cum nonnulli ad Ecclesiam, non autem ad Episcopatum pristinum recipiendum esse dixissent, eò quòd Iconoclastarum antesignanus fuisset, & orthodoxos persecutionis tempore vexasset, decretum est tamen, ut tam ille quàm lapsi alii suas in sedes restituerentur; quòd objectum illi persecutionis crimen probari non posset. Lectæ sunt postea Tharasii ad Patriarchas alios Orientales literæ, quibus eos ad Synodum invitabat; lectæ & eorundem ad Tharasium epistolæ, quibus suam à Concilio ob prementem Barbarorum tyrannidem excusabant absentiam.

In Actione IV.

Varia sunt in medium prolata tam Scripturæ quàm veterum PP. testimonia, ad legitimum probandum sacrarum Imaginum usum. Lecta post hæc Gregorii III. Rom. Pontificis ad S. Germanum Constantinopolitanum epistola; lectæ & ejusdem S. Germani aliæ ad Joannem Synnadensem, ad Constantinum Napolæ, & ad Thomam Claudiopollitanum Episcopos. Quibus peractis, varia sunt in hæreticos anathemata prolata à S. Synodo, dicente inter alia:

His qui assumunt dicta S. Scriptura, quæ sunt contra idola, in venerabiles Imagines, anathema.

His qui non salutant sanctas ac venerabiles Iconas, anathema.

His qui appellant sacras Imagines idola, anathema.

His qui dicunt quòd veluti ad Deos Christiani, ita ad Iconas accedunt, anathema.

His qui communicant scienter injuriam & inhonationem inferentibus venerabilibus Imaginibus, anathema.

His qui dicunt, quòd excepto Christo Domino nostro, alius nos eruet ab idolis, anathema.

Edita est postea fidei professio, & singulorum Episcoporum subscriptione munita, primo loco subscribentibus Sedis Apostolicæ Legatis, & post illos subscribente Tharasio Constantinopolitanæ Patriarchalis Sedis Episcopo; post Tharasium verò aliis Sedium Patriarchalium Legatis.

In

In Actione V.

Variis Patrum testimoniis ostensum est, Iconomachos suæ hausisse hæresis venenum à Judæis, Saracenis, Gentilibus, Samaritis & Manichæis: & inter alia productum est pro sacrarum Imaginum usu Joannis Theſſalonicensis Episcopi testimonium, desumptum à libello sive sermone, in quo disputat cum Gentili viro de usu Imaginum, & an Angeli sint corporei, interrogante Gentili, & respondente Joanne, ac asserente Angelos esse corporeos; ideoque pingi posse definivit Concilium: sed rationem illam Joannis, nimirum quod corporei sint, nec definivit nec ad illam attendit, utpote quia de solo retinendo Imaginum usu tunc quæstio erat: unde à Legatis Sedis Apostolicæ suffragii prærogativam conservaturis editum est de restituendis Imaginibus decretum, & iterata in Iconomachos anathemata.

In Actione VI.

Prolixa initur disputatio, qua hæreticorum qui in Conciliabulo Constantinopolitano Imagines damnaverant, discutiuntur argumenta, à Gregorio jam ad meliorem mentem converso relata, & ab Epiphanio locum tenente Thomæ Sardinie Præfulis impugnata; hoc est, hæc in sessione sexta relicta est, & per capita refutata Synodi pseudo-septimæ definitio, seu conciliabuli Constantinopoli ab Iconomachis habiti, & Concilii œcumenici septimi falsò dicti.

In Actione VII.

Edita est fidei definitio, qua 1. sex prima approbantur & confirmantur œcumenica Concilia, dicendo: *Cuncta Ecclesiæ dogmata conservamus, & sex universalibus Conciliis inhærentes, eorum acta comprobamus.* Recitatur deinde fidei Symbolum, & postea anathematizantur iterùm hæretici à sex prioribus Conciliis œcumenicis damnati, & profitentur Concilii Patres, se traditiones Ecclesiasticas sive scripto sive consuetudine valentes & decreta retinere velle; de quarum numero est Imaginum affiguratio, &c. unde definiunt cultum adorationis, non patriæ soli Deo debita, sed adorationis dumtaxat honorariæ, sacris Imaginibus exhibendum esse, dum dicunt: *Regiam viam incedentes, & Sanctorum Patrum doctrina insistentes, & Catholicæ Ecclesiæ in qua Sanctus Spiritus habitat, traditionem observantes, definimus cum omni diligentia & cura venerandas & sanctas Imagines.... in templis esse collocandas, ut omnes qui eas contemplantur, in prototyporum memoriam veniant, illis salutationem & honorariam adorationem exhibeant: Imaginis enim honor in prototypum resultat..... sancta Synodus exclamavit: Omnes sic credimus, omnes idem sapimus, omnes approbantes subscribimus; hæc est fides Apostolorum, hæc est fides Patrum, hæc est fides Orthodoxorum, hæc fides orbem terrarum confirmavit; credentes in unum Deum in Trinitate laudatum, venerandas Imagines amplexamur; qui secus agunt, anathemate percussuntur; qui sic non sentiunt, ab Ecclesiâ depelluntur. Nos antiquæ Ecclesiæ legislationi insistimus, nos decreta Patrum custodimus, nos adjuvantes aliquid aut auferentes Ecclesiâ anathematizamus, nos venerandas Im-*
gines

gines suscipimus, nos qui secus fecerint anathemate percellimus: iteranturque cætera anathemata jam supra act. 4. relata; & sic peracto Concilio, & editis qui sequuntur postea pro Ecclesiæ disciplina canonibus, scripsit Tharasis ad Adrianum I. qui Concilii suscepit acta & approbavit, licet Concilium ritu solemniori & data ad omnes Ecclesias, aut ad Imperatores epistola non confirmaverit.

CANON I.

Antiquos confirmat Canones tum Apostolicos, tum à sanctis & universalibus sex prioribus Conciliis, vel à particularibus provinciatis editos.

Et Canones 22.

CANON II.

Statuit ut nemo deinceps in Episcopum ordinetur, nisi Psalterium bene noverit, nisi adscrutabiliter & non cursim sacros Canones, Evangelium, divini Apostoli librum, & omnem Scripturam legendam parato promptoque sit animo; cum apud Oseam cap. 4. prophetice dicat Deus: *Tu repulisti scientiam, & ego te repellam, ne sis mihi sacerdos.*

CANON III.

Omni electionem Episcopi, Presbyteri & Diaconi à Magistratibus factam, irritam manere declarat, juxta Canonem Apost. 31. expresse dicentem: Si quis Episcopus secularibus Magistratibus usus, per eos Ecclesiam obtinuerit, deponatur & segregetur, & omnes qui cum eo communicant; oportet enim eum, qui est promovendus ad Episcopatum, ab Episcopis eligi, ut à Nicæni Concilii primi Patribus decretum est can. 4. dicentibus; Episcopum oportet, maxime quidem ab omnibus qui sunt in provincia constitui; vel si omnes venire non possint, à tribus saltem presentibus, aliis per literas suffragium ferentibus, eligi, & sic electum à Metropolitano confirmari.

CANON IV.

Vetat Episcopis, ne aurum vel argentum aut quævis munera alia à Clericis vel Monachis sibi subditis exigant, cum non debeant parentibus liberi, sed parentes liberis thesaurum parare: illos vero qui alienius hujusmodi exactionis causa, sibi subditis interdictionis vinculum injecerint, legi talionis obnoxios fore decernit.

CANON V.

Punit eos, qui solo facultatum Ecclesiis datarum intuitu fuerant ordinati, ideoque vilipendebant pauperes alios, solo virtutis intuitu à Spiritu sancto selectos & ordinatos; jubetque eos primo, ultimum sui Ordinis locum tenere; si vero perfecterent, inflicta quoque pœna corrigi decernit; & si deinceps aliquem sic ordinari contingat, tam ordinantem quam ordinatum, nec non mediatores, ut simoniæ reos punit, juxta Canonem Apostolicum trigesimum & Chalcedonenſis Concilii secundum.

CANON VI.

Synodos provinciales, quas bis in anno fieri decreverat Concilium Nicænum, semel saltem in anno juxta Trullanum Canonem octavum celebrari jubet: Principes vero qui id prohibuerint, communione privat.

C A.

C A N O N V I I.

In templis sine Sanctorum reliquiis, sæviante Iconomachorum hæresi consecratis, sacras reliquias cum precibus consuetis poni jubet; & Episcopum qui deinceps templa sine sanctis reliquiis consecraverit, ut transfessore Ecclesiasticarum traditionum deponendum esse declarat.

C A N O N V I I I.

Judæos illos qui suscepto baptismo se Christianos fingunt, & clam judaizant, non admittendos in Ecclesiam, sed impune diuitendos, nec eorum baptizandos pueros aut eorum emendos servos definit.

C A N O N I X.

Hæreticorum scripta sive libros contra sacras Imagines editos retineri vetat, & ad Patriarcham Constantinopolitanum deferri jubet, ut cum aliis reponantur hæreticis libris: cum autem qui eos celaverit, si fuerit Episcopus, Presbyter vel Diaconus, deponi jubet; & segregari si Laicus vel Monachus.

C A N O N X.

Clericos eos deponi jubet, qui propria relicta parœcia ad aliam convolant, vel apud Magnates se recipiunt, in eorum Oratoriis sacrum facturi sine licentia Episcopi; imò & eos qui id de Episcopi consensu faciunt, si sæculares & mundanas suscipiant curas; monetque istos ut se potius ad filios vel servos divinas Scripturas edocendos offerant.

C A N O N X I.

Canonem Chalcedonenſis Concilii 26. de instituendo œconomo in singulis Ecclesiis ac monasteriis servari præcipit: & si suis in Ecclesiis œconomum instituere neglexerint Metropolitani, institui posse decernit à Constantinopolitano Patriarcha suis in diœcesibus; similiter & à Metropolitana in suis, si id neglexerint Episcopi.

C A N O N X I I.

Episcopos & Abbates suæ Ecclesiæ vel monasterii alienantes bona, deponi mandat, ut qui malè dissipent quæ non congregaverint, & alienationem irritam esse decernit.

C A N O N X I I I.

Monasteria Deo dicata, sæcularium habitacula fieri vetat, & ea quæ fuerunt ab Iconomachis profanos in usus mutata, restitui jubet.

C A N O N X I V.

Prohibet eos qui à pueritia, clericali sunt tonsura insigniti, & lectores ab Episcopo nondum ordinati, in Missa & sacris officiis ad ambonem legere, etiam in Monasteriis. Lectores autem à Chorepiscopis ex Episcoporum mandato ordinari permittit; imò & Abbatibus, Presbyteris, & Episcopali benedictione inauguratis in propriis monasteriis tantum.

C A N O N X V.

Clericum duabus in Ecclesiis collocari, seu plura beneficia possidere vetat, tanquam negotiationem, turpe lucrum, & rem ab Ecclesiastica consuetudine penitus alienam.

CANON XVI.

Episcopos & Clericos, qui se pretiosis, splendidis & serica textura variis exornant vestibus, corrigi jubet & puniri; si secus faciant correctioni tradantur; similiter eos qui viles ac modestas Clericorum vestes irrident, Iconomachorum more.

CANON XVII.

Clericis vetat ac Monachis nova inchoare oratoria vel monasteria, nisi sumptus habeant ad consummandum necessarios, ut nonnulli præfese cupientes & parere fugientes, relictis suis monasteriis faciebant Monachi.

CANON XVIII.

Ut omnis pravæ suspensionis tollatur occasio, foeminas in Episcopis vel virorum monasteriis versari prohibet: si secus fiat, tam Episcopum quam monasterii præfectum puniri jubet, & deponi si perseverent.

CANON XIX.

Invehitur in Episcopos, Abbates, & Abbatissas, sive monasterii præpositos vel præpositas, qui eos qui ad sacerdotalem ordinem vel vitam monasticam accedunt, pecuniis admittunt, & non aliter; eosque qui talia faciunt, si Episcopus sit vel Abbas, cessare jubet vel deponi, juxta Chalcedonensis Concilii Canonem secundum: si verò sit monasterii præfecta sive priorissa vel abbatissa, à monasterio detrudi suo, & in aliud ad subjectionem intrudi præcipit. De iis autem quæ dantur liberis à parentibus, instar dotis, vel quæ ex propriis rebus suis offerunt ipsi postulantes sive candidati, ea post professionem emissam Deo in perpetuum dicata, & inter monasterii propria manere decernit, sive exierint sive perseveraverint, nisi is qui præest, in culpa fuerit.

CANON XX.

Duplicia monasteria, monachorum scilicet & monialium fieri vetat: si quæ autem duplicia sint, ut ea quæ militant sub regula S. Basilii, servari præcipit constitutionem S. Basilii dicentis: *In uno monasterio ne versentur monachi & monacha, nec monachus liberè cum monacha loquatur, &c. Si autem eveniat, aliquam cognatam monachus velit aspicere, præsentem præflecta cum ea colloquatur exiguo & brevi sermone; mox ab ea recedat.*

CANON XXI.

Monachis & monialibus, propriis relictis monasteriis ad alia se transferre prohibet: si autem id contigerit, ipsos ut hospites accipi necessarium esse dicit.

CANON XXII.

In conviviis Christianorum modestiam commendans, scenica vetat cantica, citharædicas meretriciasque voces; & clericis ac monachis cum mulieribus etiam cognatis secretò manducare non sinit, nisi fuerint in itinere, vel non haberent ea quæ sunt ad usum necessaria.

Notanda.

Notandum 1. circa Canones istos, quòd licet incertum sit; qua in actione five Concilii Sessione fuerint editi; certum tamen est Canonem hujus Concilii primum, qui antiquos præcedentium Conciliorum confirmat Canones

Notanda circa Canones Nicæni Concilii secundi.

etiam Apostolicos, non esse ex omni parte receptum & approbatum ab Ecclesia Romana, cum Ecclesia Romana non omnes, sed 50. dumtaxat Apostolicos agnoscat Canones, nec tres Concilii Constantinopolitani primi, imò nec Chalcedonensis Concilii vigesimum octavum, sicut nec Trullanos unquam probaverit.

Notandum 2. Circa octavum hujus Concilii Canonem, qui est de Judæis post baptismum judaizantibus non admittendis, illum pariter non ab Ecclesia probatum, esseque unum ex iis quos Anastasius Bibliothecarius in præfatione Synodi septimæ ad Joannem VIII. Rom. Pont. scripsit, *Prioribus Canonibus vel decretis sanctorum sedis Romana Pontificum, aut certe bonis moribus adversari*; adversatur enim octavus ille Canon nedum S. Gregorio Magno lib. 1. epist. 45. lib. 4. epist. 6. sed etiam Toletano Concilio IV. Can. 55. expressè decessnenti, Judæos ad fidem non esse cogendos: eos autem qui jam ad fidem venire & baptismum suscipere coacti fuerant, ut contigerat sub Sisebuto Rege, fidem tenere cogendos: *Oportet ut fidem etiam quam vi vel necessitate susceperunt, tenere cogantur; ne nomen Domini blasphemetur, & fides quam susceperunt, contemptibilis habeatur.*

Damnati quidem à Francofordienſi Concilio, sed errore facti decepto.

Objicies forſan nedum contra hujus Concilii Canones, sed contra Concilium ipsum, sive contra Synodum istam septimam, & dices illam fuisse damnatam à 300. Francofordienſis Concilii Patribus, ex Conc. Franc. Can. 2. sic dicente: *Allata est in medium quaestio de nova Græcorum Synodo, in qua scriptum habebatur, ut qui Imaginibus Sanctorum, ita ut Deificæ Trinitati servitium aut adorationem non impenderent, anathema judicaretur, qui supra sanctissimi Patres nostri omnimodis adorationem & servitium re-nuentes contempserunt, atque consentientes condemnaverunt*; ergo inter œcumenicas numerari nequit ista septima Synodus seu Nicæna secunda. Resp. perm. ant. neg. conſeq. Damnati quidem fuisse quidem Synodum istam septimam à Francofordienſis Concilii PP. sed errore facti deceptis, & æquivoco adorationis vocabulo deluſis: putabant enim Francofordienſis Concilii PP. à septima Synodo Nicæna secunda fuisse decretum, adofandas esse Imagines adoratione patriæ soli Deo debita, quod falſum omnino erat, & contra prætatæ Synodi septimæ mentem; quæ dum definiit facras Imagines esse adorandas, hoc intellexit non de adoratione patriæ, sed de adoratione dumtaxat honoraria & infra patriæ cultum poſita; & illo errore facti decepti, non mirum ſi septimam Synodum damnave-rint Francofordienſis Concilii PP. eoque liberius, quò illam pro œcume-nica nondum agnoscerent, sed ſolum pro nationali Græcorum Syno-do, cui penè totius Occidentis ſuffragia deerant, & quam ſolemni ritu non confirmaverat Adrianus primus, niſſa ad omnes Eccleſias vel ad Im-peratores epiſtola.

Imitabis. Francofordienſis Concilii Patres damnaverunt Iconomachorum Synodum Conſtantinopolitanam, ſub *Constantino Copronymo* contra facras Imagines habitam, quia in ea cultum & adorationem Imaginum proſus omnem damnarunt Iconomachi; ergo non damnarunt idem Francofor-dienſes ſecundam Nicænam Synodum pro ſacris Imaginibus habitam, quia in ea Imagines adorari & coli decreverunt orthodoxi; alioquin ſibi ipſi adverſi fuiſſent, & contraria damnarent Francofordienſis Conc. PP. ergo aliis de cauſis eam damnarunt, quibus eam non legitimam judicarunt. Resp. Francofordienſes Concilii PP. damnatiſſe quidem utramque Synodum illam,

illam, Constantinopolitanam videlicet contra Imaginum cultum, & Nicænam secundam pro Imaginum cultu celebratam, nec tamen sibi adversari; quia dum Constantinopolitanam Iconomachorum damnarunt, ideo damnarunt, quia sacrarum Imaginum usum & cultum prohibebat omnem; ideo verò Nicænam secundam damnarunt, non quia Imaginum usum & adorationem præceperat, sed quia dum Imagines adorari præceperat, putarunt errore facti decepti Francofordiensis Concilii PP. Nicænam secundam Synodum præcepisse seu definiisse, sacras Imagines esse supremo adorationis gradu seu cultu latræ venerandas; quæ tamen non erat Nicæne secundæ Synodi mens. Definierat quidem Nicæna secunda Synodus eas esse adorandas, sed adoratione dumtaxat honoraria, quam non reprobant Francofordiensis Concilii Patres, & quam rejecerat Constantinopolitana præfata Iconomachorum pseudo-Synodus, omnem damnans sacrarum Imaginum cultum & usum.

ARTICULUS IX.

De Concilio Constantinopolitano IV. anno 869.

Sub Adriano II. Rom. Pont. contra Photium Patriarcham Constantinopolitanum fraudulenter intrusum, pro restituendo Ignatio perperam & injuste detruso.

U T hujusce Concilii Constantinopolitani IV. œcumenici octavi, & Orientalium ultimi, clariùs innotescat convocationis occasio, ex historia Ecclesiastica sciendum occurrit, quòd decimus tertius jam currebat annus, ex quo *Michael* Theophili Imperatoris filius sub Theodoræ matris tutela feliciter regnabat, cum grandior factus ambiensque regnare solus, *Barda* germani Theodoræ fratris, suiue rectoris & avunculi malis artibus persuasus, *Theodoram* matrem Augustam sapientissimam ab omni prorsus Imperii ministerio deiecit, & ad vitæ privatæ sortem reduxit, præfata *Barda* avunculo rerum administratione credita, quibus temporibus Constantinopolitanam regebat Ecclesiam *Ignatius*, *Michaelis* Cypopalæ, vulgò Rengabis Imperatoris filius, Nicephori Augusti ex filia Procopia nepos, vir sanctissimus; qui *Leonis* Armeni tyranni jussu cum fratribus Eunuchus factus, in insulam translatus, & in monasterio reclusus, ibique ob egregiæ vitæ sanctimoniam Abbas electus, & ex Abbate post sancti *Methodii* felicem obitum, Constantinopolitanus inauguratus Episcopus anno Christi circiter 847.

At ibi digni & intrepidi implens officium Episcopi, ac Patriarchæ sanctissimi; cum *Bardam* paternè pluries sed frustra monuisset, quòd sponsa repulsa legitima, cum propria nuru damnabile commercium haberet, illum tandem vir sanctus Ecclesiæ communionem privavit. Ex qua censura licet justè lata iratus ac furens *Bardas*, nihil non tentavit ut *Ignatium* deprimeret ac detruderet: idque facilius ut imple-ret, Imperatori suavit ut juberet *Theodoram* matrem ab *Ignatio* Patriarcha velari, ne fortè si nuberet, ad Imperii regimen cum marito rediret. Quod suaserat, nimis credulus jussit Imperator; sed *Theodoram* invitam velare renuit *Ignatius*: ex quo protinus ad Imperatorem juvenem accurrit callidè *Bardas* dicens:

Heus!

Brevis & historica
quarti Con-
cilii Con-
stantinop-
summa.

Heus ! non advertis nunc saltem ò Imperator , à *Theodora* partibus stare Patriarcham, tibi que simul cum illa moliri ruinam ? His motus juvenis Imperator , *Theodoram* è Regio dejecit palatio , & *Ignatium* à regimine Patriarchatus abegit , & ejus in locum *Photium* virum nobilem , sed laicum adhuc , contra Cañones & venerandas leges , repente *Bardæ* suggestione supplevit ; Gregorius enim Syracusanus Episcopus tunc Constantinopoli degens , utpote quia sua depulsi sede , & ab *Ignatio* Patriarcha paucis abhinc annis seditionis , schismatis & aliorum crinum causa depolitus , *Photium* illum sex dierum spatio è laico ad omnes omnium Ordinum gradus repente promovit ; prima siquidem die Monachum , altera Lectorem , tertià Subdiaconum , quarta Diaconum , quinta Presbyterum , & sexta tandem Episcopum simul & Patriarcham ordinans illum , teste *Niceta in vita S. Ignatii*.

Et hæc repentina & inordinata *Photii* promotio & in sedem Constantinopolitanam intrusio , prima fuit mali Græcorum labes , sive causa & occasio schismatis inveterati , quo à Romana scissa manet Ecclesia Græca ; *Photius* enim vir ingenio potens & opibus , *Tharassii* quondam Patriarchæ nepos , Imperatoris protospatharius , *Bardæ* amicissimus , sæculari literature nulli secundus omnem movit lapidem , ut suam ordinationem ut canonicam , & legitimam *Ignatii* depositionem propugnaret . Suggestit in primis Imperatori , *Ignatium* etiam in exilio res moliri novas , suavitque ut ad eum satellites mitteret , qui illum in Mitylenem insulam deportarent . Varios interim ipse cogit Episcoporum sibi præmiorum spe vel exilii metu fævium conventus , in quibus *Ignatium* ritè exauctoratum solemniori judicio declarat & anathematizat . Legatos sanctæ Sedis à *Nicolaò I. Rom. Pont.* missos ad inquirendum de causa *Ignatii* , minus & pernarum formidine terret , & suas in partes trahit . Legatos ut prævaricatores damnat summus Pontifex *Nicolaus* , & causa maturè discussa *Photium* deponit , & *Ignatium* restituit . Nec quiescit *Photius* , sed convocata Synodo , ausu temerario ipsum *Nicolaum I. Romanum* Pontificem excommunicat , & in Romanam Ecclesiam calumniis plenas encyclicas scribit literas , & altera convocata Synodo schisma confirmat .

His ut occurreret Ecclesiæ præsertim Constantinopolitanæ malis *Adrianus II. Romanus* Pontifex , *Nicolai* primi jam vita functi successor , Constantinopoli generale Concilium celebrari jussit , missa hunc in finem ad *Basilium* Imperatorem epistola , & suorum vicariorum qui præsiderent legatione promissa , dicens inter alia : *Volumus autem per vestra pietatis industria , Constantinopoli numerosum celebrari Concilium , cui nostri quoque Legati præsidentes , delictorum hominumque discrimine perspecto , statim cunctis impij conciliabuli exemplaria ab iis qui illaretinent ablata , ignibus concremanda tradant . Et re ipsa acceptis Adriani II. literis sive mandatis , Concilium illud Constantinopolitanum quartum , & œcumenicum octavum convocavit piissimus Imperator Basilus anno 869. ut patet ex acclamatione S. Ignatii ad Synodum actione 8. dicentis : Quoniam verò universali patris consulens piissimus & prudentissimus Imperator noster , multam habuit curam & sollicitudinem colligendi sanctissimos Vicarios ex cunctis alijs Patriarchalibus sedibus , & Synodum universalem celebrandi . Hoc ad Concilium venire Episcopi sive Patres non 383. ut vult Auctor Biblioth. Theolog. sed 102. ut communis fert opinio , quibus præluere , ut Adriani II. Rom. Pontificis Legati , *Donatus* Ostiensis Episcopus , *Stephanus* Nepeſinus praeſiter*

riter Episcopus, & Marinus S. Romanæ Ecclesiæ Diaconus. Cæptum est Concilium in templo S. Sophiæ 5. Octobris die, anno Christi 869. & conclusum ultima Februarii sequentis die, Actionibus decem, & Canonibus editis 27. Quid autem in toto Concilii decursu factum fuerit, brevis hic annexa singularum Actionum sive sessionum enarrabit historia, ex octavo Conciliorum tomo deprompta.

In Actione I.

Feria quarta die Octobris 5. in Templo S. Sophiæ primo loco sedentibus pro more sedis Apostolicæ Legatis, post illos Ignatio Patriarcha Constantinopolitano, aliisque sedium Patriarchalium Vicariis, præsentibus Patritiis ab Imperatore missis, S. Cruce & Euangeliorum libro in dextera Catechumeniorum parte decenter pro more locatis; ingressi sunt Legatorum sedis Apostolicæ iussu, Episcopi 12. qui ab Ignatii & sedis Apostolicæ partibus steterant, & pro iustitiæ causa fortiter & invictè certaverant, suumque secundum ordinem sedere iussi, dicentibus sedis Apostolicæ Legatis, *Sedeant secundum ordinem suum, quia digni sunt, & beatos, & ter beatos æstimamus.* Deinde iisdem annuentibus Legatis, lectum à Bahane Patritio Epanagnosticum ab Imperatore missum, hoc est, scriptum palam & coram Synodo legendum; quo universos Synodi Patres hortabantur Imperator, ut privatis semotis affectibus, & omni contentione postposita, Ecclesiæ Constantinopolitanæ statum componerent. Ab eodem Bahane Patritio rogati sunt postea sedis Apostolicæ Legati, ut suæ Legationis literas, & ejus à quo missi erant, mandatum exhiberent: quæ petitio cum insolens visæ esset Legatis, dixere: *Hoc nos usque nunc non invenimus in universali Synodo factum, ut Vicarii Senioris Romæ à quolibet examinentur, utrum talem æstimationem habeant. Respondit Patritius: Et nos propter inhonorationem Apostolici throni non dicimus hoc, sed quia anteriores vestri accedentes missi, Rodoldus scilicet & Zacharias deceperunt nos, alia in mandatis habentes à Nicolao I. & alia facientes.* Ad quæ dixere Legati, *Ecce epistola Sanctissimi Papæ Adriani: si vultis, legatur.* Et lecta est, jubente Synodo, hæc Adriani II. ad Basilium Imp. directâ commendatitia Legatorum epistola. Lectus insuper & approbatus libellus, ab omnibus Episcopis, Sacerdotibus, Clericis & Monachis subscribendus, in quo erat definitio Romanæ Synodi sub Nicolao celebratæ, omnes hæreses simul cum Iconomachis, & Photium anathematizantis: & tandem huic definitioni consona lecta est Episcoporum Orientalium super Ignatii depositione decisio, ante Legatorum adventum edita; quæ perlecta, exclamarunt Concilii PP. *Ecce audivimus sententiam Orientalium, sequentem & faventem iudicio Sanctissimi Papæ Nicolai, & convenimus in eam.*

Cujus
Actiones
enarrantur
decem.

Catechumeni
dicuntur
loca in quibus
instruebantur
Catechumeni.

In Actione II.

Septima die mensis Octobris ejusdem anni, dum secunda haberetur Synodi sessio, ingressi sunt qui lapsi fuerunt Episcopi, hoc est Episcopi illi qui à S. Methodio vel ab Ignatio ordinati, Photii partes secuti fuerant; lectoque libello supplici, quo veniam deprecabantur & poenitentiam, admissi sunt, rogatique à sedis Apostolicæ Legatis, num libello à Romana sede missio subscribere vellent: lubenter subscribere, subscriptumque super sancta

Appar. Annati T. II.

F

Euan-

Euangelia & S. Crucem Ignatio Patriarchæ suo tradidere ; à quo de consensu Synodi, suæ dignitatis receptis insignibus, suo in ordine sunt sedere iussi. Recepti postea pari modo similiter lapsi, & veniam petentes Presbyteri, Diaconi & Subdiaconi, ea tamen lege ut ob lapsum epitimii poenam subirent, seu epitimum, hoc est, poenam Ecclesiasticam lapsis impositam, sitam in certo abstinentiæ modo, & prescripto precum numero usque ad natale Domini; ante quod tempus eis non liceret suorum Ordinum obire munia.

In Actione III.

Die ejusdem mensis 11. dum ista haberetur actio 3. duo refractarii Archipresbiteri, *Ancyra* nimirum & *Nicaæ*, petitam non obtinere veniam, ideo quod libellum à Pontifice missum ad satisfactionem suscipere noluerint : deinde S. Sedis Legatorum jussu, lectæ sunt epistolæ tres, *Basilii* Imperatoris ad *Nicolaum* Papam una; *Ignatii* ad eundem altera; & *Adriani* ad *Ignatium* de Photii damnatione, tertia.

In Actione IV.

Eodem mense decimatertia die ad 4. actionem celebrandam congregatis Synodi Patribus, duo ex iis qui ex parte Photii ad Nicolaum I. fuerant Legati, nempe Zacharias & Theophilus ad Synodum intromitti & audiri petiere; sed illos quia jam à Nicolao I. damnatos, initio audire renuerunt Sedis Apostolicæ Legati, contententes retractari non posse sententiam Romani Pontificis, nec rursus audiendos jam semel damnatos; ex indulgentia tamen & rogantibus patritiis, postea intromissi, & ultimo loco sedere iussi: dumque urgerentur ut subscriberent libello à Romana sede missò, audaçter dixere, se unà cum Photio non tantum à Nicolao I. sed etiam à Patriarchalibus Ecclesiis fuisse receptos. Ad hoc reclamantibus Sedis Apostolicæ Legati, eosque ut de mendacio convincerent, Nicolai primi literas plures iussere legi: unde lectæ sunt duæ aliæ Nicolai Papæ ad Michaellem Imperatorem epistolæ, & ejusdem ad Photium una. Prima ostendit Imperatori, laicum hominem non subito, sed per gradus ad Sacerdotium esse promovendum; in altera ad eundem & ultimò lecta, de eodem tractat argumento; & in tertia ad Photium scripta, reprehendit ipsum propter usurpatum, spreto Canonum ordine, Sacerdotium; respondetque ad tria, quibus nitebatur Photius, Patrum exempla, *Nestarii* videlicet, *Tharasio* & *Ambrosio*, dicens de *Nestario*, illum fuisse quidem à Concilio Constantinopolitano I. à laicali statu ad Episcopatum repentinè promotum, sed necessitatis causa; cæteris quippe Clericis, grassante tunc hæresi maculatis. De *Tharasio* verò respondet, ejus promotionem ab Adriano I. fuisse reprehensam, quia non Canonicam, toleratam tamen ob magnum Tharasio meritum, ejusque ad Iconomachos impugnandos zelum. De *Ambrosio* denique è Catechumeno in Episcopum promotum, id non instinctu hominum, sed divina vocatione factum ait. Ex quibus de mendacio manifestè convicti, magno cum dedecore foras ejecti sunt illi duo pseudo-Episcopi.

In Actione V.

Ejusdem mensis Octobris 15. die, sub quintæ sessionis initio, per laicos viros dedecoris causa à Laico in Episcopum inordinatè promotus, ad Concilium citatus venit Photius, & ter interrogatus à Legatis, num SS. Patrum constitutionem susciperet, nihil respondit; urgentibus eum senioris Romæ Vicariis ut responderet, tandem dixit: *Pacem meam, etiam me tacente, Deus audit.* Ad hæc dixere Legati: *Per silentium non effugies manifestiorem damnationem.* Quibus repoluit Photius: *Nec Jesus tacendo damnationem evasit.* Eo præsentē, iterum lectæ Nicolai ad Michaelē & Photium epistolæ, & approbatæ; commonitus est ad pœnitentiam Photius, & dimissus.

In Actione VI.

Sextò congregatis Synodi Patribus die 25. mensis ejusdem, elegantiori oratione sessionem aperuit Metrophanes Sirmienſis Episcopus, Basilio Imperatore præsentē. Qua finita, primò eaquæ contra Photium decreta fuerant à summis Pontificibus Nicolao I. & Adriano II. executioni mandari ab Imperatore petiere sedis Apostolicæ Legati. 2. Imperatoris jussu, introducti sunt Episcopi quotquot erant Photii sectarii. 3. Ad Photii damnationem affirmandam, lectæ sunt iterum Nicolai I. ad Imperatorem & Photium epistolæ. 4. Orientales rursus fusa oratione coram Imperatore dixere, suis à Patriarchalibus Ecclesiis numquam receptum fuisse Photium, seu numquam probatam Photii ordinationem, & Ignatii depositionem. 5. Interrogati postea sectarii Photii Præfules ab Imperatore, num tam manifesto & communi de Photiana causa judicio acquiescerent; sed illud non acquievere, sed Photii causam propugnandi veniam sibi concedi petiere: qua obtenta, unus ex iis, nomine Zacharias, Chalcodonensis Episcopus, Ignatii depositionem justam fuisse prolixa oratione conatur ostendere, sed frustra; Metrophanes enim Sirmienſis antiſtes singula ejus refutans argumenta, vana esse probavit & diluit. Quibus peractis, hos alloquens omnes Photianæ partis sectarios Episcopos Basilius Imperator, eorum ordinationem graviter taxans, hortatur eos ad resipiscentiam, concessio illis 9. dierum spatio, quo expleto se iterum sisterent.

In Actione VII.

Die 29. mensis pariter Octobris, septimam Actionem inchoantibus Concilii Patribus, ad Concilium reversus est *Photius*, pastoralis innixus baculo, cum Gregorio Syraculano Episcopo; sed avulsus è manu ejus illo quo nitebatur baculo, urgente *Marino* sanctæ sedis Legato & dicente, hoc illum uti non debere pastoralis signo, qui lupus est, non pastor; interrogatus Photius à Legatis Concilii Præsidibus, an pœniteret, & libellum supplicem offerre paratus esset, respondit ipsos potius pœnitere debere. De quo responso acriter cum reprehensus esset, nec resipisceret ad pœnitentiam; interrogati sunt alii Photianæ partis Episcopi, num pœnitentiæ libellum offerre cuperent; sed pervicacius obstinati quàm antea reperti: unde Lega-

torum jussu lecta sunt *Nicolai & Adriani*, de illius intrusione, & Ignatii depositione judicia; & tandem à Stephano Diacono, Conciliique Notario proclamata sunt in Photium, ejusque sectarios anathemata.

In Actione VIII.

Quinta Novembris die congregatis octavo Concilii Patribus, Basilii Imperatoris & Concilii jussu, igni tradita sunt omnia habitorum à Photio contra Nicolaum Papam & Ignatium Conciliabulorum acta, combustaque omnia per ipsum promulgata volumina. Deinde Legatorum Sedis Apostolicæ jussu, lectus est Canon 20. Synodi Romanæ sub Martino I. celebratæ, editus in eos qui falsa vel corrupta supponunt monumenta, ut fidei alterius expositiones, aut typos, aut leges, aut definitiones, aut libellos, relationes, epistolas, subscriptiones, testimonia falsa vel Synodos; idque occasione Photii, qui falsos Orientalium Sedium Vicarios, confictaque Synodica acta in Nicolaum I. Rom. Pont. supposuerat. Adum est postea de Iconomachis; & introducti eorum nonnulli, quorum caput erat *Theodorus*, cognomine *Critbinus*, cui Bahanes Patritius illustris ostendens numisma, cui excusa erat Imperatoris imago, quæsitum num illam veneretur, & affirmativè respondente, reposuit; si mortalis Regis imaginem veneraris, cur imaginem venerari renuis Christi Regis immortalis, sanctissimæque Matris ejus, ac omnium Sanctorum? & inducias petenti ac dicenti, se sacras etiam Imagines veneraturum, si sibi ea de re ostenderetur Christi præceptum, responsum fuit, de eo quod est ab Ecclesia Catholica definitum, non esse quærendum Christi præceptum: Cumque ille obstinatus permaneret, nonnulli alii, ut Nicetas Clericus, Theophilus Laicus, & Theophanes tabellio pœnitentes, & hæresim ejurantes, nedum in sinum Ecclesiæ sunt admissi, sed etiam ab Imperatore peramanter osculo recepti, & tandem in Iconomachos alios & Photium anathema dictum est.

In Actione IX.

Anno Domini 870. die Februarii 12. sessionem novam celebrantibus Concilii Patribus, nuntiatur venisse Josephum Sedis Alexandrinæ Vicarium, five Legatum. Lecta est ejus commendatitia ad Basilium Imperatorem epistola; lecta deinde coram illo, & ab illo approbata jam in Concilio gesta; examinati postea falsi in Ignatium testes, & pœnitentia ducti, cum cæteris qui ad Photium defecerant, recepti. Legatorum postea Sedis Apostolicæ jussu, ad Synodum citati sunt Laici tres illustres sacerdotii, qui per urbem Constantinopolitanam progredientes sacerdotalibus induti vestibus, Episcoporum ac Sacerdotum personas agere consueverant. Interrogati de facto, confessi sunt se id mandato Michaelis Imperatoris egisse, & petentes ad pœnitentiam recipi, ad futuram sessionem sunt remissi.

In Actione X.

Eodem anno Christi 870. die Februarii ultima, dum Synodi celebraretur hæc Actio ultima, editi sunt ac promulgati Canones 27. lecta deinde fidei definitio, in qua damnatis jam hæresibus, rursus anathematizatis, iteratur Photii

Photii damnatio, cui subscribere sedis Apostolicæ Legati, Imperator, cæterique Patres, *calamis non atramento, sed ipso Salvatoris sanguine tinctis*, ut testatur Nicetas in vita S. Ignatii. Subscribere quidem omnes, sed hoc ordine & ritu, ut cum Basilius Imperator omnes interrogasset Concilii Patres, an definitioni Synodique decretis acquiescerent, & unanimes voce universi conclamassent: *Omnes ita sapimus, omnes ita predicamus, omnes concinentes & consentientes promptè subscribimus; hoc est veritatis iudicium, hoc iustitia decretum, hac est Canonum expositio, hac Ecclesiastica ordinationis defensio*. Cumque postea gratiarum actionem cum adhortatione gravissima tum ad Episcopos, tum ad Laicos habuisset idem Imperator piissimus, acta Synodi subscriptione sua munere primi, non Imperator Basilius licet rogatus, sed Sedis Apostolicæ Legati: deinde Patriarchæ vel Sedium Patriarchalium Vicarii; post illos verò non desinens, sed suscipiens & consentiens subscripsit Basilius Imperator, hac modesta protestatione prævia dicens, suum non esse subscribere Synodo, nisi post Episcopos, exemplo Constantini Magni, Theodosii, & Marciani; se tamen subscribere post Patriarchas, honoris gratia sibi à Synodi Patribus collata. Canones autem 27. hoc in Concilio editi, sunt sequentes isti.

CANON I.

Canones tam Apostolorum, quam Conciliorum, sive universalium, sive localium, ut secunda eloquia Dei, servandos esse monet.

Et Canones 27. explicantur.

CANON II.

Nicolai I. & Adriani II. Synodica decreta, pro defensione Ecclesiæ Constantinopolitanae, restitutione sanctissimi Patriarchæ Ignatii, & Photii Neophyti invaloris expulsionem ac damnationem, observari jubet.

CANON III.

Imagines Christi omnium Salvatoris, B. Virginis Deiparæ, Angelorum, omniumque Sanctorum, æquo honore cum libro SS. Evangeliorum adorandas esse decernit.

CANON IV.

Ordinationes vel consecrationes à Photio intruso & invalore factas; irritas esse, & ipsummet invalorem, nusquam verè Episcopum fuisse declarat.

CANON V.

Vetat ne quis Laicus nuper tonsus assumatur in Episcopum, & nisi probatus fuerit per varia, quæ hic definit temporum interstitia, nimirum per annum unum integrum in Lectoratus ordine, per duos in Subdiaconatu, per tres in Diaconatu, & per quatuor denique in Presbyteratus ministerio permanferit annos.

CANON VI.

Photium iterum anathematizat, ob adductos falsos sedium Orientalium Vicarios, & ob conficta contra Nicolaum I. virum sanctissimum, & in suo Conciliabulo ventilata carmina.

CANON VII.

Sacrarum Imaginum hostes ab hac Synodo anathematizatos, ad sacras

pingendas Imagines, vel ad scientias divinas vel humanas docendas admitti prohibet.

CANON VIII.

Vetat ne Episcopi vel Patriarchæ subscriptiones ab ordinandis, vel ab aliis, more Photii, extorqueant, quibus sibi adhæsus promittant.

CANON IX.

Extortas per Photium subscriptiones illas neminem obligare declarat.

CANON X.

Vetat, ne quis ante sufficientem examinationem, & Synodicam sententiam à suo Patriarcha, Metropolita, vel Episcopo, sub causâ cuiuscunque criminalis fucò, se separet, & ut nomen ejus inter divina referre mysteria desinat; qui verò contrà fecerit, ab omni sacerdotali officio & honore cadat.

CANON XI.

Impiam de duabus hominis animabus opinionem, quam Photius tenuisse dicitur, anathematizat, ut divinæ Scripturæ & SS. Patribus adversam.

CANON XII.

Statuit, ne favore aut tyrannica Principum potestate eligantur Episcopi.

CANON XIII.

Ad magnæ Ecclesiæ Constantinopolitanæ dignitates neminem assumi jubet, nisi ex ejusdem Ecclesiæ Clero, si in eo inveniantur digni.

CANON XIV.

Decernit, ut digno honore habeantur Episcopi, tam à Principibus secularibus, quàm à cæteris; arguitque nonnullorum Episcoporum ignaviam, qui abjectè viventes, suam dehonestant dignitatem & deprimunt.

CANON XV.

Vasa sacra alienari, vestesque sacras, aut rurales alias Ecclesiæ possessiones, sive prædia vendi, aut in emphyteusim tradi prohibet, nisi ob captivorum redemptionem.

CANON XVI.

Anathematizat eos, qui per ludum res sacras imitantur & fingunt.

CANON XVII.

Patriarchæ ad Synodum vel ad emendationem vocanti Metropolitanis parere jubet, irritamque declarat excusationem asserentium, se à Principibus detineri, cum id non possint licitè Principes; sicut & aliorum alteram dicentium, se Concilia bis in anno celebrare debere, cum Concilia Patriarchalia sint Provincialibus Conciliis longè utiliora. Re-probat denique aliorum imperitorum excusationem, sine Principis præsentia Synodum celebrari non posse dicentium; cum nusquam sacri Canones convenire seculares Principes in Conciliis sanxerint, sed solos Antistites.

C A N O N X V I I I .

Res & privilegia Ecclesiæ per spatium 30. annorum possessa, secunda fore, nec auferri posse decernit.

C A N O N X I X .

Vetat, ne prætextu Visitationis, Metropoli subditos sibi gravet Episcopos.

C A N O N X X .

Bona Ecclesiæ in emphyteusim tradita repeti vetat prætextu non servatæ fidei circa pensionis pactum, nisi per tres continuos annos solutus non fuerit pensionis census, idque fiat ordine juridico coram competente Iudice.

C A N O N X X I .

Anathematizat sæculi Principes & Magnates, qui reverentiam & honorem Patriarchis, præsertim Romano Pontifici debitum violaverint; imò cavet, ne Synodus universalis sententiam audacter dicat contra summos senioris Romæ Pontifices.

C A N O N X X I I .

Vetat, ne Princeps sæcularis se promotionibus Episcoporum immisceat.

C A N O N X X I I I .

Prohibet Episcopis sub pœna segregationis, ne alienæ Ecclesiæ possessiones invadant, conferant, aut locent, neve in ea Presbyteros vel Clericos constituent, absque proprii voluntate Episcopi.

C A N O N X X I V .

Quorundam Metropolitanorum castigat negligentiam & desidiam, qui sæcularibus impliciti curis, suffraganeos sibi subditos Episcopos per vices vocabant, iisque utebantur quali Clericis, cogendo eos etiam propriis stipendiis Episcopalia obire munia.

C A N O N X X V .

Illos Clericos etiam à Methodio & Ignatio ordinatos, qui Photio pertinaciter adhærebant, nec resilire voluerant, depositos declarat absque ulla restitutionis spe.

C A N O N X X V I .

Cuilibet Clerico laico ad majores sedes gradatim appellare permittit, hoc est, Clericis à proprio Episcopo laicis, ad Metropolitam, & Episcopo per Metropolitanum gravato, ad Patriarcham provocare sinit.

C A N O N X X V I I .

Vetat Episcopis pallio utentibus, ne eo utantur extra tempora & loca per Canones statuta; & Monachis ad Episcopatum assumptis, ne Monasticum exuant habitum.

His peractis, & omnium Concilii Patrum subscriptione munitis, scripta ad Adrianum II. epistola, Concilii confirmationem postulant Patres; scripsit & Basilius Imperator. Patrum votis annuisse Adrianum, & Acta Concilii confirmasse constat ex ejusdem Adriani ad Basilium Imperatorem epistola, ad Concilium calcem posita.

Et quibus
Canon
quartus
Photium
declarat
non verè
Episcopum,
quia non
licet licet
validè ordi-
natum.

Quæres fortè 1. circa Canones istos, quid octava Synodus intelligat Canone 4. dum *Photium* numquam Episcopum fuisse declarat, & ordinationes ac consecrationes ab eo factas, irritas esse denuntiat? numquid enim *Photius* non verè fuit ordinatus seu consecratus Episcopus à *Gregorio Syracusano* vero Episcopo? & si verè consecratus fuit Episcopus, cur non Episcopus? si Episcopus, cur irritæ ordinationes ejus? Resp. octavæ Synodi mentem esse hoc Canone 4. dicendi tantum, *Photium* numquam Episcopum fuisse, quoad jurisdictionem & legitimum suæ potestatis Episcopalis usum; sed non asserendi, eum non fuisse verè Episcopum. quoad dignitatem & characterem Episcopalem, hoc est, non negat *Photium* verè ordinatum fuisse Episcopum, sed eum legitime ordinatum fuisse negat; non negat eum verè ordinatum fuisse Episcopum, quia ordinatum à *Gregorio Syracusano* verè Episcopo; sed negat eum legitime & licitè ordinatum, quia ordinatum à *Gregorio Syracusano* Episcopo quidem, sed canonicè deposito, exautorato & anathematizato, ac proinde impedito ab omni legitimo & licito suæ potestatis Episcopalis usu, ac consequenter *Photius* ab eo ordinatus verè ac validè ordinatus fuit, sed non licitè ac legitime. Unde est quòd *Joannes VIII.* summus Pontifex restituens *Photium*, eum restituit absque nova ordinatione ulla, quia validam, quamvis non legitimam ejus supponebat ordinationem.

Et ordi-
nationes ab
eo factas
irritat, quia
non licet,
licet validè
factas.

Instabis. Si verè Episcopus fuit *Photius*, cur ergo ordinationes ab eo factas irritas esse declarat octava Synodus hoc præfato Can. 4. ? Resp. Synodum octavam eas irritas declarare, non quia non validas, sed quia nec licitas nec legitimas. Fuere quidem validæ, quia à *Photio* verè Episcopo; sed non licitæ nec legitimæ, quia à *Photio* invasore illegitimo, & in anathemate existente Episcopo.

Urgebis. Si validæ fuerint ordinationes à *Photio* factæ, & verus Episcopus fuerit *Photius*, cur eas reprobant *Adrianus II.* in epist. ad *Ignatium* Patriarcham Constantinop. quæ habetur Actione 3. hujus octavæ Synodi, & *Gregorium Syracusanum*, *Photium*, & quos *Photius* ordinavit, ab Episcoporum numero & dignitate sequestrat? dicens inter alia: Quia *Photius* vir forensis curialis Neophytus, invasor atque adulter, necnon & anathemate condemnatus existens nihil habuit, nihil dedit, nisi fortè damnationem habuit quam se sequentibus propinaverit. Resp. *Adrianum II.* ordinationes à *Photio* factas reprobare, non quia invalidas, sed quia illegitimas & illicitas; & dum ait *Photium* nihil habuisse, nihil dedisse, hoc ita dicit ut intendat dumtaxat *Photium* nihil habuisse de legitima ordinatione, sed non ita ut imputet eum nihil absolute habuisse de ordinatione in se & quoad substantiam & valorem spectata; validè enim fuerat ordinatus à *Gregorio Syracusano*, licet deposito & anathematizato; *Gregorius* enim ille quantumvis depositus & anathematizatus, non amisit characterem Episcopalem; ergo potuit illum transfundere in *Photium*, ordinando sive consecrando illum; & pariter *Photius* licet anathematizatus, non amisit illum; ergo potuit illum in alios transfundere, & illos validè, licet non licitè consecrare.

Quæres 2. num Canon 12. reprobans promotiones & consecrationes Episcoporum, potentia & mandatis Principum factas, repugnet Regiæ Episcoporum nominationi in Gallia fieri solitæ. Resp. negativè: ratio est, quia hoc Canone reprobant solum octava Synodus Episcoporum promotiones vel consecrationes versutia, malis artibus, vel tyrannide Principum factas,

factas, non autem alias à Principibus jure patrociniæ & tuitionis Ecclesiæ, vel ex privilegio & Ecclesiæ concessione factas, quales sunt illæ Episcoporum promotiones, quos summo Pontifici in Gallia nominant Christianissimi Reges.

Instabis. Canon 22. anathematizat Laicos Principes, qui se Episcoporum electionibus immiscerent; ergo videtur ille Canon Regiam etiam Episcoporum nominationem reprobare. Resp. perm. ant. neg. conseq. ad hoc enim ille Canon tendit tantum, ut electionum libertatem restituat; non tamen ut jus nominandi ab iis auferat, quibus de jure vel ex privilegio competit, quale est in Gallia Regiæ nominationis jus.

ARTICULUS X.

De Concilio Lateranensi I. anno 1122.

Sub Callisto II. Rom. Pont. pro tollenda Sacerdotii & Imperii discordia, ex usurpatis Beneficiorum investituris orta; & pro inundo sacro Jerosolymitano vel Hispanico in Saracenos bello.

Quamvis generalis octava, sive Constantinopolitana quarta Synodus Canone 22. laicis Principibus ac potentibus sapienter inhibuisset omnibus, ne se Episcoporum electionibus vel promotionibus immiscerent; fuere tamen Principes, Imperatoresque nonnulli, qui Episcopatus, Abbatis, Ecclesiæque beneficia cætera conferendi jus ita sibi perperam usurparent, ut ea turpi ac damnabili mercatu venalia facerent, & indignis persæpe conferrent; unde varia oriebantur in Clero mala; contra quæ, ut par erat, insurrexere summi Pontifices, & præcipuè Gregorius VII. Ecclesiastica libertatis vindex acerrimus, qui octavæ Synodi renovans Canonem 22. Clericis inhibuit omnibus, ne quis è manu Imperatoris, Regis, vel alterius Laicæ personæ beneficii cujuscunque sumeret investituram, hoc est, beneficii collationem à Principibus Laicis per baculum & annulum fieri consuetam. Henricum quoque Imperatorem hujus nominis quintum sæpè literis & Legationibus paternè monuit, ut ab hujusmodi beneficiorum investituris, nec non à simonia, aliisque sceleribus abstineret; verum cum obstinatus ille nedum Gregorii VII. sed & Gregorii successorum, nimirum Victoris III. Urbani II. Paschalis II. & Gelasii II. imò & istorum omnium successoris Callisti II. monita contemneret & anathemata, verisque Pontificibus illis pseudo-Pontifices opponeret, Guibertum modò, modò Burdinum, Guibertum scilicet Gregorio, Victori, Urbano & Paschali; Burdinum verò Gelasio, ejusque successori Callisto.

Tandem anno Christi 1121. Callistus II. è Gallia, ubi Cluniaci post Gelasium electus, Romam veniens, capto & in carcerem ad pœnitentiam ducto pseudo-Pontifice Burdino, Aldebertum Archipræsulem Moguntinum adversus Henricum Imperat. in Germania Legatum constituit; isque ita strenuè suæ Legationis munus implevit, ut Saxones universos, Episcopos, Principes & Catholicam plebem adversus Henricum commoverit, & ingen-

Brevis & historica Concilii Lateranensis primi summa.

ingentem exercitum paraverit; qui cum ab ejus castris non procul abesset, singulari Dei beneficio factum est, ut non ad pugnandum, sed ad deliberandum de pace inter Pontificem & Imperatorem ineunda, 12. ex utraque parte fuerint electi viri primates, qui Vvilteburgum accessere: ibique post varia per continuam hebdomadam habita comitia, cum Imperatore convenire de tollendo omnino Ecclesiæ schismate, mittendique hunc in finem ad Callistum Romanum Pontificem Legatis, qui illum enixe roga- rent, ut ad stabiliendam & firmandam Ecclesiæ pacem, generale Conci- lium indiceret.

Hanc pacis Legationem incredibili cum gaudio suscepit pacis amans summus Pontifex Callistus secundus, auditosque Oratores ad Imperato- rem illic remisit unâ cum Legatis suis, Lamberto scilicet Cardinali Ostiensi Episcopo, & duobus Cardinalibus aliis, qui de pacis conditioni- bus cum Imperatore convenirent: dumque apud Vormaciâ in German- nia conveniunt, hoc ipse Romæ Generale Concilium in Lateranensi S. Joannis Ecclesiâ celebrandum indixit anno 1122. unde Lateranense primum vulgò dictum Concilium istud; cui interfuit ipse Callistus secundus sum- mus Pontifex cum trecentis & amplius, teste Suggestio Abbate Sandiony- fiano; imò si credamus Pandulpho Callisti secundi vitam describenti, cum nongentisnonaginta septem Patribus, Episcopis, vel Abbatibus. Quo in Concilio, post habitum Vormaciæ conventum inchoato, anno juxta Gab. Coll. 1123. postque reverbos Imperatoris Oratores, & Callisti II. Cardinales Legatos

In quo
inita pacis
conventa
s. investi-
tione inter
Imperato-
rem & Pa-
pam.

1. Probata fuere & confirmata pacis conventa, sive concordata Vor- maciæ decreta, hoc est receptæ fuere & approbatæ inter Pontificem & Imperatorem ineunda pacis conditiones, in eo præsertim sitæ, ut Impe- rator investituras Romanæ restitueret Ecclesiæ, summus Pontifex vicissim Imperatori concederet Regalia per sceptrum tradere, hoc est, ut Impe- rator liberas Ecclesiæ relinqueret Episcoporum & Abbatum electiones, summus verò Pontifex Imperatori permetteret, ut electis Regalia per sceptrum daret, sacrasque electiones inspiciendi, & saniori parti assentien- di jus haberet: ut sic iis quæ sunt Dei Deo, & quæ Cæsaris Cæsari red- ditis, firmissimâ stabilitur inter Sacerdotium & Imperium concordia. Quæ pacis conditiones finito Concilio fuere utrimque receptæ, & utrim- que mutua subscriptione firmatæ, juxta tenorem qui sequitur:

Ego Henricus, Dei gratia Romanorum Imperator Augustus, pro amore Dei & sanctæ Romanæ Ecclesiæ, & Domini Papæ Callisti, & pro remedio ani- mæ meæ, dimitto Deo & sanctis ejus Apostolis Petro & Paulo, sanctæ Ca- tholicæ Ecclesiæ omnem investituram per annulum & baculum, & concedo in omnibus Ecclesiis fieri electionem & liberam consecrationem, possessiones & Regalia Beati Petri. Quæ à principio hujus discordiæ usque ad bodiernum diem ablata sunt quæ habeo, eidem sanctæ Romanæ Ecclesiæ restituo; quæ autem non habeo, ut restituantur fideliter jurabo. Possessiones etiam omnium aliarum Ecclesiarum & Principum, & aliorum tam clericorum quàm laicorum, consilio Principum & iustitia, quæ habeo ut reddantur, fideliter jurabo; & do veram pacem Domino Papæ Callisto, sanctæ Romanæ Ecclesiæ, & omnibus qui in parte ipsius sunt vel fuerunt, & in quibus sancta Romana Ecclesiâ auxilium posulaverint, fideliter jurabo.

Ego Callistus servus servorum Dei, tibi dilectio filio Henrico, Dei gratia Romanorum Imperatori Augusto, concedo electiones Episcoporum & Abba-

tum Teutonici Regni, quæ ad regnum pertinent in præsentia tua, fieri absque simonia & aliqua violentia; ut si quæ inter partes discordia emergerit, Metropolitani & Provincialium consilio vel iudicio, saniori parti assensum & auxilium præbeas. Electus autem Regalia per sceptrum à te recipiat, exceptis omnibus quæ ad Ecclesiam Romanam pertinere noscuntur, & quæ ex his iure tibi debet faciat: ex aliis vero partibus Imperii consecratus, infra sex menses Regalia per sceptrum à te recipiat. De quibus vero mihi querimoniam feceris, secundum officii mei debitum, auxilium meum præstabo. Do tibi veram pacem, & omnibus qui in parte tua sunt vel fuerunt tempore huius discordia. Data anno millesimo centesimo vigesimo secundo, nono Kalendas Octobris. Quibus pacis conditionibus sive conventis, ob multitudinis infinitæ conventum in loco campestri juxta Rhenum lectis, datis & acceptis, Lambertus Card. Ostiensis Episcopus & sedis Apostolicæ Legatus Imperatorem cum exercitu cæterisque schismatis labe pollutis absolvit ab excommunicatione, & in communionem Ecclesiæ recepit, ut constat ex 10. Concilio- rum tomo edit. Labb. ubi de conv. Vvorm. & de Later. Conc. I.

2. Hoc in Concilio Lateranensi primo rescidit summus Pontifex Callistus omnia *Burdini* pseudo-Pontificis acta, hoc est omnes ordinationes à *Burdino* Antipapa, ex quo à Romana Ecclesia damnatus est, vel ab Episcopis per ipsum consecratis factas, irritas esse decernit.

3. Ut schismaticorum factionibus labefactam & penè collapsam Ecclesiæ disciplinam restauraret, 22. infra positos edidit Canones, quorum unus è præcipuis undecimus est, de bello sacro Jerosolymitano vel Hispanico contra infideles Saracenos incundo.

Et rescis-
sa omnia
Burdini
pseudo-Pon-
tificis acta.

CANON I.

Per pecuniam in Ecclesia ordinari & promoveri quemquam prohibet, sicque ordinatum vel promotum acquisita privat dignitate.

Et Cano-
nes editi 22.
quorum un-
decimus est
de ineundo
in Sarace-
nos bello.

CANON II.

Nullum in Præpositum, vel Archipresbyterum assumi posse decernit, nisi Presbyterum; sicut nec in Archidiaconum, nisi Diaconum.

CANON III.

Presbyteris, Diaconis, vel Subdiaconis concubinarum & uxorum contubernia penitus interdicunt, aliarumque mulierum cohabitationem, præter matrem, sororem, amitam, vel materteram, aut alias hujusmodi, de quibus iuste non possit oriri suspicio, juxta Nicæni Concilii Canones.

CANON IV.

Rerum Ecclesiasticarum, sive possessionum dispensationem, sive donationem Principibus, aliisque Laicis vetat sub poena sacrilegii.

CANON V.

Consanguineorum conjunctiones divinis humanisque legibus prohibitas vetat, & infames esse declarat.

CANON VI.

Ordinationes à *Burdino* Antipapa, ex quo à Romana damnatus est Ecclesiæ, aliasque ab aliis per ipsum consecratis factas, irritas esse decernit.

C A.

CANON VII.

Ab Archidiaconis, Archipresbyteris, Præpositis, vel Diaconis curam animarum, vel Præbendas conferri vetat, sine iudicio vel consensu Episcopi, sub pœna excommunicationis.

CANON VIII.

Ut Romanæ Ecclesiæ possessiones securas reddat & tutas, Beneventanam B. Petri civitatem invadentes anathematizat.

CANON IX.

A suis Episcopis excommunicatos, ab aliis Episcopis vel Abbatibus in communionem recipi vetat.

CANON X.

Episcopum non canonicè electum consecrare vetat, sub pœna depositionis consecrantis & consecrati.

CANON XI.

Christianis, ad pugnandum contra Infideles Jerosolymam petgentibus indulgentias concedit, eorumque familias & bona sub beati Petri & Ecclesiæ Romanæ protectione suscipit, lato in invasores & prædones anathemate: Cruce verò signatos, seu eos qui pro Jerosolymitano vel Hispanico itinere, Crucem sibi in vestibus posuisse noscuntur, & viam dimisissent, Cruces resumere, & viam ab instanti Paschate usque ad proximum sequens perficere jubet sub pœna excommunicationis, eorumque terras interdicto subicit.

CANON XII.

Vetat, ne porticanorum, id est peregrinorum in porticibus urbis Romanæ residendum, & sine hæredibus morientium bona pervadantur.

CANON XIII.

Decetnr, ut si quis treugam sive inducias à privatis bellis auctoritate Ecclesiæ indictas fregerit, & ter monitus satisfacere contempserit; Episcopus vel cum Metropolitani consilio, aut eum duobus, aut cum uno vicinorum Episcopo, in rebellem anathematis sententiam dicat, & per scripturam Episcopis circumquaque denuntiet.

CANON XIV.

Oblationes Ecclesiis factas, à Laicis auferri sub pœna anathematis vetat; Ecclesiasque ab iisdem incastellari, seu usurpari ut sibi proprias, aut in servitutem redigi prohibet.

CANON XV.

Falsæ monetæ cufores tanquam maledictos, & pauperum oppressores ac Reipublicæ perturbatores, à Fidelium consortio removet.

CANON XVI.

Eadem pœna castigat eos, qui Romipetas & Peregrinos Apostolorum limina & aliorum Sanctorum Oratoria visitantes capere vel spoliare, & Mercatores Novitelloniorum seu Padagiorum exactionibus molestare tentaverint, donec satisfecerint.

CANON XVII.

Interdicit Abbatibus & Monachis publicas pœnitentias injungere, infirmosque visitare, eis scilicet Sacramenta ut administrent, unctiones facere, & Missas publicas cantare; jubetque ut Chrisma & oleum infirmorum, consecrationes Altarium, ordinationes Clericorum ab Episcopis, in quorum Diœcesibus manent, accipiant.

CANON XVIII.

In parochialibus Ecclesiis Presbyteros ab Episcopis constitui jubet, ipsis de animarum cura responsuros; eos verò, qui decimas & Ecclesias à Laicis absque Episcoporum consensu susceperint, canonicè subicit ultioni.

CANON XIX.

Servitium quod Monasteria, aut eorum Ecclesiæ à tempore Gregorii VII. Episcopis hucusque fecere, confirmat; possessiones Ecclesiarum tricennales, Abbates & Monachos habere prohibet.

CANON XX.

Anathematizat eos, qui Ecclesiis, earumque bonis ac personis, scilicet Clericis, Monachis, Conversis, Oratoribusque molestiam intulerint.

CANON XXI.

Presbyteris, Diaconis, Subdiaconis, & Monachis concubinas habere, seu matrimonia contrahere penitus interdicit, contracta dirimit, & contrahentes, juxta Canones, puniendos esse decernit.

CANON XXII.

Alienationes possessionum Ravennatis Exarchatus, & generaliter omnes alias bonorum Ecclesiasticorum, quocumque modo & à quocumque factas damnat & irritat; similiter & ordinationes ab Episcopis sive intrusis, sive canonicè electis absque communi Clericorum Ecclesiæ consensu, sive per simoniam factas, irritas esse declarat. *Id sine dubio, non quoad characterem, sed quoad privilegium, executionem & exercitium Ordinis intelligendum esse, notandum.*

Quæres primò quis fuerit ille *Burdinus*, cujus ordinationes irritas esse decernit Canon sextus. Resp. quis fuerit & cujus, fuisse dubitatum ab auctoribus antiquis; quidam enim cum Hispanum natione fuisse dixere, sed ut notat Stephanus *Baluzius* in notis ad Can. Conc. Later. I. huic sententiæ repugnat Rodericus Archiepiscopus Toletanus, vetustus Hispanicæ historiæ scriptor, qui eum patria Lemovicem fuisse docet, sed in Hispaniam abductum à Bernardo Archiepiscopo Toletano, ibique postea, ut ajunt alii, suæ industriæ viribus fuisse ad Archiepiscopalem Bracarensis Ecclesiæ sedem evectum. Sanè vir magnus fuit *Burdinus*; adeò ut Lemovices meos pudere non debeat hujus viri, nisi prioris vitæ sanctitatem infelici schismate sœdasset, inquit ibid. idem *Baluzius* Lemovix.

Quæres quinam fuerint illi porticani, de quibus agit Canon duodecimus? Resp. aliquos esse qui velint, porticanos illos fuisse Portuenses, sive Romani portus incolæ; ita ut porticani fuerint dicti à portu, sicut Africani ab Africa, Anglicani ab Anglia, & similes alii. Sed hoc ita esse negant aliqui, ex eo quòd numquam Ostiensis portus incolæ in Pontificum consi-

titu-

stitutionibus aut diplomatibus fuerint porticani vocati, sed semper & invariabili vocabulo, Portuenses ubique dicti: unde rectius arbitrantur alii, per Porticanos intelligi peregrinos & advenas illos, qui in Romanæ urbis porticibus recipiebantur & hospitabantur; unde Porticani à porticibus dicti; erant enim Romæ ante Barbarorum vastationes & incendia, ingentes porticus, in quibus peregrini recipiebantur & advenæ, teste Sigonio in hist. Italix; & illorum peregrinorum his in porticibus degentium, ab inestato & sine hæredibus morientium bona sibi Urbis præfectus vindicabat, Callisti II. temporibus; quam pravam consuetudinem sive abusum abolere contendit hoc Canone summus ille Pontifex.

ARTICULUS XI.

De Concilio Lateranensi II. anno 1139.

Sub Innocentio II. Rom. Pontifice, contra schisma Petri-Leonis Antipapæ, hæreticosque Petrobusianos & Arnaldistas, & pro restauranda collapsa Ecclesiæ disciplina.

Brevis & historica secundum Lateranensis Concilii summa.

UT hujus Concilii causa præcipua pateat & occasio, ex historia Ecclesiastica breviter prænotandum est, *Honorio II.* Romano Pontifice *Callisti II.* successore è vivis raptò, majorem Cardinalium partem Gregorium, sancti Angeli Cardinalem Diaconum, in summum Pontificem elevisse, cumque *Innocentium II.* nominasse; reliquos verò Cardinales numero pauciores Petrum Leonis potentissimi civis Romani filium elevisse, & *Anacletum II.* appellasse, qui pseudo-Papa propinquorum innixus viribus, Basilicam sancti Petri, carcerasque Urbis invasit Ecclesias: sicque *Innocentius II.* canonicè licet electus, una cum Cardinalibus ex urbe Romana coactus discedere, in Gallias se contulit, ubi à Christianissimo Rege Ludovico VI. benignè receptus & honorificè, ut verus ac legitimus Christi Vicarius; similiter & à *Lothario* Imperatore, Galliarum Regem imitato, necnon ab *Henrico* Angliarum Rege, aliisque permultis Principibus, ac regionibus, teste *S. Bernardo* hujus schismatis debellatore, & *Innocentii II.* defensore strenuissimo, & de illo dicente Epist. 125. *Merito illum recipit Ecclesia, cujus opinio clarior & electio sanior inventa est, nimirum eligentium numero vincens & merito.* Porro *Innocentius II.* ex Gallia in Italiam reversus, *Lotharii* viribus adjutus Schismaticos repressit, mortuoque tandem Petro pseudo-Papa, illius in locum à Schismaticis successus est alter, *Vistorque* nomine dictus; qui Pontificalibus depositis vestibus, ad *Innocentium II.* properavit, cumque ut verum ac legitimum Pontificem agnovit; sicque extinctum schisma, & ex parte reddita est Ecclesiæ pax.

Verum quia non soli Ecclesiæ pacem turbabant Schismatici, sed etiam Hæretici, *Petrus de Bruis*, utriusque securus errores *Arnaldus Brixienfis*, afferentes inter alia, Baptisma nihil prodesse parvulis, Tempia esse destruenda, confringendas Cruces, & similia impia alia; ideo ad iis omnibus medendum Ecclesiæ malis, convocatum est Concilium istud generale ex universis Christiani orbis partibus, anno 1138. Romæque celebratum in Lateranensi Basilica; unde Lateranense II. anno 1139. ab ipso *Innocentio*

tio II. per seipsum Præside, & præsentibus mille circiter Patribus; in quo tria ista potissimum gesta. 1. Rescissa fuere & irritata omnia Petri Leonis pseudo-Pontificis acta. 2. Damnati cum suis hæresibus Petrus de Bruiis, Arnaldusque Brixienfis cum sequacibus. 3. Denique pro restauranda diuturno schismate collapsa Ecclesiæ disciplina, triginta Canoncs editi vel saltem octo supra viginti, pro Ecclesiæ disciplina; alii duo, vigesimus tertius scilicet & trigessimus contra Hæreticos vel schismaticos, qui ferè idem sunt, ac Canoncs Concilii Rhemenfis, cui præfuit & ipse *Innocentius II.* & in quo pseudo-Papa Anacletus II. unà cum fautoribus Schismaticis excommunicatus est anno 1133.

C A N O N I.

Simoniacè ordinatum Clericum ab officio deponendum esse decernit.

In quo
Canoncs
editi fuere
30. scilicet
pro restau-
randa Ec-
clesiæ disci-
plina 18.

C A N O N I I.

Rerum sacrarum, Sacramentorum vel dignitatum emptores, venditores, ipsosque interventores execratur, malè partis honoribus privat, infamix nota percellendos esse declarat; & nec pro pascu, nec sub obtentu aliquis consuetudinis, antè vel post quid exigi vel dari debere declarat, quia simoniacum est.

C A N O N I I I.

A suis excommunicatos Episcopis, ab aliis recipi prohibet sub pœna excommunicationis.

C A N O N I V.

Clericos vestium superfluitate, scissura, colore, vel in tonsura, aut forma intuentium aspectum offendentes, si moniti ab Episcopis emendari noluerint, Beneficiis Ecclesiasticis privandos esse declarat.

C A N O N V.

Quod in Concilio Chalcedonenfi, Canone 22. constitutum est, irrefragabiliter observari præcipit; ut videlicet decedentium Episcoporum bona a nullo omninò hominum diripiantur, sed ad opus Ecclesiæ & successoris sui in libera æconomi, & Clericorum permaneat potestate.

C A N O N V I.

Subdiaconos, Diaconos, & Presbyteros uxores ducentes, vel concubinas habentes Ecclesiastico privat Beneficio.

C A N O N V I I.

Gregorii VII. Urbani II. & Paschalis II. renovans decretum, præcipit, ne ullus eorum Missas audiat, quos uxores vel concubinas habere cognoverit.

C A N O N V I I I.

Id ipsum quoque de Sanctimonialibus sceminis, si, quod absit, nubere attentaverint, observari decernit.

C A N O N I X.

Monachis & Canonicis regularibus professis, jus civile seu leges & medicinam, temporalis lucri gratia, addiscere, exercere, & Patronum agere vetat; & Episcopos, Abbates vel Priores id permittentes, honoribus spoliari, & ab Ecclesiæ limitibus arceri jubet.

C A N O N X.

Decimas Ecclesiarum à sæcularibus Laicis possideri vetat.

C A N O N X I.

Præcipit, ut Presbyteri, Clerici, Monachi, peregrini, mercatores, & rustici euntes & redeuntes, & in agricultura persistentes, & animalia cum quibus aratur, & semina portantur ad agrum, ac oves omni tempore securi sint.

C A N O N X I I.

Treugam, sive inducias à privatis bellis, certis diebus inviolabiliter observari jubet, sub pœna anathematis.

C A N O N X I I I.

Usurarios infames haberi jubet; & nisi resipuerint, Christiana privata sepultura.

C A N O N X I V.

Detestabiles illas nundinas, vel ferias prohibet, in quibus milites ex condicito convenire solebant, & ad virium ostentationem congregari, unde hominum mortes sæpè, & animarum pericula contingebant; jubetque hoc in congressu mortuis gladiatoribus pœnitentiam & Viaticum poscentibus non negare, sed Christianam sepulturam.

C A N O N X V.

Ait, quòd si quis suadente diabolo hujus sacrilegii reatum incurrerit, quòd in Clericum, vel Monachum violentas manus injecerit, anathematis vinculo subiaceat, & nullus Episcoporum illum præsumar absolvere, nisi mortis urgente periculo; donec Apostolico conspectui præsentetur, & ejus mandatum suscipiat. Prohibet etiam sub eadem pœna, in eos manum mittere, qui ad Ecclesiam vel Cœmeterium confugiunt.

C A N O N X V I.

Quoniam honores Ecclesiastici, sanguinis non sunt sed meriti, & Ecclesia Dei non hæreditario jure aliquem, neque secundum carnem successorem expectat, sed ad sua regimina & officiorum suorum dispensationes honestas, sapientes & religiosas personas exposcit; ideò prohibet Ecclesiastica Bencècia hæreditario jure possideri: quòd si quis ea sic obtinere tentaverit, eum debita plecti pœna, & postularis carere jubet.

C A N O N X V I I.

Inestas consanguineorum conjunctiones in usum versas, quas sanctorum Patrum instituta, & sacro-sancta Dei detestatur Ecclesia, fieri prohibet.

C A N O N X V I I I.

Incendarios, eisque consilio, præcepto vel auxilio faventes excommunicat, Christiana sepultura privat, nec absolvendos esse decernit, nisi pro facultatibus refarciri damno, & injuncto in pœnitentiam onere permanenti in servitio Dei, seu in bello sacro Jerosolymis, aut in Hispania per annum integrum.

C A N O N X I X.

Archiepiscopum vel Episcopum hoc relaxantem damnum, restituere, & per annum ab officio Episcopali jubet abstinere.

CANON XX.

De hoc tamen, aliisve criminibus facultatem jus dicendi, consultis Archiepiscopis & Episcopis, non negat Regibus & Principibus.

CANON XXI.

Presbyterorum filios ab Altaris ministerio removet, nisi Cœnobiticam vel Canonicam fuerint professi vitam.

CANON XXII.

Sacerdotes monet, ut circa falsas Laicorum pœnitentias invigilent; quæve sit falsa pœnitentia, notat.

CANON XXIII.

Illos, eorumque fautores, qui Religiositatis speciem simulantes, Eucharistiæ Sacramentum, Baptisma parvulorum, Sacerdotium, aliosque Ordines, & Matrimonium damnant, tanquam hæreticos ab Ecclesiâ Dei repellit & damnat.

CANON XXIV.

Pro Chrismate, Oleo sacro, Christianaque sepultura pretium exigere vetat.

CANON XXV.

Beneficium Ecclesiasticum de manu Laici accipi vetat; & si quis acceperit, indignè suscepto cum privari jubet, quia juxta SS. Patrum decreta, Laici quamvis Religiosi sint, nullam tamen disponendi de Ecclesiasticis facultatibus potestatem habent.

CANON XXVI.

Sub habitu Sanctimonialium, fœminas aliquas nec S. Basilii, nec S. Benedicti, nec S. Augustini regulam servantes, in privatis domibus habitare, & viros hospitio recipere solitas arguit; & ne id ulterius fiat, sub pœna anathematis vetat.

CANON XXVII.

Sanctimonialibus prohibet, ne simul cum Canonicis vel Monachis in unum Chorum conveniant ad psallendum.

CANON XXVIII.

Defunctis Episcopis, Ecclesias ultra tres menses vacare prohibet; vetatque ne Cathedralis Ecclesiæ vacantis Canonici ab electione viros Religiosos excludant, alioquin irrita maneat electio.

CANON XXIX.

Mortiferam, Deoque odibilem Ballistariorum & Sagittariorum artem adversus Christianos exerceri sub anathemate prohibet.

CANON XXX.

Ordinationes à Petro-Leone Antipapa, cæterisque Schismaticis factas, irritas esse declarat.

Notandum.

Ex his omnibus patere, eò solum tendisse hoc in Concilio summum Pontificem *Innocentium II.* ut Petri-Leonis Antipapæ, aliorumque Schismaticorum acta rescinderet, hæreticos Petrobusianos damnaret, & pro restauranda collapsa Ecclesiæ disciplina Canones ederet; quorum unus è præcipuis est decimus quintus, quo cum per id tempus debitus Sacerdotibus & Clericis non redderetur honor, sententiam excommunicationis tulit summus Pontifex in eos, qui suadente diabolo violentas manus in Clericos iniecerint. *Vide editionis Labb. 10. Conciliorum tomum.*

Circa 25. Canonem notandum, quòd licet Laici habeant jus præsentandi interdum ut Patroni, non tamen conferendi Beneficium institutione canonica; & ratio est, quia cum Beneficia spiritualia annexa habeant ministeria, non possunt nisi à spirituali potestate conferri, maxime ea quæ annexam habent animarum curam, vel Sacramentorum administrationem, vel divini verbi prædicationem, ut Episcopatus, Abbatix, Decanatus, Præposituræ, Archidiaconatus, Pœnitentiarii que vel Theologalis dignitas; ponant tamen Laici, ex Ecclesiæ concessione, jus conferendi Beneficia consequi.

ARTICULUS XII.

De Concilio Lateranensi III. anno 1179.

Sub Alexandro III. Rom. Pont. pro reformanda Ecclesiæ disciplina, præsertim circa electionem summi Pontificis, damnandisque Catharorum, Pvaldensium, & Albigenisium hæresibus.

Brevis &
historica
Concilii
Lateranen-
sis tertii
summa.

Adriano IV. Romano Pontifice morte rapto, & congregatis de more pro successoris electione Cardinalibus, duo fuere summi Pontifices electi, *Rolandus* videlicet *Senensis*, dictusque *Alexander III.* & Cardinalis *Ostavianus Romanus*, *Vislor IV.* appellatus. *Alexander III.* à viginti & uno, *Vislor IV.* à tribus dumtaxat Cardinalibus est electus. Uterque à suis proclamatur & agnoscitur ut summus Pontifex; & ex hac Cardinalium discordia grande subortum est schisma, quo diu vexata genuit Ecclesia; nam etsi *Alexander III.* vetus ac legitimus summus Pontifex esset, & pro vero ac legitimo haberetur à majori, nedum Italarum sed & Christianorum parte, *Ostavianus Visloris IV.* sibi assumpto nomine, quamvis non legitimus sed intrusus & pseudo-Pontifex, ut verustamen & canonicus agnoscebatur ab altera. Stabat pro *Ostaviano* *Fridericus Imperator*; pro *Alexandro III.* e contra stabant Galli, Hispani, Britanni, & Christiani ferè ceteri cum suis Regibus populi. Pro suo Papa vel Antipapa contenditur & disceptatur utrimque.

Hæc inter dissidia, *Fridericus Imperator* ut suo intruso saveret *Ostaviano*, sibi que invisum *Alexandrum* excluderet, Ecclesiasticæ pacis conciliandæ prætextu, Concilium Papæ celebrandum indixit, ad quod totius Imperii, aliorumque Regnorum Episcopos & Abbates convocavit, ipsumque *Alexandrum*; ut utriusque partis discussa causa, de vero ac legitimo Pon-

Pontifice constaret. Alexander verò acceptis hujusmodi convocatoriis Friderici literis, inito cum fratribus consilio, generosè respondit inter alia, se Imperatorem venerari ut advocatum & specialem S. R. E. defensorem, sed Imperatorem suos extra fines excurrere, dum sine conscientia Romani Pontificis Concilium convocandi sibi potestatem arrogat; dumque ipsum quoque Pontificem ad præsentiam suam, sicut homo super illum potestatem habens, præcipit convenire: additque se potius extrema passurum, quàm ad Concilium ab Imperatore convocatum accessurum, ut ejus sententiam subeat, sicque Ecclesiæ libertatem opprimi sinat. Hæc constant ex actis Alexandri III. ex Vaticano codice à Baronio sæpè laudatis. Celebratur nihilominus indictum ab Imperatore *Papiense* Conciliabulum anno 1160. cui interfuere 44. vel juxta Rodericum 50. Archiepiscopi vel Episcopi; & in quo, *Alexandro III.* reprobo, probata est & confirmata Antipapæ *Victoris* electio; melius dixerim, intrusio. His ita hoc in Papiensi Conciliabulo gestis, & in altero apud Laudam anno 1161. cura Friderici confirmatis:

Alexander III. anno Christi 1162. in Galliam, solitum summorum Pontificum asylum, confugit; quò cum pervenit, statim apud Montem Pessulanum aliquot Gallicanæ Ecclesiæ convocatis Archiepiscopis & Episcopis, Concilium habuit, in quo Victorem Antipapam, & ejus complices excommunicavit, ut constet ex ipsius Alexandri ad Omnibonum Veronensem Episcopum epistola. Parisios inde profectus, Concilium anno sequenti, hoc est, anno 1163. *Turonis* celebrandum indixit; & reipsa 12. Kalendas Julii cœptum est *Turonense* Concilium in Ecclesia S. Mauritii, præside ipso Alexandro, præsentibus septemdecim Cardinalibus, Episcopis centum viginti quatuor, & Abbatibus quadringentis & quatuordecim, ad dexteram summi Pontificis sedente S. Thoma Cantuariensi Archipræsule, & ejusdem summi Pontificis jussu sermonem ad Concilii Patres habente Arnulpho Ecclesiæ Lexoviensis Episcopo. Quo in Concilio, in præfatis Alexandri III. actis memorato, damnata sunt Conciliabuli Papiensis acta, Victor Antipapa cum suis fautoribus excommunicatus, & decem editi Canones, quorum nonus ordinationes Victoris Antipapæ aliorumve schismaticorum irritas esse declarat.

Inde Romam rediit *Alexander*: moriturque interim Victor Antipapa, nec tamen extinguitur schisma. Victoris in locum eligitur à schismaticis *Guido Cremenfis*, qui *Paschalis III.* sumpto nomine, Friderici sultus armis & auxilio schisma fovet. Isto pariter Paschali pseudo-Pontifice morte raptò, illi statim subrogatur ab iisdem tertius Antipapa, scilicet *Joannes Strumenfis Abbas*, qui *Callisti III.* nomen usurpat. Sed iste tandem paulò post cum Imperatore Friderico se *Alexandro III.* libenter subdidit, cumque ut verum ac legitimum Pontificem agnovit: Imperator enim Fridericus tandem bello victus & profligatus, paulatim respuit, & ejurato schismate, cum sibi adhærentibus Episcopis ac Principibus ad unitatem Ecclesiæ rediit, & Venetiis inita pace, ad *Alexandri* pedes provolutus arma deposuit & odia, ut *Alexandri III.* suprà laudata referunt acta, nec non *Villelmus Tyrinus* lib. 18. de bello sacro. Sicque pacato bello & extincto schismate,

Concilium istud Generale Romæ celebrandum indixit *Alexander III.* anno Christi 1179. idque triplici de causa, 1. ad damnandos schismaticos. 2. Ad damnandas tunc in Occitania & Aquitania grassantes Catharorum,

Vvaldensium & Albigenſium hæreſes. 3. Ad reſtituendam abuſibus collapſam Eccleſiæ diſciplinam. Ad illud ergo ſic convocatum, cui præſuit Alexander ipſe, Epifcopi venere trecenti, Vvillelmo Tyrio ex illis uno teſtante lib. 21. de bello ſacro cap. 25. cœptum celebrari die 5. Martii ejuſdem anni Romæ in Lateranenſi Baſilicâ; unde Lateranenſe œcumenicum tertium vnlgò dictum; & in quo,

In quo ſtatutum eſt, ne ullus deinceps habeatur pro ſummo Pontifice, niſi electus à duobus tertius Cardinalium partibus.

1. Ad futura deinceps vitanda ſchiſmata ſummorum Pontificum, & electionis occasione ſtatuit ſummus Pontifex *Alexander*, ut nullus haberetur ſummus Pontifex Romanus, qui non eſſet à duobus tertius Cardinalium partibus electus, reſcuditque ordinationes omnes à ſchiſmaticis pseudo-Pontificibus *Oſtaviano*, *Guidone* & *Joanne*, vel ab aliis per eos ordinatis effectas.

2. Anathematizavit hæreticos omnes, illoſque qui cum illis communicarent, vel auxilium eis quocumque modo præbuiſſent, imò illos armis comprimendos eſſe decrevit.

3. Quia tunc vigeat in Eccleſiis & Monasteriis ſimonia, in Clericis faſtus & avaritia, in Laicis uſura, in beneficiorum collationibus iniuſtitia; ideò ad reſtaurandam corruptam hiſ abuſibus Eccleſiæ diſciplinam, varia conſtituit alia Canonibus 27. hic ſequentibus expreſſa.

CANON I.

Statuit, ne deinceps ullus in ſummum Pontificem legitime cenſeatur electus, niſi à duobus tertius Cardinalium partibus fuerit electus.

CANON II.

Ordinationes omnes à Schiſmaticis pseudo-Pontificibus *Oſtaviano*, *Guidone* & *Joanne* habitas reſcudit, & irritas eſſe decernit.

CANON III.

Prohibet, ne ullus promoveatur in Episcopatum, vel ad aliquem Ordinis gradum, niſi legitimæ ſit ætatis, & de legitimo ſuſceptus matrimonio; ſeu ne quis minor 30. annis eligatur in Episcopum, aut minor 25. in Parochum, Archidiaconum, aut in aliam dignitatem, curam animarum annexam habentem.

CANON IV.

Statuit, ne Prælati ſuos ſubditos gravent in viſitationibus, nimio hominum equorumque comitatu.

CANON V.

Nullum ſine titulo, in Diaconum vel Presbyterum ordinari decernit; quòd ſi aliquem ſine certo titulo, de quo neceſſaria vitæ percipiat, ordinaverit Episcopos, obligat illum ad ei inveniendâ neceſſaria, donec ei in aliqua Eccleſia convenientia ſtipendia militiæ clericaliſ assignet; niſi fortè talis, qui ordinatur, extiterit, qui de ſua vel paterna hæreditate ſubſidium vitæ poſſit habere.

CANON VI.

Agit de appellationibus, vetatque Monachis, Religioſiſque cæteris appellare à ſui Prælati correptione.

C A N O N V I I .

Vetat , ne quid exigatur pro Episcoporum , Abbatum , aliarumque personarum benedictione ; sicut nec pro sepulturis exequisque defunctorum , aut nubentium benedictionibus .

C A N O N V I I I .

Prohibet , ne ulla conferantur vel promittantur Ecclesiastica Beneficia ; autquam vacent ; ne desiderare quis mortem proximi videatur .

C A N O N I X .

Prohibet , ne viri Religiosi , vel quilibet alii , Ecclesias vel decimas do Laicorum manu suscipiant sine Episcoporum auctoritate ; & ne , nisi semel in anno , Templarii sive Hospitalarii S. Joannis Ecclesias sub interdicto positas aperiant , neve tunc corpora ibi sepelire præsumant .

C A N O N X .

Monachos aut Religiosos in Monasterio pretio recipi vetat , eisque peculium habere prohibet .

C A N O N X I .

Jubet , ut Clerici intra sacros Ordines constituti continenter vivant ; & si in illa nefanda incontinentia , quæ contra naturam fit , deprehensi fuerint laborare , excommunicentur ; & à Clero ejiciantur si Clerici , vel ad poenitentiam in Monasteria detrudantur .

C A N O N X I I .

Vetat Clericis , ne coram sæculari Judice causas agant , nisi proprias vel Ecclesiæ suæ causas defendant ; neve litium procuraciones suscipiant , nisi pro miserabilibus fortè personis , & ex charitate ; quia hoc est contra doctrinam Apostoli dicentis , Nemo militans Deo implicat se negotiis sæcularibus .

C A N O N X I I I .

Plura ab uno & eodem Ecclesiastica possideri Beneficia prohibet .

C A N O N X I V .

Ne Clerici à Laicis Ecclesias accipiant absque proprii auctoritate Episcopi , vetat sub pœna excommunicationis ; & sub eadem pœna mulctat Laicos , qui personas Ecclesiasticas in suo judicio seu tribunali stare compellunt ; eosdem laicos sepultura privat Ecclesiastica , qui decimas in alios laicos transferre præsumunt ,

C A N O N X V .

Ecclesiastica bona à Beneficiariis acquisita , eorum post mortem ad hæredes transire vetat , & penes Ecclesiam remanere jubet .

C A N O N X V I .

Præcipit , ut in electionibus vel Ecclesiasticis ordinationibus consequatur effectum , quod à majori & saniori Concilii parte fuerit constitutum .

C A N O N X V I I .

Statuit , ut dum plures se ejusdem Ecclesiæ fundatores dicunt , & il-

Appar. Annati T. II.

G 3

lius

lius Rectores esse volunt, ille præficiatur, qui majoribus juvatur metitis, & plurimorum eligitur ac probatur assensu.

CANON XVIII.

Præcipit, ut unaquæque Cathedralis Ecclesiæ Magistrum habeat, qui pauperes scholares, & alios doceat; & pro licentia docendi pretium exigere vetat.

CANON XIX.

Onera super Ecclesias, vel Clericos imponere vetat sæculi potestatibus, sub poena anathematis.

CANON XX.

Torneamenta exercere prohibet, & in torneamentis mortuos Ecclesiastica privat sepultura; quod idem sauxerat Canon 14. Concilii II. Lateranensis.

CANON XXI.

Præcipit, ut statuta fideliter atque religiosè serventur treugæ.

CANON XXII.

Ne novæ statuatur exactiones, aut statuta augeantur sine Regum aut Principum auctoritate, vetat sub poena excommunicationis.

CANON XXIII.

Statuit ut leprosi, si excludantur ab hominum cohabitatione, Oratorium habeant proprium, propriumque Sacerdotem ac cæmeterium, eorumque hortos ac pecuaria ab obligatione decimarum eximit.

CANON XXIV.

Illos anathematizat Christianos, qui arma, ferrum, ligna, aut quid simile Saracenis in Christianos pugnantes ministrant, sicut & eos qui naufragantium invadunt bona.

CANON XXV.

Manifestos usurarios communione & Ecclesiastica sepultura privari jubet.

CANON XXVI.

Judeis vel Saracenis servire prohibet Christianis; si tamen ad Christi fidem conversi fuerint, eos à suis possessionibus excludi vetat.

CANON XXVII.

Albigenses hæreticos, eorumque fautores anathematizat, & sacri belli expeditionem ad eosdem reprimendos indicit.

Fuit insuper hoc in Concilio à quibusdam accusatio delata ad Alexandrum Papam, adversus scriptum Petri Lombardi Parisiensis Episcopi, quòd in eo malè sensisset de Christi humanitate. Circa quòd nihil aliud tunc decusum ab Alexandro III. sed solum scriptum ad Vvillelmum Senonensem Archiepiscopum his verbis:

Alexander Episcopus servus servorum Dei, Vvillelmo Senonensi Archiepiscopo salutem. Cum in nostra olim esses præsentia constitutus, tibi viva voce injunximus, ut suffraganeis tuis Parisiis tibi adscitis abrogationem prave doctrinæ Petri quondam Parisiensis Episcopi, qua dicitur, quòd Chri-

Christus secundum quod est homo, non est aliquid, omnino intendere & efficacem operam adhibere: inde siquidem est quod fraternitati tue per Apostolica scripta mandamus, quatenus quod tibi cum præsens esses, præcepimus, suffraganeos tuos Parisios convoces, & una cum illis & aliis viris Religiosis & prudentibus præscriptam doctrinam studeas penitus abrogare, & à Magistris Scholaribus ibidem in Theologia studentibus, Christum sicut perfectum Deum, sic & perfectum hominem, ac verum hominem ex anima & corpore consistentem præcipias edoceri; universis firmiter & strictè injungens, quod doctrinam illam de cætero nequaquam docere præsumant, sed ipsam penitus detestentur.

Quod Alexandri præceptum à Vvillielmo Senonensi executioni mandatum fuisse constat, cum dicat Marthæus Paris. in hist. Anglic. hanc Lombardi propositionem jussu Alexandri summi Pontificis fuisse damnatam in Parisiensi Concilio quodam, idque post Petri Lombardi obitum annis novemdecim. Vide 10. tom. Conciliorum edit. collect. Labb.

ARTICULUS XIII.

De Concilio Lateranensi IV. anno 1215.

Sub Innocentio III. Rom. Pont. pro recuperanda Terra Sancta, restauranda Ecclesie disciplina, damnandisque præsertim Albigenſium & Almarici Doctores hæresibus, & Joachimi Abbatis erroribus.

Post Cælestini III. summi Pontificis obitum, successor ejus *Innocentius III.* vir doctrina & moribus insignis, Terræ Sanctæ à Saracenorum manibus eripiendæ, & universalis Ecclesiæ reformandæ zelo fervens; eo ipso quo ad supremum evectus est Pontificatum, ei in spem venit fore ut sui voti compos fieret illis præsertim temporibus, cum Latini Principes nonnulli expugnata Constantinopoli Græciam sibi subjugassent, & *Baldwinus* Flandriæ Comes, Constantinopolitanus Imperator esset electus: ideò ad hæc omni adhibita cura, variisque ad varios expeditis literis atque Legatis, Sanctorum Patrum vestigia secutus, hoc generale & Patrum numero maximum Concilium indixit, Romæ celebrandum anno 1215. in quo simul damnarentur tunc grassantes Albigenſium & *Almarici* Lutetiæ Parisiorum impietatis Doctores hæreses, & *Joachimi* Abbatis errores, depravati corrigerentur fidelium mores, & ad sacram expeditionem pro Terra Sancta Principes adducerentur Christiani. Scripserat biennio antè literas Patriarchis omnibus & Episcopis, quibus eos ad Concilium vocaret. Scripsit Imperatori, scripsit & Regibus, ut & ipsi quoque suos Oratores ad Concilium destinarent.

Brevi & historica Concilii Lateranensis quarti summa.

Cogitur itaque Romæ in Lateranensi S. Salvatoris Ecclesia Concilium, Patrum numero magnum, anno salutis 1215. ad quod, teste Abbate Urspergenſi illius temporis viro, venire ex universi Christiani mundi partibus vocati Patres 1285. videlicet summus ipse Pontifex *Innocentius III.* ut Præses, anno sui Pontificatus 18. duo Patriarchæ, Constantinopolitanus nimirum & Jerosolymitanus, 70. Archiepiscopi, 400. Episcopi, & 12. Abbates, 800. Priores, Decani vel Præpositi conventuales, cum utriusque Imperii Orientalis & Occidentalis Regumque Jerosolymorum, Franciæ,

Hispaniæ, Angliæ, Hungariæ, Aragoniæ, Siciliæ, Cypri, aliorumque Principum, Magnatum & civitatum Legatis; Antiochenus verò Patriarcha gravi languore detentus non venit, sed pro se Anthedonenfem Episcopum misit; sicut & Alexandrinus, qui sub Saracenorum dominio gemens, Germanum Diaconum, qui suas vices ageret, deputavit.

His omnibus simul congregatis, Concilium aperuit summus ipse Pontifex *Innocentius III.* eleganti sermone, pio simul & egregio, sumptis pro themate his Christi verbis apud Luc. cap. 22. dicentis: *Desidero desideravi hoc Pascha manducare vobiscum, antequam pascam*; quibus testatur se ex corde, desiderio desiderasse hoc antequam pateretur, solemne Concilium celebrare; ut per illud, Pascha sive phasæ triplex celebraret, videlicet Pascha corporale, spirituale & æternum. *Corporale*, quo fieret transitus de loco in locum pro miserabili Jerusalem liberanda; *Spirituale*, quo fieret transitus de statu ad statum, pro universali reformanda Ecclesiâ; & *æternum*, quo fieret transitus de vita in vitam, pro cœlesti consequenda gloria. Quo in Concilio sic ritè inchoato, die 11. Novembris S. Martino sacra, & die 30. ejusdem mensis S. Andreæ Apostolo dicata feliciter conclusa,

In quo damnata sunt Albigenfium hærefes, damnatus Joachimi Abbatis libellus contra Lombardum, & damnati Almarici Doctoris errores.

1. Contra varios Hæreticorum errores explicata est Catholicæ Ecclesiæ fides, damnata sunt Albigenfium hærefes, damnatus & Abbatis Joachimi de unitate seu essentia Trinitatis Libellus contra Petrum Lombardum, sed non ejus damnata persona, quia non obstinata, sed Ecclesiæ Catholicæ submissa; damnata quoque sunt perversa impii Almarici Carnotensis dogmata, viri nedum hæretici, sed ita insanientis, ut infernum & paradysum negaret; nec aliter Corpus Christi esse in pane altaris, quam in alio quocumque; Deumque sic in Ovidio, sicut in Augustino locutum assereret; aliaque similis impietatis non pauca: quique hoc in Concilio ea de re præsertim convocato, nedum anathemate percussus Romæ, sed etiam Lutetiæ Parisiorum, Regio Philippi jussu, illius effossa & tradita flammis ossa.

2. Decreta est postea ad Terram Sanctam expeditio sacra, variis privilegiis & indulgentiis ad eam properantibus benignè concessis.

3. Varia tandem pro restauranda Ecclesiæ disciplina constituta decreta, sequentibus Canonibus distincta. Sunt autem hi Canones computato capite *Firmiter* de summa Trinitate, quod est de fide Catholica, numero 70.

CANON I.

Et editi Canones 70. pro restanda disciplina scilicet omnes, duobus vel tribus prioribus exceptis.

Qui inseritur in 1. Decretalium libro cap. Firmiter credimus de summa Trinitate, contra varios Hæreticorum errores, fidem explicat Catholicam, dicens: Unus est Deus individuus in essentia, & discretus in personis, Creator omnium, &c. Is ab initio temporis utramque de nihilo condidit creaturam, corporalem & spirituales; Angelicam scilicet & mundanam; deinde humanam quasi communem, ex spiritu & corpore constitutam, &c.

CANON II.

In eodem Decretalium libro positus, cap. Damnamus, damnat libellum sive tractatum Abbatis Joachimi contra Petrum Lombardum, de unitate sive essentia SS. Trinitatis; damnat pariter perversa impii insanique Almarici dogmata.

C A N O N I I I.

Excommunicat omnes alios cujuscumque nominis hæreticos , extollentes se adversis hanc sanctam Orthodoxam & Catholicam fidem supra expositam , eosque post damnationem , sæcularibus potestatibus puniendos relinqui , eorumque bona confiscari decernit : Hæreticorum exterminio invigilantibus privilegia concedit : Dominos temporales hæresum sua in ditione patientes punit ; Episcopos ad eam expurgandam negligentes deponit ; excommunicatque eos , qui sine Episcopi licentia prædicant .

C A N O N I V.

Græcos illos , qui Latinorum Sacerdotes ita execrabantur , ut in eorum Altaribus nisi prius lotis sacrificium offerre nollent , & baptizatos ab iisdem Latinis rebaptizarent , excommunicat , & ab officio deponit , si id in posterum attentaverint .

C A N O N V.

De sedium Patriarchalium ordine agens , jubet ut post Romanam sedem , Constantinopolitana primum , Alexandrina secundum , Antiochena tertium , & Jerosolymitana quartum obtineat locum .

C A N O N V I.

Præcipit , ut singulis annis provincialia celebrentur Concilia à Metropolitanis .

C A N O N V I I.

Jubet , ut Ecclesiæ Prelati in corrigendis subditorum , maxime Clericorum , excessibus invigilent ; ut post monitionem Episcopi , per Capitulum corrigi consueti , Cathedralis Ecclesiæ corrigantur Canonici ; alioquin eos corrigat Episcopus .

C A N O N V I I I.

Contra delinquentes , triplici modo procedi posse declarat , per accusationem , denuntiationem & inquisitionem ; ita tamen ut accusationem legitima præcedat inscriptio , denuntiationem charitativa admonitio , & inquisitionem clamorosa præveniat insinuatio , sive infamia publica , &c.

C A N O N I X.

Est de diversis ritibus in eadem fide per Episcopum tolerandis :

C A N O N X.

Generaliter sancit , ut Episcopi viros idoneos ad sanctæ prædicationis officium assumant , potentes opere & sermone ; qui plebes sibi commissas , vice ipsorum cum per se id ipsi non potuerint , sollicitè visitantes , eas verbo ædificent & exemplo , quibus ipsi cum indigerint , congruè necessaria ministrent : quos habebunt Episcopi Coadjutores & Cooperatores , non solum in prædicationis officio , verum etiam in audiendis confessionibus & pœnitentiis injungendis , ac cæteris quæ ad animarum salutem pertinent .

C A N O N X I.

Statuit , ut præter Magistrum in qualibet Cathedrali Ecclesia instituendum , aliis etiam Ecclesiis idoneus constituatur Magister , qui Clericos

ricos gratis in Grammatica doceat, & alius in Metropolitana, qui Sacerdotes & alios in sacra pagina, cæterisque ad curam animarum spectantibus erudiat.

CANON XII.

Statuit, ut singulis provinciis, sive regnis communia celebrentur de triennio in triennium Monachorum Capitula; in quibus diligens habeatur tractatus de reformatione & observantia regulari.

CANON XIII.

Novos religiosos Ordines institui vetat, & Abbatem unum pluribus præesse monasteriis prohibet.

CANON XIV.

Clericos incontinentes puniri jubet.

CANON XV.

Clericos à crapula & ebrietate abstinere jubet, & venari prohibet.

CANON XVI.

Statuit, ut Clerici officia vel commercia sæcularia non exercent, maxime inhonesta, mimis, jaculatoribus & histrionibus non intendant, & tabernas prorsus evitent, nisi fortè causa necessitatis in itinere constituti; ad aleas vel taxillos non ludant, nec hujusmodi ludis intersint; coronam & tonsuram habeant congruentem, & se in officiis divinis, & aliis bonis exercent studiis diligenter. Jubet insuper, ut modesta ferant indumenta, ut Pontifices in publico, & in Ecclesia superindumentis lineis utantur, nisi Monachi fuerint, quos habitum deferre Monachalem jubet.

CANON XVII.

Sub pœna suspensionis, Prælatorum comestiones, confabulationes illicitas, negligentiam in divinis officiis, & celebratione Missarum prohibet, disjunctèque præcipit in virtute sanctæ Obedientiæ, ut divinum Officium diurnum pariter & nocturnum, quantum eis Deus dederit, studiosè celebrent & devotè.

CANON XVIII.

Ne Clerici judicio sanguinis intersint prohibet, neque Subdiaconus, Diaconus, vel Sacerdos illam Chirurgiæ partem exercent, quæ ad uestionem vel incisionem inducit.

CANON XIX.

Firmiter prohibet, ne profana in Ecclesiis admittantur supellestilia, nisi propter hostiles incurfus, aut incendia repentina, vel alias necessitates urgentes, ad eas oporteat habere refugium; & præcipit ut Oratoria, vasa, vestimenta que sacra, munda conserventur & nitida.

CANON XX.

Statuit, ut in cunctis Ecclesiis Chrisma & Eucharistia sub fideli custodia, clavibus adhibitis, conserventur, ut non possit ad illa temeraria manus extendi; si verò is ad quem spectat custodia, ea incautè reliquerit, tribus mensibus suspendatur ab officio.

CANON XXI.

Præcipit, ut omnis utriusque sexus fidelis, postquam ad annos discretionis pervenerit, omnia sua peccata solus confiteatur fideliter, saltem semel in anno, proprio Sacerdoti, & injunctam sibi pœnitentiam studeat pro viribus adimplere; suscipiens reverenter ad minus in Pascha Euchari- stia Sacramentum, nisi fortè de consilio proprii Sacerdotis ob rationabi- lem causam ad tempus ab ejus perceptione duxerit abstinendum; alioquin & vivens ab ingressu Ecclesiæ arceatur, & moriens Christiana careat se- pultura: monetque, quòd si quis alieno Sacerdoti voluerit iusta de cau- sa, sua confiteri peccata, licentiam prius postulet, & obtineat à proprio Sacerdote; jubetque confessionis secretum ita inviolabiliter observari, ut Sacerdotem, si violaverit, in arctum monasterium ad perpetuam agendam pœnitentiam detrudendum esse decernat.

CANON XXII.

Præcipit Medicis ad infirmos vocatis, ut cum infirmitas corporalis non- numquam ex peccato proveniat, ante omnia curent advocare Medicos ani- marum, ut postquam infirmis fuerit de spiritali salute provisum, ad cor- poralis medicinæ remedium salubrius procedatur: alioqui ab Ecclesiæ in- gressu eos arceri jubet; cumque anima sit multò præstantior corpore, vetat eisdem sub pœna anathematis, ne quid pro corporis salute suadeant ægroto, quod in periculum animæ convertatur.

CANON XXIII.

Ne pro defectu pastoris, gregem Dominicum lupus rapax invadat, aut in facultatibus suis Ecclesia viduata, grave dispendium patiatur..... Statuit ut ultra tres menses, Cathedralis vel regularis Ecclesiæ Prælato non vacet; infra quos, iusto impedimento cessante, si electio celebra- ta non fuerit, qui eligere debuerant, eligendi potestate careant ea vi- ce, & ipsa eligendi potestas ad eum qui proximè præesse dignoscitur, devolvatur; is verò ad quem devoluta fuerit potestas, non differat ultra tres menses.

CANON XXIV.

Tripticem statuit electionis legitimæ viam, per inspirationem Spiritus Sancti, per scrutinium, & per compromissum: aliter factam non valere declarat; & eum qui contra prædictas formas eligere attentaverit, ea vice eligendi potestate privat.

CANON XXV.

Statuit, ut quisquis electioni de se factæ per sæcularis potestatis abu- sum consentire præsumperit contra Canonicam libertatem, & electio- nis commodo careat, & ineligibilis fiat, & absque dispensatione non possit ad aliquam eligi dignitatem. Qui verò electionem hujusmodi, quam ipso jure irritam esse censemus, præsumperint celebrare, ab of- ficiis & beneficiis per triennium suspendantur, eligendi tunc potestate privati.

CANON XXVI.

Electionem confirmari vetat, nisi prius confirmator diligenter exami- naverit, & electionis processum, & personam electi de vitæ honestate, sufficienti scientia, & ætate legitima; alioqui non solum deiciendus est indignè promotus, sed etiam indignè promovens puniendus.

CANON XXVII.

Cum sit ars artium regimen animarum, districte præcipit, ut Episcopi promovendos in Sacerdotes diligenter instruant & informant, vel per se ipsos, vel per alios viros idoneos, super divinis officiis & Ecclesiasticis Sacramentis, qualiter ea valeant rite celebrare Sanius est enim, maxime in Ordine Sacerdotii, paucos bonos, quam multos malos habere Ministros; quia si cæcus cæcum duxerit, ambo in foveam dilabuntur.

CANON XXVIII.

Prelatos, qui ad cedendum, five renuntiandum licentiam postularunt & obtinuerunt, ad cedendum compellendos esse decernit, quia ob Ecclesiæ commodum, vel ob propriam salutem postularunt, quorum neutrum suasionibus aliquorum querentium quæ sua sunt, est impediendum.

CANON XXIX.

Prohibet, ut nullus plures Ecclesias Parochiales, seu Beneficia plura curam animarum habentia recipiat, nec in eadem plures dignitates, aut personatus, etiamsi curam animarum non habeant: circa tamen sublimes & literatas personas, quæ majoribus beneficiis sunt honorandæ, cum ratio postulaverit, per Sedem Apostolicam dispensari posse declarat.

CANON XXX.

Præcipit beneficiorum collatoribus Ecclesiæ Prelatis, ut prætermisiss indignis, assumant idoneos, qui Deo & Ecclesiæ velint & valeant gratum impendere famulatum.

CANON XXXI.

Ad abolendam pessimam, quæ in plerisque inolevit Ecclesiis corruptellam, firmiter prohibet, ne Canonicorum filii, maxime spurii, Canonici fiant in sæcularibus Ecclesiis, in quibus instituti sunt patres.

CANON XXXII.

Statuit, ut Parochialibus Presbyteris congrua proventuum assignetur portio, ut Parochus per seipsum Ecclesiæ sibi commissæ deserviat, nisi præbendæ vel dignitati sit annexa Parochialis Ecclesia; prohibetque, ne quis in fraudem de proventibus Parochialis Ecclesiæ, pensionem alteri quasi pro beneficio conferre præsumat.

CANON XXXIII.

Procuraciones ratione visitationis debitas, ab Episcopis, Archiepiscopis, aut quibuscumque aliis recipi vetat, nisi cum sit visitatio; in qua, non quæ sua sunt, sed quæ Jesu Christi querenda sunt, prædicationi, exhortationi, correctioni vacando.

CANON XXXIV.

Vetat, ne Prelati aut procuracionem aut servitium aliquod impendant Legato, vel alii plus extorqueant à subditis quam exsolvant, sicque extorta restitui, & tantundem pauperibus largiri jubet.

C A N O N X X X V.

A legitimo iudice ante sententiam latam appellari prohibet, nisi iusta de causa ipsi Iudici exposta.

C A N O N X X X V I.

Sententiam interlocutoriam, vel comminatoriam, lite pendente, a Iudice revocari posse declarat.

C A N O N X X X V I I.

Statuit, ne quis ultra duas diastas, extra suam diocesim per literas Apostolicas ad iudicium trahi possit, nisi de assensu partium fuerint impetratæ, vel expressam de hac constitutione fecerint mentionem.

C A N O N X X X V I I I.

Statuit, ut fideliter omnia iudiciorum acta conscribantur, videlicet citationes, dilationes, recusationes & exceptiones, petitiones & responsiones, interrogationes & appellationes, renuntiationes, conclusiones & cætera, designando loca, tempora & personas.

C A N O N X X X I X.

Statuit, ut si quis rem ab altero injuste oblatam, scienter acceperit, cum spoliatori quasi succedat in vitium, eò quòd non multum interfit, quoad periculum animæ præsertim, detinere injustum, & invadere alienum, contra possessorem huiusmodi per restitutionis beneficium succurratur.

C A N O N X L.

Sancit, ut cum ob partis adversæ contumaciam adjudicatur Actori possessio, & propter Rei potentiam non potest intra annum Actor rem nanctisci custodiendam, vel nactam amittit, Actor anno elapso verus constituitur possessor, ne contumax melioris quàm obediens conditionis existat. Insuper vetat ne super rebus spiritualibus compromittatur in Laicum, quia non decet ut Laicus in talibus arbitretur.

C A N O N X L I.

Quoniam omne quod non est ex fide, peccatum est, definit ut nulla valeat absque bona fide præscriptio tam Canonica, quàm Civilis; cum sit generaliter omni constitutioni derogandum, quæ absque peccato non potest observari; unde oportet, ut qui præscribit, in nullatemporis parte rei habeat conscientiam alienæ.

C A N O N X L I I.

Prohibet Clericis, ne prætextu Ecclesiasticæ libertatis, suam jurisdictionem extendant, in præjudicium iustitiæ sæcularis.

C A N O N X L I I I.

Sacri auctoritate Concilii prohibet, ne Clerici Laicis personis, a quibus nihil temporale teneant, fidelitatis iuramentum præstare cogantur.

C A N O N X L I V.

Volens Ecclesiarum indemnitati consulere, Feudorum & aliorum bonorum

rum Ecclesiasticorum alienationes, sine legitimo personarum Ecclesiasticarum assensu, occasione constitutionis Laicæ potestatis factas rescindit.

CANON XLV.

Prohibet, ne Patroni, Advocati, Vice-Domini plus usurpent, quàm reperitur in jure permissum; statuitque ut qui Ecclesiæ Rectorem, aliumve Clericum per se, vel per alios occidere, vel mutilare ausu nefario præsumpserint, Patroni juspatronatus, Advocati advocatiam, Vice-Domini vice-dominatum, Beneficiati Beneficium prorsus amittant; & illi eorumque hæredes ac nepotes ad quartam usque generationem, à Clero arceantur, nec in Regularibus domibus alicujus prælationis consequantur honorem, nisi fuerit cum eis misericorditer dispensatum.

CANON XLVI.

Confirmat Anathema à Concilio tertio Lateranensi latum adversus Rectores Civitatum, & alios qui Ecclesias, virosque Ecclesiasticos tallis seu collectis, & aliis exactionibus premere nituntur; si tamen necessitas postulet, ut subsidium conferat Ecclesia, id fiat absque coactione ulla, ad levandas utilitates, vel necessitates communes, ubi Laicorum facultates non suppetunt; & prius consulatur Romanus Pontifex, cujus est communibus utilitatibus providere. Sed hoc in Gallia locum non habet, ubi usus est, etiam à Bonifacio VIII. approbatus, ut Clerus gratuita conferat Regi Christianissimo dona, inconsulto Romano Pontifice.

CANON XLVII.

Prohibet, ne quis in aliquem excommunicationis sententiam ferat, nisi commotione præmissa, præsentibus idoneis personis, & manifesta iustaque de causa.

CANON XLVIII.

Statuit, ut si quis Judicem velint sibi suspectum recusaverit, coram illo causam reculationis assignet, & cum adversario, vel si adversarium non habeat, cum Judice communiter arbitros eligat, qui de causa reculationis cognoscat; quæ si legitima non probetur, jurisdictione sua Judex utatur: si verò probata fuerit, causam alteri committat de reculatoris assensu, vel ad superioris judicium remittat. Statuit etiam, ut si canonicè monitus appellaverit, & crimen ejus vel ipsius confessione, vel alio modo legitimo fuerit manifestum, nulla appellationis habeatur ratio, quia appellationis remedium non ad defensionem iniquitatis, sed ad præsidium innocentie institutum est.

CANON XLIX.

Sub interminatione divini judicii vetat, ne ullus causa cupiditatis audeat aliquem excommunicationis vinculo innodare, vel innodatum absolvere.

CANON L.

Prohibitionem matrimonii inter consanguineos & affines, ad quartum consanguinitatis vel affinitatis gradum restringit; quoniam in ulterioribus gradibus non potest absque gravi dispendio hujusmodi prohibitio generaliter observari.

CANON LI.

Cum inhibitiō copulæ conjugalis sit in tribus ultimis gradibus revocata, eam in aliis volens districtè observari; clandestina prohibet matrimonium, prolem ex illis susceptam censeri declarat illegitimam; Parochialem Sacerdotem, qui conjunctiones illas in gradibus prohibitis prohibere contempserit, & Regularem quemlibet qui eis interfuerit, per triennium ab officio suspendit.

CANON LII.

Licet ex quadam necessitate esset olim institutum, ut in consanguinitatis & affinitatis gradibus probandis, valeret testimonium de auditu, cum propter brevem hominum vitam testes de visu deponere non valerent, usque ad septimum gradum computando; statuit ne super hoc deinceps recipiantur testes de auditu, cum jam quartum gradum prohibitio non excedat; nisi personæ graves extiterint, quibus meritò sit adhibenda fides, & ante motam litem testificata didicerint.

CANON LIII.

Statuit, ut prædiorum Domini prædia sua talibus personis excolenda committant, quæ decimas Ecclesiis integrè persolvant, & ad id si necesse fuerit, per censuras compellantur Ecclesiasticas.

CANON LIV.

Cum non sit in homine, quòd semen ferenti respondeat, quoniam juxta Apostolum, Neque qui plantat, est aliquid, neque qui rigat; sed qui incrementum dat Deus: cumque in signum universalis Domini, quasi quodam titulo speciali sibi Dominus decimas reservaverit, statuit Canon iste, ut exactionem tributorum & censuum præcedat solutio decimarum; vel saltem hi, ad quos census & tributa indecimata pervenerint, censuris Ecclesiasticis decimas solvere compellantur, quoniam res cum onere suo transit.

CANON LV.

Decernit, ut Cistercienses alique Regulares, de alienis terris, & deinceps acquirendis, etiamsi eas propriis manibus ac sumptibus excoluerint, decimas persolvant Ecclesiis, nisi cum ipsis Ecclesiis aliter duxerint componendum.

CANON LVI.

Damnat quorundam Regularium & Sæcularium Clericorum pacta, qui in præjudicium Parochialium Ecclesiarum, domos locabant, vel fenda concedebant ea lege, ut conductores & feudatarii decimas eis solverent, & apud eosdem sepulturam eligerent; statnitque ut quidquid fuerit hujusmodi pacti occasione perceptum, Ecclesiæ Parochiali reddatur.

CANON LVII.

Ut privilegia, quæ Regularibus Romana concessit Ecclesia, permaneant inconculsa, quædam in eis declarat, ne minus sanè intellecta pertrahant ad abusum, propter quem meritò possint revocari; quia privilegia metur amittere, qui permissa abutitur potestate.

C A N O N L V I I I .

Quod nonnullis est Religiosis indultum, concedit Episcopis, ut divina celebrare possint officia tempore interdicti, sed exclusis excommunicatis & interdictis, jannis clausis, suppressa voce, & non pulsatis campanis.

C A N O N L I X .

Quod quibusdam Religiosis est prohibitum, ad omnes extendens prohibet, ne Viri Religiosi absque Abbatis & majoris partis sui Capituli licentia pro aliquo fide-jubeant, vel pecuniam mutuò accipiant, ultra summam communi providentia constitutam; alioquin non teneatur Conventus pro his aliquatenus respondere, nisi fortè in utilitatem domus ipsius manifestè constiterit redundasse.

C A N O N L X .

Vetat, nè Abbates ad ea quæ sunt Episcopalis dignitatis manus extendant, de causis matrimonialibus cognoscendo, injungendo publicas poenitentias, concedendo indulgentias, & similia præsumendo, nisi fortè quis speciali concessione, vel legitima causa valeat se tueri.

C A N O N L X I .

Duo renovans Lateranensis Concilii tertii Statuta, prohibet 1. Regularibus, ne Ecclesias seu decimas sine consensu Episcoporum, de manu Laicali recipere præsumant; nec excommunicatos, vel nominatim interdictos admittant ad divina. 2. Ne in Ecclesiis, quæ ad ipsos pleno jure non pertinent, Episcopis instituendos Presbyteros præsentent, ut illis de plebis cura respondeant; ipsis verò de temporalibus rationem reddant, nec institutos removeant inconsultis Episcopis; illos demum præsentent, quos vel conversatio reddat notos, vel commendat probabile testimonium Prælatorum.

C A N O N L X I I .

Cùm ex eo quòd quidam Sanctorum Reliquias exponunt venales, ut eas passim ostendant, Christianæ religioni sit detractum sæpius, statuit ut antiquæ Reliquiæ amodò extra capsam non ostendantur, nec exponantur venales; inventas autem de novo nemo publicè venerari præsumat, nisi prius auctoritate Romani Pontificis fuerint approbatæ. Prælati verò de cætero non permittant, illos qui ad eorum Ecclesias causa venerationis accedunt, vanis figmentis aut falsis decipi documentis, sicut & in plerisque locis occasione quæstus fieri consuevit; prohibetque ne elemosynarum quæstores admittantur, nisi Apostolicas, vel Diocæsani Episcopi literas veras exhibeant: ad hæc, quia per indiscretas & superfluas indulgentias, & claves Ecclesiæ contemnuntur, & poenitentialis satisfactio enervatur; decernit, ut cùm dedicatur Basilica, non extendatur indulgentia ultra annum, sive ab uno solo, sive à pluribus Episcopis dedicetur, ac deinde in Anniversario dedicationis tempore, quadraginta dies de injunctis poenitentiis indulta remissio non excedat; ad quem etiam dierum numerum, indulgentias, quæ pro quibuslibet causis conceduntur, jubet restringi; cùm Romanus Pontifex, qui plenitudinem obtinet potestatis, hanc in talibus moderationem observare consuevit.

CANON LXIII.

Prohibet, ne quid quocumque prætextu exigatur pro Episcoporum consecrationibus, Abbatum benedictionibus, aut Clericorum ordinationibus.

CANON LXIV.

Statuit, ne Moniales pretio recipiantur in Sorores; alioqui tam recipiens quam recepta sine ipse restitutionis de suo Monasterio expellatur in locum arctioris regulæ, ad agendam perpetuæ poenitentiam retrudenda, & idem circa Monachos, aliosque Regulares decernit observandum.

CANON LXV.

Exactiones quorundam Episcoporum reprobatur, qui decedentibus Ecclesiarum Rectoribus, ipsas interdictione subiciebant, nec patiebantur aliquos in eisdem institui, donec ipsis certa pecuniæ summa persolveretur; & cum Miles aut Clericus domum Religionis ingrediebatur, vel apud Religiosos sepulturam eligebat, difficultates ingerebant, donec aliquid muneris perciperent.

CANON LXVI.

Quia quidam Clerici, pro exequiis mortuorum, & benedictione nubentium, & similibus pecuniam exigunt & extorquent, ideo pravas exactiones super his fieri prohibet, & pias consuetudines præcipit observari; utque liberè seu gratis conferantur Ecclesiæ Sacramenta; & per Episcopum loci, veritate cognita, comescantur, qui malitiosè nituntur laudabilem consuetudinem immutare.

CANON LXVII.

Statuit, si quocumque prætextu Judæi à Christianis graves & immoderatas usuras extorserint, Christianorum eis participium, seu communicatio subtrahatur, donec de immoderato gravamine satisfecerint; Christiani quoque, si opus fuerit, per censuram Ecclesiasticam compellantur ab eorum abstinere commercio.

CANON LXVIII.

Statuit, ut Judæi utriusque sexus à Christianis habitu discernantur, ne per errorem, Christiani mulieribus Judæorum, & Judæi Christianorum mulieribus commisceantur, & in diebus Lamentationum, & Dominicæ Passionis in publicum minimè prodeant; eò quòd nonnulli ex ipsis talibus diebus ornatiis incedere non erubescant, ac Christianis Dominicæ Passionis memoriam recolentibus illudere non formident.

CANON LXIX.

Strictè prohibet, ne Judæi, vel Pagani publicis præficiantur officiis.

CANON LXX.

Præcipit, ut per Ecclesiarum Prælatos ab observantia veteris ritus comescantur Judæi, ad Christi fidem conversi.

Isto pariter in Concilio jamdiu inchoatus Constantini Magni & Helenæ temporibus, sed aliquando intermissus, restitutus est & confirmatus ab Innocentio III. multisque privilegiis & favoribus auctus S. *Quiriaci* Jerosolym.

Appar. Annati T. II.

H

lymo.

Et approbati ac confirmati Religiosi Ordines varii.

Ut Ordo
Crucigerorum
sancti
Quiriaci.

lymorum Episcopi & Martyris Crucigerorum Ordo, ut refert Philippus Bergomas Suppl. Chronicorum lib. 13. citatus in Labb. collect. Conc. tom. 11. idque maximè factum asserit, occasione pestiferæ cujusdam Albigeniensium hæresis, quæ seditionem excitaverat maximam in populo cle- roque Romano; quam ut compesceret *Innocentius*, in auctores ejus, cruce signatos armavit multos, per quos debellatis atque prostratis seditionis illis & hæreticis hostibus, Crucigerorum Ordinem jam sopitum & extinctum instauravit, multisque privilegiis auxit; cuique postea regulam præscripsit, Lugduni dum existeret *Innocentius IV.* summus pariter Pontifex, in qua inter alia Religiosis hujus Ordinis crucem in manibus semper deferre præcepit.

Ordo FF.
Prædicato-
rum sancti
Dominici.

Ad istud quoque generale Concilium venit cum Fulcone Tolosarum Episcopo *S. Dominicus*, suum ut *Innocentio III.* summo Pontifici conce- ptum proponeret votum, sive consilium de instituendo Prædicatorum Or- dine, ut in ejus vita lib. 1. Theodoricus enarrat cap. ult. Quod cum audiisset summus Pontifex, & maturè perpenderit, pium propositum lau- davit & commendavit; nondum tamen confirmavit, sed *B. Dominicus* hortatus est, ut ad suos rediret fratres, & communicato cum illis consilio approbatam Regulam seligeret aliquam, sub qua inchoandus milita- ret Ordo; sicque ad ipsum rediens, Ordinis confirmationem pro voto reportaret; & re ipsa confirmatus sacer ille Prædicatorum Ordo, non ab *Innocentio III.* has inter moras morte raptus; sed ab ejus successore *Honorio III.* sub regula *S. Augustini*, & constitutionibus nonnullis à *B. Do- minico* præscriptis.

Et Ordo
FF. Mino-
rum sancti
Francisci.

Hoc in Concilio denique receptus est, approbatus, & confirmatus Se- raphicus *B. Francisci* FF. Minorum Ordo, ab eodem summo Pontifice *In- nocentio III.* ut in eadem Labb. collect. Conc. tom. 11. Vaddingus, Ma- rianus, *S. Antoninus* testantur & alii. Dum enim Romæ celeberrimum hoc & universale inchoaretur Concilium, venit in Urbem *S. Patriarcha* de sui instituti rebus acturus; & ad ejus instantiam, ut refert *Marianus* his ver- bis, Dominus Papa coram omnibus Ordinem ejus esse approbatum pronun- tiare fecit, & Regulam per ipsum prius sine Bulla approbatam manifesta- re fecit.

ARTICULUS XIV.

De Concilio Lugdunensi I. anno 1245.

Sub Innocentio IV. Rom. Pontifice contra Fridericum II. Imperatorem, & pro decernenda in Turcas Cruciatorum expeditione sancta.

Brevis &
historica
Lugdunen-
sis Concilii
summa.

DUm *Fridericus II.* Romanorum Imperator in summos Romanosque Pontifices, de se quantumvis bene meritos, ita sæviret olim sub *Gregorio* præsertim nonno, ut universam bello devastaret Italiam, Romaque obfessa, si quos internum cives in obsidione caperet, crudeliter trucidaret: cumque eodem tempore in Italiæ perniciem *Guelphorum* & *Gibelli- norum* factiones erupissent, omnes ferè civitates in contrarias partes distrahe- rentur, civesque ipsi quasi furis quibusdam agitati alii alios in exilium pelle- rent, fortunisque spoliarent, *Fridericusque*, cujus erat flammam nascentem oppri-

opprimere, illam potius augeter, sibi que Gibellinis adjunctis, in Guelphos qui Pontificis defectionem susceperant, arma verteret.

His luctuosis ut occurreret Ecclesiæ malis summus Pontifex Gregorius IX. Imperatorisque furcantis nefarios saltem ex parte reprimeret ausus, Generale Concilium Romæ celebrandum indixit, omnesque tum Episcopos, tum alios Concilii Patres Romam venire iussit. At cum ex his multi tum ex Gallia tum ex Hispania, Genuensium trirémibus vecti Romam navigarent, in Friderici classem inciderunt, victisque Genuensibus, capti sunt tam Cardinales quam Episcopi, & ad ipsum Imperatorem perducti. Quem gravem & infautum Episcoporum Cardinaliumque casum ita ægrè tulit summus Pontifex Gregorius, ut præ animi dolore, è vita paulò post excesserit, decimum quintum dum curreret sui Pontificatus annum. Cui successit Cælestinus IV. nobilis Mediolanensis & Cardinalis, Ordinisque Cisterciensis quondam Monachus; sed illo post 18. dies à sua electione pariter morte raptò, electus est tandem à Cardinalibus post viginti menses Innocentius IV. vir eruditione præstans & morum integritate.

Is summus Pontifex *Innocentius IV.* eo ipso quo ad supremum evectus est Pontificatum, de pace cum Friderico ineunda cogitavit & egit, missis ad eum Legatis, qui æquissimas ei pacis condiciones proponerent, & postularent ut Patres qui in Navali pugna capti fuerant, sicut sæpè promiserat, liberos dimitteret; sed cum hæc audire nollet Fridericus, nec superesset alia spes conciliandæ pacis, Innocentius ut hominis temeritatem reprimeret, aliisque Ecclesiæ commodis consuleret, Gregorii IX. propositum secutus & mentem, Concilium generale convocare decrevit. Et quia difficile admodum erat Iamam posse venire Patres, propter bella & seditiones per totam Italiam longe latèque diffusas, ipse Pontifex in Galliam se contulit, Lugdunumque urbem clarissimam habendo Concilio delegit; & re ipsa generale Concilium ad festum S. Joannis Baptiste Lugdunum celebrandum indixit anno Christi 1245. cui præter Cardinales numero multos, interfuere Patriarchæ tres, videlicet Constantinopolitanus, Antiochenus, & Aquilejensis, Episcopi verò 140. nec non *Baldwinus* Imperator Constantinopolitanus, Tolosanus Comes, S. Ludovici Galliarum Regis, Henrici III. Anglorum pariter Regis aliorumque Principum Oratores, ipsiusque Imperatoris Friderici procurator Thaddæus Imperialis Cameræ iudex. E Palæstina venit solus Berytensis Episcopus, ex Hungaria nullus, & è Germania quia Imperiali bello turbata, pauci. Quibus omnibus ritè congregatis, die Lunæ post S. Joannis Baptiste festum proxima, in ædibus Monachorum S. Justini, ipso per se ipsum Præside Romano Pontifice *Innocentio IV.* ceptum est hoc generale Concilium Lugdunense primum: *Quæ habentur omnia ex Matthæo Parisio hist. Angl. vel ex Alberto Stadenſi Abb. in Chron. vel ex Trithemio in Hirsangienſi Chronico, aut ex Labbeana collect. Concil. rom. 11.*

In Actione I.

Brevi temporis spatio, & actionibus dumtaxat tribus absolutum est hoc primum Lugdunense Concilium. Prima siquidem actio sive sessio habita est quarto Kalendas Julii. 2. Deinde elapsis diebus 3. Et 3. eaque postrema paulò post, hoc est 16. Kalendas Augusti. In actione 1. habita est prius ab *Innocentio IV.* sollemnis ad Concilii Patres oratio, in qua

H 2 sumpſit

sumpsit pro themate hæc Jeremiæ verba Thren. cap. 1. vers. 12. dicentis : *O vos omnes qui transitis per viam, attendite & videte, si est dolor sicut dolor meus, &c.* Comparavitque quinque sacra Christi vulnera, quinque vulneribus sive doloribus aliis quibus se afflictum exhibuit summus Pontifex, quorum primus erat de Tartarorum in Christianorum terras incursione. Secundus de Græcorum schismate. Tertius de novarum hæresum furore. Quartus de Terræ Sanctæ injusta ab infidelibus possessione. Et quintus de sæviante Friderici Imperatoris in Ecclesiam persecutione, quæ se Roma in Gallias fugere compulsum ostendit.

In quo
citatus est
Fridericus
Imperator,
nec venit.

2. Ad Concilium citato Friderico & renuente venire, orator ejus vir bel-
li jurisque peritissimus, nomine Thaddæus, ut ei Pontificis & Ecclesiæ gra-
tiam conciliaret, magna pro illo promisit; scilicet ipsum ereptas Ecclesiæ
Romanæ ditiones redditurum, pro illatis damnis & injuriis satisfactorum, Græcorum Imperium ad obedientiam Ecclesiæ Romanæ reduciurum, Tar-
taros & Saracenos propriis sumptibus impugnaturum, & profligatas Ter-
ræ Sanctæ res splendori pristino restitutum. Sed ejus promissis, qui to-
ties secellerat, & juratæ pacis capita non impleverat, se stare non posse re-
spondit summus Pontifex, dicens : *Pacem in anima sua juratam secundum
formam præstii Sacramenti teneat, & acquiesco.* Reges Francorum & An-
glorum obsoles pro eo obtulit Thaddæus; conditionem respexit Innocen-
tius, tum quia id in mandatis non habebat Thaddæus, tum ne cum duobus
potentissimis Principibus committeret Ecclesiam : *Nolumus, inquit, quia
si pacta commutasset vel penitus infirmasset, oportet nos animadvertere in eos-
dem, & tunc haberet Ecclesia tres, quibus non sunt in seculari potentia mayo-
res, imò nec pares inimicos.*

In Actione II.

Varia de
quibus ac-
cusabatur
exposita fa-
cinora.

Feria 4. sequenti & in altera sessione, varia palam exposuit Innocentius
Friderici Imperatoris facinora, accusans illum inter alia 1. De perjurio
multiplici & juratæ pacis læsione. 2. De vehementi hæresis suspitione,
ex contemptu censurarum Ecclesiæ, & inito cum Saracenis fœdere pro-
bata. 3. De sacrilegio ob captionem & violentam detentionem Cardina-
lium aliorumque Præsulum ad Concilium sub Gregorio IX. tendentium. 4.
De læsa Pontificia Majestate, ob famosas & petulantes in Gregorium
IX. scriptas epistolas, & ob Ecclesiæ ditionum populos in ipsum commo-
tos, & patrimonii S. Petri occupata castra ac oppida, & de aliis : quæ
omnia pro viribus diluere conatur Imperatoris Orator Thaddæus, indu-
ciasque petit, ut dominum suum certiore faceret de iis quæ gerebantur
in Concilio. Concessæ sunt illi duarum hebdomadarum induciæ, & monitus
Imperator Pontificem & Patres Concilii execratus est, judicisque recusa-
vit. Quo responso ad Concilium delato, multi qui pro Friderico stabant,
ab ejus partibus recessere; & continuata in ipsum accusationum auditio.
Videns Thaddæus se sua eloquentia qua plurimum pollebat, hac in mala
causa nihil promovere, appellavit pro eo ad Concilium proximè futurum
generalis; sed illi respondit Pontifex, ut testatur Matthæus Paris. *Satis est
Concilium generale multorum, qui domini tui humilitatem inutiliter non sine
gravamine expectant & qui absunt, laqueis domini tui impediuntur ir-
retracti; unde propter hoc, indignum est ut sententia depositionis in ipsum sexen-
da retardetur, ne ex malitia sua commodum videatur reportare, cum non de-
beat alicui fraus patrocinari.*

In Actione III.

Die 16. Kalendas Augusti lata est ab *Innocentio IV.* præsentem Concilio; sententia in Fridericum Imperatorem, qua damnavit eum, & è piorum communione dejecit, Imperiique dignitate, & Siciliæ Regno privavit, *Qua sententia per mundum volante*, inquit Albertus Stadenfis, *quidam Principes reclamabant dicentes, ad Papam non pertinere Imperatorem vel instituire, vel destituere, sed electum à Principibus coronare.* Unde ex hac sententia multæ sunt ortæ in Ecclesia clades; dum enim vixit Imperator Fridericus, per annos fermè sex prævalere contra eum nec Papa, nec aliquis Principum potuit. Sed non advertens ad sententiam quam injustam & frivolam dicebat, se Imperatorem fessit, magnamque Principum, nobilium & civitatum adhaerentiam habuit usque ad mortem. Intraivit post depositionem sui Italiam, & tantis malis Papam subjectosque illi populos afflixit, ut Pontificem vivere tæderet, voluissetque numquam depositionem illius cogitavisse; maxima enim partialitas populorum in Italia subsecuta est, quæ usque in præsentem fermè diem per annos ducentos & sexaginta, non sine multorum effusione sanguinis duravit, inquit *Tritheimius in Hirsaugiensis Chron.*

Ejusque
sufficienter
discussa fi-
nita causa.

2. Præter celebrem Friderici causæ discussionem, renovatum est decretum de sacra in Saracenos Cruciatorum expeditione, pro Terra Sancta recuperanda; cuius sanctæ expeditionis dux designatus est *s. Ludovicus Gallia Rex*, & varia pro omnibus cruce signatis concessa & statuta privilegia.

Et reno-
vatum de-
cretum de
ineundo in
Saracenos
bello.

3. Instituta insuper hoc in Concilio ab *Innocentio IV.* festi Nativitatis Beatæ Mariæ Virginis octava, ad implendum votum à Cardinalibus emissum eo tempore quo post *Celestini IV.* Rom. Pontificis obitum vacabat sedes, & plus nimio retardabatur futuri successoris electio, ob captos violentè detentos ab Imperatore Friderico Cardinales multos.

4. Cardinalibus pariter hoc in Concilio ab *Innocentio IV.* dicitur concessa facultas pileo utendi rubro, in signum constantiæ pro fidei defensione ad effusionem usque sanguinis habendæ.

5. Variæ denique constitutiones aliæ dicuntur hoc in Concilio editæ; sive decreta ad iudicium spectantia, quæ passim laudari solent in 6. Decretalium libro, sub nomine *Innocentii IV. in Concilio Lugdunensi*; quorum tituli sunt 17. isti:

1. De rescriptis, 2. de officio Ordinarii, 3. de electione & electi potestate, 4. de officio & potestate iudicis delegati, 5. de iudiciis, 6. de litis contestatione, 7. de dolo & contumacia, 8. de testibus, 9. de eo qui mittitur in possessionem, 10. de confessis, 11. de appellationibus & recusationibus, 12. de Sententia excommunicationis, 13. de usuris, 14. de subsidio Imperii Constantinopolitani, 15. admonitio Prælatorum ad populum sibi commissum, 16. de Tartaris, 17. super cruciata. Vide tom. 11. Conc. Labb.

Dices: Non videtur credibile hac in 3. & ultima sessione tot edipuisse decreta. Resp. ea si non in Concilio edita omnia, saltem recitata & probata fuisse omnia, ut colligitur ex *Matthæo Parisio*, dicente: Cùm autem hac statuta ad notitiam audientium pervenissent, in conspectu omnium sapientium placuerunt: & in hoc tam favorem quàm gratiam Dominus Papa pro-

meruit universonum. Verumtamen quadam eorum ante Concilium, quadam durante Concilio, quadam verò post Concilium sunt statuta.

ARTICULUS XV.

De Concilio Lugdunensi II. anno 1274.

Sub Gregorio X. Rom. Pont. pro inunda Græcorum cum Latinis unione; mittere Christianis contra Turcas in Syria pugnantibus subsidio; reformanda morum disciplina, & præscribendo præsertim Romani Pontificis celeriter eligendi modo.

Brevis &
historica se-
cundi Lug-
dunensis
Concilii
summa.

Cum eo tempore, quo nondum extincti sed renovati grassarentur in orbe Græcorum errores, post obitum Clementis IV. per biennium & menses novem, Cardinalium discordia, Romana vacasset Ecclesiæ; tandem per compromissum, à sex Cardinalibus compromissariis Viterbiensium, & S. Bonaventuræ hortatu, electus est Viterbii Theobaldus patria Placentinus, dignitate Leodiensis Archidiaconus, vir morum sanctitate clarus, tunc in sacro contra Saracenos exercitu in Syria degens, qui assumpto Gregorii nomine, dictus est *Gregorius X.* quique statim sentiens sibi commissam universalis Ecclesiæ curam, timens ne latius serperent renascentes Græcorum errores, sciens quanto in discrimine res Christianorum essent in Syria; & aliunde cum corruptos Fidelium mores, & collapsam Ecclesiæ disciplinam cerneret, suorum prædecessorum inhaerens vestigiis, hoc generale Lugduni Concilium indixit, anno sui Pontificatus secundo; in quo

Ageretur 1. de Græcis ad Romanæ Ecclesiæ fidem, communionemque reducendis. 2. De procurando Christianis in Syria contra Saracenos pugnantibus subsidio. 3. De reformanda morum disciplina, præscribendoque modo, ad citius Romani Pontificis electionem Sede vacante celebrandam.

Ad Concilium venire ex universis mundi regionibus Patres circiter mille, videlicet summus ipse Pontifex Gregorius ut Præses, Cardinales quindæcim, Patriarchæ duo, Constantinopolitanus & Antiochenus, Archiepiscopi 60. vel 70. Episcopi 500. Abbates multi, aliique inferiores Prælati non pauci. Venere quoque & ipsi regum Franciæ, Germaniæ, Angliæ, & Siciliæ Oratores; venit & ipse *Jacobus Aragoniæ Rex*, licet post sessionem 2. discesserit, iratus de non imposita sibi à summo Pontifice Gregorio regni corona, nec imponi promissa, nisi vectigali perfoluto. Michaelem Palæologum Græcorum Imperatorem Concilio quoque interfuisse dixere nonnulli, sed falsò; cum per nuntios tantum interfuisse constet, tum ex actis Concilii, tum ex nuntiis & literis ab eomissis. Ad Concilium hoc insuper vocati sunt plures insignes alii viri, doctrina & vitæ sanctitate magni; inter quos eminere *S. Thomas Aquinas*, & *S. Bonaventura*; sed *S. Thomas* ad Concilium dum pergeret, lethali correptus morbo, ad vitam migravit immortalem in monasterio Fossæ-novæ. *S. Bonaventura* verò in ipso Concilio à *Gregorio X.* creatus Cardinalis & Episcopus Albanensis, in ipso pariter Concilii decursu post primam, secundam, tertiam & quartam Sessionem, felicem emisit animam 14. Julii.

His

His omnibus in majori Basilica S. Joannis Lugduni congregatis, coeptum est Concilium die 7. Maji, anno Domini 1274. & tres intra menses, sex Sessionibus feliciter conclusum die ejusdem anni 17. Julii. Quæ omnia constant ex Labb. hujus Conc. hist. & anct. ibi laud. tom. 11. Quid autem fuerit hoc in Concilio præcipue gestum, docebit hic annexa brevis singulorum Sessionum historia.

Cujus Sessiones fuisse sex.

In 1. Sessione.

Post celebratum antea indictum à Gregorio X. trium dierum jejunium, die 7. Maji anno 1274. congregati sunt Concilii PP. Lugduni in majori S. Joannis Ecclesia; ubi solemnibus de more præmissis precibus, sermonem habuit summus Pontifex: quo finito, & aliquantulo temporis intervallo posito, Concilii Patres alloqui coepit, & causas, quibus motus Concilium convocasset, exposuit; nimirum ut ageretur de subsidio Christianis in Syria degentibus mittendo, de ineunda Græcorum cum Latinis unionē, & de reformanda monum Ecclesiæ disciplina, ac speciatim de præscribendo summi Pontificis celestius eligendi modo, ne deinceps contingeret tamdiu vacare S. Sedem, adveniente summi Pontificis obitu. Quibus finitis, finita est Concilii prima, & indicta secunda Sessio.

In quarum prima causas convocationis exponit Gregorius X.

In 2. Sessione.

Die 18. ejusdem mensis & anni, congregatis similiter Patribus, & præmissis ut in prima solemnibus precibus, ac brevi summi Pontificis prologo, lectæ sunt pro fide Constitutiones nonnullæ; deinde licentiam sunt omnes Capitulum Procuratores, alique Abbates & Priores non mitrati, iis exceptis qui fuerant nominati ad Concilium vocati: quibus peractis solita est secunda Sessio, & indicta tertia, inter quam & secundam petiit obtinuit summus Pontifex Gregorius à Prælatibus omnibus, apud se divisim convocatis, decimas reddituum Ecclesiasticorum omnium usque ad sex continuos annos, pro belli Jerosolymitani subsidio.

In secunda & tertia lectæ sunt constitutiones nonnullæ.

In 3. Sessione.

Die 7. Junii ejusdem anni Concilii Patribus tertio congregatis ut antea, sermonem habuit Petrus Ostiensis Episcopus, sumptis pro themate his Isaiæ verbis cap. 49. vers. 18. dicentis: *Leva in circuitu oculos tuos, & vide; omnes isti congregati sunt, venerunt tibi.* Quo finito sermone, lectæ sunt & probatæ constitutiones variae: quibus lectis, licentiam dedit summus Pontifex Prælatibus omnibus exeundi Lugduno, seque elongandi ad sex usque leucas; nec diem futuræ Sessionis indicit, ob dubium Græcorum adventum.

In 4. Sessione.

Die 6. mensis Julii ejusdem anni, in octava SS. Apost. Petri & Pauli, post felicem Græcorum nuntiorum adventum, quarto congregatis Concilii Patribus, idem qui prius, sermonem habuit Petrus Ostiensis super hæc Psalmistæ verba Psal. 75. vers. 5. dicentis: *Illuminans tu mirabiliter à montibus*

In quarta ad Concilium venire Græci, & facta est Græcorum cum Latinis unio.

sibus æternis, &c. Quo finito, Papa Concilii Patres alloquens, & iterum convocationis Concilii causas enarrans, exhibuit qualiter contra opinionem ferè omnium, ad Concilium liberè venisset Græci, Romanæ obedire Ecclesiæ, ejusque fidem profiteri ac primatum agnoscere parati; & qualiter ipse Græcorum Imperator solemnes misisset nuntios, idem pro se & nomine suo solemniter professuros, id testantibus eorum literis aurea bulla bullatis, & è Græco in Latinum translatis; quibus in Concilio lectis, nuntiorum prædictorum unus, videlicet Georgius Acropolita, magnus Logotheta, Michaelis Paleologi Græcorum Imperatoris Orator, ejus nomine schisma ejuravit, Romanæ Ecclesiæ fidem professus est, ejusque primatum agnovit, & ab ea fide & obedientia Imperatorem & Imperium numquam recessuros cum juramento promisit; idemque præstiterè cæteri Græcorum Præfulum Legati. Quibus ita feliciter peractis, & reversis ad fidem Ecclesiæ Romanæ Græcis, cantatum est, incipiente Papa Gregorio, *Te Deum laudamus*. Dictæ preces, *Confirma hoc Deus, &c.* & reverenter postea cantatum Fidei Symbolum, incipiente similiter Papa, *Credo in unum Deum*, & prosequentibus latinè Latinis Concilii Patribus: quo finito, cantatum est pariter à Græcis græcè, incipiente Græcorum Patriarcha, & Græcis prosequentibus aliis, cum additione illa *Filioque*, ter repetita; & sic finita Sessio quarta, & facta Græcorum cum Latinis unio.

In 5. Sessione.

In quinta
funebre
pronuntiatur
B. Bonaventuræ
elogium,
inter quartam
& quintam
Sessionem
mortem
rapti.

Die 16. Julii ejusdem anni, congregatis quintò Concilii Patribus, antequam Ecclesiam ingrederetur Papa, Petrus Ostiensis unum cum duobus sociis è nuntiis à Tartarorum Rege missis baptizavit. Abaglia enim Rex Tartarorum 16. miserat ad Concilium nuntios, unionem cum Christianis in Turcas hostes suos petitorios. Quibus peractis, & Ecclesiam ingresso Papa, præmissisque solemnibus de more precibus, lectæ sunt & probatæ variz constitutiones aliæ; quibus lectis, summus Pontifex Gregorius Concilii Patres alloquens, exhibuit quàm inestimabile damnum perpessa esset Ecclesia Dei in obitu S. Bonaventuræ Albanensis Episcopi, qui inter quartam & quintam Sessionem obierat, die Dominico scilicet, & Julii 14. cujus exequiis interfuit ipse summus Pontifex, & cujus funebre pronuntiavit elogium idem qui supra Petrus Ostiensis Episcopus Ord. FF. PP. & postea post Gregorium X. summus Pontifex Innocentius hujus nominis quintus, sumptusque pro themate hæc 2. Reg. cap. 1. verba: *Doleo super te, frater mi Jonatha, &c.* Sermonem habuerat & ipse Bonaventura, inter secundam & tertiam Sessionem in eadem majori Lugdunensi Ecclesia, coram omnibus Concilii Prælati à Gregorio summo Pontifice vocatis & existentibus in cappis, sumptis pro themate his Baruch Prophetæ verbis cap. 5. dicentis: *Exurge Jerusalem, & sta in excelso: & circumspice ad Orientem, & vide collectos filios tuos ab Oriente solo usque ad Occidentem.*

In 6. Sessione.

In sexta
solus est
Concilium

Die 17. Julii ejusdem anni, sextò & ultimò conciliariter congregatis Concilii Patribus, lectæ sunt statim duæ constitutiones aliæ, videlicet illa
quæ

quæ incipit, *Religionum diversitatem, &c.* & altera, cujus initium est, *Cum sacro-sancta, &c.* quibus lectis, summus Pontifex Concilium alloquens, ostendit quomodo grande Terræ sanctæ & Græcorum negotium erat cœptum, & Domino favente feliciter consummatum. Deinde quia erant aliqui circa vitæ mores reprehensibiles Prælati, universos est adhortatus ad sanctæ piæque vivendum, & gregibus suis diligenter invigilandum; ut sic Prælatis piè viventibus & emendatis, vivant & emendentur eis subditi populi. Quibus ita ritè peractis, finita est hæc sexta & ultima Concilii Sessio; finitum ac solum Concilium benedictione Papali, & Cardinali Ottobono alta voce dicente: *Recedamus in pace.* Hæc omnia ex *hiss. Conc. apud Phil. Labb. tom. II. & ex ejus actis quæ inscribuntur, Brevis nota, &c. ibid. tom. II.*

& Papali benedictione conclusum.

Constitutiones in sex hujus Concilii Sessionibus editæ, quas in sexto Decretalium libro Bonifacius VIII. collegit omnes, sunt numero 31. quarum præcipuæ sunt duæ priores, prima scilicet qua definitur Spiritum a Patre Filioque procedere; secunda qua determinatur Cardinalium in Conclavi clausura, ut citius celebretur summi Pontificis electio, & prolixa vitetur sedis Romanæ vacatio.

In quo editæ Constitutiones 31.

CONSTITUTIO I.

Sic est: *Fideli ac devota professione fateamur*, quod Spiritus Sanctus æternaliter ex Patre & Filio, non tanquam ex duobus principiis, sed tanquam ex uno principio; non duabus spirationibus, sed unica spiratione procedit. Hoc professus est hætenus, prædicavit & docuit, hoc firmiter tenet, prædicat, profitetur & docet sacro-sancta Romana Ecclesia, mater omnium fidelium & magistra. Hoc habet Orthodoxorum Patrum atque Doctorum, Latinorum pariter & Græcorum incommutabilis & vera sententia. Sed quia nonnulli, propter irrefragabilis præmissæ ignorantiam veritatis, in errores varios sunt prolapsi; nos hujusmodi erroribus viam præcludere cupientes, sacro approbante Concilio damnamus & reprobamus omnes, qui negare præsumpserint æternaliter Spiritum Sanctum ex Patre & Filio procedere; sive etiam temerario ausu asserere, quod Spiritus Sanctus ex Patre & Filio tanquam ex duobus principiis, & non tanquam ex uno procedat.

CONSTITUTIO II.

Quæ incipit, *Ubi periculum*: statuta ab Alexandro III. in Lateranensi Concilio III. circa Romani Pontificis electionem renovat; & addendo insuper statuit, sacro approbante Concilio, ut defuncto summo Pontifice, Cardinales qui in ipsa civitate, in qua diem clauserit extremum, fuerint præsentés, absentes expectare decem diebus tantummodo teneantur: quibus elapsis, sive absentes venerint, sive non, ex tunc omnes conveniant in Pontificis palatium, contenti singuli singulis tantummodo servientibus Clericis, vel Laicis, vel duobus, si id ipsis indulgeri necessitas postulet. Eo autem in palatio omnes in uno habitent Conclavi, nullo intermedio pariete, sive velamine alio, quod, servato libero ad secretam Cameram aditu, ita claudatur undique, ut nullus illuc intrare valeat vel exire; nulli ad eosdem Cardinales aditus pateat, vel facultas secretè loquendi cum eis; nec ipsi aliquos ad se venientes admittant, nisi eos qui de voluntate omnium, pro iis tantum quæ ad electionis imminētis negotium pertinent,

voca-

vocarentur. Vetat insuper sub pœna excommunicationis ipso facto incurrendæ, ne ad ipsos Cardinales, vel eorum aliquem, nuntium vel literas quis mittat: & si intra tres dies post Cardinalium ingressum, non fuerit ipsi Ecclesiæ de Pastore provisum, per spatium quinque dierum immediate sequentium, singulis diebus tam in prandio quàm in cœna, uno solo ferculo sint contenti; quibus pariter lapsis, nondum electione secuta, ex tunc tantummodo panis, vinum, & aqua ministrantur eisdem, donec sequatur provisio, &c.

CONSTITUTIO III.

Quæ incipit, *Ut circa electiones*: viam malitiis hominum præcludens in electionum impugnatione, statuit, ut qui electionem vel postulationem alicujus impugnat, vel contra illam appellat, omnia objecta in appellationis instrumento exprimere teneatur, & jurare se illa credere vera, & se posse probare, & ut nec ipse, nec ipsi adherentes super expressis audiantur.

CONSTITUTIO IV.

Quæ incipit, *Avaritia cecitas*: statuit, ut nullus deinceps administrationem dignitatis ad quam electus est, per se vel per alium, pro parte vel in totum gerere, vel recipere præsumat, priusquam fuerit electio de se confirmata; alioquin jure ipso excidat, si quod ei per electionem quisitum est.

CONSTITUTIO V.

Quæ incipit, *Quàm sit Ecclesiis*: decernit, ut electo statim præsentetur electio, ipseque intra mensem consentiat; alioquin jure, si quod ipsi ex electione quisitum, privetur; nisi fortè talis sit electæ personæ conditio, ut electioni consentire nequeat, absque superioris licentia: quo in casu præfata postuletur licentia, ea celeritate qua poterit; alioqui li lapsò tempore, quo potuit haberi, non habeatur, ad aliam electionem electores procedere possint. Electus post prælitum electioni consensum, si intra tres menses confirmationem petere omiserit, irrita maneat electio.

CONSTITUTIO VI.

Quæ incipit, *Perpetue sanctionis oraculo*: declarat eos qui scientes, indignum eligunt, propter suffragium in scrutinium immissum, nequaquam eligendi jure privari, nisi ex votis eorum communis electio subsequatur.

CONSTITUTIO VII.

Quæ incipit, *Nulli licere decernimus*: nulli eligentium licere decernit, electione peracta, electum super electione impugnare, nisi ex causis postea emergentibus, vel nisi ei morum ipsius antea celata de novo pandatur improbitas, vel alicujus alterius latentis vitii vel defectus, quæ verisimiliter ignorari potuerit, veritas reveletur, de qua ignorantia fidem faciat proprio juramento.

CONSTITUTIO VIII.

Quæ incipit, *Si quando contigerit*: contra electum per partem duplo majorem, vel contra electores ejus quid opponi vetat, ad extennationem zeli, meriti, vel auctoritatis ipsorum; quamvis non prohibeat id opponi, si quid sit quod votum illius cui opponitur, nullum redderet ipso jure.

CON-

CONSTITUTIO IX.

Quæ incipit, *Quamvis constitutio* : temerariam appellantium audaciam , & effrenatam appellationum frequentiam refrænât & moderatur.

CONSTITUTIO X.

Quæ incipit, *Si forte* : statuit, ut si inter cætera quæ electo, aut ad dignitatem aliquam promovendo obijciuntur, evidentem vel scientiæ, vel alium in persona defectum opponi contingat, promovendus super hujusmodi opposito examinetur defectu ante omnia; & si hujusmodi oppositiones inveniantur veritate destitui, ut opponens à prosecutione causæ excludatur & puniatur, imperat, ac si in probatione omnium defecisset.

CONSTITUTIO XI.

Quæ incipit, *Sciant cuncti* : excommunicat eos, qui Clericos, vel quaslibet alias personas Ecclesiasticas, vel earum consanguineas, aut ipsas Ecclesias, Monasteria, seu loca cætera beneficiis, sive aliis bonis suis, per se vel per alios, vel alias injustè persequendo gravare præsumpserint, pro eo quod rogati, seu aliis inducti, eum pro quo rogabantur, sive inducebantur, eligere noluerint.

CONSTITUTIO XII.

Quæ incipit, *Generali sanctione* : sancit, universos & singulos, qui Regalia, custodiam, sive guardiam advocacionis, vel defensionis titulum in Ecclesiis & Monasteriis, sive quibuslibet aliis piis locis de novo usurpare conantes, bona Ecclesiarum, Monasteriorum, aut locorum ipsorum vacantium occupare præsumunt, quantæcumque dignitatis honore præfulgeant, Clericos etiam Ecclesiarum, Monachos Monasteriorum, & personas cæteras locorum eorundem, qui hæc fieri procurant, eo ipso excommunicationis sententiæ subjacere Qui autem ab ipsarum Ecclesiarum, cæterorumque locorum fundatione, vel ex antiqua consuetudine, jura sibi hujusmodi vindicant, ab illorum abusu sic prudenter abstineant, & suos Ministros in eis faciant abstinere, ut ea quæ non pertinent ad fructus sive redditus provenientes vacationis tempore non usurpent, nec bona cætera dilabi permittant.

CONSTITUTIO XIII.

Quæ incipit, *Licet Canon* : statuit, ut nullus ad Parochialis Ecclesiæ regimen assumatur, nisi vigesimum quintum ætatis annum attingat, & scientia ac moribus commendandus existat; & collationes Parochialis Ecclesiæ deinceps faciendas aliis, irritas fore decernit : eos verò quibus fuerint collatæ, ad residentiam personalem teneri declarat; præcipitque ut intra annum à tempore sibi commissi gregis, se ad Sacerdotium promoveri curent, alioqui commissa sibi priventur Ecclesia : super residentia verò possit Ordinarius gratiam dispensationis ad tempus indulgere, si causa legitima id expolcat.

CONSTITUTIO XIV.

Quæ incipit, *Nemo deinceps* : Parochialem Ecclesiam commendari vetat, nisi viro in ætate legitima, & Sacerdotio constituto, nec nisi unam unam, & propter evidentem Ecclesiæ necessitatem, vel utilitatem, vel ad sex menses tantum; alioquin irritam declarat commendatiquem.

CON-

CONSTITUTIO XV.

Quæ incipit, *Eos qui Clericos alienæ Parochiæ scienter, seu affectata ignorantia, vel quocumque alio figmento quæsito præsumperint ordinare, per annum à collatione Ordinum suspensos esse decernit*; Clericis verò Ecclesiæ taliter suspensorum, postquam eorum erit manifesta suspensio, permittit, ut absque ipsorum licentia possint interim à vicinis ordinari Episcopis.

CONSTITUTIO XVI.

Quæ incipit, *Alterationis antiquæ*: Bigamos omni privilegio Clericali nudatos, & coercionis fori sæcularis addictos declarat, consuetudine contraria non obstante, ipsique tonsuram, vel habitum Clericalem deferre sub anathemate vetat.

CONSTITUTIO XVII.

Quæ incipit, *Si Canonici*: statuit, quod si Canonici à divinis cessare voluerint, prout in Ecclesiis aliquibus sibi ex consuetudine vel alio jure vindicant, causam suæ cessationis exprimant instrumento publico, vel parentibus literis suo vel alio authentico sigillo munitis, & illud, vel illas ei contra quem cessare intendunt, exhibeant scituri, quod si hoc prætermisso, cessaverint, vel causam quam expresserint, non fuerit inventa canonica, omnia quæ cessationis tempore ab Ecclesia perceperint, restituant, & debita sibi stipendia non percipiant, illique de injuriis & damnis satisfacere teneantur, contra quem cessaverant: si verò causa cessationis fuerit judicata canonica, is qui occasionem dedit cessationi, ad omne damnum Canonici & Ecclesiæ reparandum Superioris arbitrio condemnatur. Detestabilem reprobatur horrendæ indevotionis abusum illorum, qui Crucis, B. Virginis, aliorumque Sanctorum imagines irreverenti ausu trahentes, eas in aggravationem cessationis hujusmodi prosternunt in terram, urticis spinisque supponunt.

CONSTITUTIO XVIII.

Quæ incipit, *Ordinarii*: jubet, ut Ordinarii locorum subditos suos plures dignitates vel beneficia habentes, quibus animarum cura imminet, seu personatum, aut dignitatem cum alio beneficio, cui similis est annexa cura, ad dispensationem, vi cujus illa tenent, exhibendam intra certum tempus compellant; quod si nulla inveniantur dispensatione muniti, beneficia hæc aliis personis per collatores conferantur idoneis; si de dispensationis sufficientia dubitetur, Sedes consulatur Apostolica.

CONSTITUTIO XIX.

Quæ incipit, *Properandum*: statuit, ut omnes & singuli advocacy officium in foro Ecclesiastico exercentes præstent juramentum, quod in omnibus causis, quarum patrocinium susceperunt vel suscipient, omni virtute sua, omniq[ue] ope, id quod verum & justum existimaverint, suis clientibus procurent; cum verò ipsis innotuerit improbam esse causam, quam in sua fide receperant, ejus patrocinium deserant. Procuratores insuper simili juramento adstringantur, illudque juramentum tam illi, quam isti singulis annis iterare teneantur; alioqui si noluerint, à suorum officiorum executione repellantur; & si juramentum præstitum violaverint, duplum ejus restituant, quod pro tam iniquis advocacy, procuracione, vel

vel consilio receperunt; ac nihilominus de damnis, quæ per iniqua hujusmodi ministeria partibus irrogarunt, illis satisfacere teneantur.

CONSTITUTIO XX.

Quæ incipit, *Absolutionis beneficium*: absolutionem ab excommunicatione, suspensione, vel interdicto, vi aut metu extortam, irritam esse declarat; & eos qui eam sic extorserint, excommunicat.

CONSTITUTIO XXI.

Quæ incipit, *Statutum felicis record.* Statutum Clementis IV. de dignitatibus & beneficiis in Curia Romana vacantibus, per alium quam à Romano Pontifice non conferendis, moderans, statuit ut si summus Pontifex ea non contulerit, intra mensem à die vacationis, illi ad quos illorum pertinet electio, ea conferre valeant per seipsos aut per suos Vicarios generales, quibus id canonice commiserint.

CONSTITUTIO XXII.

Quæ incipit, *Hoc consultissimo prohibemus edito*: agit de rebus Ecclesiæ non alienandis, prohibetque Prælati, ne Ecclesias sibi commissas, bona immobilia, seu jura ipsarum Laicis submittere, subijcere seu supponere absque Capituli sui consensu, & Sedis Apostolicæ licentia speciali præsumant, &c.

CONSTITUTIO XXIII.

Quæ incipit, *Religionum diversitas*: Lateranensis Concilii IV. Canonem contra nimiam Religioforum Ordinum multitudinem renovans, prohibet, ne quis deinceps novum instituat Ordinem, vel novæ Religionis habitum assumat; Ordinesque Mendicantium, post Concilium illud institutos, & nondum confirmatos abrogat.

CONSTITUTIO XXIV.

Quæ incipit, *Exigit perversorum audacia*: Innocentii IV. constitutionem confirmat, qua procuraciones Prælati Ecclesias visitantibus debitas, in pecunia solvi, & ab eorum familiaribus munera recipi prohibuerat, penasque in transgressores decernit, victualia etiam procuracionis nomine, ab illis, quas non visitaverint, Ecclesiis recipi vetat.

CONSTITUTIO XXV.

Quæ incipit, *Decet domum Domini*: Ecclesias summa in veneratione habendas præcipit, in illis fieri prohibens profanos conventus, sæcularia concilia, vana & profana colloquia, confabulationes quascunque, nundinas, negotiationes, causarum criminalium actiones, Judicumque sæcularium processus omnes, quos ibi factos irritos declarat.

CONSTITUTIO XXVI.

Quæ incipit, *Usurarum voraginem*: constitutionem Concilii III. Lateranensis in usurarios editam sub divinæ maledictionis interminatione præcipit observari; vetans ipsis locari domos ab Episcopis sub pœna suspensionis; à minoribus personis, sub pœna excommunicationis; à Collegio vel Universitate, sub pœna interdicti: Laicos verò ab hujusmodi excessu, per suos Ordinarios, per Censuram Ecclesiasticam compesci jubet.

CON-

CONSTITUTIO XXVII.

Quæ incipit, *Quamquam Usurarii*: Usurarios manifestos Ecclesiastica sepultura privari jubet, quamquam restitutionem ultima voluntate mandaverint, donec planè satisfactum fuerit, aut eis quibus oportet, si præsentibus sint, aut eis absentibus, loci Ordinario, ejus Vicario aut Parocho, coram testibus fide dignis, vel fidejussorem dederint idoneum; Religiosos, & alios qui illos ad sepulturam Ecclesiasticam admiserint, pœnis à Concilio Lateranensi latis punit; vetatque omnibus Usurariorum manifestorum testamento interesse, illosque ad Confessionem admittere vel absolvere, nisi restituerint, aut de restituendo cautionem præstiterint.

CONSTITUTIO XXVIII.

Quæ incipit, *Etsi pignorationes*: pignorationes quas vulgaris locutio re-præfalias vocat, in quibus alius pro alio prægravatur, tanquam legibus & æquitati naturali contrarias, civili etiam jure prohibitas, damnat contra personas Ecclesiasticas, prætextu cujuscumque consuetudinis concedi, aut extendi prohibet sub pœna censurarum.

CONSTITUTIO XXIX.

Quæ incipit, *Constitutionum felic. record.* excommunicationem latam ab Innocentio IV. in communicantes cum excommunicatis, non valere decernit, nisi nominatim moniti fuerint canonicè; statuens ut Judices Ecclesiastici sive trina utantur monitione, sive una, pro omnibus competentia aliquorum dierum intervalla servant, nisi facti necessitas aliter suadeat.

CONSTITUTIO XXX.

Quæ incipit, *Præfenti generali declaramus edicto*: relaxationis beneficium ad cautelam in generali interdicto locum non habere declarat.

CONSTITUTIO XXXI.

Quæ incipit, *Quicumque*: sententiam excommunicationis ipso facto incurrere fert in eos, qui ob censuras in Reges, Principes, Barones, Nobiles, Ballivos, eorum ministros, aut alios quoscumque latas, licentiam alicui dederint occidendi, capiendi, seu alias in personis, aut bonis suis, vel suorum gravandi eos, qui tales sententias tulere, vel quorum occasione latæ sunt, vel easdem sententias observantes, aut cum excommunicatis communicare nolentes, nisi licentiam ipsam re integra revocaverint, vel si ad bonorum captionem occasione istius licentiæ processum sit, nisi bona ipsa infra octo dies restituta fuerint. Eadem sententia innodat eos omnes, qui prædicta licentia usi fuerint, vel aliquod præmissorum suo motu commiserint; qui autem duorum mensium spatio in eadem sententia permanerint, ab ea non possint nisi per Sedem Apostolicam absolvi.

Quæ constitutiones habentur omnes in 6. Decretalium libro per Bonifacium VIII. collectæ; & pro quibus recipiendis, ut memoriæ subditorum mandarentur & executioni, Salisburgi congregatum est olim eodem anno 1274. in Germania Concilium à Friderico sanctæ Salisburgensis Ecclesiæ Archiepiscopo, & Sedis Apostolicæ Legato, ut videre est in ipsa præfatione præfati Salisburgensis Concilii, immediatè post Lugdunensè relati apud Phil. Labb. 11. Conc. tomo.

ARTICULUS XVI.

De Concilio Viennensi, anno 1311.

Sub Clemente V. Rom. Pont. pro extinguendis Templariis, damnandis Dulcinis, Begardis atque Beguinis, decernendoque pro Terra Sancta subsidio, & reformandis fidelium moribus.

ANno post mille trecentos undecimo, *Vienna* Allobrogum celebrati Brevis & historica
Viennensis
Concilii
summa. cœpit hoc decimum quintum œcumenicum Ecclesiæ Concilium à Clemente Romano Pontifice, hujus nominis V. quadruplici potissimum de causa; videlicet 1. Ad extinguendum publica nefandorum criminum infamia laborantem Militarem, olimque sanctissimum Templariorum Ordinem. 2. Ad damnandos Petri-Joannis, Fratricellorum & Dulcinistarum, Begardorum & Beguinarum temporibus illis grassantes errores. 3. Ad providendum de ferendo Terræ Sanctæ subsidio; & 4. denique ad reformandos Ecclesiæ mores.

Ad illud venere summus ipse Pontifex *Clemens V.* ut Præses, Cardinales permulti, Patriarchæ duo, Alexandrinus videlicet, & Antiochenus, Episcopi trecenti, Regesque plures; inter quos *Philippus Pulcher* Galliæ Rex, cum tribus filiis suis nondum quidem tunc, sed deinde post ipsum successivè Galliæ Regibus, videlicet *Ludovico X. Philippo V. & Carolo IV.* & cum istis venit & *Eduardus II.* Angliæ Rex, venit & *Jacobus II.* Aragoniæ Rex. Indictum fuerat Concilium biennio antè, hoc est anno 1309. ceptum tamen 1311. die 1. Octobris, & pridie nonas Maji, septem circiter post menses, tribus dumtaxat licet sessionibus feliciter conclusum.

Sessio 1.

1. Concilii sessio inchoata est die 16. Octobris, Sabbato ante Festum B. Lucæ; in qua summus Pontifex *Clemens V.* Concilii convocationis exposuit causas, sumpto pro sermonis themate illo Psalmi 110. vers. 1. *In concilio iustorum & congregatione: magna opera Domini, exquisita in omnes voluntates ejus.* Ab hac sessione, usque ad Galliæ Regis adventum & 2. sessionem, varii habiti tractatus, varique de variis habitæ deliberationes, ut v. g. de Templariorum causa, de subsidio Terræ Sanctæ, de reformandis Ecclesiæ moribus; summus enim Pontifex, multis Prælati cum Cardinalibus in privato Consistorio convocatis, Ordinem Templariorum suppressit, cassavit, & extinxit.

Sessio 2.

2. Sessio die 3. mensis Aprilis habita est, post Galliæ Regis adventum; in qua sumpto pro themate ad Templarios accommodato illo Psalmi 1. vers. 5. *Non resurgent impii in iudicio, neque peccatores in concilio iustorum,* iterum sermonem habuit ad Concilii Patres, & sententiam à se latam in Consistorio privato, de Templariorum abolitione, eorumque reddituum ad Rhodienses equites translatione, sacro approbante Concilio promulgavit.

Ses-

3. Denique & ultima generalis Concilii sessio habita est pridie nonas Maji, post varios haud dubie privatim prius habitos tractatus, deliberationesque varias; in qua summus Pontifex iterum de ferendo Terræ Sanctæ subsidio sermonem habuit, pro thomate sumpto illo Proverbiorum cap. 10. vers. 24. *Desiderium suum iustus dabitur*. Ibi ad Terram Sanctam expeditio sacra promissa est a Philippo Christianissimo Rege, illique à Galliz Præsulibus, sacro approbante Concilio, sacre decimæ ad sexcentium concessæ. Uno verbo præcipua hujusce Concilii gesta sive decreta sunt ista:

Decreta Concilii præcipua.

Varia
edita decre-
ta.

1. Summus Pontifex Bonifacius VIII. à calumniis Philippi Pulchri Galliz Regis vindicatus est & absolutus, ac Catholicis legitimusque Pontifex declaratus; ipsiusque Philippi Christianissimi Regis vindicatur fama, Conciliique decreto decernitur, nihil illi aut filiis vel heredibus ejus damni vel poenæ inferri posse, pro ejus in Bonifacium getis.

2. Templariorum militaris Ordo, qui annis sæpe ducentis, hoc est 184. steterat per univ. orbem, suppressus est & extinctus à Clemente V. sacro approbante Concilio, ad instantiam Philippi IV. Galliz Regis.

3. Damnata sunt deliria Petri-Joannis, diocesis Biterrensis viri, qui inter alia, animam rationalem humani corporis formam esse negabat, & gratiam virtutesque in Baptismo nequaquam infundi tenebat. Damnati pariter Fratricellorum, Dulcinistarum, Begardorum & Beguinarum errores.

4. Decreta est pro recuperanda à Turcarum ditione Terra Sancta, belli expeditio sacra.

5. Jam instituta ab Urbano IV. sacri Corporis Christi festivitas, decreta est hoc in Concilio Feria 5. post octavam Pentecostes celebranda.

6. Expedita est S. Francisci FF. Minorum Patriarchæ Regula, & variæ circa illam elucidatæ quæstiones, præsertim circa strictam FF. Minorum paupertatem, eorumque circa res usuales vel dominium, vel simplicem usum; habenturque in Clementinis *De verborum significatione*.

7. Hoc in Concilio SS. Catalogo adscriptus est S. Ludovicus, filius Caroli II. Siciliz Regis, & frater Roberti Regis: qui Ludovicus cum Caroli II. primogenitus esset, ac proinde ad Regni regimen ante fratrem natus; mundi tamen contemptu, & pio Religionis affectu, Religiosum FF. Minorum Ordinem est ingressus, & ex Ordine FF. Minorum ad Tolosanum Episcopatum assumptus.

8. Decretum insuper est hoc in Concilio à Clemente V. ut propagandæ fidei causa, in præcipuis Christiani orbis academis, (quales sunt ex quæ Romæ, Parisiis, Oxonii, Salmanticæ & Bononiæ) Catholici instituerentur Magistri, qui publicè docerent linguas Hebraicam, Chaldaicam, & Arabicam.

9. Multæ denique editæ constitutiones aliæ hoc in Concilio à Clemente V. quas una cum aliis tum ante, tum post Concilium editis, in unum volumen contulit; quod volumen, cum morte præventus promulgare non potuisset Clemens V. successor ejus Joannes XXII. in lucem edidit, & Cle-

Clementinas appellavit. *Vide S. Antoninum* 3. p. hist. *Marium Belg.* de schi-
smat. *Conradum Pecerium, Binium & Labb. &c.*

De Templariis.

Quæres hic fortè 1. Quis fuerit ille *Templariorum* Ordo, qui dicitur
hoc in Concilio suppressus; quis auctor ejus, quis finis, quod & of-
ficium?

Resp. militarem fuisse Ordinem, potentem olim ac celebrem; qui Je-
rosolymis cœpit anno Christi 1118. ab Hugone de Paganis, & Godefrido
quodam à S. Audemaro: qui omnium primi cum septem sociis aliis, Or-
dinis hujus fundamenta jecere, dum sua, Regularium Canonicorum in-
star, Religionis emisere vota in manibus Jerosolymitani Patriarchæ, &
simul habitare cœpere in domo communi sibi à Balduino II. concessa: à
qua, quia juxta Templum sita, *Templarii* sive Equites militiæ Templi fuere
vocati; horum enim instituti finis erat, fideles ab infidelibus & peregre-
nantes ad loca sancta Christianos à latronum insidiis & Christiani nominis
hostium incursum defendere. His sic piè & Dei zelo congregatis ac Re-
ligionis voto ligatis, volentibus & petentibus præscripta est postea vivendi
Regula à S. Bernardo, sup. Honorio II. Rom. Pontifice, in Concilio
Trecis in Gallia habito, anno 1128. præside Albanensi Episcopo, Sedis
Apostolicæ Legato, præsentibus Senonensis & Rhemensis provinciarum
Archiepiscopis & Episcopis, aliisque Abbatibus multis, quos inter emi-
nebat S. Bernardus; eisque inter alia multa, ibidem præceptus albi colo-
ris habitus, cui postea super pallium crucem addere rubeam jussit Eugen-
ius III. anno 1146. Floruit multos in annos fama celebris Ordo ille; sed
tandem divitis impinguentis, & domibus per orbem dilatatus, ita tam
in Ecclesiæ quàm in sæculi principes recalcitravit, totque est in abusus &
vitia lapsus, ut hoc in generali Viennensi Concilio fuerit à Clemente V.
suppressus, abolitus & extinctus anno 1311. Hæc constant ex *Guill. Tyrio*
in hist. belli sacri, ex Matth. Parisio in hist. Ang. dist. hist. & actis Vien.
Conc. tom. 11. Conc. &c.

Et sup-
pressus præ-
sertim Tem-
plariorum
Ordo.

Dices. Ordo ille in se erat laudabilis & bonus, ac per Ecclesiam sub
Honorio II. in Trecensi Concilio probatus; ergo perperam & injustè
à Clemente V. suppressus & extinctus. Resp. conc. ant. neg. conseq. nam
ut habetur 4. Reg. cap. 18. vers. 4. sicut bonus erat, laudabilis & uti-
lis ad sanandum eos qui fuerant à serpentibus morfi serpens ancus,
quem exererat Moyses jubente Domino; nec tamen reprehenditur ibi-
dem, sed econtrà laudatur Rex Ezechias, diciturque fecisse quod erat
bonum coram Domino, eundem dum confregit serpentem æneum
quem fecerat Moyses, quia nimirum jam erat Israelitis occasio idolo-
latræ; siquidem usque ad illud tempus filii Israel adolebant ei incen-
sum tanquam numini benefico, à quo à serpentum morfi curati es-
sent patres eorum; ita pariter licèt laudabilis & bonus primitus fuerit
Templariorum Ordo, & Ecclesia probante ad salutem multorum ere-
ctus & institutus, non est reprehensibilis sed laudabilis summus Pontifex
Clemens V. dum illum, sacro Viennensi probante Concilio, suppressit &
extinxit; quia jam publica laborans infamia ob morum corruptelam &
exécranda suorum membrorum scelera, nedum inutilis Ecclesiæ, sed &
perniciosa, & ruinæ multorum evaserat occasio. Accensatur enim Ordo

Et justè
suppressus
Ordo ille,
licèt lauda-
bilis
olim, bonus
& utilis.

Appar. Annati T. II.

1

ille,

ille, quod in illo hæc vigeret consuetudo, aut potius detestabilis intrusa corruptela, ut novitii in sua professione secretò & sub intempestæ noctis silentio fieri solita, cogerentur Christum negare, in crucifixi imaginem conspuere, posteriora Præceptoris turpiter osculari; quodque licet à mulieribus abstinere voverent, nefariæ tamen & sodomiticæ commixtionis licentiam acciperent; imò & quod caput quoddam sive cranium deauratum in comitiis tamenduntaxat generalibus proponeretur ut adorandum Ethnicò & idololatrico more.

Instabis. Primi horum criminum in Templarios delatores fuisse duo ex Ordine falsi fratres, erga Ordinis moderatores malè affecti ac perditissimi viri, qui miserè postea periere; nimirum Prior Montisfalconis in agro Tolosano, qui Pariliis à Templi Magistro ob hæresim & pessimos vitæ mores, carceri perpetuo fuerat addictus; & Nossus exul Florentinus, qui pariter ob scelera à Parisiensi Prætorè fuerat eundem in carcerem traditus, ut test. Joannes Villani lib. 8. cap. 92. & S. Antoninus 3. p. Chron. tom. 21. cap. 1. Hi duo, ut sive libertati consulere & saluti, præfata sive vera, sive conficta Templariorum crimina detulerunt ad Regios Ministros, Ministri ad Regem Philippum, Philippus ad Rom. Pont. Clementem; & sic juxta delationem illam (cujus nulla erat habenda ratio, utpotè quia facta à proscriptis viris, & erga Ordinis moderatores malè affectis, ac proinde non audiendis) juxta inquam delationem illam non audiendam, capti tota in Gallia Templarii, inquisitio multiplex ubique facta, & à Clemente V. in Concilio Viennensi suppressi Templarii, & totus suppressus & abolitus Ordo, ac proinde perperam & injustè, cum juxta regulam juris in 6. non firmetur tractu temporis, quod de jure ab initio non subsistit. Resp. 1. nihil referre quinam fuerint primi Templariorum delatores & accusatores, modò in eos delata crimina, legitimis documentis & testimoniis constet esse vera, ut de objectis in Templarios criminibus ex multiplici inquisitione constat. Resp. 2. non à solis duobus illis proscriptis & incarceratis delata & detecta fuisse Templariorum scelera, sed ab aliis minimè suspectis, præsertim inter alios, ab equite Templario summi Pontificis Clementis V. familiari, domestico & cubiculario; qui, ut refert Mariana lib. 15. hist. Hisp. cap. 15. undecimo ætatis anno ad eundem Ordinem adjunctus visa factaque referebat. Resp. 3. nec per illos, nec per istum, sed per famam publicam primò delata fuisse ad Philippum Regem, & Clementem Pontificem infamia Templariorum scelera; & cum ex S. Thom. 2. 2. quæst. 67. art. 3. ad 2. infamia publica habeat locum accusatoris, hæc sufficiens præbuit fundamentum suspicandi, & proinde inquirendi tam in ipsum Ordinem universum, quam in singulas Ordinis personas. Hæc ex fama publica orta suspicio, ex illa præfatorum Prioris Montisfalconis, & Notii Florentini, equitisque Templarii, summi Pontificis cubicularii delatione crevit; confirmata est in inquisitionibus, & testium duorum ferè millium depositione, seu multiplici eorum ipsorum confessione probata; ac proinde non perperam & injustè, sed justè, prudenter & æquè suppressi Templarii, & qui diutius sine scandalo stare non poterat, prudenter & justè suppressus & abolitus est Ordo.

Urgebis. Ordo totus non fuit in jus vocatus & auditus; ergo non potuit justè damnari & suppressi totus Ordo. Prob. ant. qui Ordinis defensionem susceperant Parisiis coram Apostolicis commissariis, procuratore legitima
care-

creabant, & se procuratores instituere non posse absque praesentia & consensu Magistri Ordinis responderunt, ut constat ex actis publica Notariorum manu retentis, & relatis à Petro Puteano in hist. Templ. ergo, &c. Resp. perm. ant. dist. conseq. ergo non potuit iuste damnari, de rigore juris & per modum definitivæ sententiæ, conc. de plenitudine potestatis, & per viam provisionis seu ordinationis Apostolicæ, neg. conseq. Ponit summus Pontifex, non servato rigoroso juris ordine, diffamatissimum illum de plenitudine potestatis & sacro approbante Concilio suppressere, ob scandalum ex illo ortum, ac semper & ubique ex longa dilatione crescens; ira enim visum est ipsi summo Pontifici, ita & Concilio ipsi, ut patet ex ipsa condemnatoria sententia, à Clemente V. sacro Viennensi approbante Concilio lata, quæ incipit: *Ad providam* & ubi sic legitur; *Dudum siquidem Ordinem domus militiæ Templi Jerusalemiani, propter Magistrum & fratres, ceterasque personas dicti Ordinis in quibuslibet mundi partibus consistentes, variis & diversis non tam nefandis quam infandis, prob dolor! errorum & scelerum obscuritibus, pravitatibus, maculis & labe respersos, quæ propter tristem & spurciæ eorum memoriam presentibus subticemus, ejusque Ordinis statum, habitum atque nomen non sine cordis amaritudine & dolore, sacroapprobante Concilio, non per modum definitivæ sententiæ, cum eam super hoc secundum inquisitiones & processus super his habitos ferre non possemus de jure, sed per viam provisionis seu ordinationis Apostolicæ, irrefragabili & perpetuæ validitate sustulimus sanctione, ipsum prohibitioni perpetuæ supponentes: districtius inhibendo, ut quis dictum Ordinem de cætero intrare vel ejus habitum suscipere vel portare, aut pro Templario se gerere præsumeret. Quod si quis contra faceret, excommunicationis incurreret sententiam ipso facto.*

Addes. Scelera illa prætenfa, propter quæ dicuntur hac in Bulla suppressi Templarii, & cum illis prohibitis ac penitus abrogatus Ordo, fuisse ab ipso Magistro & pluribus ejusdem Ordinis aliis in fine vitæ conlanger negata; & illorum præcedens confessio revocata, ut constat ex ipso Magistro, ad supplicium dum raperetur, sic apud Marianum lib. 15. hist. Hisp. cap. 10. loquente: *Ego extremo vitæ tempore, cum inutili mendacio locus esse non debet, vera esse nego, ac per omnia numina juro, quæ de Templariorum impietate criminibusque & antè iactata & nunc recitata sunt; Ordo enim ille sanctus, iustus & orthodoxus est; ego tamen extremo supplicio dignus, qui Pontifice Regeque hortantibus, flagitia impia sceleraque mentitus sum in Ordinem meum, de Religione Christiana optime meritum; quod nimium à utinam factum non esset: sed quod unum superest, meis delictis, si venie locus est, ignosce postulo, ultròque graves etiam penas depono, &c.* Ergo propter hæc non potuere, etiam per viam provisionis, iuste suppressi Templarii, & Ordo illorum extingui. Resp. 1. non omnes priusquam illam suorum scelerum confessionem revocassent, & multo plures in ea ad mortem usque perseverassent. Resp. 2. ex illa pristina confessionem negantium vel revocantium pertinacia concludi non posse, falsa esse ipsis objecta scelera, cum multos fuisse constet hæreticos sceleratosque viros, supplicia extrema subire potius quam suos errores vel scelera fateri visos, quales fuisse perhibentur Priscillianistæ, quorum vulgare ac tritum erat effatum, *Jura, perjura, secretum prodere noli*: Quales & Templarios fuisse colligi potest ex inquisitione Florentiæ & Pisii habita, in cujus articulo sexto in MS. Vaticano, teste Bezovio, sic de illis legitur: *Nemini ea revelare, quæ vel in primo crepusculo agerent, juramento præstito promittebant.*

Superaddes. Si non ex illa confessionis revocatione concludi possit, falsò esse illis objecta scelera, saltem id concludi potest ex eo quòd duobus in Conciliis provincialibus, Salmanticensi nimirum & Moguntino, fuerint innocentes declarati, anno 1310. ergo, &c. Resp. neg. ant. quia inde solùm concludi potest, non omnes & singulos absolute Templarios per orbem dispersos, fuisse horum scelerum reos, sed aliquos duobus in illis provinciis innocentes fuisse repertos; at hoc non probat innocentes fuisse alios multò plures è Gallia, Hispania, Italia, Anglia, & aliunde in jus vocatos, interrogatos & confessos coram Inquisitoribus, Episcopis & Cardinalibus, ipsoque summo Pontifice. Resp. 2. è præfato Salmanticensi Concilio, teste Mariana, rejectam fuisse ad Romanum Pontificem totius rei summam deliberationem; unde cum summus Pontifex, sacro approbante Concilio, judicaverit Templarios omnes propter præfatorum scelerum infamiam, esse cum toto Ordine supprimendos & abolendos, illius potiùs quàm Salmanticensis Concilii iudicio standum est: de Moguntino verò hac de re habito Concilio scribit idem Mariana, quemdam Hugonem Comitum cum viginti Ordinis sui Templariis aliis armatis in confessum subito venisse, sicque illorum metu territos Concilii Patres pro illorum innocentia pronuntiasse, & bono animo esse iussisse.

ARTICULUS XVII.

De Concilio Pisano, anno 1409.

*Pro tollendo Gregorii XII. & Benedicti XIII. de Papatu
contententium schismate.*

Brevis &
historica
Pisani
Concilii
summa.

TRia præsertim Pisana, hoc est *Pisis* celebrata, licet constet esse Concilia, unum videlicet anno 1134. ab Innocentio II. contra *Petrum Leonis* civis Romani filium, Antipapam, Anacletumque II. vulgò nuncupatum; alterum anno 1409. ad tollendum Gregorii XII. & Benedicti XIII. de Papatu disputantium schisma, à Cardinalibus convocatum; tertium denique anno 1511. à quibusdam pariter Cardinalibus indictum, contra *Julium II.* legitimum licet ac verum Pontificem; hic tamen nec de primo, nec de tertio, sed de secundo Pisano Concilio, pro tollendo præfato duorum Pontificum schismate, convocato nobis est sermo; illudque ipsum est quod generale & œcumenicum vulgò dicitur à multis, etsi non à Papa, sed à Cardinalibus convocatum.

Cum enim *Petrus de Luna*, Benedictus XIII. nominatus, & *Angelus Corarius*, Gregorius XII. nuncupatus, diu de supremo contenderent Pontificatu, neuterque pro pacis Ecclesiæ bono cedere vellet, licet uterque id sua in electione promittendo jurasset, nec alia superesset schismatis extinguendi via, Cardinales utriusque à suo quique recedentes schismatico Papa, *Pisis* venerunt: ibique tanto ut mederentur Ecclesiæ malo, eique de vero ac indubitato providerent capite, generale hoc indixere Concilium anno Domini 1409.

Ad illud vocati sunt ipsi duo de Papatu contententes & æmuli, ceterique ex orbe Christiano Prælati; sed interfuisse dumtaxat, si quæ sit *Ozorio* fides, 24. Cardinales, tres Orientalis Ecclesiæ Patriarchæ, Alexandrinus,

drinus, Antiochenus, & Jerofolymitanus, 300. Episcopi, cum innumeris aliis Monasteriorum Præpositis, Abbatibus, Doctoribusque viris, ac variis Principum & Universitatum Legatis.

Inchoatum est Concilium die 25. Martii, cui præfuit Cardinalis Pictaviensis, Cardinalium utriusque partis Decanus; præmissisque omnibus de more initio Conciliorum servandis, ter citati sunt, & 1. 2. & 3. sessione legitimè vocati duo de Papatu contententes *Benedictus XIII.* & *Gregorius XII.* Sed neque per se, neque per alium comparentes, contumaces sunt communi Patrum suffragio declarati, damnati ut schismatici, perjuri & hæretici, suoque è prætenso Pontificatu dejecti.

His peractis, die 15. Junii post solemne sacrum, & sermonem habitum ab Episcopo Novariensi, sumpto pro themate illo 4. Reg. cap. 10. vers. 3. *Eligite meliorem, & eum ponite super solium*, Cardinales numero 24. Conclave sunt ingressi; à quibus tandem die ejusdem mensis 26. electus est in utriusque depositi locum, *Petrus Philargus* sive *Philaretus*, ut vocant alii, natione Græcus, Parisiensis Facultatis Doctor, Ordinisque FF. Minorum, Mediolanensis Archiepiscopus, ac Cardinalis, dictusque *Alexander V.* qui sessione 18. post promulgatum electionis decretum, deinceps concione prius habita sub hoc themate, *Erit unum ovile, & unus Pastor*, reliquo præfuit Concilio 23. sessionibus completo, ejusque gesta, & decreta confirmavit, & approbavit omnia, speciali diplomate Bononiæ post celebrationem Concilii dato, anno 1409. 11. Kalendas Februarii, cujus hæc sunt verba: *De consilio venerabilium fratrum nostrorum S. R. E. Cardinalium, prædictam sententiam, & omnia alia, & singula quæ per Concilium hujusmodi, pro tollendo schismate, & reintegratione memorata facta fuerunt, utpote providè, & tantorum venerandorum Patrum, imò universalis Ecclesiæ auctoritate & concordia facta, rata habentes & gratæ, & auctoritate Apostolica ex scientia approbamus, & præsentis scripti patrociniis communimus; decernentes non minoris existere vigoris & firmitatis hujusmodi sententiam, necnon omnia & singula acta in eodem generali Concilio in hac parte, quàm fuerunt & sunt alia Concilia in diversis arduis negotiis ipsius Ecclesiæ celebrata, &c.*

In quo dejecti ut schismatici *Benedictus XIII.* & *Gregorius XII.* de Papatu contententes, & electus *Alexander V.* sess. 18.

Qui reliquo præfuit Concilio & 23. sessionibus conclusum approbavit & confirmavit.

ARTICULUS XVIII.

De Concilio Constantiensi, anno 1414.

Sub Joanne XXIII. Rom. Pontifice, pro tollendo eodem non extincto, sed fastidium Pontificum schismate, damnandisque tunc grastantibus *Vicissitarum & Hussitarum hæresibus.*

Depositis per Concilium Pisanum de Papatu contententibus *Petro de Luna*, dicto *Benedicto XIII.* & *Angelo Corario*, *Gregorio XII.* nuncupato, nec tamen extincto schismate, sed aucto per *Alexandri V.* promotionem, eoque intra annum è vivis raptò, per *Joannis XXIII.* electionem: ad pacem tandem Ecclesiæ dandam, tollendumque schisma præstatum, hoc generale Concilium *Constantiæ* Joannes XXIII. indixit, anno Domini 1414. cui interfuerunt Patres fere mille, è quibus 300. fuere Episcopi, & Patriarchæ 4. cum ipso Imperatore *Sigismundo*. Initio Concilii, ut legitur *Appar. Annati T. II.*

Brevis & historica Constantiensis Concilii summa.

mus Pontifex duabus prioribus sessionibus præfuit *Joannes ipse XXIII.* Post ejus è Concilio recessum, tertiæ præfuit sessioni *Petrus de Alliaco* Cardinalis Cameracensis; quartæ verò *Jordanus Albanensis Episcopus*, Cardinalis de Urbinis; cæteris usque ad *Martini V.* electionem præfuit *Joannes Episcopus Ostiensis*, Cardinalis Vivariensis; & quatuor ultimis præfuit recens electus *Martinus V.* Cœptum est Concilium die 5. Novembris, anno 1414. & tandem post quatuor annos & sex menses, die 22. Aprilis, anno Domini 1418. quadraginta & quinque sessionibus conclusum.

Cujus
sessiones
fuerunt 45.

In 1. Sessione.

Quæ ad diem 5. fuerat indicta, sed ob novas emergentes causas, ad diem 16. translata, sermonem habuit hortativum ad Patres *Joannes XXIII.* lecta est deinde convocationis Concilii bulla; Notarii, Scribæ, aliique Synodales constituti sunt Ministri, monitufque ad cedendum Papæ *Joannes XXIII.* quod se pro bono pacis sponte facturum ultrò promissit.

In 2. die 1. Martii.

Rogatus iterum *Joannes XXIII.* ab Antiocheno Patriarcha, totius Concilii nomine, ut pro pacis Ecclesiæ bono cederet, se ultrò cessurum rursus promissit, promissumque juramento firmavit, si *Gregorius XII.* & *Benedictus XIII.* id similiter præstarent, pro quo magnas illi gratias egit, pedes ejus osculatus Imperator *Sigismundus*.

In 3. die 26. Martii.

In absentia *Joannis XXIII.* qui cum urgeretur ad constituendum pro sessionis executione procuratorem, Constantia clam & noctu discesserat, seque *Schafusiam* contulerat, Præside *Petro de Alliaco Cardinali Cameracensi*, *Franciscus Zabarella* Cardinalis Florentinus Patres hortatus est, ut piè ac sanctè se gererent; & ex Synodi decreto promulgavit hanc sanctam Synodum ritè convocatam, & Constantiæ legitimè inchoatam, per Papæ recessum non esse dissolutam, nec ab ipso posse dissolvi, vel aliò transferri usque ad schismatis extirpationem; Prælatifque non licere à Synodo citra justam causam discedere.

In 4. die 30. Martii.

Præside *Jordano Episcopo Albanensi*, Cardinali de Urbinis, declaratum est ex Concilii decreto, à *Zabarella* Cardinali Florentino, Concilii æcumenici auctoritatem, esse summi Pontificis auctoritate superiorem, seu *Generale Concilium à Christo immediatè potestatem habere, cui quilibet cujuscumque status vel dignitatis, etiamsi Papalis existat, obedire tenetur in his quæ pertinent ad fidem & extirpationem schismatis, & ad generalem Ecclesiæ Dei reformationem in capite & in membris*: quod tamen intelligendum de Pontifice dubio & in casu schismatis. Lectæ sunt insuper *Joannis XXIII.* ad Imperatorem literæ, quibus suum excusans recessum, testatur se non metu aliquo, sed sola aeris intemperie coactum Constantia discedere, seque promissioni factæ adhuc in hæretare.

In

In 5. Sess. die 17. Aprilis.

Confirmatum est præcedentis sessionis decretum de Concilii superioritate supra Papam, scilicet dubium & in casu schismatis, declaratumque Joannem XXIII. illegitimè Constantia discessisse, tenerique sub pœna depositionis stare promissis, & Pontificatu cedere.

In 6. Sess. die 17. Aprilis.

Præfuit Joannes Episcopus Ostiensis, Cardinalis Vivariensis. Proposita est, & ab universali approbata Synodo forma Procuratorii super tenuitate Papatus à Joanne XXIII. facienda, & ad ipsum honorifica decreta legatio, quæ redditum suaderet.

In 7. Sess. die 2. Maji.

Probata est Hieronymi Pragensis citati, & non comparentis contumacia, & publicata est in Joannem XXIII. ad novem dies citatio, ut de fuga sive discessu responsum veniret.

In 8. Sess. die 4. Maji.

Promulgata est sententia damnationis doctrinæ Vvicleffi, 45. præsertim articulorum, quorum alii hæretici, alii erronei, alii scandalosi, blasphemii alii, alii piarum aurium offensivi, alii temerarii, seditiosi alii; jussumque ejus libros omnes, ossaque exhumata comburi.

Et in quo
sess. 8. dam-
natus Vviclef-
sus, &
45. doctri-
næ ejus ar-
ticuli dam-
nati.

In Sessionibus 9. 10. & 11.

Nihil ferè gestum est notatu dignum, actumque solum de citatione, non comparitione, & contumacia Joannis XXIII.

In 12. Sess. die 29. Maji.

In Joannem XXIII. pronuntiata est depositionis sententia, propter clandestinum & scandalosum, noctu, habituque indecenti è Concilio receptum, pacis & unionis Ecclesiæ turbativum, & à præstito juramento deviativum; decretumque insuper, ne quis è tribus schismaticis Pontificibus præfatis eligeretur de novo in Papam. Concilii sententiæ statim acquievit, & Pontificalia deposuit insignia Joannes XXIII.

In 13. Sess. die 15. Junii.

Contra nonnullos Sacerdotes *Huffitas*, communionem sub utraque specie Laicis etiam non jejunis distribuentes, decretum est sub unica tantum specie ipsis, imò & nullatenus nisi jejunis dandam; hancque consuetudinem licet primis Ecclesiæ temporibus non servatam, fuisse tamen ad multa vitanda scandala & pericula rationabiliter inductam.

In 14. Sess. die 4. Julii.

Actum est de cessione Gregorii XII. Arimini degentis, cujus nomine ; Papatui renuntiavit Carolus de Malatestis Arimini dominus.

In 15. Sess. die 6. Julii.

Damnati
pariter
Joannes
Hus &
Hierony-
mus de
Praga.

Joannes Hus de hæresi accusatus & convictus, è carcere in confessum Patrum est introductus, altoque sedili, ut ab omnibus videri posset, sedere jussus ; & ejus doctrina articulatim congesta & producta per *Henricum de Piro* Concilii Promotorem, damnata est : ejus libri flammis adjudicati, ipseque degradatus auctor, sæculari relinquendus judicio ; nolensque resipiscere, julto judicio per ignem è vivis sublatus & ipse.

In Sessionibus 16. 17. & 18.

Nihil ferè valdè notabile gestum est ; sed solum constituti sunt Procuratores, qui Benedictum XIII. Antipapam requirerent ad cedendum, commendatusque Deo multis precibus Imperator *Sigismundus*, profecturus ad Regem Aragoniæ, pro eodem Benedicto XIII. ad cedendum inducendo.

In Sess. 19. ann. 1415. die 25. Septemb. habita.

De hæresi accusatus & convictus Hieronymus Pragensis, fidei professione edita suam ejuravit hæresim.

In Sess. 20. die 21. Novemb.

Ad instantiam *Gregorii Tridentini* Episcopi, decretum est monitorium contra *Fridericum Austriæ Ducem*, ob usurpata Ecclesiæ Tridentinæ bona ; & deinde approbata sunt 12. Capitula ad extirpationem schismatis, inter *Sigismundum*, Legatosque tam Concilii quàm Benedicti XIII. Navarbone constituta.

In Sess. 21. ann. 1416. die 30. Maji.

Hieronymus Pragensis in ejuratam relapsus hæresim, convictus & degradatus, sæcularique relictus judicio, per ignem & rogum perire jussus.

In cæteris intermediis Sess. usque ad 39.

Actum est de causa, citatione & contumacia *Petri de Luna*, sub Benedicti XIII. nomine Antipapæ, necnôn de Oratoribus Regum Aragoniæ, Castellæ & Navarræ recipiendis ; & hoc præsertim notatu dignum, quòd in sess. 37. die 16. Julii habita, post reproductas binas *Petri de Luna* citationes, post ejus accusatam contumaciam, in eum lata est definitiva depositionis sententia.

In Sess. 39. die 9. Octobris.

Pro futuris schismatibus deinceps vitandis statutum est, ut post quinquennium ab hujus celebratione Concilii, convocaretur & aliud generale Concilium, & septennio post alterum, & tandem post illud, quolibet decennio generalia celebrarentur Concilia; & quod summus Pontifex ante cujuslibet Concilii finem, & de ejus consensu, futuri Concilii designaret locum, quem citra causam mutare non posset.

In Sess. 40. die 30. Octobris.

Statuitur, reformationes aliquas à futuro Pontifice mox eligendo, pro moribus Ecclesiæ cum Concilio faciendas, prius quam dissolvatur Concilium.

In Sess. 41. ann. 1417. die 8. Novembris.

Præside adhuc *Joanne Cardinali Ostiensi*, post lectam Clementis VI. constitutionem de forma à Cardinalibus in Conclavi existentibus, super electionem Pontificis observanda, post præstita juramenta per eandem requisita, Cardinales Concilio præsentibus numero 20. una cum 3. aliis electoribus è 5. nationibus ad id designatis, Conclave sunt ingressi, & tertio post die, hoc est, Novembris undecimo, & S. Martino sacro, electus est in summum Pontificem *Orbo Columna* Cardinalis Diaconus, sumptoque Martini nomine, dictus est *Martinus V.*

Et post clandestinum *Joannis XXIII.* à Concilio discessum electus est *Martinus V.* Sess. 41.

In Sess. 42. die 28. Decembris.

Cœpit Concilio præesse Martinus V. jam cum omnium plausu, die 21. Novembris coronatus. Nihil notatu dignum hac in sessione gestum, sed solum liberantur Sigismundus, & Ludovicus Bavarix Comes ab onere recodiendi Baltasaris de Cossa, antea Joannis XXIII. nuncupati.

In Sess. 43. die 21. Martii.

Varix fuerit editæ constitutiones quoad Ecclesiæ reformationem, prout fuerat ex Concilii decreto statutum sessione quadragesima.

In Sess. 44. die 19. Aprilis habita ann. 1418.

Pro futuro œcumenico post quinquennium Concilio celebrando juxta superius statutum, designata est civitas Papiensis.

In Sess. 45. & ultima, die 22. Aprilis ann. 1418.

Post omnia Concilii decreta fidei materiam spectantia, & conciliariter edita, à Martino V. Romano Pontifice confirmata & approbata, solum est Concilium, & cuicque permissus à Concilio discessus.

ARTICULUS XIX.

De Concilio Basileensi, anno 1431.

*Sub Martino V. Rom. Pontifice, ad reformandos Fidelium mores,
& compescendas Bohemorum seditiones & hæreses.*

Brevis &
historica
Basileensis
Concilii
summa.

Cum in Constantiensi Concilio sess. 39. decretum esset, ut lapsa post finem Concilii quinquennio, convocaretur aliud, & post illud finito septennio alterum, ac deinceps perpetuò de decennio in decennium generale haberetur Concilium, designareturque in fine, alterius proximè futuri Concilii locus; summus Pontifex *Martinus* hujus nominis V. qui Constantiensi præerat Concilio, de communi Patrum consensu, proximè futurum *Papia* celebrandum indixit alterum, debitoque tempore, hoc est, anno 1423. Prælatos, qui illud inchoarent, misit Sedis Apostolicæ nuntios; sed cum pestifera luc inficeretur Papienſe cælum, placuit Pontifici Concilium transferre *Senas*, ubi prima est habita sessio, in qua Vyclitarum & Hussitarum hæresum confirmata damnatio, cœptumque deinde de Græcorum cum Latinis unione tractari, missique sunt Constantino-polim ad Patriarcham & Imperatorem à Martino V. nuntii. Verùm cum intemptivum esse hac de re tractatum respondisset Imperator, nihil conclusum; at solim rem non deferendam, sed in tempus aliud reservandam esse decretum est, actumque postea de reformandis Ecclesiæ moribus; & tandem ob exiguum Prælatorum numerum, & ingruentes undique bellorum procellas, sed maxime metu *Alfonsi* Aragoniæ Regis, aliorumque nonnullorum schisma renovare conantium, Senensè Concilium dissolvit *Martinus*, aliudque septennio post, ex Constantiensi decreto, *Basilea* celebrandum indixit; & re ipsa à Senensis Concilii fine, expleto septennio, *Julianum Casarinum* Cardinalem Diaconum S. Angeli, Legatum à latere misit, & Basileensis Concilii proximè futuri Præsidentem instituit: mortuoque interim *Martino V.* ei successit *Eugenius IV.* Concilii indictionem ratam habuit, & ut eodem *Juliano* Legato Præsidente celebraretur, edixit anno 1431.

Cumque jam ex universo orbe Latino ingens Patrum multitudo Basileam in dies conflueret, jamque inchoata Synodus, sub specie reformandi Ecclesiæ Fideliumque mores, de nonnullis iisque præcipuis cogitaret abolendis Romanæ Ecclesiæ privilegiis, *Julianum* revocare Legatum, & Concilium dissolvere decrevit *Eugenius*, aliudque post annum cum dimidio *Bononia* celebrandum indixit, ea potissimum de causa, quòd incundè Græcorum cum Latinis unioni, à Græcis electa commodior videretur *Bononia* quàm *Basilea*; seque illi cum Romanæ Ecclesiæ Cardinalibus adfuturum esse promisit, & alterum decennio post *Avenione* celebrandum edixit. Huic de dissolutione Basileensis Concilii decreto ab *Eugenio* lato fortiter resistere cum *Juliano* Cardinali Legato Basileensis Concilii Patres, asserentes Concilium legitime congregatum, à nullo quavis auctoritate, etiamsi Papali fulgeat dignitate, posse dissolvi & aliò transferri nisi volens. Diu multumque hoc in dissidio perseveratum est, donec tertio altercationis anno, hoc est anno 1434. dum haberetur Concilii sessio 16. allaborantibus per Legatos *Sigismundo* Imperatore, *Carolo VII.* Fran-

corum Rege, & aliis, Concilio satisfecit *Eugenius*, per nuntios *Tarentinum* Archipræfulem, & *Cervensem* Episcopum ad Concilium missos cum literis, quibus latum de dissolutione Concilii decretum revocat, & quasi nullum fuisse pronuntiavit; Concilium Basileense ab initio fuisse continuatum, & deinceps continuandum esse declarat, seque ipsum cum omni devotione & fervore adfuturum esse promittit.

His ita compositis, & vicissim utrinque recisis decretis asperius latis, dum consentiente *Eugenio*, & præsentibus Sedis Apostolicæ Legatis continuaretur Basileæ Synodus, & haberetur sessio 25. Anno 1437. aliud inter ipsos Concilii Patres ortum est dissidium circa futuri Concilii locum, pro ineunda Græcorum cum Latinis unione. Duas in partes scissi, duo contraria tulere decreta; pars una ducibus Sedis Apostolicæ Legatis, cum multis Præfibus aliis, proximè futurum Concilium *Florentiæ* vel *Utini* habendum esse dixit; altera, duce Ludovico Cardinali Arelatensi, *Basileæ* vel *Avenione*, aut in *Sabaudia* celebrandum esse decrevit. Decretum de electione *Florentiæ* confirmavit *Eugenius*, ea præcipua de causa quòd *Florentia* aptior esset locus, atque commodior; in quo juxta inita pacta cum Romano Pontifice præsentem possent convenire Græci; isti que parti ita adhaesit *Eugenius*, ut alterius sprete citationibus, minis, suspensionisque sententia in se lata, dicto in illam anathemate, de Cardinalium, Archiepiscoporum & Episcoporum consilio & consensu, Basileense Concilium *Ferrariam* transtulerit.

Ex quo œcumenicum esse desinens, Basileæque nihilominus persistens Concilium, electo sibi in Præsidem Ludovico Cardinali Arelatensi, *Eugenium IV.* à Pontificatu deponit, illiusque depositione sic perperam attentata, *Amedeum* à *Sabaudia*, sub nomine Felicis V. ex eremita Pontificem eligit per 32. diversarum nationum viros ad hoc deputatos in fess, 39. anno 1439. continuatque sessiones suas sub Felicis Antipontificatu usque ad 45. dum interim *Ferrariz*, & postea *Florentiæ* sub *Eugenio IV.* legitimo Pontifice Concilium celebratur aliud. Tandem anno 1442. 17. Kalendarum Junii, ad pacem Ecclesiæ dandam, suo se *Felix* abdicavit Antipapatu fess. 45. cujus sacri historica summa ut clariùs pateat, hic breviter singulæ Concilii percurrentes sessiones, quibus nulla auctoritas propterea adhibenda, utpote nusquam à Romano Pontifice approbatæ.

In Sess. 1. anno 1431. die 14. Decemb. habita.

In Ecclesia Basileensi primaria, post celebratam Missam à *Philiberto* Constantiensis Provinciæ Rotomagensis Episcopo, & habitum sermonem à Sedis Apostolicæ Legato, his pro textu selectis Scripturæ verbis, *Mundamini qui servis vasa Domini*, lectum est Constantiensis Concilii decretum de celebrandis post lapsum quinquennii, aut septennii generalibus Conciliis; lectæ Bullæ Martini V. & Eugenii IV. de Concilio jam *Senis* inchoato, *Basileam* transferendo. Quibus peractis, monentur Concilii Patres, ut hæresum extirpationi, Christiani orbis paci, morumque reformationi sedulam impendant operam, utque de rebus in Concilio tractandis domi diu multumque cogitent, & cogitata liberè Concilio proponant. Lecto insuper Concilii Tolerani II. decreto de ordine in Conciliis servando, statutum est quomodo se singuli gerere deberent, quò dignioribus nihil præjudicii deberet oriri, si vel loco inconvenienti sederint, vel ordine

Cujus
sessiones
fuerunt 45.

dine præpostero suffragati fuerint. Confirmatum est postea excommunicationis decretum à Constantiensi Concilio latum in eos, qui venientes ad Concilium impedirent, vel alia quacumque ratione sive venientes, sive præsentem Concilii Patres molestant; constitutumque fuit, ut Beneficarii, qui totius Ecclesiæ causa Concilio interfuerint, suorum Beneficiorum fructus, ac si præsentem essent, perciperent; tandemque Concilii Officiales electi sunt, hoc est, electi sunt Concilii Notarii, Notariorum Inspectores, Pomotores, & sedium Ordinatores.

In Sess. 2. anno 1432. 15. Kal. Martii.

Definitum est ac declaratum hanc Synodum esse ritè ac legitime Basileæ congregatam, postea innovata & confirmata Constantiensis Concilii decreta, de Concilii œcumenici potestate à Christo immediatè data, ejusque supra Papam auctoritate; actum est deinde de non impediendo Episcoporum ad Concilium accessu, ac de illicito ab eodem sine Patrum deliberatione & licentiâ discessu,

In Sess. 3. an. eod. 29. Aprilis,

In 3. quarum confirmatum decretum sessionis quartæ Concilii Constantiensis, unde Concilii dissolutionem decernit Eugenius IV.

Repetitis & denno confirmatis Concilii Constantiensis de superioritate generalis Concilii supra Papam decretis, monetur & rogatur per Oratores à Concilio missos *Eugenius IV.* Concilii dissolutionem attentans, ut à præfensa Concilii dissolutione desistat; utque vel veniant ipse intra tres menses, vel Legatos cum plena potestate mittat. Monentur & Cardinales, ut intra idem temporis spatium, nisi fuerint impediti, veniant & ipsi, alioquin ut contumaces juxta juris ordinem puniendi.

In Sess. 4. an. eod. 14. Kal. Julii.

Bohemis, aliisque ad Concilium vocatis concessus est salvus conductus; Cardinalibus deinde ad Concilium vocatis vetitum est, ne si fortè durante Concilio Sedes Apostolica vacaret, alibi quàm in sacri Concilii loco fieret novi Pontificis electio; inhibeturque summo Pontifici, ne extra Concilii locum, Cardinales creare novos, aut eosdem à Concilio avocare præsumat,

In Sess. 5. an. eod. 10. Augusti.

Constituti sunt Judices & Officiales alii pro causis fidei, alique negotiis deputati cum hoc mandato, ne ullius causæ judicium ultra tres menses protrahant; neve præsentem in Concilio ad Curiam Romanam, vel aliò extra Concilii locum trahi seu evocari sinant.

In Sess. 6. ann. eod. 6. Septemb.

Concilii Promotores *Eugenii IV.* contumaciam accusarunt, quòd Concilii præfensam dissolutionem non revocasset, nec citatus per se vel per Legatos die præscripta comparuisset; accusarunt & absentium Cardinalium contumaciam; sed pro Romano Pontifice intervenientes nuntii Tarenti-
nus

mus & Colossensis Archiepiscopi & alii, Judicis incompetentiam allegarunt, & ad vitanda scandala, causam contra Pontificem & Cardinales differri postularunt, & de legitima Cardinalium absentia à quibusdam allegata, duobus Episcopis est inquisitio mandata.

In Sess. 7. an. cod. 6. Novemb.

Post renovatum decretum de non eligendo summo Pontifice extra Concilii locum, terminus futuri Conclavis ingressus pro illius electione ad sexaginta dies est prorogatus, ob multorum Cardinalium absentiam; ipsisque contumaciter non venientibus Cardinalibus, Beneficiorum privationis imposita poena.

In Sess. 8. an. cod. 18. Decemb.

Cum Eugenius IV. nondum compareret, nec attentatam Concilii dissolutionem revocaret, illi iterum sexaginta dies alii concessi, intra quos nisi obtemperet, futurum decernitur, ut sine ulteriori monitione contra eum juridicè procedatur, omnesque promotiones & ordinationes ab illo hoc intra tempus celebratas, irritas & nullas fore declaratur. Cardinales, Patriarchæ, Archiepiscopi, Episcopi & ceteri sine mora ad Concilium venire jubentur, sub poena privationis Beneficiorum, & præter Basileense generale universam representans Ecclesiam, nullibi aliud simul haberi posse, nisi schismaticum & spurium. Bononiam, vel alium quemcumque petentes locum, Concilii celebrandi prætextu, excommunicationem & Beneficiorum privationem ipso facto incurrisse denuntiatur, & prohibetur ne Beneficia eorum qui Concilio interfunt, à Pontifice conferantur; alienationes demum, infestationes, & impignorationes bonorum Ecclesiasticorum interdiciuntur.

In Sess. 9. an. 1433. die 22. Januar.

Concilium, ut Sigismundum Imperatorem & Vvilelmum Bavarie Ducem, aliosque Concilio adhaerentes protegat, omnes processus, sententias, & dominiorum aut dignitatum privationes ab Eugenio tentatas rescindit & reprobatur.

In Sess. 10. an. cod. 19. Februarii.

Rursus est accusata Eugenii IV. contumacia, petitumque eundem ut contumacem à Concilio damnari, & decretum ut *Uticensis* & *Novariensis* Episcopi per literas valvis Ecclesie affixas inquirant, num is aut aliquis alius adesset, qui ejus nomine comparere vellet, & nemine comparente, deputati sunt qui Acta in Eugenium habita diligenter examinarent, & causæ statum Concilio referrent.

In Sess. 11. an. cod. 27. Aprilis.

1. Statutum, ut Romanus Pontifex per se, vel per Legatos de consilio & consensu duarum partium Cardinalium eligendos, Conciliis generalibus cum

cum omnibus aliis Ecclesiasticis qui de jure tenentur, sub pœna suspensionis & depositionis interfit. 2. Statutum est, ut non obstante quacumque etiam Romani Pontificis prohibitione, omnibus etiam Cardinalibus liber sit ad Concilium aditus. 3. Declaratum est, hoc præfens Basileense Concilium à nullo, etiamsi Papalis existat dignitatis, dissolvi aut aliò transferri posse, nisi de expressio ipsius Concilii consensu; & tandem conclusum est, ut Cardinales ante Conclavis ingressum jurent, quòd si quis eorum fuerit electus Pontifex, hæc decreta servari curet.

In Sess. 12. an. eod. 13. Julii.

Iterum accusata est Eugenii IV. contumacia, variaque inperfa à Patribus convitia; & licet essent in eum pronuntiare parati, tamen ad *Sigismundi* Imperatoris instantiam, ei tertia concessa dierum sexaginta dilatio, intra quam nisi obtemperet, Concilii dissolutionem revocet, decreta in eo facta approbet, & legitime inchoatum ac continuatum esse declaret, ipsum ut contumacem ab omni administratione Papatus ipso facto suspendunt, & suspensum esse declarant. De sacris electionibus actum est postea, electiones simoniacæ irritæ sunt declaratæ, & pro electionis confirmatione ne quid exigat Sumanus Pontifex, vetitum.

In Sess. 13. an. eod. 11. Septemb.

Post rursus accusatam Eugenii IV. contumaciam, quòd intra præscriptum 60. dierum spatium Concilio non paruerit, illi nihilominus adhuc indultum est 30. dierum spatium, instante Vvillelmo Bavariz Duce Concilii protectore, ipsoque per Legatum Imperatore rogante.

In Sess. 14. an. eod. 7. Idus Novemb.

Sigismundo Imperatore rogante, dierum spatium Eugenio jam toties concessum prorogatur, eique formula adhesionis præscribitur, qua compariturus acta Synodalia confirmet, & quidquid ipse contra Synodum, eique adherentes dixit vel constituit, revocet & irritet; eaque lege futurum promittitur, ut omnes *Eugenium* ut legitimum Petri successorem venerentur & audiant.

In Sess. 15. an. eod. 6. Kal. Decemb.

Statutum est, ut semel in anno ab Episcopo Diœcesana celebretur Synodus; Provinciale verò Concilium, cui Archiepiscopus cum suffraganeis sub pœna suspensionis interesse teneatur, intra biennium à fine Concilii generalis, & deinceps ad minus quolibet triennio.

In Sess. 16. an. 1434. Nonis Feb.

Sed post 1. Tandem Eugenius IV. per Literas bullas à Joanne Tarentino Archiepiscopo, & Christophoro Cervienſi Episcopo delatas, Concilii postulatis satisfecit, Concilium Basileense ab initio continuatum fuisse, & deinceps continuandum esse declarans, ejusque dissolutionem, ac si nulla fuisset,

irritans, seque Concilium idem cum omni devotione & fervore adiuturum spondens, litteras in præjudicium Concilii promulgatas, processus censurarum, privationum & suspensionum cassans ac revocans, læsosque omnes in integrum restituit mandans: ex quo *Eugenium*, hoc Basileense Concilium ad 16. usque sessionem, ut legitimum & oecumenicum agnovisse constat, etsi eum non omnia Concilii decreta approbasse teneant *Ultramontani* cum *Joanne de Tarrecremata* Cardinali.

etiam de
dissolucio-
ne Concilii
revocat *Eugenius IV.*

In Sess. 17. an. cod. 6. Kal. Maji.

Præsentibus *Sigismundo* Imperatore, Ducibus quampluribus, centumque Prælati mitras albas in capite gestantibus, post admissos quinque Pontificis Legatos ut Concilii Præsides, videlicet *Nicolaum* sanctæ Crucis Cardinalem Presbyterum, *Julianum* S. Angeli Cardinalem Diaconum, *Joannem* Archipræsulem Tarentinum, *Petrum* Episcopum Paduanum, & *Ludovicum* S. Justiniæ Abbatem, actum est de modo procedendi, videlicet quòd feria 6. sit conveniendum, Præsidiisque absentiam Prælatus in ordine sequens supplere teneretur.

In Sess. 18. an. cod. 6. Kal. Junii.

Renovata sunt duo Sessionum 4. & 5. Constantiensis Concilii decreta, in quorum primo declaratur, Concilium generale potestatem à Christo immediate habere talem, cui quilibet cujuscunque status vel dignitatis, etiam Papalis, obedire tenetur, in his qua pertinent ad fidem, extirpationem scismaticis, & ad generalem reformationem Ecclesiæ in capite & in membris; & in quorum altero dicitur, quòd nonobedientes mandatis hujus sanctæ Synodi, aut alterius cujuscunque Concilii generalis legitime congregati debent puniantur, cujuscunque status & dignitatis, etiamsi Papalis existant.

In Sess. 19. an. cod. 7. Idus Septemb.

Actum est de loco Concilii, pro incunda Græcorum cum Latinis unionē celebrandi; & conventum est, quòd si Basileam adduci non possent Græci, aliquis alius ab iis, maritimis oris vicinus eligeretur locus, ad quem post mensem unum à Græcorum adventu, tenerentur se conferre Basileensis Concilii Patres. Statutum est deinde, ut Judæi infidelesque alii ad verbi Dei prædicationem audiendam compellantur, & observetur Vienneſis Concilii decretum de docendis, discendisque linguis Hebraica, Arabica, Græca, & Chaldaica. Renovata postea anteriora Conciliorum decreta, quibus communicatio cum Judæis in fide, moribus, victu, potu & commercio interdicitur Christianis; constitutumque, ut separato habitationis loco, distinguerentur & habitu Judæi.

In Sess. 20. an. 1435. 11. Kal. Feb.

Clerici concubinarij publici à perceptione fructuum tribus mensibus declarantur suspensi; & si concubinam statuto tempore non dimiserint, omnibus beneficiis ipso facto privati; similiter & illi, qui mulierem de incontinentia suspectam moniti non dimiserint; & ne hujusmodi viri in
suo

fuο turpi & infami persistant commercio, pecuniaria multa puniri prohibentur, filiisque ex concubinato genitis apud patrem habitare non permittitur.

In Sess. 21. an. eod. 9. Junii.

Annata pro Beneficiorum collatione, electionum confirmatione, postulacionum admisione, aut pro presentatione data, reprehenduntur ut Simoniaca; pacificam per triennium Beneficii possessionem turbari non posse decernitur. Horas Canonicas modestè, graviter & devotè cantare, Clericisque eum tunica talari, & superpelliceis mundis medias ultra tibias longis, omni confabulatione semota, choro interesse jubetur; & qui ad Matutinas post *Venite exultemus*, ad Missam post ultimum *Kyrie*, ad reliquas horas post primum *Psalum* venerit, vel non admittatur, vel saltem velut absens habeatur, & vagantes per Ecclesiam totius diei presentia careant. Quoscumque etiam alibi Beneficiarios, seu in sacris constitutos, cum ad horas canonicas teneantur, admonet hæc sancta Synodus, ut sive soli sive associati diurnum nocturnumque Officium reverenter, verbisque distinctis peragant, & tali in loco, unde à devotione non retrahantur,

In Sess. 22. an. eod. Idibus Octob.

Libellus de Christo & Ecclesia, Augustini de Roma Ord. Eremitarum S. August. & Nazareni Archipræsulis damnatus est, ob ea quæ continebat in fide non sana, dogmata, præsertim istud, *Christus quotidie peccat, & ex quo fuit Christus, quotidie peccavit*; quamvis id non de Christi persona intelligeret, sed de membris ejus, quæ cum Christo capite unum Christum esse docebat.

In Sess. 23. an. 1436. 8. Kal. Aprilis.

Renovata sunt de Romani Pontificis electione decreta; videlicet, ut decima post obitum die Conclave Cardinales ingrediantur, & duos famulos, Clericosque dumtaxat duos secum adducant, victualia à cubiculis præter medica amoveantur omnia, singulis diebus deferantur necessaria, sed epistolæ nullæ: digniorem se electuros in Papam juramento promittant; electus teneatur consentire, fidei professionem admittere, Conciliorumque generalium omnium observantiam polliceri, Schisma tollere, Ecclesiæ libertatem fovere, Curiam suam reformare, & Ecclesiæ ditiones fideliter regere. Statutum est insuper, ne Papa consanguineum, vel affinem ad tertium usque gradum inclusive, Ducem, Marchionem, Feudatarium urbis alicujus, aut Provinciæ Præsidem sive gubernatorem constituat; & numerus denique eligendorum Cardinalium ad 24. determinatus, eaque lege, ut nullus eligeretur, qui Papa, vel aliorum Cardinalium esset consanguineus; sed ut essent omnes ætate maturi, moribus graves, & in Theologia, vel in jure Doctores vel Licentiati.

In Sess. 24. an. cod. 8. Kal. Maji.

Paſta cum Græcorum Imperatore, & Patriarcha Conſtantinopolitano per Legatos Conſtantinopolim miſſos, inſita de Concilio in Occidente, & in maritima aliqua Italiz civitate celebrando, pro unione cum Græcis inſeunda, approbata ſunt & confirmata, tempuſque paſta complendi, ad annum prorogari decretum: ſaluſconduſtus Græcorum Imperatori, Patriarchæ, aliique 700. perſonis oblatus, plenariæ indulgentiæ conceſſæ iis omnibus, qui tantum ad ſubſidia Græcis ad Concilium venturis neceſſaria contribuerent, quantum quiſque ſolet per unius hebdomadz ſpatium pro ſua ſuſtentanda familia conſumere,

In Sess. 25. an. 1437. Nonis Maji,

Orto inter Patres diſſidio de futuri Concilii loco, pro inſeunda Græcorum cum Latinis unione, duas in partes ſciſſum eſt Concilium. Duo oppoſita edita decreta; pars una, ducibus Sedis Apoſtolice Legatis, multiſque Præſulibus aliis, *Florentiam*, vel *Utinum* pro futuri Concilii loco ſelegit; pars altera, *Ludovico* Cardinali Arelatenſi duce, *Baſilea* vel *Avenione*, aut in *Sabaudia* præſatum pro Græcorum unione Concilium celebratum iri decrevit; & pro ſumptibus Græcorum ſubſidio neceſſariis, omnibus cuiuſcumque dignitatis perſonis Eccleſiaſticis decimam ſuorum omnium reddituum partem ſolvendam impoſuit; ſed decretum prioris partis de electione *Florentia*, vel *Utinum* approbavit *Eugenius IV.* quod alia ab aliis nominata loca eſſent Græcis incommoda, & contra ea quæ fuerant cum iis inſita paſta; & inde nova inter hoc Baſileenſe Concilium vel Concilii partem, & *Eugenium* diſcordia.

Et in 25. Sessione orto inter Patres diſſidio novo, duas in partes ſciſſum eſt Concilium, & œcumenicum eſſe deſiit.

In Sess. 26. an. cod. pridie Kal. Aug.

De multis criminibus immeritò accusatus *Eugenius*, ad ſexageſimum diem una cum Cardinalibus iterum eſt citatus.

In Sess. 27. an. cod. 6. Kal. Octob.

Absenti à Concilio *Eugenio* Pontifici nova interdicitur Cardinalium electio, & aliz ab eo antea contra Concilii decretum factæ, nullæ declarantur & irritæ, ſimiliter & Bullæ de electione *Florentia*, vel *Utinum* pro celebratione Concilii; eique vetita civitatis Avenionenſis alienatio, vel impignoratio; illam enim ad ſubveniendum Græcis neceſſario ſubſidio, *Eugenium* vendere decreviſſe murmur erat.

In Sess. 28. an. cod. Kal. Octob.

Concilii Promotoribus de contumacia accuſantibus *Eugenium*, quod intra præfixum ſexaginta dierum ſpatium non comparuiſſet, ter per duos Epiſcopos alta voce citatus, ex ambone declaratus eſt abſens; contra ipſum ut contumacem ulterius procedendum eſſe decretum. Verum eodem ipſo die Octobris primo, quo hæc habita eſt Sessio, Concilium hoc Baſileenſe, de

Appar. Annali T. II.

K

Cardi-

Cardinalium aliorumque Præsulum numero multorum consilio & consensu, *Ferrariam* transferre decrevit *Eugenius*, speciali diplomate *Bononia* dato. Unde Concilium hoc hucusque legitimum, œcumenicum & ab *Eugenio* confirmatum, ex hoc translationis decreto legitimum & œcumenicum esse desuit; quia ab hac translatione, eodem tempore generale Concilium habebatur *Ferrariæ* primò, deinde *Florentiæ*, in quo aderant Præsules numero multi, ipseque ut Concilii Præsides summus Pontifex *Eugenius IV.* cumque istud *Ferrariense*, seu *Florentinum* vulgò dictum, sit pro œcumenico receptum, & duo simul haberi nequeant œcumenica Concilia, Concilium *Basileense* consequenter à sua *Ferrariam* translatione œcumenicum esse desuit; imò à vigesima quinta Sessione, quia duas in partes scissum, Ecclesiam universalem non sufficienter repræsentasse, ac proinde nec œcumenicum ab eo tempore dicendum esse constat. Unde est, quòd ea, quæ post vigesimam quintam Sessionem fuere deinceps ab eo in Sessionibus 26. 27. & 28. contra *Eugenium* decreta, fuere ab ipso *Sigismundo* Imperatore, aliisque non paucis Christianis Principibus improbata.

Una Concilii pars transiit ad *Ferrariam* cum *Eugenio IV.* altera remanet *Basileæ*.

In Sess. 29. an. cod. 4. Idus Octob.

A remanentibus *Basileæ* prætenfa Concilii solutio, ejusque *Ferrariam* translatio declarantur irritæ. Præcipitur *Eugenio* sub pœna suspensionis & depositionis, ut intra quatuor menses resipiscat, conatibus desistat, & Concilii transferendi Bullas revocet, inhibeturque sub pœna excommunicationis, beneficiorum, dignitatumque privationis, nequis *Eugenii* mandatis obtemperet, à Concilio recedat, & *Ferrariam* se transferat.

In Sess. 30. an. 1438. Kal. Januarii.

Declaratum est Laicos, Clericosque non Sacerdotes, ad communionem sub utraque specie non astringi.

In Sess. 31. an. cod. Kal. Februarii.

Decretum est 1. ut causæ litigantium ultra 4. diatras à Romana Curia distantium, in locis ubi exortæ sunt agitentur, exceptis majoribus in jure expressè enumeratis. 2. Ut appellationes frivolæ ad Sedem Apostolicam interjectæ rejiciantur, & causæ ad Romanam Curiam devolutæ, non *Ferrariæ* apud *Eugenium*, sed *Basileæ* hanc apud Synodum jadicentur. 3. Ne Pontifex Romanus ulli deinceps, quacumque ex causa, gratias expectandas, vel reservationes beneficiorum conferat; viris verò literatis & grævis duatis certo ordine & modo beneficia conferantur Ecclesiastica, & in qualibet Cathedrali instituantur Theologus, qui bis aut semel in hebdomada lectionem habeat. 4. Denique ab omni Pontificatus administratione in spiritualibus & temporalibus ut contumax suspenditur *Eugenius IV.* & Pontificatus administratio ad Concilium devoluta decernitur: ex quo *Julianus Cardinalis*, Sedis Apostolicæ Legatus, & Concilii Præsides à Concilio discedens, se ad *Eugenium* *Ferrariam* contulit; cujus in locum deinceps sequentibus Sessionibus *Basileæ* habitis præfuit *Ludovicus* Cardinalis *Arelatenfis*.

In

In Sess. 32. an. cod. Kal. Aprilis.

Concilium *Ferrariense* damnatur, & cum ipso *Eugenio* Concilii Præsidente, ei quicumque interessent, excommunicantur.

In Sess. 33. an. 1439. 17. Kal. Junii.

Tres istæ propositiones, quas fidei veritates perperam dixere, fuere definitæ; quarum

1. Est quod Concilium generale universalem repræsentans Ecclesiam, sit supra Papam, & quemlibet alterum.

2. Quod Papa non possit Concilium legitimè congregatum, sine ejus consensu dissolvere, vel ad tempus aliud prorogare, vel de loco in locum transferre.

3. Qui has propositiones pertinaciter impugnat, hæreticus est.

In Sess. 34. an. cod. 7. Kal. Julii.

In *Eugenium* IV. tanquam notoriè contumacem; Ecclesiæ præceptis inobedientem, Synodaliū Canonum transgressorem, unitatis Ecclesiæ perturbatorem, simoniacum, perjurum, incorrigibilem, schismaticum, à fide devium, & jurium ac bonorum Ecclesiæ proditorem attentata est depositionis sententia, & omnibus ei deinceps ut Pontifici, sub poena hæreseos & beneficiorum privationis obedire vetitum.

In Sess. 35. an. cod. 6. Idus Julii.

Declaratum est, juxta Sessionis undecimæ decretum, Concilium minime dissolvi posse, etiam per cujuscumque recessum, nisi de ipsiusmet Concilii Patrum consensu, & insuper assignata novi Pontificis electio, post sexagesimum depositionis diem.

In Sess. 36. an. cod. 11. Kal. Octobris.

Sententia de immaculata B. V. Deiparæ Conceptione, declarata est pia, sancta, cultui Ecclesiastico, fidei Catholicæ, rectæ rationi, sanctæ Scripturæ consona, ideoque tenenda; & altera ei contraria prædicari, vel doceri vetita, & ejusdem sanctæ Conceptionis festivitas sexto Idus Decembris celebrari iussa.

In Sess. 37. an. cod. 9. Kal. Novemb.

De variis ad futuram novi Pontificis electionem spectantibus actum est, & statutum ne Sede vacante, aliter quàm per Concilium Pontifex eligatur, nec ante sexagesimum vacationis diem; habeaturque pro Pontifice ille, quem duæ suffraganeum Cardinalium partes elegerint. Constitutum pariter est, ut electores omnes ante Conclavis ingressum Eucharistiam sumant, & juramentum juxta decretum 23. Sessionis. emittant; & ut electus se Catholicum semper fore, Concilia generalia observaturum, hæreses extirpatum, inchoatum Concilium hoc continuaturum promittat.

K 2 In

A parte
Basilicæ re-
manente
damnatur
Ferrariense
Concilium
cum ipso
Eugenio
Concilii
Præsidente.

In Sess. 34.
attentata
est *Eugenii*
IV. deposti-
tio, & assigna-
ta novi
Pontificis
electio ad
sexagesimu-
m depositionis
diem.

In Sess. 38. an. cod. 3. Kal. Novemb.

Post damnatum Eugenii IV. libellum, quo Concilii facta translatio defendebatur, & debitis Ecclesiæ censuris perstringebantur Basileensis Concilii Patres, statutum est, defunctis Ecclesiarum & Cœnobiorum Prælatiis, ad futuri successoris electionem absentes non esse expectandos, nec ultra duas dietas distantes vocandos, & deinde ad proximam novi Romani Pontificis electionem in locum Eugenii, designati sunt 32. diversarum nationum viri, qui soli cum Ludovico Alemando Arelatensi Archiepiscopo, S. Cæcilie Cardinali, Concilii Præside, & solo de Cardinalium Collegio pro Concilio contra Eugenium stante, proximè sequenti Sessione Pontificem eligerent.

Et in Sess.
39. promul-
gata est elec-
tio Felici
V. antea A-
medei Sa-
baudie Ducis.

In Sess. 39. an. cod. 15. Kal. Decemb.

Promulgata est, & à Concilii Patribus approbata & confirmata Amedei Sabaudie Ducis, tunc in Ripallie secessu solitarie degentis, in Pontificem electio, facta ab Arelatensi Cardinali, aliisque 32. diversarum nationum viris septima die, quintoque scrutinio post eorum in Conclave conventum.

In Sess. 40. an. 1440. 4. Kal. Martii.

Magnis precibus per Legatos obtentus, publicatus est Amedei in sui electionem consensus, impositoque illi Felici V. nomine, ei soli obedire universis Christi fidelibus præceptum, cassatis & annullatis iis omnibus quæ ab Eugenio IV. contradicente prodire possent.

In Sess. 41. an. cod. 10. Kal. Aug.

Sententia ab Eugenio IV. contra Felicem V. cæterosque ei adherentes Concilii Patres promulgata, una cum insertis calumniis, comminationibus & convitiis, nulla declaratur & irrita; damnaturque ut libellus famosus, schismaticus & hæreticus.

In Sess. 42. an. cod. pridie Nonas Aug.

Actum est de assignando Felici Papæ subsidio, & ei assignatus est ad quinquennium quintus Ecclesiasticorum omnium proventus denarius, & finito quinquennio, decima eorumdem bonorum pars ad aliud quinquennium decreta; & collectoribus vetitum, ne quid ultra pro suis laboribus exigant, contentique sint salario sibi ex Camera Felici assignando.

In Sess. 43. an. 1441. Kal. Julii.

Ad turbas Ecclesiæ sedandas, pacemque inter fideles intercessione Deiparæ Virginis impetrandam, latum est decretum pro festo *Visitationis B. Mariæ Virginis*, sexto Nonas Julii annuatim celebrando.

In

In Sess. 44. an. cod. 5. Idus Aug.

Statuitur, eos qui occasione hujusce Basileensis Concilii, fuerint apud Eugenium IV. suis Beneficiis spoliati, in integrum restituendos esse, de-
tentoresque deiciendos, implorato, si opus sit, brachii secularis auxi-
lio.

In Sess. 45. an. 1442. 14. Kal. Julii.

Pro loco futuri Concilii gravissimis de causis post triennium ab hac die
computandum celebrandi, nominatur Lugdunum; nec tamen se hoc Basile-
ense Concilium dissolvere velle, sed potius continuare declarant Con-
cilii Patres. Quod si Basileæ illud continuare quid obstat, nominatur Lau-
sana, ejusdem Bisuntinæ Provinciæ civitas, ad quam declaratur transla-
tum, & ibi re ipsa deinceps nonnullæ sunt habitæ sessiones; sed in quibus
nihil aliud memorabile gestum, præterquam quod Felix Antipapa ad pa-
cem Ecclesiæ dandam, Friderici Imperatoris hortatu, suo se lubens abdi-
cavit Antipapatu, & suum paulò post rediit in Ripalliæ secessum.

ARTICULUS XX.

De Concilio Florentino, anno 1438.

*Sub Eugenio IV. Rom. Pont. pro damnandis Græcorum erroribus, &
uniendis iisdem cum Ecclesia Latina Græcis.*

EX eo tempore, quo post 25. Sessionem œcumenicam esse desiit Ba-
sileense Concilium, & duas in partes scindi, quarum una remanente
Basileæ, & altera cum Eugenio IV. & Eugenii IV. decreto Ferrariam trans-
lata, aliud pro Græcorum cum Latinis unionē, Ferrariæ cœpit haberi
Concilium, anno 1438. ad quod vocatis de jure vocandis, venerunt Impe-
rator ipse *Paleologus*, & Josephus Patriarcha Constantinopolitanus, va-
riique Præfules alii, tum Græci, tum Latini, numero 141. Quo in Concilio
Ferrariæ sic congregato, sexdecim sunt habitæ sessiones; sed tandem ob
dirius grassantem Ferrariæ pestem, rursus Ferraria *Florentiam* translatum
est Eugenii decreto Concilium, ubi post novem alias sessiones habitas se-
liciter conclusum, unde & *Florentinum* vulgò dictum, licet tam Ferrariæ
quam Florentiæ Synodica gesta completens.

Brevis &
Historica
Summa
Concilii
Florentini.

Acta Synodica Ferrariæ.

Cum Joannes Paleologus Orientis Imperator, & Josephus Constantino-
politanus Patriarcha Ferrariam appulissent, eosque debito cum honore
Summus Pontifex Eugenius IV. una cum Cardinalibus excepisset, donec ritu
solemni inchoaretur Synodus; & interim ne frustra fluere præfixum absen-
tibus tempus, petentibus & consentientibus Græcis, de *Purgatorio* & de
Beatitudine multiplex est habita privata collatio: sed tandem ingravescente
Ferrariæ peste, solennes haberi cœperunt & accelerari Sessiones.

Per 16.
sessiones
Ferrariæ ce-
lebrati.

In 1. Sess. die 8. Octobris habita.

Magnus Bessarion Nicænus Archiepiscopus, Græcorumque doctissimus elegantem ad Patres sermonem habuit.

In 2. Sess.

Andreas Rhodi Archipræsul non minùs eleganter perorans, Summi Pontificis, Imperatoris, Patriarchæ, & Synodi laudes celebravit.

In 3. seqq. ad 15.

Varie inter Latinos & Græcos disputationes habitæ more dialectico, de 5. punctis præcipuis inter hos & istos controversis; videlicet 1. De processione Spiritus sancti à Patre & Filio. 2. De additione particulæ *Filioque* ad Symbolum. 3. De azymi vel fermentati panis usu, pro materia sacrificii. 4. De Purgatorio. Et 5. de Romani Pontificis Primatu.

In 16. Sess.

Ob magis ingravescentem Ferrariæ pestem, editum est de Concilio Ferraria Florentiam transferendo decretum.

Acta Synodica Florentia.

In Sess. 17. die 26. Feb. anno 1439.

Sed Florentia per 9. sessiones alias feliciter conclusa, ob grassantem Ferrariæ pestem.

Conclusum est, ut Græci privatim inter se convenirent de modo in eundem concordie & unionis, quem in Sessione proximè futura proferrent.

In Sess. 18. & sequentibus usque ad 25.

Continuatæ sunt disputationes de processione Spiritus sancti à Patre & Filio, & de additione particulæ *Filioque*, & tandem feliciter conclusum, ex sententia etiam Græcorum, Spiritum Sanctum à Patre Filioque procedere, ritèque additam fuisse Symbolo particulam *Filioque*: Sicque suos deponentes errores, cum Latinis convenere Græci de processione Spiritus Sancti, cæterisque ferè omnibus controversis capitibus. Cum tamen de panis transubstantiatione suorum sententia in hæsisset, subitoque correptus morbo, mortem imminere sibi sentiret *Josephus Patriarcha* Constantino-politanus, statim fidei confessionem scripsit, qua se per omnia cum Romana Ecclesia sentire testatur; quem imitati idem postea cæteri fecere Græci: ex quo secutum est decretum unionis, seu definitio, sive hæræ unionis utriusque Ecclesiæ, continentes definitionem à 12. selectis viris Græcè simul & Latine conscriptam; & tandem die 6. Julii anno Domini 1439. publicè post solemne sacrum lectæ sunt, & Synodi Patrum subscriptionibus approbatæ.

De-

Decretum unionis Græcorum.

In quo
decreta est
Græcorum
cum Lati-
nis unio.

Istud Græcorum cum Latinis unionis decretum, seu literæ unionis vulgò dictæ, sive definitio œcumenicæ Florentinæ Synodi pro Græcorum cum Latinis unione, cujus initium est:

Latentur Cæli, & exulet terra: sublatuſ est enim de medio paries, qui Occidentalem Orientalem dividebat Eccleſiam, & pax atque concordia rediit, &c. quatuor continet Synodi decreta pro Græcis.

1. Est quòd Spiritus Sanctus à Patre Filioque procedat; quòdque particula *Filioque*, veritatis declarandæ gratia, & imminente tunc neceſſitate rationabiliter ſit addita Symbolo.

2. Quòd ſive in azymo, ſive in fermentato pane triticeo Corpus Chriſti veraciter conficitur; Sacerdotesque debere in alterutro ipſum Domini Corpus conficere, unumquemque ſcilicet juxta ſuæ ſive Occidentalis, ſive Orientalis Eccleſiæ morem.

3. Quòd animæ in charitate decedentes, antequam dignis pœnitentiæ fructibus de commiſſis ſatiſfecerint, pœnis purgatoriis poſt mortem purgentur, eiſque proſint vivorum ſuffragia.

4. Quòd Romanus Pontifex in univerſum orbem teneat primatum; quòd ſit verus Petri Succellor, & Chriſti Vicarius, totiufque Eccleſiæ caput, &c.

Decretum Eugenii IV. pro Armenorum unione.

Cùm poſt aliquot dies à Græcorum cum Latinis unione, veniſſent Armenorum Patriarchæ Legati, petentes & ipſi unionem rectamque fidei regulam, benignèquæ fuiſſent recepti, & per viros peritiſſimos ad hoc deputatos, de ſua fide diligenter interrogati, variuſque diſputationibus, collo- cutionibus & tractatibus probati, tandem eorum cum Latinis decreta feliciter unio; quæ ut firmiter duraret, & in fide Catholica non ampliùs hæſitaret per Septentrionem & Orientem in magna copia diſfuſus Armenicus ille populus, orthodoxæ fidei compendium ei tradidit Eugenius hoc in decreto, anno 1439. die verò decimo Kalendas Decembris, incipitque ſic:

Finitoque
Concilio
ſecuta eſt
Armeno-
rum unio
& Eugenii de-
creto.

Exultate Deo adjutori noſtro, jubilate Deo Jacob omnes qui ubique nomi- ne cenſemini Chriſtiano. Ecce enim iterùm recordatus Dominus miſericordiæ ſuæ, alium diſſidii lapidem, nongentis & ampliùs inveteratum annis, de Eccleſia ſua auferre dignatus eſt; & qui facit concordiam in ſublimibus, & per quem in terra pax eſt hominibus bona voluntatis, optatiſſimam Armenorum unionem ſua ineffabili miſeratione conceſſit benediſtus Deus, & Pater Domini noſtri Jeſu Chriſti, Pater miſericordiarum, & Deus totiùs conſolationis, qui conſolatur nos in omni tribulatione noſtra, &c. Quo in decreto, inſtruuntur Armeni ſummatim & breviter de orthodoxa Fide, quam ſequi debent, & quam Romana ſequitur Eccleſia; &

1. Traditur eis tenendum Symbolum Fidei Conſtantinopolitanum, cum additione particulæ *Filioque*, & cum obligatione iſtud cantandi inter Miſſarum ſolemnia.

2. Definitio Concilii Chalcedonenſis in quinto & ſexto Concilio renova- ta, de duabus in una Chriſti perſona naturis..

3. Definitio de duabus Christi operationibus in præfato sexto Concilio promulgata.

4. Declaratur eisdem Synodum Chalcedonensem & B. Leonem sanctè & rectè veritatem de duabus Christi naturis definiisse, contra Nestorii & Eutychetis dogmata; cæterasque universales Synodos, auctoritate Romani Pontificis legitime celebratas, ab eis suscipi mandatur.

5. Veritas Sacramentorum, seu Ecclesiæ Romanæ de Sacramentis doctrina, in formula quadam redacta traditur.

6. Compendiosa Fidei regula per beatissimum Athanasium edita, seu Symbolum S. Athanasii, videlicet, *Quicumque vult salvus esse*, præbetur ipsis.

7. Librorum sacrorum catalogus eis declaratur, seu qui sint Libri Canonici in Ecclesia recepti notatur.

8. Forma consecrationis Corporis & Sanguinis Christi tenenda traditur.

9. Contra quorundam quartas nuptias damnantium errorem, declaratur quartas nuptias & ultiores valere, modò non obstat impedimentum; quæ, & cætera Romanæ Ecclesiæ dogmata lubenter & humiliter amplexi sunt & ipsi Armeni, sicque feliciter consummata illorum cum Ecclesia Romana unio, quam deinde subsecuta est Jacobitarum reconciliatio, hoc est, unio Orientalium aliorum adherentium Jacobo Zanselo viro natione Syro, Eutychetis & Dioscori dogmata sequenti.

Decretum Eugenii IV. pro Jacobitarum unione.

Cui accessit decretum alterum pro Jacobitarum unione.

Consummata *Græcorum & Armenorum* cum Latinis unione, Andreas Monasterii S. Antonii in Ægypto Abbas, & Orientalium *Jacobitarum* Patriarchæ Legatus, Florentiam ad Eugenium venit, ut suo Jacobitarumque omnium nomine, eandem peteret & iniret cum Romana Ecclesia unionem; quod & feliciter egit anno 1441. pridie Nonas Februarii, & ea de causa decretum edidit aliud Eugenius IV. quod sic incipit:

Cantate Domino, quoniam magnificè fecit: annuntiate hæc in universa terra. Exulta & lauda habitatio Sion, quoniam in medio tui Sanctus Israel. Cantare profectò, & exultare in Domino decet Ecclesiam Dei pro hac grandi magnificentia, & gloria nominis sui, quam hodierna die clementissimus Deus operari dignatus est.

Ecce enim nondum exacto triennio, in hac sancta æcumenica Synodo saluberrimam trium magnarum nationum unionem Dominus noster Jesus Christus, pro sua insatigabili pietate, ad commune perenneque totius Christianitatis gaudium tam copiosè effecit. Unde altum est, ut totus ferè Oriens, qui gloriosum Christi nomen adorat, ac non parva Septentrionis portio, post longa diffidia cum sancta Romana Ecclesia in eodem fidei & charitatis vinculo convenerint: primùm etenim Græci & hi qui subsunt quatuor Patriarchalibus sedibus, multas gentes, nationesque, & idioma continentibus; deinde Armeni multorum populorum gens; hodie verò Jacobiti, magnetiæque per Ægyptum populi, sanctæ Sedi Apostolica uniti sunt, &c. Decretum autem illud pro Jacobitarum unione ac instructione, eadem continet compendiosè fidei Catholicæ capita, quæ decretum pro instructione Armenorum, & dicitur vulgò decretum Eugenii, sicut & decretum pro Armenis.

Dices. Cur decretum illud pro Armenis dicatur decretum Eugenii IV. simi-

simpliciter, & non decretum seu definitio Concilii Florentini? Resp. ideo sic dici, quia re ipsa non est editum à Concilio Florentino, sed ab Eugenio IV. post Græcorum discessum, & jam soluto Concilio; solum enim fuit Concilium & conclusum an. 1439. pridie Nonas Julii. Istud autem pro Armenis decretum editum quidem est an. 1439. sed longè post, decimo nempe Kalendas Decembris. Magnæ tamen est auctoritatis decretum illud apud omnes, licet non sit Concilii Florentini œcumenici, quia ab universa probatum & receptum Ecclesia.

Instabis. Dum in Concilio Tridentino probaret olim Episcopus Clodensis, Bullam unionis Jacobitarum non esse Concilii Florentini, ex eo quòd Concilium Florentinum finitum esset an. 1439. quo facta est Græcorum unio, & Bulla unionis Jacobitarum data esset an. 1441. Ad hoc respondit Cardinalis à Monte dicens: *Allucinari eos, qui putant finem Concilii Florentini esse unionem Græcorum, cum longè post, per tres scilicet serè annos perduraverit, usque videlicet ad annum 1442. quo anno 6. Kalendas Maji celebrata sessione translatus est Romam.* Id ita esse constat ex Actis Concilii Tridentini, in arce S. Angeli servatis; ergo durabat adhuc Florentinum Concilium, dum editum est decretum unionis Jacobitarum; ergo & à fortiori, dum editum est pro Armenis decretum longè antèrius. Resp. permisso antecedente, negando consequentiam; quia potuit post Græcorum discessum & unionem, perseverare Concilium, & dici Florentinum, quia Florentiæ habitum; sed non œcumenicum, quia non universam representans Ecclesiam, sed Ecclesiæ partem dumtaxat unam, videlicet Occidentalem, non Orientalem, quæ cum Græcis recesserat, & nullus remanserat Orientalis Patriarcha, nec Patriarchæ Legatus. Ad hoc autem ut œcumenicum dici possit Concilium, & universam representare Ecclesiam, requiritur ut in eo sint vel per se, vel per Legatos, Orientalis Ecclesiæ Patriarchæ, si Catholici sint: unde est quòd in septimo Concilio œcumenico, actione 6. declaratum fuit Constantinopolitanum Concilium sub Copronymo Imperatore contra sacras Imagines habitum, non fuisse œcumenicum, quia in eo defuerant Patriarchæ. Unde pariter est, quòd in octavo œcumenico Concilio, Nicæno videlicet II. actione 9. cum Legatus Alexandrini Patriarchæ advenisset, gavisi sunt Concilii Patres gaudio magno, dicentes: *Glorificamus Deum, qui, quod deerat universali Synodo, supplevit.*

Urgebis. *Eugenius IV.* tradens hoc unionis decretum pro Jacobitis anno 1441. pridie Nonas Februarii, dicit expressè se illud tradere, *sacro approbante œcumenico Concilio Florentino*; ergo œcumenicum erat adhuc Concilium illud; ergo & à fortiori dum tradidit decretum pro Armenis, an. 1439. quatuor videlicet mensibus post Græcorum unionem, & eorundem à Concilio discessum. Resp. permisso antecedente, neg. consequentiam; quia licet Eugenius IV. dicat se tradere illud sive Armenorum, sive Jacobitarum unionis decretum, *sacro approbante Concilio œcumenico Florentino*, non sequitur Concilium illud post Græcorum discessum Florentiæ habitum, esse œcumenicum; quia *Eugenius IV.* sic loquens, intelligi potest loqui de Concilio Florentino verè œcumenico, & ante discessum Græcorum habito & finito; ita ut velit dicere, se eis hoc decretum unionis tradere, *sacro approbante Concilio œcumenico* licet jam soluto, quatenus præfati Concilii Patres Græci, ante quorum recessum venerant Armeni, approbarunt ipsum Armenorum laudabile unionis, cum Romanæ Ecclesia votum; & quia ipsi Græci

ad discessum erant jam parati, hujus unionis peragenda negotium Eugenio IV. & Latinis remanentibus Patribus reliquerunt; & sic in hoc sensu loquens Eugenius, verè potest dicere se illud tradere decretum, *sacro approbante Concilio æcumenico Florentino*, quin sequatur æcumenicum esse Concilium illud Florentiæ post Græcorum discessum habitum, de quo non est censendus loqui; hoc enim Concilium Florentiæ post Græcorum discessum habitum, non est magis æcumenicum, quàm illud idem Concilium Florentia Romam translatum, & in Laterano continuatum, ac Lateranense dictum, quod nemo æcumenicum dicit, quamvis illud æcumenicum vocet ipse Eugenius IV. in alio unionis decreto pro Syris, & in altero pro Chaldeis & Maronitis; varia enim alia edidit unionis decreta Eugenius, post Græcos, Armenos, & Jacobitas unitos, nempe pro *Aethiopibus*, pro Syris, pro Chaldeis & Maronitis.

Florentia enim Romam translato Concilio, & in Urbem reverso Eugenio IV. anno 1442. ad ipsum venire postulantes unionem Legati Zartæ, potentissimi *Aethiopum* Imperatoris, *Presbyteri Joannis* vulgò dicti: erant enim *Aethiopes* isti iisdem quibus & Jacobitz erroribus impliciti; sed iis abjuratis, fidem Catholicam professi, speciali unionis decreto recepti sunt.

Post illos
omnes uni-
ti tandem
Chaldæi &
Maronitz
insulæ Cy-
pri populi.

Per Legatos suos paulò post, anno scilicet 1444. venire & Syri inter Tigrim & Euphraten habitantes populi, qui de Spiritus Sancti processione, & aliis quibusdam non rectè sentiebant articulis; sed instructi sanam fidem amplexi, pariter uniti.

Post illos omnes, anno 1445. venire *Chaldæi & Maronita* in insulâ Cypri degentes populi, qui suos similiter post abjuratos errores; (nestorianizabant enim Chaldæi, & monothelizabant Maronitz) & fidem Catholicam reverenter amplexi, speciali similiter unionis decreto ab Eugenio recepti.

ARTICULUS XXI.

De Concilio Lateranensi V. anno 1512.

Sub Julio II. & Leone X. contra Conciliabulum Pisanum, & pro reformandis Ecclesiæ moribus, Christianis Principibus mendis, & promovenda in Turcas expeditione sancta.

Brevis &
historica
Concilii
Lateranen-
sis quinti
summa.

Cum Conciliabulum Pisis congregassent olim Cardinales in *Julium II.* Rom. Pont. anno 1511. eo videlicet prætextu, quòd non itaret promissis, nec juramento sua in electione prædito, de generali convocando Concilio intra primum à sua consecratione biennium, pro reformandis Ecclesiæ moribus, & ineunda inter Christianos Principes pace; idque dolens cum cerneret *Julius*, ad subito medendum tali nascentis schismatis malo, nec non ad reformandos Ecclesiæ mores, pacem inter Christianos Principes ineundam, & promovendam in Turcas expeditionem sanctam, istud tandem Concilium in Laterano celebrandum indixit: ad quod undique vocati Prælati omnes, sed cui interfuere 114. dumtaxat, inter quos, numerabatur Cardinales 18. Patriarchæ Orientales duo, Alexandrinus videlicet & Antiochenus, Archiepiscopi & Episcopi plures, Principum Ora-
tores,

tores, Doctores, Abbates, & Ordinum Generales multi, videlicet *Thomas de Vio* Cajetanus, Ordinis Prædicatorum Generalis, *Timotheus* Ordinis FF. Minorum, *Aegidius* Ordinis Eremitarum S. Augustini, *Bernardus* Ordinis Carmelitarum, *Basilus* Abbas & Generalis Vallisumbrosæ, *Petrus* Camaldulensis Ordinis, & Dominus *Angelus* Ordinis S. Mariæ Servorum Generalis; quibus præfuit ipse *Julius II.* ad quartam usque Sessionem: qua finita, ipso ægrotante Julio, quintæ præfuit sessioni *Raphael* Cardinalis, Ostiensis Episcopus; cæteris sessionibus septem sequentibus præfuit *Leo X.* recenter electus. Inchoatum est itaque Concilium istud die 10. Maji, anno 1512. & die 13. Martii, anno 1517. duodecim sessionibus feliciter conclusum.

In 1. Sess. die 10. Maji.

Julius II. sermone ad Patres habito, vehementer hortatus est eos ad solerter insistendum pro schismatis extinctione, Ecclesiæ reformatione, Principum Christianorum concordia, & in Turcæ expeditione promovenda, lectæque Concilii indictionis Bulla, qua aperit causas de celebrato nondum Concilio toties optato & promisso, sed huc usque dilato.

Quatuor prioribus sessionibus præfuit *Inlin II.*

In 2. Sess. die 17. Maji.

Sermonem habuit *Cardinalis Cajetanus Thomas de Vio.* Lecta est postea Bulla Concilium Pisani annullans & reprobans, & Concilium istud Lateranense quintum legitime congregatum esse, omnium suffragio definitum est.

In 3. Sess. die 3. Decembris.

Lectæ est Bulla altera, ejusdem Pisani Concilii, præfatorumque Cardinalium reprobans acta, eisque concessa revocans privilegia.

In 4. Sess. die 10. Decembris.

Lectæ pariter Bulla alia, qua abrogatur pragmatica sanctio, omniaque ejus occasione in Pisano Concilio gesta rescinduntur.

In 5. Sess. die 16. Februarii, anno 1513.

Ægrotante *Julio II.* Romano Pontifice, præfuit Ostiensis Episcopus Cardinalis, & recitata est Bulla de simonia in electione vitanda, omniumque consensu definitum, simoniacam Romani Pontificis electionem esse nullam, Cardinalesque sic eligentes, aliosque quoscunque consilio, vel auxilio, ad talem concurrentes electionem, canonicas depositionis vel irregularitatis penas incurrere; & hac finita sessione, quadriuo post obiit *Julius II.* die 25. Februarii ejusdem anni; & 11. Martii ejusdem anni, ei canonicè subrogatus est Cardinalis de Medicis, qui Leonis nomine sumpto, dictus est *Leo X.* & Concilii continuationem ad 27. Aprilis diem promulgari mandavit.

Quintæ sessioni præfuit *Raphael* Cardinalis Ostiensis Episcopus ægrotante *Inlin II.*

Septem
ultimis aliis
præfuit Leo
X. recenter
electus post
obitum In-
lis II.

In 6. Sess. die 27. Aprilis.

Præfide ipso recenter electo Leone X. electi sunt, seu deputati 24. Prælati, & tres in classes cum Cardinalibus distributi, quarum una, de pace inter Christianos Principes componenda; altera de generali etiam Curiz Romanæ reformatione; & tertia de pragmatica sanctione abroganda, Fideque orthodoxa defendenda specialiter ageret.

In 7. Sess. die 17. Junii.

LECTI sunt Cardinalium Bernardini Carvajal, & Frederici de S. Severino supplices libelli, quibus veniam sibi postularunt indulgeri, & qui post aliquot dies simplici Clericali habitu induti, & ad pedes Summi Pontificis prostrati, post solemnem schismatis abjuracionem, pristinz dignitati sunt restituti.

In 8. Sess. die 19. Decembris.

Definitum est, animam hominis immortalem esse, atque in pluribus hominibus non unam, sed plures animas esse; & Philosophiæ Professoribus ideò mandatum, ut Ethnicorum principia, conclusiones & argumenta, quibus à veritate discrepant, fideliter explicant, eorumque sophismata solvant.

In 9. Sess. die 5. Maji, anno 1514.

LECTA est, & confirmata Concilii Lateranensis IV. Constitutio, de reformatione Curiz Romanæ, in qua inveniuntur constituta ab Innocentio III. novem ista:

1. Decernitur, ut de ætate & gravitate morum, ac literarum scientia, in personis promovendis in Episcopos & Abbates, diligenter inquiratur.

2. Statuitur, ne Episcopus, aut Abbas amoveantur & judicentur, non præmissa defensionis copia.

3. Providetur ne ulla deinceps Monasteria commendentur.

4. Prohibetur aniones perpetuas fieri, præterquam in casibus à jure permissis, & rationabili de causa.

5. Plura possidere beneficia incompatibilia ultra duo, nulla dispensatione concedendum esse decernit, etiam qualificato, nisi magna & urgens causa id exigat.

6. Mandatur Cardinalibus, ne extra Curiam Romanam resideant, ut Romano assistant Pontifici.

7. Puerorum magistris mandatur, ut eos non tantum bonarum literarum, verum etiam fidei, Religionis, bonorumque morum disciplina informent, eosque festivis diebus nihil aliud doceant, quam quæ ad Religionem, vel bonos mores spectant.

8. Antiores contra Simoniacos editæ renovantur Constitutiones.

9. Statuitur, ut quilibet habens beneficium, si post sex menses ab ob-
tento beneficio, divinum Officium non dixerit, non tantum pro rara
tem-

temporis, officique intermissi fructus teneatur restituere; sed etiam si pergat ulterius contumaciter omittere, legitima monitione prævia, privetur beneficio.

In 10. Sess. die 4. Maji, anno 1513.

Montes pietatis multis in locis usurpati, & à S. Sede approbati, laudantur & approbantur, eorumque impugnatores excommunicantur; prohibetur insuper sub anathemate, ne ullus typis mandetur liber, nisi fuerit ab Ordinario, vel ab Inquisitore hæreticæ pravitatis approbatus.

In 11. Sess. die 19. Decembris, anno 1516.

Leſta est Decretalis de modo prædicandi verbum Dei, & de requisitis in prædicante. Publicata postea pragmaticæ sanctionis abrogatio, & pacta inter Leonem X. & Franciscum I. concordata, ejusque in locum substituta, ac sancitum Romanum Pontificem pro tempore existentem, tanquam auctoritatem super omnia Concilia habentem, Conciliorum indicendorum, transferendorum, ac dissolvendorum plenum jus & potestatem habere.

In 12. Sess. die 16. Martii, anno 1517.

Promulgata est & approbata constitutio Leonis X. excommunicans omnes, Cardinalium domos invadentes in nova Romani Pontificis electione; quibus peractis, finitum est Concilium, & ab ipso Leone X. speciali diplomate confirmatum.

Et Concilium sit 12.
Sessionibus completum
speciali diplomate confirmatum.

Notandum.

Contra eos qui de animæ nostræ immortalitate perperam & impie dubitant, placet hic formalia & expressa Sessionis octavæ Concilii verba referre, quorum tenor hic est:

Cum diebus nostris nonnulli ausi sunt dicere de natura animæ rationalis quod mortalis sit, aut unica in cunctis hominibus: & aliqui temerè philosophantes (secundum saltem Philosophiam) verum esse asseverant, sacro approbante Concilio & reprobamus omnes asserentes animam intellectivam mortalem esse, aut unicam in cunctis hominibus, & hæc in dubium vertentes. Cum illa non solum verè & per se & essentialiter humani corporis forma existat, sicut in Can. *Clementis Papa V.* in generali Viennensi Concilio edito continetur, verum & immortalis, & pro corporum quibus infunditur multitudine singulariter multiplicabilis & multiplicata & multiplicanda sit, quod manifestè constat ex Evangelio, cum Dominus ait: *Animam meam occidere non possunt*; & alibi: *Qui odit animam suam in hoc mundo, &c.* & etiam cum æterna præmia & æterna supplicia pro merito vitæ judicandis repromittit, aliàs Incarnatio & alia Christi mysteria nobis minimè profuissent, nec resurrectio expectanda foret, ac Sancti & Justi miserabiliores essent, juxta Paulum, omnibus hominibus. Cumque verum verò minimè contradicatur, omnem assertionem veritati illuminatæ fidei contrariam, omnino falsam esse definimus, & ut aliter dogmatizare non liceat, districtis inhibemus, omnesque hujusmodi erroneis assertionibus inhzrentes, tanquam hæreticos vitandos & puniendos fore decernimus.

In-

Insuper omnibus & singulis Philosophis in Universitatibus studiorum generalium, & alibi publicè legentibus, districtè præcipimus, ut cum Philosophorum principia aut conclusiones, in quibus à recta fide deviare noscuntur, auditoribus suis legerint (quale hoc est de mortalitate animæ, aut unitate, & mundi æternitate, ac alia hujusmodi) teneantur eisdem veritatem Religionis Christianæ omni conatu manifestam facere, & persuadendo pro posse, docere, ac omni studio hujusmodi Philosophorum argumenta, cum omnia solubilia existant, pro viribus excludere atque resolvere.

ARTICULUS XXII.

De Concilio Tridentino, anno 1545.

Sub Paulo III. Julio III. & Pio IV. Romanis Pontificibus ad damnandas Lutheri, Calvini, ac sequacium Novatorum hæreses; reformandosque Cleri ac populi mores.

Brevis &
historica
Concilii
Tridentini
summa.

Post Clementis VII. Romani Pontificis obitum, ad supremum Pontificatum evectus Paulus III. dum cerneret Martini Lutheri grassantes in Germania, & in toto ferè Septentrione bullientes hæreses, collapsam undequaque penitis Ecclesiæ disciplinam, corruptos ubique fidelium mores; sollicitus de congruo tot malis ferendo remedio, Concilium istud sacrosanctum œcumenicum ac generale postremum, Mantuæ primò celebrandum indixit. Verùm id non patiente certis de causis Friderico Mantuano Duce, Vicentiæ celebrandum promulgavit: sed novis iterum postea emergentibus obstaculis, Tridentum, optatum à Germanis oppidum, cæterique Christo subditis nationibus opportunum, rursus & ultimò convocavit; ibique cœptum est anno Christi 1545. continuatumque sub Julio III. Et licet pluries variis temporum injuriis intermissum, bellorum procellis jactatum, & inimicorum insidiis turbatum, post elapsam decem & octo annorum intervallum, post 25. Patrum Sessiones habitas, post varia pro reformatione & disciplina edita decreta, post editos Canones 27. supra centenos, tandem sub Pio IV. Romano Pontifice, divini Spiritus aura favente, ad diu optatum conclusionis portum feliciter ductum anno Christi 1563. ejusque acta ad nos usque hoc ordine perducta, ut sub Paulo III. decem priores inveniantur Sessiones habitæ, sub Julio III. sex sequentes aliz, & sub Pio IV. novem celebratæ postremæ. Quid autem in unaquaque notabile gestum fuerit, docebit hic annexa brevis singularum Sessionum historiz summa, deprompta ex hist. Concilii Palavic. Baronio, ex Spom. Surio, & ex 14. Conciliorum tom. edit. Labb. &c.

Quod per
Sessiones
decem sub
Paulo III.
Rom. Pont.
fuit celebra-
tum.

Sub Paulo III. Romano Pontifice 1545.

In 1. Sess. anno 1545, die 13. Decembris habita.

Concilio Præsidentibus Sedis Apostolicæ Legatis à Paulo III. Romano Pontifice missis, Joanne Maria de Monte, Marcello Cervino, & Rinaldo Polo S. R. E. Cardinalibus, præsentibus Archiepiscopis quatuor & Epi-

Episcopis duobus supra viginti, & Religiosorum Ordinum Generalibus quinque, cum Doctoribus & Theologis diversæ nationis numero multis, post præmissa solemnia sacra supplicationesque debitas, & concionem habitam à Cornelio Musso ex Ordine FF. Minorum, Episcopo Bituntino, aperta est hæc prima Concilii Sessio die 13. Decembris S. Lucie Virgini & Martyri sacra; in qua lecta est Sedis Apostolicæ Legatorum ad Patres admonitio sive adhortatio, declaratum cœptum esse Concilium, & indicta secunda futura Sessio in diem Januarii sequentis septimam.

In 2. Sess. an. 1546. die 7. Jan.

Cui interfuere ut Præsides, iidem Sedis Apostolicæ Legati, cum quatuor præfatis Archiepiscopis & 28. Episcopis, tribusque Benedictinis Abbatibus, & Ordinum Generalibus iidem qui supra, videlicet Generalibus Ordinis Minorum Observantium, Conventualium, Eremitarum S. Augustini, Carmelitarum, B. Mariæ Servorum. Post solenne sacrum ab Episcopo *Castelli-maris* peractum, & concionem habitam ab Episcopo *S. Marci*, lectum est decretum de modo vivendi, & aliis in Concilio servandis: quo ab omnibus approbato, cum certis quibusdam exemptionibus additis, declaratum est quod si fortè contigerit aliquos in debito non federe loco; vel sententiam proferre, congregationibus interesse, & alios quoscunque actus durante Concilio gerere, nulli propter præjudicii vel novi juris acquisitionem iri; & deinde indicta futura Sessio in diem 4. Februarii proximè futuri.

In 3. Sess. eod. anno, die 4. Febr.

Interfuere de novo Cardinales quinque, Archiepiscopi 6. & 30. Episcopi cum iidem Abbatibus & Ordinum Generalibus iidem, & Præsides iidem Sedis Apostolicæ, post sacra solemnia à Panormitano celebrata Archiepiscopo, & habita concione ab Ambrosio Catharino Dominicano; visum est Concilii Patribus, fidei morumque decreta differenda, donec venirent alii Concilii Patres, & frequentior esset Synodus. Interim ne vacua videretur hæc Sessio, quasi nihil gestum in ea; lectum est decretum de fidei Symbolo, præmittendo velut rerum omnium definiendarum principio, in quo omnes qui Christi fidem sequuntur, necessario conveniunt; & indicta postea 4. Sessio in diem 8. proximè sequentis Aprilis.

In 4. Sess. eod. anno, die 8. Aprilis.

Præsidentibus iidem præfatis Sedis Apostolicæ Legatis, præsentibus Archiepiscopis novem; & Episcopis quadraginta & uno, cum Abbatibus & Ordinum Generalibus iidem, post celebratam Missam à Tutritanensi Archiepiscopo, & concionem habitam à Servorum Ordinis Generali, edita sunt decreta duo, primum videlicet de libris Canonicis & Traditionibus sacris, quo declarat sancta Synodus: *Se suscipere omnes libros tam veteris quam novi Testamenti, nec non Traditiones ipsas tum ad fidem, tum ad mores pertinentes, tanquam vel ore tenus à Christo, vel à Spiritu Sancto dictatas, & continua successione in Ecclesia Catholica conservatas pari pietatis affectu ac*
revere-

reverentia. Enumerat postea singulatim libros Canonicos omnes, juxta Concilii Carthag. III. Canonem 47. & Innocentii I. epistolam ad Exuper. S. Augustini librum de doct. Christ. cap. 8. & Gelasii in Romana Synodo criterium: additque anathema in eos, qui hujusmodi libros, traditionesque præfatas non susceperint.

Alterum verò decretum fuit de editione & usu factorum librorum, ad varios tollendos sacrarum Scripturarum abusus in versionibus, tum in interpretationibus, tum in editionibus; tanta siquidem erat versionum varietas, ut incerta redderetur divinæ Scripturæ veritas; tanta divinas Scripturas interpretandi licentia, ut suo quisque sensu eas exponeret, & in alienos pravosque sæpe sensus detorqueret; tanta denique ex parte Typothetarum in Scripturis edendis corruptela, ut eas sæpe ex corruptis exemplaribus ederent, & pravæ interpretationes adderent. Quibus ut occurrat abusus sacra Synodus, hoc in decreto tria præcipue decernit ista, 1. ex Scripturæ versionibus Latinis variis, Vulgatam pro authentica declarat habendam, ita ut eam nemo quovis prætextu rejicere audeat. 2. Prohibet ut nemo Scripturam sacram ad improprium detorqueat sensum, aut etiam contra unanimem SS. Patrum consensum interpretari præsumat. 3. Denique statuit atque vetat, ut nullus deinceps de rebus sacris imprimatur liber sine Ordinarii licentia, & sine expresso auctoris nomine, sub pœna anathematis & pecuniæ, in Canone Concilii novissimi Lateranensis apposita. *Decr. de impr. libr.*

In Sess. 5. eod. anno die 17. Junii.

Præsentibus iisdem Sedis Apostolicæ Legatis, & Archiepiscopis adstantibus iisdem, cum 50. pariter Episcopis, & variis vel Abbatibus, vel Generalibus, vel Theologis illustribus alijs, post Missam ab Alexandro Piccolomineo Pientino Episcopo celebratam, & concionem à Marco Aureo Dominicano Theologo dictam, edita fuere decreta duo, unum decretum de Peccato Originali, alterum de Reformatione.

Decretum de Peccato Originali quinque complectitur Canones, quorum

Primus anathematizat eos, qui primum hominem Adam per transgressionem divini mandati totum secundum corpus & animam in deterius commutatum fuisse non consentunt.

Secundus in eos anathema fert, qui Adæ prævaricationem ipsi soli, & non ejus propagini nocuisse asserunt; aut mortem duntaxat & penas corporis in omne genus humanum transfudisse, non autem peccatum.

Tertius eos anathemate ferit, qui Adæ peccatum, quod origine unum est & propagatione, non imitatione transfusum, omnibus inest unicuique proprium, vel per humanam naturam vires, vel per aliud remedium asserunt tolli, quàm per meritum unius mediatoris Domini nostri Jesu Christi; aut negant ipsum Jesu Christi meritum per baptismi Sacramentum in forma Ecclesiæ rite collatum tam adultis quàm parvulis applicari.

Quartus illis anathema dicit, qui parvulos recentes ab uteris matrum baptizandos negant, etiam si fuerint à baptizatis parentibus orti; aut dicunt in remissionem quidem peccatorum eos baptizari, sed nihil ex Adam trahere Originis peccati, quod regenerationis lavacro necesse fuerit expiari ad vitam æternam consequendam.

Quin-

Quintus denique anathematizat eos, qui per Jesu Christi gratiam, qua in baptismo confertur, reatum Originalis peccati remitti negant; vel asserunt non tolli totum id quod veram & propriam peccati rationem habet, sed illud tantum radi, aut non imputari; eosque qui sentiunt concupiscentiam ideo à Paulo Apostolo peccatum dici, quòd verè & propriè in renatis peccatum sit; definitque sancta Synodus, illam nocere non valere non consentientibus, & viriliter per Jesu Christi gratiam repugnantibus, & in renatis Deum nihil odisse. Dicitur autem concupiscentia peccatum, non quòd peccatum sit, sed quia ex peccato est, & ad peccatum inclinat.

Declarat insuper S. Synodus non esse suæ intentionis comprehendere in hoc decreto, ubi de peccato originali agitur, beatam & immaculatam Virginem Mariam, Dei genitricem; sed observandas esse constitutiones Sixti IV.

Decretum alterum quod est de reformatione, duo continet capita: Primum est de instituendo Theologo in singulis Metropolitanis & Cathedralibus Ecclesiis, imò & in insignium oppidorum Collegiis pro lectione Scripturæ sacræ, eique assignanda præbenda vel stipendio congruo alio, & de eligendo saltem Magistro in minoribus Ecclesiis, quarum tenues sunt annui redditus, qui Clericos, aliosque pauperes scholares Grammaticam gratis doceat. Alterum caput quod Evangelii prædicationem respicit, declarat omnes Episcopos, Archiepiscopos, Primates & omnes alios Ecclesiarum Prælatos teneri per se ipsos, si legitime non fuerint impediti, ad prædicandum sanctum Jesu Christi Evangelium: Si verò contigerit eos legitimo detineri impedimento, teneri juxta formam Concilii generalis Lateranensis, viros idoneos assumere ad hujusmodi prædicationis officium salubriter exequendum.

In Scff. 6. anno 1547. die 13. Jan.

Præsidentibus Joanne Maria de Monte, & Marcello Cervino S. R. E. Cardinalibus & de latere Legatis, assistantibus duobus Cardinalibus aliis, decem Archiepiscopis & quadraginta septem Episcopis, duobus Abbatibus & Ordinum Religiosorum Generalibus quinque, videlicet Francisco Romano Ordinis Prædicatorum, Bonaventura Pio Ordinis Minorum Conventualium, Hieronymo Seripando Ordinis Eremitarum S. Augustini, Nicolao Audeto Ordinis Carmelitarum, & Augustino Bonucio Ordinis S. Mariæ Servorum Generali; post præmissa & peracta sacra ab Andrea Cornaro Spalatenfi Archiepiscopo, & concionem habitam à Thoma de Stella Salpensî Præsule, edita sunt duo decreta alia; unum, in quo Catholica declaratur doctrina de Justificatione sexdecim capitibus, & oppositi damnantur hæreticorum errores tribus supra triginta Canonibus. Decretum alterum est de Reformatione, complectens capita quinque; quorum primum Prælatorum residentiam in suis Ecclesiis statuit, pœnas antiqui juris renovans, & novas decernens in non residentes. Secundum secundi ordinis Presbyteros beneficia possidentes de jure residentiam exigentia, per Ordinarios ad residentiam cogendos esse definit. Tertium Clericorum tam sæcularium quàm Regularium extra monasteria degentium crimina Ordinarii correctioni subijcit. Quartum Cathedralium, aliarumque majorum Ecclesiarum Capitula, eorumque personas à suis Episcopis aliisque majoribus Prælatibus visitari & corrigi posse decernit; non obstantibus quibuscumque exemptionibus vel

Appar. Annati T. II.

L

privi-

privilegiis. Quintum denique nulli Episcopo licere declarat Pontificalia in aliena exercere diœcesi, nisi de Ordinarii loci licentia.

In Sess. 7. anno cod. die 3. Martii.

Post celebrata mysteria sacra à Corcyrensi Archiepiscopo, omiſſa concione, quia qui concionaturus erat Episcopus S. Marci, raucus erat; præſidentibus iisdem qui ſuprà Sedis Apostolicæ Legatis, adſtantibus Archiepiscopis novem, & 55. circiter Episcopis cum Abbatibus & Ordinum Generalibus iisdem, promulgata ſunt decreta duo; unum reſpiciens Sacramenta, alterum reformationem. Primum continet 15. Canones de Sacramentis in genere, 14. de Baptiſmo in ſpecie, & 3. de Confirmatione; quibus damnantur recentes circa Sacramenta hæreticorum errores. Alterum quod eſt de reformatione, 15. complectitur capita, Beneficia incompoſſibilia vel poſſeſſores illorum ſpeſtancia ferè omnia. Hinc Tridento Bononiam tranſlatum eſt Concilium.

In Sess. 8. anno cod. die 11. Martii.

Tridenti graſſante morbo contagioſo, gravioriſque mali minitante periculo, cum jam 12. Episcopi alii petita, alii non obtenta licentia receſſiſſent, timereturque Concilii diſſolutio; editum eſt ac promulgatum decretum de tranſferendo Bononiam Concilio, præſidibus duobus iisdem Sedis Apostolicæ Legatis, ſex præſentibus Archiepiscopis, & 29. Episcopis, placuit translationis decretum 38. Patribus, contradicentibus & reclamantibus 14. aliis qui Tridenti remanere: Legati verò Bononiam commigrarunt, & cum illis Patres cæteri.

In Sess. 9. anno cod. die 21. April.

Præſidentibus duobus iisdem qui ſuprà Sedis Apostolicæ Legatis, & præſentibus iisdem qui cum illis Bononiam commigrarunt Concilii Patribus, poſt ſancta celebrata mysteria in Eccleſia S. Petronio dicata à Sebaſtiano Leccavella Naxienſi Archiepiscopo, & concionem habitam ab Ambroſio Catharino, Minoritano Episcopo; decreta eſt Sæſſionis prorogatio ad diem Jovis infra Pentecoſtes octavam, quia nondum videbatur ſufficiens Patrum numerus ad tractandam reliquorum Sacramentorum & reformationis materiam.

In Sess. 10. anno cod. die 2. Junii.

Variis iterùm de cauſis, ſed præſertim ob Germanorum & Gallorum Patrum abſentiam, quos nondum venire ſinebant Imperator, Chriſtianiffimusque Rex Henricus II. à quibus nondum erat probata Concilii tranſlatio, & quos tamen brevi adſuturos ſperabat S. Synodus; Præſidibus iisdem Sedis Apostolicæ Legatis, & iisdem præſentibus Concilii Patribus, decreta Sæſſionis prorogatio ad 15. diem Septembris proximè futuri: ſicque ſuſpenſa iterùm decretorum promulgatio, licet interim non omiſſa diſcuſſio dogmaticæ vel reformationis materiæ; & ſic in his duabus Sæſſionibus nona & decima Bononiæ celebratis nihil ferè deciſum. Approbata eſt

est interim Concilii translatio ab Henrico II. Christianissimo Rege; missique sunt ab eo ad Concilium Oratores Claudius Durfeus, & Michael Hospitalius, Parisiensis Parlamenti Senator; quibus & adjunctus Claudius Espenseus, sacre Facultatis Parisiensis Doctor; & die 14. Septembris anni 1547. habita est generalis congregatio in Legatorum residentie domo: in qua Cardinalis de Monte varias Patribus exposuit rationes Sessionis ad 15. diem à Concilio fixæ, ad alium incertum diem protogandæ. Placuit Patribus proposita prorogatio, & ad diem incertum, ad Concilii beneplacitum prorogata est Sessio undecima, quæ ad 15. Septembris diem fuerat indicta in præcedenti Sessione decima. Paulus III. interim selectis ex conventu Bononiensi & Tridentino Patribus, Romam venire iussit, ut ex illorum sententia disciplinæ sanctiones ederet, Concilium suspendit; missis hunc in finem ad Cardinalem de Monte literis, quas ille die 17. Septembris denuntiavit anno 1549. ut testantur acta à Card. Palavicino laudata lib. 11. cap. 4. Has inter moras moritur Paulus III. die 10. Novembris ejusdem anni 1549. cujus in locum electus est anno 1550. Cardinalis de Monte, ejus in Concilio isto Legatus, & dictus Julius III. qui Concilium resumpsit, & Tridenti continuandum indixit anno 1551.

Sub Julio III. Romano Pontifice.

In Sess. 11. anno 1551. die 1. Maji.

Per sex
sequentes
Sessiones
alias sub
Julio III.
continua-
tum.

Promulgato Julii III. mandato, de resumendo & Tridenti continuando Concilio; in nomine S. & individue Trinitatis, Patris, Filii & Spiritus Sancti, Kalendis Maji anno 1551. inchoatur Tridenti hæc prima sub Julio III. & Concilii undecima Sessio, Præsentibus in ea, vice Julii Romani Pontificis, missis ab eo hac de re Legatis, Marcello Cardinali Crescentio, Sebastiano Pighnio Archiepiscopo Sipontino, & Aloysio Lippomano Veronenſi Episcopo; præsentibus aliis qui tunc Tridenti aderant Concilii Patribus. In qua, post celebratum solemne sacrum à Marcello Crescentio, Cardinali Legato, & concionem habitam à Sigismundo Fedrio Franciscano, lecta sunt dno Julii III. summi Pontificis diplomata; unum videlicet de resumendo Concilio, alterum de eo ad Civitatem Tridentinam reducendo, ac de Legatis sive Præsidibus ad illud moderandum electis. Quibus peractis, indicta est futura Sessio ad Kalendas Septembris.

In Sess. 12. anno 1551. Kal. Sept.

Præsentibus iisdem Julii III. summi Pontificis Legatis, & præmisso, de more, solemni sacro à Baltasare Eredia Archiepiscopo Turritano celebrato, sed omiſſa concione, lecta est à Messarello Concilii secretario brevis de ratione vivendi parænesis, prolataque sunt & probata Oratorum Caroli V. Imp. & Ferdinandi Romanorum Regis mandata, indictaque futura Sessio in diem Octobris proximè sequentis undecimam. Cumque in præteritis Sessionibus, de Sacramentis in genere, de Baptismo & de Confirmatione in specie actum esset, in futura de S. Eucharistie Sacramento, nec non quod ad reformationem spectat de reliquis quæ ad faciliorem &

commodiorem Prælatorum residentiam pertinent, agendum esse monuit S. Synodus; hortans Patres omnes, ut interim Domini nostri Jesu Christi exemplo, quantum humana fragilitas parietur, jeuniis & orationibus vacent; ut tandem placatus benedictus Deus, corda hominum ad veræ fidei agnitionem & sanctæ matris Ecclesiæ unitatem, ac rectè vivendi normam reducere dignetur.

In Sess. 13. anno 1551. die 11. Octob.

Post peracta solemnia sacra à Joanne Bapt. Campeggio, Majoricensi Episcopo, & habitam de laudibus Eucharistiæ concionem ab Archiepiscopo Turritano; præsentibus iisdem Julii III. Legatis, præsentibus Germanis sacri Imperii tribus Ecclesiasticis Electoribus & Principibus Archiepiscopis, Moguntino, Trevirensi & Colonienſi, sexque Archiepiscopis aliis cum 40. circiter Episcopis, Oratoribusque Imperatoriis, Regis Romanorum, Brandenburgensisque Marchionis, ac nonnullis Abbatibus & Ordinum Generalibus, tria fuere edita decreta à Synodo.

Primum est de S. Eucharistiæ Sacramento, quo octo capitibus explicatur doctrina fidei de Eucharistiæ Sacramento, & undecim Canonibus damnantur hæreticorum errores.

Secundum est de Reformatione, octo pariter complectens capita, quæ Prælatorum jurisdictionem spectant, & appellationibus modum imponunt.

Tertium est de prorogatione definitionis quatuor articulorum, & de salvoconductu Protestantibus dando. Quatuor enim erant articuli de Eucharistia, super quibus Protestantes audiri postulabant, sibi que ea de causa salvoconductum concedi, seu securitatem fide publica dari; datusque eis salvoconductus, & prorogata illorum quatuor articulorum definitio: erant autem illi quatuor articuli, quatuor isti:

1. *An necessarium sit ad salutem & divino jure præceptum, ut singuli Christi fideles sub utraque specie ipsum venerabile Sacramentum accipiant.*

2. *Num minus sumat qui sub altera, quàm qui sub utraque specie communicat.*

3. *An erraverit sancta mater Ecclesia, laicos, & non celebrantes Sacerdotes sub panis specie dumtaxat communicando.*

4. *An parvuli etiam communicandi sint.*

In Sess. 14. anno 1551. die 25. Novemb.

Sacrofancta Synodus die 25. Novembris S. Catharinæ virginis & Martyri sacra, iterum in Spiritu Sancto congregata, præsentibus iisdem Julii III. Legatis, & præsentibus iisdem quibus suprà Concilii Patribus, solemniter celebrata Missa à Francisco Manriqueo, Auriensi Episcopo, & concionato Episcopo S. Marci, prolixè exposita est Catholica Ecclesiæ doctrina de Sacramentis Pœnitentiæ & Extremæ-Unctionis, & oppositi deinde damnati hæreticorum errores; editis hunc in finem Capitibus novem, & 15. Canonibus de Pœnitentiæ Sacramento; Capitibus verò tribus, & 4. Canonibus de Extrema-Unctione: editumque postea de reformatione decretum alterum tredecim complectens capita, Ecclesiæ Prælati & Beneficiarii, vel Clericos spectantia ferè omnia.

In Sess. 15. anno 1552. die 25. Januarii.

Congregatis iisdem Præsidibus à Julio III. Rom. Pontifice missis, & Concilii Patribus iisdem, & de novo novem aliis, die 25. Januarii anno 1552. post solemne sacrum à Nicolao Maria Caracciolo, Catanensi Episcopo, celebratum, & latine concionatum Joannem Baptistam Campegium, Majoricensem Episcopum, duo edita fuere decreta; unum de proroganda Sessione usque ad diem 19. Martii, ad expectandos Protestantium Theologos, ut eorum nomine postulatum fuerat à Vvitembergenfis & Saxoniz Ducum oratoribus; alterum fuit de novo salvoconductu seu publicæ securitatis libello eisdem Protestantibus dando, ad instar illius qui Boemis fuerat olim à Basileensi Concilio datus.

In Sess. 16. anno 1552. die 28. Aprilis.

Post præmissa solemnia sacra à Michaelæ à Turre, Cenetensi Episcopo, absente ob ægritudinem Marcello Cardinali Crescentio, & Præsidentibus Sebastiano Pighnio Archiepiscopo Sipontino, & Aloysio Lippomano Veronensi Episcopo; ob bella & perturbationes in Germania subortas, promulgatum est decretum de suspendendo ad biennium Concilio: ea tamen lege, ut si citius pax oriatum & rerum tranquillitas fiat, eo ipso tempore vim suam & vigorem suum habere & restitutum censeretur Concilium, absque ulla alia convocatione nova. Huic decreto assenserunt omnes Concilii Patres, duodecim ex Hispanis dissentientibus & reclamantibus; sed nihilominus non sublatis impedimentis omnibus, & interveniente Julii III. Romani Pontificis obitu, die 23. Martii anno 1555. duravit ad decennium præfata Concilii suspensio; quæ nec tolli potuit sub Marcello II. Julii III. successore, nec sub Paulo IV. post Marcellum electo, sed tandem sub Pio IV. feliciter sublata, & resumptum ac finitum Concilium anno 1563.

Sub Pio IV. Romano Pontifice 1562.

In Sess. 17. anno 1562. die 18. Januarii.

Congregato de novo, auctoritate Pii IV. Tridentino Concilio anno 1562. coepta est sub illo hæc Sessio prima, quæ est Concilii decima septima, die 18. Januarii, Romanæ B. Petri Cathedralis sacra: in qua Præsidentibus Hercule de Mantua, Hieronymo Scripando, Stanislaeo Varmieni, & Ludovico Simoneta S. R. E. Presbyteris Cardinalibus, & novis Sedis Apostolicæ Legatis; post solemnia sacra à Legatorum Principe celebrata, & concionem habitam à Gaspare à Fosso, Rhégiensi Archiepiscopo, ex Ordine Minorum assumpto, editum est decretum de Concilio quacumque sublata suspensione celebrando, juxta formam & tenorem literarum Pii IV. & de tractandis his debito servato ordine, quæ proponentibus Legatis, ipsi Concilio viderentur idonea ad levandas horum temporum calamitates, sedandas de Religione controversias, corrigendos depravatorum morum abusus, & veram Ecclesiæ pacem conciliandam; & indicta est futura Sessio in diem 26. Februarii proxime futuri.

Et sub Pio IV. feliciter conclusum, novem additis Sessionibus aliis.

In Sess. 18. anno 1562. die 26. Febr.

Cupiens sancta Synodus Catholica fidei doctrinam, multorum in se dissidentium opinionibus variis in locis inquinatam & obscuratam, in suam puritatem & primævum splendorem restituere, & mores qui à veteri instituto deflexerant, ad meliorem vitæ rationem revocare; animadvertensque in primis numerum excrefcere suspectorum & perniciosorum librorum, in quibus impura continetur doctrina, & longè latèque diffunditur, indeque varias fuisse latas à sancta Sede censuras, duo edidit decreta hac in Sessione 26. Februarii, post solemne sacrum à Jerofolymitano Patriarcha peractum, & habitam latinè concionem ab Antonio Cauco Patrarum Archiepiscopo, & Corcyrensi electo, præfidentibus iisdem novis Sedis Apostolicæ Legatis. Primum decretum est de librorum delectu, quo statuitur ut delecti ad hanc inquisitionem Patres, de censuris librisque quid factu opus esset diligenter considerarent, & ad eandem Synodum suo tempore referrent, quò facilius ipsa posset varias ac peregrinas doctrinas, tanquam zizania à Christianæ veritatis tritico separare, de hisque commodius deliberare & statuere quæ magis viderentur opportuna. Alterum est de salvoconductu Protestantibus Germaniæ dando, eo ferè modo quo Boemis in Basileensi Concilio, & cum extensione ad nationes alias, in quibus impunè docetur & creditur opposita fidei Catholicæ doctrina.

In Sess. 19. anno 1562. die 14. Maji.

Post celebratum solemne sacrum à Trivigiano Veneto Patriarcha, & concionem latinè peractam à Bergaldo Episcopo S. Agathæ, iisdem præfidentibus Pii IV. & Sedis Apostolicæ Legatis, decreta est Sessionis prorogatio, seu decreta quæ hac in Sessione statuenda erant, usque ad Feriam quintam post festum Corporis Christi, quæ erat pridie nonas Junii, prorogata sunt ac dilata, ut per literas postulaverat Ludov. Lanfacus Oratorum Christianissimi Regis nuns, donec ipse cum collegis & Gallicanæ Ecclesiæ Prælati ad Concilium veniret; & re ipsa postea venit ipse Lanfacus Regii ordinis eques, cum Arnaldo Ferrario Parisiensis Senatus Præside, & Guidone Fabro de Pibrac Judice majori Tolosano, qui die 26. Maji, quo in publico cætu recepti fuere, eleganter peroravit ac fortiter.

In Sess. 20. anno 1562. die 4. Junii.

Ob difficultates varias ex diversis causis obortas, & ut congruentius ac majori cum deliberatione procederent omnia, ut dogmata scilicet cum iis quæ ad reformationem spectant, simul tractarentur & sancirentur statuta, decreta est Sessionis prorogatio, post celebrata & præmissa solemnia sacra à Salmanticensi Episcopo, & latinè concionatum Ragazzonium Nazianzenum & postea Famaugustæ Episcopum, iisdemque præfidentibus à Pio IV. missis Sedis Apostolicæ Legatis; & indicta est futura Sessio in 16. diem Julii proximè futuri.

In Sess. 21. anno 1562. die 16. Julij.

Congregatis Concilii Patribus præfixa die 16. Julii, iisdemque præfidentibus Legatis, post solemne sacrum à Marco Cornelio Spalatenſi Archiepiſcopo, & concionem habitam ab Andrea Tiniensſi Epifcopo, doctrina Eccleſiæ Catholice de communione ſub utraque ſpecie, & parvulorum, quatuor Capitibus eſt declarata; & illi oppoſita & erronea hæreticorum dogmata totidem Canonibus damnata, editumque unum de reformatione decretum, complectens capita novem; quorum primo ſtatuitur, ut nihil Epifcopi aut alii Ordinum collatores, vel eorum miniſtri pro Ordinum collatione vel pro literis dimiſſoriis aut teſtimonialibus etiam ſponte oblatum, quovis prætextu accipiant, &c. Ut in Coriol. & Nat. Alex.

In Sess. 22. anno 1562. die 17. Septemb.

Celebrato ſolemni myſterio ſacro à *Petro Antonio Capuano*, Hydruntino Archiepiſcopo, & concione latine dicta à *Carolo Vice-Comite*, Eccleſiæ Vintimiliensſis Epifcopo, iisdem Præſidibus Legatis, doctrina Catholica de ſacrificio Miſſæ octo capitibus ſive decretis eſt expoſita, & illi oppoſiti hæreticorum errores novem Canonibus fuere damnati. Tria inſuper edita decreta alia, unum videlicet de obſervandis atque vitandis in celebratione Miſſæ, alterum de reformatione undecim complectens Capita, ſeu de variis reformandis abuſibus, & ultimum ſuper petitione conceſſionis Calicis.

In Sess. 23. anno 1563. die 15. Julii.

Cùm die 13. Novemb. anno 1562. Tridentum adveniſſet Cardinalis à Lotharingia cum cæteris Galliæ Prælatiſ ac Theologiſ, receptuſque fuiſſet in generali cœtu die 23. ibique Caroli IX. Chriſtianiſſimi Regis ſuæ miſſionis literas exhibens, elegantem ad Patres orationem habuiſſet, variſque deinceps in congregationibus magna cum laude clariſſet, interſuit tandem Concilii Seſſioni vigeliſimæ tertię anno 1563. die 15. Julii, in qua poſt celebratum ſolemne ſacrum ab Euthachio Bellayo, Pariſienſium Epifcopo, & concionem habitam ab Epifcopo Aliphano Hiſpano, explicata eſt quatuor Capitibus Catholica de Ordinis Sacramento doctrina, & illi oppoſiti hæreticorum errores octo Canonibus ſimiliter damnati. Deinde S. Synodus reformationis materiam proſequens, decretum edidit unum de reformatione, 18. Capita complectens; quorum primum eſt de Paſtorum animarum in ſuis Eccleſiis reſidentia, de qua tam in privatis Theologorum, quàm in generalibus PP. cœtibus diu multumque diſputatum eſt, an ſcilicet eſſet juris divini vel Eccleſiaſtici tantum. Eam juris eſſe divini aſſerebant Hiſpani Galliſque Præſules; Itali econtrâ quamplures juris Eccleſiaſtici tantum eſſe contendebant; inde auctoritatem ſummi Pontificis minui falſo rari, & veriti eum de reſidentia diſpenſare non poſſe, ſi juris divini eſſe definiſſetur.

Petrus Soto è Theologiſ unus Ord. FF. PP. juris eſſe divini ad obitum uſque defendit, & Tridenti lethali decumbens morbo, ad Primum IV. lucra-

lentam ea de re scripsit epistolam, qua Episcoporum institutionem, eorumque suis in diocesisbus residentiam, juris esse divini propugnat.

Vilum tamen sanctæ Tridentinæ Synodo consultius esse hanc non definire quætionem, cum varia sentirent hac de re viri ex utraque parte pugnantes eruditi ac religiosi; & ne plures non satis callentes rationem hoc jus interpretandi, inde ansam arripuissent damnandi res antea gestas, & justam nonnullorum Episcoporum absentiam, ut scripsit Cardinalis à Lotharingia in litteris ad Britonem Secretarium suum; sancta Synodus tamen Episcopos aliosque animarum Pastores ad residentiam teneri, hancque obligationem ex Dei præcepto consequentem esse declaravit, dum cap. 1. de reform. sic dixit: *Cum præcepto divino mandatum sit omnibus, quibus animarum cura commissæ est, oves suas agnoscere, pro his sacrificium offerre, verbique divini prædicatione, Sacramentorum administratione, ac bonorum omnium operum exemplo pascere; pauperum aliarumque miserabilium personarum curam paternam gerere, & in cætera munia Pastoralia incumbere: quæ omnia nequaquam ab his præstari & impleri possunt, qui gregi suo non invigilant neque assunt, sed mercenariorum more deserunt; sacrosancta Synodus eos admonet & hortatur, ut divinorum præceptorum memores, salique forma gregis, in iudicio & veritate pascant & regant. Ne verò ea, quæ de residentia sanctè & utiliter jam antea sub sel. recor. Paulo III. sancita fuerunt, in sensus à sacrosancta Synodi mente alienos trahantur, ac si vigore illius decreti quinque mensibus continuis abesse liceat; illis inherendo declarat sacrosancta Synodus, omnes Patriarchalibus, Prælatibus, Metropolitanis ac Cathedralibus Ecclesiis quibuscumque, quocumque nomine & titulo præfatos, etiam si S. R. E. Cardinales sint, obligari ad personalem in sua Ecclesia vel diocesi residentiam, &c.*

In Sess. 24. anno 1563. die 11. Novemb.

Post præmissa solemnia sacra à Georgio Cornelio Tarvisino Episcopo, & concionem dictam à Francisco Richardoto Attrebatensi Episcopo, declarata est Catholica Ecclesiæ doctrina de Sacramento Matrimonii 12. Canonibus sive anathematismis, quibus S. Synodus damnat plurium impiorum de hoc Sacramento malè sentientium errores. Edita fuere insuper decreta duo, quorum primum est de reformatione, complectens Capita decem circa idem Sacramentum; alterum pariter reliquam reformationis materiam prosequens 21. Capitibus comprehenditur.

In Sess. 25. anno 1563. die 4. Decemb.

Ultimò tandem congregati ut Concilio finem imponerent Tridentini Patres in hac ultima Sessione, cœpta die 3. & continuata ac finita die 4. Decembris anno 1563. post celebratum solemne sacrum à Zambeccario Sulmonensi Episcopo, & habitam latinè concionem ab Hieronymo Regazzonio, Nazianzeno Episcopo, Salaminensi coadjutore, iisdemque præsentibus à Pio IV. missis Sedis Apostolicæ Legatis, & præsentibus Concilii Patribus qui Concilio subscribere numero circiter 255. varia fuere edita decreta, & præsertim de Purgatorio, de invocatione, veneratione ac reliquiis Sanctorum, & sacris Imaginibus, nec non de Indulgentiis, præter decretum de Regularibus & Monialibus, duo suprà viginti complectens capita sive sanctiones viginti & duas.

Decreto de Purgatorio, sic ait: Cùm Catholica Ecclesia, Spiritu Sancto edocta, ex sacris literis & antiquis Patrum traditionibus, in sacris Conciliis, & novissimè in hac œcumenica Synodo docuerit, Purgatorium esse; animasque ibi detentas fidelium suffragiis, potissimùm verò acceptabili altaris sacrificio iuvare; præcipit sancta Synodus Episcopis, ut sanam de Purgatorio doctrinam, à sanctis Patribus & sacris Conciliis traditam, à Christi fidelibus credi, teneri, doceri, & ubique prædicari diligenter studeant, &c.

Decreto de invocatione, veneratione & reliquiis Sanctorum ac sacris Imaginibus, sic ait: Mandat sancta Synodus omnibus Episcopis & cæteris docendi munus, curamque sustinentibus, ut juxta Catholica & Apostolica Ecclesia usum, à primævis Christiana Religione temporibus receptum, sanctorumque Patrum consensum & sacrorum Conciliorum decreta, in primis de Sanctorum intercessione, invocatione, reliquiarum honore, & legitimo Imaginum usu, fideles diligenter instruant; docentes eos, Sanctos, unà cum Christo regnantes, orationes suas pro hominibus Deo offerre, bonum atque utile esse suppliciter eos invocare; & ob beneficia impetranda à Deo per Filium ejus Jesum Christum, Dominum nostrum, qui solus noster Redemptor & Salvator est, ad eorum orationes, opem auxiliumque confugere: illis verò qui negant, Sanctos æterna felicitate in celo fruantes, invocandos esse; aut qui asserunt, vel illos pro hominibus non orare; vel eorum, ut pro nobis etiam singulis orent, invocationem esse idololatriam; vel pugnare cum verbo Dei, adversarique honori unius mediatoris Dei & hominum Jesu Christi; vel stultum esse, in celo regnantibus, voce vel mente supplicare; impiè sentire.

Sanctorum quoque Martyrum & aliorum cum Christo viventium sancta corpora, quæ viva membra fuerant Christi & templum Spiritus Sancti, ab ipso ad æternam vitam suscitanda & glorificanda, à fidelibus veneranda esse; per quæ multa beneficia à Deo hominibus præstantur: ita ut affirmantes, Sanctorum reliquiis venerationem atque honorem non deberi; vel eas, aliæque sacra monumeta à fidelibus inutiliter honorari; atque eorum opis impetranda causa, Sanctorum memorias frustra frequentari; omnino damnandos esse, prout jam pridem eos damnavit, & nunc etiam damnat Ecclesia.

Imagines porrò Christi, Deipara Virginis & aliorum Sanctorum, in templis præsertim habendas & retinendas, eisque debitum honorem & venerationem impertiendam; non quòd credatur inesse aliqua in iis divinitas vel virtus, propter quam sint colenda; vel quòd ab eis sit aliquid petendum; vel quòd fiducia sit in Imaginibus figenda, veluti olim fiebat à Gentibus, qua in idolis spem suam collocabant; sed quoniam homines, qui eis exhibetur, refertur ad prototypa quæ illa representant: ita ut per Imagines quas osculamur, & coram quibus caput aperimus & procumbimus, Christum adoremus; & Sanctos, quorum illa similitudinem gerunt, veneremur, &c.

Decreto verò de Indulgentiis sic eadem S. Synodus ait: Cùm potestas conferendi indulgentias à Christo Ecclesia concessa sit, atque hujusmodi potestate divinitus sibi tradita, antiquissimis etiam temporibus illa usa fuerit; sancta Synodus indulgentiarum usum Christiano populo maxime saluarem, & sacrorum Conciliorum auctoritate probatum, in Ecclesia retinendum esse docet, & præcipit; eosque anathemate damnat, qui aut inutiles esse asserunt, vel eas concedendi in Ecclesia potestatem esse negant, &c. Deinde prosequens, omnibus mandat Episcopis, ut ad abusus qui in his irreperunt corrigendis & tollendis diligenter invigilent: & huic decreto de indulgentiis subji-

subjicit & alia, quibus confirmat S. Synodus Ecclesiæ consuetudines vel sanctiones nonnullas ab hæreticis impugnatas, videlicet de ciborum delectu, jejuniis & diebus festis, additque & alia; & 1. de indice librorum, Catechismo, Breviario & Missali. 2. De loco Oratorium. 3. De recipiendis & observandis Concilii decretis. 4. De recitandis Concilii decretis *sub Paulo III. Julio III. & Pio IV.* & tandem de fine Concilii, & confirmatione petenda à sanctissimo Papa Pio IV. à quo reipsa postea concessa 17. Kalendas Februarii anno 1564. singulari ad hoc expressa Bulla, qua Concilium recipi & ab omnibus observari mandat. Sicque conclusum ac finitum tandem Concilium istud, post 18. annos à sua inchoatione lapsos, post quinque visos successivè Romanos Pontifices, *Paulum III. Julium III. Marcellum II. Paulum IV. & Pium IV.* post congregationes varias & 25. Sessiones habitas, post decreta sancita numero plura, & editos Canones viginti sex supra centenos, infra subjiciendos. Concilio subscribere tandem ante discessum, Patres numero circiter 255. videlicet 4. Sedis Apostolicæ Legati, 2. Cardinales alii, 3. Patriarchæ, 25. Archiepiscopi, 168. Episcopi, 7. Abbates, 36. absentium Prælatorum Procuratores, & 7. Religiosorum Ordinum Generales, prætermisiss aliis numero multis magni nominis Doctoribus & insignibus viris. Vide *Baron. Spond. Palavic. & Labb. tom. 14. Conc. Carol. &c.*

Cujus Canones fuere 116. è quibus

Canones 126.

Præter decreta varia variis temporibus & Sessionibus hoc in Concilio lata, Canones insuper editi fuere varii, quos ne hic omittam, sed verbo ad verbum singulos recenseam, postulat illorum frequentior, & tyronum commodior usus. Ex iis autem alii *sub Paulo III.* alii *sub Julio III.* & alii *sub Pio IV.* perhibentur editi.

Sub Paulo III. Romano Pontifice 63.

33. Sunt de Justificatione.

In Sessione sexta editi fuere 33. de Justificatione, 13. de Sacramentis in genere, 14. de Baptismo, & 3. de Confirmatione; suntque sequentes isti:

De Justificatione 33.

CANON I.

Si quis dixerit, hominem suis operibus, quæ vel per humanæ naturæ vires, vel per legis doctrinam fiant, absque divina per Jesum Christum gratia posse justificari coram Deo, anathema sit.

CANON II.

Si quis dixerit, ad hoc solum divinam gratiam per Jesum Christum dari, ut facilius homo justè vivere, ac vitam æternam promereri possit, quasi per liberum arbitrium sine gratia utrumque, sed ægrè tamen & difficulter possit, anathema sit.

C A N O N I I I.

Si quis dixerit, sine præveniente Spiritus Sancti inspiratione atque ejus adjutorio, hominem credere, sperare, diligere aut pœnitere posse sicut oportet, ut ei justificationis gratia conferatur, anathema sit.

C A N O N I V.

Si quis dixerit, liberum hominis arbitrium à Deo motum & excitatum nihil cooperari, assentiendo Deo excitanti atque vocanti, quoad obtinendam justificationis gratiam se disponat ac præparet, neque posse dissentire, si velit, sed velut inanime quoddam nihil omnino agere, merè quæ passivè se habere, anathema sit.

C A N O N V.

Si quis liberum hominis arbitrium post Adæ peccatum amissum & extinctum esse dixerit, aut rem esse de solo titulo, imò titulum sine re, figmentum denique à satana inventum in Ecclesiam, anathema sit.

C A N O N V I.

Si quis dixerit, non esse in potestate hominis vias suas malas facere, sed mala opera ita ut bona, Deum operari, non permittivè solum, sed etiam propriè & per se, adeò ut sit ejus proprium opus, non minis prodictio Judæ quàm vocatio Pauli, anathema sit.

C A N O N V I I.

Si quis dixerit, opera omnia quæ ante justificationem fiunt, quacumque ratione facta sint, verè esse peccata, vel odium Dei mereri, aut quantum vehementius quis nititur se disponere ad gratiam, tantò cum gravius peccare, anathema sit.

C A N O N V I I I.

Si quis dixerit, gehennæ metum, per quem ad misericordiam Dei de peccatis dolendo confugimus, vel à peccando abstinemus, peccatum esse, aut peccatores peiores facere, anathema sit.

C A N O N I X.

Si quis dixerit, sola fide impium justificari, ita ut intelligat nihil aliud requiri, quod ad justificationis gratiam consequendam cooperetur, & nulla ex parte necesse esse eum suæ voluntatis motu præparari atque disponi, anathema sit.

C A N O N X.

Si quis dixerit, homines sine Christi justitia, per quam nobis meruit, justificari, aut per eam ipsam formaliter justos esse, anathema sit.

C A N O N X I.

Si quis dixerit, homines justificari vel sola imputatione justitiæ Christi, vel sola peccatorum remissione, exclusa gratia & charitate, quæ in cordibus eorum per Spiritum Sanctum diffundatur, atque illis inhereat; aut etiam gratiam qua justificamur, esse tantum favorem Dei, anathema sit.

C A N O N X I I.

Si quis dixerit, fidem justificantem nihil aliud esse, quam fiduciam divinæ misericordiæ, peccata remittentis propter Christum, vel eam fiduciam solam esse qua justificamur, anathema sit.

C A N O N X I I I.

Si quis dixerit, omni homini ad remissionem peccatorum assequendam, necessarium esse ut credat certò & absque ulla hæsitacione, propriæ infirmitatis & indispositionis peccata sibi esse remissa, anathema sit.

C A N O N X I V.

Si quis dixerit, hominem à peccatis absolvi & justificari ex eo, quòd se absolvi & justificari certò credat; aut neminem verè esse justificatum, nisi qui credat se esse justificatum, & hac sola fide absolutionem & justificationem perfici, anathema sit.

C A N O N X V.

Si quis dixerit, hominem renatum & justificatum teneri ex fide ad credendum, se certò esse in numero prædestinatorum, anathema sit.

C A N O N X V I.

Si quis magnum illud usque in finem perseverantiæ donum se certò habiturum absoluta & infallibili certitudine dixerit, nisi hoc ex speciali revelatione didicerit, anathema sit.

C A N O N X V I I.

Si quis justificationis gratiam non nisi prædestinatis ad vitam contingere dixerit, reliquos qui omnes qui vocantur, vocari quidem, sed gratiam non accipere, utpote divina potestate prædestinatos ad malum, anathema sit,

C A N O N X V I I I.

Si quis dixerit, Dei præcepta homini etiam justificato & sub gratia constituto esse ad observandum impossibilia, anathema sit.

C A N O N X I X.

Si quis dixerit, nihil præceptum esse in Evangelio præter fidem, cetera esse indifferencia, neque præcepta neque prohibita, sed libera; aut decem præcepta nihil pertinere ad Christianos, anathema sit.

C A N O N X X.

Si quis hominem justificatum, & quantumlibet perfectum dixerit non teneri ad observantiam mandatorum Dei & Ecclesiæ, sed tantum ad credendum, quasi verò Evangelium sit nuda & absoluta promissio vitæ æternæ, sine conditione observationis mandatorum, anathema sit.

C A N O N X X I.

Si quis dixerit, Christum Jesum à Deo hominibus datum fuisse ut redemptorem, cui fidant, non etiam ut Legislatorem, cui obediant, anathema sit.

C A N O N X X I I.

Si quis dixerit, justificatum, vel sine speciali auxilio Dei, in accepta iustitia perseverare posse, vel cum eo non posse, anathema sit.

C A N O N X X I I I.

Si quis hominem semel justificatum dixerit amplius peccare non posse, neque gratiam amittere; atque ideò eum qui labitur & peccat, numquam verè fuisse justificatum: aut contrà, posse in tota vita peccata omnia etiam venialia vitare, nisi ex speciali Dei privilegio, quemadmodum de Beata Virgine tenet Ecclesia, anathema sit.

C A N O N X X I V.

Si quis dixerit, iustitiam acceptam non conservari, neque etiam non augeri coram Deo per bona opera, sed opera ipsa fructus solummodò & signa esse justificationis adeptæ, non autem ipsius augendæ causam, anathema sit.

C A N O N X X V.

Si quis in quolibet bono opere iustum saltem venialiter peccare dixerit, aut (quòd intolerabilius est) mortaliter, atque ideò pœnas æternas mereri: tantùmque ob id non damnari, quia Deus ea opera bona non imputet ad damnationem, anathema sit.

C A N O N X X V I.

Si quis dixerit, iustos non debere pro bonis operibus quæ in Deo fuerint facta, expectare & sperare æternam retributionem à Deo per ejus misericordiam, & Jesu Christi meritum, si benè agendo & divina mandata custodiendo usque in finem perseveraverint, anathema sit.

C A N O N X X V I I.

Si quis dixerit, nullum esse mortale peccatum nisi infidelitatis; aut nullo alio quantumvis gravi & enormi, præterquam infidelitatis peccato, semel acceptam gratiam amitti, anathema sit.

C A N O N X X V I I I.

Si quis dixerit, amissa per peccatum gratia, simul & fidem semper amitti; aut fidem quæ remanet, non esse veram fidem, licet non sit viva; aut eum qui fidem sine charitate habet, non esse Christianum, anathema sit.

C A N O N X X I X.

Si quis dixerit, eum qui post baptismum lapsus est, non posse per Dei gratiam resurgere: aut posse quidem, sed sola fide amissam iustitiam recuperare sine Sacramento Pœnitentiæ, prout sancta Romana & universalis Ecclesia a Christo Domino & ejus Apostolis edocta, hucusque professæ est, servavit & docuit, anathema sit.

C A N O N X X X.

Si quis post acceptam justificationis gratiam, cuilibet peccatori pœniti culpam ita remitti & reatum æternæ pœnæ deleri dixerit, ut nullus remaneat reatus pœnæ temporalis exsolvendæ, vel in hoc sæculo, vel in futu-

fituro in purgatorio, antequam ad regna cœlorum aditus patere possit, anathema sit.

CANON XXXI.

Si quis dixerit, justificationem peccare, dum intuitu æternæ mercedis benè operatur, anathema sit.

CANON XXXII.

Si quis dixerit, hominis justificationi bona opera ita esse dona Dei, ut non sint etiam bona ipsius justificationi merita: aut ipsum justificationem bonis operibus, quæ ab eo per Dei gratiam & Jesu Christi meritum, cujus vivum membrum est, fiunt, non verè mereri augmentum gratiæ, vitam æternam, & ipsius vitæ æternæ (si tamen in gratia decesserit) consecutionem atque etiam gloriæ augmentum, anathema sit.

CANON XXXIII.

Si quis dixerit, per hanc doctrinam Catholicam de justificatione à sancta Synodo hoc præfenti decreto expressam, aliqua ex parte gloriæ Dei, vel meritis Jesu Christi Domini nostri derogari, & non potius veritatem fidei nostræ, Dei denique, ac Jesu Christi gloriam illustrari, anathema sit.

De Sacramentis in genere 13.

13. De
Sacramen-
tis in gene-
re.

CANON I.

Si quis dixerit, Sacramenta novæ legis non fuisse omnia à Jesu Christo Domino nostro instituta, aut esse plura vel pauciora quàm septem: videlicet, Baptismum, Confirmationem, Eucharistiam, Pœnitentiam, Extremam-Uncionem, Ordinem & Matrimonium; aut etiam aliquod horum septem non esse verè & propriè Sacramentum, anathema sit.

CANON II.

Si quis dixerit, ea ipsa novæ legis Sacramenta à Sacramentis antiquæ legis non differre, nisi quia cæremoniæ sunt aliæ, & alii ritus externi, anathema sit.

CANON III.

Si quis dixerit, hæc septem Sacramenta ita esse inter se paria, ut nulla ratione aliud sit alio dignius, anathema sit.

CANON IV.

Si quis dixerit, Sacramenta novæ legis non esse ad salutem necessaria, sed superflua; & sine eis, aut eorum voto per solam fidem homines à Deo gratiam justificationis adipisci, licèt omnia singulis necessaria non sint, anathema sit.

CANON V.

Si quis dixerit, hæc Sacramenta propter solam fidem nutriendam instituta fuisse, anathema sit.

CANON VI.

Si quis dixerit, Sacramenta novæ legis non continere gratiam quam significant, aut gratiam ipsam non ponentibus obicem non conferre, quasi

quasi signa tantum externa sint acceptæ per fidem gratiæ vel iustitiæ, & notæ quædam Christianæ professionis, quibus apud homines discernuntur fideles ab infidelibus, anathema sit.

C A N O N V I I.

Si quis dixerit, non dari gratiam per huiusmodi Sacramenta semper & omnibus, quantum est ex parte Dei, etiamsi ritè ea suscipiant, sed aliquando & aliquibus, anathema sit.

C A N O N V I I I.

Si quis dixerit, per ipsa novæ legis Sacramenta ex opere operato non conferri gratiam, sed solam fidem divinæ promissionis ad gratiam consequendam sufficere, anathema sit.

C A N O N I X.

Si quis dixerit, in tribus Sacramentis, Baptismo scilicet, Confirmatione & Ordine, non imprimi characterem in anima, hoc est, signum quoddam spirituale & indelebile, unde ea iterari non possunt, anathema sit.

C A N O N X.

Si quis dixerit, Christianos omnes in verbo, & omnibus Sacramentis administrandis habere potestatem, anathema sit.

C A N O N X I.

Si quis dixerit, in Ministris dum Sacramenta conficiunt & conferunt, non requiri intentionem saltem faciendi quod facit Ecclesiæ, anathema sit.

C A N O N X I I.

Si quis dixerit, Ministrum in peccato mortali existentem, modò omnia essentialia quæ ad Sacramentum conficiendum aut conferendum pertinent, servaverit, non conficere aut conferre Sacramentum, anathema sit.

C A N O N X I I I.

Si quis dixerit, receptos & approbatos Ecclesiæ Catholicæ ritus in solemni Sacramentorum administratione adhiberi consuetos, aut contemni, aut sine peccato à Ministris pro libito omitti, aut in novos alios per quemcumque Ecclesiarum Pastorem mutari posse, anathema sit.

De Baptismo 14.

14. De
Baptismo.

C A N O N I.

Si quis dixerit, Baptismum Joannis habuisse eandem vim cum Baptismo Christi, anathema sit.

C A N O N I I.

Si quis dixerit, aquam veram & naturalem non esse de necessitate Baptismi, atque ideo verba illa Domini nostri Jesu Christi: Nisi quis renatus fuerit ex aqua & Spiritu Sancto, ad metaphoram aliquam detorserit, anathema sit.

C A N O N I I I.

Si quis dixerit, in Ecclesia Romana quæ omnium Ecclesiarum mater est & magistra, non esse veram de Baptismi Sacramento doctrinam, anathema sit.

C A N O N I V.

Si quis dixerit, Baptismum qui etiam datur ab hæreticis, in nomine Patris, & Filii, & Spiritus Sancti, cum intentione faciendi quod facit Ecclesia, non esse verum Baptismum, anathema sit.

C A N O N V.

Si quis dixerit, Baptismum liberum esse, hoc est, non necessarium ad salutem, anathema sit.

C A N O N V I.

Si quis dixerit, Baptizatum non posse, etiam si velit, gratiam amittere, quantumcumque peccet, nisi nolit credere, anathema sit.

C A N O N V I I.

Si quis dixerit, Baptizatos per Baptismum ipsum solius tantum fidei debitores fieri, non autem universæ legis Christi servandæ, anathema sit.

C A N O N V I I I.

Si quis dixerit, Baptizatos liberos esse ab omnibus sanctæ Ecclesiæ præceptis, quæ vel scripta, vel tradita sunt, ita ut ea observare non teneantur, nisi se sua sponge illis submittere voluerint, anathema sit.

C A N O N I X.

Si quis dixerit, ita revocandos esse homines ad Baptismi suscepti memoriam, ut vota omnia quæ post Baptismum fiunt, vi promissionis in Baptismo ipso jam factæ irrita esse intelligant, quasi per ea & fidei quam professi sunt detrahatur, & ipsi Baptismo, anathema sit.

C A N O N X.

Si quis dixerit, peccata omnia quæ post Baptismum fiunt, sola recordatione & fide suscepti Baptismi, vel dimitti, vel venialia fieri, anathema sit.

C A N O N X I.

Si quis dixerit, verum & ritè collatum Baptismum iterandum esse illi, qui apud infideles fidem Christi negaverit, cum ad poenitentiam convertitur, anathema sit.

C A N O N X I I.

Si quis dixerit, neminem esse baptizandum, nisi ea ætate qua Christus baptizatus est, vel in ipso mortis articulo, anathema sit.

C A N O N X I I I.

Si quis dixerit, parvulos, eò quòd actum credendi non habent, suscepto Baptismo, inter fideles computandos non esse, ac propterea cum ad annos discretionis pervenerint, esse rebaptizandos, aut præstare omitti eorum Baptisma, quàm eos non actu proprio credentes baptizari in sola fide Ecclesiæ, anathema sit.

CANON XIV.

Si quis dixerit, huiusmodi parvulos baptizatos cum adoleverint interrogandos esse, an ratum habere velint quod patrini eorum nomine dum baptizarentur polliciti sunt, & ubi se nolle responderint, suo esse arbitrio relinquendos, nec alia interim poena ad Christianam vitam cogendos, nisi ut ab Eucharistiæ aliorumque Sacramentorum perceptione arceantur, donec resipiscant, anathema sit.

De Confirmatione 3.

3. De Confirmatione.

CANON I.

Si quis dixerit, Confirmationem Baptizatorum otiosam ceremoniam esse, & non potius verum & proprium Sacramentum; aut olim nihil aliud fuisse, quam Catechesim quamdam, qua adulescentiæ proximi, fidei suæ rationem coram Ecclesia exponebant, anathema sit.

CANON II.

Si quis dixerit, injurios esse Spiritui Sancto eos, qui sacro Confirmationis Chrismati virtutem aliquam tribuunt, anathema sit.

CANON III.

Si quis dixerit, sanctæ Confirmationis ordinarium ministrum non esse solum Episcopum, sed quemvis simplicem Sacerdotem, anathema sit.

Sub Julio III. Romano Pontifice 30.

Editi fuere in Sessione decima tertia Canones 11. alii de Eucharistiæ Sacramento, & in Sessione decima quarta 15. de Pœnitentiæ Sacramento, & 4. de Extrema-Untione; suntque sequentes isti;

De sacrosancto Eucharistiæ Sacramento II.

11. De Eucharistiæ Sacramento.

CANON I.

Si quis negaverit, in sanctissimo Eucharistiæ Sacramento contineri verè, realiter & substantialiter Corpus & Sanguinem unà cum anima & divinitate Domini nostri Jesu Christi, ac proinde totum Christum; sed dixerit tantummodo esse in eo, ut in signo vel figura aut virtute, anathema sit.

CANON II.

Si quis dixerit, in sacrosancto Eucharistiæ Sacramento remanere substantiam Panis & Vini, unà cum Corpore & Sanguine Domini nostri Jesu Christi; negaveritque mirabilem illam & singularem conversionem totius substantiæ Panis in Corpus, & totius substantiæ Vini in Sanguinem, manentibus dumtaxat speciebus Panis & Vini, quam quidem conversionem Catholica Ecclesia aptissimè Transubstantiationem appellat, anathema sit.

CANON III.

Si quis negaverit, in venerabili Sacramento Eucharistiæ sub unaqua-

Appar. Annati T. II.

M

que

que specie, & sub singulis cujusque speciei partibus, separatione facta; totum Christum contineri, anathema sit.

CANON IV.

Si quis dixerit, peracta consecratione, in admirabili Eucharistiæ Sacramento non esse Corpus & Sanguinem Domini nostri Jesu Christi, sed tantum in usu dum sumitur, non autem antè vel post, & in hostiis seu particulis consecratis, quæ post communionem reservantur vel supersunt, non remanere verum Corpus Domini, anathema sit.

CANON V.

Si quis dixerit, vel præcipuum fructum sanctissimæ Eucharistiæ esse remissionem peccatorum, vel ex ea non alios effectus provenire, anathema sit.

CANON VI.

Si quis dixerit, in sancto Eucharistiæ Sacramento Christum unigenitum Dei Filium non esse cultuatriæ, etiam externo, adorandum: atque ideo non festiva peculiari celebritate venerandum; neque in processionibus, secundum laudabilem & universalem Ecclesiæ sanctæ ritum & consuetudinem, solemniter circum gestandum; vel non publicè, ut adoretur, populo proponendum, & ejus adoratores esse idololatrias, anathema sit.

CANON VII.

Si quis dixerit, non licere sacram Eucharistiam in sacrario reservare, sed statim post Consecrationem assistantibus necessariò distribuendam; aut non licere, ut illa ad infirmos honorificè deferatur, anathema sit.

CANON VIII.

Si quis dixerit, Christum in Eucharistia exhibitum, spiritualiter tantum manducari, & non etiam sacramentaliter ac realiter, anathema sit.

CANON IX.

Si quis negaverit, omnes & singulos Christi fideles utriusque sexus, cum ad annos discretionis pervenerint, teneri singulis annis, saltem in Paschate, ad communicandum, juxta præceptum sanctæ matris Ecclesiæ, anathema sit.

CANON X.

Si quis dixerit, non licere sacerdoti celebranti se ipsum communicare, anathema sit.

CANON XI.

Si quis dixerit, solam fidem esse sufficientem præparationem ad fumentum sanctissimum Eucharistiæ Sacramentum, anathema sit.

Et ne tantum Sacramentum indignè, atque ideo in mortem & condemnationem sumatur: statuit atque declarat ipsa sancta Synodus, illis, quos conscientia peccati mortalis gravat, quantumcumque etiam se contritos exultiment, habita copia Confessoris, necessariò præmittendam esse Confessionem sacramentalem. Si quis autem contrarium docere, prædicare vel pertinaciter asserere, seu etiam publicè disputando defendere præsumperit, eo ipso excommunicatus existat.

De sanctissimo Pœnitentiæ Sacramento 15.

15. De
Pœnitentiæ
Sacramen-
to.

CANON I.

Si quis dixerit, in Catholica Ecclesia Pœnitentiam non esse verè & propriè Sacramentum, pro fidelibus, quoties post baptismum in peccata labuntur, ipsi Deo reconciliandis, à Christo Domino nostro institutum, anathema sit.

CANON II.

Si quis Sacramenta confundens, ipsum Baptismum, Pœnitentiæ Sacramentum esse dixerit, quasi hæc duo Sacramenta distincta non sint, atque idè Pœnitentiam non rectè secundam post naufragium tabulam appellari, anathema sit.

CANON III.

Si quis dixerit, verba illa Domini salvatoris: Accipite Spiritum Sanctum, quorum remisistis peccata, remittuntur eis, & quorum retinueritis, retenta sunt, non esse intelligenda de potestate remittendi & retinendi peccata in Sacramento Pœnitentiæ, sicut Ecclesia Catholica ab initio semper intellexit: detorserit autem contra institutionem hujus Sacramenti, ad auctoritatem prædicandi Evangelium, anathema sit.

CANON IV.

Si quis negaverit, ad integram & perfectam peccatorum remissionem requiri tres actus in pœnitente, quali materiam Sacramenti Pœnitentiæ, videlicet, Contritionem, Confessionem & Satisfactionem, quæ tres Pœnitentiæ partes dicuntur; aut dixerit, duas tantum esse Pœnitentiæ partes, terrores scilicet incultos conscientie, agnito peccato, & fidem conceptam ex Evangelio vel absolutione, qua credit quis sibi per Christum remissa peccata, anathema sit.

CANON V.

Si quis dixerit, eam contritionem, quæ paratur per discussionem, collectionem & detestationem peccatorum, qua quis recogitat annos suos in amaritudine animæ suæ, ponderando peccatorum suorum gravitatem, multitudinem, fedtatem, amissionem æternæ beatitudinis, & æternæ damnationis incursum, cum proposito melioris vitæ; non esse verum & utilem dolorem, nec præparare ad gratiam, sed facere hominem hypocritam & magis peccatorem; demum illum esse dolorem coactum, & non liberum ac voluntarium, anathema sit.

CANON VI.

Si quis negaverit, Confessionem sacramentalem vel institutam, vel ad salutem necessariam esse jure divino; aut dixerit, modum secretè confitendi soli sacerdoti, quem Ecclesia Catholica ab initio semper observavit & observat, alienum esse ab institutione & mandato Christi, & inventum esse humanum, anathema sit.

CANON VII.

Si quis dixerit, in Sacramento Pœnitentiæ ad remissionem peccatorum necessarium non esse jure divino confiteri omnia & singula peccata

mortalia, quorum memoria cum debita & diligenti præmeditatione habeatur, etiam occulta, & quæ sunt contra duo ultima decalogi præcepta, & circumstantias quæ peccati speciem mutant; sed eam confessionem tantum esse utilem ad erudiendum & consolandum poenitentem, & olim observatam fuisse tantum ad satisfactionem canonicam imponendam; aut dixerit, eos, qui omnia peccata confiteri student, nihil relinquere velle divinæ misericordiæ ignoscendum: aut demum, non licere confiteri peccata venialia, anathema sit.

CANON VIII.

Si quis dixerit, Confessionem omnium peccatorum, qualem Ecclesia servat, esse impossibilem, & traditionem humanam à piis abolendam: aut ad eam non teneri omnes & singulos utriusque sexus Christi fideles, juxta magni Concilii Lateranensis constitutionem, semel in anno, & ob id suadendum esse Christi fidelibus, ut non confiteantur tempore Quadragesimæ, anathema sit.

CANON IX.

Si quis dixerit, Absolutionem sacramentalem sacerdotis non esse actum judicalem, sed nudum ministerium pronuntiandi, & declarandi remissa esse peccata confitenti, modò tantum credat se esse absolutum, aut sacerdos non ferio, sed joco absolvat: aut dixerit non requiri confessionem poenitentis, ut sacerdos eum absolvere possit, anathema sit.

CANON X.

Si quis dixerit, sacerdotes qui in peccato mortali sunt, potestatem ligandi & solvendi non habere; aut non solos sacerdotes esse ministros absolutionis, sed omnibus & singulis Christi fidelibus esse dictum: Quæcumque ligaveritis super terram, erunt ligata & in cælo; & quæcumque solveritis super terram, erunt soluta & in cælo: & quorum remiseritis peccata, remittuntur eis; & quorum retinueritis, retenta sunt: quorum verborum virtute quilibet absolvere possit peccata; publica quidem per correptionem dumtaxat, si correptus acieverit; secreta verò per spontaneam confessionem, anathema sit.

CANON XI.

Si quis dixerit, Episcopos non habere jus reservandi sibi casus, nisi quoad externam politiam; atque ideo casuum reservationem non prohibere, quominus sacerdos à reservatis verè absolvat, anathema sit.

CANON XII.

Si quis dixerit, totam poenam simul cum culpa remitti semper à Deo, satisfactionemque poenitentium non esse aliam, quam fidem, qua apprehendunt, Christum pro eis satisfecisse, anathema sit.

CANON XIII.

Si quis dixerit, pro peccatis quoad poenam temporalem, minimè Deo per Christi merita satisfieri poenis ab eo inflictis & patienter toleratis, vel à sacerdote injunctis, sed neque spontè susceptis, ut jeuniis, orationibus, eleemosynis, vel aliis etiam pietatis operibus, atque ideo optimam poenitentiam esse tantum novam vitam, anathema sit.

CANON XIV.

Si quis dixerit, satisfactiones, quibus poenitentes per Christum Jesum peccata redimunt, non esse cultus Dei, sed traditiones hominum, doctrinam de gratia, & verum Dei cultum, atque ipsum beneficium mortis Christi obscurantes, anathema sit.

CANON XV.

Si quis dixerit, claves Ecclesiae esse datas tantum ad solvendum, non etiam ad ligandum : & propterea sacerdotes, dum imponunt poenas confitentibus, agere contra finem clavium, & contra institutionem Christi : & fictionem esse, quod virtute clavium, sublata poena aeterna, poena temporalis plerumque exsolvenda remaneat, anathema sit.

De Sacramento Extremae-Unionis 4.

4. De Sacramento
Extremae-
Unionis.

CANON I.

Si quis dixerit, Extremam-Unionem non esse verè & propriè Sacramentum, à Christo Domino nostro institutum, & à beato Jacobo Apostolo promulgatum, sed ritum tantum acceptum à Patribus, aut figmentum humanum, anathema sit.

CANON II.

Si quis dixerit, sacram infirmorum Unionem non conferre gratiam, nec remittere peccata, nec alleviare infirmos : sed jam cessasse, quasi olim tantum fuerit gratia curationum, anathema sit.

CANON III.

Si quis dixerit, Extremae-Unionis ritum & usum, quem observat sancta Romana Ecclesia, repugnare sententiae beati Jacobi Apostoli, ideoque eum mutandum, posseque à Christianis absque peccato contineri, anathema sit.

CANON IV.

Si quis dixerit, Presbyteros Ecclesiae, quos beatus Jacobus adducendos esse ad infirmum inungendum hortatur, non esse sacerdotes ab Episcopo ordinatos, sed aetate seniores in quavis communitate : ob idque proprium Extremae-Unionis ministrum non esse solum sacerdotem, anathema sit.

Sub Pio IV. Romano Pontifice 33.

Editi fuere reliqui sequentes hujusce Concilii Canones, videlicet in vigesima prima Sessione Canones 4. de Communionem sub utraque specie : in vigesima secunda Sessione 9. alii de Sacrificio Missae : in vigesima tertia Sessione 8. alii de Ordine ; & tandem in vigesima quarta Sessione 12. editi alii de Matrimonio : suntque isti,

4. De
Commu-
nionē sub
utraque
specie.

De Communionē sub utraque specie, & parvulorum 4.

CANON I.

Si quis dixerit, ex Dei præcepto, vel necessitate salutis, omnes & singulos Christi fideles utramque speciem sanctissimi Eucharistiæ Sacramenti sumere debere, anathema sit.

CANON II.

Si quis dixerit, sanctam Ecclesiam Catholicam non iustis causis & rationibus adductam fuisse, ut Laicos, atque etiam Clericos non conficientes, sub panis tantummodò specie communicaret, aut in eo errasse, anathema sit.

CANON III.

Si quis negaverit, totum & integrum Christum omnium gratiarum fontem & auctorem, sub una panis specie sumi, quia, ut quidam falso asserunt, non secundum ipsius Christi institutionem sub utraque specie sumatur, anathema sit.

CANON IV.

Si quis dixerit, parvulis, antequam ad annos discretionis pervenerint, necessariam esse Eucharistiæ Communionem, anathema sit.

Duos verò articulos, alias propósitos, nondum tamen excussos, videlicet, An rationes, quibus sancta Catholica Ecclesia adducta fuit, ut communicaret Laicos, atque etiam non celebrantes Sacerdotes, sub una tantum panis specie, ita sint retinendæ, ut nulla ratione Calicis usus cuiquam sit permittendus: & An, si honestis & Christianæ charitati consentaneis rationibus concedendis alicui vel Nationi, vel Regno, Calicis usus videatur, sub aliquibus conditionibus concedendus sit; & quænam sint illæ: eadem sancta Synodus in aliud tempus, oblata sibi quamprimum occasione, examinandos atque definiendos reservat.

9. De Sa-
crificio Mis-
sæ.

De Sacrificio Missæ 9.

CANON I.

Si quis dixerit, in Missa non offerri Deo verum & proprium sacrificium, aut quòd offerri non sit aliud, quàm nobis Christum ad manducandum dari, anathema sit.

CANON II.

Si quis dixerit, illis verbis: Hoc facite in meam commemorationem; Christum non instituisse Apostolos sacerdotes; aut non ordinasse, ut ipsi alique Sacerdotes offerrent Corpus & Sanguinem suum, Anathema sit.

CANON III.

Si quis dixerit, Missæ sacrificium tantum esse laudis & gratiarum actionis, aut nudam commemorationem sacrificii in Cruce peracti, non autem propitiatorium; vel soli prodesse sumenti, neque pro vivis & defunctis, pro peccatis, pœnis, satisfactionibus & aliis necessitatibus offerri debere, anathema sit.

C A.

CANON IV.

Si quis dixerit, blasphemiam irrogari sanctissimo Christi sacrificio in Cruce peracto, per Missæ sacrificium, aut illi per hoc derogari, anathema sit.

CANON V.

Si quis dixerit, imposturam esse, Missas celebrare in honorem Sanctorum, & pro illorum intercessione apud Deum obtinenda, sicut Ecclesia intendit, anathema sit.

CANON VI.

Si quis dixerit, Canonem Missæ errores continere, ideòque abrogandum esse, anathema sit.

CANON VII.

Si quis dixerit, caeremonias, vestes & externa signa, quibus in Missarum celebratione Ecclesia Catholica utitur, irritabula impietatis esse magis, quàm officia pietatis, anathema sit.

CANON VIII.

Si quis dixerit, Missas in quibus solus sacerdos sacramentaliter communicat, illicitas esse, ideòque abrogandas, anathema sit.

CANON IX.

Si quis dixerit, Ecclesie Romanæ ritum, quo summissa voce pars Canonis, & verba consecrationis proferuntur, damnandum esse; aut lingua tantum vulgari Missam celebrari debere; aut aquam non miscendam esse vino in Calice offerendo, eò quòd sit contra Christi institutionem, anathema sit.

De Sacramento Ordinis 3.

§. De Sacramento Ordinis.

CANON I.

Si quis dixerit, non esse in novo Testamento Sacerdotium visibile & externum; vel non esse potestatem aliquam consecrandi & offerendi verum Corpus & Sanguinem Domini, & peccata remittendi & retinendi; sed officium tantum, & nudum ministerium prædicandi Evangelium; vel eos qui non prædicant, proflus non esse Sacerdotes, anathema sit.

CANON II.

Si quis dixerit, præter Sacerdotium non esse in Ecclesia Catholica alios Ordines & majores & minores, per quos velut per gradus quosdam, in Sacerdotium tendatur, anathema sit.

CANON III.

Si quis dixerit, Ordinem sive sacram ordinationem non esse verè & propriè Sacramentum à Christo Domino institutum, vel esse figmentum quoddam humanum, excogitatum à viris rerum Ecclesiasticarum imperitis; aut esse tantum ritum quemdam eligendi Ministros verbi Dei, & Sacramentorum, anathema sit.

CANON IV.

Si quis dixerit, per sacram ordinationem non dari Spiritum Sanctum;

ac proinde frustra Episcopos dicere, Accipe Spiritum Sanctum; aut per eam non imprimi characterem; vel eum, qui sacerdos semel fuit, laicum rursus fieri posse, anathema sit.

C A N O N V.

Si quis dixerit, sacram Unctionem, qua Ecclesia in sancta ordinatione utitur; non tantum non requiri, sed contemnendam & perniciosam esse, similiter & alias Ordinis ceremonias, anathema sit.

C A N O N V I.

Si quis dixerit, in Ecclesia Catholica non esse Hierarchiam divina ordinatione institutam, quæ constat ex Episcopis, Presbyteris & Ministris, anathema sit.

C A N O N V I I.

Si quis dixerit, Episcopos non esse Presbyteris superiores, vel non habere potestatem confirmandi & ordinandi; vel eam, quam habent, illis esse cum Presbyteris communem; vel Ordines ab ipsis collatos sine populi, vel potestatis secularis consensu aut vocatione, irritos esse; aut eos qui nec ab Ecclesiastica & Canonica potestate ritè ordinati, nec missi sunt, sed aliunde veniunt, legitimos esse verbi & Sacramentorum Ministros, anathema sit.

C A N O N V I I I.

Si quis dixerit, Episcopos qui auctoritate Romani Pontificis assumuntur, non esse legitimos & veros Episcopos, sed figmentum humanum, anathema sit.

De Sacramento Matrimonii 12.

C A N O N I.

Si quis dixerit, Matrimonium non esse verè & propriè unum ex septem Legis Evangelicæ Sacramentis, à Christo Domino institutum, sed ab hominibus in Ecclesia inventum, neque gratiam conferre, anathema sit.

C A N O N I I.

Si quis dixerit, licere Christianis plures simul habere uxores, & hoc nulla lege divina esse prohibitum, anathema sit.

C A N O N I I I.

Si quis dixerit, eos tantum consanguinitatis & affinitatis gradus, qui in Levitico exprimuntur, posse impedire Matrimonium contrahendum, & dirimere contractum; nec posse Ecclesiam in nonnullis illorum dispensare, aut constituere, ut plures impediunt & dirimant, anathema sit.

C A N O N I V.

Si quis dixerit, Ecclesiam non potuisse constituere impedimenta Matrimonium dirimentia, vel in iis constituendis errasse, anathema sit.

C A N O N V.

Si quis dixerit, propter hæresim, aut molestem cohabitationem, aut affectatam absentiam à conjugē, dissolvi posse Matrimonii vinculum, anathema sit.

CANON VI.

Si quis dixerit, Matrimonium ratum, non consummatum, per solemnem Religionis professionem alterius conjugum non dirimi, anathema sit.

CANON VII.

Si quis dixerit, Ecclesiam errare, cum docuit & docet, juxta Evangelicam & Apostolicam doctrinam, propter adulterium alterius conjugum, Matrimonii vinculum non posse dissolvi; & utrumque, vel etiam innocentem, qui causam adulterio non dedit, non posse, altero conjugē vivente, aliud Matrimonium contrahere; mœcharique eum qui dimissa adultera, aliam duxerit; & eam quæ dimisso adultero, alii nupsit, anathema sit.

CANON VIII.

Si quis dixerit, Ecclesiam errare, cum ob multas causas separationem inter conjuges, quoad thorum, seu quoad cohabitationem, ad certum incertumve tempus fieri posse decernit, anathema sit.

CANON IX.

Si quis dixerit, Clericos in sacris Ordinibus constitutos, vel Regulares castitatem solemniter professos, posse Matrimonium contrahere, contractumque validum esse, non obstante lege Ecclesiastica, vel voto; & oppositum nihil aliud esse, quam damnare Matrimonium; posseque omnes contrahere Matrimonium, qui non sentiunt se castitatis, etiam si eam voverint, habere donum, anathema sit: cum Deus id rectè petentibus non deneget, nec patiatut nos supra id quod possumus, tentari.

CANON X.

Si quis dixerit, statum conjugalem anteponendum esse statui virginittatis, vel cœlibatus, & non esse melius ac beatius manere in virginittate aut cœlibatu, quam jungi Matrimonio, anathema sit.

CANON XI.

Si quis dixerit, prohibitionem solemnittatis nuptiarum certis anni temporibus superstitionem esse tyrannicam, ab Ethnicorum superstitione profectam; aut benedictiones, & alias cœremonias, quibus Ecclesia in illis utitur, damnaverit, anathema sit.

CANON XII.

Si quis dixerit, causas Matrimoniales non spectare ad iudices Ecclesiasticos, anathema sit.

Objicies 1. fortè cum Protestantibus Germaniæ Ministris, cæterisque Novatoribus prætenſæ Religionis Reformatæ viris, contendentibus nullum esse nec pro œcumenico habendum Concilium Tridentinum, & sic. Concilium Tridentinum indictum est ad decidendam Protestantium Germaniæ causam, seu ad damandas hæreses in Germania natas & à Protestantibus Germaniæ propugnatas; ergo celebrari debuit in aliquo Germaniæ loco, seu in aliqua Germaniæ civitate, & non in Tridentina; cum præcipiant Canones etiam apud S. Cyprianum lib. 1. epist. 3. *Ut illic lites judicentur, ubi exorta sunt.* Quod cum non fuerit observatum hoc in casu, pro nullo & non œcumenico

Contra Concilium hoc factosanctum: perperam reclamant Protestantes, quia non in Germania, sed Tridenti celebratum.

menico habendum est hoc Concilium. Resp. conc. aut. neg. conseq. ad cuius probationem ex Cypriano desumptam, dico præfatum Canonem intelligendum esse de privatis particularium causis seu criminibus, quæ idè iudicari debent in locis ubi sunt commissa, quia ibi facilius reperiuntur testes quàm alibi; sed non de causis communibus, & fidei Catholicæ quæstionibus quæ ad universam spectant Ecclesiam; illas enim in locis ubi sunt exortæ, iudicari non est necesse nec præceptum; unde est quòd controversia seu quæstio de legalium cessatione Antiochiæ mota, non fuit Antiochiæ, sed Jerosolymæ in Concilio Apostolorum decisa, ut habetur Act. cap. 15. Ariana pariter hæresis Alexandriæ in Ægypto nata, non Alexandriæ, sed Nicææ in Bithynia damnata, Nestoriana Constantinopoli à Nestorio parva, non Constantinopoli proscripita, sed Ephesi à ducentis Ephesini Concilii Patribus. Eutychiana Constantinopoli similiter orta, non Constantinopoli, sed Chalcedone discussa & iudicata. Donatistarum hæresis in Africa suborta, sed Romæ sub Melchiade, & Atelate sub Silvestro in Gallia prostrata. Iconoclastarum deique hæresis Constantinopoli vel orta, vel aucta, & tamen Romæ primum, postea Nicææ in Bithynia damnata. Potuit ergo pariter Lutherana licet in Germania nata, Tridenti damnari Protestantium hæresis, ac proinde contra illam potuit Tridenti celebrari Concilium, imò & commodè; cum Tridentum civitas sit in Italiæ, Germaniæ & Galliæ finibus posita, Germanis commoda, cæterisque nationibus non suspecta: at si sibi visi sunt Protestantes jure petere, ut non fieret in Italia Concilium, ne in eo prævalerent Catholici, jure exigere potuere Catholici, ut non fieret in Germania, ne in eo prævalerent Protestantes Lutherani.

Quia non ab Imperatore, sed à Rom. Pont. convocatum.

Objicies 2. A Romano Pontifice, & non ab Imperatore indictum fuit Concilium Tridentinum; ergo & contra morem antiquum indictum est, ac proinde nullum. Resp. conc. ant. neg. conseq. quia non Imperatoris, sed solius Rom. Pontificis est de jure, ut visibilis Ecclesiæ Capitis & Pastoris generalis ac supremi, generalia convocare Concilia, ut visum est supra cap. 3. & conitat ex solo Chalcedonensis Concilii facto, non permittentis Dioscorum Patriarcham Alexandrinum inter Episcopos remanere, sed illum tam Episcopali quam sacerdotali munere privantis, eò quòd perperam & contra Canones Synodum aliam, videlicet Ephesinam, vulgò prædatoriam Ephesi Synodum convocare fuerat ausus, solo permittente Imperatore Theodosio, & minime consulto Romano Pontifice Leone; quod numquam factum, numquam licitum conclamarunt omnes Chalcedonensis Concilii Patres. Et si inveniuntur nonnulla in Oriente celebrata, & ab Imperatore convocata generalia Concilia, ea postulante & consentiente Romano Pontifice celebrata fuisse constat.

Quia in eo per suos Legatos interfuit summus Pontifex.

Objicies 3. Concilium illud pro non legitimo & nullo haberi debet, in quo interfuit Romanus Pontifex, sustinens personam Judicis & Partis, cum repugnet æquitati, & sit contra jus omne tam divinum quàm humanum, quod quis in eadem causa sustineat personam Judicis & Partis; Atqui Concilium Tridentinum est tale, cum in eo interfuerit per suos Legatos ut Judex & ut Pars; ut Judex nimirum, quatenus interfuit ut decideret; & ut Pars, quatenus interfuit ut suam causam defenderet, utpote quia de multis fidei sanctiorisque disciplinæ corruptelis accusatus; ergo pro non legitimo & pro nullo habendum hoc Tridentinum Concilium. Resp. perm. maj. neg. min. falsum enim est hoc in Concilio & in eadem

eadem causa Romanum Pontificem sustinuisse personam Judicis & Partis. Ratio est, quia hoc in Concilio non agebatur privata Romani Pontificis causa, sed Fidei, sed Religionis, sed Ecclesiæ causæ communis, cuius defensor & custos esse debet Romanus Pontifex, utpote quia visibile Ecclesiæ Caput & Pastor universalis ac primus. Addo quòd si valeret hæc Protestantium objectio, si ideò Romanus Pontifex dicendus esset in Concilio Tridentino sustinuisse personam Judicis & Partis in sua causâ, quia communem ibi gerebat Ecclesiæ causam, ac proinde si ex hoc concludi posset nullum esse Concilium Tridentinum, idem dicere potuissent & hæretici cæteri, quotquot fuere in Conciliis ab Ecclesia damnati; nimirum nulla fuisse Concilia illa à quibus fuere iudicati, quia in his interfuit Romanus Pontifex sustinens personam Judicis & Partis, quatenus in his comminente Fidei, Religionis & Ecclesiæ causam agebat: sed hoc non dicunt, nec umquam dixere cæteri de Conciliis aliis hæretici, imò nec ipsi auctores Protestantes Lutherani de primis Ecclesiæ Conciliis; ergo nec de Tridentino dicere debent.

Obiicies 4. cum iisdem. In hoc Tridentino Concilio non interfuere Germaniæ Civitates, nec Protestantes Augustanæ Confessionis Principes, quia non ritè vocati, nec salvoconductu donati, & tamen absentes & non auditi iudicati, quod repugnat æquitati, & indicat non legitimum fuisse Concilium; ergo. Resp. ad Tridentinum Concilium ritè vocatos fuisse vocandos omnes, etiam ipsos Germaniæ Protestantes sive Civitates, sive Principes; & si ad illud non venerint, sibi, non Concilio imputare debent: ipsos enim omnes ritè vocatos fuisse ac invitatos, ipsisque facilem & tutum fuisse ad Concilium aditum, nihil manifestius probare potest, quam publicæ securitatis libellus sive salvoconductus ipsis in Sess. 13. 15. & 18. à Concilio datus, cuius tenor hic est:

Quia in eo absentes & non auditi Protestantes iudicati.

Sacrosancta & Generalis Tridentina Synodus, in Spiritu Sancto legitimè congregata, Presidentibus in ea eisdem S. Sedis Apostolica Legatis & Nuntiis, omnibus & singulis sive Ecclesiasticis, sive secularibus personis universa Germaniæ cuiuscumque gradus, status, conditionis & qualitatæ sint, quæ ad æcumenicum hoc & generale Concilium accedere voluerint, ut de iis rebus quæ in ipsa Synodo tractari debent, omni libertate conferre, proponere & tractare, ac ad ipsum æcumenicum Concilium liberè & tuto venire, & in eo manere & commorari, ac articulos quotquot illis videbitur, tam scripto quàm verbo offerre & proponere, & cum Patribus, sive iis qui ab ipsa sancta Synodo electi fuerint conferre, & absque ullis conviciis & contumeliis disputare, nec non quando illis placuerit, recedere possint & valeant, publicam fidem & plenam securitatem, quam Salvoconductum appellant, cum omnibus & singulis clausulis & decretis necessariis & opportunis, etiamsi specialiter, & non per verba generalia exprimi deberent, quæ pro expressis haberi voluit, quantum ad ipsam S. Synodum spectat, concedit. Placuit præterea sancta Synodus, ut si pro maiori libertate ac securitate eorum, certos tam pro commissis, quàm pro committendis per eos delictis, Iudices eis deputari cupiant, illos sibi benevolos nominent, etiam si delicta ipsa quantumcumque enormia ac hæresim sapientia fuerint.

Obiicies 5. cum aliis contenditibus Tridentinum Concilium in Gallia non esse receptum, aut non recipiendum, & sic. Concilium Tridentinum Sess. 23. cap. 12. de Reformatione permittit cuique 25. ætatis annum attingenti ad Presbyteratus Ordinem promoveri, quod est expresse contra anti-

Perperam reclamant alii in Gallia non esse receptum,

quos

nec recipiendum Concilium istud.

quos Canones, præsertim Neocæsarenſis Concilii anno 314. ſub Silveſtro habiti, in Nicæno L. receptos & approbatos, & expreſſe dicentes can. 11. *Presbyter ante 30. annorum ætatem non ordinetur, quamvis ſit probabilis vita, ſed obſerret uſque ad præſinitum tempus : Dominus enim noſter Jeſus Chriſtus trigefimo anno baptizatus eſt, & tunc prædicavit.* Agathenſe Concilium ſub Symmacho Papa celebratum anno 506. idem confirmat can. 17. dicens : Presbyterum verò vel Episcopum ante triginta annos, id eſt, antequam ad viri perfecti ætatem perveniat, & Diaconos ante viginti quinque nullus Metropolitanorum ordinare præſumat; idemque poſtea conſtitutum in Gallia, Aurelianenſi Sanctione; ergo ſi hoc Tridentini Concilii decretum ſit contra antiquos Canones, eſt conſequenter contra Gallicanæ Eccleſiæ libertates, in uſu antiquorum Canonum ſitas; ac proinde non receptum vel non recipiendum in Gallia Concilium Tridentinum. Reſp. perm. ant. neg. conſeq. quia licet verum ſit, illud Tridentini Concilii decretum eſſe contra antiquos Canones, non ſequitur illud Gallicanæ Eccleſiæ libertatibus adverſari, quia cum ex S. Auguſt. plenaria Concilia priora à poſterioribus corrigantur perſæpè circa diſciplinæ decreta, potuit Tridentina Synodus his antiquis derogare Canonibus, & illis re ipſa derogavit hoc præſato de ordinandorum ætate decreto; & poſt Tridentinum Concilium edita eſt in Gallia poſterior Sanctio, Bleſenſis nimirum quæ circa articulum illum Aurelianenſi Sanctioni derogavit, ſeque Tridentini decreto lubenter accommodavit ſub Henrico III.

Aut illud contra Canones antiquos decreta tulit plura.

Objicies 6. Concilium Trident. Seſſ. 24. cap. 1. de Reformatione matrimonii, approbat matrimonia à filiisfamilias, invitis ſeu non conſentientibus parentibus iniſta, quod eſt contra antiquos Eccleſiæ Canones & Juriconſultos omnes, & expreſſe contra Henrici II. & Henrici III. Galliarum Regum Sanctiones, quibus irritantur hujusmodi filiorum familias connubia, non conſentientibus parentibus contracta; ergo vel non receptum, vel non recipiendum à Gallis hoc Concilium. Reſp. diſt. ant. approbat connubia illa, ut rata & vera matrimonia, conc. ut licita, neg. ant. imò tantum abeſt ut illa approbet tanquam licita, quin econtra illa potiùs expreſſe reprobet, ut patet ex ipſis præallegati decreti terminis; ſic enim ait : *Tameſi dubitandum non eſt, clandestina matrimonia libero contrahentium conſenſu facta, rata & vera eſſe matrimonia, quamdiu Eccleſia ea irrita non fecit; & prout jure damnandi ſunt illi, ut eos ſanctæ Synodus anathemate damnet, qui ea vera ac rata eſſe negant; quique falſo affirmant, matrimonia à filiisfamilias ſine conſenſu parentum contracta, irrita eſſe, & parentes ea rata vel irrita facere poſſe : nihilominus ſanctæ Dei Eccleſiæ ex juſtiſſimis cauſis illa ſemper deſeſtata eſt atque prohibuit, &c.*

Vel quia in eo ſuffragium tulere præter Episcopos alii, ut Ordinum Religioſorum Generales varii.

Objicies 7. Concilium illud pro nullo haberi debet, in quo alii præter Episcopos ſuffragium tulere, cum ſoli Episcopos ad Concilium veniendi & in eo ſuffragandi jus habeant, juxta illud in Chalcedonenſi Concilio à Patribus conclamatum : *Mitte foras ſuperfluos, Concilium Episcoporum eſt.* Atqui in Concilio Tridentino interfuere & ſuffragium tulere deciſivum alii præter Episcopos, videlicet varii Religioſorum Ordinum Generales; ergo pro nullo haberi debet Trid. Conc. Reſp. majorem eſſe veram de illis aliis præter Episcopos, qui ſuffragium deciſivum in Conciliis non habent neque de jure, neque ex privilegio : falſum autem de iis, qui ex privilegio deciſivum ſuffragium in Conciliis habent : Abbates autem

antem & Religioſorum Ordinum Generales juſ illud deciſivum in Conciliis ex privilegio jam veteri conſuetudine firmato habent; ac proinde falſa minor, & ex majore & minore conſuſio falſior.

Inſtabis. Saltem *Jacobus Laynius* Societatis Jeſu Præpoſitus Generalis ſub Pio IV. Röm. Pont. invitis & reclamantibus Patribus hoc in Concilio ſedit, & ſuffragium tulit deciſivum; cæteroſque Religioſorum Ordinum Generales præcedere voluit; ergo ſine jure ullo ſaltem conſtanti & indubitato; ac proinde nullum ex hoc capite Concilium. Reſp. neg. ant. abſolutè; mera enim calumnia eſt perperam & malè conſecta in virum religioſiſſimum, ingenio, judicio, modèſtia & eruditione magnum, quiteſte Phil. Alegambo in Bibliotheca Script. S. J. oblatam à Paulo IV. Cardinalium purpuram ſponte reſuſavit; qui poſt ejuſdem *Pauli IV.* Romani Pontificis obitum, 12. Cardinalium ſuffragia, ut fieret ſummus Pontifex, habere meruit; qui ter ad Tridentinum Concilium venire juſſus ut Sedis Apoſtolice Theologus, miſſus primùm à Paulo III. poſtea à Julio III. & iterum à Pio IV. cùmque jam ſub Pio IV. & poſt Beati Iguatii fundatoris obitum, Societatis ſuæ Præpoſitus Generalis eſſet, nedum ut Theologus interfuit Concilio; ſed ut judex inter Concilii Patres ſedere debuit, & ſedit non reclamantibus, ſed rogantibus potiùs Concilii Patribus; dubitatum quidem fuit tantisper à cæremoniali Magiſtro de congruo ei aſſignando loco, an ſcilicet infra cæteros Religioſorum Ordinum Generales; eò quòd Ordinis omnium noviffimi, licèt jam in Eccleſia celeberrimi, Generalis eſſet, an ſupra illos, quòd Ordinis Clericorum caput eſſet, & Clericos Monachis præire debere conſtet; ipſe interim nihil cunctans, ſed modèſtiæ & pacis amans locum ſelegit ultimum, cui poſtea Sedis Apoſtolice Legati locum dedere à cæteris Ordinum Generalibus ſejuñctum, ubi poſt illos ſuffragium, ſine tamen ullo Clericorum præjudicio, ferret.

~~~~~

## SECTIO QUARTA.

*De particularibus Conciliis, circa præcipuas hæreſes in Eccleſia celebratis.*

**Q**uia non ſinit intentæ Apparatus noſtri brevitæ, per ſingula ſuæ latèque diſcurrere particularia Eccleſiæ Concilia; juvat hic curſim & breviter ex iis ea deſignare ſola, quæ fuere in cauſa præcipuarum hæreſum, ſive controverſiarum habita.

### ARTICULUS PRIMUS.

*De Conciliis in cauſa Quartodecimanorum, ſive Paſchæ ſitarum habitis.*

**P**Ro definienda celebri de Paſchatis obſervatione controverſia, varia variis in locis, præter Nicænum œcumenicum primum, habita fuere Concilia particularia; inter quæ fuere præſertim iſta,

Concilia  
in quibus  
Pascha die  
Dominico  
post 14. Lu-  
nam Martii  
celebran-  
dum esse  
decretum.

1. *Romanum* Concilium unum, à *S. Victore* Papa hujus nominis I. Ro-  
mæ celebratum, anno Domini 198. Imperii Severi quarto, cui interfuit  
Theophilus Cæsariensis Episcopus, præfuitque Victor ipse: in quo Pascha  
non 14. Luna, more Judæorum, sed die Dominico decimam quartam  
Lunam, æquinoctiumque vernale immediatè sequente, prout ab Aposto-  
lis traditum est, celebrandum esse decrevit; eosque, qui aliter celebrare  
præsumpserint, excommunicavit. Quæ excommunicatio Gallicanis Eccle-  
sias visa est paulò severior, & de ea per *Irenæum* Lugdunensem Episcopum  
conquestæ sunt apud Victorem; ejus tamen acquievere decreto: qui verò  
non acquiescentes resistere, *Quartodecimani* fuere vocati, quia decima  
quarta primi mensis Luna, Paschale festum celebrandum esse tenebant.

2. *Palaestinum*, seu *Cæsariense* unum, eodem anno Christi 198. & Im-  
perii Severi quarto, auctoritate *Victoris* Romani Pontificis, à Theophilo  
Cæsariensi Metropolitano Episcopo, Cæsareæ in Palaestina coactum; in  
quo de tempore Paschatis celebrandi, idem quod in præcedente & se-  
quentibus quibudam aliarum Provinciarum Conciliis, est constitutum; ni-  
mirum, nequaquam licere Christianis decima quarta die primi mensis  
Pascha celebrare. Hujus verò, sicut nec præcedentis Concilii, etsi nulla  
superfint acta, fragmentum tamen ejus planè aureum reperitur apud Be-  
dam, de æquinoctio vernali, quo fragmento liquidò constat, *Theophilum*  
Cæsariensem Episcopum auctoritate *Victoris* Papæ hoc coegisse Concilium,  
& ad illud nedum de sua Provincia, sed etiam de regionibus aliis Episco-  
pos vocasse, & ab iis simul congregatis, priusquam concluderetur die  
Dominico celebrandum esse Paschale festum, investigatum fuisse quomo-  
do mundus fuerit à principio factus; & interrogante *Theophilo*, ab Epi-  
scopis responsum, atque e Scriptura probatum, mundum in principio fuis-  
se factum die Dominico, verno tempore, in æquinoctio, quod est octa-  
vo Kalendarum Aprilium, & plena Luna.

Quibus ita præmissis & probatis, deinde ex eodem Concilii fragmen-  
to constat fuisse conclusum, diem Dominicum præteriri non posse, quin  
in eo Paschale celebretur festum, cum tot & talibus fuerit benedictioni-  
bus sanctificatus, quarum prima est quòd in ipso die tenebræ sint remo-  
tæ, & lux apparuerit; secunda quòd in eodem die de terra *Ægypti*, vel  
ut de tenebris peccatorum, quasi per fontem Baptismi, per mare ru-  
brum populus fuerit liberatus; tertia quòd in eo die in cælestem ci-  
bum, manna hominibus datum sit; quarta quòd Moyses de eo ad po-  
pulum mandaverit *Levit. 7. Sit vobis observatus dies primus & novissimus*;  
quinta quòd in illa die resurrexerit Dominus; sexta quòd de die resurre-  
ctionis Domini dicat Psalmista Psalm. 117. *Hæc dies quam fecit Dominus,*  
*exultemus & latemur in ea.*

3. *Ponticum* Provinciale, seu Concilium unum eodem tempore, & ea-  
dem de causa in Ponto celebratum; in quo de Paschatis observatione,  
idem quod in præcedentibus definitum est, inquit Eusebius, & cujus pa-  
riter acta superfint nulla.

4. *Galicum*, hoc est in Gallia, sub eodem Victore Romano Pontifice,  
circa eadem tempora, & ob eandem Paschatis controvertiam habitum:  
cui præfuit *Irenæus*, & in quo hac in causa, idem quod in præcedentibus  
constitutum est, & cujus sicut præcedentium perire acta.

5. *Asiatum*, hoc est, quod in Asia circa hæc eadem tempora, ob  
eamdem causam, Aliam celebrant Episcopi, per *Polycratem* Ephesinum  
Episco-

Episcopium; in quo putantes se Euangelio, & Majorum traditionibus inhærere, à consuetudine celebrandi Pascha die 14. primi mensis, etiam si in Dominicum non incideret, recedendum non esse constituerunt, idque per *Polycratem* ad Victorem Romanum Pontificem rescriserunt. *Victor* his auditis, Concilium reprobavit, & quod diu minatus fuerat excommunicationis fulmen, contra pertinaces emisit: quam *Victoris* sententiam contra Orientales postea confirmarunt Nicæni Concilii Patres, teste eodem *Eusebio* lib. 5. hist. cap. 23. & seq. imò non solum id idem determinavit Synodus *Nicæna*; sed & quàmplura alia idem definire Concilia, qualia fuere *Arelatense* I. *Antiochenum* I. sub *Julio* can. 1. Unde & *Ephe- sinum* I. generale in decreto quod allegat Concilium generale Chalcedonen- se act. 1. ad calcem exemplaris falsati Symboli sic loquitur: *Omnis qui non celebrat sanctum diem Pascha, secundum sanctæ Ecclesiæ Catholica statuta, anathema sit.* Illud confirmat & renovat idem Chalcedonen- se Concilium, & ante Concilia ista, id statuerat Canon Apostolorum 8. dicens: *Si quis Episcopus, aut Presbyter, aut Diaconus sanctum Pascha diem ante vernale Equinoctium cum Judæis celebraverit, abjiciatur.*

## ARTICULUS II.

## De Conciliis in causa lapsorum habitis.

**L**apsi dicuntur hic à nobis hi, qui tyrannico in Christianos sæviente bello, fuerant à fide in Idololatriam cecidisse deprehensi; quorum alii sacrificati, alii *thyrificati*, alii idololatæ, alii libellatici, & traditores dicebantur alii, & de quibus omnibus fusiis egimus suprà lib. 3. art. penult.

In hujusmodi ergo lapsorum causa, varia fuere variis in locis & temporibus variis habita Concilia, qualia sunt,

1. *Romanum* unum anno Domini 253. à Clero Romano, Sede vacante convocatum, post *Fabiani* Romani Pontificis obitum, ad providendum de modo, quo recipiendi essent redeuntes, pacemque petentes in Africa- na Ecclesia lapsi. Ex iis enim cùm plurimi à *Cypriano* ardentius pacem peterent, datis Ecclesiæ nomine libellis supplicibus, isque non sine pœnitentia & satisfactione prævia recipi posse, neque debere respondisset, *Luci- anus* autem confrater quovis sine discrimine recepisset, Romanæ Ecclesiæ judicio se per literas submittit, ejusque hac in re consilium inquit. Clerus verò Romanus, ad evitandam lapsorum invidiam & odium, ne videretur solus ipse hoc in negotio novæ disciplinæ promulgator & auctor; sæviente licet persecutione, istud congregavit Romæ Concilium, ad quod vicinos quosque, & quotquot ex aliis regionibus extorres Romæ, vel aliis in Italiæ locis causa fidei, mutato habitu delitescentes convocavit Episcopos; à quibus simul congregatis statutum est, ut infirmi quidem de vita periclitantes, prævia confessione & pœnitentia recipiantur; aliorum verò causa, & reconciliatio ad electionem novi Rom. Pontificis usque suspendatur, extatque decretum illud ea in Epistola, quam scripsit Clerus Romanus; in qua hæc, inter alia, leguntur notanda: *Pulsent fores, sed non utique confringant; adeant ad limen Ecclesiæ, sed non utique transiliant. Castrorum Caesium excubent portis, sed armati modestia, qua intelligant se*

Concilia  
in quibus  
præsertim  
actum est  
de Christianis  
sæviente  
persecu-  
tione lapsis.

deser-

desertores fuisse; multum illis proficiat petitio modesta, postulatio verecunda, humilitas necessaria, patientia non otiosa; mittant legatos pro suis doloribus lacrymas; advocacy fungantur ex intimo pectore prolati gemitus, dolorem probantes commisi criminis, & pudorem.

2. *Carthaginense I.* à B. Cypriano sub Cornelio Romano Pontifice convocatum, anno Domini 253. in quo decretum est, ut lapsi poenitentiam agentes, in Ecclesiæ Communionem admittantur quidem, sed non citra urgentem necessitatem, ante impletum satisfactionis tempus.

3. *Romanum* alterum sive I. sub eodem Romano Pontifice *Cornelio*, ad instantiam ejusdem B. Cypriani Romæ celebratum, anno Domini 254. in quo confirmatum est præcedentis Carthaginensis Concilii decretum; nimirum ut lapsi ad poenitentiam admitterentur, sed non ad Communionem, nisi impleto satisfactionis tempore; & de Sacerdotibus lapsis est peculiariter statutum, ut reciperentur quidem in Ecclesiam poenitentia prævia, sed à Sacerdotali functione deinceps abstinere, laicali Communionem contenti.

4. *Carthaginense II.* anno Domini 255. sub eodem *Cornelio* Papa, à B. Cypriano convocatum, occasione duorum schismaticorum, *Felicissimi* nimirum & *Novatiani*; quorum ille omnes omnino lapsos absque poenitentia suscipiendos esse docebat, dum *Novatianus* econtra neminem eorum qui lapsi erant, in Ecclesiam recipiendum esse pertinaciter asserbat. Cujus controversiæ dirimendæ gratia, hoc convocavit *Cyprianus* Concilium, in quo 43. Africanæ Ecclesiæ Præsules mediam ineuntes viam, definiunt lapsi reditum ad Ecclesiam postulantes, pacem & reconciliationem esse dandam, si impositam sibi poenitentiam impleverint; idque ordinariè servandum constituerunt, nisi vel imminens mortis periculum, vel instans Tyrannorum persecutio, poenitentia injunctæ vel injungendæ relaxationem exigeret.

5. *Africanum* unum, videlicet Concilium à Cypriano in Africa, ad instantiam Episcoporum Hispaniæ convocatum anno Domini 258. in causa *Basilidis* Legionensis, & *Martialis* Asturicensis Episcoporum, qui lapsi libellatici erant. Hi enim duo Episcopi cum essent in persecutione lapsi libellatici, hoc est, ex iis qui privatim fidem abnegantes, publicorum Idololorum cultum numerata pecunia vitabant, & securitatis libellos emebant; essentque ea de causa ad denuntiationem fidelium Hispanorum, è suis sedibus detrusi, & eorum in locum *Sabinus* ac *Felix* substituti; contenderentque postea cessante persecutione, suas in sedes absque ullo honoris gradusve dispendio restitui; quod cum viderent fideles Hispani Episcopi, causam deferunt ad Africanæ Ecclesiæ Præsules, qui hoc in Concilio congregati confirmant, quod ab Episcopis Hispaniæ, de *Basilidis* & *Martialis* depositione, & *Sabini* ac *Felices* substitutione fuerat constitutum; quod & ipsa confirmat Romana Sedes.

6. *Cirtense* Conciliabulum, hoc est, Cirtæ in Numidia sub *Marcellino* Rom. Pont. celebratum Concilium anno Domini 303. auctore & Præsidente *Secundo* Tigisitano Episcopo, Numidiæque Primatæ; eaque præsertim de causa convocatum, ut in locum defuncti Cirtensis Episcopi, alius sufficeretur & subrogaretur Episcopus; in eoque reprobatum, quod traditores Episcopi traditorem elegerunt; Episcopi enim qui ex Imperatorum edicto, Codices sacros, resve alias sacras comburendas tradiderant, autthuricaverant, in Episcopum Cirtensem elegerunt *Paulum* quemdam, qui paulò



paulò post sacros Ecclesiæ Libros, aliaque suppellectilia sacra tradidit, sicut & *Silvanus* ejus Subdiaconus, & post ipsum *Cirrensis* pariter Episcopus. Ex his traditoribus impij prodire Donatistæ; quorum causa, Africana Ecclesia fuit per multa sæcula tot cladibus exagitata.

7. *Sinuessanum* à Clero Romano in causa de lapsu Marcellini convocatum: cum enim de lapsu accusaretur *Marcellinus* Pontifex maximus, nimirum quòd Diocletiani sæviente persecutione omnium maxima, ad gentium sacrificia ductus, ibique minis perterritus Deos adorasset alienos, in templo scilicet *Ilidis* & *Vestæ*, gentium Idolis sacrificando & thurificando, ad convocatorias Cleri Romani literas convenerunt diversarum Provinciarum Episcopi 300. in civitatem regni Neapolitani, nomine *Sinuessam*, de hoc prætenso Marcellini Romani Pontificis lapsu sententiam dicturi: ubi in Crypta Cleopattenti, post causam mature discussam, & post nonnullos alios Presbyteros damnatos, *Marcellinus* ipse sacco indutus, conspersus cinere, humi prostratus pœnitentiam agens, publicè suum fatetur lapsum, pœnamque sibi imponi rogat; cumque è tot Concilii Patribus in eum sententiam ferre auderet nullus, & dicerent omnes, *Prima Sedes à nemine judicatur, tu te ipsum judica*, seipsum re ipsa judicavit & condemnavit, dum suum confessus lapsum, dixit: Peccavi coram vobis, & non possum esse in ordine Sacerdotum; quæ cum audisset *Diocletianus*, iratus multos ex hujusce Concilii Patribus ad Martyrium trahi jussit, quos inter fuit & ipse *Marcellinus*.

At Concilium istud, lapsumque Marcellini antiqua licèt agnoscat in antiquis tum Romanæ, tum aliarum Ecclesiarum Martyrologiis, & Breviariis hucusque retenta traditio, & à Nicolao I. Rom. Pont. ad Michaellem Græcorum Imperatorem scribente, confirmata, supposititium tamen utrumque, merumque Donatistarum commentum esse, contendunt hodie eruditi non pauci, etiam Catholici viri.

1. Quia apud *Eusebium* & *Theodoretum*, de hoc Marcellini casu nulla mentio. 2. Quòd S. August. lib. de unico Baptismo contra Petilianum cap. 16. dicat, lapsum Marcellini, per rumusculum dumtaxat recentioribus Donatistis cognitum, & Catholicis objectum probari non potuisse, dum ait: *Lapsum Marcellini Donatistæ quidam Catholicis objecerunt, sed crimen esse commissum hæcenus non probarunt*. 3. Quòd incredibile profusum esse videatur, quòd sæviente persecutione omnium maxima, potuerint 300. congregari Episcopi, eo scilicet tempore, quo publicè prodire ac manifestari audebat Christianus serè nemo, absque vitæ periculo. 4. Denique quòd nulla apud Scriptores sive profanos, sive sacros occurrat hujus *Sinuessanæ* civitatis mentio.

8. *Iliberitanum*, sive *Eliberitanum*, hoc est, *Eliberi* apud Hispanos in Provincia Bœtica prope Granatam habitum, anno Christi 305. sub *Marcello* Romano Pontifice, & imperante *Constantio*, dum vigeret adhuc Gentilium persecutio; in quo à 19. Episcopis, (quos inter eminebat *Osius Cordubensis* Episcopus,) potissimum actum est de fidelibus in persecutione lapsis, & editi Canones 81. quorum quia nonnulli *Novatiano*, alij *Vigilantio*, alij *Iconomachis* favere videntur; ideò Concilium reprobatum, vel erroneum esse sensere viri eruditi nonnulli: *Novatiano* siquidem favere videntur Canones 1. 2. 6. 8. 12. 17. 18. dum lapsis in persecutione, aliisve gravioribus peccatoribus pœnitentiam quidem concedunt, sed Communionem etiam in fine vitæ negant. *Vigilantio* verò favere videtur

Canon 34. dum cereos per diem in cœmeteriis accendi vetat, ne inquietentur Sanctorum spiritus. *Iconomachis* denique Canon 36. dum picturas in Ecclesiis esse prohibet, dicens: *Placuit picturas in Ecclesia esse non debere, ne quod colitur aut adoratur, in parietibus depingatur.*

Verùm nec *Novatiano*, nec *Vigilantio*, nec *Iconomachis* favere Concilium istud, veriùs probant alii, & patet; nam

Non *Novatiano* favet, licet lapsis, gravioribusque peccatoribus aliis Communionem etiam in fine vitæ neget, 1. quia ibi nomine Communionis, Eucharistiam intelligit, non sacramentalem Absolutionem. 2. quia quamvis Absolutionem sacramentalem statueret negandam, per hoc tamen non faveret *Novatiano*, nec conveniret cum *Novatianis*, quia illam non statuit negandam *desperatione venia, sed rigore discipline.*

Non *Vigilantio* pariter favet, licet Canone 34. dicat: *Cereos per diem placuit in Cœmeterio non incendi; inquietandi eum Sanctorum spiritus non sunt.* 1. Quia non omnem prorsus & absolutè cereorum accensionem prohibet ille Canon; sed solum supersticiosam, & ritu gentilitio factam ad inquietandos Sanctorum spiritus; ubi per Sanctorum spiritus, defunctorum intelligit animas, quæ quidem non propriè, sed metaphoricè duntaxat perturbari & inquietari dicuntur, eò quòd valdè displiceant eis illi superstitionis Gentilium ritus, quos à quibusdam in sui honorem, aut utilitatem vanam fieri & exerceri cognoscunt; vel ex eo quòd carminibus magicis, aliisque superstitionibus adhibitis, animas suas ritu gentilitio invocari, sollicitari & inquietari doleant: solebant enim olim Gentiles accensis facibus & incantationibus, defunctorum animas invocare & sollicitare. A Gentilibus in Ecclesiam irrepserat ille ritus, & hunc ritum, accendendi scilicet cereos in Cœmeterio, more gentilitio, ad inquietandas seu evocandas defunctorum animas, prohibent hoc Canone Illiberitani Concilii Patres; inquietari enim dicuntur, dum sic supersticioso Gentilium ritu evocantur defunctorum animæ; unde est quòd olim *Samuelis* anima sic superstitionibus invocata *Sauli* respondisse fertur 1. Reg. cap. 28. vers. 15. *Quare inquietasti me, ut suscitarer?* 2. Quia dici potest cum *Garsia Hoaisa*, Canonem illum de spiritibus fidelium adhuc in terris viventium intelligendum esse, quorum fidelium spiritus, seu mentes, hac cæremonia accendendi cereos in Cœmeterio per diem, perturbabantur & scandalum patiebantur, ob immixtum ritus superstitionis ac gentilis abusum; aut certè ideò scandalò inquietabantur, quòd animas Martyrum cereis accensis juvare putantes, in errorem inducerentur; sed verior ac probabilior est *Baronii* interpretatio dicentis, per Sanctorum spiritus, mortuorum fidelium animas intelligi, quæ non propriè quidem, sed metaphoricè duntaxat perturbari & inquietari dicebantur, eò quòd displiceant ipsis ritus illi superstitionis & gentilitii, quos à quibusdam in sui honorem induci videbant.

Sed quares fortè, cur adhuc hodie per diem, & lucente sole, accenduntur in Ecclesia candelæ & magnæ sæpè cereorum moles? *Vigilantius* enim hoc improbat, & ut supersticiosum Gentilium ritum damnat, sultus hoc 34. Illiberitani Concilii Canone. Resp. cum S. Hieronymo in *Epist. ad Riparium*, accendi in Ecclesia candelas & cereos, non ad fugandas tenebras, sed ad signum latitiæ demonstrandum, in honorem Christi & Martyrum; ac proinde *Vigilantius* dolens hujusmodi honorem Martyrum reliquis exhi-

exhiberi, perperam & impiè damnat hanc piam Ecclesiæ praxim, tanquam supersticiosum Gentilium ritum.

Denique non *Iconomachis* favet, etsi Can. 36. dicat : *Placuit picturas in Ecclesia esse non debere, ne quod colitur aut adoratur, in parietibus pingatur.* Quia hoc Canon non prohibetur Imagines absolute, sed solum ne in parietibus Ecclesiæ depingantur, & hujus prohibitionis & Canonis causæ fuisse variz. Prima fuit, ne imminente persecutione, Christiani has sic in parietibus pictas Imagines coquerentur relinquere, eas secum auferre non valentes & occultare, siquæ ibi pictæ remaneutes, ludibrio essent Judæis atque Paganis. Secunda fuit, ne hujusmodi picturæ, humiditate, vel parietum decrustatione corruptæ deformarentur : siquæ Imagines per eas representatæ, amissa venerabili forma, contemptui exponerentur ac ludibrio potius quàm venerationi. Tertia hujus prohibitionis & Canonis esse potuit, exigentia temporis & loci, quia scilicet id tempus & locus ita exigebant, quia tunc periculum erat, ne Gentiles existimarent, Christianos adorare lapides & ligna, in quibus depictæ videbantur & honorabantur Imagines. Quia vero antiqua illa cessavit necessitas persecutione deficiente, ideo illa Illiberitani Concilii prohibitio usu abrogata est, & in Nicæno II. œcumenico Concilio Imagines etiam in parietibus depictæ probata fuisse Act. 7.

Ex iis ergo Canonibus, erroneum vel reprobatum esse Concilium istud nullatenus inferendum, sed potius venerandum, licet Provinciale tantum, & non confirmatum ; cum illius Canones laudentur interdum à subsequentibus Conciliis ; laudatur enim ab *Osio* in Sardicensi Concilio hujusce Illiberitani Concilii 21. Canon : *Si quis in civitate positus, per tres Dominicas Ecclesiam non accesserit, tanto tempore abstineat, ut correptus esse videatur.*

9. *Ancyranum* ab *Ancyra* Galatiæ civitate dictum, anno Domini 314. sub *Silvestro* Romano Pontifice, in causa similiter lapsorum, finitæ persecutionis occasione convocatum. Cum enim post *Maximii* Christianorum persecutoris obitum, omnis ab Ecclesia tyrannidis metus cessasset, Orientales Episcopi hac pacis occasione freti, ad instantiam lapsorum in Ecclesiæ Communionem recipi petentium, hoc celebrarunt *Ancyra* Concilium in Asia, a *Vitali* Antiocheno Episcopo convocati, conveniuntque numero 18. qui postea serè omnes Concilio interfuere Nicæno, anno 325. Statuerunt autem interim divini Spiritus asslatu, hoc in Concilio *Ancyra* pro lapsis habitis illud idem, quod sub Deciana persecutione Romæ *Cornelius*, Carthagine *Cyprianus*, in Ponto *Gregorius*, sub Diocletiani tyrannide in *Egypto Petrus Alexandrinus*, & quod denique *Eliberi* Hispaniarum Episcopi, idque unanimi consensu, quantumvis loco & tempore distiti ; ne scilicet quispiam lapsorum ad Ecclesiæ Communionem admitteretur, nisi primis pœnitentia peracta delicto congrua, in cuius rei finem, 24. Canones ediderunt, quibus quam quisque pœnitentiam subire debeat, facile dignoscere valeat. Approbatum fuisse Concilium istud à Nicæna œcumenica Synodo constat ex Act. 4. *Florentini* Concilii.

10. *Neocæsariense*, hoc est, *Neocæsareæ* in Cappadocia eodem anno 314. & sub eodem *Silvestro* Romano Pontifice habitum ; in quo cum in *Ancyrano* Concilio, ea quæ ad reformandos Orientalis Ecclesiæ mores spectabant, nondum plane ac perfectè fuissent constituta, Episcopi 13.

& iidem scilicet omnes, qui Ancyrano interfuerunt Concilio, pro reformatione fidelium moribus, 14. edidit Canones, qui sicut & Ancyrani fuerunt à Concilio œcumenico primo Nicæno comprobati.

11. *Laodicenum*, sive apud *Laodiceam* Phrygiæ Pacatianæ civitatem celebratum Concilium aliud, inter Neocæsariensium & Nicænum I. sub eodem Silvestro, anno circiter 320. in quo ad restaurandam collapsam Ecclesiæ disciplinam, auctore *Nunechio* Phrygiæ Metropolitano, congregati fuerunt ex diversis Asiæ regionibus Episcopi 32. qui ad reformationem fidelium mores, 59. edidit Canones; quorum primus est de Bigamis: & ultimus de his, quas psalli vel legi in Ecclesia convenit Scripturis, sive de Canonicis Scripturis.

### ARTICULUS III.

*De Conciliis, in causa rebaptizantium Hæreticos, habitis.*

Concilia  
in quibus  
præsertim  
actum est  
contra re-  
baptizantes  
Hæreticos.

**I**N firmando rebaptizantium ab Hæreticis baptizatos errore, ab *Agrippino* ante Cyprianum Carthaginensium Antistite primùm orto, varia fuerunt diversis temporibus habita Concilia, sed reprobata, & nullius ponderis hæc omnia, qualia fuerunt

1. *Africanum* unum anno Domini 215. sub *Zephyrino* Romano Pontifice, ab *Agrippino* convocatis Africæ & Numidiæ Episcopis habitum; in quo definitum est, Baptisma ab Hæreticis collatum iterandum esse, quia extra Ecclesiam collatum, ac proinde nullum: ex quo novo errore, variorum deinde ortæ in Ecclesia rixæ. Istius meminit Concilium *S. Cyprianus* in Epist. 73. ad *Subianum* scripta, dicens: *Apud nos autem non nova, nec repentina res est, ut baptizandos censeamus eos, qui ab hæreticis ad Ecclesiam veniunt, quando multi jam anni sint & longa ætas, ex quo sub Agrippino bona memoria viro, convenientes in unum Episcopi hoc statuerint.*

2. *Iconiense* Concilium sub *Stephano* Papa, anno 258. contra *Cataphrygas* habitum, hoc est, *Iconii* in Phrygiâ, occasione *Cataphrygarum* hæreticorum celebratum; ut de ipsorum, aliorumve hæreticorum omnium Baptismatis valore quid statuendum foret, inquireretur; & in quo ab Episcopis ex Cappadociâ, Ciliciâ, Galatiâ, aliisque proximis regionibus congregatis statutum est, nihil eorum quæ ab hæreticis facta sunt, ab Ecclesiâ Catholica recipiendum esse; Ordinationes, Baptismum, manuum impositiones, omne denique quodcumque sacrum ab hæreticis collatum, invalidum esse. At *Stephanus* Papa Orientales Episcopos hæc statuentes excommunicat, & Apostolicæ Sedis Communionem privat; Concilium vero hoc ut erraticum, utpote quia contra Apostolorum traditionem, erroris dogma confirmans, reprobat: Orientales verò mittunt Legatos Romanam, qui *Stephano* Romano Pontifici de rebus in Concilio gestis rationem redderent. Sed Romanam cum venissent Legati, à *Stephano* neque recepti fuerunt, neque auditi; quam ob causam *Firmilianus* Cæsareæ Cappadociæ Episcopus, hanc, quam huius Concilii acta referunt, ad *Cyprianum* scripsit Epistolam, in qua valdè conqueritur de non auditis à *Stephano* Romano Pontifice Legatis, & huius Concilii mentionem facit, tanquam de præcipuis Concilii Patribus unus.

3. *Synadense*, hoc est, *Synadis* in Asiâ, sub eodem *Stephano* Papa, & eodem

eodem anno 258. quo Iconiense Concilium, in causa Baptismi ab hæreticis collati, habitum; & in quo idem ferè quod in Iconiensi statutum est, nimirum Baptismum ab hæreticis collatum, prorsus invalidum esse.

4. *Carthaginense I.* sub *Stephano I.* Rom. Pont. anno 258. in causa Baptismatis hæreticorum habitum; in quo, ab Episcopis Numidiæ de iterando hæreticorum Baptismate per literas à Cypriano consulti Patres Carthagine congregati, cum ex Africanis alii juxta Apostolicam traditionem sentirent, non esse rebaptizandos eos, qui ritè ab hæreticis essent baptizati; alii econtrà dicerent, unum baptismum dumtaxat unius Ecclesiæ esse, ideòque apud hæreticos qui extra Ecclesiam sunt, Baptismum verum esse non posse. Qua inquisitione prævia, tandem definierunt, cum num sit in sancta Ecclesia Baptisma, neminem foris extra Ecclesiam baptizari posse, ac proinde ab hæreticis baptizatos rebaptizandos esse, vel potius baptizandos, quia nondum baptizatos.

5. *Carthaginense II.* eodem anno 258. sub eodem Romano Pontifice *Stephano I.* & in eadem causa Baptismi ab hæreticis collati, à Cypriano ex Africa ac Numidia convocatum, ut ea quæ in præcedenti Concilio fuerant constituta, à pleniori firmarentur Episcoporum cœtu. Ad illud convenere Episcopi numero 71. eo fine, ut quod singuli sentirent de traditionibus Majorum sanctè inviolabiliterque servandis, deponerent: quique cum convenissent, illud idem quod supra in præcedentibus Conciliis Africanis, in hac Baptismi ab hæreticis collati, & Basilidis causa habitis definitum fuerat, duplici decreto confirmarunt; quorum 1. est, ut qui in Ecclesia ordinati, à fide defecerunt, revertentes ad Ecclesiam, non nisi ad laicam communionem reciperentur. 2. Est, ut Baptismus ab hæreticis collatus, nedum pro invalido, sed etiam pro nullo haberetur. Quæ cum ad Rom. Pont. Stephanum per Synodicam Epistolam scripta fuere, Summus ipse Pontifex Concilium hoc reprobavit, mandavitque sanctissimè, ne à traditione Apostolica, de non iterando hæreticorum Baptismate, vel latum unguem recederent; eorum videlicet hæreticorum, qui ritè, hoc est, eadem forma qua utitur Ecclesia, verbis scilicet Evangelicis baptizassent, omnesque sic ritè ab hæreticis baptizatos, si ad Ecclesiam redire cuperent, non aliter, quàm per solam manuum impositionem, admitterent.

6. *Carthaginense III.* eodem pariter anno 258. in eadem causa, & sub eodem *Stephano* Papa, à Cypriano hac occasione convocatum. Videns *Cyprianus* ea, quæ in præcedenti Africano Concilio, de hæreticorum Baptismate fuerunt statuta, à *Stephano* Papa per literas redditas fuisse reprobata, statim aliud, & Episcoporum numero majus Concilium Carthagine celebrandum esse decrevit; quare convocatis ex Africa, Numidia, & Mauritania Episcopis, iisque numero 87. Carthagine congregatis, hoc tertium in eadem Baptismi causa Concilium habuit, cujus acta non alia supersunt, quàm quæ ex Cypriano & Augustino de Baptismate contra Donatistas referuntur lib. 3. cap. 4. 5. & 6. & lib. 7. cap. 1.

## ARTICULUS IV.

De Conciliis in causa Donatistarum habitis.

Concilia  
varia, quo-  
rum alia à  
Donatistis,  
alia contra  
Donatistas  
habita.

**P**endente Donatistarum causa, quæ multa per sæcula, variis calamitatibus telis, rixis & cladibus Africanam vexavit & agitavit Ecclesiam, varia reperiuntur habitata tum à Donatistis Conciliabula, tum à Catholicis in Donatistas Concilia, qualia sunt

1. *Cirtense* Conciliabulum, de quo supra, anno 303. vel 305. ut volunt alii, à præcipuis Donatistarum Episcopis habitum, Præside *Secundo* Tigistano Episcopo, Numidique Primæ, sub Marcellino Papa, ad alium in locum defuncti Cirtensis Episcopi subrogandum Episcopum, & re ipsa in locum traditoris Episcopi, electus fuit hoc in Conciliabulo *Paulus* quidam, qui traditor & ipse. Quibus peractis, inquirens *Secundus Tigistanus* de sacrorum codicum traditoribus, traditores fuisse convinctur hoc in Conciliabulo præsentis Episcopi: à *Purpurio* accusatus fuit & ipse ejusdem sceleris *Secundus* Tigistanus Episcopus Conciliabuli Præses, sicque traditores isti Donatistarum præcipui traditorem elegerunt; qui tamen postea Cæcilianum, sed perperam & falsò, ut traditorem, & à traditore ordinatum accusarunt & damnarunt, quique se ab omni traditionis labe puros prædicabant.

2. *Carthaginense* I. anno Domini 306. sub *Marcello* Romano Pontifice, & Imp. *Constantino* celebratum: quod non Concilium propriè, sed Conciliabulum jure dicendum; in hoc enim Schismatici Donatistæ Episcopi fere 70. accessit ex Numidia Episcopis aliis, *Cæcilianum* Carthaginensis Ecclesiæ Antistiti *Mensurio* subrogatum, falsò accusatum, quod læviente persecutione sacros Libros tradidisset, quod à Felice Aptungitano Episcopo traditore ordinatus esset, quod victum Martyribus in carcere detentis afferri prohibuisset, injustè condemnarunt, fidelium Communionem privarunt, & ejus in locum *Majorum* quemdam Pseudo-Episcopum intruserunt.

3. *Carthaginense* II. sub eodem *Marcello* Romano Pontifice, ab iisdem Schismaticis Donatistis habitum, anno Domini 308. in quo, postquam 75. diebus acriter disceptatum fuisset, ducenti septuaginta Donatistæ decreverunt, ut traditores, etiamsi baptizari nollent, ad communionem reciperentur. Ut hoc Concilium ab hominum memoria penitus deleteretur, Donatistæ magno studio curarunt; cum enim se omnino puros, & nulla unquam traditionis macula fœdatos fuisse prædicarent, ac propterea se contra *Cæcilianum*, ejusque socios traditionis labe notatos, solo justitiæ zelo bellum gerere jactarent; Concilium verò istud numerosissimum, ex Donatistarum traditorum grege collectum, mendacia, impietatem, atque immunditiam eorum detegeret, ideò non mirum, si illud omnino ex hominum memoria deleri tentaverint.

4. *Romanum* sub *Melchiade* Romano Pontifice, anno Domini 313. ad quod cum citati venissent Cæcilianus, ejusque tum accusatores, tum defensores, congregatique essent in Laterano cum *Melchiade* 18. Episcopis, è quibus quindecim erant Itali, & tres alii Galliarum Episcopi, videlicet *Maternus* Coloniz Agrippinæ Episcopus, *Rheticus* Augustodunensis, & *Marinus* Arclatenensis, indicti Concilii causa proposita, accusa-  
tur

tur *Cæcilianus* à Donatistis. Defenditur e contra à Catholicis : ut Schismatis auctor arguitur *Donatus* à Calis nigris, & sinorum contra *Cæcilianum* productorum testium confessione de illata calumnia convincitur ; qua disquisitione prævia, Summus Pontifex *Melchias* cum Concilio *Cæcilianum* ut innocentem, & calumniosè accusatum absolvit ; Donatum verò ; quòd lapsos non per solam manuum impositionem, sed potiùs rebaptizando Ecclesiæ reconciliaffet, *Cæcilianum*que calumniatus fuisset, iusto iudicio condemnat.

5. *Arelatense* I. sub *Silvestro* Romano Pontifice, anno Domini 314. in causa *Cæciliani* à Constantino Imperatore in Galliis tunc degente convocatum, occasione Donatistarum de Concilio Romæ sub *Melchias* de habito conquerentium, & ab eo ad Imperatorem Constantinum appellantium, eò quòd de *Felice Aprungitano* Episcopo, quem sicut *Cæcilianum* traditorem fuisse, & *Cæcilianum* ipsum ordinasse dicebant, nihil defuitum esset. Cum enim sapiens & pius Imperator eis, impium ac iniustum esse ab Ecclesiastico iudicio ad sæculare tribunal provocare, in vanum ostendisset ; ne quis illis denegatæ iustitiæ prætextus competeret, novum iudicium decernit ; *Aliano* Africano Proconsuli mandat, ut de facto & traditione *Felici* Episcopi diligenter inquirat. Proconsul *Felici* innocentiam, & Donatistarum calumniam variis testium depositionibus confirmatam agnovit, sicque *Felicem* à calumnia Donatistarum absolvit. Ab ejus sententia ad Imperatorem iterum Donatistæ provocant. Ut non per se, vel per suos magistratus, sed per Episcopos negotium hoc Ecclesiasticum definiret Imperator, Concilium hoc *Arelate* in Galliis habendum indicit ; ad quod non sexcenti, ut scribit *Ado*, sed ducenti venerunt Episcopi ; de quorum numero fuere *Claudius* & *Vitus* Presbyteri, *Eugenius* & *Cyriacus* Diaconi, ut Concilii Præsides, & *Silvestri* Romani Pontificis Legati. Interfuisse dicitur à nonnullis & ipse, quamvis præter morem, & adhuc Catechumenus, Imperator Constantinus, ad arcendas Donatistarum seditiones & turbas ; licet interfuisse negent alii, perhibentque tum ex ejus ad Concilii Patres Epistola, tum ex *Eusebii* silentio, & denique ex Donatistarum ab hoc Concilio ad Imperatorem appellatione. Sed de Imperatoris præsentia quidquid sit, hoc in Concilio discussa est *Cæciliani* & Donatistarum causa, damnati Donatistæ, absolutus *Cæcilianus*, & 23. pro Ecclesiastica disciplina editi Canones ; sicque finita *Cæciliani* causa, recessere sicut accesserant sumptibus Imperatoris, Episcopi.

6. *Africanum* unum sub *Anastasio* Romano Pontifice, anno Domini 401. pro reconciliandis Ecclesiæ Donatistis convocatum ex omnibus Africae Provinciis, & Carthagine idibus Septembris habitum ; in quo inter alia, ut facilius ad Ecclesiæ pacem & unitatem redirent Schismatici, decreta est legatio ad Romanum Pontificem, pro obtinenda indulgentia, qua Donatistis ad Catholicam redeuntibus Ecclesiam, idem qui antea relinqueretur dignitatis & honoris gradus.

7. *Africanum* alterum, illudque generale, & sub *Innocentio* primo in Africa, anno Domini 403. pro reconciliandis Donatistis habitum Carthagine, in quo, reversi Roma Legati cum quæ ab ipso Romano Pontifice *Anastasio* obtinuerant, significassent, decreta est Donatistarum Episcoporum cum Catholicis conventio, scilicet vicini Donatistæ cum vicino Catholico Episcopo, conventionisque præscripta & publicata forma. Quid

autem in ea gestum sit, indicat S. August. contra Cresconium lib. 3. dicens: *Factum est, conventi sunt, recusarunt; quibus verbis, quo dolo, maledictione, amaritudine plenius, nunc longum est demonstrare.*

8. *Africanum II.* sub eodem *Innocentio I.* Carthagine pariter habitum anno Christi 404. in quo cum Donatistæ ad pacem & concordiam amicè invitati, fraternam communionem nedum contemnerent, verum etiam armata manu convenientes Catholicos Episcopos exagitarent, ad huic medendum Ecclesiæ malo, ad Honorium Imperatorem decreta est legatio, qua rogaretur, ut sua interposita imperatoria auctoritate, Donatistarum furorem compesceret.

9. *Africanum III.* sub eodem *Innocentio I.* coactum, & ibidem anno Christi 405. in quo nihil aliud decretum, quam ut per Legationem Imperatori *Honorio* agerentur gratiæ, de eo quod Schismatici multi legum ab ipso sancitarum severitate perterriti, relicto schismate ad Catholicam rediissent Ecclesiam, magno rotius Africanæ Ecclesiæ gaudio.

10. *Africanum IV.* sub eodem *Innocentio*, anno Christi 407. Carthagine similiter celebratum, & in quo, inter alia, decreta est ad Imperatorem *Honorium* legatio, pro Ecclesiasticarum rerum defensione contra Donatistas & Paganos.

11. *Africanum V.* *Africanum VI.* *Africanum VII.* hæc tria pariter sub *Innocentio I.* Carthagine contra Donatistas habita; duo scilicet priora, anno 408. hac occasione. Cum post *Stiliconem* Occidentalis Imperii perduellem, ac proditorem ab *Heraclio* interfectum, Gentiles & Donatistæ in Africa falso rumore jactarent, leges contra se, non ex *Honorii* Imperatoris voluntate, sed ex sola *Stiliconis* opera fuisse latis, ideòque illarum vim unâ cum *Stilicone* lapsam & extinctam, ac proinde in Catholicos insurgerent Episcopos; duæ ad *Honorium* Imperatorem duobus in istis Conciliis legationes fuere decretae, quibus rogaretur, ut omnia confirmaret *Stiliconis* statuta. In 3. verò Concilio, scilicet *Africano VII.* anno 409. habito, confirmantur ea, quæ in præcedentibus fuerat definita Conciliis.

12. *Africanum VIII.* anno Christi 410. Carthagine iterum sub *Innocentio I.* Romano Pontifice, & *Honorio* Imperatore celebratum; in quo legationem ad *Honorium* Imperatorem *Africani* decreverunt Episcopi, qua rogarent eum, ut edictum Donatistarum gratia latum revocaret, quo licebat eis quam quique vellent religionem amplecti; idque ad vitandum futurum, quod ex illo timebant, magnum Christianæ Religionis dispendium.

13. *Cirtense* denique Concilium alterum, anno Christi 412. sub eodem *Innocentio I.* in Numidia *Cirtæ* habitum, hoc est, in Algeritano regno; est enim *Cirta* Numidiæ caput, hodiernique Algeritani regni urbs primaria, dicta *Constantina*; in qua contra Donatistas habitum est Concilium istud: Cum enim Donatistæ collatione victi & confutati sævius grassarentur, verbisque simul ac scriptis mendacia spargerent in Catholicos quamplurima, & Catholicis solis, nequaquam Donatistis loqui fuisse permisi sunt assererent, *Silvanus* Numidiæ Primas, sanctus *Augustinus*, alive plures ejusdem Provinciæ Prælati Concilium istud celebrarunt, ut inquirerent & consulerent de modo, quo Donatistarum calumniis & mendaciis occurrendum foret.



## ARTICULUS V.

*De Conciliis in causa Arianorum, vel Semi-Arianorum habitis.*

**N**ULLA hætenus in Ecclesia Christi grassata est hæresis, quæ tot fuerit Conciliorum occasio, quot Ariana, Dei Filium Patri *ὁμοούσιον*, seu consubstantialem esse negans; decursuque temporis tres in sectas divisa, quarum prima fuit *Arianorum & Eunomianorum*; secunda *Semi-Arianorum*; tertia *Acacianorum*: *Arianorum* cum Ario blasphemantium Dei Filium, nec ejusdem, nec similis cum Patre substantiæ esse, sed per omnia dissimilem, seu *ἀνόμοιον*; *Semi-Arianorum* verò asserentium, esse quidem non consubstantialem, seu ejusdem substantiæ, sed similis substantiæ, seu *ὁμοεικόσιον*, ac per omnia similem; *Acacianorum* denique tenentium cum *Acacio*, Filium Dei nec esse ejusdem, nec similis substantiæ, nec creaturam aliquam, esse tamen Patri similem, seu *ὁμοιον*; eo ferè modo quo effigies hominis est similis homini, licet diversæ dissimilisque sit substantiæ. Quæ tres Arianicæ sectæ factiones tam uberem præbuere Conciliorum materiam, ut in nulla alia tot reperiantur habita, quot in Arianica materia, Concilia: Fuere autem hac in materia, pro vel contra habita, præsertim ista:

1. *Alexandrinum I.* sub *Silvestro* Romano Pontifice, anno Christi 315. ab Alexandro Alexandrino Episcopo, cum ferè centum Episcopis aliis habitum, in quo condemnatur, & à Communione Catholica rejicitur Arius Alexandrinæ Ecclesiæ Presbyter; quòd, quamvis ad resipiscendum sæpè monitus, in sua blasphemia perseverans, cum 12. quos seduxerat, suæ blasphemiæ sociis pertinaciter doceret, Filium Dei non ab æterno à Patre genitum, sed in tempore creatum esse.

Concilia numero multa, quorum aliqua ab Arianis, alia contra Arianos vel Semi-Arianos habita.

2. *Alexandrinum II.* anno 319. sub eodem *Silvestro* Alexandriæ pariter in *Ægypto* habitum, indictumque ab Osio Cordubensi Episcopo, ut sanctæ Sedis Legato, ad componendos in *Ægypto* excitatos Arianorum motus; cui interfuere omnes Alexandriæ Primatiæ Episcopi; unde est quòd S. *Athanasius* Apologia 2. hunc Episcoporum conventum, generale Concilium dicat; quòd in eo per Legatum interfuerit Romanus Pontifex, & in quo juxta eundem *Athanasium* ibidem, nedum Arianorum, sed etiam Meletianorum, & Colluthianorum schismaticorum causa, impiaque Sabelii de Trinitate doctrina cognita est ac judicata.

3. *Nicanum & œcumenicum I.* de quo supra, sub eodem *Silvestro* anno 325. contra *Arianos* præsertim, & *Paschatistas*, à 318. Patribus, præfente Imperatore magno Constantino, habitum.

4. *Tyrium* Conciliabulum ab Arianis Episcopis contra *Athanasium*, anno 335. sub *Silvestro* Tyri celebratum, ad quod licet illegitimum, quia ab Imperatore præter jus indictum, quia Ariana tantum sectæ Episcopi ad illud vocati, & quia in eo, sub prætextu comprimendi tumultus, Præsidem agebat *Dionysius* Comes cum militari manu; citatus tamen comparuit innocens *Athanasius* cum 47. aliis *Ægypti* Catholicis Episcopis, ne suæ videretur causæ diffidere, & adversarius triumphandi locum dare. Illi variz objectæ calumniæ, quarum 1. fuit quòd illegitimè fuisset electus. 2. quòd *Philumeno* Imperatoris hosti magnam pecuniæ summam misisset. 3. quòd *Arsenium* Episcopum interfecisset. 4. denique, quòd meretrici-

tulæ cuidam vim intulisset : sed ab iis omnibus se purum & innocentem exhibuit Athanasius.

5. *Jerosolymitanum* Conciliabulum eodem anno 335. & ab iisdem Eusebianis Episcopis habitum, in quo, post approbatam fidei confessionem, ab Ario Imperatori oblatam, ambiguum quidem, & in specie Catholicam, Arius ipse recipitur, & Alexandrinæ Ecclesiæ restituitur; *Athanasius* verò de novo crimine læsæ Majestatis falsò accusatus, & per falsos Eusebianæ factionis testes in specie convictus, dixisse se impediturum, ne quid frumenti devehretur Alexandria Constantinopolim, ab Imperatore Constantino etiam non auditus in Galliam relegatur, & Treviris à *Maximino* Episcopo receptus, non it profugus & exil, sed ut generosus fidei Athletæ, Christi que Confessor illustris.

6. *Constantinopolitanum* Conciliabulum, occasione *Marcelli* Ancyran, ab Ariano habitum anno 337. Qui enim Athanasium è Sede expulerant Ariani, cum Marcellum Ancyranum in Galatia Episcopum, alterum fidei Catholicæ defensorem, suæque Arianorum facti oni infensissimum viderent, illum post calumnias multas, de hæresi falsò accensant, eumque quasi cum Paulo Samozateno, contra *Asterium* Arianæ Sectæ Sophistam scribendo sentire, & Christum purum hominem esse docere dicunt, condemnant, Episcopatu suo privant, & in exilium transmittant.

7. *Romanum* anno Domini 337. à Julio I. Romano Pontifice in ipso sui Pontificatus initio convocatum, & ab eodem cum centum & sexdecim annis Orthodoxis Episcopis habitum, duabus potissimum de causis : prima fuit, ut certæ fidei confessionem ederet, ipsamque Synodum Nicænam suo quoque calculo confirmaret; altera, ut Arianam jam damnatam hæresim ipse quoque suo judicio præscriberet.

8. *Alexandrinum* ex Orthodoxis Ecclesiæ Alexandrinæ Episcopis, in causa Athanasii sub *Julio I.* Rom. Pontifice convocatum, anno 339. in quo examinantur, & calumniis plenæ reperiuntur Arianorum novæ in Athanasium, post exilii biennium suæ Ecclesiæ restitutum, accusationes; eum enim ab exilio rediisse, agrè ferentes Ariani, dicebant 1. ejus omni odiosum populo esse reditum, cædesque concitasse plurimas. 2. Athanasium à Synodo *Tyria* damnatum, absque Synodali decreto temerè & contra Canones in suam rediisse Sedem. 3. denique ipsum frumentum, ex liberalitate Imperatoris, Ægypti ac Libyæ viduis distribui solitum, subripuisse.

9. *Antiochenum* sub *Julio I.* similiter convocatum, anno 340. in quo Ariani, quatenusvis reclamantibus Catholicis, Constantii Imperatoris nutu & favore, Athanasium, quasi contra Canones, ut agebant, ab exilio revocatum, & suæ Alexandrinæ Ecclesiæ sine Synodo restitutum deposuerunt, & ejus in locum *Gregorium* Cappadocem intruserunt.

10. *Romanum II.* sub *Julio* pariter habitum, in causa Athanasii anno 340. & 341. Cum enim Ariani, per Alexandrinæ Ecclesiæ Legatos, Romæ coram *Julio* Romano Pontifice convicti ad Concilium appellassent, & *Julius* eorum appellationi deferens, hoc Romæ Concilium indixisset, Arianos cum *Athanasio* ad illud venire mandans, statimque venisset *Athanasius*, & Romæ ultra annum & sex menses Arianos expectasset, interimque ibi vitam S. Antonii à se scriptam promulgasset, publicam fidei professionem, quæ Symbolum Athanasii vulgò nuncupatur, latino sermone coram Romano Pontifice recitasset, i. e. diutius è

(*ina*)

sua abesset Ecclesia, quam par erat, causa ejus à 50. Episcopis hoc in Concilio congregatis discussa est, & cognitis accusantium Eusebianorum calumniis, publicè iterum absolutus, & in communionem receptus est, & deinde Marcelli Ancyranì, & aliorum plurimorum Episcoporum causa cognita.

11. *Romanum III.* sub eodem *Julio*, pro Athanasio coactum anno 342. conquerentibus Arianis per legatos & literas ad *Julium* missas, de Athanasio absoluto, de termini ad comparandum præfixi angustia, de judicio ipsius Romani Pontificis, & Concilii illegitimè usurpato, deque nonnullis aliis; *Julius* hoc Comprovincialium Episcoporum congregato Concilio, literas calumniantium legi præcipit, & quid calumniantibus sit respondendum inquiri: placuitque Concilii Patribus, ut per Epistolam omnium nomine à *Julio* scriptam, Eusebianorum recutentur calumniæ, & justa Athanasii, Marcelli, & aliorum defendatur absolutio.

12. *Antiochenum II.* ab Arianis sub *Julio* pariter habitum anno 344. in quo Arianis, seu Orientales Episcopi, ut à se Arianz hæreseos suspicionem removerent, & inter Occidentales Orthodoxos deciperent Episcopos, Consubstantialitatisque nomen delerent, rejectis prioribus fidei formulis, aliam prolixiorē ediderunt, in specie Catholicam, & apparenter damnantem Arianz doctrinæ perfidiam; eamque ad Occidentales Episcopos, sed nullo cum successu transmiserunt.

13. *Mediolanense* sub eodem *Julio*, & eodem anno 344. à Catholicis habitum, in quo Mediolani congregati Orthodoxi Patres, transmissam sibi ab Orientalibus fidei formulam per *Eudoxium*, *Martyrium*, *Macedonium*, & *Demophilum* Legatos, examinarunt, & ob novitatem, vocemque *Consubstantialitatis* omisam, eiecerunt.

14. *Sardicēse* generale, hoc est, à *Julio I.* indictum anno 347. & *Sardicæ*, quæ est urbs Thraciæ Metropolis, à Catholicis habitum, pro causa Athanasii, seu pro restituendo in propriam Sedem Athanasio per Arianos perperam & iniquè dejecto: ad quod 376. venerē Episcopi, trecenti videlicet Occidentales, & 76. Orientales; sed divisi ab Occidentalibus Orientales isti, nolentes cum *Athanasio*, *Marcello* Ancyrano, eorumque defensoribus aliis communicare, *Philippopolim* se transulere, ibique seorsim suum Conciliabulum habuere, quod nihilominus perperam & falsò Concilium Sardicēse dixere, suum interim verum ac legitimum Sardicæ prosequentibus Occidentalibus Orthodoxis. Unde ortum est, ut duplex vulgò circumferatur Sardicēse Concilium, Orthodoxum unum, verè ac legitimè *Sardicæ* habitum, Arianorum alterum, spurium, ac illegitimum *Philippopoli* celebratum, & Sardicēsis nomine ab Arianis perperam ventilatum, sed ab Ecclesia semper rejectum, tum quia in eo stabilita Arianæ dogmata, & edicta Arianz fidei formula, tum quia in eo Olim, ceterosque Orthodoxos, imò & ipsum Summum Pontificem *Julium* excommunicare attentatum est. Primum e contra Sardicæ à Catholicis habitum, à Romano Pontifice ex toto orbe Christiano convocatum, & præsentibus *Archidamo* & *Polyxeno* Presbyteris, ac sanctæ Sedis Apostolicæ Legatis, semper ut legitimum & œcumenicum ab Ecclesia receptum, & unum & idem cum Nicæno œcumenico I. spectatum; tum quia in eo iidem ferè Patres interfuere, qui in Nicæno; tum quia nihil in eo de novo constitutum, sed solum Nicæni confirmata fides; nec in eo novi editi Canones, sed solum confirmati, vel explicati Nicæni: unde

unde est, quòd sicut Symbolum *Constantinopolitanum* passim vocatur Nicænum, quia est explicatio Nicæni; ita *Zosimus*, *Bonifacius*, & *Cælestinus* suis in Epistolis, imò & Concilii VI. Carthagenensis Patres, Canones Concilii Sardicenis vocant Nicænos, quia re ipsa Canones Sardicenses nihil sunt aliud, quàm Nicænorum confirmatio vel explicatio.

Dices. Sardicense Concilium Canone 3. 4. & 7. statuit, à iudicio Concilii Provincialis ad Romanum Pontificem appellari posse: sed de hoc nihil in Nicæno Concilio fuerat statutum; ergo. Resp. perm. maj. neg. min. Ratio est, quia hoc jam fuerat statutum, si non explicitè, saltem implicitè in Nicæno Concilio Can. 6. quo præcipitur *antiquas Ecclesiæ consuetudines observari*; ergo & appellationes, quæ anterioribus sæculis observari solebant. Scribit enim *S. Leo* Epist. 89. ad Episcopos Galliæ, hanc esse antiquissimam Ecclesiæ consuetudinem; ad *Pium I. Marcion*, ad *Cornelium Fortunatus*, & *Felix* in Africa ad *Stephanum* Pontificem, *Basilides* in Hispania depositus, appellatur. *Athanasius* ad *Julium* Pontificem provocans, per eum ab Arianorum calumnia, & depositionis sententia absolutus fuit; unde manifestum est, Sardicensis Concilii Patres hoc Canone de jure appellandi, nihil de novo statuisse, quod non fuerit implicitè saltem statutum à Nicæni Concilii Patribus, seu per hoc Sardicense Concilium, non est inductum de novo jus appellationis, sed solim declaratum, usum & exercitium talis juris jam inducti omnino expedire ad tollendam omnem tyrannidis occasionem: & huic Sardicensi Canoni occasio fuit *S. Athanasius* ad *Julium* appellans, injustè damnatus, & depositus ab Eusebianorum Concilio, quam appellationem illegitimam, sibi quæ injuriam dum clamarent Eusebiani, volentes à Concilio multorum Episcoporum non posse appellari, nisi ad majoris numeri Concilium; ideo Patres Sardicenses; hos præfatos 3. 4. & 7. edidit de jure appellandi Canones, sextum explicantes & confirmantes Concilii Nicæni Canonem.

15. *Mediolanense II.* anno 350. à Catholicis in Arianos sub *Julio* pariter habitum; in quo *Valens* & *Ursacius*, præmissis ad *Athanasium* literis pacificis & communicatoriis, pœnitentia ducti, confessi sunt, omnia à se hæcenus in *Athanasium* dicta vel facta, falsa & meram calumniam esse, seque ad Arianam fidem execrandam & abjurandam esse paratos; ideoque ob rei gravitatem, ad *Julium* Romanum Pontificem à Concilio fuere missi, ut coram ipso hæresim abjurarent, & spectante Romana Ecclesia *Exomologesim* agerent: quibus pœactis, fuere venia donati, & in communionem Ecclesiæ recepti.

16. *Jerosolymitanum* eodem anno 350. & sub eodem *Julio*, pro *Athanasio* à *Maximo* Jerosolymitano congregatum; in quo Episcopi illi, qui olim sententiæ in *Athanasium* late subscripterant, suum delictum confessi & detestati, eam quam postularunt, præsentis *Athanasii* communionem & reconciliationem impetrarunt.

17. *Mediolanense* universale, seu Concilium in causa *Athanasii* sub *Liberio* Romano Pontifice, & *Constantio* Imperatore, anno 355. *Mediolani* habitum, occasione promulgati ab Imperatore edicti, de subscribendo sub pœna exilii, condemnationi *Athanasii*, à *Liberio* Pontifice ad averterendam ab Ecclesia persecutionem imminentem, duabus legationibus expetitum; & à *Constantio* Imperatore, eo fine concessum, ut trecentos & amplius Occidentis Episcopos Catholicos eodem in loco congregatos, ad in-

ad innocentem condemnandum Athanasium, per vim impelleret; nolentes verò Sedibus suis expulsos relegaret. Et re ipsa hoc in Concilio, de novo *Valens & Ursacius* Arianae sectae defensores præcipui, perfidique nebulones relapsi, novas in Athanasium calumnias opponunt, ejusque damnationem urgent, & hæretico favente, Catholicique vim faciente Imperatore impetrant. Ad subscribendum condemnationi urgentur Catholici Episcopi. Plurimi sperantes inde futuram Ecclesiae pacem, subscribere; *Lucifer* verò *Calaritanus* Episcopus, *Pancratius* Presbyter, & *Hilarius* Diaconus, Sedis Apostolicæ Legati, *Dionysius* Mediolanensis, *Eusebius* Vercellensis Episcopus, ne condemnatione *Athanasii*, fidem quoque Nicænam damnare viderentur, subscribere recusantes, in longinquas & diversas relegati fuere regiones; ipse quoque Romanus Pontifex *Liberius* per nuntios & literas, blanditus, minisque ad subscribendum tentatus, tandemque furtim noctu, & vi *Mediolanum* translatus, post habitum ibi cum ipso Imperatore dialogum, eandemque subscriptionem negatam, in Thraciam exul translatus est; unde reprobatum Concilium istud, Conciliabulumque dicendum, æterna oblivione delendum.

18. *Biterrense* Conciliabulum sub *Liberio*, anno Domini 357. à *Saturnino* Arelatenſi Episcopo Ariano, favore Constantii convocatum: is enim ægro videns animo, *Hilarium*, & alios Gallicanae Ecclesiae Præsules à sua Communionem mutuo consensu separatos, hoc *Biterris* in Occitania Concilium haberi curavit, ad quod vi metuque venire Catholici cogerentur Episcopi. Quo in Concilio ne ad Arianis deciperentur Catholici, eis libellum obtulit legendum *Hilarius* Pictaviensis Episcopus, quo Arianorum detegebantur iniquæ, fraudes & hæreses; unde & ipse in Phrygiam relegatus *Atilius*.

19. *Sirmienſe* Concilium 300. & amplius Episcoporum, sic ideò dictum, quia anno 357. in civitate Sirmienſi Pannoniæ præcipua celebratum est, contra *Photinum* Sirmienſem Episcopum, tempore *Liberii* Papæ, eadem in urbe tunc exulantis à Constantio Imperatore: quo in Concilio, duæ fidei formulæ ab Arianis editæ, Catholica secundum se una, & hæretica altera Prima docebat, *Christum esse Patri similem secundum substantiam*, jlebat tamen *consubstantialitatem*; altera verò *substantie vocem omittebat*. Approbatum est in eo Concilium istud, quod *Photinum* damnavit, asserentem cum suo Magistro *Paulo Samozateno*, Antiocheno Episcopo, Christum non esse Deum, sed purum hominem, ex utroque sexu natum; sed reprobatum est in eo, quod in multis aliis deprehendatur arianizare, maxime dum docet *Filium Dei, quæ Deus est, esse Patri obsequentem, & ministrum*.

Primæ hujus Concilii formulæ in se Catholicæ, per vim & minas impulsus subscripsit *Liberius* Romanus Pontifex, Athanasium condemnavit, & cum Arianis communicavit, attestantibus *Athanasio*, *Hilario*, & *Hieronymo*. Nec tamen in hoc dicendus subscripsisse hæresi formaliter & expresse, cum in se Catholica esset hæc fidei formula, nisi fortè illativè & interpretativè, quatenus communicavit cum Arianis, & Athanasium damnavit, cujus causa erat cum fidei causa conjuncta.

Secundæ fidei formulæ, per vim & tormenta inductus, senio & meritis venerandus subscripsit *Osius*, magnus ille vir, multarum Synodorum auctor, & fidei Catholicæ defensor insignis; sed de hac subscriptione

punien-

puniendus, nisi paulò post, de vi & injuria sibi illata protestatus, Ariano-  
rum hæresi condemnata, eorumque communione fidelibus interdicta, pœ-  
nitentiam egisset, atque ita Dei vindicis iram antevertisset.

20. *Ancyranum*, hoc est, *Ancyra* à Semi-Arianis in Galatia habitum, anno Domini 358. in quo Orientales Episcopi secundam ac perfidam Sirmianam fidei formulam detestati, ablegatum à Filio Dei *substantiæ* nomen relinquentes, impia illius secundæ Sirmienfis fidei formulæ statuta damnarunt, Filiumque Dei secundum substantiam Patri per omnia similem esse dixerunt; suamque fidem ut exprimerent, 12. regulas, seu definitiones, fidei secundæ Sirmienfi planè repugnantes ediderunt, easque per Legatos ad Constantium Imperatorem Sirmii commorantem miserunt, & quas Libro de Synodis recenset Hilarius.

21. *Ariminense*, post Sirmienfem Concilium & Ancyranum, aliud in eadem causa, & Episcoporum numero majus, sub eodem *Liberio* Rom. Pont. indictum est anno 359. & Constantii Imperatoris Arianizantis cura, duas in partes ita divisum, ut Occidentales *Arimini* in Italia convenirent, Orientales verò *Seleucia* in Asia remanerent. Sperabat enim Constantius inde futurum esse, ut sic Orthodoxi loco divisi, dividerentur votis & animis. Major itaque hujusce Concilii pars, hoc est, quadringenti Occidentales Prælati congregati sunt Arimini, & Seleuciæ Orientales circiter ducenti; unde est, quòd hoc in Concilio sic Imperatoris Constantii cura convocato, dualque in partes diviso, & à majori parte, *Ariminensi* vulgò nuncupato, dicantur interfuisse Præsules, sive Occidentales, sive Orientales, circiter 600. Qui Seleuciæ erant congregati, Præsules Ariani fere omnes, aut saltem partim Semi-Ariani, & partim Acaciani, ( præter *Hilarium* Pictaviensem, in Phrygia tunc exulantem, & alios perpaucos Aegypti Prælatos, ) abierunt in Conciliabulum, in quo discordes inter se à Semi-Arianis damnantur Acaciani. Quadringenti verò Arimini congregati Orthodoxi omnes, præter 50. juxta Sever. Sulp. vel 80. juxta Athanasium, qui Ariani erant, & inter quos præcipui erant *Ursacius*, *Valens*, *Germinius*, &c. sicut inter Orthodoxos eminebant sancti *Phœbadius* Aginensis Episcopus, *Servatius* Tungrensis, *Restitutus* Carthagenensis, & alii; qui omnes Sirmienfis Concilii fidei formulam damnarunt, fidem Nicænam confirmarunt, & *Valentem*, *Ursacium*, & alios Arianorum præcipuos excommunicarunt.

Quibus sic ritè peractis, & hucusque legitimè gestis, decem Legati ad Constantium mittuntur ab Orthodoxis cum Epistola Synodica, narraturi quid in Concilio definitum aut gestum esset. Totidem deputantur ab Arianis, qui Orthodoxos anteirent, & falsis relationibus Imperatoris aures præoccuparent; quod cum re ipsa præstitissent, & Orthodoxos falsò insinulassent, Imperator ægrè admodum ferens, quòd formulam fidei, se præsentem Sirmii confirmatam rejecissent, Orthodoxos Concilii Legatos contempsit, eoque ut longa fatigaret mora, Adrianopoli; ceteros verò Arimini congregatos, per hiemem Arimini morari iussit, ibique expectare, donec ab expeditione bellica in Barbaros parata rediret. Interim Ariani novam fidei formulam in specie Catholicam, sed re ipsa Arianam, sub Nicænæ fidei nomine promulgarunt, & jussu Imperatoris subscribendam proposuerunt, & cui tandem exilii, tormentorumque metu ac fraudibus decepti Præsules Orthodoxi subscribere: hac enim fidei formula

mula fatebantur Ariani, *Filium non esse creaturam, ceteris creaturis similem*: Putabant enim bona fide Orthodoxi, Arianos fateri Filium Dei creaturam non esse absolutè, sed Deum Patri Consubstantialem, seu *ὁμοούσιον*. Qua Orthodoxorum subscriptione fraudulenter obtenta, *Valens & Ursacius* quasi ovando conclamarunt, se non dixisse, Filium non esse creaturam absolutè, sed solùm non esse creaturam ceteris creaturis similem; neque consubstantialem esse Patri, sed solùm similem in substantia; seu se non dixisse, Filium esse *ὁμοούσιον*, sed esse *ὁμοιόσιον*. Sicque per fraudem damnata est Nicæna fides, & confirmata Arianorum adulterata fidei formula ab omnibus ferè, etiam Orthodoxis Concilii Patribus; ex quo, inquit *S. Hieronymus* in dialog. contra Lucifer. *Totus ingemuit orbis, & se Ariannum esse miratus est*; subscripserant enim omnes, præter *Liberium* Pontificem, *Servatium* Tugrensem Episcopum, & alios 18. nec tamen hæretici dicendi illi, qui sic fraudibus decepti subscribere Præsules, quia sola scribens manus hæreticum non facit, quando reclamant animus. *S. Gaudentius* Ariminensis Episcopus subscribere nolens, fustibus & lapidibus petitus occubuit, gloriosa sic Martyrii palma donatus, & *Liberius* Summus Pontifex eadem de causa in exilium est relegatus.

22. *Constantinopolitanum* Conciliabulum, eodem tempore, quo Arimini congregati detinebantur adhuc Episcopi, ipso præsentè *Constantio* celebratum à 40. circiter Episcopis ex Bithynia congregatis, & à quibus edita nova fidei formula, è qua non modò vox substantiæ, sed etiam voces *hypostasis*, vel *subsistentia* aberant; quam cum Semi-Ariani detestarentur & rejicerent, fuere vicissim ab Arianis condemnati, suisque Sedibus privati, in exilium missi.

23. *Antiochenum* Conciliabulum anno 360. eodem imperante Constantio, eo fine ab Arianis & Acacianis habitum, ut *Meletium* Antiochenum Episcopum Sede sua justè depulsum declararent. Cum enim *Meletius* ab Eudoxianis & Acacianis, post aliorum Semi-Arianorum depositionem, ad Sedem Antiochenam fuisset evectus, & præter illorum spem & intentum, Dei providentia singulari, Nicæni Concilii fidem publicè tanto zelo prædicaret, ut dum ipsius concionantis os manu obstrueretur ab Archidiacono, digitos ille primò tres, deinde unum exhibens, Trinitatem in Unitate, & Unitatem in Trinitate doceret, jussusque ab Imperatore palinodiam canere recusaret, Sede sua fuit Imperatoris jussu dejectus, & in exilium missus; quam licet injustam *Meletii* depositionem & relegationem, hoc in Conciliabulo Antiochiæ convenientes approbant Acaciani, novamque rursus fidei formulam omnium deterrimam edunt, qua Filium Patri substantia & voluntate dissimilem, atque ex nihilo ortum esse blasphemant.

24. *Alexandrinum* anno 362. hortatu & auctoritate *Liberii* Romani Pontificis, ab Athanasio è tertio exilio, & quinquennialibus latebris reverso indictum, ut suam Ecclesiam ab Arianae hæresis sordibus purgaret, ejusque statum dira multorum annorum persecutione collapsum restitueret, pacemque inter dissidentes componeret; cui interfuere ut Romani Pontificis Legati, *Eusebius Vercellensis*, & *Lucifer Calaritanus* Episcopi; & in quo definitum fuit inter alia,

1. Ut Episcopi per ignorantiam, vel tormenta in hæresim lapsi, dum ad Catholicam reverterentur Ecclesiam, in eodem honoris gradu, quo ante

ante lapsum erant insigniti, permanerent; si verò hæresis auctores fuerint, prævia pœnitentia, sublati honoribus ad Communionem dumtaxat admitterentur laicam.

2. Gravis illa ac periculosa controversia de nominandis in sacrosancta Trinitate suppositis, inter Græcos & Latinos exorta, feliciter tandem fuit sopita: quæ in hoc sita erat, ut Græci, qui tres hypostases dicebant, viderentur Latinis tres *divines*, sive essentias cum Ario dicere, eò quòd, *S. Hieronymo teste*, Epist. 57. *tota Græcorum profanorum schola discrimen inter hypostasim & unam ignorabat*. Latini verò, qui rejecto nomine hypostasis, personas dicebant, Græcis videbantur distinctionem non realem, sed tantum ratione muneris sive officii, inter Patrem & Filium & Spiritum sanctum agnoscere; eò quòd nomen personæ ad designandam officii auctoritatem usurpari solet: & ob illam de nominibus litem, eò res pervenerat, ut teste Nazianzeno, oratione de laudibus Athanasii, *Periculum esset, ne orbis terrarum fins, id est, Orientalis & Occidentalis Ecclesia, una cum syllabis à se invicem distraberentur, & abrumperentur*. Effecit autem S. Athanasius hoc in Concilio, ut deposita illa de nominibus controversia, Græci personæ nomen pro hypostasi usurparent, & Latini vicissim hypostasim pro persona dicerent; & quamvis S. Augustino lib. 5. de Trinitate, cap. 8. & 9. Latinisque posteris hæc non placuerit conciliatio; effecit tamen S. Hieronymus Epist. 57. apud Damasum, ut reciperetur: & licet olim vox hypostasis pro essentia & subsistentia fuerit usurpata, usu tamen deinceps in Ecclesia receptum est & nunc, ut nedum in divinis, sed in natura qualibet intellectualem idem significet græcè hypostasis, quod Latine persona.

3. Fidei formula ab Arianis titulo Sardicensis Concilii promulgata, ut spuria & subreptitia, fuit hoc in Concilio rejecta.

25. *Parisiensi* anno 362. sub *Liberio* Romano Pontifice celebratum, unumque ex frequentibus Conciliis illis, post *Hilarium* ab exilio reversum in Gallia habitis, quibus Orientalium error adversus Nicænam fidei professionem, una cum suis auctoribus nomen *Consubstantialitatis* à Dei Filio relegantibus, penitus condemnatur.

26. *Alexandrinum II.* sub *Liberio* pariter Romano Pontifice, anno 363. post *Juliani* Imperatoris obitum, ab Orthodoxis Episcopis, per *Athanasium* ex *Egypto*, *Thebaide*, ac *Libya* convocatis habitum, ad conscribendum fidei Catholicæ libellum, novo Imperatori *Joviniano* fidem doceri petenti citò mittendum, ne ab hæreticis præventis, illorum perfidiæ fautor fieret.

27. *Antiochenum II.* sub eodem *Liberio* anno 363. à *Meletio* Antiocheno ac Catholico Episcopo, ad *Acacianorum* instantiam convocatum; cum enim Semi-Ariani, Imperatoris animum præoccupaturi, oblato fidei libello postulassent, ut *Acaciani* Filium Dei Patri in substantia dissimilem esse docentes, suis eicerentur Sedibus, eorumque in locum substituerentur ipsi *Acaciani*, *Meletium* illicò rogant & urgent, ut Orthodoxorum Antiochiæ Episcoporum Concilium cogat; quod cum coegisset Catholicus Antistes, ad illud venire 27. Arianæ factionis Episcopi, ibique omnes ad unum, Nicænam fidem in medium prolatam communi suffragio comprobant, suæque subscriptione munitam, ad Imperatorem *Jovinianum* transmitti curant, sicque fidem toties impugnatam sunt tandem sine contentione professi.



28. *Lampfacenum*, tempore *Liberii* Romani Pontificis, anno 364. à *Semi-Arianis* adversus *Arianos Lampfaci* in Hellefponto habitum; in quo, juxta *Sozomenum*, lib. 8. cap. 7. decretum est, aëta Constantinopoli, opera ac studio *Eudoxii & Acacii* cum suis sancita, abroganda esse; fidei formulam in consecratione Ecclesiæ Antiochenæ editam, & Seleuciæ confirmatam, in omnibus Ecclesiis esse tenendam; & ut hi qui ab iis, qui Filium Patri dissimilem asseverant, abdicati essent, suis denuò restituerentur Ecclesiis, utpote quia per nefas & injustè detrusi.

Ex iis omnibus, Concilium istud Catholicum fuisse, colligunt cum *Sozomano* viri eruditi non pauci, nec deceptum fuisse *Sozomenum*, dum hujus Concilii Præsules Catholicos esse putavit; Catholici enim dici debent hi Episcopi, qui Arianam damnabant hæresim, fidemque Nicenam agnoscebant, nec ulla aliunde erant erroris labe maculati, quales erant *Lampfaceni* Concilii Patres. Ab aliis tamen, ut Conciliabulum reputatur Concilium istud, tanquam ab *Arianis & Semi-Arianis* habitum.

29. *Singedunianum*, seu Conciliabulum anno 366. à *Valente & Ursacio*, aliisque eorum in Ariana perfidia sociis, *Singeduni* in Mysia adversus *Semi-Arianos* habitum, ut scilicet *Semi-Arianos* inducere tentarent ad *Ariminensem & Constantinopolitanam* fidei formulam approbandam, qua Filius Patri tantum similis esse dicebatur, sed non in substantia, seu non per omnia similis: eoque fine ad *Germinium Semi-Arianum* Epistolam scribere *Valens & Ursacius*, querentes ab eo quid sentiret ipse de Dei Filio; sed ab eo responsorias accepere literas, suæ doctrinæ dissonas, quibus fatetur Filium Patri per omnia similem, innascibilitate excepta.

30. *Romanum I.* sub *Damaso* Romano Pontifice, anno 367. in quo *Valens & Ursacius*, cæterique manifestè Arianizantes fuere damnati, totique terrarum orbi per literas Romani Pontificis denuntiati.

31. *Romanum II.* sub eodem *Damaso*, anno Christi 369. à 90. Episcopis ex Italia & Gallia convocatis habitum; in quo *Auxentius* Mediolanensis Ecclesiæ invasor Episcopus, & *Arianus* condemnatur, deponitur, & ab omnibus sub pœna anathematis vitandus denuntiatur, & *Ursicinus* schismaticus toties in *Damasum* studia renovans, iterum damnatur.

32. *Aquilejense* denique Concilium, anno Domini 381. sub *Damaso* pariter habitum à 32. Italis & Pannonicis Episcopis, præsentibusque *Galorum & Astorum* Legatis, *S. Ambrosio* Mediolanensi Episcopo Præsidente, in quo *Palladius & Secundianus* Episcopi Ariani damnantur, qui conquirentes se de hæresi Ariana injustè infamari, ad sui purgationem à *Gratiano* Imperatore universale Concilium indici petierant; sed *S. Ambrosio* hoc indignum esse monente *Gratianum*, ut propter duos in fide cariosos viros, totius orbis convocarentur Episcopi, suarum Ecclesiarum damno, hoc Aquilejæ Concilium indixit, ad quod Italiæ vocavit Episcopos; aliis verò extra Italiam Episcopis ad libitum venire permisit.

## ARTICULUS VI.

De Conciliis in causa Pelagianorum, vel Semipelagianorum habitis.

Concilia varia, in quibus Pelagiani atque Semipelagiani cum suis hæresibus damnati.

**C**irca Pelagianorum, vel Semipelagianorum hæreses, quæ quinto ineunte sæculo in Ecclesia grassari cœpere, varia variis in locis habita reperiuntur Concilia; quorum præcipua sunt ista:

1. *Diospolitatum* Concilium, hoc est, *Diospoli* in Palæstina, anno Domini 415. sub *Innocentio* Papa, hujus nominis primo, à 14. dumtaxat Episcopis, Præside *Eulogio* Cæsariensi Metropolitano habitum; in quo Pelagius, post hæreses suas proprio ore simulatè damnatas, fideique fidei Catholicæ professionem emissam, absolutus est à Concilii Patribus sic errore facti deceptis; & hæc est Synodus illa, quam confirmare renuit *Innocentius*, & quam, miserabilem Synodum vocat *Hieronymus*, Epist. 79. cum in ea dolosè & miserè egerit, quidquid Pelagius egit.

2. *Carthaginense* sub eodem *Innocentio I.* anno Domini 416. à 34. Episcopis in Africa celebratum, ad Pelagii causam iterum examinandam, eò quod in præcedenti *Diospolitana* Synodo suas hæreses simulatè dumtaxat ejuraverat, quo discusso negotio, & omnibus diligenter inspectis, *Pelagii*, *Cælestii*que proclamata damnatio, nisi suas hæreses ipsi essent damnare parati.

3. *Milevitanum II.* hoc est, *Milevi* in Numidia eodem anno 416. sub eodem *Innocentio I.* Romano Pontifice, & *Silvano* Numidiæ Primatè, & contra eosdem, *Pelagium* videlicet & *Cælestium* à 61. Episcopis habitum: qui cum Pelagianas hæreses, octo Canonibus editis, unanimi consensu damnassent, Synodicam ad *Innocentium* Romanum Pontificem scripserunt Epistolam, cui & quinque privati ejusdem Concilii Episcopi, videlicet *Aurelius*, *Alipius*, *Augustinus*, *Enodius* & *Possidius*, suas privatas & familiares adjunxere literas, quibus monerent illum, ne cum Pelagianis Romæ degentibus communicaret, aut saltem conviveret, ut secum communicare gloriabantur Pelagiani, Concilium istud ideò *Milevitanum II.* dicitur, quia sub *Innocentio* Romano Pontifice, duo fuere *Milevi* in Numidia habita Concilia, unum scilicet, illudque primum anno 403. tempore *Xantippi* Numidiæ Primatis; in quo post nonnulla confirmata Synodalia decreta, *Cresconii* Villaregiensis Episcopi, *Quodvultdei* Centurienfis Antistitis, *Maximiani* Vagientis Præsulis, & *Xantippi* Numidiæ Primatis causæ fuere tractatæ: alterum, illudque II. anno 416. in quo hæresis Pelagiana damnata, quæ tempore *Milevitani* primi nondum erat exorta.

4. *Africanum*, sive plenarium totius Africæ Concilium, sub *Zozimo* Rom. Pont. anno Christi 438. ab Aurelio Carthaginensi Episcopo, totiusque Africæ Primatè convocatum, & ab eodem cum 214. vel 217. Episcopis in eodem, *Pelagium* videlicet & *Cælestium*, habitum, & de quo S. Prosper in Chronico sic paucis ait: Concilio apud Carthaginem habito, ducentorum decem & septem Episcoporum, ad Pontificem *Zozimum* Synodalia decreta prolata sunt, quibus probatis, per totum mundum hæresis Pelagiana damnata est.

5. *Constantinopolitanum* particulare Concilium unum, anno 424. vel 425. ab Attico sub *Cælestino I.* Romano Pontifice celebratum, ut constat ex S. Pro-

S. Prospero, *Carminum de ingratis* cap. 2. in quo pariter Pelagiani fuere damnati, & urbe Regia post damnationem ejecti.

6. *Romanum* particulare alterum, anno Domini 430. à *Celestino I.* in *Nestorium* quidem, & Nestorianam hæresim convocatum, in quo tamen Pelagianæ Sectæ Episcopi, qui Constantinopolim confugerant, & quos Nestorius fovebat, fuere damnationis pœna mixtati.

7. *Ephesinum* denique primum, quod est œcumenicum tertium, contra Nestorianam hæresim pariter convocatum, anno 431. & in quo cùm Sedis Apostolicæ Legati narrassent, quæ Romæ gesta fuerant in Pelagianos Episcopos, quorum fautor Nestorius erat, unanimi voce conclamata est iterum Pelagianorum damnatio; sicque duæ illæ quasi coetanæ hæreses, *Pelagiana* videlicet & *Nestoriana*, fuere simul confossæ, simulque sepultæ.

8. *Arausicanum II.* anno Domini 529. sub *Felice IV.* Romano Pontifice, contra *Semipelagianos* & *Massilienses* habitum, & à *Casario* Arelatenſi Episcopo convocatum, occasione cujusdam *Faufti Regienſis* scripti de gratia Dei qua salvamur; in quo, sub specioso Pelagium damnandi prætextu, verè pelagianizabat: contra quod *Fausti Regienſis* opus, *Casarius* Arelatenſis non solum libellum de gratia & libero arbitrio scripsit, sed hoc Episcoporum Concilium indixit, ad definiendum quid circa hanc Orthodoxæ fidei doctrinam credendum esset atque tenendum, & in eo communi Patrum consensu, pro fide Catholica de gratia & libero arbitrio, 25. Canones fuere constituti, qui omnes ferè ad unum sunt ipsissima S. Augustini verba, sententiæque ex diversis Augustini locis de promptæ. Hoc in Concilio, à *Bonifacio II. Felicis IV.* successore confirmato, Semipelagiani ultimo tandem ictu jugulati, atque sepulti fuere. Dicitur autem *Arausicanum II.* quia longè antè habitum fuerat *Arausicanum* aliud, sub *Leone I.* Romano Pontifice, anno Domini 441. in quo, Præſide *Hilario* Arelatenſi, actum est de Ecclesiastica disciplina, & de recipiendis variorum generum pœnitentibus, triginta Canonibus ad hoc ibidem constitutis.

## ARTICULUS VII.

### *De Conciliis in causa Nestorianorum habitis.*

**A** Tempore quo in Christum, Christique Matrem Nestoriana grassari cœpit hæresis, hæc in eam, ejusque sectarios Nestorii discipuli in quibus Nestoriana damnata hæresis.

1. *Romanum* unum à *Celestino I.* Romano Pontifice, anno Domini 430. Romæ celebratum; in quo Summus ille Pontifex, visa Nestorii ad se directæ Epistola impietatis semine plena, acceptique Cyrilli Nestorianam impietatem conſultantibus literis, de unanimi Patrum consensu, Nestorii damnavit hæresim, ipsique Nestorio decem dierum spatium ad resipiscendum, per literas ad eum missas dedit, anathema comminans nisi resipiscat; scripsitque ad Cyrillum Alexandrinum, suas illi committens vires, & mandans, ut Nestorium, nisi intra præscriptum decem dierum intervallum resipiscat, anathemate feriat.

2. *Alexandrinum* eodem anno 430. post acceptas Cœlestini Romani Pontificis

tificis literas, à Cyrillo Alexandrino convocatum; in quo quatuor decernuntur Legati, ad Nestorium cum literis Romani Pontificis mittendi, eique decem dierum spatium ad hæresim abjurandam præscripturi. Literis Pontificis plures alias adjunxit Cyrillus, quarum una cum duodecim anathematismis erat ad Nestorium directâ, aliæ ad Clerum Constantinopolitanum, vel ad Monasteriorum Patres. Constantinopolim cum pervenissent Legati quatuor, videlicet, *Theopemptus* & *Daniel* Episcopi, necnon *Potamon*, atque *Macarius*, Alexandrinæ Ecclesiæ Ministri, creditasque literas cum anathematismis Nestorio reddidissent, nentiquam respondere dignatus est Nestorius; sed de eludenda Romani Pontificis sententia cogitans, Imperatorem in Cyrillum commovet, Anathematismos de Apollinaristarum hæresi suspectos asserit; sicque sententiam in se à Romano Pontifice latam, sibi ut hæretico denuntiandam, Cyrillo hæresis labe polluto non potuisse committi contendit. Quas adlites componendas, cum universali Concilio opus esse videret Theodosius Imperator, de illo, anno sequenti Ephesi celebrando, apud Cælestinum Romanum Pontificem egit.

3. *Ephesinum* primum, quodque fuit œcumenicum tertium, anno 431. sub eodem *Cælestino I.* Romano Pontifice celebratum, de quo supra, & in quo à ducentis Patribus Nestoriana prostrata est hæresis.

4. *Ephesinum* Conciliabulum eodem tempore, quo præcedens œcumenicum, à *Joanne Antiocheno* Nestorii amicissimo, Cyrillique hoste manifestum, cum nonnullis aliis sibi devinctis Syriæ Episcopis habitum, adversus *Cyrillum*, aliosque Orthodoxos in Nestorio Ephesi congregatos.

5. *Antiochenum* unum anno 432. à *Joanne Antiocheno* convocatum, ut ibi decerneret cum suæ factionis Episcopis, quid sibi agendum incumbere, ne ex mandato Imperatoris Theodosii cogeretur ad dicendam causam Nicomediam proficisci, ibique detineretur, donec cum Cyrillo pacem iniisset; & communi Patrum sententia decretum, ut illicò ad parendum Theodosii monitis, Nestorianam damnaret hæresim cum suo auctore, communicationemque cum Romano Pontifice, & Cyrillo Alexandrino peteret: & reipsa Nestorianam damnavit hæresim, Nestorii depositionem, & *Maximiani* subrogationem approbavit, ac tandem petitam communionem impetravit, sicque cum Cyrillo, & tota Ecclesia Catholica pacem inivit.

6. *Armenienſe*, sive Armeniæ Concilium unum, anno Domini 435. sub *Sixto III.* Romano Pontifice, & imperante Theodosio, ab Armeniæ Episcopis celebratum, ad damnandos nonnullos Nestorianorum Libros, videlicet aliquos *Theodori* Mopsuesteni & *Diodori* Tarsensis Libros impietate plenos, & in linguam Syriacam, Armenam atque Persicam translatos, omnibusque ad legendum expositos tanquam Catholicos; quos pariter, ad instantiam hujusce Concilii Patrum, damnavit & ipse *Proclus* Constantinopolitanus Episcopus.

7. *Romanum* denique Concilium sub *Joanne II.* Rom. Pontifice, in *Acemetas* Monachos habitum, anno Domini 533. vel 534. Erant autem *Acemete* nonnulli Scythiæ Monachi, Entychianæ hæresis Sectarii, & Chalcedonenſis Concilii hostes occulti, tres in turmas ita distributi, ut per vices succedentes sibi, Dei laudibus in Ecclesia canendis diu noctuque sine intermissi ne vacarent; unde *Αΰσιμτοι*, id est, *Insomnes* vocati: qui cum Chalcedonenſi Concilio quali imperfecto, subdolè addendum esse

dic-

dicerent, *Unum de Trinitate passum esse in carne*; nihil econtra addendum esse diceret *Victor Diaconus*, Chalcedonenſis Concilii tanquam perfecti defensor egregius; causa delata est ad *Hormisdas* Romanum Pontificem. Damnati sunt *Acemeta*: nihil addendum esse respondit *Hormisdas*, & propositionem illam, *Unus de Trinitate passus est in carne*, à Chalcedonenſi Concilio procul rejecit. Ex qua decisione, cum isti nestorianizantes *Acemeta* Monachi concluderent, *Si unus de Trinitate non est passus in carne*: ergo neque natus in carne, ac proinde *B. Maria non est dicenda Deipara*; idque dum propugnarent, recurritur ad Romanum Pontificem *Joan- nem II.* Scribit ad illum *Iustinianus Imperator*, Legatos mittit, mittunt & Monachi suos. Convocat & celebrat Romæ Concilium istud Romanus Pontifex, & in eo *Acemetas* ut Nestorianizantes damnat; & definit Catholicè & piè dici posse, *Unum de Trinitate passum in carne*; declaratque, in quo sensu hoc rejecerit & improbaverit *Hormisdas* Papa, dicendo videlicet propositionem illam, *Unus de Trinitate passus est in carne*, fuisse ab *Hormisdas* Papa rejectam, non ut hæreticam, sed tantum velut novam & insolitam, ac de Eutychianorum fraudibus suspectam, seu ut Chalcedonenſi Concilio quasi imperfecto subdole ab Eutychianis addendam; eam verò non rejecisse, nec improbaſſe separatim, & in se, remota Eutychianorum fraude, consideratam,

## ARTICULUS VIII.

*De Conciliis in causa Priscillianistarum habitis.*

Contra *Priscillianum*, *Abyla* Hispaniæ civitatis Episcopum, & Hæresiarcham, à quo Priscillianistæ fluxere hæretici, in Hispania præsertim grassati, celebrata Concilia reperiuntur ista:

Concilia  
in quibus  
Priscillia-  
nistæ fuere  
damnati.

1. *Cæsaraugustanum* in Hispania, anno Domini 381. sub *Damaso* Summo Pontifice, à duodecim Episcopis contra Priscillianistas habitum, & in quo, contra eorundem perversa dogmata, octo fuere Canones editi.

2. *Burdegalense* anno Domini 385. sub *Siricio* Romano Pontifice contra Priscillianum, ad instantiam *Maximi* Imperatoris indictum. Cum enim Priscillianus à Cæsaraugustano Concilio damnatus, *Gratiani* Imperatoris mandato fuisset restitutus, *Ithacius* Hispaniæ Episcopus, & Priscillianistarum hostis acerrimus, eundem Priscillianum nedum de hæresi, sed de criminibus aliis apud *Maximum* accusavit, mortisque supplicio dignum esse nuntiavit. Quibus motus accusationibus Imperator, hoc Burdegalæ Concilium haberi, & ad illud Priscillianum cum *Ithacio* venire mandavit. Qui cum causam dixissent, *Ithacius* suo Episcopatu indignus est iudicatus; non quòd adversus hæreticos auxilium Principis implorasset, sed quòd Episcopus ipse eos pœna capitis, vitæque supplicio mulcandos denuntiasset; Priscillianus verò se pariter damnandum prævidens, ad Principem appellavit: qua appellatione contra jus, & Ecclesiæ regulas admissa, Trevis auditus & convictus, & tandem cum nonnullis aliis, iussu *Maximi* Imperatoris, gladio truncatus est.

3. *Hispanicum generale* anno Domini 447. à *S. Turibio* Asturicensi Episcopo, inasû *S. Leonis* Magni Romani tunc Pontificis, ex diversis Hispaniarum Provinciis, videlicet Tarraconenſi, Carthaginenſi, Lusitana &

- *Appar. Annati T. II.*

O 3

Bæ-

Bætica, in causa Priscillianistarum indictum; in quo Priscillianiana damnata fuit hæresis, & contra eam particularis fidei regula cum aliquot Capitulis edita.

4. *Bracarense I.* hoc est *Bracara*, quæ Gallæciæ civitas est Metropolis, à *Lucretio* Metropolitano, & Comprovincialibus Episcopis habitum sub *Joanne III.* Rom. Pont. & *Theodomiro* Suevorum Rege in Hispaniis regnante, anno Domini 563. in quo damnata est Priscillianistarum hæresis cum multis aliis aliorum hæreticorum erroribus; ideòque ante omnia, propolita ea Capitula, quæ contra Priscillianum, ejusque hæresim fuerant in Hispanico generali Concilio, synasione *S. Leonis*, constituta, & postea pro disciplina Ecclesiastica 22. Canones editi.

5. *Bracarense* fuit & alterum Concilium sub *Ariamiro* Suevorum Rege, anno Domini 572. post obitum *Joannis III.* Romani Pontificis, eo tempore interregni Pontificii, jussu Regis habitum; in quo, post quatuor recensita Concilia œcumenica prima, nulla quinti in Hispaniis nondum recepti mentione facta, pro Ecclesiastica disciplina decem Canones sunt constituti.

6. *Bracarense* fuit denique & Concilium III. sub *Adeodato* Papa, tempore *Bambæ* Hispaniæ Regis habitum, anno 675. contra supersticiosos Presbyteros nonnullos, lac pro vino consecrare præsumentes; & definitum in pane tantum, & vino aqua permixto consecrandum.

## ARTICULUS IX.

*De Conciliis in causa Eutychanorum habitis.*

Concilia  
in quibus  
Eutychniana  
damnata  
hæresis.

Inter Concilia, quæ Eutychniana vigente hæresi, contra Eutychem, vel pro Eutyche habita fuere Concilia, numerantur ista:

1. *Constantinopolitanum* unum, anno Domini 448. sub *S. Leone* Romano Pontifice, Præfide *Flaviano* Patriarcha Constantinopolitano, in causa Florenti Sardiorum Metropolitani, adversis Episcopos *Joannem* & *Cossinum* ejusdem suffraganeos convocatum: in quo cum nuntiasset Eusebius Dorilæi Episcopus, vulgatam incerto auctore novam hæresim, qua docebatur in Christo Domino, ante Incarnationem, duas; post Incarnationem verò, non duas, sed unam dumtaxat fuisse naturam, ab Eutyche Archimandrita prædicari & doceri; seque eum pluries, sed frustra monuisse; obtulit adversis eum querelarum libellum in Concilio legendum, & ut ad sui defensionem citaretur Eutyches, petiit: qui post varia subterfugia, trinamque citationem, comparuit tandem, & de hæresi convictus, nec resipiscens, communi Patrum Concilii calculo, Sacerdotali officio, primatu Monasterii, & Ecclesiæ communione privatus, sive excommunicatus: cui subscribere sententiæ 32. Episcopi, & 23. Concilio præsentibus Archimandritæ. A sententia ad Romanum Pontificem appellavit Eutyches, sed frustra.

2. *Constantinopolitanum* alterum anno 449. jussu Theodosii Imperatoris in causa Eutychetis habitum. Dum enim in priori Concilio se à *Flaviano* damnatum vidit Eutyches, nullum non movit lapidem, ut favente Chrysaphio Eunuchio Imperatorii Cubiculi Præfecto, acta Synodalia à *Flaviano* legitime confecta, planè irrita reddat, & in ipsum Flavianum damna-

damnationis pœnam convertat ; itaque publicis , palamque propositis scriptis se injuriam passum asserit. Acta Constantinopolitani Concilii per Notarios diminuta , falsataque contendit ; eaque de causa , oblato Imperatori libello , hujusmodi acta Concilii alio in Concilio retractari petit , & ejusdem Chrysaphii suasionibus obtinet. Jussit confestim Imperator , ut iidem 30. Episcopi Constantinopolim convenirent , Præside *Thalassio Cæsare* in Cappadocia Episcopo , & præsentē *Florentio* Patritio in isto conventu , in gratiam Chrysaphii faventibus Eutycheti Magistratibus , variis cavillis illudum est legitimæ Eutychetis damnationi , & prioris Concilii de Eutychete judicio. Postea *Flavianus* fidei Confessionem edere jussus , paruit ; eamque , quæ extat initio Chalcedonenſis Concilii , Epistolam fidei dogmata continentem scripsit , & ad Theodosium Imperatorem misit.

3. *Ephesinam* secundum universale , sed reprobam , ac Conciliabulum , prædatorumque Concilium , & latrocinium diaboli jure dictum . Cum enim communionem à *S. Leone* Romano Pontifice non potuisset Eutyches assequi , inaudito Flaviano , Synodum universalem obtinuit ab Imperatore , ope Chrysaphii , cujus suasu hanc Imperator contra jus omne indixit Ephesinam Synodum , dato ad Dioscorum Alexandrinum rescritto , quo eum Synodi Præsidentem constituit , cum facultate adducendi quos vellet Episcopos , quique Eutychetis causæ contra Flavianum faverent. Convenerunt 128. Episcopi anno 449. à quibus , Præsides *Dioscoro* , & non auditis Sedis Apostolicæ Legatis , videlicet *Juliano* Puteolano Episcopo , *Renato* Presbytero Cardinali *S. Clementis* , & *Hilario* Ecclesiæ Romanæ Cardinali Diacono , Eutyches hæresiarcha fuit absolutus , ejus confirmata hæresis , & lata depositionis sententia in *Flavianum* , & *Eusebium* Dorilæi Episcopum : cui , præter Legatos *S. Sedis* , cæteri ferè omnes quamvis Orthodoxi subscripserunt Episcopi , vi metueque fracti . Cum Flaviano damnati sunt & alii Episcopi plurimi , quos inter fuere *Ibas* Edeſſenus , & *Theodoretus* Cyri Episcopus . Ab hujus prædatorii Concilii sententia , cum ad Romanam Sedem viva voce appellasset *Flavianus* , & scriptum appellationis libellum Legatis obtulisset , *Cæsus* est , inquit *Liberatus* Carthaginensis Archidiaconus , in suo de causa Nestorii & Eutychetis *Breviario* , cap. 12. & multis injuriis affectus , dolore plagarum migravit ad Dominum .

4. *Romanum III.* sub eodem *S. Leone* Romano Pontifice , eodem anno habitum ; in quo omnia præcedentis Ephesini Conciliabuli gesta fuere post Hilarii Diaconi reditum penitus damnata . Quod cum Dioscorus audisset , eò insolentia venit , ut vix Alexandriam reversus , habito Episcoporum conventu , in *S. Leonem* Romanum Pontificem excommunicationis sententiam tulerit . Quod inauditum facinus ita exhortuere Præsules ferè omnes , ut vix decem , hique lacrymantes & invitæ , tam portentosa nefariaque subscripserint sententiæ .

5. *Constantinopolitanum* sub eodem *S. Leone* , anno Domini 450. celebratum ; in quo , præsentibus Sedis Apostolicæ Legatis , *Abundio* videlicet , *Asterio* , *Basilio* , ac *Senatore* Presbyteris , *Anatolius* Constantinopolitanus Præsul in *Flaviani* locum subrogatus ; alique Episcopi , cogente Dioscoro , in satanico Ephesino Concilio lapsi , fidei Confessionem edidere , & constitutum est , ut eis suæ tantum , non totius Ecclesiæ Catholicæ communicatio daretur ; sancitumque , ne *Dioscori* Alexandri-

ni, *Juvenalis* Jerosolymitani, necnon *Eustathii* Beryti Episcoporum nomina recitantur in sacris, eò quòd impœnitentes Schismaticorum essent antesignani.

6. *Mediolanense* sub eodem *S. Leone*, ab *Eusebio* Mediolanensi Episcopo cum suis Comprovincialibus ante Chalcedonense habitum, anno 451. ad profitendam, & subscriptionibus testandam doctrinam de Incarnatione Verbi, à *S. Leone* ad Flavianum in Epistola missam. Erat enim pristino usu receptum, ut cùm œcumenicum indicebatur Concilium, cui non omnes interesse poterant Occidentales Episcopi; hi, si opportunitas temporis id ferret, vel Romæ ad Synodum convocarentur, vel habitis sub Metropolitanis Provincialibus Conciliis, per Synodalem Epistolam de suo suffragio Romanum Pontificem certiores facerent, atque ita ipsi licet absentes, suum quodammodo suffragium per Legatos à Romano Pontifice missos & instructos, in œcumenico Concilio ferrent, & hunc in finem, iussu *S. Leonis* ante Chalcedonense œcumenicum contra Eutychen & Dioscorum indicendum, hoc Provinciale Concilium Eusebius Mediolanensis habuit.

7. *Chalcedonense* œcumenicum IV. anno eodem 451. sub eodem *S. Leone* Romano Pontifice, & Marciano Imperatore contra Eutychen & Dioscorum à 636. Patribus habitum, ut fufius visum est supra.

8. *Alexandrinum* anno 451. sub eodem *S. Leone* Rom. Pontifice, à *Poterio* Alexandrino Episcopo, & in locum Dioscori, magna Alexandrinorum seditione, subrogato celebratum; in quo actum est de Eutychianorum conversione, & concessum, ut qui ob hæresim Eutychianam hætenus fuerant ab Ecclesiæ communione separati, ad eam redire possint, fidei Catholicæ confessione præmissa.

9. *Constantinopolitanum* 73. Episcoporum, anno Domini 459. sub eodem *S. Leone* Papa, à *Gennadio* Constantinopolitano Episcopo, præsentibus *Domitiano* atque *Geminiano* Episcopis, Sedis Apostolicæ Legatis, habitum, ad Ecclesias ab Eutychiana hæresi & à Simoniaca labe purgandas; & in quo actum est primò de firmando fidei decreto in Chalcedonensi Concilio edito, & ab Hæreticis frequentibus ictibus impugnato; deinde contra Simoniacam Constantinopolitanæ Ecclesiæ labem editus est ille Canon, qui in Encyclica hujusce Concilii reperitur Epistola.

## ARTICULUS X.

*De Conciliis in causa trium Capitulorum habitis.*

Concilia varia, in quibus agitata trium Capitulorum causa.

**C**irca celebrem trium Capitulorum controversiam, quæ per annos ferè centenos Catholicam exagitavit Ecclesiam, ista reperiuntur habita Concilia:

1. *Constantinopolitanum* unum an. Domini 547. sub *Vigilio* Rom. Pont. habitum, cujus occasio dici potest *Theodorus* Cæsareæ Cappadociæ Archiepiscopus. Is enim cùm Justiniano Imperatori suavisset, futurumque promississet, ut si tria Chalcedonensis Concilii Capitula, nempe *Theodorum* Mopsuestenum, Epistolam *Iba* Edesseni, & *Theodoreti* Cyrensis adversus Cyrillum scripta condemnaret, statim *Acephali* omnes Chalcedonense Concilium susciperent: cùmque monitis ejus persuasus, publico edicto hæc præfata Capi-



Capitula damnaſſet *Juſtinianus*, hoc in ediſtum inſurrexere *Vigilius* Romanus Pontifex, cæterique Occidentales Epiſcopi, & præſertim Africani, putantes hoc ediſtum in præjudicium Chalcedonenſis Concilii datum, quo in Concilio *Ibas* & *Theodoretus* fuere poſt abjuratos ſcriptorum errores admiſſi. Planè ſciens Imperator hoc ſuum ediſtum nullius roboris eſſe, niſi eſſet Epiſcoporum, & *Vigilii* præſertim Romani Pontificis auctoritate & ſubſcriptione firmatum, de Concilio regia in urbe celebrando cogitavit, *Vigiliū*que Romanum Pontificem honorificè rogavit & induxit, ut Roma Conſtantinopolim veniret. Quò cum perveniſſet, obtinuit *Juſtinianus*, ut trium Capitulorum ibi in 70. Epiſcoporum conventu cauſam examinaret. Sed hos cum vidit inter ſe diſſentientes Epiſcopos *Vigilius*, ſtatuit per ſeipſum ſeorſim à Synodo judicium terre; & reipſa ſingulorum ſuffragiis ſibi ſcripto delatis, judicium tulit, quo tria præſata Capitula hætenus cum Occidentalibus propugnata damnavit; quod cum audiſſent, improbarunt Occidentales Epiſcopi, & datis ad *Juſtinianum* literis, trium Capitulorum deſenſionem ſuſcepere. Quos motus cum viderent *Vigilius* & *Juſtinianus* ſedari non poſſe ſine Concilio univerſali, de illo indicendo ſimul conveniunt, de loco diſconveniunt: interrim uſque ad illud œcumenicum proximè futurum Concilium, de propoſita trium Capitulorum quæſtione tacendum, omnibus ſub anathematis poena imperat *Vigilius*.

2. *Mopſueſtenum* novem dumtaxat Epiſcoporum Concilium, ſub *Vigilio* pariter habitum *Mopſueſtiæ* in Cilicia, anno Domini 550. adverſus Theodorum *Mopſueſtenum*, ab annis ſerè centum antè deſunctum, & contra ipſos Theodori, ediſto Imperatoris condemnati, deſenſores; in quo decretum eſt, *Mopſueſtiæ* antiquas inquirendas eſſe memorias, & videndum num de ipſo reliquiæ conſervarentur aliquæ, & num in ſacris ejusdem Eccleſiæ *Dyptichis* ipſe cum aliis ejusdem Civitatis Catholicis Epiſcopis reperiretur adſcriptus.

3. *Aurelianenſe* V. quinquaginta Epiſcoporum ſub eodem Romano Pontifice *Vigilio* celebratum, anno Domini 552. occasione trium Capitulorum habitum eſſe ſuadetur ex 1. Canone damnanſe *Neftorii* & *Eutychetis* hæreſes, quarum cauſa non ignorabant Concilii Patres, Eccleſiam præſertim Orientalem agitari trium Capitulorum controverſia.

4. *Conſtantinopolitanum*, quod fuit œcumenicum quintum, contra *Origenis* errores, & pro componenda trium Capitulorum controverſia, ſub eodem *Vigilio* Papa, & *Juſtiniano* Imperatore habitum, anno 553. & de quo ſuſius ſuprà, ubi de œcumenicis Conciliis.

5. *Jeruſolymitanum* unum eodem anno 553. ſub *Vigilio* ſimiliter habitum; in quo quinta œcumenica de tribus Capitulis approbata Synodus, & cujus acta ſummam referuntur act. 1. Concilii Nicæni ſecundi, his verbis: *Præterea Imperator noſter Dei amantiſſimus acta Synodi quintæ Jeruſolymam miſit, in qua civitate coaſſo Epiſcoporum conventu, quotquot erant Paſtſinorum Epiſcopi, manibus & pedibus & ore ſententiam & ſtatutum Synodi confirmarunt; niſi quòd Alexander Epiſcopus Abyles contrarium ſenſit: quamobrem Epiſcopatu exutus, Byzantium ſe recepit, & terramotu abſorptus eſt & deſoſſus.*

6. *Aquilejenſe* Conciliabulum eodem anno 553. & ſub ejusdem *Vigilii* Pontificatu, ab Occidentalibus Epiſcopis habitum, contra quintam de tribus Capitulis Synodum. Cum enim putarent Occidentales Epiſcopi,

tria Capitula in quinta Synodo, in odium & præjudicium Chalcedonenſis Concilii fuiſſe damnata, & ſibi non liceret per edictum *Juſtiani* trium Capitulorum deſenſores perſequentis, in locis Imperii reclamare, Concilium iſtud Aquilejenſe celebravit, in quo quintam Synodum reſpuendam eſſe definiunt, & ſchiſmate factò, ſe ab unione Eccleſiæ Catholicæ ſegregarunt, in eoque ſchiſmate per annos ferè centenos perſeverarunt.

7. *Aquilejenſe* Conciliabulum alterum habitum fuiſſe ſub *Sergio* Romano Pontifice, circa annum 698. conſtat ex *venerabili Beda*, *Libro de ſex ſtatutis*; ex *Paulo Diacono*, *lib. 5. cap. 14.* & ex *Sigiberto in Chronico*. Quo in Conciliabulo pariter, quintam Synodum reſpuendam eſſe decretum eſt; unde colligitur Occidentales bis in eundem errorem fuiſſe relapſos, totidemque reverſos, prima quidem vice reſipuiſſe, cura S. Gregorii, ut conſtat ex Synodalibus actis Concilii Romani ſub *Agathone*, & ſecunda vice, *Sergii* Romani Pontificis opera.

## ARTICULUS XI.

*De Conciliis in cauſa Monothelitarum habitis.*

Concilia  
varia, in  
quibus  
damnata  
Monotheli-  
tarum  
hæreſis.

**O**B diram Monothelitarum hæreſim, quæ unicam in Chriſto voluntatem aſſerebat, Concilia diverſis temporibus congregata fuere, præſertim iſta:

1. *Alexandrinum* Conciliabulum unum à Cyro Monothelita & Alexandrino Patriarcha, ſub *Honorio I.* Romano Pontifice congregatum, anno 633. quod ſub ſpecie futuræ pacis & unionis Acephalorum cum Eccleſia, Monothelitarum hæreſi latam aperuit viam, quatenus Synodale decretum edidit, quod *Satisfactio* inſcribitur, novem Capitula complectens, quorum ſeptimo fraudulenter allegans S. Dionyſium, aſſeruit unicam in Chriſto eſſe operationem, dicens juxta S. Dionyſium: *Eundem unum Chriſtum & Filium operari Deo decibilia, & humana, una Dei-virili operatione*; quamvis apud S. Dionyſium non legatur *una*, ſed *nova* Dei-virili operatione. Hanc fraudem alii ſecuti ſunt Monothelitæ; hanc ſecutus eſt præſertim *Sergius* Conſtantinopolitanus Patriarcha; ad quem, celebrato ſuo Conciliabulo, tranſmiſerat *Cyrus* hæc ſua præſata Capitula novem. Ei gratulatoriam reſcripſit *Sergius* Epistolam, ſcripſit & ad *Honorium* Romanum Pontificem aliam, ſuadens ei, pro bono pacis ad tempus ſilendum eſſe de una, vel duabus operationibus & voluntatibus, ad vitandum ſcandalum ex illarum prolatione vocum emergens, & ſatis eſſe, ſi in Chriſto Dei-virilis operatio, & voluntas diceretur. Ad illum reſcripſit *Honorius*, & ejus æconomiam, ut ſibulam pacis laudavit, ſilentiumque de una, vel gemina voluntate præſcripſit.

2. *Romanum* unum ſub *Joanne IV.* Romano Pontifice, anno Domini 640. habitum; in quo damnata eſt Monothelitarum hæreſis, & impia *Eſtheſis* Heraclii proſcripta, ut breviter reſert *Theophanes*, addens & in Africa, in Provinciis Byzacena, Numidia, & Mauritania diverſos pariter Episcopos conveniſſe, Conciliaquo celebraviſſe alia, & eandem Monothelitarum hæreſim anathemate confodiſſe, ſeu eodem ferè anno

tria

tria alia habita fuisse Concilia; *Numidia* videlicet unum, tempore *Theodori* Papæ, Præfide *Columbo* Metropolitano; *Byzacenum* alterum 42. Episcoporum, Præfide *Stephano* Primæ; & *Cartaginense* denique unum 68. Episcoporum, & in his omnibus fuisse damnatam Monothelitarum hæresim.

3. *Romanum* alterum anno Domini 648. à *Theodoro* Papa, convocatis Episcopis & Clero ad sepulchrum Principis Apostolorum, contra *Paulum* & *Pyrrium* Monothelitas habitum; in quo *Paulum* Constantinopolitanum Episcopum sæpè monitum ut Monothelismum ejuraret, nec tamen relipseret, sed econtrà suam hæresim pertinaciter propugnaret, anathemate percussit, & Sede Constantinopolitana privavit piissimus *Papa Theodorus*. *Pyrrium* verò, qui post ejuratam hæresim, ad suum vomitum redierat, simili anathematis & depositionis sententia damnavit, sententiæque subscripsit calamo Christi sanguine in Calice tincto, ut testatur *Theophanes*; idque, ut celebrior foret hæc Monothelismi, Monothelitarumque damnatio, terribiliorque cæteris Monothelitarum fautoribus arque sectariis.

4. *Romanum* iterum aliud *Lateranense*, *Romanum* vulgò dictum, & à *Martino I.* Romano Pontifice convocatum, anno Domini 649. cui centum & quinque interfuere Episcopi; cum enim post *Theodorum* electus fuisset *Martinus I.* & ejus electioni consensisset, more solito, *Constantinus* Imperator; ab eoque in signum gratitudinis exegisset, ut promulgatum à se *Typum*, seu perfidam, Orthodoxæque fidei contrariam fidei formulam edictò propositam approbaret, suæque subscriptione firmaret; non modò non approbavit, sed statim hoc convocato Concilio, perfidum illum *Constantis Typum* proscripsit, & Monothelitarum hæresim, ejusque Promotores, *Cyrum* Alexandrinum, *Sergium*, *Paulum*, & *Pyrrium*, Constantinopolitanos successivè Episcopos damnavit. Tanta fuit semper hujusce Concilii auctoritas & dignitas, ut in professionibus fidei, post quinque Synodorum universalium confessionem adderetur & istius confessio, usque ad plenam sexti œcumenici Concilii promulgationem. In eo fuere viginti Canones editi, sub anathemate recipiendi.

5. *Anglicanum* unum anno Domini 679. Præfide *Theodoro* Dorovenensi Episcopo, viro natione Græco, hujus rudioris sæculi doctissimo, peritiaque sacrarum scientiarum celeberrimo, sub *Agathone* Romano Pontifice habitum; in quo fides Orthodoxa fuit contra Eutychianos & Monothelitas confirmata.

6. *Mediolanense* sub eodem *Agathone* Papa, & eodem anno 679. in causa Monothelitarum habitum. Cum enim monuisset *Romanus* Pontifex *Agatho*, anno sequenti in causa Monothelitarum universale futurum esse Concilium, ideòque necessarium videri, ut omnes Italiæ Episcopi, particularibus habitis Synodis, eandem causam inquirant & decident, suamque decisionem ipsi postea, vel per seipso, vel per literas cæteris œcumenici Concilii Patribus exponant. Paruerunt Insubres Episcopi, & habito isto *Mediolani* Concilio, Monothelitarum hæresim condemnarunt, fideique Orthodoxæ professionem ediderunt. Cumque plerique eorum, ætate, morbo, vel obicibus aliis impediti, ad œcumenicum Concilium Constantinopolim venire non possent, Synodalem Epistolam ad *Constantinum* Pogonatium mittendam esse censuerunt, ut saltem scripto suffragio  
suo

suo perniciosam condemnarent hæresim, quam præsentem anathematizare non possent.

7. *Romanum* rursus alterum sub *Agathone* pariter habitum, anno 680. in quo 125. Episcopi Orthodoxam fidem confirmarunt, Monothelitarum hæresim condemnarunt, legationemque Constantinopolim, ad œcumenicum proximè futurum Concilium mittendam esse decreverunt. Implevit enim Romæ Romanus Pontifex *Agatho*, quod ejusdem jussu Mediolani præstiterant Insubres Episcopi; effecit nimirum, ut Occidentales Episcopi, qui per ætatem, vel corporis morbum, vel itineris difficultates, per se œcumenico Concilio interesse non possent, per legationem profiterentur, & exponerent quid pro fide Catholica adversus Monothelitas decernendum esse sentirent; & reipsa congregati 125. Occidentales Episcopi, damnata Monothelitarum hæresi, Orthodoxaque roborata fide, tres Legatos cum Synodali mittendos Epistola delegerunt; videlicet *Joannem Portuensem*, *Abundantium Paternensem*, & *Joannem Regiensensem*, sive Regitanum, Episcopos. His Legatis adjunxit & suos *Agatho*; quibus & privatam commisit ad *Constantinum* Epistolam, in qua ad defensionem *Honorii* ait, Apostolicam Sedem, ejusque Pontifices supremos in fide numquam errasse.

8. *Constantinopolitanum* III. œcumenicum VI. anno Domini 680. inchoatum, & anno 681. absolutum sub *Agathone* Papa, & *Constantino* Pogonato; in quo Monothelitarum hæresis fuit condemnata.

9. *Constantinopolitanum* Conciliabulum anno Domini 702. tempore *Constantini* Papæ, & *Philippici* Imperatoris, à *Joanne* Constantinopolitano Patriarcha, & Monothelitarum antesignano indictum; in quo innúmera ferè Episcoporum Orientalium multitudo congregata, ad nutum Imperatoris, & ad libitum Patriarchæ Monothelitæ, sextam œcumenicam Synodum contra Monothelitas habitam damnavit; excæcatus enim corpore, & mente Monothelita Monachus, *Philippico* venturum prædixerat Imperium, ipsumque longævum, si sextam aboleret œcumenicam Synodum. Impostori Pseudo-Monacho credens *Philippicus*, se id implementum juramento promisit; & re ipsa imperium adeptus, contra sextam œcumenicam Synodum, hoc à *Joanne* Monothelita Conciliabulum indici curavit; *Philippico* tamen sextam Synodum abolere, & Monothelitarum hæresim renovare conanti, invictò restitit animo Summus Pontifex *Constantinus*, ejusque cum hæretica fidei professione missas, cum execratione respuit literas.

## ARTICULUS XII.

### De Conciliis in causa Iconoclastarum habitis.

**I**Nter ea, quæ faviente Iconoclastarum hæresi, reperiuntur pro sacris Imaginibus celebrata Concilia, vel contra sacras Imagines habita Conciliabula, sunt præsertim ista:

Concilia  
in quibus  
fuerunt Ico-  
noclastæ  
damnati.

1. *Constantinopolitanum* Conciliabulum unum, anno Domini 730. sub *Gregorio II.* Papa, à *Leone III. Isaur*o Imperatore, Iconomacho Coprynimi patre, in aula Regia cum nonnullis hæreticis convocatis habitum inconsulto Rom. Pont. *Gregorio II.* & renitente licet vocato *S. Germa*  
Pa-

**Patriarcha Constantinopolitano**; in quo impius Imperator impium promulgavit de abolendis Imaginibus edictum; cui cum subscribere nollet *S. Germanus*, à Sede Patriarchali detrusus est, & ejus in locum intrusus *Anastasius Syncellus*, vir Imperatori deditus & hæresi; ipseque *S. Germanus*, paulò post è propria domo, in quam deposito pallio lubens recesserat, in Monasterium quoddam longè diffusum deportatus, tandemque propè centenarium stragulatùs, sicque Martyrii laurea donatus.

2. **Romanum Concilium unum**, occasione præfati Leonis Isauri Conciliabuli, circa idem ferè tempus ab ipso *Gregorio II.* Romano Pontifice cum Italicis Episcopis habitum; in quo primo damnata est illa Iconomachorum hæresis, & confirmata de sacrarum Imaginum usu Ecclesiæ Catholicæ fides; & postea excommunicatus ipse *Leo Isaurus* Imperator, hæresis promotor, & Catholicorum persecutor, necnon *Anastasius* pseudo-Patriarcha Constantinopolitanæ Sedis invasor, hæresisque sectator.

3. **Romanum alterum anno 732. sub Gregorio III.** Rom. Pontifice, pro sacrarum Imaginum cultu, occasione Leonis Imperatoris Iconomachi convocatum. Cum enim hortatoriam ad ipsum scripsisset Epistolam Summus Pontifex, qua illum ad detestandam Iconoclastarum hæresim induceret, Epistolamque misisset per *Gregorium* quemdam Presbyterum, legationis Apostolicæ munere functurum, ipseque Presbyter Gregorius metu perterritus, creditam sibi non reddidisset Epistolam, congregata alia Romæ Synodo, à Presbyterio deposuisset eum Summus Pontifex, nisi pro eo præsentium Episcoporum cœtus veniam rogasset: illum veniam donatum cum iterum literis monitoriis munitum ad Imperatorem misisset Summus Pontifex, & illum Imperator Iconomachus retinueret, ablatisque literis, in exilium amandasset, Summus Pontifex collecto hoc Romæ 93. Episcoporum Concilio ad confirmandas antiquas Patrum de sacrarum Imaginum usi traditiones, decretum edidit sub anathematis pœna sequendum: insuper à Concilio ad Imperatorem monitoriam epistolam mit-tuam esse decrevit.

4. **Constantinopolitanum Conciliabulum pseudo-septimum universale**, & reprobatum, anno Domini 754. tempore *Stephani III.* Romani Pontificis, à *Constantino Copronymo* contra sacrarum Imaginum usum convocatum, & nullo Catholico Patriarcha præsentè, à 338. Episcopis habitum; qui non solum sacrarum Imaginum cultum damnarunt, sed & ipsos sacrarum Imaginum cultores anathematizarunt, & inter ipsos, præcipuè *S. Germanum* Patriarcham Constantinopolitanum, *Georgium* Cyprium Episcopum, & *Joannem Damascenum*; & tandem soluto Conciliabulo, Imperator Iconomachus delatis in medium Crucis effigie, sacra Eucharistia, & sacris Euangelis, per hæc sacra omnia, suos ritu solemnè jurare coegit, quòd sacras Imagines nusquam colerent, sed ut idola potius execrarentur & fugerent.

5. **Gentiliacense**, hoc est, *Gentiliaci* prope Lutetiam anno Domini 766. *Paulo I.* Rom. Pont. in causa sacrarum Imaginum, jussu *Pipini* Christianissimi Regis habitum, occasione Constantini Copronymi; qui cum ad *Pipinum Galliarum Regem* Legatos misisset nobilissimos, sex videlicet Patritios, cum pluribus Episcopis, *Godegesilam* ipsius *Pipini* filiam, *Leoni Augusto Copronymi* filio nubendam petituros, cum Ravennatis exarchatus restitutione pro dote; & ne religionis disparitas fœdus impediret inendum, controversiam de sacrarum Imaginum cultu, Gallicanorum Epi-

Episcoporum iudicio permissuros. *Pipinus* Concilium istud hunc in finem, cum Sedis Apostolicæ venia, *Geniliaci* prope Lutetiam haberi iussit; in quo duplex agitata quæstio, prima scilicet de Imaginibus, altera de Spiritus Sancti processione. Cum enim Occidentales de sacrarum Imaginum despectu ac contemptu *Copronymum*, ejusque sectarios Orientales accusarent, isti vicissim Latinis Occidentalibus exprobrabant, quòd addendo particulam *Filioque*, Symbolum innovassent. Quid fuerit hoc in Concilio decisum, etiam non referant auctores, ex Gallicanæ tamen Ecclesiæ fide gestisque hac in materia, in ejus sequentibus Conciliis aliis colligi potest, damnatam fuisse hoc in Concilio Iconoclastarum hæresim, & fidem de Spiritus Sancti à Patre Filioque processione confirmatam.

6. *Romanum* iterum aliud anno 769. Præside *Stephano* Papa, hujus nominis quarto, habitum; in quo de electione Summi Pontificis, & de sacrarum Imaginum cultu tractatum est. In eo enim discussis & rescissis *Constantini* pseudo-Papæ actis, qui à *Desiderio* Longobardorum Rege, ex Laico in Sedem Apostolicam repente fuerat intrusus, statutum est, ne quis deinceps alius, quàm Diaconus, aut Presbyter Cardinalis ad supremum eveheretur Pontificatum; & reprobata postea omnia, quæ contra sacras Imagines, sub *Constantino Copronymo*, in Conciliabulo Constantinopolitano fuere decisa.

7. *Nicanum II.* œcumenicum septimum, anno Domini 787. sub *Adriano I.* Romano Pontifice, imperantibus *Constantino* & *Irene* matre, contra Iconoclastas habitum; sed de illo suprâ.

8. *Francfordiense* anno 794. sub eodem *Adriano I.* Romano Pontifice, regnante *Carolo Magno*, à 300. Episcopis, præsentibus Sedis Apostolicæ Legatis habitum, contra *Elipandum Toletanum* Episcopum, & *Felicem Urgelitanum* pariter Episcopum, & in hoc approbatum, sed reprobatum in hoc quòd septimam œcumenicam Synodum pro sacris Imaginibus habitam damnaverit.

9. *Constantinopolitanum* Conciliabulum alterum, anno Domini 814. sub *Leone III.* Romano Pontifice, à *Theodoro* pseudo-Patriarcha & Iconomacho, contra sacras Imagines, & septimam œcumenicam Synodum convocatum; & in quo re ipsa Iconoclastæ hæretici Nicænum II. Concilium verè œcumenicum septimum & orthodoxum pro sacris Imaginibus habitum condemnarunt, & pseudo-septimum Constantinopoli contra sacras Imagines habitum, & impium confirmarunt.

10. *Parisiense* pseudo-Concilium, sive potius collatio, vel conventus Episcoporum Parisiis in causa sacrarum Imaginum habitus, & à *Ludovico Pio*, obtentâ *Eugenii II.* Romani Pontificis venia, convocatus anno 824. occasione legationis honorificæ sibi à *Michaele* Orientis Imperatore, & *Theophilo* Michaelis filio missæ, qua, ut cum Romano Pontifice, & Occidentis Imperatore reconciliari possent, ejus amicitiam, & erga Romanum Pontificem officia rogabant; & ne suam ob hæresim indigni forent, fidei professionem literis insertam misere, qua se non Imaginum cultum prohibere omnem asseriebant, sed solam adorationem, venerationemque superstitionis, qualis erat in usu apud multos in Oriente populos. Quare ut conferrent Gallicani Præsules, hanc collationem sive conventum Parisios convocavit *Ludovicus Pius*; quo in conventu, licèt errore facti decepti Gallicani Patres, sicut in *Francfordiensi* Con-

Concilio Germani, secundam Nicænam Synodum impugnauerint, ab illa tamen non recessere circa Fidem, sed circa disciplinam: non enim impugnarunt sacrarum Imaginum cultum, sed colendi modum; non damnarunt venerationem sacris Imaginibus debitam, sed indebitam, sed superstitionem, sed adorationem propriè dictam illis deberi negabant, quam errore facti decepti putabant, ipsis à Nicæna II. Synodo fuisse decretam.

II. *Constantinopolitanum*, tempore *Gregorii IV.* Romani Pontificis, anno Christi 842. post *Theophili* Imperatoris obitum, imperantibus *Theodora* conjuge religiosissima, & *Michael* filio vix quatuor annos nato, convocatum; in quo damnata est Iconoclastarum hæresis, cultus sacrarum Imaginum Constantinopoli restitutus, cæctoque *Joanne* Patriarcha hæretico, *Methodius* inuictus orthodoxæ Fidei defensor est subrogatus: sicque tandem dissipata est Iconoclastarum hæresis, quæ per annos viginti supra centenos Catholicam agitavit Ecclesiam; licet in Constantinopolitano Concilio quarto, anno 869. sub *Adriano II.* Rom. Pont. & imperante *Basilio*, pro *Ignatii* restitutione & *Photii* depositione convocato, actione 8. iterum actum sit de Iconomachis, quorum caput erat *Theodorus* quidam, cognomento *Criethinus*, qui cum ad Concilium venire iussus assensisset, se Imagines sacras ideò non venerari, quòd non inveniretur ea de re Christi Domini præceptum aliquod; huic responsum est, cum infallibile sit Ecclesiæ iudicium circa Fidei præsertim quæstiones, illud censetur à Christo præceptum, quod est ab universa definitum Ecclesia. Introducti sunt postea Iconomachi duo alii, videlicet *Nicetas* Clericus, & *Theophilus* laicus, qui suam hæresim ejurantes, & poenitentes, fuere nedum in Ecclesiæ sinum admissi, sed etiam ab Imperatore osculo recepti, & tandem anathematismi eadem in actione fuere in Iconomachos repetiti, & in Tridentino denique Concilio, sess. 25. omnibus Episcopis, & cæteris docendi munus curamque sustententibus mandatum est, ut juxta Catholicæ & Apostolicæ Ecclesiæ usum, à primævis Christianæ Religionis temporibus receptum . . . . de legitimo Imaginum usu fideles diligenter instruant . . . . Imagines porro Christi, *Deiparæ Virginis*, & aliorum Sanctorum, in Templis præsertim habendas & resinendas, eisque debitum honorem & venerationem impertiendam esse doceant.

## ARTICULUS XIII.

*De Conciliis in causa Berengarii Sacramentarium ducis habitis.*

UT Berengarium à nefanda revocarent hæresi, realem Corporis & Sanguinis Christi in Eucharistiæ Sacramento præsentiam impugnante, nedum præstantes & eruditi, ejusque coætanei undecimo sæculo scripsere viri; quales fuere *Adelmannus* Brixienfis Episcopus, *Hugo* Lingonienfis Antistes, *Guitmundus* ex Ordine Benedictino S. R. E. Cardinalis, & celebris *Lanfrancus* Cantuariensis Archiepiscopus, & Angliæ Primas; & post illos omnium optime duodecimo sæculo, *Algerus* Cluniacensis Monachus; sed insuper & varia habita fuere Concilia, qualia sunt,

Concilia  
in quibus  
damnata  
perversa  
Berengarii  
dogmata.

1. *Romanum* unum sub *Leone* Papa, hujus nominis nono, anno Domini 1050. convocatum, occasione *Berengarii* ad *Lantfrancum* Epistolæ de Corpore & Sanguine Christi; qua hoc in Concilio lecta, & intellecto, quod de Eucharistia fidei adversa sentiret, hæresimque de Corpore & Sanguine Christi doceret, damnatum illicò est tam perversum *Berengarii* dogma, ipseque sanctæ Ecclesiæ communione privatus. *Lantfrancus* verò ab ea quam incurrerat, ob sibi directam præfatam *Berengarii* Epistolam, fuit penitus omni hæresis suspicione detestus, ut constat ex ipso *Lantfranco* in lib. de Corpore & Sanguine Christi, cap. 4.

2. *Vercellense* aliud eodem anno contra eundem *Berengarium*, pro *Lantfranco* sub eodem *Leone IX.* Rom. Pont. *Vercellis* habitum; cui interfuit ipse *Lantfrancus*, sicut & in præcedenti Romano. Vocatus verò venire renuens *Berengarius*, duos sui fautores erroris quasi legatos misit Clericos, qui cum ejus partes tueri tentassent, primoque aditu defecissent, *Berengarii* iterum damnata hæresis, & *Joannis Scotti* de Corpore Domini liber, quo plurimum nitebatur, lectus pariter atque scriptus.

3. *Parisiense* unum, quod *Henrici I.* Christianissimi Regis jussu, eodem anno contra eundem Hæresiarcham fertur habitum. Cum enim videret Christianissimus Rex, Concilii *Vercellensis* judicio non parere *Berengarium*, istud ea de causa Concilium haberi voluit, cui interfuit & ipse. Interfuisse dicuntur & Præsules numero multi, secundi ordinis Sacerdotes non pauci, & nobiles Laici varii, ipseque contumax *Berengarius*, cujus lectæ fuere ad *Paulum* quemdam familiarem suum Epistolæ, quæ cum essent repetitæ nequissima sordentes hæresi, tertio cum sua hæresi damnatus & ipse.

4. *Florentinum* unum anno Domini 1055. *Victore II.* Rom. Pontifice, *Leonis IX.* successore, convocatum quidem contra Ecclesiasticarum rerum alienatores; sed in eo, post constitutum de non alienandis Ecclesiæ bonis decretum, damnatus quartò fuit & ipse cum sua hæresi *Berengarius*, teste *Lantfranco*, asserente *Victorem II.* in omnibus Conciliis quæ celebravit, vel celebranda curavit, cuncta à Prædecessore suo, præsertim contra *Berengarianam* hæresim, confirmasse decreta.

5. *Turonense*, hoc est, *Turonis* in Gallia unum, tempore ejusdem *Victoris II.* Romani Pontificis habitum, anno 1055. ab *Hildebrando* Archidiacono, & Sedis Apostolicæ Legato. Quo in Concilio, cum *Berengario* tuendi suam causam esset optio data, nec ausus fuisset, abjurata hæresi confessus est coram omnibus communem Ecclesiæ fidem, seque illam deinceps professurum juramento promisit, quamvis promissa non tenuerit, sed suum, ut canis, ad vomitum redierit.

6. *Romanum* alterum 113. Episcoporum, anno Domini 1059. à *Nicolaò II.* convocatum; in quo, post edita circa Romani Pontificis obitum, & successoris ejus electionem, statuta varia, suam iterum *Berengarius* abjuravit hæresim, librumque *Joannis Scotti*, ex quo hauserat illam, in ignem conjecit, & Catholicam de Corpore & Sanguine Christi professus est fidem, quam postea iterum relapsus dimisit.

7. *Rothomagensis* unum anno Domini 1063. sub *Gregorio VII.* Rom. Pont. à *Maurilio* Rothomagensis Ecclesiæ Archipræsule cum suffraganeis Episcopis habitum, *Villelmo* Normannorum Duce præsentem; in quo rursus *Berengarii* damnata hæresis, ejusque sectarii anathematis fulmine percussi,



cussi, & fides Catholica de Eucharistiæ Sacramento firmata, ut Rothomagenſis Eccleſiæ teſtantur acta.

8. *Piſſavieneſe* fertur habitum & unum ſub eodem *Gregorio VII.* anno 1075. Præſide *Gerardo Engoliſmenſi* Episcopo, Sedis Apoſtolice Legato; in quo *Berengarius* damnatus iterum, & fides Catholica de Corpore & Sanguine Chriſti firmata.

9. *Romanum* iterum unum, videlicet anno Domini 1078. quod convocavit *Gregorius VII.* ut *Berengarii* cauſam, quam olim in Gallii Apoſtolice legationis officio ſungens, in *Turonenſi* Concilio jam noverat, ultimo tandem anathematis icſtu jugularet, & penitus exſtingueret: ſed iſto in Concilio, cum ad reſiſcendum inducias ad proximè futurum uſque Concilium impetraviſſet, ſubdolan iterum & ſimulatam fidei profeſſionem emiſit.

10. *Romanum* denique alterum, quod anno ſequenti convocavit idem Summus Pontifex, ut hanc *Berengarii* ſubdolan fidei profeſſionem accuratius examinaret; & hoc tandem in Concilio, cum à *Brunone*, poſtea *Sig- nia* Episcopo, & aliis fortiter ac eruditè de Corpore & Sanguine Chriſti diſſerentibus convicſus fuiſſet, ſe erraſſe confeſſus eſt, veniam petit & obtinuit, Catholicam ac ſinceram fidei profeſſionem emiſit, Romaque poſtea diſcedens, Turones venit; ubi cum ſæculi pompis renuntiaviſſet, & per aliquot annos Deo militaviſſet, Catholicus & pœnitens obiiſſe fertur celebris ille *Berengarius*, anno Chriſti 1088.

Sunt & particularia alia ſerè innumera, variis in locis & variis de cauſis habita Eccleſiæ Concilia, quæ hic brevitati ſtudens non recenſeo; ſed qui recenſeant, breviter ſubjicio præcipuos & illuſtiores Conciliorum Eccleſiæ compilatores, è quorum ſontibus hauſta ſelegi, quæ de Conciliis hætenus dixi.

## ARTICULUS XIV.

### *De illuſtrioribus Conciliorum Eccleſiæ Compilatoribus.*

P Ræter eruditos non paucos, qui dogmaticè potiùs quàm historicè de ſacris ſcripſere Conciliis, quos inter eminent *Dominicus Jacobatus*, *Joannes de Turre Cremata*, *Thomas de Vio*, vulgò *Cajetanus*, & *Robertus Bellarminus*, ſanctæ Romanæ Eccleſiæ Cardinales Eminentiffimi; præter alios numero multos, qui ex iſdem Eccleſiæ Conciliis ſacros collegere Canones, quales in primis fuere *Dionyſius Exiguus*, *Ferrandus Diaconus*, *Crefconius*, *Martinus Bracarenſis* Episcopus, *Iſidorus Mercator*, *Burchardus Vormaciensis* Episcopus, *Tyo Carnotensis* Antistes, & *Gratianus* patria *Cluſinus*, ex Ordine Benedicſtino Monachus; claruere & eruditi plures alii, qui ſacra hinc inde diſperſa, in unum rede gere Eccleſiæ Catholice Concilia; quos inter florere præcipui

Clarioreſ  
Concilio-  
rum com-  
pilatores  
fuere

1. *Jacobus Merlinus* natione Gallus, patria Lemovicenſis, è vico S. Vi-  
ſturiani, Doctòr Pariſienſis, & inſignis Pariſienſis Eccleſiæ Pœnitentia-  
rius; qui ſapienter arbitratus nihil fortius & efficacius eſſe ad retunden-  
dos Hæreticorum errores, quàm arma illa, quibus Patres Orthodoxi eo-  
rumdem contrivere conatus, ſacrorum videlicet Conciliorum, & Sum-  
morum Pontificum inſtituta; Concilia idcirco colligenda decrevit,

Merlinus.

*Appar. Annati T. II.*

P

colle-

collectionemque suam primò Parisiis in duo volumina magna in lucem dedit, anno 1524. deinde Coloniz, anno 1530. in duo pariter volumina, ac tandem Parisiis in tria volumina in folio rursus edidit anno 1535.

Crabbeus. 2. *Petrus Crabbeus*, vulgò *Crabbe*, patria Meclinenfis, & professione Minorum Ordinis S. Francisci, vir pietate & eruditione clarus; qui post Merlinum, novam multòque ampliore Conciliorum collectionem exornavit, quæ Coloniz primò in lucem prodiiit digesta in duo volumina magna, anno 1538. & iterum ibidem multò audior in tria magnæ molis volumina nova, & *Carolo V.* Imperatori dicata visa est anno 1551. obiitque tandem vir ille pius & eruditus tribus annis octogenario major, anno 1554.

Carranza. 3. *Bartholomæus Carranza*, Navarrus natione, patria Mirandensis, Ordinis FF. PP. S. Dominici, unus è Concilii Tridentini Theologis, Marizque Philippi II. Hispaniarum Regis uxori Sacerdos à Confessionibus, & Toletanus tandem Archiepiscopus: qui præter utilem de *Episcoporum*, *aliorumque Pastorum residentia* tractatum, brevem edidit *Conciliorum Ecclesiæ Summam*; obiitque Romæ, quò accesserat, ut se à variis hostium calumniis purgaret, anno circiter 1576. die 2. Maji, ætatis suæ 72. quiescitque in sui Ordinis Ecclesia, *Minerva* dicta.

Surius. 4. *Laurentius Surius*, patria Lubecanus, hoc est, *Lubeca* ad Visurgim in Germania natus, & professione Colonienfis Carthusiæ Carthusianus, vir pietate & eruditione clarus, qui, præter collatas vitæ Sanctorum historias, & septem in tomos luci publicæ datas, Conciliorum Ecclesiæ compilationem, *Crabbeana* multò locupletiore & à mendis puriore, in quinque distributam volumina magna Coloniz dedit anno 1567. & ibidem tandem sua in Colonienfi Carthusia feliciter obiit anno 1578.

Joverius. 5. *Franciscus Joverius* *Valentinus* unam pariter Conciliorum omnium compilationem suis temporibus edidit, anno circiter 1555. cum hoc præfixo titulo, *Sanctiones Ecclesiastica tam Synodica, quàm Pontificia, tres in classes distinctæ*; quarum 1. universales Synodos, 2. particulares, 3. Pontificia decreta complectitur; quæ omnia sinitæ hæctenus commixta, nunc verò perspicua & obvia.

Garfias. 6. *Garfias Loaysa* Hispanus, Complutenfis Academiz Doctor, & Archidiaconus Toletanæ Ecclesiæ, Philippique Hispanorum Regis Catholici Præceptor, tandemque suæ Toletanæ Archipræsul Ecclesiæ; qui omnia Hispanienfis Ecclesiæ Concilia in unum collecta corpus, variisque illustrata notis edidit anno 1590. ætatis verò suæ obiit anno 65.

Binius. 7. *Severinus Binius* Sacræ Theologiæ Doctor, & Colonienfis Ecclesiæ Canonicus; qui post duas sui temporis novissimas Conciliorum compilationes, *Crabbeanam* videlicet & *Surianam*, suam ipse novam aliam quatuor tomis inclusam, sublatis ex ea mendis quibus scatebat plurimis, rursus in lucem dedit, quæ bis Coloniz prodiiit, anno videlicet 1606. & 1618. & tandem Parisiis, locupletissimis ac eximiis gravida notis, & in novem distributa tomos, quorum septimus est in duo volumina divisus.

Corolianus. 8. *Franciscus Longus à Coroliano*, ex Ordine FF. Minorum sancti Francisci Capuccinorum, qui juxta Eminentissimi Cardinalis Baronii Annalium Chronologiam, aliorumque illustrium virosum historiæ Ecclesiasticæ monumenta, edidit Antverpiæ *Summam Conciliorum omnium eruditam*, Conciliorum videlicet, quæ à S. Petro ad Gregorium usque XV. in Eccle-

Ecclesia fuere celebrata, eamque Gregorio XV. tunc temporis Romano Pontifici dicavit anno 1623.

9. *Jacobus Sirmundus*, natione Gallus, Ricomagi in Arvernica natas, professione Jesuita, sui sæculi scriptor celeberrimus, de eruditissimis benè meritis, & ab Eminentiſſimo Annaliſta Baronio non ſemel laudatus; qui fuit Chriſtianiſſimo Regi Ludovico XIII. à Confeſſionibus, & plura ſuæ profundæ eruditionis in lucem dedit opera, quorum aliqua ipſi propria, alia verò aliorum Auctorum, ſed variis & doctis ab ipſo illuſtrata notis; inter quæ ſunt

1. *Cenſura de ſuburbicariis Regionibus.*
2. *Anaſtaſii Bibliothecarii collectanea.*
3. *De duobus Dionyſiis diſſertatio.*
4. *Sermones S. Auguſtini.*
5. *Theodoreti Opera Græco-Latina, tomis quatuor.*
6. *Hincmari Rhemenſis Archiepiſcopi Opera.*
7. *Hiſtoria prædeſtinatiana.*
8. *Hiſtoria publica pœnitentia, de azymo.*
9. *Caroli Calvi capitula.*
10. *Conciliorum Eccleſiæ Gallicanæ collectio, tomis tribus.*

Obiit tandem meritis clarus anno 1651. ætatis verò ſuæ 93.

10. *Philippus Labbeus & Gabriel Coſſartius*, Societatis Jeſu ſcriptores celebres & eruditi, qui Conciliorum compilationem omnium maximam atque locupletiffimam, in lucem Pariſiis dedere anno 1672. cum hoc præfixo titulo: *Sacroſanctæ Concilia ad Regiam editionem exacta, quæ nunc quarta parte prodiit auctior, ſtudio Philippi Labbei & Gabrielis Coſſartii Societatis Jeſu Preſbyterorum.* Unde & Labbeana vulgò dicitur hæc editio, utpote quia à Philippo Labbeo primùm ſuſcepta, multumque promota, licet non completè peracta, ſed ab erudito Labbei continuatore Gabriele Coſſartio, manu ultima data; nihilque eſt aliud hæc Labbeana Conciliorum editio, quàm Regiæ Conciliorum editionis exemplum, atque, ut illa, merum opus Binii; ſed ita auctum ac locupletatum, tum Gallicanis Sirmundi Conciliis per debita loca diligenter inſertis, tum variis aliis, ſive Gallicanæ, ſive aliarum Eccleſiarum monumentis, Pontificum Epistoſis, variorum Auctorum obſervationibus & notis, perpetuæque ubique excurrente Chronologia, cum ſerie Pontificum, Imperatorum, & Regum, qui ſederunt vel regnarunt per ea tempora & loca, in quibus quæque habita fuere Concilia; tum denique indicibus quatuor volumen conſtituentibus ultimum, quorum 1. Concilia, quæ in tomis continentur, indicat omnia. 2. Pontifices. 3. Decreta. 4. denique hiſtorica plura, obſervationeſque varias; ut non idem, ſed novum omninò, longèque diverſum videatur opus, & ſeptem ſupra triginta compleat volumina.

Natus anno 1617. vitam clauſit ſanctiſſimam Pariſiis, in Collegio Ludovici Magni, 17. Kalendas Aprilis, anno 1667. *Philippus Labbeus*, patria Bituricenſis, hoc imperfectum relinquens opus: cui tandem manum admovit ultimam, finemque dedit, in ejus labores ſuccedere juſſus vir æquè diligens, pius ac eruditus *Coſſartius*.

11. *Joannes Cabasutius* Aquileſtinenſis, Congregationis Oratorii Domini Jeſu

Jesu Presbyter eruditus; qui nostris diebus eruditam *Conciliarum notitiam* edidit, & Eminentissimo Domino Hieronymo Grimaldo S. R. E. Cardinali, & Aquarum-Sextiarum Archiepiscopo dicavit; ejus Eminentię suasionibus & auspiciis, brevem insuper de usuris tractatum, ac tandem exactam juris Canonici theoriā & praxim, ad utrumque forum, tam sacramentale, quā contentiosum, tum Ecclesiasticum, tum sæculare, nedum ad juris communis & Romani, sed etiam ad juris Francici normam, luci publicæ dedit Lugduni anno 1668.





# METHODICUS

A D

## POSITIVAM THEOLOGIAM APPARATUS.



### LIBER SEXTUS.

*De Pontificiis Ecclesiae definitionibus.*



UM viri Theologi sit, fideles erudire & exhortari in doctrina sana, & Ecclesiae sit, sanam à non sana discernere doctrinam, dubia circa Scripturam, Traditionem, vel Religionem emergentia singula resolvendo, quid sit de Fide Catholica credendum, vel non credendum definiendo, quid in praxi circa morum disciplinam sequendum vel fugiendum assignando: ideo hic definitionum sive constitutionum Ecclesiae, sive à Concilio, sive à Romano Pontifice manantium, aliorumque nonnullorum ad ipsas, Romanumque Pontificem spectantium, levis quidem & tenuis, sed utilis & Theologiae Candidato necessaria praeibatur idea.

## ARTICULUS PRIMUS.

De multiplici specie definitionis, sive constitutionis Ecclesie.

**O**Mnis ab Ecclesia proveniens definitio, sive decisio vel constitutio, qualiscumque sit, sive circa Fidem, sive circa morum disciplinam, sive à Conciliis, sive à Romano Pontifice ex Cathedra loquente procedat, nihil est aliud quàm constitutio, & constitutio nihil aliud quàm lex scripta, sive jus scriptum, jus inquam non quocumque modo sumptum, sed jus specialiter pro lege consideratum.

Solet enim jus in communi quadrupliciter vulgò sumi, videlicet 1. pro scientia seu arte, seu pro jurisprudentia; ut cum dicitur, *jus est ars boni & aequi*. 2. pro re iusta seu debita, ut cum dicitur, *iustitia est constans ac perpetua voluntas ius suum cuique tribuendi*. 3. pro potestate, ut cum dicitur, *jus patronatus, jus suffragii*. 4. denique pro lege seu pro constitutione, ut dum dicitur, aliquid jure naturali, divino vel humano vetitum vel imperatum; & de jure sic pro lege usurpato intelligitur, dum dicitur quòd qualibet ab Ecclesia manans definitio sive constitutio, sit lex scripta sive jus scriptum: dico jus scriptum; nam jus etiam pro lege sumptum esse potest scriptum vel non scriptum, & utriusque varietas species: quæ, quia ad multorum in decursu Theologiæ dicendorum intelligentiam Candidatis scitu necessariæ, ut hic breviter & distinctè prænotentur singulæ,

## CONCLUSIO.

Varie  
juris species,  
diversæque  
multiplices.

Dico, *jus in communi sumptum pro lege multipliciter dividi, videlicet*, 1. in naturale, divinum & humanum. 2. Naturale, in naturale primum sive genericum, & in naturale secundarium sive specificum. 3. Divinum, in divinum naturale & in divinum positivum; sicut & positivum, in vetus & novum. 4. Humanum, in Civile & Canonicum, & utrumque in commune & particulare, in scriptum & non scriptum, in vetus & novum.

Ratio hujus divisionis subdivisionisque multiplicis est, quia homo, qui jure regitur, potest spectari, vel quatenus regitur à natura, vel à Deo, vel ab homine alio. Si primo modo spectetur, regitur jure naturali, quod est à natura. Si secundo, regitur jure divino, quod est à Deo. Si tertio, jure regitur humano, quod est ab homine; ac proinde rectè & adæquatè dividitur *jus*, in naturale, divinum & humanum.

Et quia homo dum regitur à natura, potest iterum spectari, vel ut regitur à natura generica, vel ut regitur à natura specifica; primo modo spectatus, regitur jure naturali primario seu generico, omnibus animalibus communi. Secundo modo consideratus, regitur jure naturali secundario seu specifico, soli homini proprio, vulgòque *jure gentium* nuncupato.

Si verò consideretur, ut regitur à Deo; vel regitur à Deo ut auctore naturæ, vel à Deo ut auctore gratiæ; sive ut explicant alii, vel regitur à Deo præscribente aliquid ab ipsa natura præscriptum, vel à Deo præscribente aliquid nullatenus à natura præscriptum, hoc est, neque præceptum,

ceptum, neque prohibitum à natura. Primo modo spectatus, regitur *jure naturali divino*. Secundo modo consideratus, regitur *jure divino positivo*, quod, *jus vetus*, si in veteri, & *novum*, si in novo reperiaturs Testamento, dicitur.

Si denique consideretur homo, ut regitur ab alio homine sibi in dignitate superiori, vel regitur ab eo ut superiori laico, vel ut Ecclesiastico; si primum, regitur *jure civili*, si secundum, *jure Canonico*, seu Pontificio sive Ecclesiastico.

Rursus consideratus ut regitur à superiori laico, vel regitur à superiori laico universali, v. g. totius Imperii, ut imperanti omnibus, vel à superiori aliquo particulari, v. g. alicujus dumtaxat Provinciæ, Reipublicæ, Civitatis, vel Communitatis; si primum, regitur *jure civili communi*; si secundum, *jure civili particulari*; & pariter si à superiori Ecclesiastico regatur; vel à superiori Ecclesiastico universali, v. g. totius Ecclesiæ, vel à superiori aliquo particulari, v. g. alicujus particularis Ecclesiæ, Societatis, Congregationis, vel Communitatis. Si primum, regitur *jure communi Canonico*; si secundum, *jure particulari Canonico*.

Et utrumque iterum, sive *Civile*, sive *Canonicum* *jus*, vel est scriptum, vel non scriptum: si primum, dicitur *constitutio*, sive *lex scripta*: si secundum, dicitur *consuetudo*, definiturque *jus moribus institutum*; ergo rectè & adæquatè dividitur *jus* in naturale, divinum & humanum, & *naturale* in primum & secundarium; *divinum* in divinum naturale, & divinum positivum; *positivum* in vetus & novum; & *humanum* in Civile & Canonicum; & utrumque in commune & particulare, in scriptum & non scriptum, imò & in vetus & novum.

### Jus naturale primum, seu genericum,

Est illud, quo à natura animalia reguntur omnia, seu quod natura sola animalia docuit omnia, quale est illud v. g. quo ab animalibus omnibus noscuntur ista:

*Fuga mali, & prosecutio boni sibi congrui;*  
*Vita propria conservatio, ejusque contra nociva defensio;*  
*Maris & famina ad liberos gignendos conjunctio mutua,*  
*Natorum nutritio, eorundem educatio, & alia similia.*

Et singularum specierum exempla varia.

### Jus naturale secundarium, seu specificum,

Quodque *jus gentium* vulgò dici solet, estque solum inter homines commune, est illud quod sola ratio, seu rationis dictamen inter homines statuit, quodque ignorat nemo, quale est, v. g. illud quo scit omnis homo,

*Quòd Deus sit colendus.*  
*Quòd Parentes sint honorandi.*  
*Quòd patria sit parendum.*  
*Quòd fides, etiam hosti data, non sit frangenda.*  
*Quòd Legatorum corpora sint etiam inter hostes tuta.*  
*Quòd pacta, contractus, conventionesque servantur.*

## 232 De Pontificiis Ecclesiæ definitionibus.

*Quod sibi creditum ab alio secretum non sit violandum.  
Quod alteri faciat nemo, quod sibi fieri non vult, &c.*

### Jus Divinum naturale

Est illud, quod est à Deo promulgatum, de his quæ jam jure naturæ præcepta vel prohibita erant, seu quod est à natura & à Deo, qualia sunt, v.g.

#### Decem Decalogi Præcepta.

*Præceptum de uno colendo Deo.  
Præceptum de parentibus honorandis.  
Præceptum de non furando.  
Præceptum de non occidendo.  
Præceptum de non machando, &c.*

Cùm Decalogus nihil sit aliud, quàm juris naturalis recapitulatio; jus enim naturale est ipsum rationis dictamen, quod quia vitiatum est ab homine, dum se variis immiscuit erroribus, à Deo reparatum est per hæc decem mandata, quibus ea iterum præcipit aut prohibet Deus, quæ dudum per naturale jus præcepta vel prohibita erant; unde immutabilia & indispensabilia præcepta ista, etiam à Deo, ut ita loquar, cùm sint à natura, hoc est, ab ipsa dictante ratione.

### Jus Divinum positivum

Est illud quod est, non à natura, sed à sola Dei libera voluntate positum, & in Scriptura sacra, vel in sacris Traditionibus expressum. Qualia sunt, v.g.

Joan. c. 3.  
v. 3. *Nisi  
quis ren-  
tuerit, &c.*

*A Christo instituta nova legis Sacramenta,  
Ut Præceptum de Baptismo suscipiendo,  
Præceptum de Eucharistia sumenda,  
Et similia alia, non à natura, sed à Christo Domino instituta.*

Joan. c. 6.  
v. 53. *Nisi  
manduca-  
veritis.*

Et jus istud Divinum positivum etsi sit immutabile, & ab homine penitus indispensabile, potest tamen à Deo, quando expedit, mutari; lex siquidem Mosaica divina erat, & tamen à Christo Domino mutata est & abrogata.

### Jus humanum Civile

Dicitur illud, quod est à potestate seculari sive laica positum, ut ab Imperatore, à Principe, à Republica, à Magistratu, quales sunt *Civiles omnes, sive communes, sive particulares leges.*

### Jus humanum Canonicum

Est illud quod est ab auctoritate Ecclesiæ institutum, ut à Concilio, à Summo Pontifice, ab Episcopo, vel ab alio Ecclesiæ Prælato.

*Qualia*



Qualia sunt, v.g. Ecclesiæ mandata, Conciliorum Canones, Summorum Pontificum constitutiones, Episcoporum vel Religionum aut Congregationum statuta : uno verbo, quale est omnis Ecclesiastica constitutio, quomocunque sit vocata ; solet enim constitutio Ecclesiastica variis nominibus donari : nam interdum dicitur *Canon*, modò *decretum*, vel *decretalis*, *dogma*, *mandatum*, *interdictum*, vel *sanctio*, *rescriptum*, *Bulla*, vel *Breve*.

*Canon* sive Regula dicitur ea, quæ est in Concilio statuta.

*Decretum* vocatur, si à Summo Pontifice de consilio Cardinalium statuatur, ad nullius consultationem.

*Decretalis* nuncupatur, si sit Epistola seu constitutio per modum Epistolæ, quam Papa vel solus, vel de consilio Cardinalium statuit ad consultationem alicujus.

*Dogma* vocari solet constitutio illa, quæ consistit in doctrina fidei.

*Mandatum* verò dicitur, si in pura morum doctrina versetur.

*Interdictum* solet dici, si transgressoribus pœnam adjiciat nullam.

*Sanctio* econtrà vocatur, si pœnam injungat aliquam, quia sic sanctum efficit quod statuit ; & si de certis quibusdam negotiis sit, *pragmatica* dicitur, à voce Græcæ *πρᾶγμα* significante negotium ; qualis fuit Carolina constitutio in Bituricensi Concilio edita, tempore Caroli Galliarum Regis, hujus nominis septimi.

*Rescriptum* etiam vocari solet quodcumque diploma à Summo Pontifice manans, ad preces vel ad consultationem privatorum ; nihilque est aliud quam privata constitutio, quæ interdum *Bulla*, interdum *Breve* dici solet.

*Bulla* vocatur, si sit amplo stylo, & in membranis scripta, plumbeoque sigillo munita seu bullata.

*Breve* dicitur, si sit breviori stylo, brevioribusque characteribus in papyro, non in membranis scripta, ceraque rubea, non plumbo sigillata.

### Jus autem illud Canonicum

Quale habetur hodie, quodque corpus juris Canonici conficit, in tria volumina vulgò distributum, quinque istis comprehenditur Libris, qui vulgò dicuntur *Decretum*, *Decretales*, *Sextus*, *Clementina*, *Extravagantes*.

Libri juris Canonici sunt,

### Decretum

*Gratiani* communiter nuncupatum à suo Auctore *Gratiano*, natione Etrusco, patria Clusino, & professione Ordinis S. Benedicti Monacho, nihil est aliud quam collectio juris Canonici in Ecclesia usu recepti ad undecimum circiter usque sæculum, complectens anteriores *Dionysii Exigui*, *Isidori Mercatoris*, & *Tronis Carnotensis* collectiones, novis Summorum Pontificum Constitutionibus, Conciliorum Canonibus, & variis SS. Patrum dictis sive sententiis adauctas, quæ prodire cepit annò 1151, sub *Eugenio* Rom. Pont. hujus nominis tertio, & sub hac inscriptione, *Concordantia discordantium Canonum*, unde perperam & ineptè *Decretum* dici consuevit, cum non decretum, nec unius decreti, sed multorum decretorum collectio sit, quæ tres in partes dividitur, quarum 1. inscribitur *Distinctiones*. 2. *Causa*. 3. *de Consecratione*. 1. centum & unam complectitur Distinctiones. 2. Causas 36. singulas in questiones, questionemque causarum triginta tertiarum tracta-

Decretum Gratiani.

tractatum de penitentia completentem, in septem distinctiones per capita subdivisam. 3. pars tractatum de *Consecratione* in distinctiones quinque divisum completitur, & hæ tres collectionis Gratiani partes, memoriz juvandæ gratia, sequentibus versibus notari solent:

*Decretum centum distinctiones dat & unam;  
Triginta Causas & sex addit tibi mixtas;  
Distinguit septem penitentia, consecra quinque;  
Auctorem quarum tibi declaro Gratianum.*

In multis peccat hæc Gratiani collectio, in hoc præsertim, quod uni interdum tribuat auctori, quod convenit alteri, v.g. Joanni Chrysostomo, quod Ambrosio, Concilio Carthaginensi, quod Chalcedonensi, &c. In hoc etiam, quod ut certas referat omnes veterum trium priorum sæculorum Pontificum ante Siricium epistolas, ab *Isidoro Mercatore* collectas; sed ab iis, si non omnibus, saltem plurimis est purgata mendis hæc Gratiani collectio præfata, jussu & cura Summorum Pontificum Pii IV. Pii V. & Gregorii XIII. & tandem multò diligentius & accuratius ab *Augustino Tarraconensi* Episcopo, libro hunc in finem edito, inscriptoque de *emendatione Gratiani*.

#### Decretales

Decreta-  
les Grego-  
rii IX.

Gregorii vulgò dictæ, nihil sunt aliud quàm nova decretalium Epistolarum Alexandri III. Innocentii III. Honorii III. & Gregorii IX. Summorum Pontificum collectio, jussu Gregorii IX. à *S. Raymundo de Pennafort*, Ordinis Prædicatorum viro sanctissimo, & ejusdem Gregorii IX. Capellano, in lucem edita anno circiter 1230. divisæque in libros alios, qui ita sunt in titulos distributi, tituli in capitula, & capitula in paragraphos, ut primus liber agat de munere & officio personarum Ecclesiasticarum. Secundus de judiciis, & de pertinentibus ad ea. Tertius de rebus ad Clericos, & Ecclesias spectantibus. Quartus de spectantibus ad laicos, & præsertim de matrimonio, ratione cujus plures jurisdictioni subijciuntur Ecclesiasticæ. Quintus de delictis & de pœnis eorum: quod omne vulgares & triti isti designant versus:

*Pars prior officia creat, Ecclesiaque Ministros;  
Altera dat testes, & cætera judiciorum;  
Tertia de rebus & visa Presbyterorum;  
Quarta docet quales sint ritus conjugiorum;  
Quintaque de visis, & pœnis tractat eorum.*

#### Vel brevius isti:

*Judex, judicium, clerus, sponsalia, crimen,  
Hæc tibi designant, quid quæque volumina signant.*

#### Sextus

Sextus  
Bonifacii.

*Decretalium* liber Bonifacii VIII. vulgò dictus, est Decretalium Bonifacii VIII. ejusque prædecessorum Summorum Pontificum ad Gregorium usque nonum, ab ipso Bonifacio VIII. promulgata collectio anno circiter

1298.

1298. additaque ad quinque præfatos Decretalium Gregorii libros; unde *Sextus*, id est, Liber Decretalium sextus vulgò nuncupatus, à Decretalibus licèt separatus, & quinque in alios parciales libros sicut Decretales subdivisus, librique parciales ejus in titulos, & tituli in capitula, eo modo & de eadem materia, ac ipsi Decretalium Gregorii libri, ita ut, si quid non sit decifum in *Decretalibus*, decifum reperiatur in *Sexto*; in quo idem fervatur librorum & rerum ordo, qui in Decretalibus, designaturque verbis iisdem, quibus Decretalium ordo, videlicet istis:

*Pars prior officia creat, &c. vel istis, Index, judicium, clerus, &c.*

### Clementinæ

Nihil sunt aliud quàm simul collectæ Constitutiones aliæ à Clemente V. in Viennensi Concilio editæ, & à Joanne XXII. Clementis V. successore promulgatæ circa annum 1316. versanturque circa eandem materias, suntque in quinque libros, & eodem modo, quo *Gregoriana* & *Bonifaciana*, digestæ.

Clemen-  
tinæ Cle-  
mentis V.

### Extravagantes,

Quarum aliæ numero 20. Joannis XXII. aliæ communes vulgò dictæ, nihil sunt aliud quàm constitutiones illæ à Joanne XXII. editæ, & ejus nomine promulgatæ, istæ à diversis aliis Romanis Pontificibus ortæ; quæque omnes licèt hodie corpori juris Canonici insertæ, dicuntur tamen adhuc Extravagantes, eò quòd extra juris Canonici corpus vagarentur olim; & ista Extravagantium collectio in libros & titulos est divisa, sicut præcedentium Gregorii, Bonifacii, Clementisque Decretalium compilatio; cum hoc tamen discrimine, quòd quatuor dumtaxat libros habeat, quia in Extravagantibus non agitur de matrimonio, quod est quarti Decretalium libri materia.

Extra-  
vagantes  
Joannis  
XXII.

### Jus novum.

Præter hoc juris Canonici corpus, ex quinque libris illis præfatis, videlicet ex *Decreto*, *Decretalibus*, *Sexto*, *Clementinis*, & *Extravagantibus* conflatum, accessit jus novum aliud, à tempore Clementis V. ad nostra usque tempora inductum per Concilia generalia, vel per novas Summorum Pontificum constitutiones in Bullario collectas, vel in *Regulis Cancellariæ* vulgò dictis, quæque sunt numero 71. quarum tres præcipuæ sunt in Gallia usû receptæ, quia in ipsa æquitate naturali fundatæ, videlicet una de *infirmis resignantibus*; altera de *publicandis resignationibus*; & tertia de *verisimili notitia*.

### Jus speciale

Dicitur illud, quod præter commune Canonum jus, est cuilibet nationi, provinciæ, civitati, vel universitati proprium; nulla enim est orbis natio, provincia, civitas, communitasque nulla, quæ præter commune jus, suum insuper non habeat speciale jus aliquod sibi proprium. Sic Gallia præter sibi cum aliis commune civile, canonicumque jus, habet pro jure sibi speciali & proprio legem *salicam*, *libertates* seu *immunitates Ecclesiæ Gallicanæ*, *Capitularia Regum*, *pragmaticam sanctionem* & *concordata*.

Jus spe-  
ciale Galli-  
cum.

Lex

## Lex Salica

Lex Salica.

Vulgò dicitur illa, quam prope fluvium *Salam* sauxere, dum in Gallias primò venere Franci, hoc est, antiqui Franconiarum populi, quæque regebantur olim in Gallia sub prima Regum prosapia Galli, & quæ non una, sed multiplex est, seu cuius collectio, & in varia capita reductio tot leges particulares, quot capita continet; harum enim omnium quæ superest nobis hodie collectio, sub hoc præfixo titulo, *passum legis Salicæ*, 80. comprehendit titulos de variis rebus criminibusque variis, inter quos est de alendis titulus unus, in cuius articulo 6. statuitur, ut nulla Salicæ portio successione transeat ad fœminas, sed à solis acquiratur possidenda masculis; & hoc niti articulo putant nonnulli perantiquam Galliarum praxim, qua soli masculi & non fœminæ succedunt in serenissima Franciæ corona; quamque ideò praxim, sive per excellentiam *legem* dixere *Salicam*, licet reipsa Salicæ leges propriè dicantur leges à populis eorumque dominis in Franconia prope fluvium *Salam*, in Comitibus Salisburgensibus olim statutæ, & postea à *Pharamundo I.* Francorum Rege usu receptæ, atque firmatæ, à Christianis deinde *Pharamundi* successoribus Galliarum Regibus, *Childeberto* nimirum & *Clotario Clodovæi* filiis & successoribus redactæ, & ab omni Paganismi suspitione purgatæ; tandemque post illos à *Carolo Magno*, eiusque filio & successore *Ludovico Pio* variis articulis auctæ. Vide *Meseray hist. Franc. &c.*

## Privilegia Ecclesiæ Gallicanæ.

Privilegia Ecclesiæ Gallicanæ.

Cum privilegium nihil sit aliud quam privatum jus contra jus commune indultum, privilegia Ecclesiæ Gallicanæ nihil sunt aliud quam privata jura quædam, seu privatæ quædam leges contra jus commune etiam in Galliâ usu receptum, seu quædam privatæ leges quæ Gallos eximunt à lege communi: & in hoc differunt privilegia Ecclesiæ Gallicanæ à libertatibus Ecclesiæ Gallicanæ, quod libertates consistant in antiqui juris communis usu, privilegia verò sint exemptiones quædam ejusdem juris communis; sic v.g. privilegium Ecclesiæ Gallicanæ seu privatum Galliarum jus est à Leone X. vi concordatorum indultum, quod Rex Christianissimus ad Episcopatum nominare possit personam in 27. dumtaxat ætatis anno constitutam, contra jus commune in Conc. Neocæs. cap. 11. & in Lateran. IV. quo constat neminem in Episcopum eligi posse, nisi post trigésimum ætatis annum.

## Capitularia Regum

Capitularia Regum.

Sunt statuta, sive Regum edicta nonnulla, in quibus reperiuntur Capitula varia Ecclesiæ politiam spectantia, & in Conciliis de Episcoporum assensu condita, unde Capitularia vulgò dicta, è quibus sola nobis supersunt ea; quæ Carolus Magnus, Ludovicus Pius, Carolus Calvus, Ludovicus Balbus, Carolomanus & Carolus Simplex Galliarum Reges edidit, quæque deinde ab eruditis & de re literaria benè meritis viris diversis temporibus collecta fuerit.

*Ansegisus* Ord. S. Bened. Monachus, & Cœnobii Laubienfis Abbas Diccels

cesis Cameracensis, *Caroli Magni*, ejusque successoris & filii *Ludovici Pii* Capitularia collegit, & in quatuor libros digessit omnia anno Christi 827. quibus postea Pater *Sirmundus* Jesuita Parisiis adiecit Capitularia *Caroli Calvi* anno 1623. tandemque *Stephanus Baluzius*, vir eruditus & accuratus, Regum Capitularia simul collegit omnia, notis elucidavit & illustravit, lucique publicæ dedit anno 1676. Vide *Baluzium*, *Doujat in Specimen juris Eccl. &c.*

### Pragmatica Sanctio,

Sive *Carolina* Constitutio nihil est aliud, quam celebris illa Constitutio in Bituricensi Concilio sub *Carolo VII.* Christianissimo Gallorum Rege cusa anno 1438. quæ talis erat, ut 23. continens articulos, in hoc unum & summam tendere, ut Gallici regni bono consuleret, & varia ab eo incommoda removeret: unde præsertim eò tendebat,

Pragmatica Sanctio.

1. Ut acceptaret Basileensis Concilii decreta de auctoritate Concilii generalis.

2. Ut Regni beneficiorum collatoribus ordinariis sua relinquerentur conferendi jura.

3. Ut juxta Basileensis Concilii decretum, tertia beneficiorum pars conferretur graduatis, sicut & præbenda Theologalis, nec non parochiales Ecclesiæ in villis muratis sitæ.

4. Ut Cathedrali vacante Sede, à Clero sive Capitulo, ut antea more solito eligerentur Episcopi, seu ut restituerentur electiones.

5. Ut reservationes particulares, & gratiæ expectatiæ abolerentur omnes, quarum occasione ingeritur mortis alienæ votum.

Hæc ut revocaretur Pragmatica Sanctio, diu multumque rogant Summi Pontifices, sed frustra: diu multumque resistere rogati Christianissimi Reges, donec tandem post obitum *Caroli VII.* ejusque successorum *Ludovici XI.* *Caroli VIII.* & *Ludovici XII.* hæc sopita dissensio, per inita concordata inter *Leonem X.* Rom. Pont. & *Franciscum I.* Galliæ Regem anno 1516. Vide *Pinsson Pragmat. Sanct. Mezerey hist. Franc. Doujat in Specimen juris Eccl.*

### Concordatum Gallicum.

Hic nomine concordatorum, vulgò concordati Gallici, nihil à nobis intelligitur aliud, quam percelebris illa conventio Bononiæ inter *Leonem X.* & *Franciscum I.* inita anno 1516. & in Lateranensi Concilio confirmata, pro finiendis altercationibus & dissidiis, occasione Sanctionis Pragmaticæ motis. Illam enim dum abolere enixè postulare Romana Curia, & eam econtra vigere & executioni mandari niteretur natio Gallica, has ut pacarent discordias & rixas *Leo X.* & *Franciscus I.* Bononiæ tandem convenere de abroganda illa Sanctione Pragmatica, certis quibusdam pactis sive conventis ejus in locum subrogatis, quæ concordata, sive concordatum vulgò vocamus, & in quibus firmè retinentur nonnulla Sanctionis Pragmaticæ capita, & abrogantur, vel temperantur alia, & inter illa

Concordatum Gallicum.

1. Ad simoniacam abolendam labem, qua per sæpe Episcoporum & Abbatum laborabat electio, abrogatur antiquus ille Prælatos eligendi mos, & ejus

ejus in locum Regia subrogatur ad Prælaturas nominatio, seu statuitur, ne deinceps Cathedrali vacante Sede, per Capitulum eligatur Episcopus, sed Papæ nominetur à Rege intra sex menses unus aliquis, qui sit in vigesimo septimo saltem suæ ætatis anno constitutus, & Doctor sive Magister vel Licentiatus in Theologia vel in jure, nisi sit Regis consanguineus, vel persona sublimis, aut de Mendicantibus Monachis, qui juxta sui Ordinis statuta ad hujusmodi gradus non possit assumi, de quo sic qualificato per Regem nominato, & aliunde idoneo, Summus Pontifex vacanti providere teneatur Ecclesiæ: si tamen in Curia Romana præfatas Cathedralis vel Abbatiales, per obitum vacare contingat Ecclesias, eas statim replere possit Summus Pontifex, nulla expectata nominatione Regia, exceptis tamen Capitulis, vel Monasteriis suos sibi Prælatos eligendi privilegio munitis.

2. Prohibetur ne deinceps ullæ dentur gratiæ expectativæ, nullæque fiant reservationes, sive generales, sive speciales, ad vacatura beneficia.

3. Canonicos creare permittitur, ad effectum dumtaxat obtinendi dignitatem, personatum vel officium, sed non præbendam primò vacaturam.

4. Pro graduatis idem statuitur, quod Basileense Concilium, & post Basileense Concilium, *Pragmatica Sanctio* determinat, videlicet ut graduatis, præter Theologales præbendas, & Parochiales Ecclesias in villis muratis sitas, conferatur insuper aliorum beneficiorum per obitum vacantium tertia pars, non per turnum, ut *Pragmatica Sanctio* jubebat, sed ita, ut ea eis determinatè conferantur beneficia quæcumque vacatura, intra 4. anni menses, videlicet *Januarium, Aprilem, Julium & Octobrem*; iis tamen exceptis beneficiis, quæ pendent ex nominatione Regia, vel sunt de jure Regaliæ, vel de Laicali Patronatu, vel quæ sunt electiva, aut Capitulorum dignitates.

5. Agitur de mandatis Apostolicis à Summis Pontificibus olim dati consuetis, sed postea per Tridentinum abrogatis Sess. 24. cap. 19. de reformatione.

6. De causis & appellationibus agitur, & statuitur, ut causæ omnes, exceptis majoribus, in partibus terminentur apud Judices, qui de jure vel consuetudine præscripta, aut privilegio, earum cognitionem habere debent: at quoad appellationes, præscribitur ut fiant ad superiorem immediatum, & non ad alium, licet Papam, omisso medio.

7. Denique agitur de pacificis possessoribus, de concubinariis publicis, de excommunicatis non vitandis, de interdictis non leviter ferendis, &c. Vide *Rebustum in Concor. Doujat in Specimen juris Eccl.*

Jus speciale Germanicum. Sic & Germania præter commune sive Civile, sive Canonicum, habet pro jure sibi proprio & speciali bullam auream, & concordatum Germanicum.

### Bulla Aurea.

Bulla Aurea.

Sive *Carolina* constitutio, nihil est aliud quam edictum sive constitutio Imperialis à *Carolo IV.* Imperatore in comitiis Nurembergæ habitis edita, anno 1356. Unde *Carolina* vocata, & *Bulla Aurea* vulgò dicta, quia in formam Bullæ aureo bullata sigillo referente impressam Imperatoris effigiem ex una parte, & Romani Capitoli figuram ex altera, habeturque

turque Bulla hæc, sive constitutio pro fundamentali Imperii Germanici lege, continetque 30. capita, in quibus præscribitur forma, sive modus aut ritus procedendi in celebranda sive Romanorum Regis, sive Imperatoris electione, & determinantur singulorum electorum numerus, officia, locus, comitatus & jura, aliaque statuuntur plura ad generale Imperii regimen spectantia.

### Concordatum Germanicum.

Sicut Gallia suum habet concordatum, quo regitur in materia beneficii, sic habet & longè antè Germania suum, initum videlicet inter *Fridericum III. Imp. & Nicolaum V. Rom. Pont.* anno 1448. & confirmatum à *Clemente VII. & à Greg. XIII.* cum enim de reservationibus Pontificiis, aliisque Curia Romanæ, ut vocant, gravaminibus conquesta esset Germanica natio, inter *Joannem R. E. Cardinalem Nicolai V. à latere Legatum, & Fridericum III. Imp.* aliosque Germaniæ Principes hæc inita sunt concordata, sive conventa, quibus loco 4. mensium (per quos vacantium beneficiorum collatio, secundum Romanæ Cancellariæ stylum, Ordinariis relicta erat) sex iisdem menses indulgentur, aliaque conceduntur, quibus ejusdem styli Curia Romanæ mitigatur asperitas. Unde hoc in Concordato Germanico, circa beneficia determinantur præsertim quatuor ista:

Concordatum Germanicum.

1. Collationes beneficiorum omnium in curia Romana, vel intra duas diuitas ab Urbe, quomodocumque vacantium, Summo Pontifici referantur.

2. Pro electivis jus eligendi suos Prælatos relinquitur Metropolitanis Cathedralibus & Monasteriis, & Summo Pontifici obligatio confirmandi, nisi fortè de consilio Cathedralium, alius utilior aut capacior videatur eligendus.

3. Pro collativis statuitur, ut alternatim ita à Papa & à Collatoribus ordinariis omnia sive secularia sive regularia conferantur beneficia, ut à Papa conferantur mense *Januario* vacantia, ab Ordinariis verò mense *Februario*, & sic deinceps alternis mensibus; ita ut Papa conferat per 6. menses alternos, qui ideo *mensēs Papales* dicuntur; Ordinarii verò per 6. alternos alios: excipiuntur tamen Cathedralium Collegiatarumque dignitates, quæ semper à suis Collatoribus ordinariis conferenda remanent; imò & ea beneficia, quæ vacabunt intra 6. menses Papales, si nullus appareat provivus à Papa intra tres menses à die vacationis in loco beneficii notæ.

4. Denique pro dignitatibus, personatibus, & aliis quibuscumque beneficiis à S. Sede collatis decernitur, ut primi anni redditus per modum annatæ solvantur, exceptis tamen his, quæ vi expectativæ gratiæ, vel permutationis causa fuerint collata, aut quæ valorem 24. florenorum auri de Camera non excedunt.

Hoc Germanicum Concordatum, quo reguntur etiam in *Lotharingia & in Alsatia Galli, Maximiliani Imperatoris* jussu *Leodii* promulgatum est ac receptum anno 1518. & *Caroli V. Imp.* edicto in Ecclesia *Cameracensi* executioni mandari jussum, anno 1554. vigetque per extensionem, ex speciali indulto, in Ecclesiis *Metensi, Tullensi & Virdunensi*, quia *Trevirensis* Ecclesiæ suffraganeis, sed indultum *Ludovico XIV. Christianissimo Regi*

- con-

concessum est ab *Alexandro VII.* anno 1664. & à *Clemente IX.* confirmatum anno 1668. pro nominatione ad illas Cathedralis *Metensem*, *Tullensem*, & *Vindunensem*, & ad alia in his Dioecesebus sita consistorialia beneficia. Vide *Doujat in Specimen juris Eccl.*

## ARTICULUS II.

*An & quibus in definitionibus infallibilis sit Ecclesia.*

Quid sit  
quæstio ju-  
ris, & quid  
quæstio facti.

Sciendum est primò ad clariorem quæstionis propositæ decisionem, & ad majorem eorum omnium quæ in hac materia dici solent intelligentiam; quæstiones de quibus disputari solet, an in illis definiendis sive resolvendis infallibilis sit Ecclesia, alias esse quæstiones juris, alias quæstiones facti. Quæstiones juris genericè loquendo, & apud Juristas, sunt ex quæ ex jure resolvi possunt ac decidi: quæstiones verò facti in materia contingenti sunt ex, quæ ex nullo jure possunt resolvi; sic v. g. si quæatur, *an Titius occiderit Cajum*, est quæstio facti, quia ex nullo jure decidi potest; sed supposito hoc facto, nimirum quòd Titius occiderit Cajum, & quæatur, *an Titius puniri debeat*, & *qua pena*, est quæstio juris, quia ex jure decidi potest.

Quid quæ-  
stio juris  
apud Theo-  
logos.

Sciendum est secundò apud Theologos, quæstiones juris dici illas, quæ ex solo jure divino solvi possunt, hoc est, quæ ex Scriptura vel Traditione, in quibus est jus Fidei nostræ, decidi possunt: unde est quòd apud Theologos quæstio juris eadem est ac quæstio Fidei, & vice versa; quæstiones verò facti apud Theologos sunt hæ, quæ ex jure divino, seu quæ nec ex Scriptura, nec ex Traditione solvi possunt. Sic v. g. si quæatur, *an Christus sit creatura*, est quæstio juris, quia ex jure divino, hoc est ex Scriptura & Traditione potest resolvi: si verò quæatur, *an Arius dixerit Christum esse creaturam*, est quæstio facti, quia ex jure divino, hoc est, nec ex Scriptura, nec ex Traditione solvi potest.

Sciendum est tertio præter simplices quæstiones juris, & simplices quæstiones facti, alias esse quæstiones, quæ dicuntur mixtæ ex jure & facto; quæstio enim mixta dicitur ea quæ duas includit quæstiones, unam juris, & alteram facti; ut v. g. si quis quærat, *an Epistola Iba sit hæretica in sensu Iba*, hæc quæstio dicitur mixta, quia duas includit quæstiones, unam juris, scilicet istam, *an Epistola Iba sit hæretica*, & alteram facti, scilicet istam, *an in sensu Iba sit hæretica*; seu an dicere cum Nestorio duas in Christo personas esse sit hæreticum, & an Ibas sua in Epistola dixerit cum Nestorio duas in Christo personas esse.

## CONCLUSIO.

Dico, *Ecclesiam esse infallibilem in omnibus, & quilibetque juris seu Fidei quæstionibus decidendis.*

Ecclesiam  
infallibilem  
esse in quæ-  
stionibus  
Fidei sive  
juris osten-  
ditur.

Pr. 1. Quæstiones juris apud Theologos sunt hæ, quæ ex jure divino, hoc est, ex Scriptura & Traditione decidi solent: Atqui Ecclesia est infallibilis in quæstionibus illis decidendis, quæ ex Scriptura & Traditione decidi solent; ergo & in quæstionibus juris seu Fidei decidendis.

Pr.



Pr. minor. Si Ecclesia non esset infallibilis, sed fallibilis in quæstionibus quæ ex Scriptura & Traditione decidi solent; Ecclesia non esset infallibilis, sed fallibilis, & errare posset in Scriptura & Traditione cognoscenda; ac proinde in fide sua, in Scriptura & Traditione contenta: Atqui dici non potest, quod Ecclesia sit fallibilis & errare possit in sua fide, cum promiserit Ecclesiæ Christus 1. quod portæ inferi numquam prævalerent adversus eam, dicens Matth. cap. 16. vers. 18. *Tu es Petrus, & super hanc petram ædificabo Ecclesiam meam, & portæ inferi non prævalerunt adversus eam.* 2. Quod eam ipse numquam defereret, dicens Matth. cap. 28. vers. 20. *Ecce ego vobiscum sum omnibus diebus usque ad consummationem sæculi.* Quasi dicat; Prius hic desinet mundus, quam in Ecclesia desinat præsentia mea, ut explicat Corn. à Lap. 3. Cum promiserit ei se Spiritum veritatis missurum, qui eam omnem veritatem doceret, dicens Joan. cap. 14. vers. 16. *Ego rogabo Patrem, & alium Paracletum dabit vobis, ut maneat vobiscum in æternum, Spiritum veritatis:* Et de quo iterum ibid. cap. 16. vers. 13. sic ait: *Cum autem venerit ille Spiritus veritatis, docebit vos omnem veritatem.* Ergo nec dici potest quod Ecclesia non sit infallibilis in hujusmodi quæstionibus, quæ ex Scriptura & Traditione decidi solent; ergo nec in quæstionibus juris seu Fidei decidendis.

Pr. 2. Ex eo quod Paulus 1. ad Tim. cap. 3. vers. 15. dicat de Christi Ecclesia, quod sit *columna & firmamentum veritatis:* Sed dici non posset de Ecclesia Christi, quod esset *columna & firmamentum veritatis*, si fallibilis esset, & errare posset in decidendis & resolvendis sui juris suæque Fidei quæstionibus; ergo nec dici potest quod sit fallibilis in illis decidendis; ergo infallibilis.

Objicies 1. In Scriptura & apud SS. PP. Ecclesia lunæ comparatur; ergo sicut luna, ita & Ecclesia potest à sua claritate interdum deficere, & eclipsim pati, interdum errando. Resp. perm. ant. neg. consequentiam & paritatem; non enim lunæ comparatur Ecclesia in hoc, quod sicut luna potest à sua claritate deficere & eclipsim pati, ita possit & Ecclesia à sua deficere; sed in hoc, quod sicut luna suas vicissitudines patitur, & mutationes accidentales, ita & Ecclesia suas modò pacis, modò perfectionis vicissitudines habeat, licet nusquam deficiat: unde S. Ambrosius lib. 2. Hexameron cap. 2. *Ecclesia tempora sua habet persecutionis & pacis: nam videtur sicut luna deficere, sed non deficit: obumbrari potest, sed deficere non potest.* In hoc etiam lunæ comparatur Ecclesia, quod sicut luna lumen recipit à sole, ita & à Christo vero iustitiæ & intelligentiæ sole lumen habet Ecclesia.

Et negatibus adversariis occurrit.

Objicies 2. Initio mundi, solis existentibus Adamo & Heva, in illis tota subsistebat Ecclesia; ergo illis deficientibus & fidem amittentibus, à fide defecit Ecclesia. Resp. 1. tunc nondum fuisse Ecclesiam, sed initium Ecclesiæ; quia Ecclesia est multitudo seu congregatio, ad quam non sufficiunt duo, sed ad minus requiruntur tres, sicque propriè non fuit Ecclesia usque ad Abel. Resp. 2. supposito quod tunc legis naturæ defecisset Ecclesia, non sequitur legis novæ deficere posse Ecclesiam, cum illi, non illi fuerit infallibilitas promissa.

Objicies 3. Judæorum Synagoga in Concilio contra Christum habito erravit in Fide, nimirum contra divinitatem Christi, dicendo ipsum non esse verum Messiam & Deum, sed tantum mortis, ergo in Fide errare potest Ecclesia. Resp. perm. ant. neg. conseq. quia non Synagoga, sed Ecclesia præ-

sentens Christo promissa fuit infallibilitas, sed potius prædictum, Judæos circa divinitatem Christi erraturos & Christum occisuros, idque à Daniele dicente cap. 9. vers. 26. *Et post hebdomades sexaginta duas occidetur Christus: & non erit ejus populus, qui eum negaturus est: Sed Ecclesiæ Christi, de qua hic agimus, promissa est infallibilitas, à Christo dicente, ut visum est, Et porta inferi non prævalebunt adversus eam.* Vel Resp. 2. Quòd quamvis infallibilis fuerit Synagoga ante Christi adventum, non fuit necesse ut infallibilis esset præsentem Christo, quia Christus ipse in terris præfens, poterat per se & immediatè credenda à non credendis secernere & explicare, sicque veritatem omnem docere.

Objicies 4. Ecclesiæ in Nicæno primo Concilio Can. 12. militiam damnavit; ergo erravit, cùm licitam esse militiam constet ex Evangelio, ubi Joannes, Luc. cap. 3. vers. 14. rogatus à militibus, *Quid faciemus & nos?* non dissuasit illis militiam, sed dixit: *Neminem concensatis, neque calumniam faciatis: & contenti estote stipendiis vestris.* Resp. dist. ant. Concilium Nicænum militiam damnavit in his circumstantiis in quibus nullum est signum idololatriæ, conc. Absolutè, neg. ant. quod ut pateat, notandum est quòd olim militiæ cingulum magni honoris & commodi res erat, propter magna militibus concessa privilegia; & ideò Imperatores Ethnici persecutionis tempore cingulum militiæ iis qui Christiani erant, fidemque negare recusabant, auferre solebant, eosque exauetorare, ut constat apud Eusebium lib. 8. cap. 4. Quam ob causam cùm plures milites Christiani ardore fidei cingulum abjicerent, & sine honore potius quàm sine fide vivere mallerent, ac demum postea mundi & honoris tentationibus victi, idem cingulum, parati fidem negare, viciissim ambirent; Concilium Nicænum hoc Canone eis hanc pœnitentiam injungit, ut scilicet decem annis permaneant inter Pœnitentes, postquam triennio fuerint inter Audientes, id est, Catechumenos: ex quo non sequitur quòd militiam absolutè damnet, ut perperam calumniari solent hæretici.

Instabis. in eodem Nicæno I. Concilio Can. 19. hæreticos rebaptizandos esse decrevit Ecclesiæ, qui tamen rebaptizari non debent; ergo in hoc saltem circa fidem erravit Ecclesiæ. Resp. perm. ant. neg. consequ. quia non omnes absolutè hæreticos rebaptizandos esse decrevit, sed solum Paulianistas, & alios hujusmodi, quorum baptisma nullum erat, quia non eadem forma collatum, qua conferri debet & confertur ab Ecclesiæ, per expressam scilicet SS. Trinitatis invocationem. Paulianistæ verò qui Christum purum hominem esse tenebant, haud dubiè in fide & nomine trium personarum SS. Trinitatis non baptizabant, nec consequenter verè & validè baptizabant; & ideò illos rebaptizari iussit Ecclesiæ in Conc. Nicæno congregata Can. 19. Responsum confirmat nostrum S. Hieronym. dum ad hunc Canonem alludens, ait in dialog. contra Lucif. *Synodus Nicæna omnes hæreticos suscipit, exceptis Pauli Samozatani discipulis.*

ARTICULUS III.

*Num in quæstionibus facti cum jure connexi sit infallibilis Ecclesia.*

Sciendum est primò circa facta, duò esse factorum genera; alia enim sunt facta cum jure necessariò connexa, alia verò pura facta, & cum jure nullatenus connexa. Factum cum jure seu cum fide necessariò connexum dicitur illud, ex cujus negatione sequitur negatio juris seu fidei, quale est v. g. *Canonicitas Scriptura*, quale & *œcumenicitas Concilii*. Unde si quis quærat, an Scriptura nobis per Ecclesiam proposita, sit Canonica, hæc quæstio est quæstio facti cum jure connexi, quia eo negato facto, sequitur negatio juris; negato enim quòd hæc Scriptura sit Canonica, sequitur negatio juris seu fidei in hac Scriptura contentæ. Sic pariter si quis quærat, an hoc Concilium v. g. Nicænum sit œcumenicum, est quæstio facti cum jure seu fide connexi, quia hoc negato facto, hoc est, negato quòd hoc Concilium v. g. Nicænum sit œcumenicum, sequitur negatio juris seu fidei, nobis per Nicænum Concilium declarata.

CONCLUSIO.

*Dico, Ecclesiam esse etiam infallibilem in decidendis quæstionibus facti cum jure seu fide necessariò connexi.*

Pr. Factum cum jure seu cum fide necessariò connexum dicitur illud, ex cujus decisione dependet decisio fidei, seu ex cujus negatione sequitur negatio fidei: Atqui Ecclesia est infallibilis in hujusmodi facti quæstionibus decidendis; ergo & in quæstionibus facti cum fide necessariò connexi decidendis.

Pr. minor. Ecclesia est infallibilis, ut visum est, in fidei quæstionibus decidendis: Atqui non potest esse infallibilis in fidei quæstionibus decidendis, nisi sit infallibilis in decidendis quæstionibus hujusmodi facti, ex cujus decisione dependet decisio fidei, & ex cujus negatione sequitur negatio fidei; ergo est etiam infallibilis in illis decidendis quæstionibus facti, ex cujus decisione dependet decisio fidei; ergo & in decidendis quæstionibus facti cum fide connexi, quales sunt v. g. quæstiones istæ, *an Scriptura hæc sit Canonica; an hoc Concilium sit œcumenicum*. Hæ enim quæstiones sunt facti, cum non possint ex Scriptura, nec ex Traditione resolvi; & facti cum jure seu cum fide connexi, cum ex hujusmodi facti decisione dependeat decisio fidei, & ex ejus negatione sequatur negatio fidei; seu cum hæc facta sint ita connexa cum fide, ut si in illis decidendis & discernendis erraret Ecclesia, erraret in fide, cum fidei definitio dependeat ex illis; sic v. g. si Ecclesia agnosceret Scripturam aliquam ut divinam, quæ divina non esset, errare posset in fidei definitionibus, quæ per Scripturam illam fierent. Sic si Concilium agnosceret aliquod ut legitimum & œcumenicum, quod tamen œcumenicum non esset, errare pariter posset Ecclesia, hujus Concilii fidei definitiones sequendo, & ut veras fidei definitiones agnoscendo. Et si denique Summum Pontificem agnosceret aliquem, qui verus & legi-

Eandem Ecclesiam in quæstionibus facti cum fide connexi infallibilem esse probatur.

timus Pontifex non esset, errare similiter posset in fide Catholica, qua creditur v. g. Ecclesiæ caput esse visibile; non potest autem Ecclesiæ caput esse visibile & re ipsa videri, nisi sit verus ille vel ille Pontifex, quem videt & agnoscit ut caput suum. Errare posset etiam in fide qua credimus veram ac legitimam Summorum Pontificum in Romana Ecclesiâ successiorem; quæ tamen vera successio non esset, nisi veri ac legitimi fuissent Pontifices, qui hæc tunc Pontifices Ecclesiam rexere, & quos ut veros Pontifices agnovit Ecclesiâ; ergo, &c.

Et con-  
eradicenti-  
bus adver-  
sariis re-  
spondetur.

Objicies. Hujusmodi facta quantumvis cum fide connexa, nullibi sunt revelata; ergo in his errare potest Ecclesiâ. Resp. perm. ant. neg. consequ. quia satis est quod Spiritus Sanctus assistat Ecclesiæ, impediens ne erret in illis factis decidendis, licet non revelatis, ut re ipsa assistit ei, impeditque ne erret in illis, quia si erraret in hujusmodi factis cum fide connexis, erraret in fide; ergo cum non possit errare in fide, nec in factis cum fide connexis, licet illa facta non sint revelata, quia Christus illi infallibilitatem conferens, ne erret in fide, assistit illi ne erret in hujusmodi decidendis factis, sine quo stare non posset ejus infallibilitas in fide.

Instabis. Qui negaret illa facta, non ageret contra fidem, nec esset hæreticus, quia non negaret aliquid revelatum, cum illa facta non sint revelata; ergo in his decidendis non est infallibilis Ecclesiâ. Resp. 1. dist. ant. non ageret contra fidem, nec esset hæreticus directè & formaliter, esto; indirectè & præsumptivè, neg. ant. quia eo ipso quo negaret illa facta per Ecclesiam decisa & recepta, consequenter & præsumptivè conferetur negare infallibilitatem Ecclesiæ in hujusmodi factis cum fide connexis decidendis, quæ infallibilitas ad fidem pertinet, ac proinde præsumptivè saltem hæreticus esset. Resp. 2. Dicendo quod ille qui negaret illa facta cum fide connexa post Ecclesiæ definitionem, negaret aliquid revelatum virtualiter & mediatè, quia cum Ecclesiæ definitio sit virtualis quædam ac mediata revelatio, ea quæ sunt per Ecclesiam definita ac decisa, sunt virtualiter & mediatè revelata, quæ virtualis & mediata revelatio æquivalet formali & immediatæ revelationi in ordine ad nostrum firmandum assensum.

Urgebis. Ut aliquid credatur fide divina, debet esse revelatum immediate seu revelatione formali & immediata; ergo non sufficit revelatio virtualis & mediata.

Resp. neg. ant. Ratio est primò quia, ut benè advertunt in sua declaratione celeberrimi Duacensis Academiæ Doctores, nullibi reperitur scriptum, immediatam requiri revelationem ad fidem divinam, & non sufficere mediatam, videlicet decisionem Ecclesiæ assistentia Spiritus Sancti directæ. Secundò quia nullibi est expressè & immediatè revelatum, quod hic textus Evangelii nobis per Ecclesiam propositus, sit divinus seu verbum divinum, & tamen S. August. dicit se illum credere ut divinum, quia Ecclesiâ illum proponit & declarat divinum, dum ait contra Epist. fundamenti cap. 5. *Evangelio non crederem, nisi me Ecclesiâ commoveret auctoritas*; ergo credit, & credit fide divina illum textum esse divinum, licet illum divinum esse non sit expressè & immediatè revelatum, sed solum virtualiter & mediatè per Ecclesiæ propositionem seu declarationem; ergo non requiritur absolute formalis & immediata revelatio, sed sufficere potest virtualis & mediata revelatio, qualis est decisio five declaratio Ecclesiæ assistentia Spiritus Sancti directæ.

## ARTICULUS IV.

*Num in quæstionibus facti doctrinalis seu dogmatici sit infallibilis Ecclesia.*

**S**ciendum est primò, facta alia esse dogmatica sive doctrinalia, alia non dogmatica. Factum dogmaticum sive doctrinale dicitur quodcumque privati auctoris, vel privatorum auctorum dogma sive doctrina in materia fidei; factum verò non dogmaticum dicitur quodcumque factum aliud, quod non est dogma sive doctrina. Sic si quis quærat, *an doctrina trium Capitulorum sit doctrina Nestorii*, seu contineat Nestorii doctrinam & hæresim, est quæstio facti dogmatici. Si verò quis quærat, *an trium Capitulorum doctrina fuerit à Chalcedonensi Concilio approbata*, est quæstio facti non dogmatici, sed puri, in qua resolvenda per annos propè centenos Orientalis cum Occidentali disceptavit Ecclesia. Approbatam fuisse supponebat Occidentalis, non approbatam contendebat Orientalis. His ita prænotatis, quæritur an & in decidendis facti dogmatici quæstionibus infallibilis sit Ecclesia. His positis,

Quid sit factum dogmaticum.

## CONCLUSIO.

*Dico, Ecclesiam esse infallibilem in definiendis quæstionibus facti doctrinalis seu dogmatici, seu in approbando vel reprobando naturali & obvio librorum ad Religionem spectantium sensu.*

Pr. 1. Ecclesia est infallibilis in doctrina seu sensu SS. Patrum cognoscendo: sed sensus SS. Patrum est factum aliquod dogmaticum; ergo Ecclesia est infallibilis in cognoscendo factum aliquod dogmatico; ergo & in cognoscendo alio quocumque, cum non sit major ratio de uno quàm de alio. Prob. ant. Ecclesia cum sit infallibilis in sua fide cognoscenda, ut toties ex Scriptura visum est, debet esse infallibilis in Scripturæ sensu sæpè obscuro cognoscendo, & in ipsa quoque Traditione discernenda, cum suam ex Scriptura & Traditione fidem cognoscat: atqui non potest esse infallibilis Ecclesia in dubio Scripturæ sensu intelligendo, & in vera Traditione discernenda, nisi sit infallibilis in sensu SS. Patrum cognoscendo, cum Scripturæ sæpè obscuræ sensum, imò & latentem sæpè Traditionem non agnoscat, nisi ex doctrina seu ex sensu SS. Patrum; ergo si sit infallibilis in Scriptura & Traditione cognoscenda, infallibilis esse debet in sensu SS. Patrum cognoscendo; ergo & in facto dogmatico intelligendo, approbando vel reprobando.

In quæstionibus facti dogmatici Ecclesiam infallibilem esse docetur.

Pr. 2. Ecclesia est infallibilis in vera Christi doctrina de fide & moribus cognoscenda, & discernenda ab alia quacumque, ob assentientiam Spiritus Sancti ei à Christo promissi, Joan. cap. 14. vers. 16. *Ego rogabo Patrem, & alium Paraclitum dabit vobis, ut maneat vobiscum in æternum, Spiritum veritatis.* Et cap. 16. vers. 13. *Cum autem veneris ille Spiritus veritatis, docebit vos omnem veritatem;* ergo & infallibilis esse debet consequenter in illa alia quacumque cognoscenda, approbanda vel reprobanda auctoris cuiuscumque doctrina; ergo & in illius vero, naturali & obvio sensu cognoscendo, approbando & reprobando; cum Ecclesia, dum approbat

*Appar. Annat. T. II.*

Q 3

vel

vel reprobatur doctrinam aliquam, illam quoad naturalem & obviū verborum sensum approbet vel reprobet; ergo & infallibilis consequenter est in decidendis facti dogmatici quæstionibus.

Pr. 3. Ex ipso Ecclesie iudicio & praxi, & sic, Ecclesia se in factis dogmaticis decidendis infallibilem esse iudicat, & sua praxi declarat, si se gerat ut infallibilem, & loquatur ut infallibilis ea decidendo: atqui Ecclesia se gerit ut infallibilem, & loquitur ut infallibilis, dum facta doctrinalia seu dogmatica decedit; ergo se infallibilem esse iudicat, & sua praxi declarat in huiusmodi factis doctrinalibus seu dogmaticis decidendis. Pr. minor. Hæreticorum doctrinæ, seu erronea dogmata live hæreses sunt facta doctrinalia sive dogmatica: atqui in illis decidendis & reprobandis semper Ecclesia se gessit & gerit adhuc ut infallibilem, & locuta est & loquitur adhuc ut infallibilis, cum ea decidendo & reprobando, auctores eorum anathematizet ut hæreticos, & obliget fideles omnes sub pœna anathematis ad acquiescendum suæ decisioni, ut manifeste constat, aliis omis- sis, ex ipso œcumenico Concilio quinto, in quo congregata sic loquitur Ecclesia can. 11. dicens: *Si quis non anathematizet Arium, Eunomium, Macedonium, Apollinarem, Nestorium, Eusebium, Origenem cum impiis eorum conscriptis, & alios omnes hæreticos qui condemnati & anathematizati sunt à sancta, Catholica & Apostolica Ecclesia, & à prædictis quatuor Conciliis.... talis, anathema sit.* Sic autem haud dubiè non loqueretur Ecclesia, si non se iudicaret infallibilem; ergo Ecclesia se gerit ut infallibilem, & loquitur ut infallibilis in huiusmodi decidendis factis doctrinalibus sive dogmaticis; ergo praxi sua se iudicat & declarat infallibilem; ergo verè infallibilis est in illis decidendis; alioquin in sua infallibilitate cognoscenda fallibilis esset, & erraret; quod dici non potest, cum infallibilitas Ecclesie sit de fide, & in fide errare non possit Ecclesia, ut visum est.

Pr. 4. Si infallibilis non esset Ecclesia in decidendis facti dogmatici quæstionibus, seu in decidendo atque approbando vel reprobando naturali & obvio librorum quorumcumque ad Religionem spectantium sensu, nullus esset Novator, nullus hæreticus qui posset de hæresi certò convinci, & ut hæreticus definitivè damnari, quique non posset quantumvis ab Ecclesia damnatus reclamare, & dicere se hæreticum non esse, se hæreticè non sensitse, seque perperam & injustè ab Ecclesia errante fuisse damnatum; imò hæretici omnes quotquot olim fuere per Ecclesiam damnati, idem dicere possent adhuc hodie & reclamare, si redirent: Atqui hoc dici non potest nec tolerari, cum ad fidei Catholicæ nostræ, totiusque Religionis eversionem tendat; ergo nec dici potest infallibilem non esse Ecclesiam in huiusmodi decidendis facti doctrinalibus seu dogmatici quæstionibus, seu in naturali & obvio librorum ad Religionem spectantium sensu cognoscendo, eoque approbando vel reprobando.

Obijcies 1. Sensus cujuslibet auctoris est quid internum, ergo de eo iudicare nequit Ecclesia. Resp. dist. ant. sensus intus latens, retentus & non verbis expressus, conc. Sensus naturalis & obviū qui est verbis expressus, nego ant. & sub eadem distinctione consequentiam. Fatemur enim Ecclesiam non iudicare de sensu illo interno intus suppresso, & ab auctore retento, sed de sensu illius naturali; sensus autem naturalis auctoris est sensus naturalis verborum auctoris, & sensus naturalis verborum auctoris est sensus ille, ad quem exprimendum sunt instituta auctoris verba, quique intelligitur eo ipso quo intelliguntur verba; ergo, &c.

Obij-

Et con-  
tradicen-  
tium obje-  
ctionibus  
occurritur.

Objicies 2. Facta dogmatica nullibi sunt in Scriptura vel Traditione revelata, ergo non est necesse in his decidendis & fecernendis infallibilem Ecclesiam esse. Resp. perm. ant. neg. conseq. quia etiam non sunt in Scriptura vel Traditione revelata, sunt tamen talia, ut approbari vel reprobari debeant per conformitatem vel difformitatem cum Scriptura vel Traditione, quia vel sunt conformia vel difformia Scripturæ aut Traditioni; ergo cum infallibilis sit Ecclesia in cognoscenda & decidenda cujuscumque doctrinæ conformitate vel difformitate cum Scriptura vel Traditione, & non possit infallibilis esse in tali doctrinæ conformitate vel difformitate cognoscenda & decidenda, nisi pariter infallibilis sit in tali cognoscenda doctrina, ac proinde & in decidendis dogmaticis quibuscumque factis; ergo, &c.

Objicies 3. In Concilio Chalcedonenſi sub Leone I. approbata fuere tria Capitula, hoc est, *doctrina Theodori Mopsuesteni, epistola Iba Edesseni, & scripta Theodoretii* adversus 12. Cyrilli capita, & eadem tria Capitula deinde post centum circiter annos fuere sub *Vigilio* damnata in secunda Synodo Constantinop. ergo vel erravit Ecclesia approbando illa, vel erravit damnando. Resp. neg. ant. quoad primam partem, quia in Chalcedonenſi Concilio neque approbata, neque reprobatam fuit trium Capitulorum doctrina, sed solum auctores, videlicet *Theodoretus & Ibas* in communionem admissi eo ipso quo *Nestorius*, Nestoriique Sectariis anathema dixerunt; licet deinde sub *Vigilio* in Constantinopolitano II. seu œcumenico V. damnata fuerit, sicque finita inter Orientales & Occidentales centum circiter annorum controversia in hoc sita, quod trium Capitulorum doctrinam in Concilio Chalcedonenſi approbatam fuisse, sicque non posse damnari contenderent Occidentales: approbatam e contra non fuisse dicerent, sicque damnari posse & debere clamarent Orientales.

Instabis. Gratis dicitur & non probatur, Chalcedonenſe Concilium tria Capitula præfata non approbasse; ergo perperam & falsò dicuntur non approbata. Resp. neg. ant. quia hoc probatur & constat 1. ex Concilio œcumenico quinto, secundo scilicet Constantinopolitano, hæc tandem tria Capitula damnante, & dicente de impia Iba Edesseni epistola: *Quomodo præsumunt aliqui dicere, istam impiam epistolam susceptam fuisse à sancto Chalcedonenſi Concilio?* 2. Ex ipso *Vigilio* Rom. Pont. hoc quantum œcumenicum Concilium confirmante & dicente in sua Concilii confirmativa epistola: *Absit ut tam horrendas blasphemias Patres Chalcedonenſes approbarent.*

Urgebis. Relata & relecta epistola Iba, orthodoxus judicatus est Ibas; ergo & orthodoxa judicari debuit epistola. Resp. neg. conseq. quia ideò orthodoxus judicatus est Ibas, hac ejus epistola relecta, 1. quia fortè suam esse negavit, ut innuit Greg. Mag. epist. ad Monachum Secundinum; 2. quia eam fortè exposuit, & sua expositione Concilii Patribus satisfecit; 3. quia eam fortè retractavit, dicens se eam scripsisse ante Concilium Ephesinum, dum adhuc Nestorii causa sub iudice penderet, ut eruditè notat Gisb. S. J.

Objicies 4. Damnavit olim Ecclesia in sexta Synodo *Honorium I.* ut hæreticum & Monothelitam, qui tamen hæreticus non erat; ergo erravit in ferendo de illius doctrina iudicio. Resp. neg. ant. cum Baronio asserente sextæ Synodi acta à Græcis fuisse corrupta, in illis *Honorii* damnationem fraudulentè insertam, & sic ex illis nihil contrà concludi posse.

Resp. 2. cum nonnullis dicentibus damnatum quidem fuisse, sed nulla servata iudicii forma, sicque nullam fuisse, quia non iudicam, Honorii damnationem. Resp. 3. cum aliis fatentibus damnatum quidem fuisse Honorium à sexta Synodo, non ut hæreticum, sed ut hæreseos hæreticorumque fautores, & negligentiam reum in illis reprimendis; *Quia flammam hæretici dogmatis, non ut decuit, auctoritate Apostolica incipientem extinxit, sed negligendo consovit, ut loquitur Leo II. ad Hispaniæ Præsules, seu ut rursus idem ad Hispaniæ Regem scribens ait; Quia immaculatam Apostolicam traditionem regulam maculari permisit; & ideo iuste fuisse damnatum, quia ejusdem culpæ rei censentur erroris fautores & auctores; fautor autem Monothelitarum fuit Honorius, non quidem assentiendo eis, sed eos non coercendo; non approbando illorum pravam de una in Christo voluntate dogma, sed indicendo de una vel duplici voluntate silentium: unde & merito cum illis damnatus, quia illorum erroris fautor; cum ex Cœlestino II. Rom. Pont. ad Galliarum Præsules scribente, Merito nos causa respicit, si silentio faveamus errori.* Resp. 4. cum eruditis aliis, nec Monothelitam fuisse Honorium, nec tamen sextam errasse Synodum, Honorium Honoriique literas ad Sergium scriptas damnando; ratio est, quia eo tempore quo scriptæ fuere hujusmodi Honorii ad Sergium literæ, nullatenus fidei nocebant, saltem directè, quia causa sub iudice pendebat adhuc, nondumque contra Monothelitas definita erat: at tempore sextæ Synodi, hoc est 40. circiter post annos, eadem literæ fidei nocebant etiam directè, quia Honorii hæsitacionem & vacillationem in fide notabant; omnis autem hæsitatio vel vacillatio in fide fidei nocet; unde potuere tunc à Synodo hæc damnari literæ, auctorque earum Honorius, quin erraverit & Monothelita fuerit has scribens Honorius, & quin pariter erraverit has Honorii literas, Honoriumque propter literas damnans sexta Synodus.

## ARTICULUS V.

*An omnes quæ circumferuntur, genuina sint & ejusdem roboris antiquæ summorum Pontificum Decretales Epistolæ.*

**S**ciendum est ante omnia hic dubium non esse de omnibus absolutè omnium Pontificum, sed solum de veterum Pontificum ad Siricium usque decretalibus epistolis, imò nec de istis omnibus & singulis, cum sint ex iis aliquæ à SS. PP. Cypriano, Athanasio, Hilario & Hieronymo relatæ, de quibus dubitat nemo, sed de aliis dumtaxat ex Isidori Mercatoris collectione, à cæteris decretalium collectoribus vulgò relatis; istas enim volunt viri eruditi non pauci, non genuinas esse illorum Pontificum quibus tribuuntur Epistolæ, sed supposititias, & ab ipso Isidoro Mercatore ignoto viro fabricatas: genuinas esse contendunt econtra alii non minùs eruditi. Inter utroque mediam ineundo viam, intacta lite,

## CONCLUSIO.

Licet non certò genuinæ vel supposititiæ sint decretales ad Siricium usque Epistolæ.

Dico, *etsi non satis constet genuinas esse, vel supposititias antiquas illas veterum Romanorum Pontificum ad Siricium usque, decretales epistolæ; satis constare tamen illas esse Theologi veneratione dignas, ubi saltem Canonibus Sacris non contrarias.*

Præb.



Prob. prima pars, nimirum non satis liquidò constare illas genuinas esse vel non, & sic. Non satis liquidò constat, illas genuinas vel supposititias esse, si variz utrumque hinc & inde suadeant conjecturæ: atqui sic est; ergo, &c.

Prob. minor. Illas supposititias esse colligitur & suadetur ex multis.

1. Ex eo quòd nullus octo priorum sæculorum auctor Ecclesiasticus, illarum mentionem fecerit.

2. Ex eo quòd in his laudetur sæpè Scriptura sacra juxta vulgatam sancti Hieronymi versionem.

3. Ex eo quòd in his, nulla hæreticorum illius temporis fiat impugnatio neque mentio.

4. Ex eo quòd Dionysius Exiguus veterum Pontificum epistolarum collector accuratus, suæ collectionis initium ducat à *Siricii* decretalibus, nulla aliarum *Siricii* prædecessorum mentione facta.

5. Denique, aliis omisis, ex eo quòd ex posteriorum Pontificum, Conciliorum, vel SS. Patrum dictis videantur consuta.

Illas econtra genuinas esse suaderi, colligunt alii multi ex multis aliis.

1. Ex eo quòd illas ut genuinas varia agnoverint Concilia, qualia sunt v. g. *Aquisgranense* sub Gregorio IV. habitum, *Colonienſe* c. 3. *Moguntinum* c. 11. *Astense* c. 5. *Rhemense* contra Arnulphum Archipræsulem congregatum, & istis omnibus antiquius Concilium *Romanum* 70. Episcoporum, sub *Gelasio* habitum anno 494. in quo expressè dictum: *Item decretales epistolas, quas beatissimi Papa diversis temporibus ab urbe Romana, pro diversorum Patrum consultatione dederunt, venerabiliter recipiendas esse decernimus.*

2. Ex eo quòd eas ut genuinas admittant non soli Canonum collectores eruditi, inter quos *Anselmus Lucensis* Episcopus, *Burchardus Vormatiensis*, *Tyo Carnotensis*, & *Gratianus*; nec soli juris Canonici Doctores, sed etiam Theologi communiter omnes, ipseque S. Thomas, his sæpè ut genuinis utuntur epistolis ad catholica firmanda dõgmata.

3. Ex eo quòd nectum *Gelasius*, sed etiam *Leo Magnus*, & *Nicolaus I.* summi Pontifices, eas ut genuinas recipi iusserint; *Leo* quidem *Magnus*, dum epist. 1. ad universos Episcopos per provincias universas constitutos dixit: *Omnia decreta constituta omnium prædecessorum nostrorum ita vestram dilectionem custodire debere mandamus, ut si quis illa contempserit, veniam sibi deinceps noverit denegari.* *Nicolaus* verò *I.* Leonis mandatum confirmando in ep. 47. ad Galliz Episcopos data, qua urget eos ad præfatas *Romanorum Pontificum* decretales accipiendas, etiam si non sint *Codici Canonum compaginata*; quoniam inter ipsos Canones, unum *B. Leonis capitulum* constat esse permixtum, quo ita omnia decretalia constituta *Sedis Apostolicæ* custodiri mandantur, ut si quis illa contempserit, *veniam sibi deinceps noverit denegari*; illas siquidem *Romanorum Pontificum* decretales, *Gallorum* aliqui recipiendas negabant, quia Canonum codici non insertas.

4. Quia colligitur supposititias non fuisse reputatas à Galliz Episcopis; nam si eas supposititias existimassent Galliz Præsides, id sine dubio respondissent, à quo urgebantur, *Nicolaus I.* Atqui id nullatenus responderunt, sed solum eas vim Canonum habere negarunt, quia Canonum codici insertæ non erant; ergo.

5. Denique quia ut genuinas à Gallis fuisse habitas colligitur ex utroque eas laudante *Himerio*, *Rhemensi* videlicet & *Laudunensi*, avunculo & ne-

& nepote; eas enim pro sua causa laudat Laudunensis nepos in Rhemensem avunculum, & eas Opusc. 55. cap. 25. *venerabiliter suscipiendas* fateatur Rhemenfis avunculus.

Ex his ergo hinc & inde pro utraque parte certantibus conjecturis patet, non satis liquidò constare, an genuinæ sint vel supposititiæ præfatæ veterum Pontificum ad *Siricium* usque, decretales epistolæ; satis tamen constare, eas Theologi veneratione dignas & non spernendas esse, saltem ubi Canonibus antiquis minimè contrarias; ut sic

Theologi  
tamen ve-  
neratione  
dignæ ubi  
non sacris  
Canonibus  
contrariæ.

Prob. 2. pars. Quia illæ epistolæ à quibuscumque sint auctoribus ortæ, sunt veneratione dignæ, quæ sunt in Ecclesia usu receptæ, quæ sunt ab Apostolica Sede approbatæ, quæ dogmatum veritatem & disciplinæ rationem continent, quæque etiam ab his, qui eas genuinas esse negant, sunt cum veneratione receptæ: atqui præfatæ decretales epistolæ sunt hujusmodi, etiam ex consensu illorum qui eas genuinas esse negant, & supposititias esse volunt; constatque Gallos eas cum veneratione recepisse, & solum negasse Nicolao I. eas parem cum canonibus habere vim, utpote quia Canonum non infertas codici; ergo satis constat eas esse veneratione dignas, & à Theologo quocumque laudari posse, nisi fortè cum antiquis Canonibus fuerint pugnare visæ, aut Gallicanæ Ecclesiæ iuribus obesse.

Objicies. Si genuinæ non sint, sed falsò adscriptæ summis Pontificibus, nulla sunt veneratione dignæ; ergo si non constet illas esse genuinas, non constat illas esse veneratione dignas. Resp. dist. ant. Si certò constet eas esse falsò adscriptas, & aliunde non sint ab Ecclesia receptæ, conc. Si non certò constet eas esse falsò adscriptas, & aliunde sint ab Ecclesia receptæ, ut istæ, neg. ant. & consequ. quia nec certò constat de istis, an sint falsò adscriptæ, & aliunde eas in Ecclesia usu receptas & approbatas esse constat.

## ARTICULUS VI.

*An Constitutiones Apostolicae vulgò dictæ, & octo libris sub Clementis nomine vulgatæ, sint genuinæ vel Apostolorum, vel B. Clementis factus.*

**C**ontroversia est inter eruditos, an Constitutiones istæ præfatæ sint Apostolorum genuinæ vel supposititiæ factus, vel saltem *S. Clementis* Romani Pontificis hujus nominis primi. Genuinos illorum esse factus asserunt nonnulli, apocryphos & supposititios esse, absolutè contendunt alii, cum quibus

## CONCLUSIO.

Dico, *Valdè incredibile esse Constitutiones Apostolicas vulgò dictas, & octo libris sub Clementis nomine vulgatas, genuina esse sive Apostolorum, sive præfati S. Clementis opera; ut sic*

Constitu-  
tiones Apo-  
stolicas,  
vulgò di-  
ctas, Apo-  
stolorum  
esse,

Prob. prima pars. 1. Quia incredibile est & non probabile, constitutiones illas Apostolicas esse, quæ varios continent errores Apostolorum doctrinæ contrarios: atqui istæ præfatæ Constitutiones sunt hujusmodi; ergo vetè Apostolicas esse incredibile est & non probabile. Prob. minor. 1. Con-

stitutio-

stitutiones istæ Apostolicæ vulgò dictæ errant, dum lib. 6. cap. 25. docent hæreticos esse illos, qui suspicantur Jesum Deum esse super omnia. 2. Dum lib. 6. cap. 15. baptismum ab hæreticis collatum iicrari iubent. 3. Dum lib. 8. cap. 33. Sabbatum eadem solemnitate qua diem Dominicam celebrari contendunt. 4. Dum lib. eodem 8. cap. 37. Patrem vocant dominum Spiritus Sancti; quæ omnia doctrinæ Apostolorum omninò contraria; ergo, &c.

2. Quia non est credibile has Constitutiones ab Apostolis conditas esse, quæ dies festos ipsis Apostolis statunt; atqui istæ præfatæ Constitutiones Apostolicæ dictæ dies festos Apostolis sacros statuunt lib. 8. cap. 33. ergo, &c.

3. Quia non est credibile illas Constitutiones esse verè Apostolicas, quæ præcipiunt, alios inter libros in Ecclesia legi Evangelium sancti Joannis Evangelistæ, quod non conscripsit Joannes, nisi post suum ex insula Patmos reditum, & cæteris jam martyrium passis Apostolis; atqui hæ Constitutiones præfatæ lib. 2. cap. 57. Evangelium sancti Joannis in Ecclesia alios inter libros legi præcipiunt; ergo non est credibile eas ab Apostolis conditas fuisse, nec proinde verè Apostolicas esse.

4. Quia si verè Apostolicæ essent, & prioribus Ecclesiæ sæculis notæ Constitutiones illæ, S. Justinus non dixisset in suo cum Tryphone dialogo, Sabbati celebrationem esse Christi passionem extinctam, cum Sabbata celebranda esse doceant Constitutiones illæ. S. Irenæus adversus omnes scribens hæreses, & ad eas debellandas, genuinam S. Clementis ad Corinthios epistolam sæpè citans, citasset haud dubiè & istas Constitutiones. S. Cyprianus pariter laudasset eas, ad suam contra Stephanum tuendam de iterando hæreticorum baptismo causam, cum illæ hæreticorum baptismi iterandum esse doceant; atqui S. Justinus Sabbati celebrationem Christi passionem extinctam esse docuit; S. Irenæus his non est usus Constitutionibus ad varias refellendas hæreses; nec S. Cyprianus ad suam tuendam de iterando baptismo causam; nec alii eorundem priorum sæculorum SS. Patres iis ullibi reperiuntur usi Constitutionibus; ergo eas Apostolicas esse non est credibile, imò neque Clementinas sive à S. Clemente Romano Pontifice conditas; ut sic

Prob. secunda pars primò iisdem ferè rationibus quibus pars prima probata manet:

Vel sancti Clementis est in-credibile.

2. Quia non est valdè credibile omittas fuisse Constitutiones istas ab Eusebio & à S. Hieronymo scripta S. Clementis recensentibus omnia, si genuinæ S. Clementis essent Constitutiones istæ; atqui omittæ sunt ab utroque, cum uterque solam Clementis recenscat ad Corinthios epistolam; ergo non est credibile illas esse Clementinas, sicut nec verè Apostolicas; ergo, &c.

Objicies 1. S. Epiphanius multis in locis has laudat ut Apostolicas contra hæreticos, præsertim hæresi 70. contra Audæanos, dicens: Audæani ad institutum suum quamdam ex Apostolorum Constitutione auctoritatem accommodant; qui liber, tametsi dubiè apud multos fidei sit, non est tamen improbandus; nam in eo quæ ad disciplinam Ecclesiæ attinent, omnia comprehenduntur, neque quidquam aut in fide ac Catholica professione depravatam, aut Ecclesiæ administrationi ac decretis contrarium continet; ergo ut verè Apostolicæ dicendæ. Resp. neg. ant. 1. Quia hæc quæ laudat Epiphanius Constitutiones, sunt ab istis de quibus est quæstio diversæ; cum illæ, ut ipse met

met testatur, nihil in fide, aut Catholica professione contineant depravatam, nihil Ecclesiæ administrationi, ac decretis adversum: istæ verò de quibus est quæstio, varios fidei & Ecclesiæ decretis oppositos contineant errores, ut visum est. 2. Quia etiam & illas quas Epiphanius laudat, non eas ut indubitas Apostolorum fœtus citat, sed ut dubiæ apud multos fidei; ergo inde nulla contra nos certa conclusio.

Objicies 2. *S. Cyrillus* Jerosolymitanus historiam Phœnicis narrans, eam tribuit *S. Clementi* Romano; ergo censeat Clementem Apostolicarum Constitutionum, ex quibus hanc enarrat historiam, auctorem esse. Resp. perm. ant. neg. conseq. quia non in solis Constitutionibus præfatis invenitur hæc hystoria, sed etiam in *S. Clementis* ad Corinthios Epistola legitur, ex qua illam haurire potuit *S. Cyrillus*; unde conclusio nulla.

Objicies 3. *Trullani* Concilii Patres, Canone 2. has præfatas Constitutiones agnoscunt ut Apostolicas, sed eas reprobant & legi vetant, quia ab hæreticis viciatas; ergo verè Apostolicæ sunt, sed viciatæ.

Resp. perm. ant. neg. conseq. quia ceteri apud veteres Græcos in pretio fuerint olim habitæ Constitutiones illæ, nullius tamen sunt nominis in Ecclesia Latina: essent autem alicujus nominis, si verè reputarentur Apostolicæ; nec omnino rejicerentur, licet per hæreticos viciatæ, sed ex veteris emendarentur codicibus; non enim esset credibile, omnes omnino per orbem dispersos codices ab hæreticis fuisse corruptos. Resp. 2. ideo has à *Trullani* Concilii Patribus recipi Constitutiones, quia 85. Apostolorum Canones recipiunt Græci, quorum ultimo jubentur recipi Constitutiones istæ; verum quia hos saltem omnes non agnoscit Ecclesia Latina Canones, ita nec Constitutiones istas agnoscit ut Apostolicas. Quod ut magis clucescat, sit

## ARTICULUS VII.

*An Canones Apostolorum nomine vulgati,  
sint verè Apostolici.*

Quamvis in Ecclesia Græca sexti sub initio sæculi 85. Canones Apostolorum nomine vulgati fuerint, ut verè Apostolici recepti; & ex illis in Ecclesia Latina 50. dumtaxat priores, aliis rejectis, eodem tempore auctoritatem habere cœperint aliquam, & recipi, eosque ut genuinos Apostolorum fœtus, & à *B. Clemente* collectos agnoverint Latini Scriptores non pauci, ut *Baronius*, *Bellarminus*, *Turrianus*, *Possëvinus*, & alii; existimant tamen hodie eruditi serè omnes cum *Gelasio* Rom. Pont. hos omnes tam priores 50. quàm posteriores 35. utilia continentes multa, apocryphos esse ac supposititios Apostolorum Canones; nec proinde à *B. Clemente* collectos. Hæc inter dubia,

## CONCLUSIO.

Dico, multò probabilius esse supposititios esse & non genuinos Canones, Apostolorum nomine vulgatos, & sic

Prob.

Pr. 1. Quia valdè probabile est, quòd si verè Apostolici essent Canones illi, *Eusebius Casariensis*, & *Hieronymus*, qui omnia Apostolorum recensent opera, non iliusissent illos: atqui silent penitus illos, illorum nulla mentione facta; ergo valdè probabile est, eos non genuinos, sed supposititios esse Apostolorum Canones.

Probabilius est supposititios esse & non genuinos Canones Apostolorum vulgò dictos.

2. Quia valdè probabile est, imò & plusquam probabile, hos Canones non esse verè Apostolicos, quos *Gelasius* in Concilio Romano 70. Episcoporum, apocryphos esse iudicat: atqui *Gelasius* Papa hoc in præfatio Concilio huiusmodi Canones Apostolorum vulgò dictos apocryphos iudicat, dum tres Librorum ordines distinguit, quorum primus continet sacros novi & veteris Testamenti Libros: Secundus non sacros, nec Canonicos, sed probatos ab Ecclesia Libros, ut acta Conciliorum & opera SS. PP. Tertius verò Libros ab Ecclesia reiectos & non probatos, & in isto recenset præfatos Canones Apostolorum nomine vulgatos; ergo valdè probabile, imò plusquam probabile est, hos non verè Apostolicos esse, sed supposititios Apostolorum Canones.

3. Quia si verè Apostolici essent Canones isti, & à temporibus Apostolicis cogniti, fuissent ab aliquo priorum sæculorum S. Patre vel Scriptore sacro, præsertim data occasione memorati: atqui à nullo inveniuntur memorati, neque etiam occasione data citati; ergo, &c. Pr. min. Si quis citasset eos sibi occasione data, maximè *S. Cyprianus* contra *Stephanum*, pro tuenda sua de iterando hæreticorum Baptismo causa; citasset siquidem contra *Stephanum* Canonem 46. expressè dicentem: *Episcopum, aut Presbyterum hæreticorum suscipientem Baptisma daminari precipimus. Sanctus Epiphanius* pariter hæresi 58. *Valesiorum* scipios abscondentium sive castrantium impugnans hæresim, citasset sine dubio Canones 21, 22, & 23. id expressè prohibentes, dicendo: *Si quis Clericus se abscondat, deponatur; si Laicus, segregetur, quia est sui homicida, & Dei creationi inimicus*. Eos pariter sine dubio citasset *Victor* Pontifex Summus in controversia de Paschate celebrando contra Asiaticos, cum Canon 7. vetet Pascha cum Judæis celebrare: atqui *Cyprianus*, *Epiphanius*, & *Victor* Pontifex Romanus, Canones istos nullibi unquam occasione data, pro sua causa citarunt, nec illorum usquam meminerunt; ergo valdè probabile est, & plusquam probabile, hos verè Apostolicos non esse, nec à *B. Clemente* collectos.

4. Quia si verè Apostolorum essent Canones isti, non dixisset *S. Ambrosius* de Sabbati jejuniis: *Cum Romam venio, jejuno Sabbato; cum hic sum, id est Mediolani, non jejuno*. Non dixisset *Innocentius I.* epist. 1. ad *Decentium* Eugubinum Episcopum data: *Sabbato jejunandum evidentissima ratio demonstrat*; non dixisset *S. Hieronymus* epist. 28. ad *Licinium*, liberum esse cuique Sabbati jejunium, ut re ipsa indicavit, dicens: *Unaquaque Provincia abundet in suo sensu*; non denique sanctus *Augustinus* de eodem Sabbati jejuniis loquens, dixisset: *Video præceptum esse jejunium; quibus autem diebus non oporteat jejunare, & quibus oporteat, præcepto Domini, vel Apostolorum non video definitum*: cum tamen Canones isti Apostolici vulgò dicti, Canone 65. expressè dicant: *Si quis Clericus inventus fuerit die Dominico jejunare, vel Sabbato, præterquam uno solo, deponatur; si autem Laicus, segregetur*; ergo cum hoc dicant hi SS. PP. probabile est præfatos Canones genuinos non esse, sed supposititios Apostolorum factus.

5. Deni-

5. Denique si verè Apostolici essent Canones, Apostolorum nomine vulgati, valdè probabile est quòd S. Isidorus Hispalensis eos non rejecisset ut apocryphos, dicens: *Canones qui dicuntur Apostolorum, nec Sedes Apostolica recepit, nec SS. PP. illis assensum præbuerunt, pro eo quòd ab hæreticis, sub nomine Apostolorum, compositi dignoscuntur; & quamvis in eis utilia inveniantur, tamen auctoritate Canonica atque Apostolica eorum gesta constat esse remota, atque inter apocrypha reputata*: ergo valdè probabile est, imò plusquam probabile non verè Apostolicos esse Canones illos, etli Apostolorum nomine vulgatos.

Nec genuinos esse probatur ex Conc. Nicæno.

Obijcies 1. Concilium Nicænum I. Can. 5. & Concilium Antiochenum Can. 2. dum vetant excommunicatum ab una Ecclesia recipi ab altera, dicunt hoc esse juxta Ecclesiæ regulas; ergo Apostolica Canones agnoscunt ut verè genuinos, cum per Ecclesiæ regulas intelligant ibi Apostolorum Canones, v. g. Canonem duodecimum Apostolorum id expressè prohibentem. Resp. perm. ant. neg. conseq. quia dici non potest, quòd ibi nomine Regularum Ecclesiæ, intelligant hujus Concilii Patres Canones Apostolorum; non solum quia nulli erant, saltem genuini, sed quia si eos intellexissent, sine dubio nominassent ad majus suæ prohibitionis pondus; intellexere autem nomine Regularum Ecclesiæ, publicos Ecclesiæ usus seu consuetudines jam inductas; consuetudo autem vim legis habet, ac proinde vim regulæ.

Instabis. Idem Concilium Nicænum Can. 12. translationes de una Ecclesia ad aliam prohibens, expressè addit, hoc esse *præter Canonem*: atqui ibi nomine Canonis, non alium intelligit quàm Canonem 15. Apostolorum, quo hæ prohibentur translationes: ergo nomine Regularum Ecclesiæ, Apostolorum Canones intellexit Concilium. Resp. conc. maj. neg. min. quia ut potuerit à Concilio dici, hoc esse *præter Canonem* seu Regulam, satis est quòd fuerit contra illius temporis Ecclesiæ usum: cum publicus Ecclesiæ usus legitime introductus, sit consuetudo, & consuetudo sit regula sive lex non scripta.

Vel ex Antiocheno.

Urgebis. Concilium Antiochenum Nicæno posterius Can. 21. idem vetans, ait expressè id non esse *secundum decretum prius ea de re editum*; ergo expressè indicat Canonem 15. Apostolorum prius ea de re editum, & non solum publicum illius temporis Ecclesiarum usum. Resp. perm. ant. neg. conseq. quia Concilium illud Antiochenum Nicæno posterius potuit per decretum *ea de re editum*, intelligere Canonem hac de re jam à Nicæni Concilii Patribus editum.

Vel ex Constantinopolitano.

Obijcies 2. In Concilio Constantinopolitano sub Nectario habito, definitur Episcopum accusatum, è gradu suo deici non posse à duobus Episcopis, sed ad hoc requiri Episcoporum totius Provinciæ Synodum, *ut Apostolicis constituturum Canones*; ergo noti, & pro genuinis habiti erant tunc temporis Apostolorum Canones. Resp. perm. ant. neg. conseq. quia ibi nomine Canonum Apostolicorum intelligunt hujus Concilii Patres, non Canones ab ipsis Apostolis, sed à viris Apostolicis editos, v. g. editos à Nicæni Concilii Patribus, viris verè Apostolicis scèrè omnibus, & sanctis, à quibus id Canone 5. definitum. Unde uno verbo ut variis satisfiat difficultatibus aliis, Resp. quòd quoties aliqua illius temporis Concilia, vel SS. Patres, vel Auctores sacri laudant vel memorant Ecclesiæ regulas, leges, decreta, definitiones, vel Canones, illorum omnium nomine non intelligi Canones ab Apostolis vere delapsos, sed solum leges vel regulas in Ec-

in Ecclesia tunc usu receptas, sive à Synodo aliqua particulari, sive à particularibus Episcopis, virisque aliis quibuscumque Apostolicis editas, vel ad summum leges sive regulas ab Apostolis ipsis non scripto, sed solatraditione profectas. His politis, cum solus Romanus Pontifex leges sive constitutiones condere possit, quæ Ecclesiam ligent universam, idque solus possit nniversalis Ecclesiæ Primas, & Petri Successor solus, ideo sit

## ARTICULUS VIII.

*An & quo jure Romanus Pontifex sit totius Ecclesiæ Primas, sive Primatum supra ceteros Episcopos habeat.*

CUM Romano Pontifici supra ceteros Episcopos primatus non aliunde competat, quàm quia Successor est sancti Petri, primi in terris Christi Vicarii, cui primum fuit à Christo concessus ille supra Ecclesiam & supra ceteros Apostolos primatus, non ut in Petro & cum Petro desineret, sed ut à Petro ad Petri Successores transiret, sicque successionem perpetua, quamdiu duraret Ecclesia, ad finem usque mundi duraret; ideo Romanæ Sedis hostes hæretici *Vicleffus, Lutherus, Calvinus, Magdeburgenses* & alii, ut nullum Romano Pontifici supra ceteros Episcopos primatum competere suadeant, nullum talem soli Petro supra ceteros Episcopos primatum, sed omnibus simul Apostolis supra Ecclesiam à Christo fuisse collatum asserunt; & si quem inter Apostolos primatum dicatur habuisse Petrus, non jurisdictionis & auctoritatis, sed ordinis fuisse volunt, ratione cujus primus fuerit inter æquales; unde Romanum Pontificem Petri Successorem, nullum pariter jure divino supra ceteros Episcopos habere primatum inferunt; obtinuisse tamen postea jure Ecclesiastico sive Conciliorum decretis, primatum quemdam supra Episcopos alios, ratione cujus primus esset, primus federet, primusque sententiam diceret, non tamen ceteris imperaret. Contra quos, & alios quoscumque

## CONCLUSIO.

Dico, *Petrum inter Apostolos, & Romanum Pontificem inter Episcopos jure divino tenere primatum, seu Petrum jure divino fuisse post Christi in Cælos ascensum, visibile Ecclesiæ caput, Principem ac Primatem, & eodem jure post Petri discessum ad nostra usque tempora, successorem ejus Romanum Episcopum, & sic*

Pr. prima pars. Primò, ex duplici, eoque celebri Scripturæ textu, in quorum uno Christus soli Petro promittit, & in altero reipsa confert Ecclesiæ claves, hoc est, Primatum, sive supremam in Ecclesia potestatem per claves designatam. Primum desumitur ex Matth. cap. 16. vers. 17. ubi Christus Petrum alloquens ait: *Beatus es Simon Barjona: quia caro & sanguis non revelavit tibi .... Et, Ego dico tibi, quia tu es Petrus, & super hanc petram ædificabo Ecclesiam meam, & porta inferi non prævalebunt adversus eam. Et tibi dabo claves regni Cælorum.* Secundum depromitur ex illo Joan. cap. 21. vers. 15. ubi Christus eundem alloquens Petrum, ait: *Simon Joannis diligis me plus his? .... Pasce agnos meos; & iterum, Pasce*

Romanum Pontificem jure divino primatum habere probatur.

*Pasce oves meas* : atqui hæc Christi verba, *Tibi dabo claves*, & ista, *Pasce agnos meos*, *Pasce oves meas*, ad solam Petri personam, & non ad alios Apostolos fuisse directæ, ut patet ex antecedentibus istis : *Beatus es Simon Barjona*, &c. *Simon Joannis me plus his* ? ergo & primatus Ecclesiæ, seu suprema Ecclesiæ regendæ potestas his verbis designata & collata, fuit soli Petro collata. Pr. minor. Si hæc verba non essent soli Petro directæ, maxime quia ibi in priori textu præfato, nomine *Petræ* non intelligitur persona Petri, sed persona Christi, ut *Lutherani* contendunt, & *Calvinistæ* ; vel quia nomine *Petræ* intelligitur Ecclesia, in persona Petri repræsentata & figurata, ut placet aliis :

Atqui hoc utrumque fallum est ; nam 1. si nomine *Petræ* ibi intelligeret Christus non personam Petri, sed seipsum, quamam esset consequentia, quæ connexio, inter hæc Christi verba, *Tu es Petrus*, & *super hanc petram ædificabo Ecclesiam meam* ? Quia tunc idem esset, ac si diceret, *Tu es Petrus*, & *super hanc petram*, id est, *super me ædificabo Ecclesiam*. 2. Ad quid Christus mutasset nomen Apostoli ? antea enim dicebatur *Simon*, & postea vocavit eum *Cephæ* ; *Tu vocaberis Cephas*, quod interpretatur *Petrus* ; nisi ut hac nominis mutatione significaret Christus, se Simonem elegerisse ut petram, supra quam suam ædificaret Ecclesiam, & ut Caput visibile, à quo post suum in Cælos ascensum eadem regatur Ecclesia : *Cephæ* enim vox Syriaca est, græcè *Petræ*, & latinè *Caput* significans. 3. Quia ibi nulla esset expressa remuneratio confessionis Petri de Christo, quod est contra SS. Ecclesiæ Patres ; ergo dici nequit ibi nomine *Petræ* seipsum intellexisse Christum. Non etiam dici potest, quòd hoc nomine *Petræ* intelligat Ecclesiam ; quia si hoc esset, quando dixit Christus : *Super hanc petram ædificabo Ecclesiam meam*, idem esset ac si dixisset, *Super Ecclesiam ædificabo Ecclesiam* : quod esset nugatorium & absurdum ; ergo.

Pr. 2. Ex communi SS. PP. consensu, unanimi voce dicentium, *Petrum* esse illam *petram* supra quam fundata est à Christo Ecclesia ; Petrum esse illum, cui soli dictum est à Domino : *Pasce agnos meos*, *Pasce oves meas*. Ergo ille solus à Christo constitutus Princeps, *Petræ* & Caput Ecclesiæ, ille solus Pastor agnorum & ovium, subditorum & Prælatorum ; unde sanctus *Eucherius* Lugdunensis Episcopus, in sermone de Natali SS. Apostolorum Petri & Pauli ait : *Præus agnos, demde oves commisit ei, quia non solum Pastorem, sed Pastorum Pastorem eum constituit. Pascit igitur Petrus agnos, pascit & oves, pascit filios, pascit & matres, regit & subditos & Prælatos ; omnium igitur Pastor est, quia præter agnos & oves, in Ecclesia nihil est* : ergo & Apostolorum fuit Pastor, ac consequenter illorum Princeps, Primas & Caput.

Pr. 3. Ex variis *Petri* prærogativis, ex quibus non seorsim, sed simul sumptis, ejus super alios Apostolos colligitur Primatus ; quarum prima est, quòd Christus soli Petro inter Apostolos nomen mutaverit. 2. Quòd quoties in Evangelio recensentur Apostolorum nomina, primo loco semper ponatur Petrus. 3. Quòd Scriptura loquatur de Petro tanquam de Principe, de aliis tanquam de subditis. 4. Quòd soli Petro facta sit prima revelatio Divinitatis Christi. 5. Quòd soli Petro sit à Christo promissa stabilitas Fidei & Cathedræ. 6. Quòd soli Petro inter omnes Apostolos primum post resurrectionem apparuerit Christus. 7. Quòd soli Petro absolute dixerit, *Pasce agnos meos*, *Pasce oves meas*. 8. Quòd Petrus sua auctoritate congregaverit alios ad eligendum novum Apostolum, in Judæa proditoris



ditoris locum. 9. Quod primus promulgaverit Judæis Euangelium, post acceptum Spiritum sanctum. 10. Quod primum miraculum apud Judæos fecerit, in confirmationem Euangelii. 11. Quod denique in Apostolorum Concilio, pro Legalium cessatione Jerosolymis habito, primus omnium sententiam dixerit, quam secuti sunt ceteri, etiam Jacobus Jerosolymitanus Episcopus; ergo, &c.

Pr. 4. ratione fundamentali. Si regimen Ecclesiæ non soli Petro, sed omnibus simul Apostolis esset à Christo traditum, regimen Ecclesiæ non esset Monarchicum, sed Aristocraticum: atqui hoc dici non potest; ergo. Probatür minor. Ecclesia in sacris Literis solet communiter designari per ea quæ habent statum Monarchicum; ergo & ipsa statum Monarchicum habere debet; alioquin nulla esset comparatio. Probatür ant. Ecclesia comparatur regno, exercitui, domui, navi, ovili, & similibus: atqui hæc omnia habent Monarchicum statum, ut patet; cum in regno sit Rex unicus, in exercitu Dux primarius sive Præfectus unicus, in domo Pater-familias unus, in navi gubernator unus, & in ovili Pastor unus; ergo & Ecclesia, quæ per ea designatur, statum Monarchicum habere debet; ergo & supremum Pastorem habere unicum; ergo Christus suæ Ecclesiæ Pastorem instituens supremum, unicum & non plures instituit, ac proinde non omnibus simul, sed soli Petro Primum, sive supremi Pastoris auctoritatem contulit, dicens: *Pasce oves meas*; ergo & illi soli, & non omnibus simul eundem promiserat Primum, dicens: *Tibi dabo claves regni Calorum*; ac proinde à Christo, seu ex Christi institutione, & jure divino Primum inter Apostolos habuit Petrus; ergo & eodem jure inter Episcopos Romanus Pontifex; ut sic

Pr. 2. pars. Primò, Christus tradens Petro auctoritatem & formam regendi Ecclesiam, tradidit illam ut perpetuò duraturam, seu ut tandiu duraret, quamdiu duraret Ecclesia; ergo & ut duraret non in solo Petro, sed & in Petri successore: atqui ex perpetua traditione, & perenni Ecclesiæ doctrina Romanus Pontifex canonicè electus, est S. Petri successor legitimus. Unde meritò S. Augustinus in Epist. 162. dixit, *In Romana Ecclesia semper Apostolica Cathedra vigit Principatus*. Unde & S. Hieronymus Epist. 67. quæ est ad Damasum Romanum Pontificem data, ait: *Beatitudini tue, id est, Cathedra Petri communione consocior*; unde & longè post S. Bernardus lib. 2. de Consideratione ad Eugenium Romanum Pontificem, hujus nominis tertium, cap. 8. ait: *Tu Princeps Episcoporum, tu heres Apostolorum, tu primatus Abel, gubernatu Noe, Patriarchatu Abraham, ordine Melchisedech, dignitate Aaron, auctoritate Moyses, iudicatu Samuel, potestate Petrus..... nec modò ovium, sed & Pastorum omnium tu unus Pastor..... Alii in partem sollicitudinis, tu in plenitudinem potestatis vocatus es*. Unde & Chalcedonensis Concilii Patres, S. Leonis Romani Pontificis Epistolam approbantes, unanimi voce conclamant: *Petrus per Leonem locutus est*. Unde denique Florentinæ Synodi Patres id definiendo, sic ajunt: *Definimus sanctam Apostolicam Sedem, & Romanum Pontificem in universum orbem tenere primum, & ipsum Pontificem Romanum Successorem esse beati Petri Principis Apostolorum, & verum Christi Vicarium, totiusque Ecclesiæ caput, & omnium Christianorum Patrem ac Doctorem existere; & ipsi in beato Petro pascendi, regendi ac gubernandi universalem Ecclesiam, à Domino nostro Jesu Christo plenam potestatem traditam esse, quemadmodum etiam in gestis acumenicorum Conciliorum, & in sacris Canonibus continetur*. Quo nihil expressius

Appar. Annati T. II.

R

ad no-

ad nostram firmandam thesim dici potest; ergo eodem jure divino quo fuit in Petro, hoc est, ex institutione Christi, durat adhuc in Romano Pontifice Ecclesiæ Primatus, seu suprema illa Ecclesiam universam regendi potestas; idque de fide certum, cum sit à Concilio definitum œcumenico.

Pr. 2. & confirmatur. Forma regiminis Ecclesiæ non est mutata, nec mutabitur usque ad finem mundi; ergo est adhuc eadem post Christi in Cœlos ascensum, ac erat antè: sed antè talis erat hæc regiminis forma, ut regeretur Ecclesia per unum visibile Caput, scilicet per Christum; ergo & post Christi in Cœlos ascensum regitur per alterum visibile Caput loco Christi: atqui illud Caput visibile non potest esse aliud quàm Petrus, cui Christus ait: *Tu vocaberis Cephas* Syriacè nempe, Græcè *Petra*, & Latine *Caput*, & addidit: *Pasce oves meas*, id est, esto Præpositus, Pastor & Caput Ecclesiæ loco mei; ergo Petrus fuit visibile Caput regens Ecclesiam: & cum forma regiminis non sit mutata, nec ad finem usque mundi mutanda, post Petri discessum debuit in ea aliud remanere visibile Caput Petro succedens, à quo regeretur Ecclesia: sed nullum aliud dici potest tale post Petrum visibile Caput, quàm Romanus Pontifex, legitimus Petri Successor ex communi SS. PP. & Ecclesiæ consensu; ergo ille solus, & eodem jure quo Petrus, est visibile Ecclesiæ Caput.

Respon-  
detur con-  
tradictenti-  
bus Adver-  
sariis.

Obijcies 1. in primam partem. Quando dicitur à Christo, Matth. 16. vers. 18. *Tu es Petrus, & super hanc petram ædificabo Ecclesiam meam*, ibi per *Petram* non intelligitur Petrus, sed Christus qui petra est, juxta illud Pauli 1. ad Cor. cap. 10. vers. 4. dicentis: *Petra autem erat Christus*; ergo ex illo textu probari nequit Petri primatus. Resp. neg. ant. quia etsi in citato Pauli loco per *Petram* intelligatur Christus, non sequitur quòd ubique per *petram* intelligat Scriptura Christum; proprium enim est metaphorici nominis, ut non semper in eodem usurpetur sensu, sed in diverso, juxta diversos respectus & relationes; sic nomen *Petra* sumitur ibi à Christo & Paulo in diverso sensu, & prout relationem dicit ad diversa; nam sumitur à Paulo, dum ait, *Petra autem erat Christus*, prout dicit relationem ad aquas è rupe scaturientes, ut patet ex contextu sic dicente: *Bibebant de spiritali, consequente eos, petra: petra autem erat Christus*; & per hoc intendit significare Paulus, Christum fuisse omnium gratiarum fontem, quas iusti omnes etiam veteris Testamenti perceperunt, qui non nisi per fidem in Christum venturam salutem consecuti sunt. Quando autem Matth. 16. vers. 18. nomen illud *Petra* adhibetur à Christo, sumitur prout dicit relationem fundamenti ad ædificium, & applicatur ibi non Christo; sed Petro, ad significandum Petrum esse fundamentum supra quod Christus suam ædificavit Ecclesiam.

Instabis ex Apostolo 1. ad Cor. cap. 3. vers. 11. *Fundamentum aliud nemo potest ponere, præter id quod positum est, quod est Christus Jesus*; ergo Petrus non potest dici fundamentum Ecclesiæ, sed Christus. Resp. dist. ant. non potest esse aliud fundamentum præcipuum & primarium, in quo fundetur Ecclesia, conc. Secundarium & ministeriale, quodque sit Primarii Vicarium, neg. ant. & conseq. quia dum asseritur Petrum Ecclesiæ fundamentum esse, hoc de secundario & ministeriali fundamento intelligitur, quodque non excludit, sed supponit primarium & principale, scilicet Christum.

Obijcies 2. Plures SS. Patres, ut *Hilarius*, *Chrysost.* & *Gregorius Nyssenus* interpretantes hæc Christi verba, *Super hanc petram, &c.* dicunt nominem *petra* intelligi *fidem* & *confessionem* Petri; ergo ex iis non potest colligi Petri

Petri Primatus. Resp. perm. ant. neg. conseq. quia Catholicè utrumque dici potest, Ecclesiam nempe fundatam esse supra *Petrum*, & supra fidem seu confessionem Petri causaliter, quia nimirum confessio illa Petri fuit causa meritoria, propter quam obtinuit S. Petrus ut fundamentum esset Ecclesiæ; unde sic facile conciliantur SS. PP. dicendo videlicet quòd quando dicunt Ecclesiam fundari supra *Petrum*, denotant subiectum in quo recipitur talis dignitas fundamenti, sive capitis Ecclesiæ; quando verò dicunt fundari supra fidem Petri, denotant causam meritoriam, ob quam illam à Christo consecutus est dignitatem Petrus: sicut quando S. Hieron. in Epist. 61. quæ est ad Pammachium, ait: *Super aquas Petri corpus non ambulasse, sed fidem*, idem significat ac si diceret, *Petrum non sui corporis agilitate, sed fidei suæ virtute super aquas ambulare meruisse.*

Obijcies 3. Christus suam Ecclesiam cæteris Apostolis aliis æquè commendavit ac Petro; omnibus enim dixit Joan. cap. 20. vers. 21. *Sicut misit me Pater, & ego mitto vos..... Accipite Spiritum sanctum; quorum remiseritis peccata, remittuntur eis, &c.* Omnibus pariter dixit, *Euntes docete omnes Gentes*; ergo nihil potestatis supra Ecclesiam accepit à Christo Petrus, quod non acceperint & cæteri. Resp. 1. neg. ant. quia non omnibus, sed soli Petro dixit, *Pasce oves meas.* Vel Resp. 2. dist. ant. antequam diceret Petro, *Pasce oves meas*, conc. ant. quando dixit, vel postquam dixit Petro, *Pasce oves meas*; nego ant. Ratio est, quia tunc accepit Petrus Primatum à Christo dicente, *Pasce oves meas*, quem cum non acceperint alii, ideò licet antea fuerint Petro æquales, non tamen post collatum Petro Primatum à Christo dicente, *Pasce oves meas*: & in hoc sensu intelligendus S. Cyprianus in tractatu de simplicitate Prælatorum, seu de unitate Ecclesiæ dicens: *Hoc erant utique & cæteri Apostoli, quod fuit Petrus, pari consortio præditi & honoris & potestatis*, hoc est, æquales erant Apostoli, antequam Petro diceretur, *Pasce oves meas*, quia omnes æqualem honorem & potestatem Apostolatus habebant.

Instabis ex S. Aug. tractatu 5. in Joan. *Si hoc Petro tantum dictum est, non facit hoc Ecclesia; si autem & in Ecclesia sit, ut quæ in terra ligantur, in Cælo ligentur; & quæ solvantur in terra, solvantur in Cælo..... Petrus quando claves accepit, Ecclesiam sanctam significavit*; ergo ex S. Aug. non soli Petro, sed toti Ecclesiæ, seu omnibus conjunctim Apostolis fuisse claves à Christo datæ; seu claves non unus homo, sed unitas accepit Ecclesiæ. Resp. neg. conseq. ratio est, quia ex iis S. August. verbis colligi tantum potest, sensum S. Augustini esse, quòd solus Petrus, non ut persona privata, sed Petrus ut repræsentans unitatem Ecclesiæ, tanquam Caput ejus, supremusque Pastor à Christo constitutus claves accepit, seu quòd Petrus nomine Ecclesiæ, non ut delegatus, sed ut supremus ejus post Christum Princeps, Pastor & Rector, claves accepit. Hunc esse S. Augustini sensum patet ex ipsomet Augustino dicente: *Solus Petrus totius Ecclesiæ meruit gestare personam, & propter ipsam personam quam totius Ecclesiæ gestabas, meruit audire: Tibi dabo claves regni Cælorum.*

Obijces 4. ex S. Hieronymo lib. 1. contra Jovinianum: *Super Petrum fundatur Ecclesia; licet id ipsum alio in loco super omnes Apostolos fiat, & cuncti claves Cælorum accipiant, & ex quo super eos Ecclesia fortitudo solidetur; tamen propterea inter duodecim unus eligitur, ut capite constituto, schismatis tollatur occasio*; ergo ex S. Hieron. non solus Petrus, sed & cuncti Ecclesiæ claves acceperunt Apostoli. Resp. perm. ant. dist. conseq. cuncti

acceptere diverso modo quo Petrus, conc. Eodem modo, neg. conseq. Ratio est, 1. quia Petrus eas accepit ut ordinarius Ecclesiæ Pastor, cæteri ut extraordinarii, per. accicens & ex necessitate; unde est quod auctoritas illa per claves designata, quæ fuit Petro collata, transiit ad Petri successorem Romanum Pontificem, quia ordinaria erat; quæ verò fuit cæteris collata Apostolis, non transiit econtrà ad Apostolorum successores Episcopos, quia ordinaria non erat, sed delegata & extraordinaria, illisque per accicens ob necessitatem tanquam delegatis & extraordinariis Ecclesiæ Pastoribus concessa, utque fuisset in ipsis, & non transiret ad successores Episcopos. 2. Quia cæteri eam acceptere cum dependentia, & subordinatione ad Petrum; Petrus verò sine dependentia, & subordinatione ad ipsos; idque satis colligitur ex eo quod soli Petro dictum sit, *Pasce agnos meos, Pasce oves meas*; id est, esto Rector supremus Ecclesiæ meæ, seu Pastor agnorum & ovium mearum; ergo & Apostolorum aliorum, qui verè erant primi Ecclesiæ Christi fideles; ergo & agni vel oves erant, cum præter agnos & oves in Ecclesia nihil sit; ergo cum dependentia & subordinatione ad Petrum, cæteros Apostolos Ecclesiæ clavibus uti voluit Christus.

Instabis. Cæteri Apostoli æquè ac Petrus dicuntur Ecclesiæ fundamenta, juxta illud Apocalypsis cap. 21. vers. 14. *Et murus civitatis, per quam intelligitur Ecclesia, habens fundamenta duodecim, & in ipsis duodecim nomina duodecim Apostolorum Agni*; ergo æquales omnino fuere cum Petro cæteri Apostoli, ac proinde æquè independentes ab illo, ac ille ab ipsis. Resp. perm. ant. neg. conseq. Ratio est, quia idè dicuntur Ecclesiæ fundamenta cæteri Apostoli, æquè ac Petrus, 1. Quia ipsi Ecclesias fundarunt quamplurimas: non enim totum terrarum orbem ad fidem convertit Petrus, sed alias regiones *Jacobus*, alias *Petrus*, alias *Paulus*, alias alii. 2. Ratione gubernationis Ecclesiæ, quia omnes re ipsa fuere universalis Ecclesiæ Rectores æquè ac Petrus, sed diverso jure; ille nempe jure ordinario, isti extraordinario; ille sine dependentia ad ipsos, isti cum dependentia & subordinatione ad illum.

Obijcies 5. tam in primam, quàm in secundam partem. Ex Apostolo 1. ad Cor. cap. 12. Christus & Ecclesia unum constituunt corpus mysticum, ex capite & membris integrum; ergo omnes fideles Ecclesiæ præter Christum sunt membra Ecclesiæ, ac proinde nullus præter Christum, sive Petrus, sive Romanus Pontifex, sive alius quicumque fidelis potest esse Ecclesiæ caput. Resp. perm. ant. dist. conseq. Nullus præter Christum potest esse Ecclesiæ caput, quoad internum influxum, conc. Quoad externum regimen, subdist. Caput primum Ecclesiæ, conc. Secundarium & subordinatum, neg. conseq. Ratio & explicatio distinctionis est, quia caput Ecclesiæ potest considerari, vel quatenus est caput per internum influxum in singula membra, vel quatenus est caput Ecclesiæ per externum regimen. Si primo modo contideretur, solus Christus est caput Ecclesiæ, quia ille solus in omnia membra influit gratiarum dona, illeque solus gratiam capitalem habet, de qua nos accepimus omnes; si verò spectetur caput quoad externum Ecclesiæ regimen, præter Christum potest esse aliud, estque re ipsa aliud, non primum quidem & propria virtute influens, sed secundarium tantum, & primarii virtute agens ac influens, quale fuit post Christum Petrus, quale est post Petri discipulum, Petri successor Romanus Pontifex. Nec mirum videri debet quod

duo

duo sic subordinata capita, unum primum & secundarium alterum, habeat Ecclesia, cum id idem videri constet in regno eodem habente Regem & Proregem, & utrumque ut caput in regimine externo, sed primum unum, secundarium ac subordinatum alterum.

Objicies 6. Ceteri Apostoli se Petro æquales censebant, nec illum ut superiorem sive Primatem agnoscebant, juxta illud Luc. cap. 22. vers. 24. *Falsa est autem & contentio inter eos, quis eorum videretur esse major*; ergo æquales Petro erant ceteri Apostoli. Resp. dist. ant. ante Spiritus Sancti super illos descensum, & priusquam esset Petro dictum, *Pasce oves meas*, conc. ant. Post Spiritus Sancti super illos descensum, & post à Christo Petro dictum, *Pasce oves meas*, neg. ant. & sub ead. dist. consequ. quia dum asseritur à nobis primum inter Apostolos habuisse Petrum, intelligitur de Petro considerato post hæc sacra Domini verba, *Pasce oves meas*, ad illum unicum à Christo directa.

Objicies 7. in secundam partem. Romanus Pontifex non est Episcopus Episcoporum, juxta illud sancti Cypriani, in Epistola ad Quintum dicentis: *Nemo nostrum se Episcoporum Episcopum constituit*; ergo Rom. Pont. primum supra Episcopos alios non habet. Resp. neg. ant. & probationem ejus ex verbis S. Cypriani deductam. Ratio est, 1. quia ibi S. Cyprianus non de omnibus absolute loquitur Episcopis, sed de Africanis tantum in Carthaginensi Concilio congregatis, ubi agitabatur celebris de rebaptizandis hæreticis questio. 2. Quia si hæc in Romanum Pontificem sint prolata Cypriani verba, hæc non probantur ab Ecclesia, quia non sunt Christi, sed Cypriani, id est, hominis in Stephanum Romanum Pontificem tantisper irati.

Instabis. Romanus Pontifex non potest judicare Episcopos, ut constat ex eodem S. Cypriano ibidem dicente: *Sed expectamus universi iudicium Domini nostri Jesu Christi, qui unus & solus habet potestatem & præponendi nos in Ecclesia sue gubernatione, & de actu nostro iudicandi*. Ergo ex S. Cypriano non est Episcopus Episcoporum, nec proinde Primas eorum. Resp. dist. ant. explicando Cypriani sensum: Romanus Pontifex non alios judicare potest Episcopos, sed solus Deus, de occultis vel dubiis; conc. De rebus exploratis & manifestis, neg. ant. & consequ. nec quid aliud intendit S. Cyprianus, quem minime latebat Episcopos nedum à Romano Pontifice, sed etiam à Comprovincialibus in Concilio congregatis Episcopis judicari posse de bene vel male gestis circa suum regimen Ecclesiarum.

Objicies 8. ex S. Cypriano, *Episcopatus unus est, cujus pars à singulis in solidum tenetur*; ergo Romano Episcopo ceteri æquales sunt Episcopi. Resp. perm. ant. neg. consequ. quia dum sanctus Cyprianus ait, quod *Episcopatus sit unus*, non sic intelligendus, ut velit significare quod sit unus numero participatus à singulis; sed solum, inquit Glossa, quod ordo Episcopalis sit unus specie, qui deinde numero est divisus in singulis Episcopis, à quibus ut veris titularibus & solidariis, & non ut à Vicariis ad nutum mobilibus tenetur; ita ut quilibet Episcopus Episcopatum unum habeat, qui est pars subjectiva Episcopatus in communi & in specie considerati; quod non impedit quominus Romanus Episcopus primum habeat super alios, cum suum Episcopatum non habeant ceteri, nisi cum dependentia & subordinatione ad ipsum.

## ARTICULUS IX.

*An Romanus Pontifex universalis dici possit Episcopus.*

Sciendum est primò, Romanum Pontificem universalem Episcopum dici, bisariam intelligi posse : 1. enim ita potest intelligi dici universalis Episcopus, ut ipse solus & nullus alius sit omnium etiam particularium Ecclesiarum Episcopus; cæteri verò particulares Episcopi non sint Episcopi propriè, sed illius dumtaxat quasi Vicarii. 2. Ita ut universalem gerat universalis Ecclesiæ curam, quin excludat particulares particularium Ecclesiarum Episcopos, sive, ut explicant alii, universalis dici potest in *essendo*, vel in *causando*. Universalis in *essendo* Episcopus diceretur, si solus ipse & nullus alius Episcopus esset; universalis verò in *causando* dicitur, & non in *essendo*, si generalem dumtaxat curam influat in omnes etiam particulares Ecclesias, quin impediat particularem cujuslibet Episcopi curam: eo ferè modo, quo Sol universalis dicitur in *causando*, quia in hæc sublunaria influunt omnia, quin excludat, sed juvet potius & foveat particulares sublunarium causarum influxus. Quo ita præmissis,

## CONCLUSIO.

Dico, *Romanum Pontificem dici non posse universalem Episcopum, in eo sensu, ut ipse solus sit Episcopus, & nullus alius; bene autem in eo sensu, ut ipse universalem gerat Ecclesiarum curam, nec excludat particulares particularium Episcoporum curas; & sic*

Summus  
Pontifex  
Romanus  
ita est uni-  
versalis  
Episcopus.

Prob. 1. pars, primò verbo & exemplo Gregorii Magni, hujus nominis Romani Pontificis primi; qui verbo quidem id docuit 1. dum ut Joannis Jejunatoris Constantinopolitani Episcopi se universalem Patriarcham scribentis coecreret ac domaret audaciam, sic ad illum scripsit olim: *Vestra autem sanctitas agnoscat, quantum apud se tumeat, quæ illo nomine vocari appetit, quo vocari nullus presumpsit, qui veraciter sanctus est.* 2. dum lib. 4. Epist. Epist. 3. ad Eulogium, sic ait: *Si unus Patriarcha universalis dicitur, Patriarcharum nomen cæteris derogatur.* 3. dum lib. 7. Epist. Epist. 69. ad Eusebium directa sic pariter concludit: *Si unus universalis est, restat ut vos Episcopi non sitis:* verbo ergo sive scripto docet S. Gregorius, nullum Patriarcham etiam Romanum universalem dici posse.

Docuit etiam & suo humilitatis exemplo, dum vocatus ipse universalis Papa ab *Eulogio Alexandrino*, ipsum suaviter increpans rogat ne ultra faciat, dicens: *Quod peto, dulcissima mihi sanctitas vestra ultra non faciat, quia vobis subtrahitur, quod alteri plus quam ratio exigit, præbatur. . . . Si enim universalem me Papam vestra sanctitas dicit, negat se hoc esse, quod me fatetur universum.* Verbo ergo & exemplo docuit sanctissimus ille Pontifex Romanus, nullum Patriarcham, nec ipsum Romanum Pontificem, universalem dici posse Episcopum in eo sensu, ut ipse solus sit, & nullus alius etiam particularium Ecclesiarum Episcopus; bene tamen in hoc sensu, ut universalis dicatur, quatenus universalem gerit omnium Ecclesiarum curam, nec particulares excludit particularium Episcoporum curas; ut sic

Prob.

Prob. 2. pars, primò ex eodem S. Gregorio. Afferit enim S. Gregorius Epist. lib. 4. Epist. 31. Petro fuisse à Domino commissam totius Ecclesie curam; quod idem est ac si diceret, Petrum fuisse à Domino constitutum universalis Ecclesie Episcopum: atqui esse universalis Ecclesie Episcopum, seu universalis Ecclesie curam habere, idem est ac universalem Episcopum esse; ergo censuit S. Gregorius Petrum fuisse, ac proinde successorem ejus Romanum Pontificem esse adhuc hodie universalem Episcopum in aliquo sensu, non in hoc sensu ut ipse solus sit, & nullus alius Episcopus, ut visum est; ergo in hoc sensu, ut universalem omnium Ecclesiarum curam habeat, nec particulares particularium Episcoporum curas excludat.

Ut particula-  
res non exclu-  
dat parti-  
cularium  
Ecclesia-  
rum Episco-  
pos.

Pr. 2. ex ejusdem S. Gregorii praxi, & sic: si Gregorius ipse Magnus, Romanusque Pontifex sanctissimus seipsum ut universalem non agnovisset in eo sensu, quo jure quæso concessisset Sardinie Presbyteris ipse, ut cum Episcopi deessent, possent ipsi Confirmationis Sacramentum administrare, ut ipsum reipsa concessisse constat lib. 1. Epist. Epist. 41. ? Quo jure, amabo, pallium concessisset ipse, primumque in Lugdunensi Provincia locum post Metropolitam, Syagrius Augustodunensi Episcopo, ob navatam Augustino Anglorum Apostolo ejusque sociis operam? ut reipsa concessisse constat ex 4. Epist. libro Epist. 50. 52. & 53. & convincitur ex eo quòd ab eo tempore, pallio utantur adhuc Syagrii successores Augustodunenses Episcopi, defunctoque Metropoli Lugdunensi, Lugdunensis Ecclesie curam gerant, usque ad novi promotionem Archiepiscopi? Quo jure Castorium X. Ariminensem, Luminosi Abbatis Monasterium gravantem coercuisset, sola ipsi ejusque successoribus præfati Monasterii Abbatis ordinatione permitta, ut coercuisse constat ex 4. Epist. libro Epist. 43. ? Quo jure Episcopum, Clericorum suorum Monasteria suo dominio gravantium insolentiam refrænare jussisset, ut eum jussisse constat ex 6. Epistolarum libro Epist. 40. ? Quo denique jure & qua auctoritate quamplurima utilia alia præstitisset S. Gregorius Magnus, nisi se universalis Ecclesie Episcopum esse novisset, seu nisi universalis Ecclesie curam universalem sibi novisset esse creditam, ac proinde se in hoc ultimo sensu universalem Episcopum esse vidisset? ergo censuit Sanctus ipse Gregorius Romanum Pontificem universalem Episcopum in hoc sensu dici posse.

Pr. 3. ex variis Romani Pontificis super Episcopos alios privilegiis, quæ talia ac tanta sunt, ut ei nullatenus competere possent, nisi universalis in hoc ultimo sensu Episcopus esset; qualia sunt v. g. inter alia,

1. Quòd omnes totius orbis Episcopi, quoties in judiciis Ecclesiasticis se ab aliis gravari sentiunt Episcopis, vel à Provincialibus Conciliis, ad ipsum recurrunt Romanum Pontificem ut ad Judicem Ecclesie supremum, & non ad alium.

2. Quòd ad ipsum pariter confugiant, & non ad alium orbis universi fideles omnes, quoties in fide dubium vel controversia exurgit aliqua.

3. Quòd nullum pro tota Ecclesia possit statui decretum, nisi consulto Romano Pontifice.

4. Denique variis omiſſis aliis, quòd solus Romanus Pontifex, & nullus Episcopus alius, licet Metropoli, Primas vel Patriarcha, possit Ecclesiasticas sancire leges Ecclesiam ligantes universam.

Atqui hæc omnia, ut patet, aliaque similia Pontifici nequeunt competere Romano ut Episcopo particulari, potius quam alteri; ergo ei ut quo-

Respon-  
detur con-  
tradictori-  
bus Roma-  
næ Sedis  
hostibus.

dammodo & in aliquo sensu universali competunt, quatenus scilicet est Caput, Pastor & Episcopus universalis Ecclesiæ, in eo solum sensu quod universalem omnium Ecclesiarum curam gerat, nec particulares particularium Ecclesiarum Episcopos excludat.

Objicies cum Romanæ Sedis hostibus hæreticis. Nomen hoc *universalis* Episcopi à *S. Gregorio* variis in locis, præsertim 4. Epist. libro Epist. 32. vocatur superbum, profanum, sacrilegum & Antichristi prænuntium, illiusque absolute reprobatur ac recusat usum; ergo nullatenus sibi licet Romano Pontifici debitum esse censet. Resp. perm. ant. neg. consequ. Ratio est, 1. quia etsi sibi ut Romano Pontifici, in aliquo sensu debitum sentiret nonien illud sanctus ille Pontifex; tamen quia tunc quæstio erat, an *Joanni* Constantinopolitano Patriarchæ illud arroganter usurpanti competere, ideo absolute pronuntiat *Gregorius* nomen illud profanum esse & sacrilegum, ut tributum videlicet *Joanni* Constantinopolitano, utpote quia ei nullo jure & in nullo sensu debitum, sed arroganter & insolito fastu usurpatum: utque facilius præfati Joannis arrogantem cohiberet audaciam suæ humilitatis & moderationis exemplo, hoc nomen pariter & ipse recusavit, licet debitum sibi ut Romano Pontifici & in sensu præfato non ignoraret, seque ea de causa, non Archiepiscopum, nec Patriarcham, sed Episcopum ac *servum servorum Dei* scribere cepit. 2. dici potest cum Bellarmino, quod etsi verum sensum habere possit nomen illud universalis Episcopi, quia tamen & falsum habere potest, nimirum si ita intelligatur esse universalis Romanus Episcopus, ut ipse sit solus & nullus alius; ideo sapienter & ad cautelam nomen illud simpliciter & absolute prohibuit, & reprobavit sanctus *Gregorius*, eo serè modo quo Ephesini Concilii Patres nomen illud *χρησις* proscribere, etsi bonum ac Catholicum sapiat sensum, ea sola de causa, quia malum sapere potest & hæreticum, & sub eo Nestoriana potest latere doctrina, Mariam Christi Matrem asserens, sed Dei matrem impie negans.

## ARTICULUS X.

*Sub quo Romano Pontifice, in Gallias primò venerit Christi Religio nostra.*

Cum universalis sit Episcopus, & universalem omnium Ecclesiarum gerat curam Summus Pontifex Romanus, ut visum est; nullaque sit Christiani orbis natio, quæ se abscondat à benigno ejus sollicitudinis influxu; quæritur hic ex occasione, quis Summorum Pontificum omnium primus caraverit Gallias nostras Evangelicæ doctrinæ radiis, & Religionis Christianæ primordiis illustrari. Sunt enim eruditi recentiores non pauci, inter quos, *Lannoyus*, *Sirmundus* & alii, qui Evangelicam Christi fidem, ante *Decium* Imperatorem & *Fabianum* Romanum Pontificem, in Gallias venisse negant, illo *Gregorii* Turonici testimonio fulti, quolib. hist. Franc. cap. 30. attulerit ex *S. Saturnini* Tolosani passionis historia, his temporibus tantum, videlicet sub *Decio* Imperat. istos primos Evangelicæ hdei Christi Præcokes in Gallias fuisse ad prædicandum missos, nimirum Turonicis *Gratianum*, Arelatensibus *Trophimum*, Narbonæ *Paulum*, Tolosæ *Saturninum*, Parisiacis *Dionysium*, Arvernensibus *Austremonium*, & Lemovicinis

Mar-



*Martialem*. Contendunt econtrà alii non minùs eruditi; & numero multi longè ante *Decium*, Christianam fuisse Galliam; & cum istis

## C O N C L U S I O.

Dico, Longè ante *Decium*, & primo nascentis *Ecclesiæ* sæculo, sub *Petro Christi Vicario* primo, & *Clemente* post *Linum* & *Clerum Romano Pontifice*, in *Gallias* primum venisse *Christi fidem* & *Religionem*, sicque

Pr. 1. Quia id innuere videtur Scriptura sacra, asserens *Marc. cap. 16. vers. 20.* Apostolos, post *Christi* in *Cælos* ascensum, profectos ubique prædicasse: *Illi autem profecti prædicaverunt ubique, Domino cooperante, & sermonem confirmante, sequentibus signis.* Ergo vel per seipsos, vel per alios à se missos *Euangelii Præcones*, ubique prædicarunt *Apostoli*: non ubique per seipsos, ut patet; ergo per alios à se missos; ergo & in *Gallia*, quæ non est inter insigniores terræ partes minima.

2. Quia *S. Irenæus* scribens longè ante *Decium* secundo cadente sæculo, lib. 1. adversus hæreses cap. 3. meminit *Ecclesiæ* quæ jam in *Celtis* erant, & in quibus vigeat *Christiana* jam orta *Religio*, dum ait: *Neque hæc, quæ in Germania sunt, fundata Ecclesiæ aliter credunt, aut aliter tradunt, neque hæc quæ in Iberiis sunt, neque quæ in Celtis; si in Celtis erant variæ Christi Ecclesiæ, S. Irenæi temporibus, ubique prædicarunt Apostoli: non siquidem erant Gallia Celtae populi; norunt enim omnes Galliam fuisse divisam olim in Togatam, Comatam & Braciatam, & rursus Comatam fuisse partitam in Belgicam, Celticam & Aquitanicam; Belgica erat à Scalde fluvio ad Sequanam, Celtica à Sequana ad Garumnam, & Aquanica à Garumna ad Pyrenæos montes usque protensa.*

3. Quia *Tersullianus lib. contra Judæos*, quem scribebat anno circiter 199. cap. 7. inter alias quas enumerat mundi regiones ad *Christi* fidem conversas; asserit varias *Galliarum* nationes esse *Christo* subditas, dicens: *Hispaniarum omnes termini, & Galliarum diversæ nationes, & Britannorum inaccessa Romanis loca, Christo jamjam subdita, & Sarmatarum, & Dacorum, & Germanorum.* Ergo in iis orta *Christi* religio erat, ac proinde ante *Decium* in *Gallias* missi fuerant *Christianæ fidei Præcones* aliqui.

4. Quia *S. Epiphanius* hæresi 51. tenet *S. Lucam* in *Gallias* primò *Euangelicam* annuntiasse idem, & *S. Crescentem* in *Gallias* ab *Apostolis* fuisse missum: *Crescens*, inquit, in *Gallia*, non enim in *Galacia* legendum est, ut quibusdam inmerito placuit, sed in *Gallia*. Illud idem confirmat *Theodoreus*, in 2. ad *Timoth.* cap. 4. & tenet consilans *Viennensis Ecclesiæ* traditio, quæ *S. Crescentem* veneratur ut *Fundatorem*.

5. Quia id constat ex universis quinti sæculi *Comprovincialibus Episcopis* *Metropolis Arelatenis*, ad *S. Leonem* Papam scribentibus, & de *S. Trophimo* à *Petro* in *Gallias* missio, sic pro certo affirmantibus & dicentibus: *Omibus etenim Regionibus Gallicanis notum est, sed nec sacrosanctæ Ecclesiæ Romanæ habetur in cognitum, quòd prima vera Gallias Arelatenis Civitas missum à Beatissimo Petro Apostolo S. Trophimum habere meruit Sacerdotem, & exinde aliis paulatim regionibus Galliarum donum fidei & religionis infusum.*

6. Quia id etiam probari potest ex ipso *Gregorio Turonico*, quo nituntur oppositum tenentes adversarii, eo quòd ipse *Gregorius Turonicus* in sua

Sub *Petro*, & *Clemente*, primo nascentis *Ecclesiæ* sæculo, in *Gallias* *Christi Religionem* venisse probatur.

sua Francorum Historia cap. 30. *Saturninum* Tolosanum Episcopum, unum è septem primis in Gallias missis Episcopis, sub *Decio* missum asserat, hoc est, circa annum 250. contra quos ex eodem S. Gregorio Turonico sic arguo; Gregorius Turonicus majori fide dignus est, in eo quod pluribus in locis asserit, & quod aliundè conformius est Auctoribus ipso antiquioribus Gregorio, & Galliarum ferè omnium Ecclesiarum traditioni, quam in eo quod semel dixit uno in loco suæ Francorum historiae, & quod aliundè varias involvit in Chronologia difficultates, pugnatque contra Auctores ipso Gregorio antiquiores, & Galliarum ferè omnium Ecclesiarum traditiones: atqui *Gregorius Turonicus* indicat pluribus in locis, Christi fidem fuisse in Gallia primo sæculo, & longè ante *Decium* ortam, idque est conformius antiquioribus Gregorio Auctoribus, & Galliarum Ecclesiarum ferè omnium traditionibus; oppositum verò hoc uno dumtaxat loco citato videtur innuere contra Auctores antiquiores, & Galliarum ferè omnium Ecclesiarum traditiones; ergo majori fide dignus est, dum fidem primo sæculo in Gallia ortam dicit pluribus in locis, quam dum illud idem in uno dumtaxat loco negare videtur.

Pr. minor. 1. Gregorius Turonicus lib. de gloria Conf. cap. 80. dicit S. *Ursinum* primum Biturigæ Episcopum fuisse missum ab Apostolorum discipulis, dum ait: *Bituriga* verò urbs primum à S. *Ursino*, qui à Discipulis Apostolorum Episcopus ordinatus est, in Gallias destinatus est, verbum saltem accepit. 2. lib. 1. de Miraculis cap. 56. ait, S. *Eutropium* Santicæ urbis Episcopum primum à B. *Clemente* missum, dicens: *Eutropius* quoque Martyr Santicæ urbis à B. *Clemente* Episcopo fertur directus in Gallias. 3. ibidem cap. 48. idem Greg. ait, S. *Saturninum* primum Tolosanum Episcopum ab Apostolorum Discipulis pariter missum, dicens: *Saturninus* verò Martyr, ut fertur, ab Apostolorum Discipulis ordinatus, in urbem Tolosatum est directus; ergo pluribus in locis indicat, Episcopos Evangelicæ fidei Præcones primo sæculo in Gallias fuisse missos; ergo & annuntiatam fuisse Christi fidem: idque est conformius S. *Ireneo*, *Tertulliano* & S. *Epiphano*, aliisque priorum sæculorum Auctoribus Gregorio antiquioribus, & omnium ferè totius Galliarum insignium Ecclesiarum traditionibus, quæ viros Apostolicos venerantur & agnoscunt ut fundatores suos.

7. Quia non est credibile è tot Summis Pontificibus, qui sedere in Romana Petri Cathedra, à Petro ipso ad *Decii* usque tempora, hoc est, per 250. circiter annos, quique fuere omnes Sancti, & pro Christi fide Martyrium passi, quales fuere *Petrus*, *Linus*, *Cletus*, *Clemens*, *Anacletus*, *Enaristus*, *Alexander*, *Xylus*, *Telesphorus*, *Hyginus*, *Pius*, *Anicetus*, *Soter*, *Elenutherius*, *Victor*, *Zephyrinus*, *Callistus*, *Urbannus*, *Pontianus*, *Anterus*, atque *Fabianus* *Decii* persecutione sæciente Martyrium passus, anno circiter 253. non est, inquam, credibile è tot Summis Pontificibus, de sua suarumque ovium salute tam sollicitis, & pro tuenda Christi fide Martyrium passis, non fuisse ex iis aliquem, qui de Gallica gente totius Europæ florentissima, ad Christi fidem trahenda curaverit, mittendo Evangelii Præcones aliquos, qui ei verba vitæ æternæ, fidem Christi, & Christianæ religionis elementa nuntiarent; ergo non est credibile, ante *Decium* in Galliam nullos omnino venisse Evangelicæ fidei Præcones, sed plures econtrà, & longè antè venisse credendum.

8. Quia non est pariter credibile, tot insignes atque præcipuas Galliarum Ecclesias, quæ se perenni traditione credunt primo sæculo, & longè ante

ante *Decii* tempora fundatas, suis in traditionibus errare simul omnes, consignando suæ foundationis, suorumque Fundatorum missionis epocham: atqui suis in traditionibus errarent insigniores atque præcipuè Galliarum Ecclesiæ ferè omnes, si nullus ante *Decii* tempora in Gallias venisset Evangelicæ doctrinæ Præco, ut reipsa nullum venisse notare videtur *Gregorius Turonicus*, loco supra laudato; ergo non est credibile ante hæc *Decii* tempora, nullum in Gallias venisse talem Evangelicæ doctrinæ Præconem; sed plures econtrâ venisse credibile, multumque probabile.

Pr. minor, vatis percurrando & insigniores Galliarum Ecclesiæ. 1. Erraret in Provincia *Arelatenfis* Archiepiscopalis Ecclesia, *S. Trophimum* venerans ut suum Archipræfulem primum, quem sibi antiqua & constanti traditione credit à *Paulo* Apostolo in Hispanias tendente, illucque divergente relictum; erraret *Aquensis* Metropolis, suum recolens ut Pastorem primum sanctum *Maximinum*, B. Mariæ Magdalenz & Lazari socium, & è 72. Discipulis unum; erraret & ipsa *Massiliensis* Ecclesia, dum *Lazarum* ipsum à Christo dilectum & à mortuis suscitatum, agnosceret ut suum; similiter erraret & *Piennensis* in Delphinatu, dum *S. Crescentium* Pauli Apostoli Discipulum; & *Narbonensis*, dum *Paulum Sergium* Pauli pariter Apostoli in Christo filium; erraret & *Tolosana*, dum sibi directum crederet à Petro *Saturninum*; sicut & *Bituricensis*, dum missum à discipulis Apostolorum *Ursinum*, quem *Nathanaelem* fuisse opinantur nonnulli, & è 72. Christi discipulis illum, de quo Joan. cap. 1. vers. 47. dixit Christus olim, *Ecce verè Israelita, in quo dolus non est*, licet *Nathanaelem* eundem ipsum ac *Bartholomæum* Apostolum fuisse, minis probabiliter opinentur alii. Suis deceptæ traditionibus errarent pariter non minus insignes istæ Metropoles, videlicet *Senonensis*, *Turonensis*, *Rhemensis*, & *Rhotomagensis*; *Senonensis* quidem, dum sua refundit initia in sanctum *Sabinianum*, è 72. Christi discipulis unum; *Turonensis* in *S. Gratianum*, in Gallias à B. Clemente missum; *Rhemensis* in *S. Xystum*, sancti Petri Apostolorum Principis discipulum; & *Rhotomagensis* in *S. Nicasium*, cum *Dionysio Areopagita*, ab eodem Clemente Romano Pontifice missum.

Deciperetur in Campania, ipsa quoque *Catalaunensis* Ecclesia, dum se prædicat ortam à B. *Memmio*, è Romana gente *Memmia* viro, in Gallias à S. Petro ad prædicandum venire jussu; deciperetur & *Cenomanensis* in *Cenomanensis* territorio, dum se gloriatur erectam à S. *Juliano*, è 72. Christi Discipulis illo, quem fuisse *Simonem* Leprosum opinantur nonnulli, illum videlicet, cujus in domo B. Magdalena habens alabastrum unguenti pretiosi, effudit super caput Christi recubientis. Deceptæ pariter fallerentur & quatuor istæ, quarum quælibet se unum è Petri discipulis fundatorem habuisse tenet, *Petragoricensis* videlicet *S. Frontonem*, *Nannetensis* in Britannia *S. Clarum*, *Claremontensis* in Arverniâ *S. Austremonium*, & *Aniciensis*, sive *Podiensis* *Velaunorum S. Georgium*. Imò hallucinarentur *Mimatensis*, & *Engolismensis*, suos primos venerando Præfules, illa *S. Ausonium*, ista *S. Severianum*, utrumque S. Martialis discipulum, sicut & *Silvanellensis* in Valchia se habuisse gloriando *S. Regulum* S. Dionysii Areopagitæ socium; necnon *Bellovacensis* in Picardia sanctum *Lucianum* à Petro Baptismate tinctum, & ab eodem Dionysio Areopagita consecratum; similiter & *Meldensis* in Bria *S. Sanctinum*, ejusdem Areopagitæ discipulum; *Aureliancensis* *S. Altinum* è 72. Christi discipulis unum, sanctorum *Sabiniani* & *Potentiani* collegam & socium; & *Lemovicensis* in Aquitania

tania S. Martialem, à Petro baptizatum & nissum, & è Christi discipulis illum, de quo creditur ab Andrea dictum: *Est puer unus hic, qui habet quinque panes bordeacos, & duos pisces*. Erraret demum & ipsa Regiæ urbis Parisiensis Ecclesia, dum S. Dionysium Arcopagitam Pauli prædicatione Christo partum coleret ut suum; inîo cum Parisiensi errarent, & errassent olim cæteræ Galliarum Ecclesiæ, dum in Concilio Parisiensi congregatæ, in epistola ad Eugenium II. testatæ sunt, se traditione tenere S. Dionysium Arcopagitam à B. Clemente cum duodenario sociorum numero in Gallias fuisse directum, & post aliquod tempus aua cum sociis huc illucque prædicationis gratia dispersis Martyrio coronatum; erant enim, inquam, omnes cæteræ Galliarum Ecclesiæ, cum hoc in Concilio essent simul omnes congregatæ anno circiter 824. Ibi liquidem omnes erant congregati Galliarum Episcopi, uno excepto Augustodunensi Præsule; ergo & omnes Galliarum Ecclesiæ, cum ex B. Cypriano, *Ecclesia sit in Episcopo*. Atqui non est credibile, tot insignes Galliarum Ecclesias suis in traditionibus errare simul omnes, in assignanda suæ foundationis, suorumque Fundatorum missionis epocha, cum juxta Tertullianum lib. de præscrip. cap. 28. *Quod apud multos unum invenitur, non sit erratum, sed traditum*. Non est, inquam, credibile, tot insignes Galliarum Ecclesias sic fuis in traditionibus errare simul omnes, nisi dicatur eas convenisse simul omnes ad mentiendum decipiendumque nos, fabulosam assignando suæ foundationis, suorumque primorum Episcoporum missionis epocham; sed hoc est credere nefas, ergo credibile potius, multòque probabilius est, ipsum vel memoriæ, vel attentionis lapsu deceptum errasse Gregorium Turonicum loco jam citato, dum præfatos septem primos Evangelicæ fidei Præcones tertio duntaxat sæculo in Gallias sub Decio venisse narrat.

Severum  
Sulpicium  
& Grego-  
rium Turon.  
opponenti-  
bus adver-  
sariis oc-  
curritur.

Dices. Severus Sulpicius lib. 2. historiz sacræ ait, sub Aurelio Antonio persecutionem quintam agitatam, ac tunc primum intra Gallias Martyria visa, seriùs trans Alpes Christi religione suscepta. Ergo, &c.

Respondeo, 1. permissio antecedente, negando consequentiam, quia deceptus & ipse Sulpicius, vel intelligendus est loqui de obscuris vicis, minoribusque pagis, à quibus Pagani dicti, non de clarioribus Galliarum urbibus, dum serò trans Alpes susceptam esse Christi religionem asserit; tum quia id ex historia vitæ S. Martini ab eodem conscripta Severo Sulpicio, manifestè cuique legenti patebit, ut sapienter advertit Claudius Robertus Lingoniensis Ecclesiæ Presbyter, Libri Galliz Christianæ descriptionis Auctor; tum quia Orosius Tarracensis in Hispania Presbyter, & Severi Sulpicii coætaneus, S. Augustini discipulus, vir acris ingenii, & insignis, ipsoque Sulpicio diligentior, & accuratior Historicus, manifestè dicit Neronis persecutionem primo sæculo in Christianos agitatam, sæviuisse in omnes Imperii Romani Provincias, ac consequenter in Gallicanas, tunc Imperio Romano subditas: sic enim de Nerone loquitur Orosius lib. 7. Historiarum cap. 13. *Nam primus Roma Christianos supplicii & mortibus affecit, ac per omnes Provincias pari persecutione extruciari imperavit*.

Resp. 2. Ex hoc Severi Sulpicii loco concludi non posse, verum esse quod ibi cursim Sulpicius ait, nimirum sub Aurelio primum & non anted intra Gallias visa fuisse martyria; sed benè ex hoc Sulpicii loco concludi posse, verum esse quod de Severo Sulpicio Bellarminus expresse dicit lib. de Script. Eccl. nimirum cautè legendos esse Severi Sulpicii de Historia sacra libros atque dialogos, cum in his reperiatur interdum lapsus: ait enim

enim lib. 1. Historiæ sacræ, Angelos quibus cœlum sedes erat, speciosam formam virginum captos, naturæ originisque suæ degeneres, relictis superioribus, se illis miscuisse, & ex eorum commixtione ortos esse gigantes: ait insuper in fine dialogi 2. ex sententia B. Martini Neronem simul cum Antichristo venturum in fine mundi: Neronem quidem, ut regnet, & persecutionem moveat & exerceat in Occidentali plaga; Antichristum verò ut sæviat in Orientali. Ait denique, aliis omiſſis, in iisdem dialogis, post resurrectionem & mundi finem, Christum per mille annos in terris regnaturum, ut notat S. Hieronym. in Ezech. cap. 36. dicens: *Et nuper noster Severus in dialogo, cui Gallo nomen imposuit; at in his verum non dicit, sed falsum Severus Sulpicius, & in his ei credit nemo, quia fallis; ira pariter ei non magis credendum, dum dicit sub Aurelio Antonini filio, & quinta persecutione sæviente, intra Gallias videri cœpisse martyria; & in hoc præsertim ei multò minus credendum, cum Paulus Orosius supra laudatus contrarium asserat.*

Cumque insuper aliunde constet, nedum ex rationibus allatis hanc, nostram opinionem de Christianæ Religionis in Gallias adventu primo sæculo esse certam, sed etiam tempore Gregorii Turonici communem fuisse, manifeste colligatur ex septem illustrium Gallæ Præfulum epistola B. Radegundi directâ, & ab ipso Gregorio Turonico relata lib. 19. hist. Franc. cap. 39. in qua, septem illi Gallicanæ Ecclesiæ prælati, videlicet *Euphromius, Prætextatus, Germanus, Felix, Domitianus, Victorius & Domnolus*, beatissimæ & in Christo Ecclesiæ illæ Radegundi, expressè notant à Christianæ Religionis exordio, in Gallus ortam fuisse Christi fidem: sic enim ayunt: *Itaque cum ipso Catholice Religionis exortu cœpissent, Gallicanis in finibus, veneranda fidei primordia respirare, & adhuc ad paucorum notitiam, tunc ineffabilia pervenissent Trinitatis Dominicæ sacramenta, &c.*

## ARTICULUS XI.

*An Romanus Pontifex defecerit à Christi fide, sitque non Episcopus, sed Antichristus, ut perperam & iniquè calumniantur Hæretici.*

**S**ciendum est prius nomine Antichristi, Christi adversarium à nobis communiter intelligi: Christique adversarium juxta S. Augustini mentem, lib. 2. contra adversarium legis cap. 12. bifariam sumi posse, videlicet 1. generatim pro Christi adversario quocumque, & 2. speciatim pro præcipuo Christi adversario in fine mundi venturo. Generatim sumendo Antichristi nomen, Antichristi dicuntur Hæretici omnes, & re ipsa de illis in hoc sensu dicitur 1. Joan. cap. 2. vers. 18. *Nunc Antichristi multi facti sunt*, id est, multi de Christo malè sentientes Hæretici; & iterum cap. 4. vers. 3. *Omnis spiritus qui solvit Jesum, ex Deo non est; & hic est Antichristus, de quo audistis quoniam venit, & nunc jam in mundo est.* Speciatim verò sumendo nomen Antichristi, non multiplex sed unus est, nec existens adhuc, sed in fine mundi venturus Antichristus, de quo intelligendus Paulus, du:n 2. ad Thessal. cap. 2. vers. 3. *Nisi revelatus fuerit homo peccati, filias perditionis, qui adversatur & extollitur supra omne quod dicitur Deus; & de Antichristo sic speciatim considerato loquuntur pariter recentiores*  
Hæ-

Hæretici, Lutheri Calvinique discipuli, dum ut suam à Romano Pontifice, & consequenter à Romana, vera & Catholica Christi Ecclesia detectionem exculent & tegant, sub prætextu defectionis ab Antichristo, simplicibus & imperitis conantur suadere populis, Romanam defecisse Ecclesiam, nec amplius esse quod erat, sed Antichristi dumtaxat sedem, ipsumque Romanum Pontificem non Episcopum, sed Antichristum esse; sed contra, ut id falso falsius esse pateat,

## C O N C L U S I O.

Dico, *Nec venisse Antichristum, nec Romanum Pontificem nisi falsè, perperam & iniquè Antichristum dici posse; & sic*

Nondum  
venit Antichristum.

Pr. 1. pars. Signa Antichristi adventus certa, sunt præsertim sex ista, nobis in Scriptura notata; duo videlicet Antichristum antecedentia, duo concomitantia, & duo subsequencia; duo antecedentia sunt, Evangelii Prædicatio in mundo universo, & Romani Imperii desolatio; duo concomitantia sunt *Henoch & Elia* ad prædicandum missio, & persecutio omnium maxima ac notissima, in qua cessabunt omnia sacra; duo verò subsequencia sunt ipsius Antichristi interitus post tres annos cum dimidio futurus, & tandem ipse mundi finis.

Primum, scilicet *Evangelii Prædicatio* indicatur Matth. cap. 24. vers. 14. dum dicitur: *Prædicabitur hoc Evangelium regni in universo orbe, in testimonium omnibus gentibus: & tunc veniet consummatio.*

Signa Antichristi adventus in Scriptura notata.

Secundum, videlicet *Romani Imperii Desolatio* indicatur, etsi obscure Danielis cap. 2. & 7. Apocalypsis cap. 17. & tandem à Paulo 2. ad Thesalonicensis, cap. 2. vers. 6. dicente: *Et nunc quid detineat scitis, ut reveletur in suo tempore. Nam mysterium jam operatur iniquitatis: tantum ut qui tenet nunc, teneat, donec de medio fiat. Et tunc revelabitur ille iniquus.* Id est, scitis quid Antichristi adventum impediat; dixi enim vobis Romanum Imperium impedire, quia non sunt adhuc impleta peccata ejus, & non autè veniet Antichristus, qui hoc Imperium propter peccata ejus tollat è medio; unde S. Cyrillus Catecheti 15. circa locum illum discurrens, ait: *Veniet prædictus Antichristus, cum impleta fuerint tempora Romani Imperii; cui consonat illud S. Chrysostomi in eundem locum dicentis: Quando è medio sublatum fuerit Imperium Romanum, tunc veniet Antichristus.*

Tertium, *Missio* scilicet *Henoch & Elia* indicatur à Malachia cap. 4. vers. 5. apertè dicente: *Ecce ego mittam vobis Eliam Prophetam, antequam veniat dies Domini magnus & horribilis. Et convertet cor patrum ad filios, & cor filiorum ad patres eorum; & Ecclesiastici cap. 44. vers. 16. de Henoch dictum legimus: Henoch placuit Deo, & translatus est in Paradisum, ut det gentibus penitentiam; & de utroque, Henoch & Elia, Apocalypsis cap. 11. vers. 3. dicitur: Et dabo duobus testibus meis, & prophetabunt diebus mille ducentis sexaginta, amelli facis.*

Quartum, videlicet *Persecutio omnium maxima* apertè designatur Matth. cap. 24. vers. 19. dum dicitur: *Vae autem prægnantibus & nutrientibus in illis diebus. Orate autem, ut non fiat fuga vestra in hieme, vel Sabbato; erit enim tunc tribulatio magna, qualis non fuit ab initio mundi usque modò, neque*

neque fiet. Quodd autem ea sciviente persecutione cessare debeant sacra omnia, hoc est, iuge sacrificium, officium Ecclesiasticum, ritusque sacri Christianorum omnes, colligitur communiter ab omnibus ex illo Danielis cap. 12. vers. 11. dicentis: *Et à tempore cum ablatum fuerit iuge sacrificium, & posita fuerit abominatio in desolationem, dies mille ducenti nonaginta.*

Quintum, videlicet *Interitus Antichristi* post tres annos cum dimidio, colligitur aperte ex illo Danielis cap. 7. vers. 25. dicentis Antichristum non esse regnaturum, nisi *per tempus, & tempora, & dimidium temporis*, hoc est, per tres annos cum dimidio, sive *mensibus quadraginta duobus*, ut habetur Apocalypsis cap. 11. vers. 2. sive *diebus mille ducentis sexaginta*, ut habetur ibidem vers. 3.

Sextum denique, videlicet *Mundi Finis* satis indicatur à Matthæo, cap. 24. vers. 14. supra laudato dicente: *Et tunc veniet consummatio.*

Atqui nullum ex iis Antichristi signis adhuc evenisse constat; ergo nec Antichristum. Prob. minor percurrendo singula.

Non primum, cum constet varias adhuc esse mundi regiones & populos, quales dici possunt Chineses & Americani multi, quibus nihil de Euangelio nuntiatum adhuc.

Non secundum, cum Rom. Imperium duret, quamvis translatum; Imperium enim durat, quamdiu in Imperatoria dignitate succedit aliquis; succedit autem Occidentis Imperator, eoque solo iure cæteros præcedit Christianos Principes & Reges, etsi aliunde potentiores.

Non tertium, cum *Henoch & Eliam* adhuc vivere certa fide teneant Catholici omnes; de *Henoch* enim dicitur ad Hebræos, cap. 11. vers. 5. *Henoch translatus est, ne videret mortem*; & de *Elia*, Matth. cap. 17. vers. 11. *Elias quidem venturus est, & restituet omnia*: & de utroque Aug. lib. de peccato originali, cap. 23. *Henoch & Eliam non dubitamus, in quibus nati sunt corporibus vivere*; non viverent autem, si jam in Antichristum prædicaturi missi venissent, sed jam à longo tempore fuissent occisi, dicitur enim Apocalypsis cap. 11. vers. 3. quodd prædicabunt *diebus mille ducentis sexaginta* ..... & vers. 7. additur: *Cum finierint testimonium suum, bestia, quæ ascendit de abyssu, faciet adversum eos bellum, & vincet illos, & occidet eos.*

Non quartum, cum nulla sciviat, nec scivierit usquam tanta persecutio, in qua cessaverit omnino sacrificium omne, cum vigerit semper in Christi Ecclesia, & duret adhuc iuge sacrificium.

Non quintum denique, neque sextum, videlicet *Antichristi interitus & mundi finis*, ut manifestè patet, hoc est, nondum evenit interitus Antichristi; evenisset autem à longo tempore, si venisset Antichristus eo tempore, quo eum venisse fingunt Hæretici, cum regnatus sit per tres dumtaxat annos cum dimidio, ut visum est; & si evenisset Antichristi interitus, jam evenisset mundi finis, ut pariter visum est ex illo Matth. cap. 24. vers. 14. *Et tunc veniet consummatio.*

Ergo cum mundum adhuc durare constet, constat nondum finisse mundum, nondum evenisse Antichristi interitum; ergo & nullum ex præfatis signis evenisse constat, ex quo Antichristum jam venisse probare possint Hæretici; ergo nec consequenter dici potest Romanum Pontificem Antichristum esse, ut sic ulterius, quamvis plusquam satis manifestè pateat ex dictis.

Prob.

Et Romanum Pontificem Antichristum falsò & calumniosè dici probatur.

Pr. secunda pars. 1. Quia, ut ex dictis patet, ille homo perditionis, qui dicitur Antichristus, non veniet nec venturus est, nisi everso Imperio Romano; sed Romanus Pontifex venit, non everso, sed florente Imperio Romano; ergo Romanus Pontifex Antichristus esse, nec dici potest.

2. Quia Antichristus occidet duos illos Prophetas à Deo tunc mittendos, *Qui prophetabunt diebus mille ducentis sexaginta*, ut visum est ex Apocalypsi cap. 11. vers. 3. Atqui nullus Romanorum Pontificum ab eo tempore, quo sedent in Romana Sede, dici potest hos occidisse Prophetas; ergo nec Antichristus censeretur.

3. Quia Antichristus regnaturus est per tres annos dumtaxat cum dimidio, *per tempus, & tempora, & dimidium temporis*, ut pariter visum est: atqui Romanus Pontifex, seu Papa jam à multis sæculis regnat aliquis; ergo Antichristus dici non potest.

4. Quia Antichristus accipietur à Judæis pro Messia, ut colligitur ex illo Joan. cap. 5. vers. 43. *Ego veni in nomine Patris mei, & non accipitis me; si alius venerit in nomine suo, illum accipietis*: atqui Romanus Pontifex nusquam acceptus est, nec accipitur ab illis hodie pro Messia; ergo, &c.

5. Ex Apocalypsi cap. 13. vers. 13. *Antichristus faciet signa magna, ita ut faciat ignem de Cælo descendere*: atqui hoc nondum ab ullo Romano Pontifice factum legimus; ergo nullus Romanus Pontifex Antichristus dici potest.

Et calumniantibus hæreticis respondetur.

Obijcies 1. cum Hæreticis. Notæ Antichristi nobis in Scriptura datæ, conveniunt omnes Romano Pontifici; ergo Romanus Pontifex Antichristus est. Pr. ant. Prima Antichristi nota, 2. ad Thessalon. cap. 2. vers. 3. assignata, est à fide deficere, seu à fide defectio. Secunda ibidem designata, est sedere in Templo Dei. Tertia, & ibidem expressa, est ostendere se tanquam Deum. Quarta pariter ibidem indicata, est extollere se supra id omne quod dicitur Deus. Quinta 1. Joan. cap. 2. vers. 22. designata, est negare Christum. Sexta in eadem Epist. 2. ad Thessal. cap. 2. vers. 9. contenta, est falsa facere miracula. Septima in Apocalypsi cap. 13. vers. 16. significata, est subditis characterem imprimere: atqui hæc omnia Romano Pontifici conveniunt; nam 1. defecit à fide, cum defendat & doceat Purgatorium, SS. invocationem, Sacrificium Missæ, & plura hujusmodi alia. 2. sedet in Templo Dei, cum sedeat in Ecclesia Christi. 3. ostendit se tanquam Deum, cum se exhibeat pro visibili Ecclesiæ Capite. 4. extollit se supra id omne quod dicitur Deus, cum se extollat supra omnem Ecclesiasticum & politicum ordinem. 5. negat Christum, cum Christi doctrinam corrumpat. 6. facit miracula falsa, qualia sunt, v. g. miracula *Laurenti* apud B. V. statuam, & alibi variis in locis patrata. 7. denique subditis characterem imprinunt, dum Confirmationis vel Ordinis Sacramenta confert; ergo.

Resp. neg. ant. ad ejus probationem, concessa maj. neg. min. quoad singulas partes, quia falsas, & 1. quoad primam. Falsum enim est quod Purgatorium, Sanctorum invocationem, Missæ Sacrificium, & similia hujusmodi defendere, sit à fide deficere; sed potius ea impugnare, est à SS. PP. & Ecclesiæ fide recedere. Quoad secundam, pariter falsam esse patet, quia aliud est sedere in Templo Dei Jerosolymæ, & aliud sedere in Ecclesia Christi Romæ. Antichristus sedebit quidem in Templo Dei

Jero-



Jerosolymæ, & adorabitur à Judæis: Romanus verò Pontifex sedet quædem in Ecclesia Christi Romæ, sed non in Templo Jerosolymæ, nec adoratur à Judæis, imò nec ab ullo alio. Quoad tertiam, falsum pariter est, Romanum Pontificem se tanquam Deum ostendere, quamvis se pro visibili Ecclesiæ capite exhibeat. Et quoad quartam, falsum etiam quod se supra id omne, quod dicitur Deus, extollat, licet se supra omnem Ordinem Ecclesiasticum & politicum efferat; hoc enim fecit & Moyses, nec se tamen supra Deum extulit. Quoad quintam, à Rom. Pontifice Christum negari, ejusque doctrinam corrumpi, falso falsius est, nec id usquam probabunt Hæretici. Quoad sextam, quod *Laureti*, vel alibi miracula faciat Romanus Pontifex, merum est hæreticorum commentum: hæc enim miracula, si quæ sunt, non edit Romanus Pontifex, sed Deus; nec ullus hæc à Romano Pontifice fieri docuit usquam Catholicus. Quoad septimam denique, quamvis in Confirmationis & Ordinis collatione imprimatur character, nihil inde tamen concludi potest, cum Antichristi character sit ab illo longè diversus; character enim Antichristiani conditiones erunt istæ, prima ut sit communis omnibus pusillis & magnis, divitibus & pauperibus, liberis & servis; secunda, ut possit imprimi vel in fronte, vel in dextera manû; tertia, ut nemo nisi characterem habens, emere possit aut vendere, ut constat ex Apocalypsi cap. 13. vers. 16. & cap. 14. vers. 1. Atqui hujusmodi conditiones non conveniunt, ut patet, characteri Confirmationis & Ordinis; ergo &c.

Objicies 2. cum *Calvino* jurato Romani Pontificis hoste. Cum Episcopi nomen, nomen sit officii, is Episcopus dici nequit, qui Episcopi nullatenus implet officium: atqui Papa seu Romanus Pontifex nullatenus implet officium Episcopi, cum præcipuum ac capitale Episcopi munus sit Dei verbum & Sacramenta ministrare, & id non præstat Romanus Pontifex; ergo si non sit Antichristus, saltem Episcopus dici nequit. Resp. 1. neg. maj. falsum enim est Episcopi nomen, nomen esse officii tantum; cum sit re ipsa nomen dignitatis & potestatis regendi homines in spiritualibus & divinis; ac proinde monendi, exhortandi, corrigendi, imperandi, prohibendi, atque puniendi. Resp. 2. perm. maj. neg. min. falsum enim est, Romanum Pontificem sui muneris non implere partes, si non per seipsum, saltem per alios sibi subordinatos Ecclesiæ Ministros; nec enim per seipsos concionari, & Sacramenta ministrare tenentur Episcopi; iusta de causa impeditur; sed satis est, si hæc omnia per idoneos alios rite præstari curent; alioquin ad impossibile tenerentur Episcopi, cum nulla sit tam parva ac coarctata Diœcesis, in cujus singulis urbibus ac vicis, ad concionandum & ad Sacramenta ministranda singulis sit sufficiens Episcopus; sicut ergo satisfacit, suumque munus implere censetur, dum per alios hæc præstat in eo loco, ubi per se hæc præstare nequit, ita & satisfacit, hæc per alios in omni loco præstando, quando per seipsum hæc in nullo præstare potest; nam ex Possidio in vita S. Augustini, *Valerius* Hipponensis Episcopus, cum esset natione Græcus, nec valeret Latino suo concionari populo, hoc officium *Augustino* Presbytero suo sponte commisit, nec tamen Episcopus esse desit *Valerius*, nec suo deesse credidit officio, concionando per Augustinum, nec id credidit & ipse Augustinus, *Valerius* postea Successor meritissimus; ergo nec Romanus Pontifex Episcopus esse desinit, nec suo deesse officio dicendus, etsi non per seipsum, sed per alios Dei verbum populo ministraret ac Sacramenta. Verum

quia Romanum Episcopatum defecisse, vel corruptum & mutatum esse probare conantur Calvini sequaces Hæretici, ex fabulosa quadam, sed malè confuta de Joanna Papissa historia; ideo subditur hic

## ARTICULUS XII.

*Refellitur popularis & inepta de Papissa Joanna fabula.*

**U**T in Rom. Pontificem simplicis & imperiti vulgi contemptum & odium commoveant jam memorati recentiores Hæretici, antiqua illa & insulsa utuntur fabula, qua fertur in Romana sanctaque Sede, post *Leonem IV.* anno 855. sedisse annis duobus, mensibus quinque & diebus quatuor, fœminam quamdam meretricem, nomine *Joannam*: id enim ita evenisse, divinitus permittum esse contendunt præsertim Magdeburgi Centuriatores Hæretici, in signum Ecclesiæ Romanæ in meretricem Babyloniam mutatæ, esseque validissimum & insigne pariter argumentum suæ à Romana Sede defectionis legitimæ. Quæ omnia quàm vana sint & insulsa, ut pateat ab ovo, hujus origo fabulæ hic breviter notanda.

Cùm *Photius*, qui Sedem Patriarchalem invaserat Constantinopolitanam, Eunuchus esset, dicereturque tunc Constantinopolis nova Roma, hinc orta est populo ansa recendi in Romana Sede, non virum sed fœminam sedere: cùmque reipsa tunc *Joannes* hujus nominis octavus, Romanus Pontifex esset, isque à Græcorum Imperatore rogatus, animi imbecillitate, nescio qua, & ignavia plus quàm fœminea, hanc temerariam & iniquam Photii promotionem ratam habuisset ac probasset, inde crevit & invaluit ansa jam orta fabulosè & irriforiè divulgandi, in Romana Sede, non virum, sed fœminam sedere, ac proinde non *Joannem*, sed *Joannam* sedere *Papissam*. Hanc fabulam sic malè partam accepit, nutrit ac fovit per ducentos circiter annos sola popularis simplicium credulitas, quam deinde primus omnium scripto vulgavit *Marianus Scotus* S. Martini Coloniz primum, deinde Fuldenfis, Congregationis Cluniacensis Monachus; quem postea secuti sunt Scriptores alii nonnulli etiam Catholici, ut *Sigbertus*, *Martinus Polonus*, & alii; Sed præsertim recentiores Hæretici, contra quos

## CONCLUSIO.

Dico, *Falsum omnino esse inter Leonem IV. & Benedictum III. in Romana Sede sedisse fœminam, ac proinde non historiam verosimilem esse, sed insulam & ineptam de Papissa Joanna fabulam; & sic*

Multipli-  
citer refelli-  
tur malè  
confuta de  
Papissa  
Joanna fa-  
bula.

Pr. I. ex *Anastasio* Abbate, & Apostolico Bibliothecario, viro græcè latinèque docto, scriptore antiquo & rei narratæ cœvo, vivente circa annum 850. qui Romanorum Pontificum vitas, à S. Petro ad Nicolaum usque L. scripsit, & multorum sive præcedentium, sive subsequens hanc fictam fabulosamque *Joannam*, Pontificum creationem vidit; quique expressè ut testis oculatus asserit, post *Leonis IV.* obitum, quindecim dumtaxat diebus vacasse Sedem, hisque peractis, statim communi consensu in Romanum Pontificem creatum fuisse *Benedictum III.* Ergo & nullum consequenter

quenter intermedium fuisse, five Papam, five Papissam, qui vel quæ duobus annis, quinque mensibus & quatuor diebus sederit, inter *Leonem IV.* & *Benedictum III.* Ergo fabulosa est omnino prorsusque ficta narratio hæc de *Papissa Joanna*, inter *Leonem IV.* & *Benedictum III.* duobus annis, quinque mensibus, & quatuor diebus sedente.

Pr. 2. ex *Adone* Viennensi Archiepiscopo, eodem pariter tempore florente, quo sedisse fingitur illa Papissa, & asserente in suo Chronico ad annum 865. *Leoni IV.* immediatè successisse *Benedictum III.* dum ait: *Pontifex Romanus Gregorius moritur, atque ejus loco Sergius ordinatur; illo defuncto succedit Leo; quo obiente, Benedictus in Sede Apostolica substituitur.* Ergo nulla nisi fabulosè successit *Leoni* Papissa *Joanna*.

Pr. 3. ex *Hincmaro* Sandionyfiano, olim prope Parisios Monacho, postea Rhemensis Archiepiscopo, illis iisdem temporibus celeberrimo, Romanisque Pontificibus notissimo, asserente Epist. 26. se nuntios misisse Romam cum literis ad *Leonem IV.* in Romana tunc sedentem Cathedra, ipsosque sua pergentes in via audisse nuntium de Leonis obitu, & pervenientes Romanam in urbem cum præfatis *Hincmari* literis, invenisse *Benedictum III.* jam in Leonis Successorem electum, & ab eo privilegium, cujus gratia venerant, fuisse consecutos: ex quo evidenter patet, non duos fluxisse annos, cum mensibus quinque, & quatuor diebus, à *Leonis* obitu, ad creationem usque *Benedicti III.* sed statim post *Leonis* obitum, immediatè successisse *Benedictum*; ergo & fabulosam esse omnino intermediam alterius cujuscumque, five *Joannis*, five *Joannæ* Papissæ sessionem.

Pr. 4. ex *Nicolao* Magno Romano Pontifice, hujus nominis I. *Benedictique III.* successore proximo, Epist. 46. ad Sueffionensis Concilii Patres data anno 866. idem pariter attestante, & dicente *Leoni IV.* ex hac luce subtracto successisse sanctæ memoriæ *Benedictum*: quod sine dubio benè noverat *Nicolaus* ipse *Benedicti* Successor immediatus, nec dixisset, si ante *Benedictum* successisse novisset aliquem alium; ergo nullum alium, vel aliam nisi fabulosè successisse dicendum.

Pr. 5. & ultimò hujus fabulosæ Historiæ falsitas ex ipsa narratione facti. Ajunt fabulatores isti mulierem illam natione Anglicam, ut volunt aliqui, vel Moguntinam, ut placet aliis, adhuc puellam in habitu virili fuisse ab amasio quodam Athenas ductam, ibique ita literis operam dedisse, & in scientiis profecisse, ut ei par non esset: cumque Romam venisset, ibique in trivis legens & docens, magnos Magistros inter Discipulos & auditores haberet, tantæ opinionis sibi nomen fecit, ut defuncto *Leone IV.* in successorem ejus, & Papam fuerit concorditer electa; sed in Papatu, à suo familiari vitiatam, temporisque sui futuri partus ignaram, cum de S. Petro ad Lateranum in solemnem supplicatione tenderet, angustata in partu, publica peperisse in via, ibique mortuam & sepultam fuisse contendunt.

Atqui narratio hæc patet manifestè fabulosa & falsa; 1. ex non convenientia five discordia Auctorum ejus; volunt enim aliqui mulierem illam fuisse natione Anglicam, Moguntinam alii. 2. Ex eo quòd illam Athenis literis operam dedisse & profecisse dicant, & constet eo tempore Athenarum solum superesse nomen, & jacentis Academiæ famam; asserit enim *S. Synesius* Ptolemaidis Episcopus, vir sanctitate & eruditione clarus, in Epistola ad fratrem suum ultima, suo tempore, hoc esse anno

circa 430. *Athenas* splendidi habere nihil, præter celeberrima locorum nomina; ergo nec à fortiori, tempore hujus fabulose Papiſſæ *Joannæ*, quam sedisse contendunt fabulatores isti circa annum circiter 850. 3. Ex eo quòd asserant, illam Romæ legentem & docentem, post biennium in Papam fuisse concorditer electam; cum constet his temporibus jam fuisse consuetum, nullum nisi è Cardinalium Collegio, in Papam eligi posse. 4. Ex eo quòd dicant, illam in solemnibus publicatione peperisse, & incredibile sit omnino mulierem à tot mensibus sætu gravidam, partuque proximam, hoc publicum & solemne, laborisque plenum voluisse obire munus, in quo erat futuri partus, honoris vitæque periculum; ergo falsa omnino narratio hæc, & mera ac malè consultata de Papiſſa *Joanna* fabula.

Et fabulantibus  
respondetur  
adversariis.

Objicies 1. Credibile non est fabulam esse narrationem illam, quam plures enarrant viri sua doctrina graves: atqui narrationem illam de Papiſſa *Joanna* plures enarrant viri sua doctrina graves; quales sunt *Marianus Scotus*, *Sigibertus*, *Martinus Polonus*, *Antoninus*, *Baptista Platina*, Historiæ de vitis Summorum Pontificum Scriptor egregius, in *Joanne VIII.* Ergo.

Resp. dist. maj. si hanc ita enarrant & recenseant, ut non reclamant plures alii æquè graves, fideque digniores hac in re, quia rei narratæ sive suppositæ contemporanei; Conc. maj. secus; Neg. maj. sicque perm. min. neg. conseq. quia reclamant plures alii Scriptores æquè graves, fideque digniores hac in re, quia rei narratæ, sive suppositæ coævi, quales sunt inter alios, *Anastasius Abbas* & Bibliothecarius pariter Apostolicus, *Ado Viennensis Archiepiscopus*, *Hincmarus Rhemensis* similiter Archiepiscopus, *Nicolaus I.* Pontifex Maximus, *Benedictus III.* successor proximus: istis enim reclamantibus omnibus, & similibus aliis non paucis, longè major hac in re est habenda fides, quia rei narratæ coævis & testibus oculatis, quàm cæteris aliis in objectione laudatis, vel similibus longè recentioribus aliis, rem ipsam ex sola populari traditione narrantibus.

Objicies 2. cum *Magdeburgensibus*, cæterisque Romanæ Sedis hostibus. Narrationem illam de Papiſſa *Joanna*, ejusque publico in solemnibus supplicatione partu, veram & non fabulosam esse, manifestè patet 1. ex marmorea illa foeminae gerentis infantulum recens natum statua, quæ videbatur olim Romæ in ipso tam detestandi partus loco, in perpetuum rei memoriam posita. 2. ex eo quòd ab iis temporibus, Romanus Pontifex quoties è Vaticano ad Lateranensem tendit Ecclesiam, in hujus horrendi detestationem eventus, hanc consultò declinat viam. 3. ex eo quòd ad similem vitandum in creandis Romanis Pontificibus errorem, soleat novus Pontifex ad sedem sive cathedram perforatam applicari, & ejus ab ultimo Diacono sexus explorari; ergo non fabulosa est, sed vera hæc de *Joanna Papiſſa* narratio.

Resp. neg. ant. ad cujus probationes singulas respondens, dico primò ad 1. statuam illam olim Romæ visam, non hujus fabulose mulieris Papiſſæ fuisse; nam si, ut volunt adversarii, idèd noluerit Scriptores antiqui, rei narratæ coævi, in gratiam sanctæ Sedis & Rom. Pontificis reverentiam, hanc præfatam Papiſſam inter Romanos Pontifices recenseri, ne illius aliqua superesset in Libris memoria: quomodo verisimile credendum, passos fuisse Romanos Pontifices illius in statua marmorea superesse memoriam & ethiæni? 2. Si hujusmodi præfata statua prætendat Papiſſæ *Joannæ* infant-

infantem patientis fuisset, mulierem sine dubio cum infantulo recens nato, vel pannis involuto, vel inter matris ubera posito representasset: atqui statua illa nec mulierem representabat, nec infantulum: recens natum, nec pannis involutum, nec inter matris ubera positum, sed satis grandem, & multorum annorum puerum, & quasi præcuntem referebat; unde colligunt viri in his rebus & vetustis explicandis figuris eruditi, non Papæ, nec Papissæ fuisse statuam, sed antiqui cuiusdam Ethnici Sacerdotis ad Sacrificium cum suo præcunte Ministro tendentis.

Ad 2. dico secundò, Romanos Pontifices, quoties de Vaticano ad Latetanensem tendunt Ecclesiam, non præfatam declinare viam, licet brevior, in detestationem huius prætensi excrandique Papissæ partus, ut fingunt & fabulantur adversarii; sed quia via illa angusta est & anfractuosa, Pontificumque comitatu, ut plurimum frequentissimo, minis facilis & apta.

Ad 3. denique dico tertio, non ad similem vitandum in creandis Romanis Pontificibus eventum vel errorem, nec ad explorandum novi Pontificis sexum, in perforata sedere sede solitum esse Romanum Pontificem recentem electum, ut perperam & irrisoriè fabulantur hæretici; sed idè in hac ignobili sede primum sedere solet recent electus, ut agnoscat & recordetur, se de humili loco ad summum evehi honoris fastigium, nec tamen de humanæ vitæ miseriis & necessitatibus erui; unde est quòd dum in ipso Ecclesiæ ingressu ad hanc ipsam elevatur Sedem, decantetur à Choro illud 1. Reg. cap. 2. vers. 8. *Suscitat de pulvere egenum, & de stercore elevat pauperem, ut sedeat cum Principibus, & solum gloria teneat*: eo ferè simili modo, quo in ipsa solemnī coronationis pompa, dum è Sacristia per Ecclesiam tendit ad Altare, in signum & memoriam futuræ mortis, mundique brevi perituræ gloriæ, ter stupa in arundinis apice consultò parata solet coram ipso comburi, & tritum illud solemniter acclamari, *Sancte Pater, sic transit gloria mundi*.

## ARTICULUS XIII.

*De eminentissimo Papa Senatu, vulgò sacro  
Cardinalium Collegio.*

Cum ea sit inter Summum Pontificem, & S. R. E. Cardinales connexio mutua, ut solus Summus Pontifex Cardinales, & soli vicissim Cardinales & de solo Cardinalium gremio Summum Pontificem eligere soleant, sitque Cardinalatus non beneficii, sed officii nomen & dignitas, ex mera Summi Pontificis auctoritate pendens; non extraneum, imò congruum erit, ut Summi Pontificis occasione, de ipso consequenter eminentissimo Summi Pontificis Senatu, seu sacro Cardinalium Collegio hic cursim pauca notemus, & præsertim de nomine, origine, officio, numero, indumento, & multiplici alia Cardinalium prerogativa.

Cardinalium nomen, & origo.

*Cardinales*, si Florentino credamus Archipræsuli, sic à *Cardine* dicti, quòd sicut in cardine quiescit, fundatur & vertitur ostium; ita & in Cardinali nomen, & origo.

*Appar. summi T. II.*

S 3

dina-

dinalibus, eorumve consiliis firmatur, regitur & voluitur universalis Ecclesiæ status: vel, ut placet aliis, cum Ecclesia Christi sit domus Dei, & unaquæque domus ostium habeat & cardines; ita Ecclesia Christi suum habet cum cardinibus ostium. Est autem Summus Pontifex ostium Ecclesiæ Christi; Consiliarii verò illi collaterales & eminentissimi, quorum consiliis juvatur & regitur Summus Pontifex, cardinum ejus vices gerunt, unde *Cardinales* merito nuncupantur.

De quorum origine licet ita variè opinentur varii, ut eos cœpisse velint aliqui à *S. Gregorio*, alii à *S. Silvestro*, à *S. Marcello* alii, nonnulli à *S. Pontiano*, & dicat licet *Eugenius IV.* in Epist. ad Cantuariensem Archiepiscopum, Cardinalium nomen non fuisse quidem primis nascentis Ecclesiæ temporibus expressum, munus tamen & officium à *B. Petro* Apostolo, & successoribus ejus evidenter institutum; certum tamen est, quòd nullibi reperitur Cardinalium mentio facta ante Concilium Romæ sub *Silvestro* habitum anno 324. in quo, Canone 6. præcipitur, *Ut Diaconi non sint plures per Parochiarum examen nisi duo, & Cardinales urbis Romæ septem*, qui septem Diaconi primis Ecclesiæ temporibus *Cardinales* dicebantur, & *Regionarii*; *Cardinales* quidem, quia licet diversis in locis agerent, in uno tamen continebantur primariæ Ecclesiæ cardine, à qua pendebant, ut à cardine janua; *Regionarii* verò, quòd ex *S. Fabiani* Summi Pontificis instituto, quatuordecim præessent Urbis regionibus; ita ut singuli binis regionibus præpositi, pauperum in iis degentium curam haberent, eisque elemosynas Ecclesiæ fideliter erogarent; quo pio munere piè functus olim *B. Laurentius* Diaconorum S. R. E. Primarius, gloriosi Martyrii palma donatus est anno Christi circiter 142. post *S. Xysti* Romani Pontificis obitum.

Verum quòd *Cardinales* sint hodie ita numero multi, & tres in ordines ita distincti, ut alii sint *Cardinales Diaconi*, alii *Presbyteri*, & *Episcopi* alii, non aliunde ortum est, quàm ex eo quòd crescente fidelium numero, crevit quoque Clerus, & ita compositus est, & varios in gradus, confusionis tollendæ gratia; ita distinctus, ut inter Clericos, alii superiores essent, inferiores alii, alii præessent, & subessent alii, & singuli à se invicem ita discreti atque locati, ut alii in sua Urbis regione, alii in suo titulo, sive Parochia manerent: dixi in suo titulo sive Parochia, quia *Parochia*, sive Ecclesia, *titulus* dici consueverat, Baronio teste, eò quòd *Presbyter*, qui ab ea cui præficebatur Ecclesia, sive Parochia, nomen titulumque desumeret, quamvis usus invaluerit hodie, ut non Ecclesia quolibet, *titulus* dicatur, sed tantum insigniores, quibus præficiuntur *Cardinales*.

Quia in Urbis regione præponebantur aliqua, ut egenorum, pupillarum, atque viduarum curam haberent *Diaconi*, *Regionarii* dicebantur; & quia nihilominus ab una matrice pendebant Ecclesia, ut à cardine janua, *Cardinales Diaconi* erant nuncupati.

Qui verò in titulo aliquo, sive Parochia erant præpositi, ut fidelibus Sacramenta ministrarent, aliaque divina peragerent, erant *Presbyteri*, quorum dum ita crevit sicut & fidelium numerus, ut non unus tantum, sed & plures interdum in eodem titulo, sive Parochia *Presbyteri* essent, unusque esset inter eos, qui præficeret aliis ejusdem tituli *Presbyteris*, ideo is unus à quo pendebant cæteri, ut à cardine janua, *Cardinalis Presbyter* erat nuncupatus; & sic hi omnes *Presbyteri*, quorum quilibet in suo titulo præerat aliis, dicebantur *Cardinales Presbyteri*.

Postea

Postea tandem longo temporum successu superadditi accessere *Cardinales Episcopi*, non sub *Honorio II.* ut opinantur aliqui, sed circa, vel paulo ante *S. Petri Damiani* Cardinalis & *Ostiensis* Episcopi tempora, videlicet circa annum 1057. quando fuere designati septem urbis Romæ viciniores Episcopi, qui assisterent Summo Pontifici, ejusque munus alternatim supplerent hebdomadibus singulis, qui ideo collaterales hebdomadarii vocati; & quia S. R. E. Cardini annexi, inde & *Cardinales Episcopi* dicti; ac proinde hinc successu temporis ortum est, ut *Cardinales* hodie tres in ordines sint ita distincti, ut dicantur alii *Cardinales Diaconi*, alii *Cardinales Presbyteri*, & *Cardinales Episcopi* alii.

### Cardinalium numerus.

Ex quibus omnibus, sive Diaconis, sive Presbyteris, sive Episcopis, Numerus; quotus sit *Cardinalium* numerus si quæras, non eundem semper fuisse respondeo; sed pro temporum varietate varium, & auctum, vel diminutum ex mero Summi Pontificis placito; fuere enim sub *Bonifacio VIII.* *Cardinales* numero 20. & tempore quo *Avenione* sedebant Summi Pontifices, 30. Ne ultra 34. in posterum forent, definierant *Constantiensis* Concilii Patres sess. 40. nihilominus sub *Leone X.* (qui una sola *Cardinalium* promotione 31. creavit olim,) visi fuere *Cardinales* 65. sub *Paulo IV.* numerati fuere 70. & sub *Pio IV.* recensiti 76.

Sed tandem à *Sixto V.* anno circiter 1585. speciali constitutione decretum est, ut non plures nec pauciores forent in posterum *Cardinales*, quam septuaginta, instar septuaginta seniorum de populo *Israelitico*, *Moyli* collateralium & assistentium, de quibus Num. cap. 11. vers. 16. dixit olim *Moyli* Deus: *Congrega mihi septuaginta viros de senibus Israel, quos tu nosti quod senes populi sint ac magistri: & duces eos ad ostium tabernaculi fæderis, faciesque ibi stare tecum, ut descendam & loquar tibi: & auferam de spiritu tuo, tradamque eis, ut sustentent tecum onus populi, & non tu solus graveris.* Et ab eo tempore perseverat hic à *Sixto* definitus *Cardinalium* numerus, hoc est, ille eminentissimus septuaginta senum coetus sive *Senatus*, qui assistunt in universalis Ecclesiæ regimine Summo Pontifici, sicut septuaginta seniores *Israelitici* assistebant olim in regenda *Synagoga* *Moyli*; suntque ex *Diaconorum* ordine 14. ex ordine *Presbyterorum* 50. & ex *Episcoporum* ordine 6. videlicet septem antiqui viciniore *Romanz* urbis Episcopi, *Ostiensis*, *Veliternus*, *Portuenis*, *Tusculanensis*, *Sabinensis*, *Prænestinis*, & *Albanensis*; sed inter eos non computandus hodie *Veliternus* Episcopus, ab eo tempore quo *Eugenius III.* *Ostiensis Veliternum* univit Episcopatum.

Sicut ergo septuaginta seniores illi à plebe *Israelitica* selecti, tria in *Synagoga* cum *Moyse* præstabant munia; videlicet 1. provocaciones ad eum directas judicabant. 2. De causis majoribus ad eum pariter delatis decidebant. Et 3. ea quæ ad Deum, Deique cultum spectabant, soli cum eo decernebant; ita & in Ecclesia Christi *Cardinales* hæc ferè eadem cum Romano Pontifice resolvunt & judicant, quos ideò *S. Bernardus* *Seniores populi, & orbis Judices* vocat; eaque munia omnia facilius ut obire possint & expeditius, varias in Congregationes, sive classes pro rerum tractandarum varietate, solent *Cardinales* distribui.

## Cardinalium Congregationes variaz.

Congregaciones  
variaz.

1. *Sancti Officii*, seu *Inquisitionis* Congregatio dicitur, rebus Fidei prospiciendis occupata, à Paulo III. erecta, & à Paulo IV. confirmata, cui interesse solent selecti Cardinales aliqui, cum doctis & eruditis viris aliis, consilii, consultationisque gratia; haberique solet die Mercurii coram Cardinalibus præfatis, & die Jovis sequenti coram Summo Pontifice, cui referuntur omnia die præcedenti digesta negotia.

2. *Signatura gratiæ* Congregatio vocatur, à Pio IV. erecta, cui solent interesse cum Summo Pontifice plures Cardinales, Prælati multi, & qui causas proponant & explicant Referendarii.

3. *Signatura justitiæ* dicta est, cui intersunt pariter cum Cardinalibus nonnulli plures alii ut opinentur Prælati, & ut proponant Referendarii.

4. *De propaganda Fide* Congregatio dici solet, à Gregorio XV. instituta an. 1622. Sicque ideò dicta, quia Fidei per varias virorum Apostolicorum Missiones dilatandæ destinata; haberique solet apud antiquiorem Cardinalibus.

5. est illa quæ de *Concilio* dicitur, quia ad explicandum, & executioni mandandum sacri Concilii Tridentini textum occupata; soletque pariter apud antiquiorem Cardinalem haberi.

6. *de Episcopis & Regularibus* vulgò dici solet, quia in causis Episcoporum & Regularium decidendis intenta; haberique solita quolibet die Veneris non impedito, Præsede, pro more, Cardinalium antiquiore.

7. *Sacrorum Rituum*, seu consuetudinum & cæremoniarum Ecclesiæ; & hæc est ea, in qua præsertim agitur de Sanctorum Canonizatione; soletque semel in mense apud Præsidem Cardinalem haberi.

8. *de Indice Librorum prohibitorum* Congregatio vulgò dicitur, quia circa Libros, qui imprimi debent, corrigendos vel censura notandos occupata; & pro temporum exigentia apud Cardinalem Præsidem haberi solita.

9. *de Episcoporum examine* nuncupatur, quia pro examinandis ad Episcopatus Italiz promovendis viris destinata, cui interesse consuevere cum Summo Pontifice Cardinales decem, multi Regulares, & viri literatissimi alii.

10. *De rebus & causis Consistorialibus* appellatur, quia in ea de his præsertim agitur, quæ Summi Pontificis nomine remitti solent ad Cardinales, ut nominationes ad Episcopatus & Abbatis, alique similia.

11. *De immunitatibus Ecclesiasticis* Congregatio instituta ab Urbano VIII. haberique solet pro temporum exigentia, apud Cardinalem antiquiorem.

12. *De Indulgentiis* Congregatio dicitur, & huic solent interesse quinque aut sex Cardinales, cum uno vel duobus Prælati.

Sunt & aliz nonnullæ minus præcipuæ, ad politiam & temporalem statum spectantes, præter tribunal *Apostolicæ Camera*, cui interesse solent Cameræ Clerici, cum Camerario Cardinale Præsede. Est insuper præter has omnes, Congregatio alia omnium præcipua & celeberrima, post Summi Pontificis obitum convocari solita, quæque vulgò dici solet *Conclave*.



## Cardinalium Conclave.

Licet Cardinalium Conclave vulgò dici solet celebris illa Vaticani Conclave-  
aula, sive locus in quo decimo die post Summi Pontificis obitum recluduntur Cardinales, ad novam novi Pontificis electionem celebrandam: nihilominus Conclave dicitur, etiam ipse Cardinalium cœtus, hoc in loco sic ad eligendum Pontificem reclusus, nec inde exiurus, ex *Gregorii X.* decreto, nili post novum Pontificem electum. Cum enim *Clemente IV.* vita functo, Sedes vacasset tres fere per annos, hoc est, per biennium & menses novem, eò quòd non convenirent de Successore Cardinales; cumque tandem, favente Deo, Theobaldus Archidiaconus Leodiensis fuisset electus, dictusque deinceps *Gregorius X.* & de quo fertur lepiuè dictum à Joanne Portuensi Cardinali:

*Papatus munus tulit Archidiaconus unus,  
Quem patrem patrum fecit discordia fratrum.*

Ille paulò post, Lugdunense II. convocavit generale Concilium, in quo inter memoranda alia, hoc celebre Cardinalium Conclave decrevit, ad maturandum Summi Pontificis electionem, & providendum ne in posterum tandiu vacaret mater Ecclesiarum Sedes Romana.

Hujusce Conclavis de jure Præles est Cardinalium Decanus, & Decanus Cardinalium is est, qui ex ordine Episcoporum Cardinalis antiquior est, quisque ille sit, sive *Ostiensis*, sive *Portuensis*, *Albanus*, vel alius; non antiquior absolute, sed antiquior ex præsentibus in Urbe, dum contingit Decani Prædecessoris obitus, vel ejus ad supremum Pontificatum per electionem ascensus, ut constat ex speciali decreto *Pauli IV.* antea Cardinalis Carrafa, & sacri Collegii Decani, & è Collegii Decano in Summum Pontificem electi: quo decreto provisum est ac determinatum, ut is in posterum Cardinalis sacri Collegii Decanus foret, non qui antiquior absolute esset, sed qui antiquior esset ex præsentibus in Urbe Cardinalibus Episcopis, dum contingeret mori, vel ad supremum Pontificatum evehi Decanum; & reipsa in hujus executionem decreti, primus omnium sacri Collegii Decanus, & Ostiensis Episcopus, fuit *Joannes Bellayus*, Gallicè *du Bellay*, antea Portuensis Episcopus, quia antiquior fuit ex præsentibus Cardinalibus Episcopis, dum sacri Collegii Decanatus vacare cepit per electionem ipsius Cardinalis *Carrafa* in Summum Pontificem, licet non absolute antiquior esset; illo siquidem antiquiores erant Cardinalis Ludovicus Borbonius Episcopus Prænestinus, & Franciscus Cardinalis Turnonius Episcopus Sabinus, qui ab Urbe procul aberant, dum è Decano in Summum Pontificem electus est Cardinalis Carrafa, anno videlicet 1555.

## Cardinalium prerogativæ variz.

Inter varias & insignes Cardinalium prerogativas censeri convenit,  
1. Quòd hi soli Summum Pontificem eligant ab eo tempore, quo in tertio Lateranensi œcumenico Concilio, sub *Alexandro III.* Romæ habito, anno 1179. exclusis omnino Clero, Imperatore, & populo ab electione Sum-

Prærogativæ variz.

1. Quòd eligant Summum Pontificem.

Summorum Pontificum, totum jus illos eligendi translatum est ad solum Cardinalium Collegium, ibique pariter statutum, ut duæ tertiæ Cardinalium partes pro electione convenirent, alias non valeret electio; idque ita decretum occasione *Ostavianæ* Pseudo-Pontificis, & de Papatu contentis cum ipso *Alexandro III.* vero ac legitimo Summo Pontifice, utpote quia à 17. Cardinalibus electo, dum *Ostavianus* duorum dumtaxat niteretur Cardinalium suffragio, & *Friderici* Imperatoris potentia & auxilio. Sed tandem postquam satis utrinque pugnatum, victo Imperatore, & extincto schismate, Concilium Lateranense III. convocavit *Alexander*; in quo inter alia, hoc præsertim decretum est Canone 1. ut nullus deinceps ut verus haberetur & legitimus Summus Pontifex, nisi esset à duabus tertiis Cardinalium partibus electus.

2.  
Quod si-  
lum eligant  
de solo  
Cardinali  
Collegio.

2. Alia est Cardinalium prærogativa, non solum quod soli Summum Pontificem eligant, sed quod illum de ipso solo Cardinalium Collegio teneantur eligere, ex decreto alterius Concilii longè antiquioris, Romæ pariter habiti anno 769. sub *Stephano IV.* cui interfuere 12. selecti Gallicæ Præfules, ad providendum de forma in Summi Pontificis electione servanda, & damnandum temerarium *Constantini* Pseudo-Pontificis factum, qui ex Laico per vim & contra jus omne, ope *Desiderii* Longobardorum Regis, Summum Pontificatum invasit, & fraudulenter, nulla Canonica servata forma, ab Episcopo Prænestino consecratus, ut Pontifex apparuit contra *Paulum I.* legitimum Pontificem: quod ne in posterum præsumerent Laici, hoc in Concilio decretum est, ut nullus deinceps eligeretur in Papam, nisi gradatim Diaconus, vel Presbyter esset inauguratus; seu, ut in *Apostolatus* culmine unus à Cardinalibus Presbyteris, aut Diaconis consecratur; quamvis id non semper reperitur observatum: multi siquidem fuere in Summos Pontifices posterius electi, nec tamen de Cardinalium Collegio sumpti, quales inter alios fuere *Silvester II.* natione Gallus, *Gerbertus* Aurelianensis antea dictus, anno circiter 999. *Leo IX.* antea *Bruno* urbis Leucorum Episcopus, anno circiter 1049. *Urbanus II.* antea *Odo* Castilonensis, anno 1088. *Urbanus IV.* Trecensis, anno 1261. *Clemens V.* antea *Bertrandus* de Gouth, Burdigalensis Archiepiscopus, an. 1305. *Urbanus* pariter *V.* antea *Guillelmus* Grimoardus Mimatensis, an. 1362. & denique *Gregorius X.* antea *Theobaldus* Archidiaconus Leodiensis; qui omnes veri fuere Summi Pontifices, nec tamen usquam antea Cardinales.

3.  
Quod à  
solo creen-  
tur Summo  
Pontifice.

3. Sicut solis Cardinalibus competit hodie Summum Pontificem eligere, ita & Cardinales creare soli competit Summo Pontifici, ut nullus alius, imò nec ipsum sacrum Cardinalium Collegium Cardinalem unum creare possit vacante Sede; & ratio est, quia Cardinalium creationem sibi Summus Pontifex reservavit, licet putent nonnulli cum *Jacobario*, Concilium generale posse, dum necessitas postulat, unum aut alterum Cardinalem creare, quamvis nullibi, quod noverim, id reperitur factum.

4.  
Quod ce-  
teros præ-  
cedant Ec-  
clesiæ Præ-  
latos.

4. Insignis inter Cardinalium prærogativas pariter est, quod post Summum Pontificem, alios quoscumque præcedant hodie Ecclesiæ Prælatos, sive Episcopos, sive Archiepiscopos, sive Patriarchas; quod præcedentiæ jus Cardinalibus competere definitum est ab *Eugenio IV.* Summo Pontifice, & in confirmationem adducuntur duo Lugdunensia œcumenica Concilia, in quibus ipsa præfessere Cardinales, alios quacumque fulgentes dignitate Prælatos, sicut & in Florentino ipso, in Lateranensi quinto, ac demum in Tridentino œcumenicorum ultimo.

Cer-

Certum tamen esse non diffiteor, primis Ecclesiæ sæculis Cardinales non fuisse æquiparandos Episcopis, sed multo inferiorem fuisse Cardinalium dignitatem Episcopali, ipsosque Episcopos in Synodis immediate post Papam, & ante Cardinales non Episcopos fuisse subscribere solitos, usque ad tempora Nicolai II. ad supremum Pontificatum evekti anno 1059.

Dicit forsan aliquis, *Philippum* S.R.E. Presbyterum & Cardinalem, Legatumque Summi Pontificis, in prima Ephesina Synodo contra Nestorium subscripsisse ante duos alios Legatos celebres, licet Episcopos, *Projetum* videlicet & *Arcadium*. Ergo tunc, hoc est, anno 431. Cardinales præcedebant Episcopos. Sed resp. permisso ant. neg. conseq. Ratio est, quia *Philippus* non subscripsit ante illos Episcopos, ut Cardinalis, sed ut Legatus; nec ut Legatus vulgaris & externus, quales erant *Arcadius* & *Projetus*, sed ut Legatus particularis & internus, deferens internam Summi Pontificis mentem, ac proinde ut Primarius Summi Pontificis Legatus; duo quippe mitti solebant olim Legatorum genera ad Orientalia œcumenica Concilia, ut eruditè notat Eminentissimus Cardinalis *Perronius* in libro *Replia* ad majoris Britannia Regem; alii siquidem ex ordine Episcoporum desumpti mittebantur Legati, ad repræsentandum Occidentalis Ecclesiæ Corpus; alii verò è particulari Romanæ Ecclesiæ Clero Diaconi, vel Presbyteri, ad exponendam particularem & internam Summi Pontificis mentem; illi dicebantur externi, isti verò interni & Primarii. *Philippus* autem hoc in Ephesino Concilio I. internus erat, deferens internam Summi Pontificis mentem; *Projetus* verò, & *Arcadius* externi dumtaxat erant Legati; ac proinde non mirum, si *Philippus* subscripserit ante illos celebres, licet Episcopos. Quoad Laicos verò Principes, usus pariter invaluit in Italia, ut præcedantur à Cardinalibus; unde est quòd *Mauritius* Cardinalis à Sabaudia *Emmanuel* Sabaudia Ducem, patrem licet suum, ac Pedemontanum Principem antecederet olim, ut Cardinalis; & inde creditur ortum, ut vix nolit hodie Sabaudia Dux quemquam è suis ad Cardinalatum evehi subditis.

5. Nec solum Cardinalibus competit hodie, quòd reliquos præcedant Ecclesiæ Prælatos, sed & quòd soli dicantur *Eminentissimi*, idque ex speciali Urbani VIII. Summi Pontificis decreto anni 1630. quo sancitum est, ut nulli alii *Eminentia* titulum usurpare præsumant, exceptis Cardinalibus, tribusque Imperii Electoribus Ecclesiasticis, magnoque Ordinis S. Joannis Jerosolymitani Magistro; teneanturque omnes, præter Imperatorem & Reges, hos titulos *Eminentissimi* & *Eminentia* Cardinalibus tribuere; quod decretum statim executioni mandarunt omnes Italia Principes, hosque *Eminentissimi* & *Eminentia* titulos Cardinalibus tribuere ceperunt, excepta Serenissima Venetorum Republica, contendente se non teneri sicut nec Reges, hos novos Cardinalibus tribuere titulos, ob Regna suæ ditioni subdita; & ea ratione satisfactum fuit à Summo Pontifice Venetorum Reipublicæ, ut juxta morem antiquum Cardinales salutaret, nec tribuere teneretur eis hos novos *Eminentissimi* & *Eminentia* titulos.

6. Distinguuntur insuper Eminentissimi Cardinales à cæteris Ecclesiæ Prælatibus, necdum in præcedentia, & denominationis titulo, sed etiam in leo utantur externo corporis ornatu; donantur enim pileo rubro sibi ab *Innocentio IV.* rubro.

in

5. Quòd dicantur Eminentissimi.

6. Quòd pileo utantur rubro.

in signum constantiæ, & sanguinis, si opus sit, pro fide fundendi, concessio in primo Lugdunensi œcumenico Concilio, in pervigilio Nativitatis an. 1245. eisque ab eodem Summo Pontifice datum, ut equo veherentur in Urbe; antea siquidem pedites incedebant. Hunc autem rubrum capitis ornatum ita Cardinalibus proprium esse voluit *Paulus II.* longè pòst, anno circiter 1464. & sui Pontificatus 1. ut publico decreto sanciverit, ne quis pileo ornaretur rubro præter Cardinales, quibus insuper concessit coccinei coloris pannum, quo equos vel mulos ornarent suos, dum equitarent.

Sunt & multò plures, ac insignes aliæ Cardinalium prærogativæ, in quas excurrere singulas non sinit nostri Apparatus brevitatis.

### Forma claudendi, vel aperiendi Cardinalibus ora.

Formula  
claudendi  
& aperiendi  
Cardinali-  
bus ora.

Hic denique animadvertas velim, quòd his omnibus titulis, honoribus atque prærogativis quamvis insigniti sint Cardinales recenter electi; his tamen in consistorio, vel in consilio cum aliis loqui & opinari nondum esse permittum, donec illis Summus Pontifex os aperuerit. Forma autem claudendi & aperiendi Cardinalibus os, hæc est:

In primo consistorio Summus Pontifex novis Cardinalibus inhiibet, ne quid tum in consistorio, tum in consiliis loqui præsumant, quousque de aliorum Cardinalium sententia os illis aperuerit; in sequenti verò consistorio, vel in tertio omnibus Cardinalibus congregatis, & simul sedentibus & antiquis & novis, Summus Pontifex ad novos conversus, eos exire jubet, egressique expectant, donec antiqui de aperiendo illis ore fuerint opinari; si consenserint, advocantur novi, jubenturque suo sedere in loco, quos deinde stantes paternè instruit Summus Pontifex de modo, quo se gerere debeant in consistorio, domi, publicè, & in omnibus servandam esse modestiam atque prudentiam addens, finemque dicendi facit his verbis: *Aperimus vobis ostium in Collationibus, quàm in Consiliis, atque in electione Summi Pontificis, & in omnibus actibus tam in consistorio, quàm extrà, qui ad Cardinales spectant, & quos soliti sunt exercere, in nomine Patris, & Filii, & Spiritus sancti.*

Eosdem tamen, ex sola ad Cardinalatum promotione, jus habere suffragii in Summi Pontificis electione, licet eis nondum apertum fuerit os, colligitur ex factò Cardinalis Cluniacensis, qui nec locum habens in consistorio, nec titulum, eique licet non fuisset apertum os, interfuit tamen *Urbani V.* Summi Pontificis electioni, post *Innocentii VI.* Prædecessoris obitum, anno 1363.

## ARTICULUS XIV.

### *De clarioribus vitæ Summorum Pontificum Scriptoribus.*

Clariores  
vitæ Sum-  
morum  
Pontificum  
Scriptores.

**Q**uia non parum proderit, vitæ Summorum Pontificum historiam scire, ad noscenda cætera alia de illorum gestis, dictis, vel decretis scitu necessaria; idèò, qui consulantur interdum Auctores, hic subjiciuntur clariores, qui Summorum Pontificum scribere vitas, quos inter clauere præcipui,

Anastasius. 1. *Anastysius* Abbas, & S. R. E. Bibliothecarius, vir Græcè & Latine doctus.

doctus, vivens nono cadente sæculo; qui primus omnium tentans Romanorum Pontificum describere vitas eruit e Bibliothecæ Romanæ scriniis recondita multa, & Librum de vitis Summorum Pontificum à *Petro ad Nicolaum* primum usque texiit, quem *Pontificalem* inscripsit.

2. *Frodoardus Rhemensis* Canonicus, qui paulò pòtè, *Anastasium* imitatus, decimo sæculo eadè SS. Patrum vitas à *Petro ad Leonem VII.* scripsit, sed non eodem modo, nec oratione soluta, sed stricta & metrica, fatis licet venusta. Frodoardus.

3. *Baptista*, vel ut placet aliis, *Bartholomæus Platina*, Italus natione, & patria Cremonensis, vir eruditione & eloquentia clarus, Vaticanæque Bibliothecæ à *Sixto IV.* Romano Pontifice præpositus, qui de vitis Summorum Pontificum à *S. Petro ad Paulum II.* texiit Librum, ipse quoque Romano Pontifici *Sixto IV. Pauli II.* Successori dicavit; sed hoc in Libro, quamvis per orbem fatis noto, non satis Auctor ille fidelis & verax, nimisq; propensus ad notandos Summorum Pontificum nexos, multisq; alijs scatens ipse hallucinationibus & mendis, eoq; præsertim fœdissimo laborans vicio, quòd aliis sæpè quam describit, quasi oblitus vitæ, in alienam, & ad rem non pertinentem excurrat materiam, raptus è vivis anno circiter 1484. Platina.

4. *Augustinus Trivultius* Mediolanensis, S.R.E. Cardinalis, vivens anno circiter 1514. qui pariter à *Petro ad Paulum III.* Romanorum Pontificum texiit historiam, qua etsi nondum typis credita, sed solum manuscripto mandata, se non parum fatetur adiutum *Onuphrium Panvinum*, in suo de iisdem Pontificum vitis texendo Libro; fuit enim Trivultius.

5. *Onuphrius Panvinus* natione Italus, patria Veronensis, & professione Ordinis S. Augustini, qui notas addidit non sperandas ad Romanorum Pontificum vitas à *Platina* descriptas, & sequentium ipse Pontificum attexiit historiam ad *Paulum IV.* usque, cum hoc præfixo titulo: *Epitome Pontificum Romanorum à S. Petro ad Paulum IV.* in qua totus est in variis Conclavium narrationibus, aliisque recensendis, quæ ad electionem, vel gesta Summorum Pontificum spectant, vel ad Cardinalium creationem, & insignia pertinent. Obiit anno 1568. ætatis suæ 34. Onuphrius.

6. *Papianus Masso*, Parisiensis Patrologus, & *Onuphrio* coævus, qui de eorundem Romanorum Pontificum vitis, à *Petro ad Paulum IV.* texiit pariter Librum unum, cum hoc præfixo titulo, *De Episcopis Urbis*; sed titulo non fatis respondet Liber ille, cum de Romanorum Pontificum vitis pauca dicat, omittat necessaria, & excurrat ad superflua. Masso.

7. *Alfonfus Ciaconius* natione Hispanus, & professione Ord. FF. PP. & Patriarcha titularis Alexandrinus, vir in re historica non leviter versatus, qui præter duodecim Gregorianæ Summorum Pontificum gesta, tractatum de liberatione animæ Traiani à *S. Greg.* & tractatum alterum de S. Hieronymi Cardinalitia dignitate, scripsit insuper Summorum Pontificum vitas, à *Petro ad Innocentium VIII.* post vetustissimos evolutos codices, antiqua explorata monumenta, & lustratas Bibliothecas Urbis universas: quo in opere arguitur à nonnullis in hoc, quòd non solum promissas tangat Pontificum vitas, sed & Cardinalium gesta referat & insignia, aliaque ad rem non pertinentia passim attingat Imperatorum gesta, eaque fusiis discutiat quàm deceret: sed venia donandus in hoc, quòd opere nondum reviso, & ultima exulto manu, obierit Romæ anno 1599. quodque deinde ejus post obitum fuit luci publicæ datum anno 1601. Ciaconius.

Galtru-  
chius.

8. *Pater Galtruchius*, Societatis Jesu Scriptor eruditus, qui nostris diebus, post Historiam sanctam breviter & Gallicè descriptam, scripsit & eadem lingua *vitæ Summorum Pontificum à S. Petro ad Clementem X.* anno circiter 1673.

Duchenius.

9. *Andreas Duchenius*, Gallicè *Duchène*, vir natione Gallus & Galliz Historiographus eruditus, qui Summorum Pontificum historiam, & sub iis notabilia gesta scripsit idiomate Gallico à *S. Petro ad Innocentiam X.* usque; obiitque anno 1655. quod postea defuncti Patris opus revisit, & eorundem Summorum Pontificum Imaginibus & Epitaphiis exornavit, simulque tunc cum iisdem regnantium Imperatorum, ac Galliz Regum nominibus ditavit & auxit filius ejus Franciscus Duchenius, in suprema Parisiensi Curia Advocatus, & Galliz pariter Historicus egregius.

Godorus.

10. *Jacobus Godoreus* natione Vasco, patria Neracensis, & professione Congregationis Doctrinæ Christianæ Scriptor, ingenio, zelo & eruditione laudabilis, vir miræ facundiz, floridæ literaturæ, & pietatis eximie, Poeta, Orator, & Historicus egregius, qui, inter alia opuscula varia, præter editum Librum unum, (ad imitationem *Valerii Maximi* Romani Oratoris & Philosophi) de illustribus in Ecclesia dictis ac gestis, in virtutum vel vitiorum exempla datis, cum hoc præfixo titulo, *Valerius Ecclesiasticus*; scripsit insuper *vitæ Mirandorum*, hoc est, Paparum seu Summorum Pontificum historiam à *Petro ad Innocentium XI.* usque: omnium ultimus quidem, sed multò accuratius, multòque fusiùs, elegantius & verius, quàm quotquot de iis hætenus egere Scriptores eruditi. Scribere desinit Tolosæ, ubi clausit Libros, & vitam Cælo dignam anno 1692.





# METHODICUS

A D

## POSITIVAM THEOLOGIAM

# APPARATUS.



### LIBER SEPTIMUS.

*De præcipuis in Ecclesia subortis hæresibus.*



QUIA non satis est Theologiæ Candidato, puros invenisse Theologiæ fontes, & Orthodoxos sanæ doctrinæ nosse Magistros; sed debet insuper fidei, Christi-que fideli gregi nociva prævidere pascua, & Pseudo-Magistros, venientesque in vestimentis ovium rapaces fugere lupos; idè breviter hic & cursim in hoc ultimo nostri Apparatus libello, varios in articulos distributo, præcipui qui diversis temporibus, & circa diversas fidei Catholicæ materias emerere, notandi sunt cum suis hæresibus Hæretici; eaque methodo, ut ad faciliorem Candidatorum usum, juxta tractatum Theologicorum ordinem, in primo notentur articulo hi qui circa Deum unum in essentia; in secundo qui circa Deum ut trinum in personis; in tertio qui circa Deum, ut Angelorum hominumque Creatorem; in quarto qui circa Deum, ut gratiæ largitorem; in quinto qui circa Deum, ut principium, & ultimum actuum humanorum finem; in sexto qui circa Deum, ut Legislatorem; in septimo qui circa Deum

Deum Incarnatum; in octavo hi qui circa sancta Ecclesiæ Sacramenta, sive circa Deum ut Sacramentorum Auctorem; in nono denique & ultimo depingantur hi, qui errare circa S. Deiparam Virginem, Sanctosque in Cælo cum Christo regnantes alios,

## ARTICULUS PRIMUS.

*De præcipuis circa Deum unum hæresibus.*

Circa  
Deum  
unum er-  
rarunt præ-  
sertim

**Q**uamvis signatum sit super nos lumen vultus tui, Domine; quamvis invisibilia Dei per hæc, quæ facta sunt, intellecta conspiciantur. Quamvis clamet Augustinus, an vivam, dum vivo; sed non an Deus sit dubitare audebo. Quamvis, teste sancto Gregorio, omnis homo, eo ipso, quo rationalis est conditus, debeat ex ratione colligere, eum qui se condidit, Deum esse. Et quamvis denique Dei existentia sit omnibus ratione utentibus ita nota, ut non possit invincibiliter ignorari, nec ab ulla quantumvis ferrea, rudi ac barbara gente, nisi delipiendo, & in corde negari: fuere tamen apud antiquos nonnulli ultimæ impietatis, & nullius religionis viri, tibi benevole Theologiæ Candidate, in primis, & ante Hæreticos quoscumque, in hujus de Deo usque tractatus limine vitandi, videlicet *Athei*, *Deistæ*, *Polytheistæ* varii, & alii circa Dei naturam, vel unitatem errantes, sive Gentiles Philosophi, sive hæretici, ut *Aethiopomorphitæ*, sive *Audaani*; & alii, quos ut discernere valeas alios ab aliis, & plenius fugere velis omnes, hæc de singulis discere, & primo

## De Atheis.

*Athei.*

*Athei* dicuntur hic à nobis viri illi quicumque fuerint, qui insipientes in corde suo, Deum nullum esse dixere; unde *Atheistæ*, sive *Athei*, id est, sine Deo, vulgò nuncupati, qualis fuisse fertur *Diagoras* Atheniensis Philosophus, cognomento *Atheus*, eoque nomine Athenis ab Atheniensibus ejectus; qualis & *Theodorus* pariter Philosophus, Zenonis primum, deinde Pyrrhonis discipulus; quales & *Callimachus*, *Lucianus*, *Lucretius*, *Doletus* & alii, quibus licet longè recentior addendus, & *Lucillus*, vir natione Italus, domicilio vagus, religione nullus, sed professione insignis *Atheus*, qui post suum disseminatum per varia Galliarum loca, ex Italia delatum Atheismum, tandem Tolosæ captus, accusatus & convictus, religiofo & a quo Augusti Senatus decreto, vivus comburi iussus anno Domini 1619. Februariique mensis die 9.

Et merito ad mortem comburi iussus; indignus enim vita, quisquis Deum vitæ Auctorem negat, quem ipsa naturalis ratio demonstrat, quem orbis universus indicat: ipse enim mundus universus continens omnia, scientiam habet vocis Atheos quoslibet impugnantis, & sui Auctorem existere aliquem, Rectoremque primum, ac proinde Deum esse clamantis: in illo siquidem mirabili, vastoque mundo, quasi in aperto rerum omnium Libro, Cæli enarrant gloriam Dei, pulchritudinem ejus Sol & Luna mirantur, benedicunt omnia opera Domini Domino, in ipso quasi vocalia clamant omnia; Ipse fecit nos: in eo omnis natio quantumvis barbara, omnis homo quantumvis inhumanus & ferus, incultus & hebes, sive Gen-  
tilis.



tilis, sive Judæus, sive Latinus, sive Græcus, Afer & Scythæ, Indus & Danus, à mari ad mare, nobilis & ignobilis, pius & impius, ipse quoque quantumvis perditus, & Dei inimicus *Atheus* in vitæ extremis, in periculo mortis positus, ad Deum recurrit, Deum invocac & inclinat, & sic invocando, dari Deum quem antè negabat, naturaliter & manifestè probat. Unde est quòd *Tertullianus* Dei existentiam ex ipsius animæ testimonio Deum naturaliter nominantis ostendens, exclamet dicens: *Deus magnus, Deus bonus, & quod Deus dederit omnium vox est . . . . O testimonium animæ naturaliter Christianæ!*

De Deistis.

*Deistas* vocamus eos alios quoscumque si qui sint sine lege, sine pietate & sine religione viros, qui circa Dei existentiam ita errant, ut ab Atheis in hoc differant, quòd Deum quidem existere teueant, & hoc solum quòd existat, de illo necessariò credendum asserant; Deum verò ipsum colendum quidem, sed colendi modum unicuique liberum, & solo rationis lumine definiendum esse dicant; unde *Deistæ*, *Libertini*, *Indifferentes* & *Philosophi* vulgò nuncupati. *Deistæ* quidem vocantur, quòd Deum existere, & nihil aliud necessariò credendum asserant; *Libertini* verò, quòd modum colendi Deum ex libero uniuscujusque pendere velint arbitrio; *Indifferentes*, eò quòd consequenter asserant, Religiones omnes ita indifferentes esse, ut quemlibet in qualibet salvari posse doceant; *Philosophi* denique, quòd Religionem philosophando, hoc est, solo rationis lumine discurrendo, definiendam & eligendam esse contendant; seu quòd solam religionem naturalem, & nullam revelatam agnoscant.

*Deistæ.*

Quæ omnia cum reprobet, detestetur & damnet Christi Religio nostra, tot Prophetis & Sanctis divinitus revelata, tot miraculis confirmata, tot sanctorum Martyrum sanguine signata, tot credibilitatis motivis aliis persuasa; reprobare consequenter debet & fugere Theologus, & dicere cum Paulo Apostolo ad Ephesios, cap. 4. vers. 5. *Unus Dominus, una fides, unum baptisma, &c.* Si ergo ex Apostolo una sit fides, sine qua impossibile est placere Deo, consequenter una est fides, sine qua salutem consequi potest nemo. Si una fides, ergo non multæ, ergo non alia & alia, nec ad salutem indifferens quælibet dicenda, sed quærenda & tenenda illa una; eaque quærenda, non argumentis & philosophando cum Philosophis, sed divinis adhærendo Scripturis, cum dicat S. Ambrosius lib. de fide cap. 5. *Removenda sunt argumenta, ubi quaeritur fides. Credimus piscatoribus, non dialecticis*, seu Philosophis & hominibus vanis secundum vana & fallacia mundi elementa philosophantibus: & moneat insuper Paulus Apost. illud idem, dum ad Coloss. cap. 2. vers. 8. dicat; *Videte, ne quis vos decipiat per Philosophiam, & inanem fallaciam, secundum traditionem hominum, secundum elementa mundi*, hoc est, per Philosophiam illam, quæ non est à Deo revelata & iustificata, nec secundum revelata procedens principia; sed quæ est ab hominibus vanis, & secundum fallacia procedens veterum Philosophorum principia, qualia sunt v. g. trita ista veterum Philosophantium axiomata, elementa, sive principia.

1. *Ex nihilo nihil fit.*

2. *A privatione ad habitum non datur regressus.*

*Appar. Annui T. 11.*

T

3. *Ac-*

3. *Accidentis est inhaerere subiecto.*

4. *Omnis substantia maximè rationalis est per se subsistens.*

5. *Quæ sunt eadem uni tertio, sunt eadem inter se.*

Hæc enim trita veteris Philosophiæ principia, licet in naturalibus vera, in supernaturalibus tamen inania sunt, vana ac fallacia : Ex primo enim tollitur mundi creatio : Ex secundo corporum resurrectio, Christi que miraculorum veritas, quibus cæcis visum, surdis auditum, claudis gressum restituit, &c. Ex tertio nutat veritas Corporis Christi in Eucharistia : Ex quarto impetitur Mysterium Incarnationis, & unionis hypostaticæ Verbi ; & ex quinto denique eliditur sanctissimæ Trinitatis mysterium : ergo non à Philosophia, sed à Christo, & Ecclesia querenda est, & definienda supernaturalis & Catholica fides ac religio nostra.

### De Polytheistis.

*Polytheistæ*, quorum *Polytheistæ* hic dicuntur à nobis, hi omnes cæcæ antiquitatis, sive Gentiles, sive Judæi, sive hæretici viri, qui sibi pro arbitrio plures finxere Deos; unde *Polytheistæ* meritò vocati, suntque ita varii, & numero multi, ut vix numerare quis possit omnes : nam

*Alii Gentiles, ut* *Polytheistæ* fuere hi omnes, quotquot olim *Saturno, Jovi, Marti, Soli, Veneri, Mercurio, Lunæ, aliisque* similibus, sibi ad placitum confectis litabant numinibus; quales hi fuere, qui omnium primi *basas, lignaque* corticibus nudata pro Diis venerari cœpere : unde à Romanis hæc religio fluxit olim, ut singulis Deorum simulacris *basas* darent.

*Indi.* Quales *Indi*, qui maximas arbores pro Diis adorabant, easque ferro violasse, capitale crimen esse tenebant.

*Persæ.* Quales *Persæ* & *Massageta*, qui Deos *Cælum & Jovem, Solem* verò Deum maximum esse putabant.

Quales antiqui Gallorum *Druidæ*, qui *viseum* ex querna arbore natum, ut numen habebant,

*Ægyptii.* Quales *Ægyptii*, qui modò *Apim*, modò *Isim*, & *Osiridem*, modò *Serapim*, ut Deos antiquitatis venerari solebant.

Quales & alii, apud eosdem *Ægyptios*, qui aves, serpentes, feles, crocodilos, imò allia, cepe, porros & herbas, aliaque his longè viliora pro diis coluisse, fusè docet S. August. lib. 3. de Civit. cap. 12. & lib. 4. cap. 10. & seqq. ac *Juvenalis* Satyr. pen. *Ægyptios*, quòd porrum & cepe colerent ut numina, sic Poeticè ridet:

*Porum & cepe nefas violare, & frangere morsu.*

*O sanctas gentes, quibus hæc nascuntur in hortis*

*Numina!*

*Arabes.* Quales adhuc apud Gentiles fuere *Arabes*, qui *Jovi & Baccho; Numidæ, qui Ammoni; Scythotauri, qui Diana; Laodæci, qui Palladi; & Phœnices, qui Saturno* litabant.

Quales denique dici possunt & alii varii cæcæ antiquitatis Philosophi, qui tam varia & tam iniusta de primo rerum omnium principio inveniuntur ventilasse figmenta, ut mihi videantur Andabatarum more locuti; censuit enim *Thales Milesius* aquam rerum omnium principium esse; *Anaximenes* verò aera, quem non à Diis, sed Deos ex eo productos æbat;

*Croto.*

*Crotoniastes* Solem, Lunam, & Sidera; *Empedocles* quatuor elementa; *Socrates*, *Plato*, & *Xenophon* Cælum & Solem; *Heraclitus* ignem: ex quo omnia fieri, & in quem omnia resolvi somniavit; & alii varii, qui varia alia insulsa & rationi dissimilia docuere figmenta.

Sed hi omnes, sive antiqui, sive recentes Philosophi, quia *meditati sunt inanità*, & de primo rerum omnium principio, ac consequenter de Deo locuti sunt falsa, ideo nec de Deo, nec de religione, de suo differenter audiendi; sed soli Prophetæ, alique Scriptores sacri, qui non nisi à Spiritu Sancto inspirati, locuti sunt sancti Dei homines; qui omnes unanimi voce clamant, hæc omnia visibilia mundi entia, Dei creaturas esse, ac proinde nullum ex his Deum dici posse, quem nemo vidit unquam, sed nec videre potest. Audiendi post Scriptores sacros, non hi qui de foris sunt, & profani; sed Sancti Ecclesiæ Patres, & inter illos præsertim *Augustinus*, dum in Psalmum 85, ait: *Terram cogitas, non est hoc Deus; omnia cogitas quæ sunt in terra, in mari, & in Cælo, non est hoc Deus: hoc solum possum dicere quodd sit, non quid sit*. Et bene: quid enim sit Deus, scire potest creatura nulla; & si sciret, Deus esset; Deum enim nemo novit, nec quid sit, propriè scire potest; quamvis tamen, sicut per nubes, Solis lumen; ita per creaturas, Deum aliquatenus cognoscendo & describendo, dicamus Deum esse id, quo nihil melius & perfectius potest excogitari; ita ut non sit ens, sed essentia; non bonus, sed bonitas; non sapiens, sed sapientia; non omnipotens, sed omnipotentia; ita ut sit rerum omnium principium & finis, utroque carens, neutro egens, utriusque parens, regnans ubique sine loco, semper sine tempore, magnus sine quantitate, totus sine partibus, immobilis movens omnia, solus super omnia, infra omnia, extra omnia, intra omnia, præter omnia, ante omnia, post omnia omnis, & ante quem tanquam nihilum omnia.

*Polytheistæ* apud Judæos pariter fuisse multi, ut v. g. *Ranaitæ*, *Muscaronitæ*, *Musoritæ*, *Pustoritæ*, *Fortunaitæ*, *Tophethitæ*, *Molochitæ*, *Remphanitæ*, & alii. Alii *Idolæ*, ut v. g.

*Ranaitæ* in Ægypto dicebantur olim illi, teste *Philastrio Brixienti*, qui *Ranas* colebant, quas sub Pharaone, ex divina ira, Moysiisque imperio, ad defatigandos & infestandos Ægyptios protulit olim Ægyptiaca tellus; existimabant enim illi, hac vana observantia, seu hoc vano ranarum cultu se iram posse placare divinam.

*Muscaronitæ*, sic à *Musca* & *Accaron* nuncupati, erant apud eosdem Judæos hi qui in civitate *Accaron*, muscam adorabant, seu potius *Beelzebub* Dæmoniorum Principem, qui erat Deus *Accaron*, dictusque muscæ Deus, à sædo atque spurco quo colebatur muscæ sacrificio: ad quem cum nuntios misisset *Ochozias* consulturus, num de sua qua laborabat, convalesceret infirmitate, nuntiis, jussu Angeli Domini, ab *Elia Thesbite* dictum legitur 4. Regum cap. 1. vers. 4. *Numquid non est Deus in Israel, ut eatis ad consulendum Beelzebub deum Accaron? Quam ob rem de læso super quem ascendisti, non descendes; sed mori morieris*.

*Musoritæ* dicebantur hi, qui *Mures* colebant ut Deos, ducta hujus abominandi cultus origine à *Philistinorum* Principibus & Saccapis, qui, cum propter Arcam testamenti in bello captam, ingens murum copia regionem devastaret universam, persuasi fuerant ab *Allophylorum* sacerdotibus, ut pro delicto suo, divinaque placanda ira, juxta numerum

Provinciarum, quinque mures aureos facerent, quos darent Deo Israel; sicque super planitium novum eandem arcam remitterent, inde futurum rati, ut cessaret illa murium plaga; ex quo ortum est, ut mures postea maximo in honore haberi, & coli cœperint à Judæorum nonnullis, qui idcirco *Musorite* fuere vocati.

*Puteoriz.*  
tæ.

*Puteorizæ* fuere Idololatrz illi; qui *Puteos* colebant, eosque in altum fodientes, aquam inde hauriebant, quam salutarem esse dicebant, & ex ea ipsa quid salutis spectabant; contra quos apud Jeremiam cap. 2. vers. 13. conqueritur Dominus, dicens: *Dereliquerunt me fontem aquæ vivæ, & foderunt sibi cisternas, cisternas dissipatas, quæ continere non valent aquas, salutares videlicet; non enim istæ, nec aliæ quæcumque terrestres, sed solius divinæ gratiæ, cœlestes aquæ salutares dici possunt; unde de his quod dixerat olim per Jeremiam Dominus, jam præsens inculcat Joannis cap. 4. vers. 13. dicens: Omnis qui bibit ex aqua hac, sitiet iterum; qui autem biberit ex aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in vitam æternam.*

*Fortuna-*  
tizæ.

*Fortunatizæ* dicebantur apud eosdem olim hi, qui *Fortunam*, sive *Cæli Reginam* adorabant, eo ducti motivo, quod qui illam religiosè colerent, magnis sæpe incrementis se auctos ejus meritis putarent; eos verò qui minime coluissent, vel despectui habuissent, variis fuisse afflictos incommodis crederent; ubi per *Reginam Cæli*, *Lunam* ab iis intelligi putat *S. Hieronymus*, eo quod Luna hæc inferiora corpora moderetur & regat; vel *Militiam Cæli*, de qua 2. Paralip. cap. 33. vers. 3. dicitur quod Manassés adoravit *Militiam Cæli, & coluit eam*. Id est, inquit Hieron. Solem, Lunam, cæteraque Cæli Sidera, quæ quasi milites Dei, ordinata acie incedunt, & pro Deo pugnant, vibrantque in hostes tonitrua & fulmina, cum opus est. De *Fortunatizis* istis Dominus Jeremiz cap. 7. vers. 17. loquens ait: *Nomen vides quid isti faciunt in civitatibus Juda, & in plateis Jerusalem? Filii colligunt ligna, & patres succendunt ignem, & mulieres conspergunt adipem, ut faciant placentas Reginæ Cæli, & libent diis alienis; & de his iterum ibidem cap. 44. vers. 14. & seqq.*

*Topheth-*  
tizæ.

*Tophethizæ* verò apud Judæos pariter erant Idololatrz illi, qui filios filiasque suas in holocaustum vivas offerebant in *Topheth*, id est in luco, sive silva idolo *Moloch* celeberrima, in valle filiorum *Ennom* prope Jerusalem sita, psallentibus interim Sacerdotibus altissima voce, tubisque & tympanis (unde ortum loci nomen *Topheth*, id est Tympanum) perstrepentibus, ne miseriorum puerorum ejulatus audiretur à parentibus vel affinis, quibus persuadebant infantes hac via à Diis ad æthera rapi. Contra quos Dominus non solum apud Ezechielem cap. 16. sed etiam apud Jeremiam cap. 7. vers. 27. ait: *Et loqueris ad eos omnia verba hæc, & non audient te: & vocabis eos, & non respondebunt tibi. Et dices ad eos: Hac est gens quæ non audivit vocem Domini Dei sui, nec recepit disciplinam: periit fides, & ablata est de ore eorum. Tonde capillum suum, & projice, & sume in directum planctum: quia projecit Dominus, & reliquit generationem furoris sui, quia fecerunt filii Juda malum in oculis meis, dicit Dominus. Posuerunt effendicula sua in domo, in qua invocatum est nomen meum, ut polluerent eam: & edificaverunt excelsa *Topheth*, quæ est in valle filii *Ennom*: ut incenderent filios suos, & filias suas igni: quæ non præcepi, nec cogitavi in corde meo, &c.*

*Molochi-*  
tæ.

*Molochizæ* & *Remphanizæ* apud eosdem dicebantur hi, qui *Moloch* &

*Rem-*

*Rempham* idola colebant. Significat autem *Moloch* idem quod *Confiliarius*, & *Rempham* idem quod *Sidus* illud, quod *Luciferum*, vel *vesperum* vocant, quodque dicitur *Venus*, septem Planetarum unus, quem *Saraceni*, & *Saracenes* imitantes *Judæorum* nonnulli colebant, de quibus *S. Stephanus* Protomartyr *Actuum* cap. 7. vers. 42. ait: *Convertit autem Deus, & tradidit eos servire militiæ calis, sicut scriptum est in Libro Prophetarum: Numquid victimas & hostias obtulistis mihi annis quadraginta in deserto, domus Israel? Et suscepistis tabernaculum Moloch, & Sidus Dei vestri Rempham, figuras, quas fecistis, adorare eas.*

Hos inter Polytheistas recenferi possunt hæretici multi, ut *Tritheita*, *Alii hæretici ut* *Valentiniani*, *Cerdoniani*, *Marcionistæ*, *Carpocratiani*, *Gnostici*, *Apellæ*, *Manichæi*, *Severiani*, *Albanenses*, *Albigenses*, & alii, de quibus singulatim suis locis agetur infra. Hi siquidem omnes quasi ejusdem labii, duos admittebant Deos, dum duo assererebant rerum omnium principia, bonum scilicet unum, à quo bona, & malum alterum, à quo mala prodirent omnia.

*Tritheita*, hoc est, hæretici illi, qui sexto cadente sæculo, *Joannem Philoponum*, virum natione *Alexandrinum*, & professione *Philosophum* secuti, tres Personas divinas, tres dixere Deos esse, unde *Tritheita* vocati, ac proinde inter Polytheistas numerandi; & à fortiori

*Valentiniani*, hoc est, hæretici illi, qui ante ipsos omnes, secundo Ecclesiæ corrente sæculo, *Valentinum* *Ægyptium* è *Platonico Christianum*, è *Christiano hæreticum* secuti, nedum duos aut tres, sed *triginta admiserunt Deos, sive Aonas*. Supponebat enim *Valentinus* ille, 1. ante mundum nihil fuisse præter *profundum maris*, & *silentium*, quod chaos dixere Poetæ; 2. de hoc profundo & silentio *intellectum* & *veritatem* prodiisse; 3. de intellectu & veritate *verbum* & *vitam*; 4. de verbo & vita *hominem* & *Ecclesiam*, & de homine & Ecclesia *duodecim Aonas* sive sæcula; de verbo & vita decem alias; de intellectu & veritate octo pariter alias; sicque è duobus illis rerum omnium principiis, *profundo* videlicet & *silentio*, triginta prodiisse *Aonas* sive Deos, & tandem è trigésimo illo sæculo, sive Deo prodiisse diabolum, & è diabolo illos alios fuisse, qui mundum istum effecere, contendit; & hanc fabulosam triginta Deorum progeniem simplicibus & imperitis ut suaderet, Christum ad illam designandam 30. annos vixisse dicebat, imò & illius meminisse Paulum ad *Epheios* cap. 3. vers. ultimo dicentem, *In omnes generationes sæculi sæculorum*, cum vox illa Græca αἰών idem significet ac *sæculum*.

Sed contra fabulosam illam, sive Deorum, sive Sæculorum *Valentini* sobolem, contra impium quemcumque alium, sive Gentilium, sive *Judæorum*, sive *Hæreticorum* polytheismum pugnant ubique sacræ Scripturæ paginæ, universa Prophetarum oracula, Canonica Apostolorum scripta, sanctorum Ecclesiæ Patrum dicta, & celebrata quotquot fiere Ecclesiæ Concilia, tolerata pro Deo uno SS. Martyrum supplicia, & pugnat pro Deo uno ipsum etiam naturale rationis lumen, dictans repugnare, & protus impossibile esse, plures Deos esse.

1. Quia de ratione Dei est, ut sit ens omnium primum, & prima rerum omnium causa: sed repugnat ex terminis, dari plura entia, quorum quodlibet sit ens omnium primum, & prima rerum omnium causa, ut patet; nam si essent plura, nullum ex iis esset primum respectu aliorum, nec causa aliorum, ac proinde quodlibet ex illis esset, & non esset

primum ens, & prima rerum omnium causa, quod repugnat & implicat. ergo & repugnat plures esse Deos.

2. Quia de ratione Dei est, ut sit ens illud, quo nihil perfectius potest excogitari, seu ens perfectissimum omnem perfectionem possibilem habens; atqui repugnat dari plura, v. g. duo entia numero diversa, quorum quodlibet sit ens perfectissimum, omnem perfectionem possibilem habens; ergo & dari plures Deos. Pr. min. Illa duo entia, qualiacumque forent, differrent inter se per aliquid, quod esset in uno, & non esset in alio; & illud aliquid, vel esset perfectio vel imperfectio; si perfectio, ergo illud ens ex iis duobus quod illa careret, non esset ens perfectissimum omnem perfectionem possibilem habens, nec consequenter Deus; si verò sit imperfectio, ergo pariter illud ens quod illam haberet, non esset perfectissimum, habens omnem perfectionem possibilem, sed ens e contra habens imperfectionem aliquam, ac consequenter non Deus; ergo manifestè repugnat plura dari entia, quorum quodlibet sit ens perfectissimum omnem perfectionem possibilem habens; ergo & plures dari Deos, repugnare & impossibile esse patet, & unum solum dari posse Deum sola naturalis ratio demonstrat, ac proinde meritò in polytheismum quemcumque pugnat universa sua doctrina mundus, & pugnabit in sæculorum sæcula, dicens cum Regio Psalte, Psalm. 17. vers. 32. *Quis Deus præter Dominum? aut quis Deus præter Deum nostrum?* Et alibi: *Non est Deus noster, ut Dii eorum, qui novi, recentesque venerunt, quos non coluerunt Patres eorum; Deus autem noster unus est, Rex sæculorum immortalis, invisibilis, & solus, magnus, & laudabilis nimis, terribilis super omnes Deos, quoniam omnes Dii gentium demonia.*

### De Anthropomorphitis.

Anthropomorphitis.

*Anthropomorphita*, sive *Audaani*, hoc est, hæretici nonnulli quarto cædente sæculo, anno circiter 380. sub Valente Imp. & Damaso Rom. Pont. in Ecclesia suborti, diètique *Anthropomorphita* à voce græca *ἄνθρωπος*, Latine significante *hominem*, & *μορφή* significante *formam*, eò quod, si non circa Dei existentiam & unitatem errarent, in hoc tamen turpiter erraverint, quod rustica simplicitate delusi dixerint cum *Audao*, unde *Audaani*, sive *Audiani* vocati, viro quodam, & genere & lingua Syro: *Deum humana esse præditum forma, ac proinde corpus nostro simile, similiaque nostris habere membra*; illo ducti, sed perperam intellectu, divinæ Scripturæ textu Genes. cap. 1. vers. 26. dicentis: *Faciamus hominem ad imaginem & similitudinem nostram*; putabant enim hominem esse ad imaginem Dei secundum corpus, ideòque Deum esse corporeum.

Quod sane non dixissent, si attendissent ad illud Christi dicentis Joan. cap. 4. vers. 24. *Spiritus est Deus*. Si Spiritus est Deus, ergo non corporeus, nec humana habens membra, cum dicat idem Christus Dominus Luca cap. 24. vers. 39. *Spiritus carnem & ossa non habet, sicut me videtis habere*; cantetque Regius Psalter Psalm. 144. vers. 3. *Magnus Dominus & laudabilis nimis, & magnitudinis ejus non est finis*. Si magnitudinis ejus nullus sit finis, nulla illius ergo figura, nulla quantitas, nullum corpus, ac proinde propriè dicta membra nulla, quamvis ei interdum tribuantur metaphorica plura, de quibus in secundo Libro actum est supra.

## ARTICULUS II.

## De præcipuis circa Deum Trinum hæresibus.

Quotquot diversis temporibus fremuere divinæ Trinitatis hostes & impugnatores blasphemæ, licet numero multi, fuere tamen omnes vel *Gentiles*, *Judæi*, vel *Hæretici*. De Gentilibus & Judæis agemus infra, ubi de præcipuis circa Deum Incarnatum hæresibus disseremus; hi enim omnes sive *Gentiles*, sive *Judæi*, cum Christo Jesu non credant, religionis consequenter Christianæ mysteria respuunt omnia, quorum præcipuum, & aliorum omnium origo est adorandum SS. Trinitatis mysterium. Inter hæreticos verò in hoc sacro-sanctum mysterium blasphemos, vel in divinam aliquam ejusdem Sanctissimæ Trinitatis personam errantes præcipui, & ad quos reduci possunt cæteri, licet numero multi, sunt sequentes isti, videlicet *Sabelliani*, *Ariani*, *Eunomiani*, *Semiariani*, *Macedoniani*, *Mahometani*, *Græci*, *Sociniani*, & alii.

Circa  
Deum Tri-  
num errant

## De Sabellianis.

g. 11. 1. 6

*Sabelliani* qui & *Praxeani* dicuntur à *Praxea* quodam Asiatico viro; qui omnium primus docuit in divinis, Patrem, Filium & Spiritum Sanctum, non tres distinctas, sed unam dumtaxat Trinominem esse personam; quæ prout ingenita est, & creandi principium, dicitur, Pater; prout incarnata, Filius; & prout sanctificans creaturas, Spiritus Sanctus vocatur. *Praxeam* secutus est *Noetus* vir pariter Asiaticus, & patria Ephesinus, *Noetum Sabellius* Pentapolitanus, *Sabellium Hermogenes* vir natione Afer; unde *Praxeani* à *Praxea*, *Noetiani* à *Noeto*, *Sabelliani* à *Sabellio*, & *Hermogeniani* ab *Hermogene* dicti; qui omnes, quia idem de sanctissima Trinitate sentientes, licet diversi nominis viri, non diversæ tamen sectæ reputantur hæretici, S. Augustino teste. Quia tamen hæc hæresis sub *Valeriano Imp.* & *Stephano I.* Rom. Pont. circa annum 260. à *Sabellio* viro Pentapolitano, *Noetique* discipulo celebrior facta, latiusque per orbem diffusa, ideò *Sabelliana*, & *Sabelliani* potissimum dicti hujus sectæ viri, imò & *Patripassiani* interdum, interdumque *Monarchici* vocati; *Patripassiani* nempe, quia cum Filium in cruce passum fateantur, & Patrem à Filio distinctum esse negent, Patrem consequenter passum esse tenent cum *Praxea*, qui ideò dicitur à Tertulliano, duo Diaboli negotia procurasse, Paracletum scilicet fugasse, & Patrem crucifixisse; *Monarchici* verò nuncupantur, eò quòd non tres, sed unicam in Deo personam esse blasphemant.

Sabelliani.

Sed meritò damnata istorum omnium tam impiè blasphemantium hæresis in Alexandrina Synodo, anno circiter 319. sicut & postea iterum cum Photiniana, in Sirmiensi Concilio proscripta; contra quam pro fide Catholica pugnant vari in utroque Testamento divinæ Scripturæ textus, ut constat, 1. ex illo Geneseos cap. 1. vers. 26. Patris æterni alias a se distinctas alloquentis personas, & dicentis: *Faciamus hominem ad imaginem, & similitudinem nostram.* 2. Ex illo Psalmi 32. vers. 6. *Verbo Domini celi firmati sunt, & Spiritu oris ejus omnis virtus eorum.* 3. Ex illo Seraphico trifagio, seu trina Sancti repetitione, unus Seraphim ad alterum dicentis

apud Isajam cap. 6. vers. 3. *Sanctus, Sanctus, Sanctus, Dominus Deus exercituum*; qua trina *Sancti* repetitione, tres sanctissimæ Trinitatis personas indicati docent SS. Patres, præsertim S. Ambrosius, dicens: *Quid sibi vult sub uno nomine trina sanctitatis repetitio? cur una laudatio? nisi quia Pater, Filius, & Spiritus sanctus, sanctitate unum sunt; non dixit semel, ne Filium sequestraret; non bis, ne Spiritum sanctum præteriret; non quater, ne creaturas conjungeret, & ut ostenderet unam esse Trinitatis Deitatem, cum ter dixerit Sanctus, Sanctus, Sanctus, addidit singulariter Dominus Deus Sabaoth.*

4. Hanc divinam personarum Trinitatem docet, & docendam inculcat Christus in novo Testamento, dicens Matth. cap. 28. vers. 19. *Euntes docete omnes gentes: baptizantes eos in nomine Patris, & Filii, & Spiritus Sancti.* 5. ex eo quodd & Joannes Christi discipulus Christum sequens, dicebat 1. Joan. cap. 5. vers. 7. *Tres sunt, qui testimonium dant in cælo: Pater, Verbum, & Spiritus sanctus; & hi tres unum sunt.*

## De Arianis.

Ariani.

*Ariani* sic dicti ab *Ario* civitatis Alexandrinæ Presbytero, viro natione Libyco, & dialecticæ peritia claro, sed Theologo in Christi divinitatem blasphemio, qui sub Constantino Magno Imp. & Silvestro Rom. Pont. anno circiter 316. vel ut volunt alii, 320. alteram à Sabelliana non minus nefandam induxit hæresim, asserens, *Patrem, Filium, & Spiritum sanctum non esse consubstantiales, seu ejusdem substantia & naturæ, ac proinde Christum non Deum, sed puram Creaturam esse, Patreque minorem.*

Hanc omnium primus nascentem hæresim in Alexandrina Synodo damnavit *Alexander* Alexandrinus Patriarcha; damnavit eandem Synodus Nicæna œcumenica prima sub Constantino Magno, à quo è civitate Alexandrina pœnitentiam simulans exulat *Arius*, nulla alia mulctatus pœna. Silet interim tantisper hæresis, sed è vivis sublato Constantino, Constantius successor ejus & filius rogatus Arium revocat, & cum *Ario*, quæ tantisper sopita dormierat, revocatur hæresis; revocata exarscit, latiusque serpens ad ipsam quoque pertingit aulam, ipsumque Imperatorem nedum sectarium, sed & patronum invenit; eoque perducta est Arianorum causa, ut diem statuerit Constantius, quo *Alexander* & *Arius* de Scripturis inter se conferrent. Per noctem Deum enixè rogat *Alexander*, ne latius serpere sinat Arianae sectæ venenum. Manè dum ad statutum disputationis locum pergeret *Arius*, ventris oncre pressus, & ab itinere ad latrinas reversus, cum visceribus & sordibus hærci sordentem emisit animam.

Sic miserè extincto *Ario*, non extinguitur hæresis; invalescit econtrà magis, *Eusebium* Nicomediensem Episcopum fautorem inveniens & patronum; unde *Eusebiani* deinceps vulgò vocati Arianae sectæ viri.

Contra quos infracta constantia pugnavit nedum S. *Athanasius* varia pro fide Catholica passus, & variis orationibus in *Arianos*, & *Arianam* hæresim editis; sed & S. *Hilarius* Pictaviensis Episcopus 12. scriptis de Trinitate Libris, S. *Phabadius* II. in Aquitania Aginensis Episcopus, uno pariter in *Arianos* edito de Trinitate libro, S. *Gregorius* Nazian. orationibus variis, S. *Ambrosius* libris quinque ad Gratianum Imp. scriptis, & S. *Augustinus*, in concione ad Catechumenos, contra Judæos, Paganos &

Aria-



Arianos, *Arium* arguens & increpans, quòd Filium Patre minorem esse contendat, illo abutens Christi textu, apud Joan. cap. 14. vers. 28. dicens: *Pater major me est.*

Sic ad illum textum, quo tanquam *Achille* nituntur Ariani, *Arianum* alloquens Augustinus ait: *Ipse dixit, Pater major me est; quia non intelligis, idè tibi malè sonat, quod benè dixit. Vide quando hoc dixit, in susceptione humane nature posuit hoc dixit; tunc dixit, Pater major me est, quando dixit, Tristis est anima mea usque ad mortem: tunc dixit, Pater major me est, quando flevit, quando lassatus est, quando esurivit, quando sitivit..... In susceptione hominis minor est non solum Patre, veràm etiam Angelis; æqualis in forma Dei, minor in forma servi; æqualis cum Patre, creans Angelos; æqualis cum Patre, homines faciens; æqualis cum Patre, novum constituens mundum; minor Patre, perditum reparans mundum; æqualis cum Patre, vitam largiens æternam; minor Patre, mortem suscipiens nostram: hoc est, ut paucis dicat omnia, æqualis cum Patre ut Deus, minor Patre ut homo; de se enim ut Deo dixit Joan. cap. 10. vers. 30. Ego & Pater unum sumus; de se ut homine dixit Joan. cap. 14. vers. 28. Pater major me est, ut inquit SS. PP. Athanas. August. Basil. Gregor. Nazian. &c. idque patet ex eo quòd Christus datus rationem, cur ad Patrem vadat, ait: *Quia Pater major me est.* Atqui Christus vadit ad Patrem cælos conscendens, ut homo est: nam ut Deus est, semper est in cælo; ergo dum ait, *Vado ad Patrem, quia Pater major me est*, de se ut homine loquitur; ergo ruit ille Arianorum *Achilles*, & stat Dei Filius Patri consubstantialis.*

### De Eunomianis.

*Eunomiani* sic ab *Eunomio* cognominati, reipsa erant Arianæ factionis & doctrinæ Arianismi sectarii: Ariani siquidem post *Arium* temporis successu varias in partes fuere divisi, & præsertim in duas, quarum una erat eorum qui Arianæ mordicus adhærebant hæresi, asserentes Filium esse Patri per omnia dissimilem; unde à voce græca *εὐνομία*, significante dissimilem, *Anomai* fuere dicti; & quia inter istos sua fama eminebat *Eunomius*, ab eo *Eunomiani* postea fuere vocati. Pars altera eorum erat, qui partim adhærebant Arianæ doctrinæ, partim ab ea recedebant, docentes Filium quidem esse Patri similem, sed non consubstantialem; idè *Semi-Ariani* fuere nuncupati, & de quibus mox agemus infra: hic de *Eunomianis* ab *Eunomio* dictis. Erat igitur *Eunomius* natione Cappadox, rusticæ de gente satus, vir epilepticus & leprosus, *Actii* discipulus, & artis Sophisticæ peritissimus, tandemque *Cyzici*, Eleusio adhuc superstite, ordinatus Episcopus, favore & opera *Eudoxii* Constantinopolitani, sed Ariana labe maculati Præsulis, anno circiter 359. at brevi è sua Sede *Cyzicena* à *Cyzicenis* ejectus ille *Eunomius*, ob impia quæ disseminabat dogmata; nam præterquam quòd fertur illum adeò fuisse bonis moribus infensum, ut asseveraret nihil cuique obesse peccata, nec in peccato perseverantiam, si hujus quam ille docebat, fidei particeps esset; dicebat insuper, teste August. lib. de hæres. cap. 54. *Patri per omnia dissimilem esse Filium, & Filio Spiritum sanctum.* Quod quàm inipium sit atque blasphemum, constat ex supradictis contra Arianos, & confirmatur ex illo Christi dicens, Joan. cap. 10. vers. 30. *Ego & Pater unum sumus*, & rursus ibid.

*Eunomia-*  
*ni.*

## 298 De præcipuis in Ecclesia subortis hæresibus.

cap. 14. vers. 9. *Philippe, qui videt me, videt & Patrem meum*: Si enim per omnia dissimilis esset Patri Filius, ut vult blasphemus ille, non diceret qui Veritas est, æternus ille Filius, *Qui videt me, videt & Patrem meum*.

### De Semi-Arianis.

Semi-Ariani.

*Semi-Ariani* ab Arianis iisdem temporibus orti, circa annum 359. sub Constantio Imper. & Liberio I. Rom. Pont. erant ii qui partim cum Arianis conveniebant, & ab iisdem partim differebant; conveniebant enim in hoc, quod cum illis Trinitatem consubstantialiæ esse negarent; & differebant in hoc, quod licet non consubstantialiæ, similem tamen in substantia dicerent; unde Filium cum Arianis *ἰσούμενον*, id est, consubstantialiæ esse negabant, & tamen contra eosdem *ὁμοιούμενον*, id est, similem in substantia dicebant; & istorum duces fuere præcipui *Basilius An-cyranus* Episcopus, & *Macedonius* Constantinopolitanus Præsul; sed contra istos pariter pugnat quidquid ex dictis, & dicendis pro Filio contra Arianos militat.

### De Macedonianis.

Macedoniani.

*Macedoniani*, sive *Pneumatomachi* iisdem pariter temporibus orti, circa annum 359. dictique *Macedoniani* à *Macedonio* duce suo Præfule Constantinopolitano, & *Pneumatomachi* similiter interdum vocati, quod *Spiritum sanctum* Patre Filioque minorem, nec ejusdem cum Patre & Filio *substantiæ*, sed *puram creaturam* esse dicerent; unde quia Spiritus sancti in hoc præsertim impugnatores erant, ideo à voce græca *πνεῦμα* significante *Spiritum*, & verbo *μάχημα* significante *pugno*, *Πνευματῶν μάχη* dicti.

Sed hæc hæresis in Spiritum sanctum specialiter & infelicitè orta, in Concilio tandem œcumenico secundo Constantinopolitano primo, anno 381. feliciter damnata, & merito damnata, cum in eam pugnent varii Scripturæ textus, Spiritum sanctum Deum, & non creaturam esse testantes; & inter alios, iste S. Petri Actuum cap. 5. vers. 3. dicentis Ananiæ: *Cur tentavit Satanas cor tuum, mentiri te Spiritui sancto, & fraudare de pretio agri?* ..... *Non es mentitus hominibus, sed Deo*. Quo textu probant Sancti Patres, Basilius, Greg. Nazian. Ambr. August. & alii, Spiritum sanctum non creaturam, sed Deum Patri Filioque consubstantialiæ esse.

### De Mahometanis.

Mahometani.

*Mahometani*, sic vulgò nuncupantur quicumque apud *Agarenos* & *Saracenos* informem sequuntur & diabolicam *Mahumeticæ* Religionis formam, seu religionem à *Mahomete* Pseudo-Propheta, viro natione Arabæ, & professione mercatore vilissimo, prætuntio Satanz, & Antichristi Præcurfore, in perniciem animarum infelicitè ortam, sub *Heraclio* Imp. & *Honorio* I. Rom. Pont. circa annum 630. cujus religionis forma talis erat, ut in ea, ad vitandas quascunque de fidei doctrina dissensiones & opiniones, & prætermisissis sublimioribus fidei sententiis & articulis, sola retineretur doctrina morum. Præcepit novus ille Legislator suo in *Alcorano*, ne quis de sua secta disputare ausit; quæ religio cum

cum sit naturæ blandiens & amabilis, non mirum si eam statim amplexi fuerint homines genere dispares, lingua dissimiles, Gentiles, Judæi, & Christianæ religionis Apostolæ varii; & ita coaluerit & extreverit, ut suæ doctrinæ veneno universam ferè infecerit Orientis plagam. Ejus autem *Alcorani* sive doctrinæ, quæ est multarum hæresum colluvies, præcipua capita sunt ista:

1. Cum Sabellio, negat impius ille Trinitatem personarum in divinis.
2. Cum Ario & Eunomio, Christum puram esse creaturam asserit.
3. Cum Carpocrate, Christum non Deum quidem esse, sed Prophetam sanctum affirmat.
4. Cum Cerdone, impiè tenet, Deum Filium habere impossibile esse, cum Deus uxore careat.
5. Cum Audæanis sive Anthropomorphitis, Deum corporeum esse fingit.
6. Cum Manichæis, Christum non fuisse crucifixum contendit, sed alium Christo similem.
7. Cum Donatistis, cuncta negat Ecclesia Christi mysteria, seu Sacramenta, quæ à Christi passione vim & efficaciam habent.
8. Cum Epicuro, supremam felicitatem seu supremum bonum in corporis voluptate ponit.
9. Cum Judæis & Ebionitis, Circumcisionem ut necessariam recipit,
10. Cum Tatianis, vini suis prohibet usum.

Hæc & alia similis impietatis docet ista Mahumetica Religio, quæ (cum nihil sit aliud, quàm abominanda jam damnatarum hæresum colluvies) tot iteratis vicibus damnata censi debet, sive à Scriptura, sive à Conciliis, sive à SS. Patribus, quot damnatas continet hæreses,

### De Græcis.

Græci licet olim in Ecclesia sua fide clari, & doctrina celebres ac famosi, ita tamen duræ cervicis & superciliosi, Romanæque Ecclesiæ deinceps inobedientes, rebelles & inconstantes, ut ab illa quatuor-decies sponte scissos, & ad eandem toties reversiones notet *Hofius*, lib. de Sacerdotum conjugio, variosque in errores variis temporibus prolapsos, quorum quinque numerantur præcipui, propter quos sunt adhuc & hodie ab Occidentali, seu Latina Ecclesia sejuncti,

Græci.

1. est, Quod Spiritum sanctum à Patre Filioque procedere negent.
2. Quod Eucharistiæ Sacramentum non in pane Azymo, sed in solo fermentato confici posse dicant.
3. Quod Purgatorium nullum esse teneant.
4. Quod Justis æternam felicitatem conferri, vel damnatis æternam infligi supplicium ante diem judicii negent.
5. Quod denique Romanens Pontificem totius Ecclesiæ caput, beati Petri successorem, totiusque Ecclesiæ Primatem esse, fateri nolint.

Quæ tamen omnia, ut vera fateri coacti sunt, & in his omnibus cum Romana convenire Ecclesia, in Florentina œcumenica Synodo congregati; in qua facta est Græcorum cum Latinis unio, & qua in œcumenica Synodo convicti fuere Græci ex illo eodem Christi textu, Joannis cap. 15. vers. 26. dicentis: Cum autem venerit Paracletus, quem ego mittam vobis à Patre, spiritum veritatis, qui à Patre procedit, ille testimonium perhibebit de me, (quo nitebantur ad probandum Spiritum sanctum à solo Pa-

tre,

tre, & non à Filio procedere, ) conviçti sunt, Inquam, ex illo eodem textu rectè concludi, Spiritum sanctum etiam à Filio procedere, cum in eo Christus Filius expressè dicat, *Quem ego mittam vobis à Patre, ut opemè advertunt S. Hilarius lib. 8. de Trin. & S. Augustinus lib. 4. pariter de Trin.* Ex hoc enim quòd mittitur à Filio Spiritus sanctus; procedit ab illo, quia in divinis nulla Persona mittitur ab alia, nisi procedat ab ea; unde Pater nunquam dicitur mitti, quia à nulla procedit: Filius verò dicitur mitti à Patre, non à Spiritu sancto, quia à Patre procedit, & non à Spiritu sancto; ergo cum Spiritus sanctus mittatur à Patre & Filio, à Patre Filioque procedit, ut ab uno spirationis principio; quod confirmatur ex illo alio Christi textu, Joan. cap. 16. vers. 15. dicentis: *Omnia quæcumque habet Pater, mea sunt. Propterea dixi: quia de meo accipiet.* Si enim omnia quæ habet Pater, habeat & Filius, habet consequenter Filius eandem spirativam virtutem, per quam procedit à Patre Spiritus sanctus; ergo non solum à Patre, sed etiam à Filio procedit Spiritus sanctus: unde in literis unionis consentientibus Florentini Concilii Patribus, sic universa Synodus dixit: *Et quoniam omnia quæ Patris sunt, ipse Pater unigenito Filio suo dedit, præter esse Patrem; hoc ipsum quod Spiritus sanctus procedit ex Filio, ipse Filius à Patre æternaliter habet, à quo etiam æternaliter genitus est,*

### De Socinianis.

Sociniani. *Sociniani*, sive *Novi-Ariani*, hi omnes dicuntur hic à nobis, qui dum proscriptas *Arii* Macedonique hæreses, sæculo retrò proximo sunt renovare conati; quales fuere nonnulli è Lutheri & Calvini Secta Ministri, quorum duces fuere præcipui, *Joannes Campanus*, *Michael Servetus* Hispanus, *Valentinus Gentilis* Neapolitanus, *Paulus Alciatus* Mediolanensis, *Laelius Socinus*, *Faustus Socinus* Senensis, & alii; & unde *Campaniste* à Campano, *Servetiani* à Serveto, *Valentiniste* à Valentino, & *Sociniani* à Socino dicti; qui singuli licet plura diversa, valdeque diverso, confuso & intricato se se explicandi modo ventilarint impia dogmata, ab anno circiter 1555. in hoc tamen convenere omnes, ut *SS. Trinitatem* ore blasphemio negaverint; unde & *Trinitarii* vulgò vocati; & Patrem, Filium, & Spiritum sanctum, tres quidem esse dixerint, non tamen tres divinas, & ejusdem substantiæ personas, solumque Patrem, verum Deum esse docuerint cum *Ario*, unde *Novi-Ariani* omnes meritò dicti, quamvis hodie *Sociniani* communiter nuncupati, quia cæteris miserè vita functis, à *Fausto Socino* patria Senensi viro *Laelii Socini* nepote ac discipulo, & Calvinianæ Sectæ Ministro, celebrior facta, latiusque disseminata pestilens hæc doctrina, & ab illo per Poloniam præsertim & Transilvaniam istorum omnium de novo Ariantantium fusiùs propagata Secta; unde *Sociniana* deinceps jure nuncupata, & ejus proinde sectarii *Sociniani* meritò dicti. Docebat autem inter impia alia miser ille *Socinus*,

1. In essentia divina unicam esse personam Patris, & implicare Deum unum in essentia, & trinum in personis esse.

2. Filium Dei, seu Christum, nec personam divinam esse, nec Deum, appellari tamen Deum metaphoricè & improprie, ob sublimem potestatem à Patre vero Deo participatam; nimirum ut esset inter Deum & homines mediator; unde falsa omnia, quæ de Christi generatione æterna ex Patris substantia;

*stantia; falsa quæ de ejusdem Incarnatione in Scripturis dicitur, vel figurativè intelligenda esse, sicque nedum Sanctissimæ Trinitatis, sed etiam Incarnationis mysteriumvertebat.*

3. Spiritum sanctum esse quidem virtutem & efficaciam Dei, sed non inde sequi personam esse divinam.

4. Christum ratione persone esse hominem verum, non tamen purum, quia divina filiatione ab ortu insignitum, quatenus divini Spiritus virtute, sine ulla viri ope, in Virginis utero conceptum, idcirco Filium Dei proprium & unigenitum dici, quia nullus alius sic virtute divini Spiritus absque ullo viri concursu in utero matris conceptus, & ab ortu Filius Dei vocatus.

5. Christum ante Virginem Mariam non fuisse, & primogenitum omnis creature idcirco à Paulo vocari, quod ut dignitate, sic tempore omnium novarum creaturarum sit prima; nam & conceptio ex Spiritu sancto, & à peccato immunitas eum novum, ac consequenter creaturam novam constituunt, ut ajo- bat ille Socinus.

6. Christum Prophetam esse docebat, quia antequam Prophetico inciperet fungi munere, in Cælum raptus est ad Patrem: ibique plandè de omnibus instru- ctus, & inde in mundum missus, nobis ut Dei voluntatem manifestaret.

7. Nullum dari peccatum originale volebat.

8. Animas à morte non superesse, Resurrectionemque futuram esse nullam asserbat.

9. In sumptione panis & vini, quæ sit in Cæna Domini, nihil præter pa- nem & vinum sive à credentibus, sive à non credentibus accipi; meramque ceremoniam esse in memoriam mortis Domini, non Sacramentum asserbat.

Hæc & alia pinta ejusdem impiæ doctrinæ capita disseminans obiit Lu- claviens in Polonia impius ille Socinus, anno Domini 1604. ætatis verò suæ 65. Utinam cum eo extincta penitus jaceret hæresis, quæ cum sit quæ- dam Sabellianæ, Arianæ, Macedonianæ, Paulianæ, Photinianæ, Pelagianæ & Calvinianæ doctrinæ veluti colluvies, tot impugnatores habet Ca- tholicos, tot opposita Ecclesiæ anathemata, tot adversantia Scripturæ lo- ca, quot & illæ dudum proscriptæ per Ecclesiæ hæreses.

Verum quia capitale hujus de novo Arianizantis Socinianæ Sectæ dogma est, Filii divinitatem impugnare, juvat hic de novo, pro Filii divinitate, ex Scriptura, cum Cælo, terra & inferno pugnare, exhibendo nimirum pro Divinitate Christi, in cujus nomine omne genu flectitur cælestium, terrestrinum, & infernorum, Cælum, terram & infernum pugnare.

1. Enim clamat de Cælo Pater æternus Psal. 2. vers. 7. dicens: *Filius meus es tu, ego hodie genui te.* Et iterum Matth. cap. 3. vers. 17. *Hic est Filius meus dilectus, in quo mihi benè complacui.* Clamat de Cælo missus ad Virginem Deiparam Gabriel Archangelus, dicens Lucæ cap. 1. vers. 31. *Ecce concipies in utero, & paries filium, & vocabis nomen ejus Jesum.* Hic eris magnus, & Filius Altissimi vocabitur. Et rursus vers. 35. *Et quod nascetur ex te Sanctum, vocabitur Filius Dei.*

2. Clamat de terra Princeps Apostolorum Petrus à Christo interroga- tus, dicens Matth. cap. 16. vers. 16. *Tu es Christus, Filius Dei vivi;* quam confessionem approbans Christus ait: *Beatus es Simon Barjona: quia caro & sanguis non revelavit tibi, sed Pater meus, qui in Cælis est.* Clamat discipulus ille quem diligebat Jesus, dicens sui Evangelii cap. 1. vers. 1. *In prin- cipio erat Verbum, & Verbum erat apud Deum, & Deus erat Verbum.* Clamat ex incredulo factus credulus & fidelis Thomas Apostolus, Joan. cap. 20. vers.

vers. 28. dicens : *Dominus meus , & Deus meus*. Clamat inter mulieres sanctæ Christi hospita Martha, dicens Joannis cap. 11. vers. 27. *Utiq; Domine , ego credidi , quia tu es Christus Filius Dei vivi , qui in hunc mundum venisti*. Clamat inter milites Centurio , & qui cum eo erant custodientes Jesum , dum apud Matth. cap. 27. vers. 54. *Viso terramotu & his , quæ fiebant , timuerunt valdè , dicentes : Verè Filius Dei erat iste*. Clamat ex latronibus in cruce pendens sanctus Lâtro , dicens Luc. 23. vers. 42. *Domine , memento mei , cum veneris in regnum tuum*.

3. Clamant denique pro Christi divinitate , convicti etiam ex inferno Dæmones ipsi , dicente Luca cap. 4. vers. 41. *Exibant autem Dæmonia à multis , clamantia & dicentia : Quia tu es Filius Dei*. Et referente Marco cap. 5. vers. 7. ipsum spiritum immundum conquerendo & simul rogando , ad Christum clamasse olim & dixisse : *Jesu Fili Dei Altissimi , adjuvo te per Deam , ne me torqueas*.

Quod clamant Cælum , terra & inferi de Christi divinitate , confirmat qui veritas est , ipse Deus homo Christus , dicens Joan. cap. 10. vers. 30. *Ego & Pater unum sumus* ; & iterum sui ejusdem Evangelii Præconis ore , Joannis videlicet de SS. Trinitate , Epist. 1. cap. 5. vers. 7. sic dicentis : *Tres sunt , qui testimonium dant in Cælo : Pater , Verbum , & Spiritus sanctus : & hi tres unum sunt*. Quod dicat *tres sunt* , audiant Præxani , Noetiani , Sabelliani , Hermogeniani , & alii ; quod dicat *& hi tres unum sunt* , audiant Ariani , Semi-Ariani , Macedoniani ; audiant & his adjuncti Pauliani & Photiniani ; audiant & novi , si qui sint adhuc per Poloniam , Bohemiam & Transilvaniam , vel alibi grassantes Ariani , Valentinisti , vel Sociniani ; audiant & alii quicumque de divina Trinitate malè sentientes Hæretici , audiant Christum , audiant Scripturam , audiant fidem Catholicam , & Deum unum in essentia , & Trinum in personis adorent. *Fides enim Catholica hæc est , ut unum Deum in Trinitate , & Trinitatem in Unitate veneremur*.

## ARTICULUS III.

*De præcipuis circa Angelorum creationem , naturam & existentiam hæresibus.*

Circa Angelorum naturam , creationem vel existentiam errant sunt

Cum res ardua sit , & ab humanæ mentis captu valdè remota , Angelorum naturam , existentiam , proprietates & officia ritè dignoscere ; non mirum , si diversi de Angelis errores fuerint diversis temporibus orti ; in quos ne impingat noster aliquando Candidatus , hic cursim juvat notare singulos cum Auctoribus saltem præcipuis , quales fuerit *Dositheani , Sadducei , Archontici , Angelici , Apulejani , Ryfribcani , & Dæmoniæ*.

### De Dositheanis.

Dositheani.

*Dositheani* sic à *Dositheo* , viro natione Judæo , Samaritarum licet gentibus permixto , imò juxta S. Hieron. contra Luciferan. Samaritanorum Principe , & Sectæ Samaritanæ propagatore præcipuo , unoque è primis fidei corruptoribus hæretico ; qui sub Nerone Imp. & S. Petro Christi

Romæ

Romæ Vicario primo, circa annum 52. docebat, teste Philastro Brixien. *Nullum esse Dei Spiritum, nullum Angelum, nullam post mortem superesse vitam, nullam sperandam à lege & Prophetis mortuorum resurrectionem, nullumque timendum futurum iudicium, & solum in lege Domini secundum carnem esse vivendum, legemque ad hoc tulisse Deum, ut honestè & tranquillè vivamus, in hac vita accipientes à Deo iustitiæ præmia. Quæ impia Dosithei figmenta quicumque sunt secuti, Dositheani fuisse vocati; sed quàm damnabilis, & in Scripturis reprobata sit istorum vana doctrina, patebit ex mox contra Sadduceos istorum sectarios dicendis.*

## De Sadducæis.

*Sadducæi secundæ Judæorum sectæ viri, sic à Sado viro natione Judæo; vel à voce Hebraica Tzaddik justum significante, Sadducæi, id est, iusti, sxi, vel sancti dici volebant, ut sic sub hoc insigni sanctitatis nomine suam impietatem occultarent; quæ tanta erat, ut nedum resurrectionem, & Spiritus, sive Angelos negarent omnes; sed etiam palam & publicè nullam post mortem futuram esse vitam alteram, nullumque iudicium à lege, vel Prophetis expectandum assererent, nihilque de lege vel de Scripturis audiendum, præter solas vitæ morum regulas, contententes ad hoc solum Deum tulisse legem, ut honestè tranquillèque secundum carnem vivamus, accipientes interim in præsentis vitæ iustitiæ præmia.*

Sed contra illos utroque, sive Dositheanos, sive Sadduceos, passim & apertè pugnant sacre Literæ, Angelorum existentiam, & futuram resurrectionem manifestè testantes: & constat

1. De Angelorum existentia, dum dicitur Genes. cap. 19. vers. 1. *Venerunt duo Angeli in Sodomam vespere, &c.* & cap. 22. vers. 11. *Ecce Angelus Domini de celo clamavit, dicens: Abraham, Abraham,* & cap. 28. vers. 12. *Vidit Jacob scalam, Angelos quoque Dei ascendentes & descendentes per eam.* Psalmo 90. vers. 11. *Quoniam Angelis suis mandavis de te.* Judith cap. 13. vers. 20. *Vivit Dominus, quoniam custodivisti me Angelus ejus.* Matth. cap. 18. vers. 10. *Videte ne contemnatis unum ex his pusillis: dico enim vobis, quia Angeli eorum semper vident faciem Patris mei, qui in celis est,*

2. De futura mortuorum resurrectione, vitæque futura altera pariter constat 1. ex illo Job cap. 19. vers. 25. *Scio enim quòd Redemptor meus vivit, & in novissimo die de terra surrecturus sum: & rursus circumdabor pelle mea, & in carne mea videbo Deum meum, quem visurus sum ego ipse... & non alius.* 2. ex illo Machab. 2. cap. 7. vers. 9. *Tu quidem s. electissime, in præsentis vitæ nos perdis, sed Rex mundi defunctos nos pro suis legibus, in æterna vitæ resurrectione suscitabit.* 3. ex illo Isaiæ cap. 26. vers. 19. *Vivent mortui tui, interfecisti mei resurgent.* 4. ex illo Matth. cap. 22. vers. 31. ubi Christus Dominus, ut Sadduceos de resurrectione convincat & confundat, ait: *De resurrectione autem mortuorum non legistis quod dictum est à Deo dicente vobis: Ego sum Deus Abraham, & Deus Isaac, & Deus Jacob? Non est Deus mortuorum, sed viventium.* Quo in loco ex Moylis Scriptura desumpto, futuram resurrectionem astruit Christus, licèt potuisset illam ex variis aliis devincere Scripturæ locis; sed noluit, quia Sadducæi rejectis Prophetis solum Moylis Pentateuchum agnoscebant, ut testantur Origenes, Hieronymus, Beda, & alii. 5. Ex illo Pauli 1. ad Cor. cap. 15. vers. 13. ubi futuram mortuorum resurrectionem probat Paulus ex resurrectione Christi.

Christi, dicens: Si autem Christus predicatur quod resurrexit à mortuis, quomodo quidam dicunt in vobis, quoniam resurrectio mortuorum non est? Et 6. denique ex illo ejusdem Pauli ibidem vers. 29. eandem resurrectionem affirmantis, & concludentis ex praxi eorum qui baptizantur pro mortuis, sic dicentis: Alioquin quid facient qui baptizantur pro mortuis, si omnino mortui non resurgunt? ut quid & baptizantur pro illis?

## De Archonticis.

Archontici.

*Archontici*, de quibus S. August. lib. de hæres. cap. 20. & S. Epiph. hæ. 23. dicuntur Hæretici illi, qui in Palæstina, Antonini Pii Imper. & Pii I. Rom. Pont. temporibus orti anno circiter 160. docebant hanc *universam mundi molem, non à Deo, sed ab Archangelis esse*, hoc est, ab Angelorum Principibus conditam; unde *Archontici* nuncupati, cujus hæresis primus creditur auctor *Simon Magus*. Simonem Magum secutus est *Menander*, à quo & *Menandriani* sub *Vespasiano* Imp. & *Lino* Rom. Pont. Menandrianos pariter secuti sunt *Saturniani* à *Saturnino* patria Antiocheno, & *Menandri* discipulo dicti, sub Trajano Imp. & *Evaristo* Rom. Pont. circa annum Christi 118. qui, S. Epiph. teste, hæ. 23. solos septem Angelos mundum, & ea quæ in mundo sunt, præter Dei Patris æterni conscientiam, effecisse dixere: imò & *Carpocratiani* & *Cerinthiani*, de quibus alibi, mundum pariter istum ab Angelis conditum asseruere.

Sed contra illos omnes, de mundi creatione & de Angelis tam malè sentientes hæreticos, dudum Catholica definivit Ecclesia, nedum in Concilio Nicæno I. & Constantinopolitano I. sed expressius in Lateranensi IV. firmiter esse credendum, Deum esse rerum omnium visibilium & invisibilium Creatorem; dicendo nempe, *Firma fide credendum esse, Deum ab initio temporis simul utramque de nihilo condidisse creaturam, spiritalem & corpoream, Angelicam & mundanam*. Et illud idem ante quæcumque Concilia, sacra declaravit Scriptura, præsertim Joan. cap. 1. vers. 3. postquam dixit: *In principio erat Verbum, & Deus erat Verbum*, addens, *Omnia per ipsum facta sunt, & sine ipso factum est nihil*. Si omnia per ipsum facta sunt; ergo non per Angelos factus est mundus, sed & ipsi Angeli, qui in mundo sunt, per ipsum facti sunt; & hoc est quod Paulus ad Colossenses cap. 1. vers. 16. ait: *In ipso condita sunt universa in Cælis & in terra, visibilia & invisibilia, sive Throni, sive Dominationes, sive Principatus, sive Potestates; omnia per ipsum, & in ipso creata sunt*.

## De Angelicis.

Angelici.

*Angelici* dicuntur viri quidam professione Christiani, qui sub Severo Imp. & *Victore* I. Rom. Pont. anno circiter 109. etsi Idololatriam abominarentur quàm maximè, unique soli Deo serviendum, eumque solum & nunc colendum esse tenebant, *Angelos nihilominus adorabant*, unde *Angelici* fuerunt nuncupati; quamvis fateatur S. Epiph. hæ. 60. se hujus nominis causam & hæresim ignorare, an scilicet illius Sæctæ viri sibi hoc nomen assumpsissent, ex eo quòd ex iis aliqui mundum ab Angelis factum esse dicant, sive quòd seipios in ordine Angelorum esse ventilent, & vitam eminantissimam instar Angelorum degant, sive ab *Angelina*, hoc est, à loco *Angelina* nomine dicto, & ultra Mesopotamiam sito. Verùm quicquid sit de



fit de illius nominis & hæresis origine, quam S. August. lib. de hæ. cap. 39. numerat, quæque non diu, sed brevi & ad modicum paruit, quidquid sit de illius incognitis Sectæ patronis; hi quicumque tandem sint, videntur esse iidem, ac hæretici Philosophici illi sive Platonici, sive alii, qui docendo mundum istum ab Angelis conditum, Colossensibus olim ad fidem recens conversis novam ac supersticiosam Angelorum Religionem suadere conabantur, dicendo nempe colendos ac venerandos esse Angelos, ut mediatores inter Deum & homines, & non Christum Dei Filium.

Contra quos loqui intelligendus est S. Paulus, dum ad Colossenses scribens, ut eos ab hac vana & falsi nominis Philosophia retrahat, ait cap. 2. vers. 8. *Videte ne quis vos decipias per Philosophiam & inanem fallaciam; & infra vers. 18. dum ait: Nemo vos seducat, volens in humilitate, & religione Angelorum, seu in errore & superstitione de indebitè colendis Angelis, hoc est, videte ne quis volens, id est, hæreticus, seu propria voluntate & electione ambulans vos seducat, in hac falsa Angelorum religione spontè excogitata, & sita in humili & supersticioso gestu se prosternendi, & adorandi Angelos ut mediatores, loco Christi Filii Dei unigeniti, & mediatoris unici, juxta illud ejusdem Pauli 1. ad Tim. cap. 2. vers. 5. dicentis: Unus enim Deus, unus & mediator Dei & hominum homo Christus Jesus.*

### De Apulejanis.

Licet reipsa non constet hæreticos fuisse quondam aliquos Apulejanos cognomine dictos; nihilominus Apulejanos hic vocamus eos, si qui fuerint Apulejum secuti, virum natione Afrum, secundo corrente sæculo Medauri natum, & de Platonica Secta Philosophum, qui S. August. teste, lib. 9. de Civitate Dei cap. 22. docebat, *Dæmones esse medios inter Deum & homines, qui hinc ferant petitiones nostras, & inde referant deorsum suppetias.* Ac proinde insinuat, nedum beatos Angelos, sed & ipsos etiam Dæmones inter Deum & homines, ut mediatores esse colendos.

Quod quàm absurdum sit & impium, imò à ratione & communi sensu devium, nemo non videt; & patet ex Apostolo docente 2. ad Cor. cap. 5. vers. 18. non per Angelos beatos, sed per Christum solum nos Deo instaurari, & reconciliari posse, & sic loquente: *Omnia autem ex Deo, qui nos reconciliavit sibi per Christum, & dedit nobis mysterium reconciliationis; quoniam quidem Deuserat in Christo, mundum reconcilians sibi; & expressius id confirmante 1. ad Tim. cap. 2. vers. 5. Unus enim Deus, unus & mediator Dei & hominum homo Christus Jesus.* Si ergo ex Apostolo, per Angelos beatos reconciliari Deo non possumus; nec à fortiori per Dæmones, qui juxta S. August. sunt spiritus nocendi cupidissimi, & à justitia penitis alieni: dicatque S. Petrus eos non hominum patronos, non mediatores, sed adversarios, juxta illud 1. Epist. cap. 5. vers. 8. *Vigilate, quia adversarius vester Diabolus tamquam leo rugiens circuit, quærens quem devoret.*

### De Ryfvihecanis.

Ryfviheani dicuntur hæretici nonnulli, de Evangelicorum familia viri, sic ab Hermanno Ryfvihe, viro natione Batavo dicti; qui anno Christi circiter 1499. imperite docebat inter alia, *nullos sive bonos, sive malos à Deo fuisse creatos Angelos;* eo solo ductus motivo, quòd nullibi id Scriptura Appar. Annat. T. II. V dicat:

dicat : sed perperam & falsò id asserbat ille ab hæreticæ pravitatis Inquisitoribus proscriptus hæreticus, Curizque sæculari traditus, tandemque vivus *Haga* comburi iussus anno 1512. cum propè sint infiniti Scripturæ textus de Angelis expressè loquentes, ut visum est supra contra Sadducæos ; & aliunde expressè doceat Ecclesia, infallibilis fidei nostræ regula, *Deum ab initio utramque condidissenaturam, spiritualem & corpoream, Angelicam & humanam.*

### De Dæmoniis.

Dæmo-  
niaci.

*Dæmoni*aci dicuntur nonnulli abominandi de grege Euangelicorum hæretici, è Lutheri schola profecti, qui arbitantes cum Origenistis, Dæmones post mundi finem salvandos, *Dæmonem decies in die invocant & adorant*; unde *Dæmoni*aci, Hesiodo teste, vocati, verique idololatæ dicendi, ac meritò fugiendi. Imò *et si omnia mundi regna, & gloriam eorum ostendat tibi Dæmon, tibi que sicut olim Christo dicat, Matth. cap. 4. vers. 9. Hæc omnia tibi dabo, si cadens adoraveris me, non audiendus, sed longè citòque fugiendus, eique cum Christo dicendum, Vade Satana : Scriptum est enim : Dominum Deum tuum adorabis, & illi soli servies.* Si solus adorandus est Dominus Deus, ergo nec Dæmon, nec Angelus.

Venerandi tamen, & speciali Dulci cultu colendi omnes sancti Angeli, venerandus præsertim tibi in tui custodiam specialiter deputatus Angelus, quidquid opponant Calvinianæ Sæctæ viri, inter alia perperam negantes cum suo duce Calvino, suum homini cuilibet à Deo mitti custodem Angelum.

Quamvis id sancti antiqui Ecclesiæ Patres asserant ; inter quos S. Hieron. in cap. 18. Matth. dicens, *Magna profectò dignitas animarum, ut unaquaque habeat ab ortu nativitatis in custodiam sui Angelum delegatum.* Quamvis id traditionem esse paternam & fide dignam assermet Gregorius Nyssenus, & id colligendum esse dicat S. Chrysost. ex primorum Christi fidelium responso ad ancillam monentem, *Petrum quem sciebant incarceratum, ad januam pulsanter adeste, & dicentium ei : Insanis, Angelus ejus est.* Quamvis denique id ubique terrarum publico & solènni Angeli custodis officio, universa doceat Ecclesia, & moneat S. August. Epist. 118. *Insolentissima insania esse, contra id quod universa tenet Ecclesia, disputare.*

## ARTICULUS IV.

### *De precipuis circa Dei gratiam hæresibus.*

Circa  
gratiam er-  
rarunt inter  
alios

Quamvis tot sint divinæ gratiæ hostes fugiendi, quot hæretici ; totque profanatores ejus malevoli, quot peccatores iniqui ; fuere tamen inter illos, specialiter circa Dei gratiam, & de gratia malè sentientes multi, quos inter censerì possunt sequentes isti ; videlicet *Simoni*aci, *Montanista*, *Pelagiani*, *Cælestiani*, *Sempelagiani*, *Adrumetini*, *Prædestinati*, & *Janseniani*.

## De Simoniacis.

*Simoniani*, vel *Simoniaci* sic vulgò dicti à *Simone* quodam, patria Samaritano, & cognomento simul ac professione Mago, qui licet multarum, imò ferè omnium hæresum parens dicatur, sitque suis præstigiis, sceleribus & dogmatibus impis satis ubique gentium celebris, præsertim in eo quòd omnium primus docuerit, sub *Nerone* Imp. & *S. Petro* primo in terris Christi Vicario, circa annum 55.

Simonia-  
ni.

1. Mundum istum non à Deo, sed ab Angelis fuisse conditum.
2. In eo quòd generalem corporum resurrectionem futuram negaverit.
3. Quòd promiscuum sœminarum usum licitum esse tenuerit.
4. In hoc, quòd eò dementiæ venerit, ut nec Christum venisse, nec à Judæis quidquam fuisse passum, & seipsum Christum esse impudenter ausus fuerit asserere & dicere, *S. August.* teste, se in monte Sina legem Moyli in Patris persona tulisse, tempore Tiberii in Filii persona putative apparuisse, postea se in linguis igneis in Spiritus sancti persona supor Apostolos venisse, jactaretque se tanquam Filium ad Patrem posse volando conscendere; & reipia cum subito magicis artibus in cælum volare tentasset, ad *S. Petri* preces Deo fusas, in lapides & saxa cornuens, fractis curibus, & conquassata corporis machina miserè periit miser ille Magus, qui se magnam Dei virtutem dicebat, Helenamque sociam, sive meretriculam suam, Spiritum sanctum vocabat.

5. Sed in hoc maximè famosus evasit & celebris præstigiator ille, quòd *Spiritus sancti gratiam venalem esse putaverit, & spiritualia dona pecunia comparari posse crediderit*; dum baptizatus à Philippo Diacono, ut habetur Actuum cap. 8. vers. 18. Et videns quòd per impositionem manuum Apostolorum daretur Spiritus sanctus, obtulit Apostolis pecuniam, dicens: *Date & mihi hanc potestatem, ut cuicumque manus imposuero, accipiat Spiritum sanctum.* Ex quo perverso Simonis exemplo ortum est, ut similis alia quæcumque conventio, sive pactio de dando, vel emendo spirituali pro temporali, sit suum sortita nomen, & à *Simone* *Simonia* dicta, sicut à *Simonia* *Simoniani*, vel *Simoniaci* vocati; serpitque nimis adhuc per varios cuniculos, rimas, fraudes & dolos sese insinuans hæc simoniaca lues, licet statim in ortu cum suo auctore Simone damnata à beato Petro Apostolorum Principe, ibid. & illicò dicente, *Pecunia tua tecum sit in perditionem; quoniam donum Dei existimasti pecunia possideri.* Unde non mirum, si dicat *S. Ignatius* Martyr ad Trallenses scribens, *Fugite malas soboles Diaboli, Simonem dico primogenitum generis illius.*

## De Montanistis.

*Montaniste* fuere hæretici nonnulli, secundo grassantes Ecclesiæ sæculo, sic à *Montano* duce suo *Montaniste* vocati, imò & *Cataphryges*, vel *Cataphrygi*, aut ut loquitur *S. Epiph.* *Phrygasta* ideò pariter dicti, quia in *Phrygia* cum suo auctore *Montano*, viro natione Phryge, primitus orti, eorumque hæreses, hæreses *Cataphrygum*, id est, juxta *Phryges* ideò vocatæ, quas sub *Commodo* Imp. & *Sotero* Rom. Pont. circa annum 181. dissenninare cœpit & *Montanus* ille, cum duabus sociis suis, sive mulierculis, *Prisca* videlicet & *Maximilla*, quas Prophetissas suas dici volebat, dum seipsi, &

Montani-  
stæ.

teste S. August. paracletum esse docebat; qualque mulierculas ita dementaverat, eoque infania redgerat, ut relictis viris suis, soli ipsi adhererent *Montano*, & cujus inspiratione, Spiritum Propheticum se habere crederent, seque Prophetissas esse jactarent, & sic multos alios simplices & imbecilles ad suas pertraherent hæreses & insanias; quarum præcipua erat, *Quod sibi, non Apostolis, cum Spiritu sancto gratiarum plenitudinem infusam esse crederent, & docerent.*

Verum quia monet nos Scriptura sacra, ut non omni spiritui credamus, sed probemus an ex Deo sit, cui credamus; ideo probandum & videndum, an ille spiritus insanienti *Montano*; ejusque dementatis Prophetissis infusus, sit sanctus, vel perversus; an Spiritus veritatis à Christo promissus? an spiritus erroris & falsitatis? id ex doctrina istorum Montanistarum manifestè patebit. Audiamus ergo quid suo illo spiritu afflati doceant isti.

1. Isti docent non baptizare, & reipsa non baptizant in nomine sanctissimæ Trinitatis. Spiritus autem veritatis docet nos baptizare in nomine sanctissimæ Trinitatis, dum ait Matth. cap. 28. vers. 19. *Docete omnes gentes, baptizantes eos in nomine Patris, & Filii, & Spiritus sancti.*

2. Isti mortuos baptizant; Ecclesia verò Catholica à Spiritu sancto ducta & edocta, mortuos, utpote quia sibi non subditos & Baptismi incapaces, baptizare inutile putat, atque malum, imò & sacrilegium.

3. Isti secundas nuptias damnant; at Spiritus sanctus ore Pauli Apostoli de viduis loquentis 1. ad Tim. cap. 5. vers. 14. eas approbat, dicens: *Volo juniores nubere.*

4. Isti matrimonium posse dissolvi tenent; Spiritus sanctus econtrà matrimonium indissolubile esse docet, Matth. cap. 19. vers. 6. dicens: *Quod Deus conjunxit, homo non separet.*

5. Isti post Baptismum lapsos salutem consequi non posse, quacumque præcæta penitentia, docent; docet econtrà Spiritus sanctus eos salvari posse, si penitentiam egerint, dum per Ezechielem ait cap. 18. vers. 23. *Nunquid voluntatis meæ est mors impii, dicit Dominus Deus, & non ut convertatur à viis suis, & vivat?*

6. Isti in vico suo *Pepuza*, seu in Montani villa *Pepuza* vocata, quem vicum sive villam ipsi Jerusalem dicebant, & à quo ipsi *Pepuziani*, sive *Pepuzitæ* vocati, funesta perhibentur habere Sacramenta; in solemini enim Paschali solemnitate anniculum seligunt puerulum, quem æreis aciculis per totum corpus compungunt & vulnerant ad effusionem usque sanguinis, ex quo farinæ mixto panem conficiunt, quo suum Pascha celebrent; tantaque immanitate minutis vulneribus illum innocuum affligunt puerulum, ut sæpe occidant, & occisum ut Martyrem venerentur & colant; si verò supervixerit, pro magno Sacerdote habent; quod quàm alienum sit à Spiritu sancto, qui est Spiritus lenitatis, satis colligi potest, aliis omisissis, ex illo decalogi præcepto, *Non occides.*

7. Docent isti *Pepuziani*, sive *Montanistæ*, foeminas sacris initiari posse Ordinibus; Spiritus autem veritatis ore Pauli Apostoli 1. ad Cor. cap. 14. vers. 34. dicit: *Mulieres in Ecclesiis taceant; non enim permittitur eis in Ecclesia loqui.*

Ex quo manifestè patet, non à Spiritu sancto, non à Spiritu veritatis, non à Spiritu gratiarum auctore, sed à spiritu malevolo, perverso & mendacii patre afflatos esse Prophetas illos *Montanistas*, sive *Pepuzianos*;

necc

nec esse à Deo missos, sed de numero eorum, de quibus apud Jeremiam cap. 23. vers. 21. Spiritus sanctus ait: *Non mittebam Prophetas, & ipsi cur-rebant; non loquebar ad eos, & ipsi prophetabant.* Et quos Christus Matth. cap. 7. vers. 15. fugiendos monet, dicens: *Attendite à falsis Prophetis, qui veniunt ad vos in vestimentis ovium; intrinsecus autem sunt lupi rapaces: à fructibus eorum cognoscetis eos.* Si à fructibus cognoscendi sint & ab exitu suo isti pseudo-Prophetæ, quid de his faultum concludi potest? *Montanus* siquidem cum sua *Maximilla* vesano suo agiratus spiritu, seipsum laqueo suspendisse, & miserè, Judæ Iscariotis instar, periisse dicitur.

## De Pelagianis.

Pelagiani.

*Pelagiani* divinæ gratiæ hostes aperti, & sua toties circa gratiam in doctrina varii, dicuntur hæretici illi, qui in Ecclesia grassari cœpere anno circiter 405. sub Arcadio Imp. & Innocentio I. Rom. Pont. orti à *Pelagio* quodam, viro natione Britanno, qui, ut *Lindani* verbis utar, suum diu coxit sub Monachali pallio venenum; erat enim professione Monachus, non de iis, qui Cœnobiticam in Monasteriis, aut Eremiticam in desertis, sed de iis qui religiosam suam in ædibus vitam agebant; vir insuper & ingenio & calamo divinæ gratiæ semper adeò intentus, ut per-versa inter alia docuerit,

Non solum nullum dari originale peccatum, sed nullam Dei prorsus gratiam requiri; tantasque esse liberi arbitrii vires, ut possit homo solis naturæ viribus omnia implere Dei mandata, justificari & salutem consequi sine gratia. Hujus perversæ doctrinæ propugnatores, ac proinde Pelagii sectarii præcipui fuerunt *Cælestius*, & *Julianus* Capuæ Episcopus.

*Cælestius* quidem vir incertæ gentis & patriæ Monachus, & Pelagianæ Sectæ ita propugnator apertus, ut sicut à *Pelagio* Pelagiani, ita à *Cælestio* *Cælestiani* dicti fuerint Pelagii discipuli, eoque nomine in Ephesina Synodo damnati.

*Julianus* verò, teste Gennadio, vir fuit ingenio & eruditione magnus; sed Pelagianæ doctrinæ veneno ita plenus, ut contra S. Augustinum, & Catholicam fidem pro Pelagiana tuenda doctrina Libros scripserit varios; at contra Pelagium, Pelagique Sectarios illos, & alios vicissim strenuè pugnarunt sancti Patres nonnulli, sed inter alios, *Hieronymus* & *Augustinus*, qui varios in Pelagium & Pelagianos scripsere Libros, supra in *Hieronymo* & *Augustino* notatos.

Varia insuper in Pelagianos celebrata Concilia, de quibus supra, sed præsertim *Carthaginense* unum anno 416. & eodem anno *Milevitanum* alterum, Præside Zumenfi Episcopo, Numidæ Primæ. Utriusque Concilii gelita ad *Innocentium I.* fieri delata & approbata; unde est, quod exclamet S. August. serm. 2. de Verbis Apostoli, dicens: *Jam de hac causa, duo Concilia missa sunt ad Sedem Apostolicam, inde etiam rescripta venerunt, causa finita est: utinam aliquando finiatur error.* Defuncto *Innocentio I.* anno 417. alia in Pelagianos sub *Zosimo* in Africa celebrata sunt Concilia, & tandem in Ephesina œcumenica Synodo contra Nestorium convocata nedum Nestorianæ hæresis, sed etiam Pelagianæ uno ore fuit conclamata damnata. Et meritò conclamata hæresis Pelagianæ damnatio, nedum quia dari peccatum originale negat, de quo Paulus in Scriptura clamat ad Rom. cap. 5. vers. 12. *In omnes homines mors pertransiit, in quo omnes*

## § 10 De precipuis in Ecclesia subortis hæresibus.

*peccaverunt*; sed quia gratiæ necessitatem excludit omnem, contra illud Christi apud Joan. cap. 15. vers. 5. manifestè dicentis: *Sine me nihil potestis facere*: & illud ejusdem Pauli de seipso fatentis 1. ad Cor. cap. 15. vers. 10. *Gratia Dei sum id quod sum*: & iterum 2. ad Cor. cap. 3. vers. 5. docentis: *Non quòd sufficientes simus cogitare aliquid à nobis, quasi ex nobis: sed sufficientia nostra ex Deo est.*

### De Adrumetinis.

Adrumetini.

Sciendum est primò ex malè intellectis S. August. in Pelagianam hæresim scriptis, tres alios ex occasione fuisse ortos circa gratiam errores; unus fuit in Africa, alter in Gallia, tertius in loco incerto. Primus fuit *Adrumetinorum* in Africa Monachorum. Secundus quorundam *Massiliensium* in Gallia Presbyterorum, vulgò Semipelagianorum, Tertius aliorum quorundam, vulgò *Prædestinarianorum*. De singulis hic pauca dicenda, & primò de *Adrumetinis*.

Per *Adrumetinos* intelliguntur hic à nobis nonnulli Byzacenæ Provinciæ, seu regni Tunetenfis in Africa *Adrumeti* degentes Monachi; unde *Adrumetini* ab *Adrumeto*, Cænobij sui loco, sicut Cassinenses à Cassino, Cluniacenses à Cluniaco, & Cistercienses à Cistercio vocati: qui, visa S. Augustini ad Sixtum Epistola, quæ est inter Augustinianas 105. turbati sunt omnes, totumque Monasterium duas in partes, & in contraria scissum. Pars una, duce *Floro*, dicebat gratiam Dei ita à S. Augustino prædicari, ut tolleretur libertatem, & correctionis necessitatem. Pars altera pro arbitrii libertate strenuè pugnans, gratiæ negabat efficaciam; quæ dissidia audiens S. Augustinus per *Felicem* & *Cresconium*, duos ejusdem Monasterii juvenes, ad *Valentinum* Monasterii præpositum duas scripsit Epistolas, totidemque Libros, unum nempe de gratia & libero arbitrio, alterum de correctione & gratia, quibus per gratiam non tolli libertatem, nec correctionis necessitatem, manifestè declarat, sicque extinctus est dissidium partium calor, & finitus in Africa *Adrumetinorum* Monachorum error, pacatum Monasterium, pacati Monachi, & veritati per Augustinum explicata acquievere omnes, ac proinde non contumaces, non rebelles, non hæretici dicendi, sed instructi per Augustinum redeuntes ab errore Monachi.

### De Semipelagianis, sive Massiliensibus.

Semipelagiani.

Per *Massilienses*, sive *Semipelagianos* intelliguntur communiter nonnulli *Massilia* in Gallia degentes Presbyteri; unde *Massilienses* à *Massilia* dicti; qui lecto hoc secundo de correctione & gratia S. Augustini Libro ad *Adrumeticos* Monachos directo, visisque his quæ in eo de prædestinatione & divinæ gratiæ efficacia prædicantur à S. Augustino, scandalizari & per illud idem turbari cœpere, per quod *Adrumetini* fieri pacati Monachi; sicque turbati varios in errores prolapsi, in quibus cum partim convenirent cum Pelagianis, & ab iisdem partim differrent, idèò *Semipelagiani* fuere vocati. Conveniebant autem cum Pelagianis in hoc, quòd dicerent, *Initium salutis nostræ à solis pendere naturæ viribus*. Ab iisdem econtra differebant, quòd reliquum salutis nostræ non à natura, sed à gratia pendere tenerent; idèò, inquam, *Semipelagiani*, seu reliquæ *Pelagii*

lagii fuere nuncupati, quamvis à S. Thoma 2. 2. qu. 6. art. 5. sint communi nomine Pelagiani vocati.

*Semipelagiana* hujus doctrinæ Patroni præcipui creduntur isti, viri licet aliunde pii, sapientes & eruditi, videlicet *Vitalis Carthaginensis*, *Joannes Cassianus*, *Faustus Regiensis*, *Vincentius Lirinensis*, *Gennadius* & *Severus Sulpicius*.

De *Vitali Carthaginensi* colligitur ex S. August. in Epist. 107. ad *Vitalem* sic loquente: *Te audio dicere ut rectè credamus in Deum & Evangelio consentiamus, non esse donum Dei, sed hoc nobis esse à nobis, id est, ex propria voluntate, quam nobis in nostro corde non operatus est ipse.*

De *Cassiano* sive Collatore, Atheniensi, ut creditur, vel incertæ patriæ viro, ut putant alii, & professione Monacho sanctissimo, insertur ex ejus collatione 13. in qua Semipelagianos miscuit errores.

De *Fausto* patria Britanno, professione Lirinensis Cœnobii Monacho, ibique ex Monacho, Abbate, & tandem Ecclesiæ Regiensis Episcopo, convincitur ex duobus ejus de gratia & libero arbitrio editis Libris, in quibus Pelagium refellere videri volens, reverà Pelagio favet, & Catholicam S. August. de gratia & prædestinatione doctrinam impugnât; nosque solis naturæ viribus fidem assequi, quærere, pulsare & petere ut eam impetremus asserit; quibus tamen non obstantibus erroribus eo tempore nondum damnatis, aras, & sacros honores in Ecclesiâ Regiensi post mortem obtinuit.

De *Vincentio Lirinensi*, viro licet erudito & magno, colligitur ex eò quòd in suo Communitorio cap. 37. gratiam Dei universis hominibus esse communem, illamque pulsantibus & petentibus, solis naturæ viribus conferri doceat.

De *Gennadio* Massiliensis Ecclesiæ Presbytero, Gelasiique Romani Pontificis cœvo suadetur 1. ex ejus de viris illustribus Libro, quo *S. Augustinum*, ejusque Discipulum ac defensorem *Prosperum* velut errantes impugnât; *Cassianum* econtrâ & *Faustum* Semipelagianos laudat. Et 2. ex eo quòd de eo Baronius ad annum 433. eum fuisse ejusdem sectæ cum *Cassiano* virum asserat, & ad annum 490. eum fuisse unum è Galliæ Presbyteris, de quibus ad Cœlestinum Sum. Pont. conquesti sunt *Prosper* & *Hilarius*, quòd S. Augustini adversaretur doctrinæ; addens eum opera *Gelasii* respiciisse, & ad Massiliensem Episcopatum evectum, catholicè tandem obiisse.

De *Severo Sulpicio* Aginensis Diocesis Presbytero, *S. Martini* discipulo, & *SS. Hieronymi* ac *Paulini* cœvo, insertur à *Baronio*, fide fulto *Gennadii* dicentis lib. de viris illustribus, illum jam senem à Pelagianis fuisse deceptum; quod tamen rejicit *Gilbertus* Gemblacensis Abbas, in Apologia pro *Severo Sulpicio*; asserens se hoc in solo legisse *Gennadio*, & nusquam alibi: sed quidquid sit de illius doctrina, eum catholicè obiisse constat circa annum Christi Domini 420. & egregias scripto reliquias, se sui ingenii reliquias.

Contra hujusmodi Semipelagianæ sectæ patronos pugnavit *S. August.* à *SS. Hilario* & *Prospero* è Galliâ monitus, duobus editis hunc in finem Libris, uno videlicet de *prædestinatione Sanctorum*, & de *perseverantia dono* altero. Pugnavit in eisdem *S. Prosper*, edito contra Collatorem Libro; pugnavit pariter & Auctor duorum Librorum de *vocatione Gentium*, sicut & *S. Casarius*, ex Lirinensi Monacho Arelatensis Episcopus; & tan-

dem damnata hæc Semipelagiana doctrina in Arausicano Concilio secundo, anno circiter 529. Can. 5. dicente : *Si quis sicut & augmentum, ita & initium fidei, non per gratia donum, sed naturaliter in nobis esse dicit, Apostolicis dogmatibus adversarius probatur*, B. Petro dicente : *Quia qui capit in nobis opus bonum, perficiet ; & Canone 6. Si quis sine gratia Dei credentibus, volentibus, conantibus, & pulsantibus nobis misericordiam conferri dicit, resistit Apostolo dicenti : Quid habes quod non accepisti ? & Gratia Dei sum id quod sum*. Ex quo Concilio, sub Felice IV. habito, & non antè, pro hæreticis haberi cœpere Semipelagiani.

### De Prædestinarianis.

Prædestinariani.

*Prædestinariani* dicuntur nonnulli, sub Honorio Imp. & Innocentio I. Rom. Pont. suborti in Africa, ut creditur, hæretici, circa annum 415. qui ex malè intellectis S. Augustini *de gratia & prædestinatione* Libris, interebant bona opera nihil prodesse reprobis, nec mala nocere prædestinatis ; unde à sua doctrina nomen consecuti, Prædestinati, sive *Prædestinariani* vocati, licèt incerti loci, incertique Auctoris hæretici, imò fabulosam omnino illorum hæresim putant è recentioribus nonnulli, quam tamen primitus ab Adrumetinis ortam Monachis verius asserunt alii, statimque sopitam ab Augustino, ad illos misso *de correctione & gratia* libro ; sed à Lucidio quodam Presbytero circa annum 475. infeliciter revocatam & auctam, post S. Augustini obitum ; iterumque duobus in Conciliis iisdem temporibus habitis, *Arelatensi* nimirum uno, & *Lugdunensi* altero proscriptam, rursusque sæculo 9. à *Gottescalcho*, viro natione Germano, & professione Ord. S. Bened. Orbacienfis Abbatiz Monacho recoctam, & iterum pariter à duobus Conciliis aliis, *Moguntino* scilicet & *Carisiaco* damnatam, & meritò damnatam, ( licèt iis non obstantibus, sæculo retrò proximè lapsò per *Lutherum* renovatam, & per *Calvinum*, Calvinique sectarios ad nostra usque tempora propagatam, ) cum hæc tam perversa doctrina bonos à bonis operibus avertens, & malos ad mala provocans, manifestè repugnet doctrinæ Christi dicentis Matth. cap. 19. vers. 17. *Si vis ad vitam ingredi, serva mandata ;* & adversatur Petro Epist. 2. cap. 1. vers. 10. manifestè clamanti : *Satagite, ut per bona opera certam vestram vocationem & electionem faciatis.*

### De Jansenianis.

Janseniani.

*Janseniani*, sive *Jansenistæ* nostris temporibus dicti sunt hi, qui quinque propositiones è Libro, cui titulus est *Augustinus Cornelii Jansenii Episcopi Iprensis*, excerptas propugnabant, & propugnando, varias in Belgio præsertim & in Gallia controversias, turbas & rixas excitabant : sunt autem propositiones illæ præfatæ, sequentes istæ :

1. *Aliqua Dei præcepta hominibus iustis volentibus & conantibus, secundum præsentem quas habent vires, sunt impossibilia ; deest quoque illis gratia, qua possibilia fiant.*
2. *Interiori gratia in statu naturæ lapsæ numquam resistitur.*
3. *Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.*
4. *Semipelagiani admitterent prævenientis gratiæ interioris necessitatem ad singu-*



singulos actus, etiam ad initium fidei; & in hoc erant hæretici, quod vellent eam gratiam talem esse, cui posset humana voluntas resistere, vel obtemperare.

5. Semipelagianum est dicere, Christum pro omnibus omnino hominibus mortuum esse, aut sanguinem fudisse.

Contra istos sufficiat nobis dixisse, quod de his quinque propositionibus rogata sancta Sedes ut definiret quid de his tenendum esset, tandem post longam accuratam examinis indaginem, & preces Patri luminum enixè fufas, emanavit constitutio specialis ab Innocentio X. Summo Pontifice anno 1653. qua ita damnantur, & singulari singulæ inurantur nota propositiones illæ, ut

1. Dicatur & declaretur temeraria, impia, blasphemata, anathemate damnata, & hæretica, & uti talis damnetur.

2. Verò & 3. eadem inurantur nota, utraque declaretur hæretica, & uti talis damnetur.

4. Declaretur falsa & hæretica, & uti talis damnetur.

5. Denique declaretur falsa, temeraria, scandalosa, & intellecta eo sensu, ut Christus pro salute dumtaxat prædestinatorum mortuus sit, impia, blasphemata, contumeliosa, divina pietati derogans, & hæretica, & uti talis damnetur.

Et hæc constitutio Innocentii X. fuit confirmata & approbata ab Alexandro VII. eisdem propositiones cum eadem cuique iniusta nota iterum damnante, anno 1656. quæ utriusque Summi Pontificis Innocentii & Alexandri constitutio statim ubique recepta in tota Ecclesia per orbem diffusa.

## ARTICULUS V.

### De præcipuis circa actiones humanas hæresibus.

Cum actus humani spectari possint vel ex parte principii à quo procedunt, vel ex parte sui præcisè, vel ex parte finis ad quem ultimò tendunt, & cujus ratione fiunt; ita & hæreses erroresque vitandi circa actus humanos diversis temporibus orti, eorundem circa principium, naturam, vel finem versari possunt. Erraverunt enim circa hominis libertatem, omnis actionis humanæ principium, auctores sive Gentiles, sive hæretici non pauci. Errarunt circa naturam, usum, vel qualitates eorundem numero multi. Errarunt & circa finem ultimum eorundem supremam videlicet hominis felicitatem plures alii; hos inter omnes, fuere præcipui sequentes isti, ordinetemporum cursim hic delineandi, videlicet Nicolaitæ, Cainani, Gnostici, Messaliani, Millenarii, Bardesanitæ, Arabici, Priscillianistæ, Beguardi, & Beguine, Dulcinistæ, Turlupini, Libertini, sive Quinsinistæ, Illuminati, Quietistæ, & alii.

Circa actus humanos errarunt præsertim

### De Nicolaitis.

Nicolaitæ sic vulgò dicti à Nicolao advena Antiocheno, de septem primis nascentis Ecclesiæ Diaconis per Apostolos electis uno, qui de zelotypia formosæ conjugis increpatus ab Apostolis, ut se ab objecto crimine immunem esse probaret, conjugem coram omnibus in publicum ducens, per-

Nicolai-

per.

permisit ut ea uteretur qui vellet : ex quo turpi facto orta est aliis occasio turpem sub *Nicolaitarum* nomine Sectam erigendi, & matrimonium unius cum una contemnendi, ac perperam & falsò dicendi uxores communes esse, licitum esse ut quisque ea uteretur qua vellet foemina, seu promiscuos licitos esse concubitus, contra illud Christi apud Matthæum cap. 19. vers. 4. & 5. dicentis: *Non legistis, quia qui fecit hominem ab initio, masculum & foeminam fecit eos? & dixit: Propter hoc dimittet homo patrem & matrem, & adhærebit uxori suæ, & erunt duo in carne una.* Unde meritò reprobatur hæc Nicolaitarum Secta à Christo dicente Apoc. cap. 2. vers. 6. Angel. Ephesi: *Sed hoc habes, quia odisti facta Nicolaitarum, quæ & ego odi.* Ac proinde non mirum, si S. Ignatius Trallensisbus scribens dicat: *Fugite illos immundissimos Nicolaitas amatores libidinis.*

### De Cainanis.

*Cainani.* *Cainani*, vel *Caini* dicuntur hæretici illi, qui sub Antonino Pio Imp. & Pio I. Rom. Pont. vigere cœpere, anno circiter 150. quos Tertullianus suo de hæresibus libello Chaldaeos vocat, & qui inter alia multa, in hoc præsertim turpiter errabant, quòd *Cain* primogenitum *Adæ* filium, miseruntque *Abelis* fratricidam venerarentur & colerent; unde *Cainani*, vel *Caini* nuncupati. Arbitrabantur quippe *Cainum* ex virtute diaboli; *Abelem* verò ex Dei virtute natum, majoremque virtutem quàm in *Caino* esse putabant, ita prævaluisse ut suum interfecerit fratrem *Abelem*: & nedum in hoc solo errabant, quòd *Cainum* colerent, sed & quòd *Judam* Christi proditorem adorarent, in illo quid divinum fuisse somniantes, eumque præscientem, quantum generis humani saluti esset profutura Christi Passio, Christum Dominum *Judæis* tradidisse captandum, imò nec solos *Cainum* & *Judam*, sed & *Core*, *Dathan* & *Abiron*, (qui schisma facientes in primo populo Dei, terra hiscente perierunt,) sed & *Sodomitas*, & similes alios vitæ sceleratæ viros in Scriptura memoratos colerent & laudarent.

Contra quos hæresis 38. vehementer & eruditè pugnans sanctus Epiphanius, ait inter alia: *Quòd hi omnimodo seducti sunt, quòd non bonum quemdam colunt & laudant; palam autem est, quòd hæc ex diabolo ipsis insita sunt, ignorantia videlicet & seductio; impletur autem in ipsis quod scriptum est Isaïa, cap. 5. vers. 20. Væ qui dicunt malum bonum, & bonum malum; ponentes tenebras lucem, & lucem tenebras; ponentes amarum in dulce, & dulce in amarum: undique enim vetus & novum Testamentum pronuntiat, impietatem ipsius Cain prædicans; hi verò cum tenebrarum sint amatores, & malefactorum imitatores, ipsum Abel odio habent, Cain verò diligunt, & Judæ laudem tribuunt, &c.* Pudeat ergo eos fratricidam colere *Cainum*, de quo Scriptura dicit, Gen. cap. 4. vers. 11. *Maledictus eris super terram, quæ aperuit os suum, & suscepit sanguinem fratris tui de manu tua.* Pudeat eos *Judam* Christi proditorem venerari & laudare, de quo dicitur Matth. cap. 26. vers. 24. *Væ homini illi, per quem Filius hominis tradetur; bonum erat illi, si natus non fuisset homo ille; qui re ipsa non homo, sed diabolus malitia fuit, dum Christum tradidit, juxta illud Joan. cap. 6. vers. 71. Nonne ego vos duodecim eligi: & ex vobis unus diabolus est?*

## De Gnosticis.

*Gnostici* sive *Scientes*, de quibus S. August. lib. de hæres. ad Quodvult-Gnostici.  
deum ait : *Gnostici* propter excellentiam scientiæ sic se appellatos esse, vel  
appellari debuisse gloriantur, cum sint superioribus omnibus vaniores atque  
turpiores, & cum ab aliis atque aliis per diversas terrarum partes, aliter at-  
que aliter nuncupentur; nonnulli eos etiam Borbonitas vocant quasi canoscos,  
propter nimiam turpitudinem quam in suis mysteriis exercere dicuntur. Illos  
aliqui à *Basilide* exortos volunt, ut S. Hieron. alii à *Carpocrate*, ut S. Ire-  
næus, alii à *Valentino*, alii à *Nicolaitis*, ut S. Augustinus. Dicunt alii eos  
suum cœpisse Romæ diffundere sectæ venenum circa annum 167. opera &  
industria cuiusdam *Marcellinæ*, venustæ quidem & ingeniosæ, sed invere-  
cundæ & sceleribus oneratæ forminx. Tradebant autem, inquit S. August.  
dogmata fabulosissimis plena figmentis.

Nedum enim docebant 1. duo esse rerum omnium principia. 2. Christum  
non fuisse Deum, sed in eo Deum habitasse; sed insuper & 3. turpissimas &  
nefandissimas corporis voluptates licitas esse tenebant; unde præcipuum hu-  
jus diabolicæ sectæ dogma erat, nefanda uxorum communitas, & turpitudi-  
nis cuiuslibet detestabilis usus; in Nicolaitis à Christo reprobatus, à qui-  
bus & turpes istos descendisse *Gnosticos*, & temporibus Apostolicis grassa-  
ri cœpisse suadetur ex eo quod S. Chrysostomus & Theodoretus de iis loqui  
Paulum asserant, dum prima ad Timoth. cap. 6. vers. 20. ait: O *Timo-  
thee*, depositum custodi, devitans profanas vocum novitates, & oppositiones  
falsi nominis scientiæ, quam quidam promittentes, circa fidem exciderunt,  
hoc est, à *Timothæe*, o Episcopo, o Sacerdos, o Doctor, depositum cu-  
stodi, id est, doctrinam sanam & Catholicam à me tibi & à Christo con-  
creditam conserva, devitans quali viperam, quasi scorpionem, quasi ba-  
siliſcum, profanas seu varias, quæ nihil habent sacri, nihil religiosi, à  
fide, Ecclesiâ & religione alienas, vocum, imò rerum, sententiarum, ac  
consequenter sermonum novitates, & oppositiones falsi nominis scientiæ, id  
est, antitheses, oppositiones & objectiones falsò nominatæ scientiæ, seu  
hæreticorum illorum, qui se *Gnosticos*, sive scientes falsò nominant, qui  
sibi falsò scientiam arrogant, quasi ipsi soli saperent; cum non sit vera scien-  
tia, ubi non est vera fides, qua ipsi carent, cum circa fidem exciderint.

## De Messalianis, sive Enthusiastis.

*Messaliani* sive *Masaliani*, qui ab aliis *Euchitæ*, id est, Orantes; ab aliis *Enthusiastæ*, hoc est, numine afflati, seu Phanatici vocantur, ob extases Messalia-  
ni.  
& raptus quibus divinas inspirationes jaſcitabant; qui Valentis Imperato-  
ris & Damasi Papæ temporibus, circa annum 380. ita erant orationibus in-  
tenti, Deoque reſiſti, & à cæteris etiam bonis operibus & Sacramentis alie-  
ni, ut omnia, etiam bona opera & Sacramenta ut indifferentia negligere-  
rent, ipsumque Baptismum inutilem reputarent, solamque orationem sibi  
sufficere crederent ad omnia delenda peccata, ad Dæmonem fugandum,  
tentationes vincendas, ipsam quoque consequendam vitam æternam.

Cujus Phanaticæ sectæ auctores præcipui fuere *Dadoes*, *Sabas*, *Adel-  
phius*, *Simones* & *Hermas*, vel, ut placet aliis, *Hermias*, qui se Prophe-  
tas esse, se sanctam Trinitatem oculis corporeis videre, seque ad tantam  
Dei

Dei similitudinem venire posse jactabant, ut ampliùs peccare non possent; & ita erant à Dæmone illusi, ut Dæmonis operationem expectarent, quam Spiritus sancti præsentiam esse credebant; unde *Enthusiasta*, seu numine afflatus fuere vocati. Sed hæc Phanaticorum secta statim delibellata fuit, & proscripta ab Orientalibus Episcopis, præsertim à *Letojo* Melitenensis Ecclesiæ Præfule, qui hos lupos ut à suis arceret ovibus, eorum speluncas incendit, & insuper ab *Amphilochio* Ecclesiæ Iconiensis Episcopo, qui eos à suo grege pariter procul abegit, & tandem à *Flavianio* Antiocheno Patriarcha, qui *Adelphium* sectæ ducem, & senem inveteratum convicit, & ad fidem reduxit Ecclesiæ Catholicæ, dicentis cum Christo de Baptismo, Joan. cap. 3. vers. 5. *Nisi quis renatus fuerit ex aqua & Spiritu sancto, non potest introire in regnum Dei*; & de bonis operibus cum Petro, Epist. 2. cap. 1. vers. 10. *Satagite, ut per bona opera certam vestram vocationem & electionem faciat*.

### De Millenariis.

*Millenarii* sive *Chiliaste*, sic à voce græca *χίλις* significante numerum *millenarium* dicti; qui sub Adriano Imp. & *Sixto I.* Rom. Pont. cum *Cerintho* de beatitudine ultima hominis, & omnis actionis humanæ fine sentientes, unde & *Cerinthiani*, asseriebant post resurrectionem, Christum per mille annos regnaturum in terris, Sanctosque cum Christo corporaliter viuturos in deliciis & voluptatibus corporis, epulando, generando, eo modo quo nunc in præsentis vita fieri constat: cujus hæreos à *Cerintho* primitus ortæ primus defensor creditur *Papias* Hierapolitanus Antistes, circa annum Christi 130.

Sed hæc omnia colliguntur ex Scripturis manifestè falsa, Christo Domino Judæis quibusdam hac de re suspicantibus dicente, Matth. cap. 22. vers. 29. *Erratis nescientes Scripturas, neque virtutem Dei. In resurrectione enim neque nubent, neque nubentur; sed erunt sicut Angeli Dei in Cælo*. Imò & Paulo divino Christi Præcone ad Rom. cap. 14. vers. 17. scribente: *Non est enim regnum Dei esca & potus, sed justitia & pax, & gaudium in Spiritu sancto*. Et denique Angelo Virginem Deiparam salutante, & futurum Christi regnum æternum annuntiante his verbis, Luc. 1. vers. 32. *Et regnabit in domo Jacob in æternum, & regni ejus non erit finis*. Ergo si æternum futurum sit Christi regnum, si nullus sit futurus finis ejus, errant qui Christi regnum mille annorum in terris futurum enarrant. Quæ denique *Millenariorum* hæresis per Apollinarem renovata, in Romano Concilio contra Apollinaristas convocato à *Damaso* Papa anno 373. ita condemnata fuit, ut posthac omninò conticuerit, nec ampliùs audita fuerit.

### De Bardefanitis.

*Bardefaniti*, sic dicti à *Bardefane* quodam natione Syro, & patria Edelesno viro, sub M. Antonino Imp. & *Pio I.* Rom. Pont. secundo vivente sæculo, anno circiter 160. qui, juxta sanctum Epiphani. hæz. 36. *Primum quidem optimus vir fuit, & libros non paucos conscripsit, quando sanam mentem habebat; nam ex sancta Dei Ecclesia procedebant; doctus existens in duabus linguis Græca & Syrorum; & qui Apollonio Antonini Impera-*

peratoris amico viro monenti, ut se christianum esse negaret, forti restitit animo, mortem potius subire paratus, quam Christi fidem negare; sicque insignis & egregius fuit sub initio fidei defensor: sed tandem sub fine in Valentini lapsus est hæresim; quem ideo *S. Epiphanius* similem dicit navi pretiosis onerata mercibus, & per altum mare feliciter eunti, sed tandem in portu miserè naufragium passæ; & de quo *S. Augustinus* lib. de hæ. cap. 33. dicit: *In doctrina Christi prius extitisse perhibetur insignis, quamvis postea per omnia in Valentini lapsus hæresim, addens de suo, ut facto adscriberet conversationes hominum, ac proinde hominem non liberè, sed necessariò operari teneret.*

Quod sacra patim Scriptura reprobatur, hominem in suis operationibus liberum esse docens, ut dum *Isaïa* cap. 1. vers. 19. ait: *Si volueritis, & audieritis me, bona terræ comedetis: quod si nolueritis, & me ad iracundiam provocaveritis, gladius devorabit vos.* Et *Ecclesiastici* cap. 15. vers. 14. *Deus ab initio constituit hominem, & reliquit eum in manu consilii sui.* Et denique *Matth.* cap. 19. vers. 17. ubi Christus ait: *Si vis ad vitam ingredi, serva mandata.* Quod sanè perperam diceretur, si sine in operationibus liber non esset homo ad agendum, vel non agendum.

### De Arabicis.

*Arabici* fuere nonnulli in Arabia grassantes hæretici, quorum ignotus est auctor, & de quibus *S. Augustinus* ait lib. de hæ. cap. 83. *Cum Eusebii historiam perscrutatus essem, cui Rufinus à se in Latinam linguam translata subsequentiū etiam temporum duos Libros addidit, non inveni aliquam hæresim quam non legerim apud istos, nisi quam in sexto Libro ponit Eusebius, narrans eam extitisse in Arabia. Itaque hos hæreticos, quoniam nullum eorum ponit auctorem, Arabicos possumus nuncupare, qui dixerunt animas cum corporibus mori atque dissolvi, & in fine sæculi utrumque resurgere; sed hos disputatione Origenis præsentis, & eos alloquens, celerrimè dicit fuisse correctos.*

Arabici.

Contra quos & alios idem de anima omnis actionis humanæ principio sentientes hæreticos, duos edidit Libros sanctus *Chrysostomus*, & de quibus *S. Isidorus* in cap. 13. *Levitici* ait: *In carne viva lepram gerit, qui de anima quæ vita carnis est, aliquid falsum existimat, sicut Arabici, qui animam mori cum corpore putant; & contra quos omnes Scriptura clamat Sap. 3. vers. 1. dicens: Iustorum anima in manu Dei sunt; & non tanget illos tormentum mortis.* Et *Matth.* cap. 10. vers. 28. *Nolite timere eos qui occidunt corpus, animam autem non possunt occidere; & denique Lucæ cap. 23. vers. 43. ubi Christus B. Latroni ait: Hodie mecum eris in Paradiso, non in corpore, ut patet; ergo in anima post corporis mortem superstitet, & cum Christo in Cælis regnante.*

### De Priscillianistis.

*Priscillianista* orti à *Prisciliano*, viro natione Hispano, & in Hispania Ecclesiæ Abulensis Episcopo, sub Valentiniano Imp. & *Siricio* Rom. Pont. circa annum 388. qui, præterquàm quòd in multis communicabant cum hæreticis aliis, ut v. g. cum *Manichæis*, in eo quòd duos admitterent Deos, bonum unum, & malum alterum: cum *Noeto* & *Sabellio*, in eo quòd

Priscil-  
lianista.

quòd *Trinitatem personarum* in Deo esse negarent : cum *Origene*, in eo quòd *animas*, antequam infunderentur in corpora, peccasse; & in penam peccati, in corpora tanquam in carceres fuisse reclusas, assererent. Præterquam quòd insuper pro sua occultanda doctrina, *perjurium licitum esse*, & cum *iuramento negandum* affirmarent, illud tritum semper habentes in ore:

*Jura, perjura, secretum prodere noli.*

Præter alios errores sibi cum *Montano* & *Tatiano* communes, docebant insuper cum suo duce *Prisciliano* *Manichæum* secuto, *hominem esse fatalibus stellis alligatum*.

Sed hæc doctrina manifestè fidei repugnat, cum tollat liberum hominis arbitrium; nam si in agendo liber est homo, ita ut possit agere vel non agere, consequens est, ut non sit fatalibus alligatus astris; aut si ita alligatus sit astris, ut ex illorum influxu pendeat in agendo, consequens est eum ita necessariò agere, ut non possit non agere, ac proinde eum liberum non esse; quod est contra Ecclesiæ fidem; unde meritò damnata istorum & aliorum similiter errantium doctrina in *Concilio Braccarensi* cap. 9. decretorum, sic expressè definiente : *Si quis animas, & corpora humana fatali signo credit astringi, sicut Pagani & Priscilianus dixerunt, anathema sit.*

#### De Beguardis, & Beguinis.

Beguardi  
& Beguinae.

*Beguardi, Beguni & Beguina* dicuntur nonnullæ utriusque sexus hæreticæ personæ, quæ 13. sæculo, sumpto religionis habitu, & monachali velatæ cuculla collegiatæ & monasticè vivebant, licet cœlibatum non servantes, distinctis quidem in Cœnobiis degentes, mulieres sine voto & liberè, viri verò cum tritum Monasticorum emissionem votorum.

*Beguardi* unde dicantur non satis constat; hoc unum eis fuisse commune nomen cum *Fratricellis* & *Bizochis* colligitur ex Extravagante *Joannis XXII.* quæ incipit, *Sancta Romana*, &c. in qua de his sic legitur : *Nonnulli profana multitudinis viri sunt, qui vulgariè Fratricelli, seu Fratres de paupere vita, Bizochi, sive Beguardi, vel aliis nominibus nuncupantur, in partibus Italia, necnon in insula Siciliensi, qui contra Canones, habitum novæ religionis sumpserunt; quo sub habitu, quasi sub ovina pelle lupi varios disseminabant errores.*

*Beguina* verò mulierculæ reperiuntur duplicis fuisse generis. Aliæ enim erant, quæ astricte voto, sanctè religiosèque vivebant juxta constitutiones sibi à sancta *Begga*, S. Gertrudis sorore traditas; vel ut opinantur alii, à pio quodam sanctoque Presbytero *Lamberto Begha* dicto; unde & ipsæ *Beguina* nuncupatæ, & ex iis esse dicuntur illæ, quæ piè sanctèque vivunt adhuc in Belgio. Aliæ erant *Beguina*, quæ sine voto & liberè, licet monasticè vivebant, sequentes Beguardorum errores, & cujusdam *Margaritæ Porreta*, ex Hannonia oriundæ sceminæ, Parisiis damnatæ & comburi jussæ, ob editum Librum erroribus plenum, anno 1210. Docebant autem inter alia Beguardi,

1. Hominem in hac præsentī vita talem perfectionis gradum assequi posse, ut reddatur impeccabilis, & amplius in gratia proficere non valeat.

2. Hominem illum, qui ad hunc perfectionis gradum pervenit, non tene-  
ncri

neri amplius orare, nec Ecclesiastica jejunia fervare, nec ullos virtutum actus exercere, nec ulla bona opera præstare; imò nec assurgere ad adorandum, dum elevatur Eucharistiæ Sacramentum; quia tunc sensualitas ita est planè rationi subdita, ut possit homo suo corpori quicquid placuerit permittere.

3. Hominem in hac vita finalem beatitudinem ita perfectam assequi posse, ac in patria.

4. Quamlibet naturam intellectualem in seipsa esse naturaliter beatam, nec indigere lumine gloriæ ad Deum videndum, contra illud Pauli ad Romanos cap. 6. vers. 23. dicentis: *Gratia Dei, vita æterna*; si per Dei gratiam obtinetur vita æterna, ergo non sola natura.

Sed hi omnes damnati cum suis erroribus hæretici, primò in Concilio Viennensi in Austria anno 1166. deinde in Colonienfi alio, anno 1260. & tandem in œcumenico Viennensi Concilio in Delphinatu sub Clemente V. anno 1311.

### De Dulcinistis.

*Dulcinista* à *Dulcino* quodam impio & impuro, ineuntis decimi-quarti *Dulcinista*. sæculi viro; qui sub Henrico VII. Imp. & Clemente V. Rom. Pont. circa annum 1300. præter Valdensium sordes quibus inhærebant, dicebat se venisse, ut tertium Spiritus sancti prædicaret regnum; addens Patris æterni regnum durasse usque ad Christi adventum; regnum verò Christi usque ad annum 1300. & hæc impia dum seminabat deliria, interim charitatis prætextu turpia patrabat & horrenda plura, totque sui sectarios & sequaces utriusque sexus habuit, quos versus Alpium juga duxit, ibique simul & promiscuè per duorum vel trium circiter annorum spatium cohabitare fecit, ut ad eos debellandos, indeque detrudendos, tanque sceleratæ ac contaminatæ hæreticorum sectæ tollenda mala, speciali opus fuerit cruciatorum expeditione à Clemente V. Rom. Pont. indicta, quæ tandem hos nefandos & sceleratos homines delevit & erasit; captus siquidem fuit *Dulcinus* cum sua uxore *Margarita*, & pluribus aliis sceleratæ factionis sociis, qui membratim prius concisi sunt, deinde exusti & in cineres redacti.

Et meritò erali fuere illi sceleratæ factionis hæretici; qui, ut Osee verbis utar, cap. 4. vers. 14. *Cum meretricibus conversabantur, & cum effeminatis sacrificabant*; meritòque in cineres redactus & erasus cum suis *Dulcinus* ille, qui ut suum tertium commentitium suaderet regnum, fingebat Christi deliisse regnum, de quo dicitur Psalm. 144. vers. 13. *Regnum tuum regnum omnium seculorum*. Et Dan. cap. 3. vers. 100. *Regnum ejus regnum sempiternum*. Et Luc. cap. 1. vers. 32. *Regnabis in domo Jacob in æternum, & regni ejus non erit finis*.

### De Turlupinis.

*Turlupini* fuere nonnulli brutales, turpes & inverecondi, decimo-quarto sæculo grassantes hæretici, verique sub tunica Christi, Epicurei viri; qui, præter turpes & impias in quibus volutabantur Beguardorum hæreses, *De nulla re nobis à natura concessa erubescendum esse docebant*. Unde turpi Cynicorum Philosophorum more, omnia verenda publicè nudata gestabant, & quod est dictu horrendum & cogitatu pudendum, in publico canum

canum instar, & velut iumenta coibant; asserentes insuper non orandum esse vocaliter, sed mentaliter tantum.

Sed tandem crasa est atque deleta hæc scelerata turpium hominum secta, anno circiter 1372. sub Carolo IV. Imp. & Gregorio XI. Rom. Pont. & meritò vita privati brutales illi, & ex hominum consortio sublati, qui non ut homines humano modo vivebant, sed ut bruta bruta præstabant, & pejora multòque graviora his, de quibus Scriptura dicit ad Galat. cap. 3. vers. 21. *Quoniam qui talia agunt, regnum Dei non consequentur.*

### De Libertinis, sive Quintinistis.

**Libertini.** *Libertini* sive *Quintinista* fuere nonnulli decimo sexto incipiente sæculo grassantes hæretici, & in Hollandia & Brabantia varias in sectas divisi; qui ob effrænam quam prædicabant vivendi libertatem, *Libertini* fuere nuncupati; & quia illorum Anctor & Heros erat vir quidam natione Picardus, professione sartor, & nomine *Joannes Quintinus*, inde & *Quintinista* pariter in Gallia vocati. Docebant autem impii illi inter impia alia, cum suo Heroe *Quintino*, ejusque socio *Coppino* Insulario; & ejusdem furis viro, sub Carolo V. Imp. & Clemente VII. Rom. Pont. circa annum 1525. Primò, ridendas & pro fabulis habendas esse Scripturas, & solum sequendum esse Spiritum vivificantem, unde & spirituales dici volebant. 2. Quæcumque videntur ab hominibus fieri, non ab hominibus, sed à Deo fieri dicebant, ac proinde peccatum nihil esse præter inanem opinionem, cum sit à Deo qui fecit omnia, & Deus nihil mali faciat; sic isti se nusquam peccare putant, nec debere reprehendi quidquid agant, quia hoc esset Deum reprehendere; ac proinde omnibus omnia licita esse volunt, & cuilibet suo modo vivere permillum.

Sed contra impios illos omnis religionis, veriùs dixero nullius religionis, & nullius Scripturæ viros, sic philosophando dici potest.

1. Si ridendæ sunt Scripturæ, & solus sequendus vivificans Spiritus, ridendi erunt & ipsi *Libertini*, qui dum Scripturas rident & pro fabulis habent, Scripturis nihilominus credunt; unde enim habent, quòd Spiritus vivificet? nisi ex Scriptura dicente 2. ad Cor. cap. 3. vers. 6. *Litera enim occidit, Spiritus autem vivificat.*

2. Si ridendæ essent Scripturæ, & ut fabulæ non audiendæ, ridenda pariter esset, & ut fabula non audienda Christi religio nostra, quæ Scripturas divinas veneratur & audit, quæ tota divinis Scripturis nititur, stabilitur & regitur: Atqui hoc dicet nemo, nec dicere possunt ipsi quantumvis impii *Libertini*, qui religiones approbant omnes, ac proinde nositam, velint nolint, omnium optimam, & unicè veram; ergo nec dicere possunt ridendas esse, & ut fabulas non audiendas Scripturas.

3. Si peccatum nihil esset, si omnibus omnia licita forent, licitum consequenter cuilibet esset occidere, furari, mæchari, & alia quæque nefanda præstare: Atqui hæc nedum passim Scriptura vetat, nedum religio reprobatur omnis, sed & ipsa naturalis ratio damnat; ergo & damnat impia illa, ex quibus sequuntur *Libertinorum* deliria, asserentia peccatum nihil esse, & omnibus omnia licita.



De Illuminatis.

*Illuminati* dici voluere nonnulli Phanatici, & falsæ pietatis viri in Hispania suborti anno circiter 1575. sed quia statim iusto sacræ Inquisitionis iudicio, *Cordubæ* puniti; ideo illorum illico tacuit sopita secta usque ad annum circiter 1623. quo renovari cœpit, & reviviscere in *Hispalensi*. Dicebatur, in qua novi renascentis sectæ phanaticæ patroni eosdem errores prædicare cœpere, quos inter errores capitale sectæ dogma erat; Quod se vi Orationis mentalis tantam cum Deo unionem, talemque perfectionis statum assecutos iactarent, ut se nec bonis operibus, nec Sacramentis egere dicerent, seque impura & nefanda quæque sine peccato etiam veniali patrare posse tenerent.

Unde meritò iterum sacræ Inquisitionis decreto proscripti fuere huius sectæ viri, ejusque septem duces præcipui incendio combusti, alii verò fuga salvi, vel regno exire iussi anno 1633. cura & zelo *Andrea Pacheci*, *Hispalensis* Episcopi, totiusque regni generalis Inquisitoris æquissimi. Meritò quidem; cum contra illos & alios quoscumque asserentes, senon bonis egere operibus ad salutem consequendam, passim Scriptura clamer, & præferrim *Matth. cap. 16. vers. 27.* dicens, venturum esse Filium hominis, Christum scilicet in fine mundi, *Et tunc reddet unicuique secundum opera ejus*; & in *Apoc. cap. 14. vers. 13.* dicat sola nos post mortem sequi opera: *Opera enim illorum sequuntur illos*. Meritò proscripti & erasi cæci illi, qui se ita illuminatos, perfectos & impeccabiles fingeant, ut se impura & nefanda quæque sine peccato patrare posse tenerent, cum *1. Joan. cap. 1. vers. 8.* manifestè Scriptura dicat: *Si dixerimus quoniam peccatum non habemus, ipsi nos seducimus, & veritas in nobis non est.*

De Quietistis.

*Quietistæ* sapienter olim & verè dicebantur viri illi sancti, qui solitariè degentes procul negotiis, & à mundo longè semoti, Deo soli sanctè quietèque vacabant: sed per abusum & falsò *Quietistæ* vocantur hodie, pseudo-myistici nonnulli recenter exorti, quorum perversæ doctrinæ summa in hoc ferè volvitur tota, ut velint & asserant, *In vita spirituali stre mystica hos solos censendos esse perfectos & verè mysticos, qui per unum altum, & solummodo non revocatum, Deo semel oblatis, & ut ajunt, totaliter uniti, resignati atque relictii, reliquos omnes ut superfluos suspendunt actus, & velut exanimis permanendo, nihil prorsus operando, neque volendo, neque petendo, nec de acceptis Deo gratias agendo, nec ad proprios defectus reflectendo, sed silendo & merè passivè se habendo, in absoluta permanent indifferentia de omnibus, etiam de pœna, vel de præmio, de inferno, vel de Paradiso, de æterna damnatione, vel de salute, faciendo ut Deus solus operetur activè, & suam divinam voluntatem impleat in illis, unde quia potentias quiescere, & actus cessare omnes volunt istius pseudo-mythicæ Theologiæ viri, sancta abutentes orationis passivæ quiete, inde perperam per abusum & falsò sunt *Quietistæ* vocati.*

Sed meritò ab *Imocentio XI.* Summo Pontifice damnati anno Christi 1687. dum Romæ convictus est & damnatus illorum Coryphæus & antesignanus *Michael de Molinos*, Presbyter Hispanus, & simul cum eo *Appar. Annati T. II.*

canum instar, & velut iumenta coibant; asserentes insuper non orandum esse vocaliter, sed mentaliter tantum.

Sed tandem crasa est atque deleta hæc scelerata turpium hominum secta, anno circiter 1372. sub Carolo IV. Imp. & Gregorio XI. Rom. Pont. & meritò vita privati brutales illi, & ex hominum consortio sub-  
lari, qui non ut homines humano modo vivebant, sed ut bruta brutalia præstabant, & pejora multòque graviora his, de quibus Scriptura dicit ad Galat. cap. 5. vers. 21. *Quoniam qui talia agant, regnum Dei non consequentur.*

### De Libertinis, sive Quintinistis.

**Libertini.** *Libertini* sive *Quintinistæ* fuere nonnulli decimo sexto incipiente sæculo grassantes hæretici, & in Hollandia & Brabantia varias in sectas divisi; qui ob effrænam quam prædicabant vivendi libertatem, *Libertini* fuere nuncupati; & quia illorum Auctor & Heros erat vir quidam natione Picardus, professione sartor, & nomine *Joannes Quintinus*, inde & *Quintinistæ* pariter in Gallia vocati. Docebant autem impii illi inter impia alia, cum suo Heroe *Quintino*, ejusque socio *Coppino* Insulario; & ejusdem furis viro, sub Carolo V. Imp. & *Clemente VII.* Rom. Pont. circa annum 1525. Primò, ridendas & pro fabulis habendas esse Scripturas, & solum sequendum esse Spiritum vivificantem, unde & spirituales dici volebant. 2. Quæcumque videntur ab hominibus fieri, non ab hominibus, sed à Deo fieri dicebant, ac promde peccatum nihil esse præter inanem opinionem, cum sit à Deo qui fecit omnia, & Deus nihil mali faciat; sic isti se nusquam peccare putant, nec debere reprehendi quidquid agant, quia hoc esset Deum reprehendere; ac proinde omnibus omnia licita esse volunt, & cuilibet suo modo vivere permissum.

Sed contra impios illos omnis religionis, veriùs dixero nullius religionis, & nullius Scripturæ viros, sic philosophando dici potest.

1. Si ridendæ sunt Scripturæ, & solus sequendus vivificans Spiritus, ridendi erunt & ipsi *Libertini*, qui dum Scripturas rident & pro fabulis habent, Scripturis nihilominus credunt; unde enim habent, quòd Spiritus vivificet? nisi ex Scriptura dicente 2. ad Cor. cap. 3. vers. 6. *Litera enim occidit, Spiritus autem vivificat.*

2. Si ridendæ essent Scripturæ, & ut fabulæ non audiendæ, ridenda pariter esset, & ut fabula non audienda Christi religio nostra, quæ Scripturas divinas veneratur & audit, quæ tota divinis Scripturis nicitur, stabilitur & regitur: Atqui hoc dicet nemo, nec dicere possunt ipsi quantumvis impii *Libertini*, qui religiones approbant omnes, ac proinde nostram, velint nolint, omnium optimam, & unicè veram; ergo nec dicere possunt ridendas esse, & ut fabulas non audiendas Scripturas.

3. Si peccatum nihil esset, si omnibus omnia licita forent, licitum consequenter cuilibet esset occidere, furari, mæchari, & alia quæque nefanda præstare: Atqui hæc nedum passim Scriptura vetat, nedum religio reprobatur omnis, sed & ipsa naturalis ratio damnat; ergo & damnat impia illa, ex quibus sequuntur *Libertinorum* deliria, asserentia peccatum nihil esse, & omnibus omnia licita.

## De Illuminatis.

*Illuminati* dici voluere nonnulli Phanatici, & falsæ pietatis viri in Hispania suborti anno circiter 1575. sed quia statim iusto sacræ Inquisitionis iudicio, *Corduba* puniti; ideò illorum illicò tacuit sopita secta usque ad annum circiter 1623. quo renovari cœpit, & reviviscere in *Hispalensis* Diocesi, in qua novi renascentis sectæ phanaticæ patroni eisdem errores prædicare cœpere, quos inter errores capitale sectæ dogma erat; *Quòd se vi Orationis mentalis tantam cum Deo unionem, talemque perfectionis statum assecutos jactarent, ut se nec bonis operibus, nec Sacramentis egere dicerent, seque impura & nefanda quæque sine peccato etiam veniali patrare posse tenerent.*

Unde meritò iterum sacræ Inquisitionis decreto proscripti fuere hujus sectæ viri, ejusque septem duces præcipui incendio combusti, alii verò fuga salvi, vel regno exire jussi anno 1633. cura & zelo *Andreae Pacheci*, *Hispalensis* Episcopi, totiusque regni generalis Inquisitoris æquissimi. Merito quidem; cum contra illos & alios quoscumque asserentes, se non bonis egere operibus ad salutem consequendam, passim Scriptura clamet, & præsertim Matth. cap. 16. vers. 27. dicens, venturum esse Filium hominis, Christum scilicet in fine mundi, *Et tunc reddet unicuique secundum opera ejus*; & in Apoc. cap. 14. vers. 13. dicat sola nos post mortem sequi opera; Opera enim illorum sequuntur illos. Merito proscripti & erasi cæci illi, qui se ita illuminatos, perfectos & impeccabiles fingebant, ut se impura & nefanda quæque sine peccato patrare posse tenerent, cum 1. Joan. cap. 1. vers. 8. manifestè Scriptura dicat: *Si dixerimus quoniam peccatum non habemus, ipsi nos seducimus, & veritas in nobis non est.*

## De Quietistis.

*Quietistæ* sapienter olim & verè dicebantur viri illi sancti, qui solitarie degentes procul negotiis, & à mundo longè semoti, Deo soli sanctè quietèque vacabant: sed per abusum & falsò *Quietistæ* vocantur hodie, pseudo-myistici nonnulli recenter exorti, quorum perversæ doctrinæ summa in hoc ferè volvitur tota, ut velint & asserant, *In vita spirituali sive mystica hos solos censendos esse perfectos & verè mysticos, qui per unum actum, & solummodo non revocatum, Deo semel oblatis, & ut ajunt, totaliter uniti, resignati atque relictis, reliquos omnes ut superfluos suspendunt actus, & velut exanimis permanendo, nihil prorsus operando, neque volendo, neque petendo, nec de acceptis Deo gratias agendo, nec ad proprios defectus reflectendo, sed silendo & merè passivè se habendo, in absoluta permanent indifferentia de omnibus, etiam de panis, vel de præmio, de inferno, vel de Paradiso, de aeterna damnatione, vel de salute, sinendo ut Deus solus operetur activè, & suam divinam voluntatem impleat in illis; unde quia potentias quiescere, & actus cessare omnes volunt istius pseudo-mythicæ Theologiæ viri, sancta abutentes orationis passivæ quiete, inde perperam per abusum & falsò sunt *Quietistæ* vocati.*

Sed meritò ab *Innocentio XI.* Summo Pontifice damnati anno Christi 1687. dum Romæ convictus est & damnatus illorum Coryphæus & antesignanus *Michael de Molinos*, Presbyter *Hispanus*, & simul cum eo *Appar. Annati T. II.*

damnata ejus opera omnia, quocumque in loco, vel idiomate, scripto vel typis mandata, & nominatim censura notatæ tanquam *hæretica, suspecta & erronea, scandalosa, blasphemia, piarum aurium offensiva, temeraria, Christianæ disciplina relaxativa & everfiva*, respectivè 68. propositiones ejus, in quibus tota illius & istorum pseudo-mythicorum continetur pervertæ doctrinæ Summa, per quam solida, pura ac sancta quæque evertunt Christianæ disciplinæ, pietatis, religionisque fundamenta, incautas decipiunt, & varios in errores inducunt simplicium animas, easque tandem & sensim sine sensu ad turpia & enormia quæque deducunt sensualis vitæ scelera. Sapienter itaque & meritò proscripta hæc tam exitialis & nefanda horum recentiorum pseudo-mythicorum seu *Quietistarum* doctrina.

1. Quia ut in ejus damnationis decreto sapienter innuit Summus Pontifex *Innocentius XI.* est contra doctrinam & usum à sanctis Patribus, ab ipsis nascentis Ecclesiæ primordiis receptum.

2. Quia tendit nedum ad suscitanda insulsa & phanatica *Enthusiastarum* omnia, dudum ab *Amphilochio* Iconiensi Præsule, & à *Flaviano* Antiocheno sapienter olim repressa & proscripta; nedum ad renovandos impios simul & turpes *Beguardorum* & *Beguinarum*, atque *Dulcinistarum* errores, dudum in œcumenico *Viemensi* Concilio damnatos; sed etiam ad revocandam in Hispania ortam olim, proscriptam & sepultam phanaticam *Illuminatorum* sectam.

3. Quia omnis hæc doctrina, cujuscumque sit, est meritò damnata, utpote quia formaliter hæretica, quæ suppressit, vel suppressiendos asserit actus in Symbolo fidei nostræ, vel in oratione Dominica enuntiatos & expressos; atqui hæc recentiorum pseudo-mythicorum, sive *Quietistarum* doctrina, (dum illum unum sufficere docet actum, quo semel uniti sunt Deo, & reliquos alios ut superfluos suppressiendos asserit,) suppressit consequenter, vel suppressiendos asserit actus in Symbolo fidei nostræ enuntiatos & expressos, v. g. actus fidei de Deo ut uno, ut omnipotenti, ut rerum omnium Creatore, ut Trino in personis; actus fidei de Christo Jesu Dei Filio pro nobis de Virgine nato, crucifixo, passio, mortuo, sepulto, &c. Suppressit pariter omnes septem petitionum actus, in oratione Dominica enuntiatos & expressos, & omnibus etiam perfectis imperatos à Christo dicente Matth. cap. 6. vers. 9. Sic ergo vos orabitis: *Pater noster qui es in Cælis, sanctificetur nomen tuum, adveniat regnum tuum, fiat voluntas tua, &c.* Ergo meritò damnata, utpote quia formaliter hæretica, hæc de actuum multiplicandorum suppressione pseudo-mythicorum sive *Quietistarum* doctrina.

4. Denique quia manifestè repugnat Scripturæ sacræ, passim & ubique fere hortantinos omnes, etiam justos & perfectos, non ad quietem, non ad otium, non ad suppressiendos virtutum actus, nec ad passivam de omnibus, etiam de salute indifferentiam; sed monenti econtrà, ut negotiemur, dum venit Dominus; ut operemur bonum, dum tempus habemus; ut vigilemus, ut oremus, & abundemus in omni opere bono; ut cum timore & tremore operemur salutem nostram; ut sic curramus, ut comprehendamus gloriæ bravium; ut contendamus intrare per angustam Cæli portam, ut pulsemus, & aperietur nobis, ut petamus, & accipiemus, ut quæramus, & inveniemus; ut sic luceat lux nostra coram hominibus, ut videant opera nostra bona, ut quodcumque potest facere manus nostra, instanter operemur, ut denique vocationem nostram per bono-

bonorum operum exercitium certam faciamus, dicente Petro Ep. 2. cap. 1. vers. 10. *Satagite, ut per bona opera certam vestram vocationem & electionem faciatis; hac enim facientes, non peccabitis aliquando.* Ergo sapienter & meritò damnata hæc pseudo-mythica *Quietistarum* doctrina, & meritò plenius velis longè citòque fugiendi tibi, benevole Candidate, tam malè feriantes, & otiosi pseudo-mythici illi, ne te multam malitiam doceat illorum otiositas. Eccli. cap. 33. vers. 29.

## ARTICULUS VI.

*De præcipuis circa leges, sive circa Deum ut Legislatorem hæresibus.*

**Q**UAMVIS divinæ legis prævaricantes reputentur omnes peccatores terræ, & inter peccatores jure computentur quotquot in vinea Domini, hoc est, in Ecclesia Christi grassantur hæretici; ex hæreticis tamen fuere, suntque fortè adhuc & hodie quamplurimi, qui circa leges sive divinas, sive humanas meditati sunt inania, locuti sunt falsa, & erraverunt ab utero; quos inter numerari meritò possunt *Pharisæi, Essæi, Nazaræi, Samaritæ, Paschatitæ, Anomi, Cælestiani, Evangelici, Antinomi, Brentiani, Præadamitæ, & alii.*

Circa leges errarunt inter alios

## De Pharisæis.

Inter omnes alios qui erraverunt ab utero, id est, à lege, inquit S. August. quæ Christo gravida erat, fuere præsertim, suntque adhuc & hodie *Judæi*, antiquos sequentes legis Mosaicæ ritus, & novam seu Evangelicam respuentes latam à Christo legem; & inter Judæos, tres in sectas divisos, nimirum in *Pharisæos, Sadducæos & Essæos*, occurrunt imprimis,

Pharisæi.

*Pharisæi*, sic à voce Hebræa *Pharatz*, seu *Pharast*, divisit, separavit significante nuncupati, quia cum essent in Judæa quasi Judæorum Clerici, erant à reliquo populo segregati; in hoc enim de lege malè sentientes errabant isti, quod *traditiones suas humanas legis divinæ Mosaicæ mandatis præferrent*; quosque ideò Christus Dominus increpans ait, Matth. cap. 15. vers. 3. *Quare & vos transgredimini mandatum Dei propter traditionem vestram? ..... Hypocritæ, benè prophetavit de vobis Isaias, dicens: Populus hic labiis me honorat: cor autem eorum longè est à me. Sine causa autem colunt me, docentes doctrinas & mandata hominum.* Quos hypocritas ideò vocat Christus, quòd omnia sua facerent, ut viderentur ab hominibus, quorum exempla ne sequerentur, suos monebat Discipulos, dicens Matth. cap. 23. vers. 2. *Super Cathedram Moysi sederunt Scribæ & Pharisæi. Omnia ergo quacunque dixerint vobis, servate, & facite: secundum opera verò eorum nolite facere.*

De secunda verò Judæorum secta, id est de *Sadducæis*, dictum est supra hoc eodem Libro, Artic. III. pag. 303.

## De Essæis.

*Essæi*, sive *Esseni* hæretici fuere quidam, de tertia Judæorum secta viri,

Essæi.

qui cum viderent *Phariseos* atque *Sadduceos*, sub honesto titulorum prætextu suas cupiditates abundè scētari, nec sua professione digna præstare, cœpere sejunctim separatis in locis habitare, ubi à matrimonio abstinentes, omnia pro victu in communi habentes, vitæque Monasticæ austeritatem secūantes, pijs lectionibus, austeriorisque vitæ laboribus seu operibus vacabant; unde *Esai*, id est, operarii dici voluere; & in hoc isti circa legem errabant, quòd *Etsi cæteris cum Judæis Christum expectarent, eum non ut Dei Filium, sed ut Prophetam aut iustum hominem expectarent; eum nec in lege, nec in Prophetis ut Dei Filium credentes annuntiatum.* Verum si credant legi per Moysen datæ, debent & Christo per Moysen commendato credere, juxta illud Christi apud Joan. cap. 5. vers. 46. dicentis: *Si enim crederetis Moysi, crederetis forsitan & mihi: de me enim ille scripsit.* Ait autem Christus, Joan. cap. 10. vers. 30. *Ego & Pater unum sumus;* & iterum Joan. cap. 14. vers. 9. *Philippe, qui videt me, videt & Patrem meum.*

### De Nazaræis.

**Nazaræi.** *Nazarai*, sic à *Nazareth* celebri Galilææ vico, Christique natali loco dicti, Christum quidem Filium Dei esse fatebantur, legem & Prophetas admittebant: sed in hoc hæretici, quòd *veterem legem unà cum nova lege servandam, imò & non spiritualiter, sed carnaliter servandam esse tenerent;* quòdque, S. Epiph. teste, hæresi 18. susciperent pios eximiosque Dei cultores, antiquos Patriarchas, videlicet omnes in quinque Moysis Libris memoratos ad ipsum usque Moysen; quales fuere *Adam, Seth, Henoch, Mathusala, Noe, Abraham, Isaac, Jacob, Levi, Aaron, & Jesus Nave.* Ipsos tamen quinque Moysis Libros non susciperent, sed ut supposititios improbarent; Moysen quidem legem à Deo fatentes accepisse, sed aliam ab ea quæ circumfertur longè diversam. Quis istorum hæreticorum fuerit auctor, non constat; nisi quiseos ipsos esse contendat hæreticos, de quibus Act. cap. 15. vers. 1. dicitur, *Quidam descendentes de Judæa, docebant fratres: Quia nisi circumcidamini secundum morem Moysi, non potestis salvari;* ut docuere imprimis *Cerintus, Ebion, & alii*, perperam asserentes legem veterem unà cum nova servandam esse.

Contra quos, ut habetur ibid. vers. 6. *Convenere Apostoli, & seniores videre de verbo hoc;* Conciliumque celebrarunt, in quo, nec Circumcisionem, nec cætera legalia necessariò servanda esse definierunt, & Antiochiæ, & Syriæ, & Ciliciæ fratribus, ex gentibus, conversis, scripserunt: *Visum est Spiritui Sancto, & nobis, nihil aliud imponere vobis oneris quàm hæc necessaria: ut abstineatis vos ab immolatis simulacrorum, & sanguine, & suffocato, & fornicatione; à quibus custodientes vos, bene agitis. Valere.* Ab iis ergo se custodiant *Nazaræi* & alii ut bene agant; & si SS. Patriarchas in Pentateucho Mosaico memoratos suscipiant, ipsum suscipiant Moysen Pentateuchum necesse est, ne sibi contradicant, cum ipsos SS. Patriarchas, eorumque gesta non aliunde quàm ex ipso Pentateucho Mosaico noscant.

### De Samaritis.

**Samaritæ.** *Samaritæ* sive *Samaritani*, sic à *Samario* Rege suo, vel ut placet aliis, à *Sama-*

*Samaræo* filio Cham nominati, solùm econtrà è Scripturis Pentateuchum, seu solos *Moyſis Libros* admittunt, & approbant; *Prophetas* verò reſpuunt & improbant. Imò, teſte Philaſtrio Brixienſi, è quinque Moſaïcis Libris, quatuor dumtaxat, qui lex appellantur, ſeu ſolam legem agnoſcant & venerantur, nec Chriſtum cum *Effais* ut Dei Filium in lege vel Prophetis nuntiatum eſſe volunt, & malè; nam, ut viſum eſt, ſi Moyſis Pentateucho credant, cur Chriſto Domino, Deique Filio per Moyſen ſcriptis commendato non credent? ait enim Chriſtus Dominus, Joan. cap. 5. verſ. 46. *Si crederetis Moyſi, crederetis forſitan & mihi: de me enim ille ſcripſit.* Et ſi Chriſto credant, cur Prophetis à Chriſto ſæpè laudatis non credent? ait enim Phariſæos alloquens Chriſtus Dominus, Matth. cap. 15. verſ. 7. *Hypocrita, benè prophetavit de vobis Iſajas, dicens: Populus hic labiis me honorat: cor autem eorum longè eſt à me.*

**De Paſchatitis.**

*Paſchatita*, qui & *Teſſares-ca-decadita*, à *τρίσκατὲ καὶ δέκα*, quod quatuor & decem ſignificat, ſunt hi qui *Quatuordecimani* vulgò dicuntur, à decimaquarta primi menſis Luna, eò quòd decimaquarta occurrente Luna, quocumque occurreret hebdomadæ die, Paſcha neceſſariò celebrandum eſſe tenerent, eaque de cauſa quòd ex veteri lege tali die celebraretur à Judæis, juxta illud Levitici cap. 23. verſ. 5. *Menſe primo, quartadecima die menſis ad vesperam, Phaſe Domini eſt.* Et illud Ezechielis cap. 45. verſ. 21. dicentis: *In primo menſe, quartadecima die menſis, erit vobis Paſcha ſolemnitas.* Dum alii econtrà die Dominico, ut Romanæ mos erat Eccleſiæ, celebrandum eſſe contenderent; qua de re magna eſt inter Orientales & Occidentales Episcopos orta contentio, ſub Antonino Pio Imp. & *Aniceto* Rom. Pontifice, circa annum 154. Aucta eſt controverſia ſub Commodò Imp. & *Eleutherio* Romano pariter Antiſtite, *Blaſio* & *Florino* vitis hæreticis pro decimaquarta Luna fortiter ſtantibus, circa annum 181. teſtis ut eſt Tertull. in ſuo de hæreſibus libello, vigitque contentionis calor etiam ſub *Viſtore* I. Rom. Pont. quo ſedente, contendebat *Polycrates* in Oriente Ephęſiorum Episcopus, *Paſcha* decimaquarta menſis Luna, quocumque occurreret hebdomadæ die, celebrandum eſſe; *Viſtor* econtrà ſolo Dominico die celebrandum eſſe tenebat: ſe traditionem Apoſtolicam ſequi putabat uterque. Ritum decimaquarta Luna celebrandi à *Joanne* Apoſtolo manāſſe tenebat *Polycrates* cum Aſiaticis: ſuum die Dominico celebrandi morem à *Petro* & *Paulo* Apoſtolis fluxiſſe *Viſtor* aſſerebat cum Romanis; eòque res perducta eſt, ut poſt varia per literas monita, variaeque poſt habita Concilia, eos excommunicationis gladio *Viſtor* præſciderit ab Eccleſia, qui Romanum non ſequerentur die Dominico feſtum Paſchale celebrandi ritum; quamvis id cæteri non probaverint Episcopi, & inter alios, de hoc obſurgatorias licèt zelo plenas ad *Viſtorem* ſcripſerit Epistolæ *S. Irenæus* Lugdun. Episc. dicens, non idèò excommunicandos fuiſſe Aſianos, etſi in hoc à Romana diſſentientes Eccleſia; eruditè perhibens, quòd cum antiquiores etiam communione rerum omnium inter ſe retinerent, & de Paſchalis feſti tempore variarent, nullum tamen id præjudiciū eſſe putarunt; ab eo tamen tempore pro hæreticis haberi, & *Quatuordecimani* vocari cœpere, quicumque noluerent Sedis Romanæ decreto parere.

### 316 De precipuis in Ecclesia subortis hæresibus.

Sed tandem sub *Silvestro* Rom. Pont. in primo generali Nicæno Concilio finita quæstio, & definitum, ut ab omnibus ubique terrarum die Dominico post decimamquartam Martii Lunam celebretur Paschale festum, in memoriam Christi Domini resurrectionis die Dominico peractæ; & non decimaquarta Luna Judaico more, ne quid cum Judæis, sceleratis nefariæ Christi mortis auctoribus, commune dicamur habere: quæ decisio etsi non reperiatur inter alia quæ extant Nicæni Concilii decreta, reperitur tamen in secundo Historiæ Tripartitæ Libro Theodoretæ cap. 12. in ejusdem Concilii Epistola ad Alexandrinam Ecclesiam, & fratres per Ægyptum & Libyam & Pentapolim constitutos directæ, his verbis: *Euangelizamus autem vobis & de consonantia sanctissimi Paschæ, quia vestris orationibus est correctum etiam hoc opus, ita ut omnes Orientales fratres, qui cum Judæis primitus celebrabant, consonè cum Romanis, & vobiscum, & cum omnibus ab initio Pascha custodientibus, ex hoc tempore debeant custodire.*

#### De Anomis.

*Anomi*, sive *Anomai*, vel *Anomiani*, id est, sine lege viventes viri, hæretici fuisse nonnulli, quorum duces fuisse reputantur *Aetius* & *Ennomius*; *Aetius* quidem vir natione Syrus, professione Antiochenis Ecclesiæ Doctor & Diaconus; *Ennomius* verò natione Cappadox, *Aetii* discipulus, artis dialecticæ peritus, & in omnibus Catholicæ fidei hostis acerrimus, vir superciliosus, anima & corpore leprosus, qui ambo sub Constantio Imp. & *Liberio* Rom. Pont. circa ann. 358. eò impietatis dementiæque venerant, ut spretis omnibus alijs legis divinæ mandatis, assererent nihil aliud à nobis Deum requirere, quàm ut ipsum solum cognoscamus, cujus se tantam notitiam habere jactabant, ut se Dei naturam comprehendere blasphemarent; unde erat, S. Epiphanio teste, hæresi 76. *Ut nihil solliciti essent de vita sanctimonia, non de jejuniis, non de mandatis Dei, non de aliquo alio ad vitam hominibus à Deo præcepto. Et si quis in ipsos incideret, & de mandatis mentionem faceret, in promptu eis responsio erat, quòd nihil aliud est quod querat Deus à nobis, quàm ut ipsum solum cognoscamus, quemadmodum Christus dixit, dum ait: Da ipsis, Pater, ut habeant in seipsis vitam: hæc autem est vita, ut cognoscant te solum Deum verum, & quem misisti Jesum Christum. Unde isti sine lege viri, Anomi sive Anomiani fuisse nuncupati.*

Sed contra hujus sectæ viros, non audientes sacras paginas, quæ divinæ legis observantiam passim inculcant, nec Christum expressè dicentem, Matth. cap. 19. vers. 17. *Si vis ad vitam ingredi, serva mandata*; dici potest cum Paulo ad Rom. cap. 2. vers. 12. *Quicumque sine lege peccaverunt, sine lege peribunt.*

#### De Cœlestianis.

*Cœlestiani* sic à *Cælestio* quodam hæretico incertæ patris viro, sed professione Monacho, Pelagique coarvo ac discipulo nuncupati, ortique sub Arcadio Imp. & *Imocentio* I. Rom. Pont. anno circiter 405. ita errabant inter alia, circa legis divinæ mandata, ut assererent cum suo Cælestio dnice, & Cælestius cum Pelagio, *Hominem solis natura viribus, & secluso quocumque divina Christi gratia auxilio, omnia posse divina legis implere præcepta, & vitam æternam assequi, si vellet.*

Sed



Sed hi omnes Cœlestii Pelagiique errores dudum ab Ecclesia damnati. Primò quidem in Carthaginensi Concilio primo, deinde in Milevitano altero, & tandem in generali Ephesino primo. Unde jure meritò cum Auctore lib. de fide Catholica dici potest: *Cùm Cœlestius & Pelagius in Ephesina Synodo sint damnati, quomodo poterunt ista capitula recipi, quorum damnantur auctores?* Et recipia quomodo recipi posset illud, in quo tam falsò, tamque perversè dicunt, hominem solis naturæ viribus legem implere, & salutem assequi posse? cùm Dominus gratiæ auctor, Joan. cap. 15. vers. 5. expressè dicat: *Sine me nihil potestis facere.* Et Paulus Doctor gentium, gratiæ & legis Euangelicæ Prædicator 2. ad Cor. cap. 3. vers. 5. clamet: *Non quòd sufficientes simus cogitare aliquid à nobis, quasi ex nobis: sed sufficientia nostra ex Deo est.*

### De Euangelicis.

*Euangelici* dicuntur hic à nobis hi, à pseudo-Euangelista *Luthero* pullulantes hæretici, sive Lutheranz doctrinæ sub novi Evangelii nomine pernici. peram & subreptitiè ventilatæ sectarii, unde Euangelici dicti, tam inter se discordes & varii, totque in sectas factionesque divisi, ut tot ferè existant hæreticæ Euangelicorum sectæ, quot capita, tot ferè Hætesiarum, quot sectarii; qui tamen omnes, tres in classes ita solent distribui, ut alii dicantur *Lutherani*, alii *Semilutherani*, & *Antilutherani* alii. *Lutherani* dicuntur hi, qui genuina sectantur Lutheri dogmata; *Semilutherani*, qui Lutheri placitis sua Evangelii prætextu addidere nonnulla; *Antilutherani* verò hi nuncupantur, qui ab Ecclesia ad Lutherum defecerunt, & à Luthero postea dissentientes, varias in sectas abierunt, dogmata sequentes Luthero contraria: vel ut placet aliis, Euangelici tres in classes ita sunt divisi, ut alii *Anabaptistæ*, alii *Confessionistæ*, & *Sacramentarii* dicantur alii.

Qui omnes sic varias in classes, sectasque divisi ita errant circa legis divinæ mandata, ut præter innumera alia, quæ per orbem disseminarunt sui pseudo-Euangelii capita, docuerint 1. *Deum impossibilia nobis præcepisse mandata.* 2. *Inde nihil in lege Evangelica præter fidem præceptum esse dixerint.*

Quæ duo nedum apertè falsa, sed etiam hæretica, & à Concilio Tridentino sub anathemate damnata; primum quidem sess. 6. Can. 18. de justis. sic expressè dicente: *Si quis dixerit, Dei præcepta homini etiam justificato, & sub gratia constituto, esse ad observandum impossibilia, anathema sit.* Secundum verò Can. 19. his verbis concepto: *Si quis dixerit, nihil præceptum esse in Evangelio præter fidem, cetera esse indifferentia, neque præcepta, neque prohibita, sed libera; aut decem præcepta nihil pertinere ad Christianos, anathema sit.*

Unde non audiendi, sed velis, remisque fugiendi *Euangelici* illi, qui sub novi Evangelii prætextu, Evangelium calcant, divinas & humanas spernunt leges, religionemque evertunt omnem, & quos longè antè anathematizavit Doctor gentium, Vas electionis, veri Prædicator Evangelii Paulus ad Galatas, cap. 1. vers. 6. 7. & 8. dicens: *Miror quòd sic tam citò transferimini, ab eo qui vos vocavit in gratiam Christi, in aliud Evangelium: quod non est aliud, nisi sint aliqui, qui vos consurbant, & volunt convertere Evangelium Christi. Sed licet nos, aut Angelus de celo evangelizet vobis præterquam quod evangelizavimus vobis, anathema sit.*

## De Antinomis.

Antino-  
mi.

*Antinomi* dicuntur, juxta *Lindanum* & *Hosium*, nonnulli de prima Evangelicorum secta viri Vvitembergæ à Joanne quodam *Islebio* Lutheri discipulo suborti, qui suum cum cæteris de simili secta viris ita efferebant & extollebant pseudo-Euangelium, ut *legem Dei prorsus inutilem esse*, virosque Evangelicos ad bona divinæ legis opera non teneri docerent; unde ab *Hosio* lib. 1. de hæz. *Antinomi* probroso nomine dicti, id est, legem impugnantes, sive legi divinæ contrarii.

Sed mendaces hi omnes, sicut & cæteri de Lutheri schola pseudo-Euangelistæ progredi, quos non misit Dominus, sed mendacii pater Diabolus, qui ut prædictum olim ab *Isaja* cap. 5. vers. 24. *Abjecerunt legem Domini exercituum, & eloquium sancti Israel blasphemaverunt.*

## De Brentianis.

Brentia-  
ni.

*Brentiani* sic à *Brentio* quodam nuncupati, ingenioso quidem, eloquenti & erudito, sed Semilutherano, & de secunda Evangelicorum classe viro, Vvitembergensi pseudo-Theologo, eorumque Doctorum præcipuo, qui à duce Vvitembergensi ad Tridentinum Concilium missi fuere: qui sub Carolo V. Imp. & Paulo III. Rom. Pont. circa annum 1540. assererat 1. alios inter errores cum *Eucero*, & nonnullis aliis, concupiscentiam seu legem peccati, de qua Paulus ad Rom. cap. 7. vers. 23. ait; *Video autem aliam legem in membris meis, repugnantem legi mentis meæ*, peccatum esse, & ideo concupiscentiam peccatum esse tenebat, quod sit contra præceptum *Non concupisces*; cumque per Baptismum talis non tolleretur concupiscentia, consequenter post Baptismum, peccatum aliquod in baptizatis remanere censebat. 2. Cum eodem *Bucero*, *Melanthone*, suoque duce *Luthero*, & aliis *Euangelium legem esse negabat*, seu Euangelium veram legis rationem habere volebat, ea præcisè de causa, quod cum Euangelium nihil prorsus præcipiat nobis, sed solum annuntiet; seu cum nihil sit aliud, quam latum ac bonum de Jesu Christo Dei Filio nuntium, nimirum quod ille solus suæ passionis merito sit nostrorum peccatorum expiator, animarumque nostrarum Redemptor unicus; unde hac via se ab omni bonorum operum obligatione liberos contendebat hujus sectæ viri, sibi in hoc non constantes, sed contrarii; cum asserant alibi cum suo duce *Luthero*, nullum esse discrimen inter consilium & præceptum, nec ullum esse in Euangelio consilium, sed omnia quæ nobis commendantur, esse præcepta; quomodo enim sine contradictione dici potest, nihil præcipere nobis Euangelium, seu nullum in Euangelio præceptum esse, & tamen omnia nobis in Euangelio commendata, non consilia, sed præcepta esse?

Contra quos omnes & alios, sive concupiscentiam peccatum esse volentes, sive Euangelium legem esse negantes, sic insurgens Tridentinum, hoc utrumque sub anathemate damnat. Primum quidem dum sess. 5. de peccato originali Can. 5. sic ait: *Hanc concupiscentiam, quam aliquando Apostolus peccatum appellat, sancta Synodus declarat, Ecclesiam Catholicam numquam intellexisse peccatum appellari, quod verè & propriè in re nata peccatum sit, sed quia ex peccato est, & ad peccatum inclinat. Si quis autem contrarium sentiat,*

*sentiat, anathema sit.* Secundum verò anathematizat sess. 6. de iustif. nedum Canone 19. suprà laudato, sed etiam 20. dum ait : *Si quis hominem iustificatum & quantumlibet perfectum dixerit, non teneri ad observantiam mandatorum Dei & Ecclesie, sed tantum ad credendum, quasi verò Euangelium sit nuda & absoluta promissio vitæ æternæ, sine conditione observationis mandatorum, anathema sit.* Imò & Canone 21. sic expresso : *Si quis dixerit, Christum Jesum à Deo hominibus datum fuisse ut Redemptorem cui fiant, non etiam ut Legislatorem cui obediant, anathema sit.*

Ad illud autem quod dicitur Euangelium esse bonum ac lætum de Christo nuntium, ac proinde legem dici non posse, Resp. *Euangelium* multipliciter sumi posse, & reipsa in multiplici sensu sumi solet in Scriptura : 1. enim sumitur interdum pro re ipsa bona & læta quæ nuntiatur, ut dum Matth. cap. 4. vers. 23. dicitur : *Circuibat Jesus totam Galilæam, docens & prædicans Euangelium regni.* 2. Pro ipsa Christi doctrina seu verbo, ut dum Matth. cap. 24. vers. 14. dicitur : *Prædicabitur hoc Euangelium regni in universo orbe.* 3. Pro ipsa prædicatione, & sæpè in hoc sensu usurpatur à Paulo, ut v. g. dum 1. ad Cor. cap. 4. vers. 15. ait : *In Christo Jesu per Euangelium ego vos genui.* Et 4. denique sumitur interdum pro historia adventus & vitæ Christi; ut dum Marci cap. 1. vers. 1. dicitur, *Initium Evangelii Jesu Christi.* Ut dum Paulus de S. Luca ait 2. ad Cor. cap. 8. vers. 18. *Misimus etiam cum illo fratrem, cuius laus est in Euangelio per omnes Ecclesias.* Quando autem Euangelium, Christi legem esse dicimus, Euangelii nomen usurpamus pro Christi doctrina, pro Christi verbo, in quo est lex Christi, lex nova, lex gratiæ, lex veræ, de qua verè dici potest illud Psalm. 118. vers. 85. *Narraverunt mihi iniqui fabulationes, sed non ut lex tua, de qua dicitur ibid. vers. 142. .... Lex tua veritas.*

### De Præadamitis.

*Præadamitæ* dici possunt homines hi, qui ante Adamum extitisse finguntur, vel hi quibus eos extitisse fingere placuit, qualis fuit recentior quidam anonymus, qui anno 1655. ausus est asserere, alios ante Adamum extitisse à Deo creatos homines, quos ideò *Præadamitæ* dicebat, edito ea de causa in lucem libro, cui titulus est, *Præadamitæ, sive exercitatio super versus 12. 13. 14. cap. 5. Epistolæ Pauli ad Rom.* Et iterum paulò post edito altero, cum hoc præfixo titulo, *Systema Theologicum ex Præadamitarum hypothesis.* Nixitur autem tam novi systematis auctor hoc Pauli textu ad Rom. cap. 5. vers. 13. dicentis : *Usque ad legem enim peccatum erat in mundo : peccatum autem non imputabatur, cum lex non esset.* Ex quo sic arguitur; vel ibi Paulus loquitur de lege Moysei data, vel de lege Adamo indita : si de lege Moysei data loqueretur, sequeretur ante Moylis legem fuisse peccata, sed peccata quæ non imputabantur à Deo; quod est apertè falsum, cum ex Scriptura constet punitum fuisse Cain, punitos fuisse Sodomitas, punitos & alios diluvio divinitus misso. Si verò de lege Adamo data loquatur, ergo sequitur ante Adamum fuisse homines qui peccabant, & quibus non imputabat illa peccata Deus; sed illi sunt *Præadamitæ*, seu homines ante Adamum creati : ergo dantur *Præadamitæ.*

Sed refellitur temerarius ille tam temerarii & inauditi systematis auctor.

1. Dicendo ibi Paulum loqui de lege Moisaica, quæ lex absolutè & simpliciter.

Præadamitæ.

pliciter in Scriptura, & ab ipso Paulo vocatur. Non dicit autem ibi Paulus, ante legem Moyſis fuiſſe peccata, quæ Deus non imputabat; ſed ſolum fuiſſe peccata ante legem Moyſis, & cum Deus non imputet peccata, dum non eſt lex, ille inde conſequenter ante legem Moyſis fuiſſe legem aliam Adamo datam concludit. Unde perperam & falſo ex hoc Pauli textu inferat anonymus auctor ille ante Adamum fuiſſe homines alios.

2. Quia hoc ex ipſo Geneſeos contextu, cap. 2. verſ. 5. falſum manifeſte patet; ibi enim expreſſè dicitur, quòd quando formavit Deus hominem, videlicet Adam de limo terræ, nullus reiſa erat homo, *Et homo non erat, qui operaretur terram*: ſi nullus erat homo qui operaretur, quando Deus formavit Adam; ergo nulli homines ante Adamum; ergo nulli illi *Praadamitæ*, ab illo anonymo ſomniatore conſecti.

## ARTICULUS VII.

### *De præcipuis circa Deum incarnatum hæſibus.*

Circa  
Deum in-  
carnatum  
errarunt  
inter alios

**I**nter eos qui divinæ Incarnationis myſterium impugnant ineffabile, occurrunt imprimis *Gentiles* atque *Judæi*; iſti videlicet Meſſiam nondum veniſſe, illi verò nec veniſſe, nec venturum arbitantes, dicente Paulo 1. ad Cor. cap. 1. verſ. 23. *Se prædicare Chriſtum crucifixum, Judæis quidem ſcandalum, Gentibus autem ſtultitiam*. Sequuntur illos & iſtos plures alii non pauci circa myſterium idem errantes hæretici; alii nempe de divina Chriſti natura, alii de humana, alii de utriuſque in eodem ſuppoſito unione, & tandem malè & erroneè de eodem myſterio ſentientes alii, inter quos numerantur *Cerinthiani*, *Ebionitæ*, *Menandriani*, *Saturniani*, *Bafilidiani*, *Cerdoniani*, *Secundiani*, *Marcioniſtæ*, *Apellitæ*, *Theodotiani*, *Melchizedechiani*, *Ophitæ*, *Manichæi*, *Apollinariſtæ*, *Pauliani*, *Photiniani*, *Nefloriani*, *Eutychiani*, *Acephali*, *Jacobitæ*, *Copti*, *Acemetæ*, *Agnoetæ*, *Theophaſcitæ*, *Monophyſitæ*, *Monotheliſtæ*, & *Maronitæ*, qui omnes hic breviter examinandi; ſed priùs & curſim in *Gentiles* & *Judæos* cum S. Auguſt. diſputandum.

### De Gentilibus.

**Gentiles.** *Gentiles* licèt non ſint propriè inter hæreticos cenſendi, cum non defecerint à fide Euangelica, cujus nondum fuere lumine radiati; ab ea tamen quodammodo deficere, & à Chriſti Eccleſia recedere dicendi, cum illam audire nolint, & ad illam renuant venire vocati, ſintque de his cenſendi, de quibus Chriſtus Lucæ cap. 14. verſ. 23. ait: *Compelle intrare*; compelle, ſcilicet non ſuſtibus & gladiis; dixit enim Petro Chriſtus: *Mitte gladium in vaginam*; ſed fortiter & ſuaviter prædicationis Euangelicæ tuba canendo, vocando, alliciendo, hortando, ſuadendo: *Religio ſiquidem non eſt cogenda, ſed ſuadenda*, inquit Tertull. Verum cum fortiter & ſuaviter Gentilibus annuntiari nequeat, nec ſuaderi Euangelica Eccleſiæ Catholicæ fides ex Scripturis ſacris, quas ipſi reſpuunt omnes, cum ipſis agendum eſt humano modo, & naturalis luminis neceſſario utendum eſt auxiliis, ſuadendo videlicet eis ratione naturali legis Euangelicæ credibilitatem, ſeu legem Euangelicam evidenter credibilem eſſe,

esse, hoc est, talem, cui prudens credere quisque possit & debeat; id autem melius fieri non posset, quam per varia ejus credibilitatis motiva, ut sic discurrendo, v. g.

1. Ut aliquid sit evidenter credibile fide divina, evidentia scilicet morali seu prudentiali, satis est quod motiva credibilitatis ejus, seu motiva quæ suadent illud esse credibile, sint talia, ut moraliter loquendo non possint esse nisi à Deo: Atqui motiva credibilitatis legis Evangelicæ, seu quæ suadent legem Evangelicam esse credendam, sunt talia & tanta, ut moraliter loquendo non possint esse nisi à Deo, ut visum est supra lib. 1. ergo lex Evangelica est evidenter credibilis evidentia morali, seu prudentiali.

2. Sic differendo. Illud est evidenter evidentia morali credibile, quod non credere magna insania est: atqui, ut sapienter notat Picus Mirandulanus, & suadet ratio, *Magna insania est Evangelio non credere, cujus veritatem sanguis Martyrum clamat, Apostolica resonant voces, prodigia probant, ratio confirmat, elementa loquuntur, & Dæmones confitentur*; ergo Christi Evangelium est evidenter evidentia morali seu prudentiali credibile; ergo & nedom Incarnati Filii Dei mysterium, sed & omnia fidei nostræ mysteria sunt consequenter prudenter credibilia, & illis non credere magna Gentilium insania est.

3. Sic S. Aug. in orat. de hæres. arguit eos ex *Hermete & Sibylla*; ex Hermete ipsorum Deo, & Sibylla eorundem Vate, dicens: *Hermes, qui latine Mercurius dicitur, scripsit Librum, qui λέγει τὰ μυστήρια appellatur, id est, Verbum perfectum. Audiamus quid Mercurius de Verbo perfectio dicat: Dominus, inquit, & omnium factor Deorum, secundum fecit Dominum; & alio in loco sic dixit: Filius benedicti Dei atque bonæ voluntatis, cujus nomen non potest humano ore narrari.*

*Sibylla Vates eorum de eodem dicat: Alium, inquit, dedit Deus filiis hominum, colendum; & iterum alibi Sibylla dicit: Ipsum tuum cognosce Deum, Dei Filium esse; versus iste & Paganum increpat & Judæum..... Quid agis à Pagane? aperi aures, noli esse sicut aspis surda, qua obturat aurem, ne audiat vocem incantantis; non tibi meos auctores profero, tuus est Mercurius, cui inter Deos tantus honor cultusque à vobis allatus est, ut ejus nomine Diem Domini vocares; ipsum audi, ipse te convincat, ipse te expugnet, ut cum te videris, illi cedas, & mihi credas: Mercurius dixit: Dilexit Deus Unigenitum suum; ipse dixit, Filius benedicti Dei atque bonæ voluntatis. Increpat te Sibylla dicens: Ipsum tuum cognosce Dominum, Dei Filium esse; ipsum tuum cognosce Deum; ipsum, non alium, non Martem, non Mercurium, sed quem confitetur Mercurius.*

### De Judæis.

Judæi pariter licet non propriè sint hæretici dicendi, Judæorum tamen infidelitas & contumacia, juxta S. Thomam 2. 2. quæst. 1. dici potest hæresis, in eo quod Christianæ fidei in figura susceptæ omninò renitentur; unde est quod S. August. ibidem in orat. de quinque hæresibus, Judæos inter hæreticos ponat, sicut & Paganos, sive Gentiles. In multis autem errant Judæi, sed inter alia præsertim in hoc quod *Christum Dei Filium, verumque Messiam esse negent, aliumque venturum Messiam expectent adhuc.*

Judæi.

Sed istos S. August. in orat. contra Judæos, Paganos, & Arianos, ex Lege & ex Prophetis mirum in modum arguens, sic ait: *Vos convenio, o Judæi, qui usque in hodiernum diem negatis Filium Dei. Nonne vox vestra illa est, quando eum videbatis miracula facientem, atque tentantes dicebatis: Quosque animas nostras suspendis? si tu es Christus, dic nobis palam; ille ad considerationem miraculorum vos mittebat, dicens: Opera quæ ego facio, ipsa testimonium de me perhibent; ut Christo testimonium dicerent non verbo, sed facto; vos autem non cognoscetes Salvatorem qui operabatur salutem in medio terræ vestra, adicientes in malo, ausis: Tu de te ipso testimonium dicis, testimonium tuum non est verum: sed ad hæc ille quid vobis responderit, advertere nolulistis: Nonne scriptum est in lege vestra, quod duorum hominum verum sit testimonium? prævaricatores legis intendite legem, testimonium quaritis de Christo, & in lege vestra scriptum, quod duorum hominum testimonium verum sit; procedat de lege vestra non tantum duo, sed etiam plures testes Christi, & convincant auditores, non factores.*  
*Dic, Isaya, testimonium Christo. Ecce, inquit, Virgo in utero concipiet, & pariet Filium; & vocabis nomen ejus Eummanuel, quod est interpretatum, Nobiscum Deus,*

*Dic & tu, Jeremia, testimonium Christo. Hic est, inquit, Deus noster, & non æstimabitur alius absque illo: qui invenit omnem viam scientiæ, & dedit eam Jacob puero suo, & Israel dilecto suo: post hæc in tertis visus est, & cum hominibus conversatus est.*

*Ecce duo testes idonei ex lege vestra, ex quorum testimonio non sunt compuncta corda vestra ..... sed alii atque alii ex lege Christi testes introducantur, ut frontes durissima inimicorum conterantur. Veniat & ille Daniel sanctus, juvenis quidem ætate, senior vero scientia & mansuetudine; convincat omnes falsos testes, sicut convicit seniores impudicos, ita suo testimonio Christi conterat mimicos.*

*Dic, sancte Daniel, dic de Christo quod nosti. Cum venerit, inquit, Sanctus Sanctorum, cessabit unctio, &c. quare illo presente, cui insultantes dicebatis, Tu de te ipso testimonium dicis, testimonium tuum non est verum; cessabit unctio vestra? nisi quia ipse est qui venerat Sanctus Sanctorum; sicut vos dicitis, nondum venit, sed expectatur ut veniat Sanctus Sanctorum, demonstrate unctionem; si autem quod verum est, cessabit unctio vestra, agnoscente venisse Sanctum Sanctorum.*

*Dic & tu, Moyses Legislator, Dux populi Israel, testimonium Christo. Prophetam vobis excitabit Deus de fratribus vestris; omnis anima, quæ non audierit Prophetam illum, exterminabitur de populo suo: Prophetam autem dictum Christum, ipsum audi in Evangelio Christum: Non est, inquit, Prophetæ sine honore, nisi in patria sua.*

*Accedat autem David sanctus, testis fidelis, ex cujus semine processit ille, cui lex & Prophetæ testimonium reddunt; dicat & ipse testimonium Christo. Adorabunt, inquit, cum omnes Reges terræ, omnes Gentes servient illi. Cui servient? dic cui servient? vis audire cui? Dixit Dominus Domino meo, Sede ad dexteram meam, donec ponam inimicos tuos scabellum pedum tuorum. Et expressus atque nominatus Psalmo secundo: Quare, inquit, tumultuatæ sunt Gentes, & populi meditati sunt inania? altiterunt Reges terræ, & Principes convenerunt in unum adversus Dominum, & adversus Christum ejus.*

*Accedat & alius testis, dic & tu, Habacuc Prophetæ, testimonium Christo: Domi-*

Domine, inquit, audiui auditum tuum, & timui. Consideravi opera tua Deus, & expavi. *Quæ opera Dei iste miratus expavit? Numquid fabricam mundi iste miratus expavit? absit; sed aadi, ad quid expavit: In medio, inquit, duum annuum innouesces opera tua Deus, Verbum caro factum est, in medio duum animalium cognosceris; qui quousque descendisti, expavescere me fecisti, quia Verbum per quod facta sunt omnia, in præsepio iaculisti, &c.*

*Ecce quomodo conveniunt sibi testes veritatis, ecce quomodo convincunt filios falsitatis: sufficiunt vobis ista, o Judæi; an adhuc ad vestram confusionem, ex lege, & ex gente vestra alios introducemus testes, ut illi testimonium perhibeant, cui perditæ mente insultantes dicebatis, Tu de te ipso testimonium perhibes, testimonium tuum non est verum? Quod si velim ex lege & ex Prophetis omnia quæ de Christo dicta sunt colligere, facilius me tempus, quam copia desit.*

Merito ergo Judæos arguens Christus, quod Prophetis crederent, & sibi non crederent, agebat olim Joan. cap. 5. vers. 45. *Est qui accusat vos Moyses, in quo vos speratis. Si enim crederetis Moysi, crederetis forsitan & mihi: de me enim ille scripsit.*

### De Cerinthianis.

*Cerinthiani dicti à Cerintho hæretico, & pessimis moribus imbuto viro, Simonis Magi discipulo, Apostolorum coætaneo, unoque ac præcipuo ex iis, qui Neronis Imperatoris & Petri primi Christi Vicarii temporibus, anno circiter 69. descendentes de Judæa docebant Antiochiæ Circumcisionem, aliaque servanda esse legalia, dicentes Act. cap. 15. vers. 1. Fratres, quia nisi circumcidamini secundum morem Moysis, non potestis salvari: quique natus erat de his qui nedum introducebant mille voluptatis annos post resurrectionem, unde Millenarii, sive Chiliastræ dicti; sed insuper erat Cerinthus blasphemus ille, qui, teste sancto August. lib. de hæ. cap. 8. Christum purum hominem fuisse, eumque nondum resurrexisse, sed aliquando resurrekturum asserbat.*

Cerinthiani.

*Quæ horrendæ in Christum blasphemix quàm subito fuerint divina ultione puniæ, constat ex Traditione S. Polycarpi Smyrnenfis Episcopi, apud Irenæum lib. 3. adversus hæreses cap. 3. dicentis, quod cum Joannes Apostolus ad balneum aliquando venisset, viso, qui tunc eò accesserat, Cerintho, statim inde abiisse fertur, dicendo: Fugiamus hinc, ne balneum, in quo Cerinthus veritatis inimicus moratur, subito corrumpens nos opprimat: quo dicto, & egresso cum suis Joanne, statim Cerinthum cum sociis oppressit subito collapsa domus, & iusto Dei judicio oppressus blasphemus ille, qui nedum Circumcisionem alioque legis Mosaicæ ritus servandos esse docebat, & Millenarium Christi post resurrectionem futurum asserbat, sed qui Christum Dominum purum hominem, & non Deum esse blasphemabat, quamvis Christum verè Deum esse sacræ Scripturæ passim ubique doceant, etiam in Evangelico S. Matthæi Libro, quem ille solum de Scripturis Canonicis cognoscebat & audiebat. Audiat ergo ex Matthæo cap. 17. vers. 5. Patrem æternum de cælo clamantem, & de Christo Filio suo dicentem: Hic est Filius meus dilectus, in quo mihi bene complacui: ipsum audite. Si Filius Dei est Christus; ergo non purus homo, sed Deus & homo.*

De

## De Ebionitis.

**Ebionitz.** *Ebionita* ab *Ebione* quodam orti magnæ facundia, sed perversæ & hæreticæ mentis viro, progressi primo Ecclesiæ sæculo sub Tito Imp. & Cleto Rom. Pont. anno circiter 72. qui varios ex *Samaritis*, *Nazareis*, *Carpocratianis*, & *Cerinthianis* collectos disseminans errores, Librosque Canonicos ut *Cerintus* spernens omnes, solo admisso S. Matthæi Euangelio, docebat inter alia cum *Cerinto*, nedum Circumcisionem, aliosque legis Mosaicæ ritus esse in Ecclesia retinendos, nedum Christum purum esse hominem, & non Deum; sed insuper addebant, illum *hominem esse non ex Virgine, sed ex viro & femina natum*.

Contra quem pugnat illud celebre de Christo Jesu, & B. Virgine ab Isaja prophetaute dictum cap. 7. vers. 14. *Ecce Virgo concipiet, & pariet Filium, & vocabitur nomen ejus Emmanuel, &c.* Cujus celebris Prophetiæ veritas non stare, si non ex pura Virgine Christus natus esset: *Virgo enim non appellatur, inquit S. Epiphanius hæresi 30. quæ viro conjuncta est, & nuptius copulata mulier; sed illa propriè Virgo dici potest, quæ citra virum conceptionem Dei Verbi in veritate habuit.* Imò si ex viri consortio & femina natus esset Christus Jesus, & non ex Spiritu Sancto, delusa fuisset & decepta B. Virgo ab Angelo Gabriele sacrum mysterium annuntiante, dum turbata quærens, quomodo fieret illud, quoniam virum non cognosceret; ei responsum fuit Luc. cap. 1. vers. 35. *Spiritus sanctus superveniet in te, & virtus Altissimi obumbrabit tibi: idèque & quod nascetur ex te Sanctum, vocabitur Filius Dei.* Si Filius Dei; ergo non purus homo: si ex Virgine & Spiritu Sancto; ergo non ex viro & muliere natus est Christus, ut impiè blasphemabant *Cerintus* & *Ebion*, ille purum hominem dicens, iste purum hominem ex viro & muliere natum Christum asserens; unde non mirum si contra Ebionem & Ebionitas, ad Trallenses scribens, *S. Ignatius* dicat: *Fugite illos hominis Diabolici cultores Ebionitas, quos maledictos Jeremias Propheta asserit, inquit cap. 7. Maledictus qui confidit in homine, & recedit à Deo cor ejus.*

## De Menandrianis.

**Menandriani.**

*Menandriani* à *Menandro* nomen sortiti, viro patria Samaritano, & professione Mago, *Simonis* Magi discipulo, eisdemque cum illo erroribus & artis Diabolice præstigiis dedito; qui sub Vespasiano Imp. & Lino Rom. Pont. anno circiter 80. præterquam quod eisdem cum *Simone* impios teneret errores, & assereret cum illo, v. g. mundum istum non à Deo, sed ab Angelis conditum, aliaque similia impia *Simonis* deliria, hoc uno tamen excepto, quòd se suo illo magistro *Simone* majorem jactaret, teste S. Epiphani. hæresi 22. *Christumque Dominum verum hominem fuisse negaret, se autem mundi Salvatorem destinatum assereret, eosque qui salvari cuperent, in suo nomine baptizandos esse doceret, & eos nunquam morituros promitteret, qui suo Baptismo baptizati essent, referente Præteolo in suo hæreticorum Hencho.*

Quæ impia, & insanæ mentis fabulamenta ferre non valens *S. Ignatius Martyr*, ad Trallenses scribens ait: *Fugite Menandrum, & totam collectionem malignitatis ejus.* Et meritò fugiendus ille Menander: Quis enim ferre



ferre posset tantæ dementiæ virum, qui se miserum & perditum, ad salutem hominum divinitus missum prædicat, & Christum Dominum mundi Salvatorem verum & sanctum, verum hominem de B. Virgine natum, & Salvatorem nostrum abnegat? de quo solo ad Joseph virum Mariæ dictum ab Angelo, Matth. cap. 1. vers. 20. *Joseph fili David, noli timere accipere Mariam conjugem tuam: quod enim in ea natum est, de Spiritu sancto est. Pariet autem Filium, & vocabis nomen ejus Jesum: ipse enim salvum faciet populum suum à peccatis eorum.* Quo in loco, aliis omisiss, Christum verum Hominem & Deum, de Maria Virgine natum, & verè Salvatorem nostrum esse patet, de quo solo Act. cap. 4. vers. 12. dictum: *Non est in alio aliquo salus; nec enim aliud nomen est sub Cælo datum hominibus, in quo oporteat nos salvos fieri.*

### De Saturnianis.

*Saturniani à Saturnino patria Antiocheno, Menandrique discipulo dicti, non minis erant in Christum, sive in Deum Incarnatum blasphemæ, dum Trajani Imp. & Evaristi Papæ temporibus circa annum 118. Christum umbraliter, & in specie tantum apparuisse, nec veram hominis carnem assumpsisse contendebant; sicque omnia in specie tantum, & non reipsa à Christo fuisse completa volebant, ut nasci, videri, ambulare, pati, mori, & alia de Christo credita mysteria.*

Quod impium, blasphemumque systema manifestè refellitur ex illo Joan. cap. 1. vers. 14. de Verbo Dei Filio dicentis: *Et Verbum caro factum est, & habitavit in nobis: & vidimus eum plenum gratiæ & veritatis.* Unde concluditur, si Verbum caro factum est, si in carne visum, si visum plenum veritatis, sitque ipsa Incarnata Veritas; ergo non visum, ut nos falleret & deciperet; sed ut verè & non umbraliter tantum in carne viveret, ageret, pateretur & moreretur.

### De Basilidianis.

*Basilidiani orti à Basilide, patria Antiocheno, acuti, sed perversi ingenii viro, Saturnini socio, & Menandri discipulo; qui sub Adriano Alio Imp. & Alexandro I. Rom. Pont. circa annum Christi 124. præterquam quod carnis resurrectionem negabat, & Virginitati nuptias æquiparabat, æqualisque esse meriti dicebat: in hoc præsertim errabat, quod ridiculum fingens mundi creationis systema, dicebat de Deo innato & solo intellectum fuisse natum, de intellectu Verbum, de Verbo sensum, de sensu virtutem & sapientiam, de virtute & sapientia Principatus, Potestates & Angelos, & hos primos Angelos fingebat, aut potiùs delirabat, primum fecisse Cælum, & post illos alios Angelos secundum, & iterum post istos ab aliis tertium editum esse Cælum, sicque per ordinem Angelos, trecentos & sexaginta quinque condidisse Cælos, totidem videlicet, quot numerantur anni dies, & istius ultimi Cæli Angelos, terram & hominem; istorum verò Principem Judæorum genus in hæreditatem accepisse dicebat, aliasque sibi subicere voluisse gentes, ad quas liberandas Deum Patrem, & innatum suum misisse Filium, eumque non verè, sed putativè tantum fuisse passum à Judæis & crucifixum; Simonem verò Cyrenæum crucis ferenda angariatum, verè fuisse crucifixum & passum asseribat, teste*

S. Au-

S. August. lib. de hæres. cap. 4. & S. Epiph. de hæres. Basilidis agente: quo falso, & in Christum blasphemio posito principio, docebat, persecutionis tempore, Christum citra crimen negari posse.

Unde non mirum, si S. Ignatius in sua supra laudata ad Trallenses Epistola dicat: *Fugite Basilidem, & totam collectionem malignitatis ejus; & meritò: quis enim non fugiendum dicat impium & blasphemum illum, qui Christum Dominum pro nobis in cruce fixum, passum & mortuum esse negat? cujus pro nobis in cruce mortem Scripturæ sacræ passim ubique resonant, qui passurus & moriturus ipse, de sua passione & morte proximè futura suos monet Apostolos, dicens Luc. cap. 18. vers. 31. Ecce ascendimus Jerusalem, & consummabuntur omnia, quæ scripta sunt per Prophetas de Filio hominis; tradetur enim Gentibus, & illudetur, & flagellabitur, & conspuetur; & postquam flagellaverint, occident eum, & tertia die resurget. Qui ibidem cap. 24. vers. 25. quærentibus & non invenientibus corpus suum in monumento post resurrectionem, dixit: O stulti; & tardi corde ad credendum in omnibus quæ locuti sunt Propheta! Nonne hæc oportuit pati Christum, & ita intrare in gloriam suam? De quo sanctus Petrus in Epistola sua prima, cap. 2. vers. 21. ait: In hoc enim vocati estis, quia & Christus passus est pro nobis, vobis relinquens exemplum, ut sequamini vestigia ejus. De quo S. Joan. Euang. cap. 19. vers. 17. ait: Et bajulans sibi crucem, exiit in eum, qui dicitur Calvaria, locum. De quo Paulus ad Philippeneses cap. 2. vers. 8. ait: Humiliavit semetipsum, factus obediens usque ad mortem, mortem autem crucis; & de quo denique pro nobis adhuc in cruce pendente, & mortem jam passio, testes oculati, videlicet Centurio, & qui cum eo erant, viso terramotu, & his quæ fiebant, scilicet Solem obscurari, petras findi, monumenta aperiri, &c. clamant Matth. cap. 27. vers. 54. *Verè Filius Dei erat iste.* Si verè Filius Dei erat ille pro nobis in cruce passus; ergo verè Christus erat, qui est Deus & homo, qui est Dei Filius. Ergo non Simon Cyrenæus, qui de puro natus homine, putus erat homo,*

### De Cerdonianis.

Cerdoniani.

Cerdoniani à Cerdone Mago quodam & hæretico viro, Heracleonis discipulo dicti; qui post Simonem Magum, & paulò ante Marcionem anno circiter 154. sub Antonino Pio Imp. & S. Hygino Rom. Pont. nedum duo admittebat prima rerum principia, & in his principis duos constituebat Deos, bonum unum, & malum alterum; nedum vetus Testamentum rejiciebat & Prophetas, mortuorumque resurrectionem negabat; sed docebat insuper, S. August. teste, lib. de hæres. cap. 21. & S. Epiph. hæresi 41. *Christum Dominum neque ex Maria Virgine natum, nec veram assumpsisse carnem, nec verè mortuum, aut quidquam passum, sed simulasse passionem.*

Quod quam falsum, hæreticum & blasphemum sit; licet ex dictis contra Basilidem satis manifestè pateat, addi potest & dici contra Cerdonem ipsum; si non verè ex beata Maria Virgine carnem assumpsisset Christus, frustra beata Elisabeth salutando Mariam, exclamasset olim voce magna, & sine causa dixisset Mariæ Virgini, Luc. cap. 1. vers. 42. *Benedicta tu inter mulieres, & benedictus fructus ventris tui.* Ipsa pariter Beata Virgo Maria, ibid. cap. 1. vers. 48. magnificans Deum de sua in Dei Matrem electione,

Etione, frustra dixisset : *Ecce ex hoc beatam me dicunt omnes generationes.* Ipsa denique Mater Ecclesia suis in orationibus frustra crebro diceret : *Beata viscera Maria Virginis, qua portaverunt aeterni Patris Filium, & beata ubera qua lactaverunt Christum Dominum.*

## De Secundianis.

*Secundiani* dicuntur hæretici nonnulli à *Secundo* quodam hæretico viro, *Valentini* discipulo, progressi; qui sub Antonino Pio Imp. & S. Hy-ni. gino Rom. Pont. ann. circiter 150. sequens in omnibus fabulosam Valentini de Aeonum sive sæculorum progenie doctrinam, falsò pariter & impiè cum *Valentino* docebat, Christum verum quidem fuisse hominem, sed non esse ejusdem naturæ cum cæteris ex Adamo progenitis hominibus; asserens Christum è Cælo missum à Patre, secum cælesti detulisse corpus, nihilque de beata Virgine sumpsisse; sed per eam, quasi per canalem transfuisse; eo fultus Scripturæ textu, quo dicitur, Joan. cap. 3. vers. 13. *Et nemo ascendit in Cælum, nisi qui descendit de Cælo, Filius hominis, qui est in Cælo.* Quo abutens Scripturæ textu *Valentinus*, & post illum *Secundus* successor ejus ad discipulus, Christum suum è Cælo detulisse corpus inferebat, eò quòd Cælum ascenderit cum corpore.

Sed malè inferebat; nam ibi, dum Deus sive Verbum, sive Filius hominis de Cælo descendisse dicitur, hoc dicitur per Carachresim & Metalepsim; Deus enim propriè nec ascendit, nec descendit, nec mutat locum, cum sit ubique replens omnia; dicitur tamen in terram descendisse, quia in terra humanam assumpsit naturam, in qua apparuit, & reipsa natus est, vixit & passus est; & quia per hanc carnis assumptionem, & apparitionem in carne visus est hominibus de Cælo in terram descendisse; inde est quòd in Scriptura descendisse dicatur. Scriptura enim sese accommodat humano loquendi modo, sequens morem loquendi & concipiendi hominum, qui concipiunt Deum è Cælo in terra descendere, eo ipso quo apparet in terra. Sic etiam Deus dicitur descendisse ad videnda, & punienda Sodomitarum scelera, dum Gen. cap. 18. vers. 21. dixit : *Descendam, & videbo.* Causam hujusce locutionis reddit S. Cyrillus in Ephesino œcumenico Concilio, dicens : *Quia Deus Verbum semetipsum exinanivit, ac Filius hominis appellatus fuit, manens interim quod erat, hoc est, Deus; inde fit, ut tanquam unus cum propria carne consideratus, è Cælo descendisse dicatur; ergo ex hoc Scripturæ textu colligi nequit, Christum è cælo suum detulisse corpus; ac proinde ruit tota hæc fabulosa ac impia Valentini & Secundi doctrina.*

## De Marcionistis.

*Marcionista* à *Marcione* hæresiarcha celebri, natione Pontico viro, patria Sinopenfi, de Stoicorum secta progressio; qui ob corruptam virginem de Ecclesia per patrem Episcopum ejectus, ut suæ consulere famæ, & venerandi genitoris sui fugeret iras, Romam properavit; quòd cum venisset, nec in communionem Ecclesiæ recipi potuisset, ad Cerdonianam transiit hæresim, factus Cerdonis discipulus, ejusque per aliquod tempus perversa doctrinæ sectator assiduus; quique tandem ut fieret supra Magistrum discipulus, novos de suo excogitavit non minis impios & intolerandos

*Appar. Annati T. II.*

Y

erro-

*Marcionista.*

errores, sub Antonino Imper. & Pio I. Rom. Pont. anno circiter 155. quos facilius ut insinueret & suaderet, varia corrofit vel corrupit sibi aduersantia Scripturæ loca; unde est deinceps *Mus Ponticus* vulgo vocatus, sed à *S. Polycarpo* primogenitus Satanae dictus; is enim cum Romæ *Polycarpum* invenisset, eumque salutans dixisset, *Agnosco te, ò Polycarpe?* agnosco te, respondit Polycarpus, *primogenitum Satanae*; & reverà ex Satana erat & ex mendacii patre filius ille; docebat enim

1. Non tantum duo esse rerum principia, ut Cerdon, sed tria, seu tres esse Deos, unum scilicet invisibilem & innominatum, visibilem alterum, & mundi Creatorem, & tertium, malum seu diabolum, hoc est, ut inquit Origenes, tres admittit Deos, unum scilicet Judæorum, alterum Christianorum, & tertium Infidelium. Sed si, ut visum est supra, impossibile sit duo dari principia, sive duos Deos, à fortiori & impossibile erit dari tres vel plures.

2. Corporum resurrectionem negabat, & tamen pro mortuis in fide instruendis, alios baptizandos esse docebat. Et in hoc sibi non constabat, & sibi ipsi contrarius erat; eique dici potest, quod 1. ad Cor. cap. 15. vers. 29. dicebat olim Paulus Apost. *Si mortui omnino non resurgunt, quid facient qui baptizantur pro mortuis?* hoc est, quid proderit mortuis ille Baptismus, quem multi suscipiunt pro mortuis? sive sit Baptismus metaphoricus, pœnæ videlicet, afflictionum, lacrymarum, precum, &c. quo multi baptizantur, ut suffragentur mortuis, & liberent eos à Baptismo ignis Purgatorii; sive sit verus Baptismus & propriè dictus, quo Marcion alios baptizandos esse docebat pro mortuis, hoc est, pro his, qui sine Baptismo mortui erant; quid, inquam, illis proderit ille Baptismus, qualiscumque sit, si non detur resurrectio mortuorum, quam Marcion futuram negat, & quam Scriptura sacra, ut jam visum est, nobis passim inculcat? & quæ si non daretur corporum resurrectio, unde quæso esset in inferno ille fletus & stridor dentium? de quibus Matth. cap. 13. vers. 42. dicitur: *Et mittent eos in caminum ignis: ibi erit fletus & stridor dentium.*

3. Vetus Testamentum, seu legem veterem cum Prophetis rejiciebat; quia à malo principio esse putabat, & alienam à Christo Salvatore; & in hoc non minus errabat; si enim à malo principio & mala esset, atque à Christo aliena lex vetus, non diceret Christus, Matth. cap. 5. vers. 17. *Nolite putare quoniam veni solvere legem, aut Prophetas: non veni solvere, sed adimplere;* nec iterum dixisset Salvator, Lucæ cap. 24. vers. 44. *Necesse est impleri omnia quæ scripta sunt in lege Moysi, & Prophetis, & Psalmis.* Et rursus, si mala esset, & à malo principio lex illa vetus, à legi perito interrogante & quærente quid faceret, ut vitam æternam possideret, non quæsisset olim Dominus, *In lege quid scriptum est?* Et respondenti secundum legem & ex lege, non dixisset illi, Luc. cap. 10. vers. 28. *Rectè respondisti: hoc fac, & vives.*

4. Ab ammatas manducandis, quia malis, & à malo principio abstinendum esse docebat; & in hoc pariter errabat, cum ei manifestè repugnet Paulus 1. ad Cor. cap. 10. vers. 25. dicens: *Omne, quod in macello venit, manducate, nihil interrogantes propter conscientiam.* Imò & Christus Dominus inujusmodi animata vocans bona, Matth. cap. 7. vers. 9. dum ait: *Quis est ex vobis homo, quem si petierit filius suus panem, numquid lapidem porriget ei? Aut si piscem petierit, numquid serpentem porriget ei? Si ergo vos,*

cum

cum suis mali, nostis bona data dare filiis vestris: quanto magis Pater vester, qui in Caelis est, dabit bona petentibus se?

5. Christum non veram, sed phantasticam, & apparentem sumpsisse carnem agebat; seu ut loquitur S. Epiphanius hæresi 42. hoc Marcionis impium explicans dogma: Non esse Christum genitum ex Maria, nec in carne apparuisse, sed in apparentia fuisse, & in opinione apparuisse, omniaque in exultatione fecisse. Quæ enormis in Christum blasphemia licet ex iam dictis sit satis superque subversa, hic tamen ad obstruendum os Marcionis, & aliorum loquentium iniqua, juvat addere illud Christi suis Discipulis post resurrectionem, Luc. cap. 24. vers. 39. dicentis: Videte manus meas, & pedes meos, quia ego ipse sum: palpate & videte, quia spiritus carnem & ossa non habent, sicut me videtis habere. Quo manifestè constat, Christum non phantasticam & imaginariam vel apparentem, sed veram & humanam habuisse carnem, qualem Joannes eum assumpsisse prædicat, dum cap. 1. vers. 14. ait: Et Verbum caro factum est, & habitavit in nobis; & qua in carne non apparenter solum, non putativè tantum, sed verè & certò certitudine fidei, idem Christus Dominus dicitur natus, circumcisus, fatigatus, tactus, à turbis compressus, tristatus, flagellatus, spinis coronatus, crucifixus; & qua tandem in vera carne, ut habetur Joan. cap. 19. vers. 30. pro nobis in cruce pendens, Inclinato capite, tradidit spiritum.

### De Apellitis.

Apellita vel Apelliani, ab Apelle hæretico vito, Marcionis discipulo dicti; qui sub Marco Antonino Imp. & Sotero Rom. Pont. anno circiter 179. præter impia alia sui Magistri Marcionis dogmata, de suo asserbat, teste S. Epiph. hæresi 44. & S. August. lib. de hæres. cap. 23. Christum carnem suam non de matre, sed ex elementis accipisse, eamque resurgendo, mundo reddidisse, & ita sine carne in cælum ascendisse; ita ut velis iste fabulator hæreticus, quod Christus è cælo veniens, non tulerit corpus, nec in terris de matre sumpserit; sed sibi corpus ex elementis ita efformaverit, ut sumpserit à sicco siccum, à calido calidum, ab humido humidum, à frigido frigidum: quo in corpore cum apparuerit in terris, vixerit, inortuus fuerit, & resurrexerit; dum in cælum per ascensum redire voluit, illud idem corpus iterum resolvit, & quod cuique elemento proprium erat, reddidit, calidum videlicet calido, siccum sicco, frigidum frigido, & humidum humido, sicque dissoluto corpore, in cælum, unde venerat, Christum revolasse docet, ac prout cælos sine corpore ascendisse tenet.

Quod quàm fabulosum & impium sit Apellis figmentum, patet; nam si resoluto corpore, & sine corpore cælos ascendisset Christus, eum non vidissent ascendentem præsentem Apostoli: at Apostolos eum ascendentem vidisse constat 1. ex illo Actuum cap. 1. vers. 10. ubi dicitur: Cumque incruentur in cælum euntem illum, ecce duo viri assiterunt juxta illos in vestibus albis, qui & dixerunt: Viri Galilæi quid statis aspicientes in cælum? hic Jesus qui assumptus est à vobis in cælum, sic veniet, quemadmodum vidistis eum euntem in cælum. 2. Si sine corpore in cælos ascendisset Christus, Stephanus Protomartyr non dixisset inter ingruentes Judæorum lapides positus, Actuum cap. 7. vers. 55. Ecce video cælos apertos, & Filium hominis stantem à dextris Dei.

Apelliz.

## De Theodotianis.

Theodo-  
tiani.

*Theodotiani à Theodoto dicti, viro patria Byzantino, professione Co-  
rario, & juxta S. Epiph. hæresi 54. de Alogorum secta progressi; qui sub  
Heliogabalo Imp. & Urbano I. Rom. Pont. circa annum 221. Solam hu-  
manam Christo tribuebat naturam, fatens nihilominus Verbum divinum in eo  
ob excellentem ejus virtutem habitasse, sicque Mariam non Dei, sed pñri ho-  
minis matrem esse. Idque variis ex Scripturæ locis, sed perperam intel-  
lexit, & præsertim ex illo Joan. cap. 8. vers. 40. ubi Christus ait: Nunc  
autem queritis me interficere, hominem, qui veritatem vobis locutus sum.  
Ex quo colligebat iste Christum purum hominem esse.*

Contra quem & sectarios ejus fatemur & nos, Christum hominem esse;  
at non tantum hominem, sed insuper & Deum esse contendimus; quod  
ut intelligat miser ille *Theodotus*, pergat ipsum Joannis Evangelium lege-  
re, & audiat *Martham* interrogatam ab illo homine Christo Jesu, & que-  
rente ab illa, an credat; audiat, inquam, dicentem ei ibid. apud Joan.  
cap. 11. vers. 27. *Utiq̃ue, Domine, ego credidi, quia tu es Christus Filius Dei  
vivi, qui in hunc mundum venisti.* Si Filius Dei est homo ille, ergo &  
Deus; sicque non purus homo, sed Deus & homo; ac proinde beatâ Ma-  
ter ejus non puri hominis, sed Dei-Hominis Mater existit.

## De Melchisedechianis.

Melchise-  
dechiani.

*Melchisedechiani, quos à Theodotianis avulsos putat S. Epiph. hæz. 55.  
licet illorum non exprimat auctorem, quique proinde sub Maximino Imp.  
& Fabiano Rom. Pont. colliguntur orti anno circiter 240. sicque dicti,  
quòd Melchisedechum non hominem putum, sed Dei virtutem aliquam  
Christo majorem esse tenerent, & Christum ordine Melchisedech dignum  
factum esse putarent, eo moti Davidis versu Psalmi 109. Tu es Sacerdos  
in æternum, secundum ordinem Melchisedech; indeque inferentes, quòd  
Christus non indignisset Melchisedechis ordine, nisi fuisset in aliquo infe-  
riori gradu positus.*

Sed contra, inde perperam colligi dico, Christo majorem esse Melchi-  
sedech; quia dum de Domino Jesu dicitur à Propheta: *Tu es Sacerdos in  
æternum*, in hoc, inquit S. Epiph. hæresi 55. Christum fore Sacerdotem di-  
vina Scriptura narrat; ex hoc autem, quòd dicat *Secundum ordinem Mel-  
chisedech*, colligi nequit Melchisedech esse Christo majorem, & Dei virtu-  
tem aliquam; purus enim erat homo *Melchisedech*. Si autem dicatur sine  
patre, sine matre, sine profapia, non ita dicitur ut reipsa sit sine patre,  
sine matre; sed ex eo, inquit S. Epiph. quòd non sunt manifestissimi in  
Scriptura nominati; dum autem dicit Propheta, *Secundum ordinem Mel-  
chisedech*, id dicit, non ut innuat Melchisedech esse Christo majorem, sed  
ut ostendat translationem Sacerdotii à Synagoga ad Ecclesiam, à veteri  
consuetudine ad novam & optimam, non habentem successionem carna-  
lem, hoc est, ut ostendat Christum futurum esse Sacerdotem juxta ordi-  
nem Melchisedech, seu sicuti Melchisedech qui fuit vir justus & sanctus,  
ac Sacerdos per totum vitæ suæ tempus, quique post se successionem non  
habuit; ita & Christus sit futurus Sacerdos per omne vitæ suæ tempus,  
id est, in æternum, nec habiturus successorem ullum.

De

## De Ophitis.

Ophitis.

*Ophita*, sive *Serpentini*, dicti sunt secundo sæculo hæretici nonnulli, à voce græca *ὄφις* idem significante quod latine *serpens*; qui hæretici, teste S. August. lib. de hæ. cap. 17. *Serpentem illum, qui primos decepti parentes, Christum esse dicebant*; illumque de cælo venisse, & nobis tulisse scientiam boni & mali; quique eò dementiæ & impietatis venerant, ut suæ hæresi Idololatriam addentes, serpentem quemdam vivum enutrent & colerent, qui referente S. August. sacerdote incantante, de spelunca in qua alebatur egrediens, & Altare supra speluncam erectum conscendens, lambebat oblationes sacrificandas; quò peracto, & suam in speluncam serpente reverso, cultores ejus præfatas oblationes in Eucharistiam confringebant, quas illi putabant ab illo serpente Christo suo sanctificatas.

Quæ quàm absurda sit, insulsa & impia hæresis, nemo non videt; unde de his dixisse sufficiat cum S. Hieronymo ad Lucifer. Ophitas istos esse de his, qui Evangelia laniarunt: & quis non rideat, aut potiùs lugeat horum hæreticorum dementiam? Serpentem, qui decepti Hevæ, scientiam intulisse putant, & Christum esse stolidè credunt: ô stulti sanè ad credendum! si enim mulierem decepit serpens, ergo deceptionem, ac proinde falsitatem, errorem & ignorantiam, & non scientiam intulit; quique idèo punitus & maledictus à Deo dicente ei, Gen. cap. 3. vers. 14. *Maledictus es inter omnia animantia & bestias terræ; super pectus tuum gradieris, & terram comedes*. Audias ergo quisquis sis serpentis quasi Christi cultor Ophita, si ex Scriptura Jerem. cap. 17. vers. 5. *Maledictus homo, qui confidit in homine*; quantò magis maledictus homo, qui confidit in serpente, inter animantia cuncta & terræ bestias maledicto?

## De Manichæis.

Manichæi.

*Manichæi* dicuntur celebres illi, & sua insana ac impia doctrina famosi tertio Ecclesiæ sæculo grassantes hæretici, (de quorum misera secta se quondam fuisse deplorat S. August. initio Libri de duabus animabus, contra Manichæos sic dicens: *Opitulante Dei misericordia, disruptis & derelictis Manichæorum laqueis, tandem Ecclesiæ Catholica gremio restitutum, libet considerare nunc saltem, & deplorare illam meam miseriam, &c.*) Fne-re autem primò dicti, teste eodem S. August. lib. de hæres. cap. 46. *Manichæi*, ab Auctore suo *Mane* vel *Manin*, viro natione Persa, antè servo & *Urbico* vocato, tandemque heræ suæ defunctæ bonorum hærese constituto, quique ita re & nomine insaniens, & instinctu Dæmonis agitatus erat, ut modò se Christi formam gerere, modò se Paracletum esse prædicaret; idque faciliùs ut suadere tentaret, 12. instar Christi selegit Discipulos, quos ad prædicanda suæ insanz doctrinæ fabulamenta milit anno circiter 273. sub Aureliano Imp. & Felice I. Rom. Pont. Docebat autem ille, inter insana & impia alia, & docuere Manichæi post illum,

1. *Duo coæterna esse rerum omnium principia*, ac proinde duos Deos; bonum unum, à quo bona; & malum alterum, à quo mala prodirent omnia; arbitantes inala à Deo summè bono provenire non posse, ac proinde fingendum esse principium aliud summè malum à quo prodirent mala;

Appar. Annati T. II.

Y 3 &amp; cx

& ex hoc falsò sic posito systemate, falsa & insana plura inferebant, docentes v.g. 1. Creaturas esse malas & immundas, quia à malo illo principio. 2. Non esse licitum vesci carnibus. 3. Illicitas esse nuptias. 4. Veterem legem, seu totum vetus rejiciendum esse Testamentum, quia à malo principio illo esse putabant hæc omnia: At in his omnibus dementes errabant; hæc enim à malo principio esse nequeunt, si nullum esse tale principium malum, sed imicium, illudque bonum, verumque Deum esse rerum omnium principium, ex Scriptura constet. Constat autem ex illo *Isa. cap. 45. vers. 6.* dicentis: *Ego Dominus, & non est alter, formans lucem, & creans tenebras, faciens pacem, & creans malum.* Imò & ex illo *Joan. cap. 1. vers. 3.* de Verbo Dei Filio dicentis: *Omnia per ipsum facta sunt, & sine ipso factum est nihil.* Et denique ex illo Pauli *1. ad Cor. cap. 8. vers. 6.* idem confirmantis & dicentis: *Nobis tamen unus Deus Pater, ex quo omnia .... & unus Dominus Jesus Christus, per quem omnia.*

2. *Duas dicebant in homine animas esse; bonam unam, quæ esset à bono principio, rationalem videlicet animam; & malam alteram, quæ esset à malo principio, concupiscentiam carnis vulgò dictam; hominemque ab illa bona anima ad bonum, & à mala ad malum determinari dicebant, ac proinde hominem liberum esse negabant.* Sed contrà, 1. quia eversio istius novæ insanix sequitur ex eversione prioris: cum enim non detur tale principium, ut visum est, non datur consequenter talis anima mala, quæ sit à tali malo principio. 2. Quia illa anima mala, quantumvis mala, esset vivens, alioquin anima non esset; ergo esset à Deo vero omnis vitæ fonte, cum dicat S. August. lib. de duab. animab. *Nullam esse quamlibet vitam, quæ non eo ipso quo vita est, & in quantum omnino vita est, ad summum vitam fontem principiumque pertineat, quod nihil aliud quam summum & solum verumque Deum possumus confiteri.*

3. *Metempsychosim, seu transfusum animarum de corpore in corpora tenebant; hominum & brutorum animas non differre, sed æquales, & ejusdem naturæ ac valoris esse somniantes.* Quod quàm fabulosum, ridiculum & insania plenum sit, nemo non videt; & Christus Dominus, aliis omisissis, hoc unico factò falsum esse docet. Quod sic ostendo cum S. Epiph. Si æquales & ejusdem naturæ ac valoris essent hominum & brutorum animæ, Christus Dominus, qui venit ad salvandas hominum animas, non pluris fecisset unius hominis animam, quàm duo millia porcorum animas, quàm duo millia porcorum animas; dum ut salvaret & mundaret unius Dæmoniæ hominis animam à Dæmonum legione vexatam, misisset eos Dæmones in duo millia porcorum animas, qui statim abeuntes in mare perire omnes, juxta illud Marci cap. 5. vers. 12. *Et deprecabantur eum spiritus, dicentes: Mitte nos in porcos, ut in eos introeamus. Et concessit eis statim Jesus. Et exeuntes spiritus immundi introierunt in porcos: & magno impetu grex precipitatus est in mare ad duo millia, & suffocati sunt in mari.* Ergo hoc unico factò manifestè docet Christus, non æquales, nec ejusdem valoris ac naturæ esse hominum & porcorum animas; sed longè nobilioris naturæ atque valoris esse unicam unius hominis animam, quàm duo millia, imò quàm centena millia porcorum, aliorumque brutorum animas: ac proinde ridiculum & insania plenum est dicere, eas omnes æquales esse, & unam hominis animam migrare de corpore in corpora etiam brutorum, v.g. de corpore hominis in cor-



pus canis, vel porci, volucris, aut muris, formicæ, vel pulicis, &c. Ut tenuit olim hujus transmigrationis, sive Metempsychosis inventor primarius Pythagoras, quique idè de seipso, se ex Euphorbo transanimatum esse dicebat, juxta illud Poetæ:

*Ipse ego : nam memini, Trojani tempore belli,  
Pantoides Euphorbus eram; cui pectore quondam  
Hæsit in adverso gravis hasta minoris Attrida.*

Pythagoram hoc in errore secutus est postea Plato, vetus ille ac celebris Atheniensis Philosophus; sed hunc mirum in modum & abundè refellit S. Irenæus lib. 2. adversus hæreses, cap. 58. ex eo quòd constet (quidquid præfatus in persona Pythagoræ finxerit Poeta) animas nihil omnino meminisse eorum quæ antea fuerint, vel gesserint, quando in prioribus aliis corporibus erant; dum sic ait: *De corpore autem in corpus transmigrationem ipsorum subvertamus, ex eo quòd nihil omnino eorum quæ antea fuerint, meminissent anima.*

Sed quia dixerat antea Plato, suum figmentum ut excusaret ac defenderet, idè nihil eorum quæ antea fuerant, meminisse animas, quia intrantes in hanc vitam animæ & in ipso in corpus ingressu acceptum à dæmone poculum oblivionis potarunt, quodque fictum oblivionis poculum ut refellat S. Irenæus ibid. cap. 59. sic arguit: *Hoc ipsum unde scis à Plato? cum sit nunc in corpore anima tua; quoniam priusquam in corpus introeat, à dæmone potata est oblivionis medicamentum: Si enim dæmonem, & poculum, & introitum remmiseris, reliqua oportet; si autem illa ignoras, neque dæmon verus, neque artificiosè compositum oblivionis poculum.*

Gregorius verò Nyssenus eandem rejiciens & reprobens animarum transmigrationem, de Pythagora illius figmenti inventore primario lib. de homine sic ait: *Hujus auctor primarius Pythagoras, eandem se dicere non dubitavit, fuisse virum, & corpus muliebre gestasse, & cum avibus volasse, & fruticem crevisse, & aquatilem vitam sortitum esse; nec ille longè à veritate abductus, meo quidem judicio, qui de se ipso hæc narraverit. Reverè enim ranarum & avicularum garrulitatis, aut piscium stuporis omni ratione carentis, aut arborum duritiæ sensum non habentis, hæc fuit, unam eandemque animam per tam multas res transire.*

4. Christum non verum hominem fuisse, sed phantasticum, nec ex Virginis utero prodiisse tenebant, arbitantes indignum esse credi, tantam majestatem per sæmiam sordes & squallores transire potuisse, contra illud Angeli Gabrieli Mariam salutantis, & dicentis ei, Luc. cap. 1. vers. 31. *Ecce concipies in utero, & paries Filium, & vocabis nomen ejus Jesum.* Unde sic arguo: Filius ille, qui concipitur in utero B. Virginis, & paritur ab ea, verus est & non phantasticus filius ejus; ergo & verus homo, imò Homo-Deus, juxta illud ejusdem Angeli dicentis, ibid. vers. 35. *Idè & quod natus ex te Sanctum, vocabitur Filius Dei.* Unde meritò S. August. oratione de 5. hæresibus Manichæum increpans ait: *Hanc quam despicias, Manichæe, mater est mea, sed manu fabricata est mea; si potui inquinari cum eam facerem, potui in illa inquinari cum ex ea nascerer..... Stulte, unde sordes in Virgine matre, ubi non est concubitus cum homine patre? .... Taceat immonda vanitas, quia munda nata est Divinitas.*

## De Apollinaristis.

Apollinaristæ.

*Apollinarista* sic ab *Apollinari*, viro patria Laodiceno, professione primum Rhetore, deinde Laodicenæ civitatis Præsule, filio alterius senioris *Apollinaris*, professione Grammatici, & dignitate Presbyteri, utriusque Græcis disciplinis eruditissimi, suæque ætatis eloquentissimi, qui multos & utiles dedit Ecclesiæ Libros, inter quos numerantur 30. volumina, quibus respondit vesanæ Porphyrii, in Christianos summa cum petulantia debacchantis; imò & Hebræorum historia heroico carmine scripta, & in 24. distributa tomos, juxta Græcarum litterarum numerum; sed qui tandem ingenii & eloquentiæ fiducia fretus, novum ac perniciosum dogma in Ecclesiam introducere voluit; idque præsertim tentavit & promovit filius ejus, junior videlicet *Apollinaris*, vir licet doctus & in Græcis disciplinis pariter eruditus; qui multis ab Ecclesia abductis, suos sibi conventus egit circa an. 367. sub Valentiniano Imp. & Damaso Rom. Pont. docere cœpit, *Christum corpus sumpsisse quidem ex B. Virgine, sed sine anima*; postea suum quasi revocans errorem, addidit, *Sumpsisse quidem & animam, sed quæ mente careret, Verbumque divinum ei fuisse mentis loco*.

Quam hæresim nedum impugnarunt SS. Ecclesiæ PP. Athan. Greg. Naz. Nyss. Epiph. Ambr. & alii, sed eam insuper varia proscribere Concilia, ut *Alexandrinum* anno Christi 362. ab Athan. cæterisque Catholicis Episcopis habitum; *Romanum* unum anno 373. Præside Damaso; *Antiochenum* unum anno 378. & tandem œcumenicum II. *Constantinopoli* anno 381. sub eodem Damaso Rom. Pont. celebratum; & meritò variis in Conciliis damnata hæc hæresis; nam si animam humanam non haberet Christus, quid, amabò, instabatur in Christo? dum dixit Matth. cap. 26. vers. 38. *Tristis est anima mea usque ad mortem*. Si animam rationalem nostræ similem non habuisset Christus, quid igitur moriturus in cruce Patri commendasset æterno, dum dixit Luc. cap. 23. vers. 46. *Pater, in manus tuas commendo spiritum meum*? Si denique animam non habuisset, quid quæso tradidit, dum, ut habetur Joan. cap. 19. vers. 30. pro nobis in cruce moriens, *Inclinato capite, tradidit spiritum*? non Verbum, quod nunquam dimisit, & à quo nunquam dimissus; ergo animam, quæ spiritus est.

Dices fortè, animam sumpsisse quidem & habuisse, sed non mentem: sed contrà 1. si ita tenes, ergo mancā & imperfectā in Christo fingis animam. 2. Si animam sine mente habuisset Christus, quomodo de illo dici potuisset à S. Luca cap. 2. vers. 52. *Quòd proficiebat sapientia & ætate*? non enim proficiebat seu crescebat sapientia, ratione Verbi divini, cum Verbum sit ipsa Sapientia increata & infinita; ergo ratione naturæ humanæ: hoc autem dici non potuisset, si mente caruisset humana Christi anima, cum mentis humanæ dos & habitus sit ipsa sapientia creata.

## De Paulianis.

Pauliani.

*Pauliani* à *Paulo Samozateno* natione Syro, Antiocheno Episcopo, viro ante Episcopatum paupere & mendico, moribusque non puro; qui, teste S. August. lib. de hæres. cap. 44. dudum extinctam cujusdam Artemonis revo-

revocans hæresim sub Aurelio Imp. & Felice I. Rom. Pont. anno circiter 273. ausus est asserere, & in Christum blasphemando dicere, *Christum non semper fuisse, nec ante Mariam Virginem extitisse, sed ex eo quo ex Maria natus est, initium habuisse, ac proinde non Deum, sed purum hominem esse.*

Unde non mirum, si hæc hæresis omnium Episcoporum suffragiis fuerit Antiochiæ duobus in Conciliis cum suo auctore damnata; in quorum priori Concilio fidem simulando Catholicam Patribus illisit: sed in posteriori, de hæresi convictus, anathemate percussus, & è suo eiectus Episcopatu Paulus ille Samozatenus; & merito damnatus, & eiectus ille in Christum blasphemus, Christum Dominum non Deum, sed purum hominem, nec ante B. Virginem, ab æterno fuisse dicens, nec audiens illud ejusdem Christi ore Proph. dicentis Psal. 2. vers. 7. *Dominus dixit ad me: Filius meus es tu, ego hodie genui te.* Hodie, hoc est, in æternitate, seu ab æterno genui te, ut explicant SS. PP. & ostendit S. Joannes Evangelista dicens, cap. 1. vers. 1. *In principio erat Verbum, & Deus erat Verbum.... & Verbum caro factum est.* In principio, id est, ante omnia creata, ab initio omnis durationis, ab omni æternitate, & longissimè ante creaturas omnes.

### De Photinianis.

*Photiniani* à *Photino* dicti, magni ingenii, eruditionisque non infimæ; & acutæ eloquentiæ viro, natione Pannonio, & Ecclesiæ Sirmienfis Episcopo, sed *Pauli Samozateni* hæretici hæretico discipulo; qui sub Constantio Imp. & Julio I. Rom. Pont. anno circiter 347. suos inter impios errores asserbat cum Paulo Samozateno, S. August. teste lib. de hæres. cap. 35. *Christum purum hominem esse, nec ante Mariam extitisse, sed ex quo de Maria natus est, initium habuisse.* Sed damnata pariter & ista Photiniani in Christum blasphemia, damnatus & ipse *Photinus* in Mediolanensi Synodo, habita anno 347. & exautoratus in Sirmienfi Synodo alia anno 351. Ad Constantium Imp. tanquam de iniquo in se lato conqueritur judicio, appellat ab eo, Judices petit alios & obtinet, Basilio An-cyrano Episcopo demandatur cum interrogandi & refellendi munus. Celebris fuit disputatio, in qua tandem victus ad exilium damnatur *Photinus*. Et iustè damnatur ille, jam damnati Pauli Samozateni blasphemias secutus, dignus Magistro in Christum blasphemio blasphemus discipulus.

### De Nestorianis.

*Nestoriani* sic vulgò dicti à *Nestorio* è Germanicea Syriæ civitate oriundo viro, in Monasterio primum ad pios honestosque mores formato, Antiochiæ deinde Sacerdotali munere laudabiliter functo, ac tandem ad Patriarchalem Sedem Constantinopolitanam post *Synesium* evecto, ibique paulò post in hæresiarcham mutato; dum, sub Theodosio juniore Imp. & *Celestino* I. Rom. Pont. anno circiter 427. cœpit asserere duas in Christo esse personas, & docere duos esse Christos, unum Filium Dei, & filium hominis alterum; ac proinde *Beatam Virginem Mariam non Dei, sed hominis matrem esse; esseque dicendam non ~~Devinam~~, sed ~~Christianam~~*; quæ hæresis tam

### 346 De præcipuis in Ecclesia subortis hæresibus.

tam longè latèque grassata est per omnes ferè Orientis plagas, ut ad Indos usque pervenerit, & in India præsertim tam altas radices egerit, ut ibi dicantur adhuc esse permulti Nestoriana profitentes errata; licèt à S. Cyrillo Alexandrino multis laboribus dudum profligata, & ab œcumenico Ephesino Concilio, cum suo auctore *Nestorio*, à longo tempore damnata, & licèt nedum damnatus, sed exauctoratus ipse *Nestorius*, tandemque in extremis Thebarum oris, locum ex loco mutans, rupta & scissa cooperatus terra, misero perierit interitu, ejusque lingua toties in Christum Christiue Matrem blasphema, inventa fuerit statim post obitum facta vermium præda. Et meritò facta vermium esca lingua illa, quæ duas in Christo personas asseribat, & B. V. Dei Matrem esse negabat, contra illud *B. Elisabethæ* ab illa Virgine beata visitatæ dicentis Luc. cap. 1. vers. 43. *Unde hoc mihi, ut veniat Mater Domini mei ad me?* ubi ly *Domini* idem est ac *Dei*, qui absolutè vocatur Dominus, quia solus Rex regum & Dominus dominantium.

### De Eutychanis.

**Eutychniani** ab *Eutyche*, celeberrimo Constantinopolitani Cœnobii præposito dicti; qui præterquam quòd sub Theodosio juniore Imp. & Leone I. Rom. Pont. circa annum Christi 443. tenens cum Valentino, Marcione, Apollinari & Manichæis Christum cœlestem habuisse corpus, & per beatæ Mariæ Virginis uterum, quasi per canalem transiisse; negabat insuper in Christo duas esse naturas, asserens, carnem in ipso Incarnationis articulo, in divinitatem fuisse commutatam, & ex utraque natura, divina & humana, substantiam coaluisse unam, sicque Christum ut Deum fuisse passum blasphemabat; quam hæresim strenuè impugnarunt suis scriptis viri graves & sancti non pauci, inter quos *Boethius* Christianus Philosophus & Martyr cum *Symmacho*, sub Theodorico Gothorum Rege Martyrii palma donatus, eo scilicet in Libro in Eutychem edito, quem de duabus naturis inscripsit; S. *Prosper* Aquitanicus diversis conscriptis Epistolis; & quam denique damnavit Chalcedonenlis œcumenica Synodus, definiens duas in Christo distinctas & inconfusas esse naturas, sub Marciano Imp. & Leone I. Rom. Pont. & contra quam, de Christo Domino canit Ecclesia in Athanasiano Fidei Symbolo, quòd sit *Unus non conversione Divinitatis in carnem, sed assumptione humanitatis in Deum; unus omnino non confusione substantiæ, sed unitate personæ.*

### De Acephalis.

**Acephali.** Quamvis *Acephali* dicti fuerint olim post solutam Synodum Ephesinam nonnulli certæ factionis viri, qui nec S. Cyrillo Alexandrino Nestorium cum Synodo Ephesina damnanti, nec Joanni Antiocheno Nestorii partes propugnanti adhaerere voluere.

*Acephali* tamen, sive *Acephaliti* dicuntur communiter factionis nonnulli ex iis, qui Chalcedonenfis Concilii decretis contradicebant: soluto enim Chalcedonenfi Concilio, & variis ejus occasione in Oriente factionibus ortis, omnium præcipua fuit eorum, qui Chalcedonenfe Concilium impugnabant, & duas in Christo naturas esse cum *Eutyche* & *Dioscore* negabant, anno circiter 490. sub Anastasio Imp. & Symmacho Rom. Pont. qui

qui cum essent numero multi, & omnes simul orti, nec constaret quis factionis auctor, sive caput esset, *Acephali*, id est, sine capite fuere vocati. Nihilominus opinantur alii *Acephalos* fuisse hæreticos illos, qui à suo Patriarcha Alexandrino pro Chalcedonenſi Concilio ſtante receſſerant; ſicque quia ſuo ſine paſtore, ſuo ſine capite Chalcedonenſe Concilium impugnabant, *Acephali* fuere dicti. *Acephalos* denique dici volunt alii politici illos, qui Chalcedonenſe Concilium approbant cum Catholicis, & reprobant cum hæreticis; tenetque Nicephorus *Severum* Antiochenum Episc. *Acephalorum* fuiſſe ducem, & anteaſignanum; unde & *Severita* pariter creduntur nuncupati. Verum quidquid ſit de *Acephalis*, eorumque duce, certum eſt *Acephalos* de illis fuiſſe hæreticos, qui ſpreto Chalcedonenſi Concilio, duas in Chriſto naturas eſſe cum *Eutyche* & *Dioſcoro* negabant; unde & *Monophyſita* cenſendi, ac proinde eodem cum *Eutyche* & *Dioſcoro*, cæteriſque *Monophyſitis* anathemate feriendi, niſi Chalcedonenſi adhæreant Concilio, cum Scriptura dicenti Joan. cap. 10. verſ. 18. in Chriſto facultatem eſſe ponendi animam, & iterum ſumendi eam, ac proinde & duas naturas divinam & humanam, cum facultas ponendi animam, hoc eſt, vitam, ſeu moriendi, naturæ ſit humanæ, & facultas iterum ſumendi, ſeu reſurgendi, ad ſolam pertineat divinam.

## De Jacobitis.

*Jacobita*, ſive *Jacobini* vulgò ſic dicti à *Jacobo* quodam *Zanzelo*, genere Syro, obſcuro prorſus & nullius nominis viro, *Eutycheſis* diſcipulo, ejuſque errorum propagatore per Africam ita ſæcundo, ſexto currente ſæculo, ut tandem quotquot erant Eutychianorum ſectæ diverſæ, ſeptimo currente ſæculo *Jacobitarum* ſectæ unitæ fuerint, reſeraturque *Richardus Simon* adhuc hodie ſub *Jacobitarum* nomine intelligendos eſſe omnes per Orientem diſperſos *Monophyſitas*, ſeu unam ſolam in Chriſto ſatentes naturam, ac proinde ſub eo nomine comprehendi *Armenos*, *Coptos*, & *Abyſſinos*. In hoc præſertim inter alia errabant iſti *Jacobita*, non ſolum primo, quòd Sacerdoti peccata ſua conſiteri neceſſarium eſſe negarent. 2. Quòd ad litteram explicantes illud Joannis Baptiſtæ de Chriſto, apud Matthæum, cap. 3. verſ. 11. dicentis: *Iſpe vos baptizabit in Spiritu & igni*: ſuos parvulos aduſione quadam in fronte, vel in genis impreſſa circumciderent, hinc originale peccatum expiari putantes. Et 3. in hoc quòd Trinitatem Perſonarum in divinis non admitterent, ſed ſolam unitatem; in cujuſ rei ſignum ſe ſigno crucis uno digito ſolo ſignarent. Sed 4. in hoc ſpecialiter adhuc hæretici, quòd *Eutycheſis* & *Dioſcori* hæreſim ſecuti, *unam dumtaxat in Chriſto naturam aſſererent*, contra univerſalis Eccleſiæ fidem, in quarto œcumenico Concilio, ut viſum eſt, contra Eutychem & Dioſcorum deciſam.

Jacobitæ.

## De Coptis.

*Copti* ſunt nonnulli in *Ægypto* habitantes populi, Chriſtiani quidem, ſed Schiſmatici, & *Eutycheſis* ac *Dioſcori* errorum pariter ſectarii; ſic, ut puto, dicti à *Copto* Thebaidis ad Nilum oppido, & communis *Ægyptiorum* & *Arabum* emporio, de quo *Juvenalis ſatyr.* 15. canebat olim:

*Gæſta ſuper calida referemus mania Copti.*

Copti.

Ha-

Habent isti Schismatici Patriarcham unum, cui subsunt & parent, qui se Alexandrinum Patriarcham dicit, & residet in Monasterio S. Macarii. Plura & alia dicuntur habere in Ægypto Cœnobia, & inter alia celebre unum in domo illa veneranda, in qua olim hospitata dicitur familia sacra, hoc est, Christus *Jesus*, *Maria*, & *Joseph*, propter sævientem Herodis barbariem fugientes in Ægyptum. Fertur quoque nonnullas Jerusalemis esse *Coptorum* familias, habentes Parochiam unam, imò & Capellam unam in celebri sancti Sepulchri Ecclesia. Dicuntur etiam isti ad *Clementem VIII.* Rom. Pont. Legatos misisse, per Patriarcham suum Gabrielis nomine dictum, ad postulandam sui, suorumque omnium sive *Ægyptiorum*, sive *Arabum* cum Romana Ecclesia unionem, sibi oblatam olim à *Pio IV.* sed rejectam anno 1561.

### De Acœmetis.

Acœmetæ.  
tz.

*Acœmetæ* erant nonnulli in Scythia Monachi, quorum congregatio Constantinopoli primitus creditur orta anno 459. viri quidem initio pii, fideles & orthodoxi, qui *Acacio* Constantinopolitano Patriarchæ olim Ecclesiæ rebelli strenuè resistere circa annum 484. Dicebantur autem *Ακσιματα*, id est, *Pervigiles*, quia suo ut parentur instituto, se tres in turmas ita distribuebant, ut per vices succedentes sibi, Dei laudibus in Ecclesia canendis diu nocturne sine intermissione vacarent. *Studita* pariter creduntur olim dicti à *Studio* quodam magni nominis viro, sui Ordinis Cœnobii Constantinopoli fundatore celeberrimo; sed postea successu temporis non ita fideles, in temporum novitates lapsi, & facti hæresis Euty-chianæ Sectarii, & Concilii Chalcedonenfis hostes occulti, ad Chalcedonenſe Concilium quasi imperfectum, subdole addendum esse dicebant, *Unum de Trinitate esse passum in carne*. Nihil econtrâ addendum esse tenebat *Visitor* quidam Diaconus. Causa delata est ad *Hormisdam* Rom. Pont. damnati sunt *Acœmetæ*, & nihil addendum esse respondit *Hormisdas*. Ex qua decisione inferunt isti nestorianizando Monachi, si unus de Trinitate non est passus in carne, ergo neque natus in carne, ac proinde B. Maria non est dicenda Deipara. Hanc utramque propugnabant illatam propositionem; recurritur iterum ad Romanum Pont. *Joannem II.* Scribit ad illum Justinianus Imp. Legatos mittit, mittunt & Monachi suos, convocat Romæ Synodum Papa anno circiter 532. & in ea *Acœmetas* damnat, ( ut visum est supra, ubi de Conciliis in causa Nestorianorum habitis, ) & definit Catholicè dici posse, *Unum de Trinitate passum in carne*.

### De Agnoctis.

Agnoetæ.

*Agnoetæ* fuere hæretici nonnulli, sic ab ignorantia vocati, & quorum duas invenio sectas diversis temporibus, & à diversis Auctoribus ortas. Prima quidem ortum invenitur habere à *Theophronio* quodam viro, patria Cappadoce, sub Valentiniano Imp. & *Liberio* Rom. Pont. anno circiter 365. vel ut placet aliis, sub Valente Imp. & *Damaso* Rom. Pont. circa annum 370. Fuerat autem *Theophronius* ille primum *Eunomii* hæretici discipulus & sectarius; sed postea quòd Magistri sui *Eunomii* non acquiesceret doctrinæ, sed alia de suo doceret absurda simul & impia, repulſus & à secta procul ejectus proprios & seorsim cœpit habere conventus, & pro-

propriam inire sectam; docens *Rerum cognitionem in Deo esse variam, asserens Deum cognoscere futura per præscentiam, præscentia per scientiam, & præterita per memoriam*. Quod quàm absurdum, ineptum & falsum sit, patet ex eo, quòd certum sit nihil esse præteritum aut futurum, sed omnia præscentia respectu Dei, nuda & oculis ejus aperta, juxta illud Pauli ad Hebræos, cap. 4. vers. 13. dicentis: *Et non est ulla creatura invisibilis in conspectu ejus: omnia autem nuda & aperta sunt oculis ejus*.

Posterior verò *Agnoëtarum* secta circa annum 536. à nonnullis aliis creditur orta; qui ab ignorantia sive incitia, quam in Christo esse posse tenebant, *Agnoëta* fuere pariter vocati; & quorum primus auctor creditur *Themistius* quidam Alexandrinus Diaconus, unde & Themistiani vocati; is enim *Themistius* cum petiisset à *Timotheo* Alexand. Præsule, num Christus ignorasset aliqua? *Timotheus*que negativè respondisset, ab eo deficiens *Themistius*, & ignorantiam aliquam in Christo fuisse tenens, *Agnoëtarum* sectam erexit, quorum hæresis in hoc sita erat, non ut opinantur nonnulli cum Bellarmino, quòd in Christo ut homine præcisè, sed in hoc quòd in Christo absolutè, etiam ut Deo, ignorantiam esse dicerent; quia cum illi unam dumtaxat ex duabus compositam in Christo naturam esse tenerent cum Eutychianis, consequenter tenebant Christum absolutè ignorare etiam ut Deum ea quæ ejus ignorabat humanitas, sicque cum Christus asserat, *Matth. cap. 24. vers. 36. & expressius, Marci cap. 13. vers. 32. Se nescire diem judicii*, dum ait: *De die autem illo vel hora nemo scit, neque Angeli in Cælo, neque Filius, nisi Pater*; inde colligebant in Christo absolutè, etiam ut Deo, ignorantiam esse extremi judicii diei.

Sed malè omnino, 1. quia etiam si daretur, Christum id ignorasse ut hominem, non sequitur eum id pariter ignorasse ut Deum; cum fides Catholica doceat, duas in Christo distinctas & inconfusas esse naturas, divinarum videlicet & humanarum.

2. Quia non sic respondit suis Discipulis Christus interrogatus, ut innuere vellet se simpliciter & absolutè diem extremi judicii nescire, sed tantum se nescire, ut eis revelare deberet, sicut ex illo alio colligitur textu Christi dicentis, *Actuum cap. 1. vers. 7. Non est vestrum nosse tempora, vel momenta, quæ Pater posuit in sua potestate*. Scriptura enim divina, quæ est pro erudiendis hominibus data, loquitur sæpè more humano, hoc est, eodem loquendi modo quo uti solent homines; unde sicut homo interrogatus ab alio de sibi credito secreto, respondere solet se nescire, nimirum ut revelare debeat, ita & Christus suis respondit Discipulis se diem judicii nescire, nimirum ut revelare deberet eis.

### De Theopaschitis.

*Theopaschita* sive *Theopasita* dicti olim, qui Deum passum, sive Christi divinitatem passam esse tenebant, cum suo duce *Petro Gnapheo* Pseudo-Episcopo Antiocheno, & hæretico viro *Petro Fullone* vulgò dicto: fuit enim vir ille primùm Acemetenensis in Scythia Monachus; & quia dum in suo Acemetarum Cœnobio degeret, Fullonis artem exercebat, inde Fullonis nomen sortitus est, & *Petrus Fullo* vulgò cognominatus. Is è suo ejectus Cœnobio, quia Eutychianæ propugnator hæresis, & Chalcedonensis impugnator Concilii, Chalcedonem fugit, indeque dum in sanctæ *Basæ* Martyris templo Presbyter esset, iisdem de causis rursus expulsus, & Con-

Theopaschitæ.

Constantinopolim ire coactus est; ubi cum sibi Zenonis, Leonis Imperatoris generi, favorem & benevolentiam conciliaffet, & cum illo deinde in Orientem misso Antiochiam venisset, de Antiochena invadenda cogitare cepit Episcopali Cathedra, *Martyrium* Antiochenum Episcopum, virum vetè Orthodoxum, & Chalcedonenfis Concilii defensorem egregium de Nestoriana accusat hæresi, varios in eum Antiochiæ excitat tumultus, eoque rem perduxit suam, ut juvante & patrocinate Zenone, Antiochenam invaderet Sedem, vivente adhuc & legitimè sedente *Martyrio*: ex ea tamen postea dejectus, substituto Stephano; sed isto interim impii *Fullonis* impulsu nefariè trucidato, iterum Zenonis auxilio restitutus: nec tamen ex his tumultibus & miseriis in melioris frugis virum ipse mutatus; sed e contra ubi se restitutum sensit, sub Zenone ipso tunc Imperatore, & *Simplicio* Rom. Pont. circa annum 476. impiè prædicare cepit, *Deum passum esse*; dicens anathema his omnibus, qui *Deum crucifixum, & passum esse negarent*, & ter sancto Angelico hymno, à Græcis *Trisagio* vulgò nuncupato, videlicet isti, *Sanctus Deus, sanctus fortis, sanctus immortalis*, addendum esse dicens, *qui passus est pro nobis*, quasi divinitas passa esset; unde qui cum secuti sunt, hoc impium amplexi dogma, *Theopaschita*, sive *Theopaschica* dicti.

Sed damnatus ille *Fullo* in Constantinopolitana Synodo ab *Acacio* convocata, & illius postea confirmata damnatio à *Simplicio* Romano Pont. imò & insufficienter damnatum censeri debebat hoc impium *Fullonis* & *Theopaschitarum* dogma à Concilio Chalcedonenfi, in quo damnata fuerat Eutychniana hæresis de unica in Christo natura, à qua ut à fonte manavit ista *Petri Fullonis* & *Theopaschitarum* blasphemia, sicut & *Monophysitarum* ac *Monothelitarum* hæresis.

### De Monophysitis.

Monophysitæ.

*Monophysitæ* dicti sunt nonnulli Concilium Chalcedonense impugnantes hæretici, sub Anastasii Imperatoris, & *Hormisdæ* Papæ temporibus orti circa annum 517. quales fuere *Severus* Antiochenus Patriarcha, *Dioscorus* & *Gainus*, *Jacobus* & *Joannes* Grammaticus, vulgò *Philoponus* cognominatus, acris ingenii vir & eruditus, qui summa cum impietate, juxta Nicephorum histor. Eccles. lib. 18. cap. 45. *Unam dumtaxat in Christo naturam esse dixere*; unde Monophysitæ fuere nuncupati, hunc in modum ratiocinantes: Si duas in Christo demus naturas, duas consequenter in eo voluntates & operationes esse faceretur necesse est; si verò hoc concedatur, eadem necessitate sequitur duas in eo personas esse, duasque virtutes operatrices inter se contrarias.

Verùm hoc istorum pariter impium de una in Christo natura dogma, contra *Eutychem* & *Dioscorum* in eodem œcumenico Chalcedonenfi Concilio damnatum, & contra eos, & alios à Concilii Patribus dictum: Nos accepimus & credimus, quòd quemadmodum illæ duæ naturæ, quæ in eandem substantiam Domini nostri distinctæ & minime confusæ coierunt, ita quoque per se remanserunt, utraque habente suos proprios effectus. Hoc enim innuit Dominus, cum ait: *Nemo tollit animam meam à me, sed potestatem habeo ponendi eam, & rursus assumendi eam*; ita ut animo conturbato esse, sit natura procreata; potestatem autem habere, sit solius divina natura qua ei inest. Itaque qui dicunt, quòd in unam atque eandem naturam utraque natura coalue-

rit,



rit, unicam esse in Domino pradicantes, professi ab Ecclesia ejiciendos esse censuimus. Quibus verbis innuit Concilii PP. se meritò damnare hoc ipsum dogma de unica in Christo natura, cum duas se naturas habere passim in Scripturis innuat Dominus, ut v.g. dum Joan. cap. 10. vers. 17. ait: *Ego pono animam meam, ut iterum sumam eam. Nemo tollit eam à me; sed ego pono eam à me ipso, & potestatem habeo ponendi eam, & potestatem habeo iterum sumendi eam.* Quo in loco ly *ponere animam* seu vitam, sive mori, naturam indicat humanam, & ly *potestatem habere iterum sumendi eam* seatur resurgendi, divinam innuit naturam.

## De Monothelitis.

*Monothelita* ex eadem corrupta & vitiata radice pullulantes hæretici, sub Heradio Imp. & Honorio I. Rom. Pont. infelicitè orti anno circiter 622. non minùs in Christum fuere blasphemi; asserabant enim in Christo Domino unam dumtaxat voluntatem esse, unde *Monothelita* à voce græca *μὴν* significante solus, & *θελω* significante voluntas, vulgò nuncupati; quorum præcipui fuere Duces *Sergius* Constantinopolitanus Patriarcha, *Cyrus* Alexandrinus, *Macarius* Antiochenus, *Pyrrhus* pariter & *Paulus*, uterque post *Sergium* successivè Constantinopolitanus, & *Theodorus* Pharanitanus; contra quos hujus sectæ impugnatores & debellatores fuere præsertim S. Joannes Eleemosynarius Alexandrinus Patriarcha, *Sophronius* Jerosolymitanus, *Arcadius* Cypri Archipræsul insignis; sed claruit præsertim inter alios, S. Maximus Monachus & Martyr in hoc sacro contra Monothelitas prælio; in quo nedum de *Pyrrho* Monothelitarum Heroe triumphavit, & ad ejurandum errorem devictum impulit, sed in quo variis ipse contumeliis, verberibus & opprobriis, exilio triplici, dextera manus & linguae amputatione pro fide Catholica vexatus.

Sed tandem damnata hæc hæresis in sexta Synodo, sub Constantino Pogonato & *Agathone* Papa, & dictum anathema *Sergio*, *Cyro*, *Pyrrho*, *Paulo*, *Petro*, *Macario*, *Stephano*, *Theodoro* Pharanitano, cæterisque ejusdem sectæ patronis; & definitum in Christo duas esse voluntates, duasque operationes, sicut & duas naturas, divinam videlicet unam, & humanam alteram. Edita est ac promulgata fidei definitio, & unanimitate conclamatum à Concilii Patribus: *Omnes ita credimus, omnes id ipsum sentimus; hæc est fides Patrum, hæc est fides Orthodoxorum.* Et jure meritò hæc fides Patrum & Orthodoxorum dicitur, cum hæc sit doctrina Christi, duas in se voluntates esse, divinam unam, & humanam alteram, passim innuentis variis in Scripturæ locis, & præsertim dum Matth. cap. 26. vers. 39. & Lucæ cap. 22. vers. 42. ait: *Pater si vis, transfer calicem istum à me: verumtamen non mea voluntas, sed tua fiat.* Et Joan. cap. 6. vers. 38. dum ait: *Descendi de celo, non ut faciam voluntatem meam, sed ejus qui misit me Patris.* Quo in utroque textu innuit manifestè, se duas habere voluntates, humanam scilicet & divinam; humanam quam per obedientiam subiciebat divinæ, & non solam divinam quæ suppleret humanam, ut *Monothelita* volebant.

## De Maronitis.

*Maronita* sunt nonnulli Orientales, præsertim prope Libanum in Syria habi-  
ta. Maroni-

habitantes populi, Dei gratia Christiani & Catholici hodie, quamvis aliis hæretici, & per quingentos circiter annos ab Ecclesia Romana scissi; ortique, ut creditur, à *Marone* quodam hæretico viro, ac *Monothelitarum* errorum sectario, & docente cum Monothelitis unam dumtaxat in Christo voluntatem esse; quem qui secuti sunt in hoc *Monothelitarum* errore, *Maronitas* fuere nuncupati, & pro hæreticis monothelizantibus habiti per annos circiter quingentos, hoc est, ab anno 699. usque ad *Balduinum* Regem Jerosolymitanum, & *Emericum* Antiochiæ Patriarcham, quo mediante, abjurata hæresi, & exhibita Romano Pontifici obedientia, ad Catholicæ Ecclesiæ gremium sunt reversi anno 1182. Ipsi tamen econtrà non se ab illo hæretico *Marone* Maronitas dici volunt, sed à patriæ suæ vico, *Maronia* vulgò dicto, & à sancto *Marone* Monasterii celeberrimi Abbate, cujus Discipuli Entychianam fortiter impugnantes hæresim, ab eo primum *Maronitas* fuere vocati, ac tandem cæteri postea Concilii Chalcedonenfis defensores, *Maronitas* pariter nuncupati; sed quidquid sit de illorum nominis origine, sive ab illo *Marone* hæretico, sive ab alio *Marone* Abbate sancto *Maronitas* dicantur.

Certum est eos ab anno 1182. nunquam à Romana Sede defecisse, & semper Christianissimè vixisse, eorumque Patriarcha fertur interfuisse œcumenico Lateranensi Concilio quarto sub *Innocentio III.* anno 1215. vivuntque hodie Romanæ Ecclesiæ perfectè subditi, habentes à quibus dirigantur in via Domini, Patriarcham unum, Archipræsules, Episcopos & Parochos, lingua utentes Syriaca in suo divino Officio, ordinato saltem ex majori parte, ut creditur, à *B. Ephrem* sanctissimo Edesseni Ecclesiæ Diacono, Græcorum ritus sequentes ferè omnes, excepto azymi panis usu; consecrant enim in azymo, sicut Latini. Extra divinum Officium lingua utuntur Arabica, apud ipsos nunc pro vulgari recepta propter frequentem ipsorum cum Arabico populo commercium, quamvis sint ex his aliqui, qui sua utuntur adhuc Maronica lingua, hoc est Syriaca, sed corrupta, & ex Arabica mixta. Habent Romæ Collegium unum sibi à *Gregorio XIII.* fundatum, quos suos mittunt juvenes formandos & instruendos à Jesuitis; habent & in monte Libano Monasterium austerissimæ vitæ Monialium. Nec in solo monte Libano reperiuntur habitare *Maronitas*: Sunt & alia plura in quibus degunt Orientis loca sive oppida, ut v. g. *Tripolis*, *Sidon*, *Damascus*, *Alep*, *Cyprus*, & alia; ita ut referat *Guillelmus* Tyrius Archiepiscopus, fuisse temporibus, hoc est, circa annum 1184. Maronitas esse numero 40000. qui omnes Catholicè viventes uni subsunt Patriarchæ, & Patriarcha Romano Pontifici, à quo suam petit & obtinet confirmationem, ac pallium. Si Catholici hodie *Maronitas*, ergo non *Monothelitas*. Imò contra Monothelitas tenent nobiscum hodie, duas in Christo voluntates esse, sicut & duas naturas; & dicunt nobiscum, & nos cum sextæ œcumenicæ Synodi Patribus: *Omnes ita credimus, omnes ita sentimus.*

Sed nedum contra *Monothelitas* fatemur duas in Christo voluntates, sed & fatemur cum beato Athanasio & tota Ecclesia Catholica: *Quia Dominus noster Jesus Christus Dei Filius, Deus & homo est*, contra Ebionem, Cerinthum & alios.

*Quòd Deus est ex substantia Patris ante secula genitus*, contra Paulianos, Photinianos & alios.

*Quòd & homo est ex substantia matris in seculo natus*, contra Valentianos, Marcionistas, Cerdonianos, Apellitas, Manichæos & alios.

*Quòd*

Quod sit perfectus Deus, perfectus homo, ex anima rationali & humana carne subsistens, contra Apollinaristas, & sequaces.

Quod aequalis Patri secundum divinitatem, minor Patre secundum humanitatem, contra Arianos, Socinianos, & alios.

Quod licet Deus sit & homo, non duo tamen, sed unus est Christus, contra Nestorium & Nestorianizantes alios, Jacobitas, Coptos, & alios.

Quod unus, non conversione divinitatis in carnem, sed assumptione humanitatis in Deum; unus omnino non confusione substantiae, sed unitate personae, contra Eutychianos, Monophysitas, imò & Nestorianos, & his adherentes alios.

Quod denique haec est fides Catholica, quam nisi quisque fideliter firmiterque crediderit, salvus esse non poterit; quidquid de foris grunniant Aethi, Gentiles, aut Judaei, vel qui à nobis exierunt alii de Deo Incarnato male sentientes haeretici.

## ARTICULUS VIII.

*De praecipuis in doctrina Sacramentorum haesibus.*

**M**agnum, fateor, est divini erga nos amoris argumentum, Sacramenta instituisse Christum; majus, (quod non fecit taliter omninationi,) nos ad sui Evangelii fidem, Sacramentorumque participationem vocasse Dominum; sed maximum, apud nos tot inter Sacramentorum hostes positos, totque erroribus, mendaciis & haesibus undique vallatos, puram Evangelii fidem, & Sacramentorum integram servasse doctrinam. Horret animus dicere, quot monstra, quot mendacia, quot haereses, quot pestes circa Sacramenta grassari permiserit Deus, quot seductores viros, quot haereticos, quot in vestimentis ovium lupos, quot singulares apros, qui in vinea Domini depascentes, Sacramenta conculcarent, contemnerent, abolerent: expedit tamen haec monstra, si non omnia, saltem praecipua, summatim & breviter designare fugienda, inter quae, praeter *Paganos*, *Judaos* & alios quoscumque haereticos, Christi Passionem, ac consequenter Sacramenta à Christi Passione suam efficaciam habentia negantes; sunt & alii numero multi circa Sacramenta deficientes & errantes haeretici, inter quos, alii circa omnia, alii circa aliquantum errasse noscuntur, quales dici possunt *Tatiani*, *Severiani*, *Adamiti*, *Aquarii*, *Novatiani*, *Agrippiniani*, *Cathari*, *Catharista*, *Aeriani*, *Donatista*, *Albanenses*, *Petrobustiani*, *Henriciani*, *Waldenses*, *Albigenses*, *Flagellantes*, *Wicleffita*, *Hussita*, *Lutherani*, *Calvinista*, *Anabaptista*, *Sacramentarii*, *Protestantes*; *Adiaphorista*, *Bisacramentales*, &c.

Circa Sacramenta errant inter alios

### De Tatianis.

*Tatiani* à *Tatiano* viro natione Syro, & *S. Iustini* Martyris & Philosophi discipulo; qui sub Antonino Philosopho Imp. & *Sotero* Rom. Pont. anno circiter 173. licet vivente *Iustino* in fide constans perseveraverit, *Iustini* tamen post obitum, de fide male sentire coepit, & in hoc praesertim inter alia erravit primò, quòd praeterquam quòd *Adamum* cum sua complice *Heva*, ob scum inobedientiae lapsum damnatum esse censuerit, contra illud

*Tatiani.*

*Appar. Annati T. II.*

Z

Sapient-

*Sapientia* cap. 10. vers. 1. ubi Salomon de *Sapientia* loquens, ait: *Hæc il-  
lum, qui primus formatus est à Deo pater orbis terrarum, cum solus esset  
creatus, custodivit & eduxit illum à delicto suo.* Ex quo colligitur, non  
damnum, sed Dei misericordia salutem consecutum *Adamum*. Præter  
hunc *Tatiani* lapsum, in *Valentini* insuper, *Marcionis* & *Saturnini* suorum  
prædecessorum errores impingens, in hoc præfessum erravit. 2. Quòd  
*Matrimonium* malum esse senserit, & à nuptiis ut illicitis abstinendum esse  
docuerit; unde *Encratita*, id est, Continentes dicti *Tatiani* sectarii. 3.  
Quòd carnes pariter à malo principio, id est, à *Dæmone* creatas esse putans,  
à carnibus abstinendum esse dixerit. 4. Quòd sola aqua, & non vino, etiam  
in sacrificio utendum esse tenuerit, arbitrans vinum à *Satana* & terra proge-  
nitum, ac proinde malum & illicitum, Quam hæresim *Tatianus* ex eo ex-  
cogitasse fertur, quòd lege prohibitum esset *Nazaræis* vinum; hi enim qui  
*Nazaræi* propinabant vinum, accusantur à *Propheta Amos* dicente cap. 2.  
vers. 12. *Propinabatis Nazaræis vinum.*

Verùm præterquàm quòd ista satis eversa manent ex eversione doctrinæ  
de duobus rerum principiis, bono uno, & malo altero, & offensione  
unici principii, scilicet Dei, per quem *Omnia facta sunt, & sine quo fa-  
ctum est nihil*; contra istos insuper, & alios quoscumque hæreticos prohibentes  
nubere, aut vesci carnibus, vel uti vino, aut aliis à Deo creatis  
manifestè pugnat *Paulus Apost.* eorum eradicans errores, & fidei veritatibus  
que fundamentum stabiliens, dum prima ad *Timotheum*, cap. 4. vers. 1.  
& sequentibus ait: *Spiritus autem manifestè dicit, quia in novissimis tempo-  
ribus discedent quidam à fide, attendentes spiritibus erroris, & doctrinis dæ-  
moniorum, in hypocrisis loquentium mendacium, & cauteriatam habentium  
suam conscientiam, prohibentium nubere, abstinere à cibis, quos Deus creavit  
ad percipiendum cum gratiarum actione fidelibus, & iis qui cognoverunt ver-  
itatem. Quia omnis creatura Dei bona est, & nihil rejiciendum quod cum  
gratiarum actione percipitur.*

### De Severianis.

verla- *Severiani*, de quibus *S. Epiph. hæ. 45.* & *S. August. lib. de hæ. cap.  
24.* à *Severo* quodam viro, ut creditur, natione *Syro*, *Tatiani* coævum,  
& in erroribus discipulo, iisdem temporibus, hoc est, 2. corrente sæcu-  
lo, sub *Antonino Philosopho Imp.* & *Saturo Rom. Pont.* qui insana *Ta-  
tiani* sequens dogmata, varia alia de suo supplevit fabulamenta; & in-  
ter alia,

1. *Vini usum cum Tatiano damnans, vitem à serpente & terra progenitam  
esse dicebat.* Fungebat enim serpentem ex diabolo genitum & in terram  
dejectum, ibique ex terra quasi ex muliere genuisse vitem, quam ideo  
serpentis instar, intortam, vitisque uvas veneni guttas sive stillas esse asse-  
rebat, indeque fieri, ut vinum immoderate sumptum hominis turbet men-  
tem, ad veneris ulcimenta ducat, & in furorem interdum trahat, ac  
proinde à vino prorsus abstinendum esse docebat.

Quod quàm fabulosum sit ac ridiculum, patet ex illo *Christi* apud  
*Marcum* cap. 14. vers. 25. de vite & vino dicentis: *Amen dico vobis, quia  
jam non bibam de hoc genimine vitis usque in diem illum, cum illud bibam  
novum in regno Dei.* Nec enim est credibile, quòd si vitis à serpente, &  
à diabolo serpens esset, de vite & vino, seu genimine vitis ita locutus  
fuisset

fuiſſet Chriſtus; imò nec credibile proſus, quòd Euchariftiæ Sacramentum inſtituens, ſanguinem ſuum ſub ſpecie vini Apoſtoliſ deditſet, & nobis poſt Apoſtoliſ per omnia ſæcula bibendum reliquiſſet; nec denique ſi quid vituperandum ex natura ſua vitis nomen haberet, non ſe vitem nominaret Chriſtus, nec diceret Joan. cap. 15. verſ. 1. *Ego ſum vitis, & Pater meus agricola;* & ruruſ verſ. 5. *Ego ſum vitis, & vos palmites.*

2. Docebat ille *Mulierem opus eſſe Satanae*; & mulieri nubere nihil eſſe aliud quàm opus implere Satanae, unde nuptias damnabat.

3. *Dimidiam hominis partem unam eſſe à Deo, & à Diabolo alteram*, ab umbilico ſcilicet & ſuprà, Dei eſſe; & reliquum inferiùs diaboli eſſe; i quod utrũque ſabulamentum non minùſ falſum, ridiculũ & à fide alienum eſſe, manifeſtè patet ex illo Scripturæ Gen. cap. 1. verſ. 27. dicentis: *Creavit Deus hominem ad imaginem & ſimilitudinem ſuam, ad imaginem Dei creavit illum, maſculum & fæminam creavit eos;* & iterũ ex illo Chriſti Matth. cap. 19. verſ. 4. confirmantis: *Non legiſtis, quia qui fecit hominem ab initio, maſculum & fæminam fecit eos.*

## De Adamitis.

Adamitæ.

*Adamitæ*, quorum alii antiqui & recentiores alii, quique omnes tant antiqui, quàm recentiores, qui matrimonium pro nihilo ſemper habuerunt, & nuptias quacumque exhortuere; ſuam hinc trahentes hæreſim, teſte S. Aug. lib. de hæ. cap. 31. quòd *Adamus*, antequam peccaſſet, & è Paradifo fuiſſet eiectus, ſuam nunquam cognoverit uxorem; inde colligentes nuptias nunquam fuiſſe futuras, ſi *Adam* non peccaſſet; & quia nudus ambulabat *Adam* ante peccatum, ut ejus ſequerentur innocentiam iſti, nudi ambulabant & ipſi ſive viri, ſive fæminæ, ſicque nudi ſimul conveniebant, lectiones habebant, orabant, ſuæque ſic nudi ſuis in Eccleſiis, ſive ſpeluncis ſacra peragebant, ſuam Eccleſiam, Paradifum, & ſeiſpoſ *Adam* & *Hevam* eſſe ſomniantes, promiſcuos interiniſ permittentem & exercentem concubituſ. Antiqui quidem *Adamitæ* ſecundo graſſantes ſæculo, anno circiter 194. ab *Adamo* quodam illis temporibuſ orti, & *Adamitæ* dicti. Recentiores verò ſæculo 15. anno circiter 1414. ſub Siſtiſmundo Imp. & Joanne XXIII. Rom. Pont. à *Picardq* quodam è Gallia Belgica viro ſuborti; qui cùm renovarent antiquam & impuram illam, licet nudam, antiquorum *Adamitarum* ſectam, inde & ipſi recentiores, ſive novi *Adamitæ* vocati.

Sed hi omnes ſive antiqui, ſive novi, longè citòque cum ſua nuditate fugiendi; ſi enim *Cham* Noe filiuſ maledictuſ olim à patre, ob non coopertam, ſed fratribuſ nuntiatam dormientis patris nuditatẽ, ut habetur Gen. cap. 9. verſ. 24. ubi dicitur: *Evigilans autem Noe ex vino, cùm didiciſſet quæ fecerat ei filiuſ ſuus minor, ait: Maledictuſ Cham, ſervuſ ſervorum erit fratribuſ ſuiſ.* Si maledictuſ *Cham* à patre, quantò magis digni *Adamitæ* iſti, qui Dei Patris æterni maledictionem incurrant, dum turpeſ & inverecundi ſeiſpoſ ſponte nudant, & nudi cum nudis ambulanteſ, convenientes, oranteſ, & ſua in nuditate Sacramenta ſua non ſancie, ſed impurè & inverecundè celebranteſ, turpiaque alia dictu horrenda peragentes, nuptias interim in Scriptura laudatæ, & Chriſti præſentia in Cana Galilææ ſanctificatæ exhorrent?

## De Aquariis.

**Aquarii.** *Aquarii* sic ex S. August. lib. de hæres. cap. 4. ab effectu, hoc est, ab aqua dicti, quod scilicet in consecratione Calicis sola uterentur aqua sine vino; quorum hæresis creditur orta, teste S. Cypriano, Ep. 73. ad *Cecilium*, à nonnullis primitivæ Ecclesiæ fidelibus, qui solebant bis in die sacrificium offerre, manè scilicet & vespere post cœnam; manè consecrando in sola aqua, & vespere post cœnam in vino. Manè consecrabant in aqua, vitandæ persecutionis gratia, ne scilicet manè celebrantes & fumentes sanguinem Christi sub speciebus vini, dignoscerentur odore vini ab Ethnicis adhuc jejunis; vespere verò post cœnam iterum celebrantes consecrabant in vino, quia cum tunc omnes etiam Ethnicus essent cibo potuque refecti, nullus erat timendi locus, ne dignoscerentur odore vini.

At contra illos agens S. Cyprianus in hac Epistola laudata, absurdam illorum improbat consuetudinem, consecrandi scilicet manè in aqua, & vespere in vino; & ritè improbat, cum Christus non aliam instituerit Calicis materiam pro manè, & aliam pro vespere, sed in vino semper consecrandum esse docuerit, dum Calicem à se consecratum discipulis porrigendo dixit, Matth. 26. vers. 29. Luc. cap. 22. vers. 18. & Marc. cap. 14. vers. 25. *Non bibam amodò de hoc genimine vitis, usque in diem illum, cum illud bibam vobiscum novum in regno Patris mei.*

## De Novatianis.

**Novatiani.** *Novatiani* orti sunt non à *Novato* Carthaginensis Ecclesiæ Presbytero; sed à *Novatio* per *Novatum* (qui Romam venerat) si non corrupto, saltem impulsio, maligno & ambitioso aliundè viro, qui sanctæ Romanæ Ecclesiæ Presbyter, deinde schismaticè per tres alios simplices & ignaros, dolo vinoque seductos Episcopos ordinatus, Romanæ Ecclesiæ Pseudo-Pontifex, contra *Cornelium* legitimum Christi Vicarium, virumque verè sanctum, & imperantibus Gallo & Volusiano, circa annum Christi 255. nedum primum movit & excitavit in Ecclesia Schisma, sed & Schismatici hæresim addidit, docens inter alia: *Post Baptismum lapsos veniam consequi non posse, quacumque peracta pœnitentia*, ac proinde consequenter negans in Ecclesia potestatem esse remittendi peccata post Baptismum commissa, hoc est, ut cum S. Cypriano loquat, *Novatianus & Novatiani discipuli erant, qui in peccatum prolapsi, & ad Ecclesiam lacrymis, gemitu & dolore cordis pulsantibus, divinæ pietatis & lenitatis paternæ solatia claudabant, nec ad fovenda vulnera admittebant vulneratos, sed sine spe pacis & communicationis, relictos ad luporum rapinam, & Diaboli prædam projiciebant, ignorantes quod per Prophetam clamat Dominus: Vivo ego, quia nolo mortem peccatoris, sed magis ut convertatur & vivat.*

Unde non mirum, si statim hoc *Novatiani*, Novatianorumque dogma ut hæreticum, & prorsus tyrannicum fuerit in Concilio Romano sub *Cornelio* Papa, variisque in Conciliis Provincialibus alijs proscriptum atque damnatum; fueritque tandem in Tridentino œcumenico Concilio, sess. 14. Can. 1. de Pœnitent. dictum: *Si quis dixerit, in Catholica Ecclesia Pœnitentiam non esse verè & propriè Sacramentum, pro fidelibus, quoties post Baptismum in peccata labuntur, ipsi Deo reconciliandis, à Christo Domino nostro insti-*

*institutum, anathema sit.* Non mirum, inquam; cum peccatores omnes etiam post Baptismum lapsos, ad poenitentiam & conversionem invitet Dominus, Ezechielis ore dicentis, cap. 18. vers. 30. *Convertimini, & agite poenitentiam ab omnibus iniquitatibus vestris; & non erit vobis in ruinam iniquitas .... Quia nolo mortem morientis, &c.* Et ne quis credat, Dominum ibi loqui de non baptizatis, seu de infidelibus, audiat Petrum Apostolum Actuum c. 8. v. 22. *Simoni Mago jam baptizato, & post Baptismum in peccatum lapso dicentem: Poenitentiam itaque age ab hac nequitia tua; & roga Deum, si forte remittatur tibi hæc cogitatio cordis tui.* Audiat & Christum tradentem Ecclesie potestatem quæcumque peccata post Baptismum commissæ remittendi, dum ait Joan. cap. 20. vers. 22. *Accipite Spiritum Sanctum; quorum remiseritis peccata, remittuntur eis.*

## De Agrippinianis.

*Agrippiniani* sic ab *Agrippino* Carthagenensi Præfule dicti, tertio currente sæculo suborti, sub Gallieno Imp. & *Stephano I.* Rom. Pont. circa annum 250. asseriebant, S. Cypr. teste, & S. Cyprianus cum illis, *rebaptizandos esse ab hæreticis jam baptizatos.* Acris fuit & celebris hæc de re inter beatum Cyprianum & *Stephanum I.* disputatio. Rebaptizandos esse volebat cum *Agrippino Cyprianus*; nihil innovandum ex eo quod traditum fuerat, agebat *Stephanus*. Traditum autem fuerat ab Ecclesia Romana, hæreticos cum ad Ecclesiam redire vellent, sola manus impositione, non retinzione debere purgari; sed tandem plenarii totius Ecclesie Concilii, non *Arelatenfis*, ut opinantur aliqui, sed ut probabilius tenent alii, *Nicani I.* auctoritate finita quæstio, & Baptismum hæreticorum verbis Evangelicis collatum, ratum & validum esse decisum; imò & hæc confirmata live renovata decisio à Tridentino Concilio, sess. 7. Can. 4. de Baptismo, sic dicente: *Si quis dixerit, Baptismum, qui etiam datur ab hæreticis in nomine Patris, & Filii, & Spiritus Sancti, cum intentione faciendi quod facit Ecclesia, non esse verum Baptismum; anathema sit.*

Agrippiniani.

## De Catharis,

*Cathari* iisdem ferè temporibus orti ac *Novatiani*, idem esse censentur ac illi, sed alio nomine dicti *Cathari*, id est, Mundi ac Puri, qui ideo sic dici volebant ob munditiam, qua se nitere superbissimè iactabant; docebant enim præter alios Novatianorum errores,

Cathari.

1. *Se sine peccato omnes esse*, ac proinde mundos; unde & omittebant illam Orationis Dominicæ petitionem, *Dimitte nobis debita nostra*, arbitantes se nulla indigere peccatorum venia, contra illud 1. Joan. cap. 1. vers. 8. *Si dixerimus quoniam peccatum non habemus, ipsi nos seducimus, & veritas in nobis non est.*

2. *Parrulas pariter sine peccato esse*, ac proinde Baptismo non egere contentebant, contra fidem Catholicam docentem nos omnes in Adamo peccasse, & illud Christi expressè dicentis, Joan. cap. 3. vers. 5. *Nisi quis renatus fuerit ex aqua & Spiritu Sancto, non potest introire in regnum Dei.*

## De Catharistis.

*Cathariste* sunt alii à *Catharis* longè diversi, de secta Manichæorum hæretici, Appar. Annati T. II.

Catharistæ.

retici, sub Aureliano Imp. & Felice I. Rom. Pont. orti circa annum 279; tresque in sectas divisi; alii enim, S. August. teste, lib. de hæres. cap. 46. nomen sectæ retinentes dicebantur *Manichæi*, alii *Macarii*, alii *Catharistæ*, id est, Mundatores, sive Purificatores, sic dicti ob immundas quas exercebant, diuque horrendas purificationes; immundas siquidem arbitantes creaturas omnes ob mali commixtionem principii, ut panem pro Eucharistia materia disponentes & mundum facerent, farinæ, ex qua conficiendus erat, semen miscebant humanum, sicque purificatum & mundum arbitantes panem, ex eo execrandum quoddam, non Christi, sed Sathane, dictum horrendum, & cogitatu pudendum conficiebant Sacramentum, imò ut verius loquar, execrumentum.

Sed hæc spurca hæresis sufficienter corrumpit eo ipso quo debellata est perversa qua nititur Manichæorum doctrina, duo indicens rerum prima principia, bonum unum, & malum alterum, rerum visibilium unum, & invisibilium alterum; quod univèrsa reprobatur Ecclesia, in Symbolo Nicæno publicè profitens, *Unum esse Deum, Creatorem visibilium & invisibilium*: Ac proinde tenens nullas esse creaturas ex se malas, cum sint omnes à Deo, de quo dicitur Gen. cap. 1. vers. 31. *Vidit Deus cuncta quæ fecerat, & erant valde bona*; & expressè dicat Paulus, prima ad Timoth. cap. 4. vers. 4. *Quia omnis creatura Dei bona est*.

#### De Arianiis.

*Ariani*, *Ariani* ab *Aerio* viro quodam *Eustachii* Sebastæ in Armenia Præfulis condiscipulo & æquali; qui teste S. August. lib. de hæres. cap. 53. *Cum esset Presbyter, doluisse fertur quod Episcopus non esset ordinatus*. Et ægrè ferens admodum, quod interim ad Episcopatum Sebastæ pervenisset *Eustachius*, in Ariam transiit hæresim, quarto incunte sæculo, sub Constantino Imp. & *Julio I.* Rom. Pont. hæresique Ariane de suo addens insana plura, docere cœpit, quod & post illum dixerè postea *Valdenses*, *Petrobustiani*, *Lutherani*, & *Calvinistæ*, & his adherentes alii, scilicet,

1. *Orare*, vel *sacrificium pro defunctis offerre inutile esse*, contra Ecclesiæ fidem & Scripturam variis in locis apertè reclamantem, ut v.g. aliis omis- sis, dum 2. Machab. cap. 12. vers. 43. refert celebre Jude Machabæi factum, *Qui misit duodecim millia drachmas argenti Jerusalem offerri pro peccatis mortuorum sacrificium, bene & religiose de resurrectione cogitans*. Quod factum ibidem eadem laudat & approbat, dicens: *Sancta ergo & salubris est cogitatio pro defunctis orare, ut à peccatis solvantur*. Et iterum dum illud Christu apud Matth. cap. 12. vers. 32. dicentis: *Quicumque dixerit verbum contra Filium hominis, remittetur ei: qui autem dixerit contra Spiritum Sanctum, non remittetur ei neque in hoc sæculo, neque in futuro*. Quo loco ostendit Christus, aliqua post mortem in futuro sæculo remitti peccata: atqui non remittuntur damnatis in inferno, cum in inferno nulla sit redemptio, neque Beatiss in Cælo, quò nihil inquinatum accedit; ergo remittuntur his, qui sunt in alio medio loco, quem Purgatorium dicimus: in quo post mortem detinentur animæ in gratia quidem sanctificante, sed levibus quibusdam peccatis maculatæ, à quibus purgari & mundari debent, antequam in celum Deum visatæ perveniant.

2. *Episcopis æquales esse Presbyteros* docebat *Aerius*, & post illum *Vindelicius*; quod manifestè refellitur ex illo Pauli prima ad *Timotheum* Ephesi Episco-



Episcopum cap. 5. vers. 19. dicentis: *Adversus Presbyterum accusationem non recipere, nisi sub duobus aut tribus testibus.* Agnoscit ergo & ostendit manifeste Paulus, *Timotheum* Ephesi Episcopum esse Presbytero majorem, & jurisdictione superiorem: ad quid enim, ut notat S. Epiph. *Timotheo* commendasset Paulus, adversus Presbyterum accusationem non recipere sine duobus aut tribus testibus, si Presbyterum jurisdictione non superaret Episcopus? Illud idem ostendit Apostolus; dum *Timo* Cretæ Episcopo dicit cap. 1. vers. 5. *Hujus rei gratia reliqui te Creta, ut constituas Presbyteros, &c.* Quod non dixisset sanè Paulus, si *Timo* ut Episcopum non judicasset esse jure divino Presbyteris & jurisdictione & ordinis potestate majorem; cum certum sit, nullum esse simplicem Presbyterum, qui Presbyteros sive Sacerdotes constituendi, seu consecrandi potestatem habeat.

Unde merito Concilium Tridentinum, sess. 23. Can. 7. sic definit: *Si quis dixerit, Episcopos non esse Presbyteris superiores, vel non habere potestatem confirmandi & ordinandi, vel eam quam habent, illis esse cum Presbyteris communem . . . anathema sit.*

Dicit *Aerius*. Paulus Apost. ad Philippenfes, cap. 1. vers. 1. scribens ait: *Omnibus Sanctis in Christo Jesu, qui sunt Philippis, cum Episcopis & Diaconibus.* Ibi Paulus per Episcopos intelligit Presbyteros; siquidem in una civitate Philippenfis non erant plures Episcopi, sed unus tantum, quem non nominat, & qui hujus Epistolæ lator erat, videlicet *Epaphroditus*, ut ait Theod. Ergo Presbyteros & Episcopos æquales esse, & non differre monstrat. Similiter dum Actuum cap. 20. vers. 28. ad majores natu Ecclesiæ Ephesiæ, ait: *Attendite vobis & universæ gregi, in quo vos Spiritus Sanctus posuit Episcopos regere Ecclesiam Dei.* Ibi, inquam, per Episcopos intelligit pariter Presbyteros; non enim Ephesi erant plures Episcopi propriè dicti, sed unus tantum; ergo Presbyteros ab Episcopis non differre docet.

Resp. perm. ant. neg. conseq. Ratio est, quia tempore Apostolorum, hæc duo nomina, *Episcopus* & *Presbyter*, erant omnibus Sacerdotibus tam majoribus, quam minoribus communia, & promiscuè utrisque tributa, majoribus scilicet, quos vocamus Episcopos propriè dictos, & minoribus quos Presbyteros dicimus, licet res nomine Episcopi significata, non esset simpliciter Sacerdoti & Episcopo communis; unde fit quod Paulus nomen Episcopi modò majoribus, modò minoribus Sacerdotibus tribuat, licet Episcopos jurisdictione & ordinis potestate majores agnoscat. Ideo autem communia tunc erant illa nomina majoribus & minoribus Sacerdotibus;

1. Quia sunt æquales in potestate consecrandi corpus Christi, & absolvendi à peccatis, licet impares in potestate ordinandi, seu consecrandi Ecclesiæ Ministros, & Confirmationis Sacramentum administrandi.

2. Quia tunc ante schismata, non tam auctoritate & jurisdictione distincta ac divisa, quam communiter cum Episcopo concordi Presbyterorum consilio, labore & zelo regebantur Ecclesiæ: unde Presbyteri dicebantur Episcopi, id est, Inspectores & morum populi correctores; non quod Episcopi propriè dicti potestatem & jurisdictionem haberent; sed quod cum Episcopo, & de illius consensu regerent Ecclesiam sua vigilantia, consilio & labore. Imò & in Conciliis cum Episcopis federent, sententiam suam rogati dicerent, ut constat ex illo Act. cap. 15. vers. 6. *Convenerunt Apostoli & Seniores*, id est, Presbyteri, *videre de verbo hoc.*

Sed paulò post, ipso etiam tempore Apostolorum, cum creseceret Ecclesia

& fidelium numerus, & abuterentur Presbyteri illa Episcoporum conniventia, facerentque schismata & seditiones; ita ut diceret unus 1. ad Cor. cap. 1. vers. 12. *Ego sum Cepha*, alter, *ego Pauli*, & alius, *ego Apollo*, ipsique Episcopis æquari vellent, ac consequenter ad ritè regendam Ecclesiam opus fuerit debito ordine, & debita sub uno Episcopo Ministrorum subordinatione, tunc Episcopi suam auctoritatem, & præminentiam tueri cœpere, & ceteros tam Presbyteros, quàm populos imperio regere, seque jure divino Presbyteres majores esse monstrare: eoque reipsa majores esse innuit *S. Ignatius Martyr*, dum ad Trallianos & Smyrnenles scribens, ait: *Presbyteri, subiecti estote Episcopis.*

## De Donatistis.

Donati-  
stæ.

*Donatista* schismate celebres, & hæresi famosi Africanæ Ecclesiæ viri, sub Constantino Imp. & *Melchiae* Rom. Pont. suborti, circa annum 313. nomenque fortiti, non à *Donato* Carthaginensi, ut multi putant, sed à *Donato* alto in Numidia à *Casiss nigris* Episcopo, teste *S. August.* lib. de hæres. cap. 69. ubi manifestè declarat 1. ipsum primum Donatistarum auctorem esse Numidiz *Donatum* à *Casiss nigris* Episcopum; alterum verò secundarium sectæ ducem ac defensorem fuisse *Donatum*, Majorini successorem, Carthaginensem Episcopum. 2. Ibi illum utrumque *Donatum* & *Donatistas* in hoc turpiter errasse. 1. Quòd in Ecclesia solos bonos, & non malos esse crederent. 2. Quòd Sacramenta à malis & impuris collata Ministris nulla esse putarent, ac proinde rebaptizarent etiam Catholicos ad suam sectam venientes; putabant enim, ob prætenso *Caciliani* crimina, totam ubique corruptam defecisse ac periisse Ecclesiam, & puram in sola remansisse Africæ *Donati* parte, sicque in ea sola verum esse baptismum; alibi verò nullum, nullosque nisi impuros & spurios meretricis Ecclesiæ Ministros; sic enim Catholicam vocabant Ecclesiam.

Sed perperam & falsò dicebant illi solos bonos in Ecclesia esse, cum multis in locis bonos & malos in Ecclesia esse Scriptura designet, ut v. g. aliis omisiss, *Matthæi* cap. 13. vers. 47. ubi Christus comparat regnum cœlorum, sive Ecclesiam *Sagena missæ in mare, & ex omni genere piscium congreganti; quam, cum impleta esset, educentes, & secus litus sedentes, elegerunt bonos in vasa, malos autem foras miserunt.* Ex quo loco probat *S. August.* contra Donatistas, in Ecclesia non tantum esse bonos & prædestinatos, sed etiam malos & reprobos. Illud idem inquit *Paulus* secundà ad *Timoth.* cap. 2. vers. 20. dum ait: *In magna domo non solum sunt vasa aurea & argentea, sed & lignea & fictilia; & quedam quidem in honorem, quedam autem in contumeliam.* Quod in loco *Paulus* per magnam illam domum; in qua sunt vasa aurea & argentea, lignea & fictilia, intelligit Ecclesiam, in qua sunt boni & mali; quem locum urgens *S. August.* lib. 4. de Bapt. contra Donatistas, cap. 12. citans *Cyprianum*, ait: *Sic igitur arguens Cyprianus eos, qui tanquam malorum consortium devitantes, se ab unitate diruperant, ostendit magnam domum quam dixit Apostolus, ubi essent non solum vasa aurea & argentea, sed etiam lignea & fictilia, non se intellexisse nisi Ecclesiam, ubi essent boni & mali, donec in sue area ventilata purgetur.* Perperam ergo & contra Scripturam, solum bonos, & non malos in Ecclesia esse Donatistæ credebant.

Nec minus errabant, dum rebaptizabant quos ab impuris Ministris baptiza-

ptizatos esse putabant, ut varia probant suprà relata Ecclesiæ Concilia, in causa Donatistarum, vel in causa rebaptizantium habita; idque multipliciter ostendit S. August. sed præsertim lib. 6. de Bapt. contra Donat. cap. 35. dum ait: *Scripturas divinas nusquam præcepisse, ut hæretici apud hæreticos baptizati denuò baptizentur; sed multis locis ostendisse, alienos esse ab Ecclesia omnes, qui non sunt in petra, nec ad columba illius membra pertinent, & tamen baptizare & baptizari, & habere sine salute Sacramentum salutis.* Si ergo ex S. August. baptizare & baptizari possunt hæretici, qui de foris sunt & mali; quanto magis & Catholici Ministri, qui intus sunt & in Ecclesia, baptizare possunt, & aliq. validè conferre Sacramenta, quantumvis mali & peccato imaculati? cum ad Sacramenti valorem non requiratur Ministri sanctitas, ut expressè docet Conc. Trid. *sess. 7.* Can. 12. dicens: *Si quis dixerit, Ministerium in peccato mortali existentem, modò omnia essentialia, quæ ad Sacramentum conficiendum aut conferendum pertinent, servaverit, non conferre aut conficere Sacramentum; anathema sit.*

## De Albanensibus.

*Albanenses* viri alios inter hæreticos sceleratissimi, sub Constantino III. Imp. & Leone III. Rom. Pont. anno circiter 796. varia inter impia alia, de quibus dictum alibi, 1. duo rerum principia cum Gnosticis, Manichæis, Carpocratianis, Cerdonianis, Marcionistis, &c. admittebant, bonum unum, à quo bona, & malum alterum, à quo mala prodirent omnia. 2. Vetus Testamentum respuebant, quia à malo principio esse putabant; novum econtrà admittebant, quia à bono principio esse cognoscebant. 3. Metempsychosim, seu animarum transmigrationem de corpore in corpora cum Pythagora tenebant. 4. Christum nec carnem de Virgine sumpsisse, nec verum hominem fuisse, nec in cruce passum, nec resurrectisse blasphemabant. 5. Nullam futuram carnis resurrectionem, nullumque futurum esse iudicium fingeant. 6. Infernum & Purgatorium nihil esse tenebant, Sacramenta Altaris & Extremæ-Uñctionis rejiciebant, & nullam virtutem Baptismo tribuebant, matrimoniumque malum esse prædicabant, parvulos Baptismo egere negabant. Præter hæc & alia fidei nostræ adversantia, & alibi satis everta & impugnata, Ecclesiæ potestatem à Christo traditam impugnabant, contra illud Christi, apud Matth. cap. 18. vers. 18. expressè dicentis primis nascentis Ecclesiæ Prælati, videlicet Apostolis: *Amen dico vobis, quæcumque alligaveritis super terram, erunt ligata & in calo: & quæcumque solveritis super terram, erunt soluta & in calo.* Et iterum Joan. cap. 20. vers. 21. *Sicut misit me Pater, ita & ego mitto vos: & cum hoc dixisset, insufflavit; & dixit eis: Accipite Spiritum Sanctum: quorum remiseritis peccata, remittuntur eis: & quorum retinueritis, retenta sunt.*

Albanenses.

## De Petrobusianis.

*Petrobusiani* dicuntur hæretici illi, qui duodeno currente sæculo sequebantur errores cujusdam Petri Bruisii hæretici viri, natione Galli, è Provincia Occitanæ, vel è Delphinatus montibus orti; qui per 20. circiter annos in his Galliæ partibus degens, malè vivens, loquens & scribens, sub Henrico V. Imp. & Callisto II. Rom. Pont. varias diffeminabat hære-

Petrobusiani.

### 362 De precipuis in Ecclesia subortis hæresibus.

*hæreses; dicens inter alia contra universalis Ecclesiæ fidem, 1. Missæ sacrificium nihil esse. 2. Fidelium preces nihil defunctis prodesse; & 3. Baptismum sine fide nihil prodesse parvulis.* Contra quem tam impiè loquentem strenuè pugnavit *Petrus Venerabilis*, & qui tandem post varia scelera, pecunia-ri iustitiæ decreto, incendio vivus perire iussus est in oppido *S. Agidii*, anno circiter 1126. cuius postea revixerit in Henricianis hæreses.

#### De Henricianis.

Henriciani.

*Henriciani Petrobusianorum errores & vestigia secuti, dicuntur nonnulli ejusdem Provinciæ hæretici, orti ab Henrico quodam Tolosano Monacho; qui sub Honorio II. Rom. Pont. & Lothario II. Imp. anno circiter 1128. spreto Monachatu, & relicto Religionis habitu, ad spurcicias carnis & sæculi, tanquam canis ad vomitum reversus est, & præ confusione inter cognatos & notos habitare non sustinens, vel potius non permisus, subcinxit lumbos suos, & iter, quæ nesciebat, arripuit, factus gyrovagus & profugus super terram, & ut viveret mendicus, evangelizans interim, & evangelizando docens cum Petrobusianis, 1. Missæ sacrificium nihil esse. 2. Pro defunctis orare nihil prodesse. 3. Baptisma sine fide esse parvulis inutile.*

Sed hæc omnia in Trident. Conc. sub anathemate damnata; primum quidem sess. 22. Can. 1. de sacrificio Missæ; secundum verò ibid. Can. 3. & tertium, quod capitale erat Petrobusianæ & Henricianæ sectæ dogma, sess. 7. Can. 13. sic desiniente: *Si quis dixerit, parvulos eò quod actum credendi non habent, suscepto Baptismo, inter fideles computandos non esse, ac propterea cum ad annos discretionis pervenerint, esse rebaptizandos, aut praestare eorum omitti Baptisma, quam eos non actu proprio credentes baptizari in sola fide Ecclesiæ, anathema sit.*

#### De Vvaldensibus.

Vvaldenses.

*Vvaldenses, sive pauperes de Lugduno, dicuntur hæretici duodeno grassantes Ecclesiæ sæculo, à Petro Vvaldo Lugdunensi mercatore suborti, & cum illo paupertatem Lugduni sponte professi anno 1160. unde Vvaldenses ab auctore, & Pauperes de Lugduno ab incepta Lugduni professione vocari. Is enim Vvaldus natione Delphinus, è vico Vvaldo ad Rhodanum ortus, factus Lugduni mercator opulentus, videns è concubitus unum subita morte raptum, ita perterritus fuisse dicitur à Rainerio Ord. FF. PP. viro, in Biblioth. PP. tom. 25. ut statim propria reliquerit, & pauperibus erogaverit omnia; sicque pauperes sectarios sibi traxerit innumeros, quos sub Friderico I. Imp. & Alex. III. Rom. Pont. docere cepit voluntariam sectari paupertatem, Christi & Apostolorum exemplo, eis interim licet Laicus illiteratus & ignarus novi Testamenti textum vulgariter explicans & prædicans, errores disseminando varios. Reprehensus & tacere iussus à Clero, non tacuit, sed Clerum quia moribus corruptum, sibi suorumque vitæ sanctæ invidere dixit: excommunicatus à Papa, in Delphinatus Sabaudiaque montes contigit cum suis, quorum insigniores dicebantur *Insuabitati*, quia in Sotularibus (quos vulgari lingua *Sabbates* dicebant) peculiari signo distincti; ibi in lus Gallia Sabaudiaque continuis diu grassati sunt, & inde vicinas in Provincias, Occita-*

Occitaniam, Vasconiam & Albigeum diffusi, ibique *Albigenses* ab *Albia* dicti, & ubique in Ecclesiam & Sacramenta, tot errores & falsa locuti, ut hic tædio plenum foret, & prolixum nimis notare singulos; iuvat solum ipsis proprios designare præcipuos aliquos, & quibus deducabant innumeros alios. Docebant enim

1. Ecclesia Christi Ministros propria possidentes, peccare omnes contra præceptum Christi dicentis, Matth. cap. 10. vers. 9. *Nolite possidere aurum, neque argentum, neque pecuniam in zonis vestris; non peram in via: & inde interebant* 1. Romanam defecisse Ecclesiam à tempore *Silvestri* Papæ, quo possessiones habere cœpit. 2. Nullum in ea quantumvis probum salvari posse. 3. Spemendas esse ejus Indulgentias, benedictiones, consecrationes, cæremonias, & alia ab Ecclesiæ Ministris fieri consuecta, nec obediendum esse Ecclesiæ Prælati, &c.

Sed in his omnibus turpiter errabant hæretici illi; illud enim præceptum de non portandis pecuniis, Apostolis à Christo traditum, non erat perpetuum, sed temporale, hoc est, pro tempore dumtaxat quo primò missi sunt bini per Judæam Apostoli, ut docet *S. Chrysost.* Homil. 9. in Epist. ad Philipp. & post illum *S. Anselmus*, *S. Thomas* & alii, & patet ex illo Christi Luc. 22. vers. 35. dicentis: *Quando misi vos sine sacculo, & pera, & calceamentis, numquid aliquid defuit vobis? At illi dixerunt: Nihil. Dixit ergo eis: Sed nunc qui habet sacculum, tollat similiter & peram; ubi, inquit Corn. à Lap. ly misi significat jam elapsum esse hoc præceptum, aut manifestæ persecutionis tempus traditum, & ly nunc significat diversum nunc eis fieri præceptum, & concedi jam quod antea prohibitum, nimirum ut tollant sacculum & peram, hoc est, marcupium, sive crumenam pecunia non vacuam, & peram cibo plenam.*

2. Dicebant omnem potestatem sive Ecclesiasticam, sive Laicam, solo mortali peccato perdiri; unde sacerdotem, per peccatum mortale, sacerdotem esse desinere, sic nec consecrare, nec absolvere, nec baptizare, aut alia similia præstare posse; & quemlibet e contra iustum, licet Laicum, hæc omnia posse tenebant; quod & post istos docuerunt *Vviclessite*, in Concilio Constantensi cum suo duce *Vviclesso* damnati.

Sed contra illos & alios quoscumque, hæc in re sic turpiter errantes audiendus est *S. Bernardus* Serm. 67. in Cantic. Canticorum num. 11. sic loquens: *Jam verò qui Ecclesiam non agnoscunt, non est mirum si Ordinibus Ecclesiæ detrahunt, si instituta non recipiunt, si Sacramenta contemnunt. Si mandatis non obediunt. Peccatores, inquit, sunt Apostolici, Archiepiscopi, Episcopi, Presbyteri, ac per hoc, nec dandis, nec accipiendis idonei Sacramentis, numquam duo ista conveniunt, Episcopum esse & peccatorem, falsum est. Episcopus erat Caiphas, & tamen quantus peccator, qui in Dominum mortis dicebat sententiam? si negas Episcopum, arguit te testimonium Joannis, qui cum in testimonium sui Pontificatus etiam prophetasse refert. Apostolus erat Judas, & lucet avarus & sceleratus, electus tamen à Domino: an tu de illius Apostolatu dubitas, quem Dominus elegit? Nonne ego, inquit, vos duodecim elegi? & unus ex vobis diabolus est. Audis eundem electum Apostolum, & extitisse diabolum, & negas posse esse Episcopum, qui peccator est: super Cathedram Moysi sederunt Scriba & Pharisei, & qui non obediunt eis tanquam Episcopo, inobedientie rei furunt, etiam in ipsam Dominum præcipientem & dicentem: Quia dicunt facite. Pates ergo quod quamvis Scriba, quamvis Pharisei, quamvis videlicet maximi peccatores, propter*  
Cathed-

### 364 De praeipuis in Ecclesia subortis haeresibus.

*Cathedram Moysi, ad eos quoque nihilominus pertinet. Quod item dixit, Qui vos audit, me audit; & qui vos spernit, me spernit.* Ex quo S. Bernardi textu vides quam manifestè constet, potestatem consecrandi, vel absolvendi, aliaque Sacramenta ministrandi, quæ est in ritè ordinatis Ecclesiæ Ministris, nullatenus mortali peccato deperdi; & licèt id non liquidò constaret ex S. Bernardo, hoc satis & manifestè constaret aliundè: nam sicut bonitas Ministri non confert potestatem hæc omnia præstandi, ita nec illam malitia tollit & aufert: Non enim idèò quis est Sacerdos, quia bonus & iustus; sed quia ritè per Episcopum ordinatus, & de iis, quibus in persona Apostolorum dictum à Christo in nocte Cænæ, Luc. cap. 22. vers. 19. *Hoc facite*; & post resurrectionem, Joan. cap. 20. vers. 22. *Accipite Spiritum Sanctum; quorum remiseritis, &c.* Et si quis simplex Laicus se talem dicat, ut *Pvaldus*, ille mendax est, seductor & lupus, à Diabolo, non à Christo missus.

3. Nullam orationem aliam, præter Dominicam, *Pater noster, &c.* admittendam esse docebant; unde horas canonicas, & cæteras Ecclesiæ preces rejiciebant ut inanes; & Eucharistiæ Sacramentum sine solita Ecclesiæ forma confici posse tenebant, dicendo septies *Pater noster, &c.*

In quo non minis errabant, cum præter Orationem Dominicam licèt omnium optimam nobis à Christo traditam, sint & innumeræ aliæ nedum in veteri, sed etiam in novo Testamento probatæ, quibus uti licitum & sanctum, qualis est, v. g. illa Leprosi dicentis Matth. cap. 8. vers. 2. *Domine, si vis, potes me mundare*; qualis illa Centurionis ibid. vers. 8. dicentis: *Domine, non sum dignus ut intres sub tellum meum; sed tantùm dic verbo, & sanabitur puer meus*; qualis illa Chananæ, Matth. cap. 15. vers. 22. clamantis: *Miserere mei Domine, fili David: filia mea malè à demonio vexatur*; qualis illa Apostolorum, Matth. cap. 8. vers. 25. in navicula clamantium: *Domine, salva nos, perimus.* Sed aliis ommissis, qualis illa; quæ Christus ipse, Matth. cap. 26. vers. 39. sic orat: *Pater mi, si possibile est, transseat à me Calix iste*; qualis denique ista ejusdem Jesu ad Patrem clamantis, Luc. cap. 23. vers. 46. *Pater, in manus tuas commendo Spiritum meum, &c.*

### De Albigenfibus.

Albigen-  
ses.

*Albigenfes* famosi sunt à *Pvaldensibus* pullulantes hæretici, ab *Albia* Albigenfium civitate Metropoli, Tolosæque vicina dicti; in qua primum grassari cœpere, 12. cadente sæculo, sub Friderico II. Imp. & Innocentio III. Rom. Pont. quorum secta in Comitatu Tolosano ita excrecere cœpit, & hæresis lolium ita in tota Occitania pullulare, ut brevi temporis intervallo integram infecisset Galliam, & è Gallia totam corruptisset Europam, nisi armata manu, & pia Cruciatorum expeditione fuisset eversa, Duce Comite à Monte-forti, qui sævientium illorum hæreticorum suis impietatibus & incurfionibus bellicis Ecclesiam conturbantium centum millia, sub Duce Petro II. Aragoniæ Rege potentissimò militantia, cum octo millibus Catholicis vicit & evertit; qua in expeditione sancta pro extirpanda hæresi non parùm adjuvit Euangelico prædicationis gladio sanctus Dominicus. Errabant autem impii illi, nedum *Pvaldensium* hæreses sectando varias, & miseram renovando *Manichæorum* sectam, sed in hoc præsertim

1. Quod duo admitterent rerum principia, cum *Manichæis*, *Gnosticis* & aliis.

2. Quod

2. Quod carnis resurrectionem negarent cum Sadducæis.
3. Quod animarum de corpore in corpora transmigrationem tenerent cum Pythagora.
4. Quod nec Infernum, nec Purgatorium pro defunctis admitterent.
5. Quod Baptismum inutilem esse predicarent.
6. Quod Sacramentum Eucharistia spernerent, & Christi corpus non aliter in pane, quam in rebus aliis esse blasphemarent.

Sed hæc impia omnia, licet alibi satis everfa & impugnata, variis in Conciliis, & præsertim in œcumenico Lateranensi quarto, sub Innocentio III. Catholica damnavit Ecclesia.

### De Flagellantibus.

*Flagellantes*, hoc est, incerti auctoris hæretici nonnulli in Italia primum orti, qui flagellationem æquiparantes Martyrio, passim oberrantes sub specie religionis seiplos virgis ac nodosis flagellis ad ostentationem concidebant; quique alios inter errores circa annum Domini 1273. per Galliam Germaniamque vagantes, in proprio sanguine de proprio corpore vi flagellorum expreſſo baptizandum esse dicebant, sub Rodolpho Imp. & Gregorio X. Pontifice, asserentes idiotæ illi ac imperiti viri, ab adventu suæ Sectæ, Christi Evangelium cessasse, & Baptismum aquæ in Baptismum sanguinis esse mutatum; hancque mutationem asserentes fuisse designatam à Christo, in nuptiis Chananæis aquam in vinum mutante.

Contra quam hæresim, sive dementiam, aperte pugnant varii Scripturæ textus, Christi Evangelium ad finem usque sæculi duraturum attestantes, ac proinde Baptismum aquæ, de quo in Evangelio Joannis cap. 3. vers. 5. expresse dictum est à Christo: *Nisi quis renatus fuerit ex aqua & Spiritu Sancto, non potest introire in regnum Dei.*

### De Vvicleffitis.

*Vvicleffita* à Joanne *Vvicleffo* dicti, viro natione Anglo, professione Presbytero, in Lincolnensi Diœcesi Parocho, & acris ingenii Theologo; qui sub Carolo IV. Imp. & Clemente VI. Rom. Pont. tot venenatos scripsit Libros, totque plena impietatis effutiit dogmata, ut 45. ejus perversæ doctrinæ articuli fuerint in Constantienſi Concilio damnati, feſſ. 8. anno 1314. Imò & habito prius diligenti & accurato examine super ejus impenitentia finali ac pervicacia, ipse *Vvicleffus*, hæreticus est declaratus, ejusque dudum vita functi & sepulti ossa effodi, exhumari & extra Ecclesiam projici jussa. Docebat autem impius ille hos inter damnatos articulos,

1. Substantiam panis & vini remanere post consecrationem in Eucharistia.
2. Accidentia panis & vini ibi consequenter non esse sine subiecto.
3. Christum hoc in Sacramento non esse realiter, & in propria corporali præsentia.
4. Episcopum, vel Sacerdotem in peccato mortali existentem, non ordinare, nec consecrare, nec baptizare.
5. Omnia absoluta necessitate evenire contendebat.
6. Contra Christi præceptum esse dicebat, Ecclesia Ministros temporalia possidere bona.
7. Inde concludebat, Clerum ditare, esse contra Christi præceptum agere.

8. S. Sil-

Flagellantes.

Vvicleffita.

### 366 De præcipuis in Ecclesia subortis hæresibus.

8. S. Silvestrum Papam, & Constantinum errasse, Ecclesiam dolando.

9. Imò Papam & ceteros Ecclesiæ Ministros temporalia possidentes, hæreticos esse, utpote quia contra jus divinum possessiones habentes.

Quæ, & alia similis impietatis inferebat ex falso principio jam in *Vvaldensibus* everso; unde meritò cum suis, & aliis impietatibus & blasphemis damnatus ab Ecclesia vir ille *Vvicleffus* scelestus & impius.

#### De Hussitis.

*Hussæ*. *Hussitæ* famosi sunt, è Bohemia, hæretici, à duce suo Joanne *Hus*, natione Bohemo, docto, sed orto de fæce populi viro *Hussitæ* vocati. Is enim Hæresiarcha scelestus & impius, licet aliunde apud Bohemos ingenio & eruditione clarus, ac Pragensis Academiæ Rector præpositus, cum sibi adjuncto *Hieronymo Pragensi*, insigni Bohemorum Doctore altero, *Vvaldensium* & *Vvicleffitarum* Prægæ renovare cœpit hæreses, & eas ita ventilare sub *Vvenceslao* Bohemorum Rege, & *Gregorio XII.* Rom. Pont. anno circiter 1407. ut brevi sibi permultos devicerit sectarios, hæresibusque suis totam ferè corrumperet Bohemiam. Citatus fuit perditus ille cum suo socio *Hieronymo Pragensi* à Concilio Constantiensi, rogatique sunt à Concilio illi duo passionum & hæresum socii, ne plus saperent quam Ecclesia, sed saperent ad sobrietatem, & peregrinas opiniones relinquerent; sed hi pertinaces in proposito, dicentes se Evangelii & Christi Discipulos esse, Ecclesiam verò Romanam, aliasque per orbem dispersas longè à Traditionibus Apostolicis abiisse, communi Concilii Patrum decreto sunt damnati, & igne cremari jussi anno 1415.

Illorum autem hæresis capitalis erat, quòd præterquam quòd ferè omnes *Vvaldensium* & *Vvicleffitarum* ventilarent hæreses, & 45. articulos *Vvicleffi* iniquè & injustè damnatos assererent, *Omnibus etiam Laicis sub utraque specie communicandum esse tenerent*. Tantusque illorum ardor erat pro illa nedum sub specie panis, sed etiam sub specie vini Communionem, seu ut ipsi loquebantur, pro Calice, ut suis in templis, domibus, vexillis & aliis Calices pingerent; unde & *Calicularii* vocati, orta que occasio Poetarum uni dicendi:

*Tot pingit Calices Bohemorum terra per urbes,  
Ut credas Bacchi numina sola soli.*

Communionem illam sub utraque specie idèò postulabant illi, quia illam credebant à Christo præceptam. Sed malè, quia si alicubi esset à Christo præcepta, maxime Joan. cap. 6. vers. 54. ut volunt *Hussitæ*, dum dixit: *Nisi manducaveritis carnem Filii hominis, & biberitis ejus sanguinem, non habebitis vitam in vobis*. Vel Luc. c. 21. v. 19. ut volunt *Lutherani*, dum dixit: *Hoc facite*; vel denique Matth. cap. 26. vers. 27. ut tenent *Calvinistæ*, dum dixit: *Bibite ex eo omnes*. Atqui non in hoc priori Joan. textu ab *Hussitis* allegato. Hoc enim negant *Lutherani*, & pater, quia licet ibi sit præceptum de Christi corpore & sanguine sumendis, non tamen de modo sumendi, sub una videlicet, vel sub utraque specie; nulla siquidem ibi sit mentio speciei panis, vel vini, sed tantum carnis & sanguinis. Carnem autem & sanguinem Christi sumit, qui alterutram speciem sumit. Non etiam dici potest præcepta hæc communio sub utraque specie pro Laicis,



Laicis, in Lac. textu à Lutheranis allato, *Hoc facite*; reclamant enim Calvinus, & fatetur nobiscum hoc solis dictum Sacerdotibus: non denique in tertio Matth. textu à Calvinistis citato, *Bibite ex eo omnes*; quia hoc ad solos Apostolos pariter dictum, declarat Marcus, dicens cap. 14. vers. 23. *Et biberunt ex eo omnes*; ergo nullibi præcepta: & hoc expressius declarat Trid. Synodus sess. 21. Can. 1. de Com. sub utraque specie, dicens: *Si quis dixerit, ex Dei præcepto, vel ex necessitate salutis, omnes & singulos Christi fideles utramque speciem sanctissimi Eucharistiæ Sacramenti sumere debere, anathema sit.*

De Lutheranis.

Lutherani sunt Martini Lutheri Sectarii. Erat autem *Luthers* vir patriæ <sup>Luthera-</sup> Islebientis, natione Saxo, & professione per 10. annos Eremitarum S. Augustini Monachus, sed qui vitæ religioſæ nausens regulam, exuto & ad urticas pulso Ordinis cucullo, ann. 1517. lapsus in apostasiam, & ex apostasia in hæresim, ex hæresi in magnum & sceleribus famosum evasit Hæresiarcham & Pseudo-Euangelistam, hæresum evangelizatione celebrem; qui Christi Euangelium depravans, corrumpens & adulterans, sicque corruptum & adulteratum, ut purum & novum Euangelium ventilans, tot sibi Sectarios adscivit, quos idè *Euangelicos* dici voluit; & *Euangelici* illi tot in Sectas postea divisi, ut tres in classes soleant hodie distingui.

1. est *Lutheranorum*, hoc est, eorum qui pura Lutheri sectantur dogmata.
  2. est *Semilutheranorum*, hoc est, eorum qui *Lutheri* placitis alia de suo miscent plura.
  3. est *Antilutheranorum*, hoc est, eorum qui, occasione Lutheri deficientes, dogmata sectantur *Luthero* contraria.
1. dicitur ab aliis *Anabaptistarum*, seu eorum Euangelicorum qui Baptismum parvulis nihil prodesse tenent, eosque idè rebaptizant, dum ad adultam ætatem pervenere.

2. est *Sacramentariorum*, seu eorum, qui *Berongarii* Sacramentarij patris renovantes errorem, docent Christi Corpus in Eucharistia non esse; quod cum sit contra Lutherum, idè ad Antilutheranos pertinent isti, quorum primus creditur *Carolstadtus* Archidiaconus Vvitembergensis.

3. est *Confessionistarum*, seu eorum, qui Lutheranissimi videri volentes, Confessionem Augustanam sectari se jactant & protestantur, unde *Protestantes* dicti & *Confessionistæ*; isti distingui solent in *rigidos*, *molles*, & *extravagantes*. *Rigidi* dicuntur hi, qui puris adhærent Lutheri placitis; *Molles* verò qui Vvitembergenſi adhærent Confessionis; *Extravagantes*, qui Confessionem subſcribere Augustanæ, ut Principibus placerent, seque Lutheranos dicunt, licèt sectentur dogmata *Luthero* contraria. Impia autem inter Lutheri dogmata, sunt ista: docet enim

1. *Libèrum hominis arbitrium per Adæ peccatum extinctum, & esse rem de mero titulo.*
2. *Nullum esse hominis meritum ad gloriam, sive salutem.*
3. *Hominem sola fide sine operibus iustificari.*
4. *Sacramenta nova legis nec gratiam conferre, nec characterem imprimere.*
5. *Confessionem auricularem inventum esse humanum.*
6. *In Eucharistia Sacramento post consecrationem remanere panem.*
7. *Corpus Christi hoc in Sacramento non semper esse, sed in solo usu.*

### 368 De præcipuis in Ecclesia subortis hæresibus.

8. Ab omnibus etiam Laicis sub utraque specie sumendum esse.
9. Missam nec à Christo institutam, nec sacrificium esse.
10. Sacerdotes ad Cælibatum non teneri, verbo & exemplo confirmat.
11. Indulgentias reprobatur, & pias fidelium fraudes vocat.
12. Contritionem ex metu gehennæ conceptam, peccatum esse.
13. Sanctos nec colendos, nec invocandos esse.
14. In Ecclesia solos esse bonos, non malos asserit.
15. Purgatorium ex Scriptura non posse probari tenet.
16. Deum hominibus impossibilia præcepisse contendit.

Hæc, & plura alia sunt impii Lutheri Pseudo-Euangelistæ placita, quæ singula singulis anathematismis in Trident. Conc. Catholica dudum & sapienter anathematizavit Ecclesia.

### De Calvinistis.

Calvinista.

Calvinista sic à Joanne Calvino, Gerardi Chauvini viri Catholici filio, natione Picardo, & patria Noviodunensi viro; qui Parisiis olim in Marchiano Collegio partim, & partim in Montis Acuti Gymnasio, peracto suorum studiorum decursu, in patriam reversus, inter dissolutos suæ patriæ viros, dissolutissimus eminebat, & exulavit, profugusque inter hæreticos suæ ætatis, post Lutherum, celeberrimus evasit, anno circiter 1547. sub Paulo III. Rom. Pont. & Carolo V. Imp. docens & prædicans inter alia impia plura, quibus nedum Sabaudix, sed & totius Galliæ Provincias infecit omnes.

1. Christum licet absentem in Cæna, vi tamen & efficacia præsentem esse.
2. Hominum sola fide sine operibus justificari.
3. Hominem justificari per solam iustitiam Christi imputatam.
4. Nullum esse opus hominis vite æternæ meritum.
5. Mandata Dei hominibus impossibilia esse.
6. Nullum esse mortale peccatum, præter incredulitatem.
7. Nullumque esse discrimen inter mortale & veniale peccatum.
8. Missam nec à Christo institutam, nec sacrificium, nec bonum opus esse.
9. Baptismum Joannis ejusdem esse virtutis cum Baptismo Christi.
10. Baptismum ad salutem non requiri, fideliumque pueros posse sine eo salvari.
11. Peccata post Baptismum, sola Baptismi suscepti recordatione deleri.
12. Nec Confirmationem, nec Extremam-Uncionem Sacramenta esse.
13. Clericos nec ad Cælibatum, nec ad continentiam teneri.
14. Vota inutilia omnia, & nihil prodesse.
15. Omnes generali præcepto ad nuptias teneri.
16. Liberum arbitrium divinæ gratiæ motione tolli, gratiamque semper esse efficacem esse.

Sed hæc omnia, & alia impia Calvinii, sicut & Lutheri signenta in eodem Trident. Conc. singulatim & expressè fuere distinctis Canonibus anathematizata, videlicet 33. Canonibus de Justificatione, 13. de Sacramentis in genere, 14. de Baptismo, 3. de Confirmatione, 11. de Eucharistia, 15. de Penitentia, 4. de Extrema-Uncione, 4. de Communione sub utraque specie, 9. de Sacrificio Missæ, 8. de Ordine, & 12. de Matrimonio. Et merito sanè anathematizata hæc omnia nova Lutheri, Calvinii & aliorum quorumcumque sequacium Novatorum dogmata: nam tempore quo

quo ortus est Lutherus, quo ortus Calvinus, quo post illos quilibet novator, reformator vel Pseudo-Euangelista ortus est alius; vel jam perierat, sive defecerat Ecclesia, vel non. Si perierat jam Ecclesia, ergo tunc nulla erat Ecclesia, ergo extra Ecclesiam natus est Lutherus, extra Ecclesiam natus pariter Calvinus, & quilibet post illos novator sive reformator alius; sicque nullus ex iis erat verum Ecclesie membrum, nec fidelis, sed infidelis, sed hæreticus, vel paganus, non audiendus, sed vitandus, & velis remisque fugiendus. Si verò non perierat vera Ecclesia, nec vera consequenter perierat fides; ergo in ea natus, baptizatus, educatus & instructus est Lutherus; natus in ea pariter Calvinus: ergo hanc Ecclesiam deserens Lutherus, hanc Ecclesiam deserens Calvinus, à vera Ecclesia, & consequenter à vera fide uterque recessit & apostatavit, dum per nova dogmata, novam aliam, quam reformatam vocat, instituit; ac proinde non vera, sed schismatica, sed falsa, sed apostatica illius utriusque prætenso reformatam Ecclesia; ergo illius huiusmodi Ecclesie fides non est Ecclesie Catholicæ & veræ, sed falsæ, sed apostaticæ, sed malignantium Ecclesie fides, hoc est, non vera, sed falsa, sed nulla fides, cum vera fides sit una, sicut & Ecclesia una, juxta illud Pauli Apostoli ad Ephesios cap. 4. vers. 5. dicentis: *Unus Dominus, una fides, unum Baptismum*,

### De Anabaptistis.

*Anabaptistæ*, sic ab iterato Christi Baptismate dicti, quorum Sectæ anno 1522. circiter ortæ, primus creditur auctor Balthasar Pacimontanus, vel ut probabilius credunt alii, *Nicolaus Storkius*; qui cum primum *Luthero* adhæsisset, ab eo postea deficiens, & insolitas revelationes ventilans ac jactans, Vvitemberga pulsus, per Thuringiam divagans, apud rusticos idiotas & ignaros fidem inveniens de secretis, ut jactabat, sibi per Michaelem Archangelum revelatis, eis persuasit ut libertatem profiterentur Evangelicam, & spreta rerum mundanarum cura, soli Deo vacarent, sequos rebaptizari sinerent, & eos, qui tali doctrinæ repugnarent, igne ferroque deleterent; asserens, naturam omnes genuisse liberos homines, nec allos ab aliis gravari voluisse, omniaque singulis communia esse; unde sectæ dogma præcipuum erat, *Parvulis rationis usu carentibus nihil prodesse Baptisma*, occasione orta ex *Lutheri* Epistola ad Vvaldenses, sive Picardos scripta, qua assererat, inter alios, satius esse Baptismum in parvulis omitti, quàm illum sine fide conferri, cum dicat Dominus, Marci cap. 16. vers. 15. *Qui crediderit, & baptizatus fuerit, salvus erit, &c.* Quæ Christi verba de adultis intelligi non adverrentes, Catholicos omnes, etsi in infantia baptizatos, ad suam deficientes sectam, rebaptizabant, & inde *Anabaptistæ* vocati hujus sectæ viri, antiquum *Agrippini* renovantes errorem.

*Anabaptistæ* illi deinde varias in sectas divisi, quæ vel ab Auctoribus suis, vel à locis, vel à doctrina, vel à vitæ instituto varia traxere nomina, horumque Sectarii fuere præcipui.

1. *Müntzeriani* à Thoma *Müntzerio* Alstensi in Thuringia concionatore; qui è Sacerdote Catholico in Lutheranum mutatus, ita scitè enthusiastam agens, & vitæ austeritatem simulans, Sectam dilatavit, ut Sectæ auctor creditus fuerit.

2. *Adamitæ*, de quibus jam alibi, sic ab Adæ nuditate, quam præter

Appar. Annali T. II.

A a

alia

Anabaptistæ,

Eorum-que sectarii.

alia cum Anabaptistis communia dogmata sequebantur, ut sic Adæ simularent innocentiam, cujus antiquæ hæresis renovator in Bohemia creditur Picardus quidam, natione Belgicus.

3. *Baculares*, sive *Stebleri*, qui nec gladium, nec telum, nec aliud quodeumque armorum genus, præter baculum, Christianis deferre fas esse dicebant, vim vi repellere nefas esse putantes.

4. *Clancularii* sic dicti, quia latere studebant, suamque fidem manifestare fugiebant; nulla adeuntes templa, domi se suosque docebant, vel in hortis; unde & *Frates Hortenses* dicti.

5. *Manifestarii*, qui e contra suam omnibus manifestabant fidem, eam occultare impium esse putantes.

6. *Sabbatharii*, qui, Judæorum more, Sabbatum colebant, diem Dominicam spernentes.

7. *Dæmoniacy*, qui post finem mundi, Dæmones salvandos esse credebant.

8. *Communia habentes*, qui uxores, liberos, & alia omnia communia esse tenebant.

9. *Condormientes*, qui promiscuè viros & fœminas simul habitare & dormire volebant.

10. *Lacrymantes*, sive *Ejulantes*, qui nihil Deo gratum esse putabant, nisi perpetuò lacrymarentur & ejularent.

11. *Davidiani*, seu *Georgiani*, hoc est, cujusdam Davidis Georgii Amersfordienfis Sectarii, qui sese tertium Davidem, verumque Messiam jactabat.

12. *Menmonita* à quodam *Mennone* Simonis ex Frisiz pago oriundo, qui voce, colloquiis & scriptis sectam propagavit.

13. *Polygamista* denique, qui præter communes alios cum Anabaptistis ætiores, plures simul uxores habere licitum esse dicebant.

Sed illorum omnium Anabaptistarum, *Baptisma parvulorum inutile putantium*, & *rebaptizantium adultos in infantia baptizatos*, dudum proscripta, & ultimò tandem à Trident. Conc. damnata est hæresis, sess. 7. Can. 13. de Bapt. dicente: *Si quis dixerit, parvulos eò quod alium credendi non habent, suscepto Baptismo, inter fideles computandos non esse, ac propterea cum ad annos discretionis pervenerint, esse rebaptizandos, aut præstare omitti eorum Baptisma, quàm eos non alium proprio credentes baptizari in sola fide Ecclesia, anathema sit.*

### De Sacramentariis.

Sacra-  
mentarii,

*Sacramentarii* recentiorum temporum vulgò dicuntur hæretici illi Secta sua Antilutherani, & de tertia Evangelicorum classe viri, qui *Berengarii* dudum damnatam & sopitam renovantes hæresim, *negant realem corporis & sanguinis Christi in Eucharistia Sacramento præsentiam*; quorum primus creditur *Andreas Carolstadius*, vir natione Germanus, & professione Vvitembergenfis primùm Archidiaconus, Lutherique coætaneus & familiaris, sed postea ex Archidiacono & Sacerdote primus, qui è Clero apud Germanos, magno cum Ecclesiæ scandalo, uxorem ducere fuit ausus, quique primus hunc de Eucharistia commovit tumultum, asserens in *participatione Cænæ Dominicæ non distribui corpus & sanguinem Christi*; idque sub *Calice* V. Imp. & *Clemente VII.* Rom. Pont. anno circiter 1524. Hunc deinde

inde subsecuti sunt plures alii, sed ita sua doctrina varii, ut varias in sectas sive factiones fuerint divisi, variaque nomina sortiti, quales fuere præsertim isti inter alios,

Eorum-  
que secta-  
rii,

1. *Significativi*, hoc est, hi qui asserentes in Eucharistia esse solum Christi corporis signum, ly est pro *significat* sumendum esse volebant, quorum Duces fuere præcipui *Carolstadius* Vvitemberg. Archidiac. & *Zuinglius* Constantiensis Canonicus.

2. *Tropistæ*, qui non corpus, sed solam Corporis Christi figuram in Cœna esse contendebant, ut *Oecolampadius* Brigittanus apostata.

3. *Energici*, qui solam energiam, seu virtutem Corporis Christi in Cœna esse, sive à sumentibus recipi credebant, ut *Calvinus* cum suo grege.

4. *Arrhabonarii*, qui in Cœna Domini arrhabonem, seu pignus Christi dari fingeant, ut *Stancarus* in Polonia docebat.

5. *Adestenarii*, quorum alii in Eucharistia Corpus Christi ita adesse volebant, ut esset in pane, alii circa panem, alii cum pane, alii sub pane; unde quatuor in classes divisi.

6. *Pastillarii*, qui Christi Corpus in Eucharistia præsens quidem esse, sed in pane, aut sub pane esse volebant, sicut farina in pastillo est, aut pillulæ in ovo reconditæ; quales fuere 14. Suevici Pastores Lutherani, quorum antesignanus *Brentius* erat.

7. *Metamorphistæ*, qui Christi corpus à Christi in Cœlo ascensu, Deum factum esse dicebant, sicque in Cœna adesse, ut Deus est, non ut caro, qualis fuit *Suensfeldius*.

8. *Isariotæ*, qui Judam Iscariotem in Cœna Domini, Christi Corpus non sumpsisse tenent, ut *Calvinus* & *Suensfeldius*.

9. *Neutrales*, qui Communionem sive sub una, sive sub utraque specie necessariam esse negant; unde est quod à Communionem abstineant multi; ita communis Lutheranorum praxis.

Sed contraillos omnes sive antiquos, sive recentiores *Sacramentarios* pugnat universalis Ecclesiæ fides de Eucharistiæ Sacramento, variis in Conciliis, sed tandem in Tridentino 24. Canonibus declarata, videlicet undecim sess. 13. de ipso Eucharistiæ Sacramento, quatuor sess. 21. de communione sub utraque specie, & novem sess. 22. de Sacrificio Missæ; sed præsertim sess. 13. cap. 8. Can. 1. qui sic habet: *Si quis negaverit, in sanctissimo Eucharistiæ Sacramento contineri verè, realiter & substantialiter corpus & sanguinem unum cum anima & Divinitate Domini nostri Jesu Christi, ac proinde totum Christum; sed dixerit tantummodo esse in eo, ut in signo, vel figura, aut virtute; anathema sit.* Et meritò anathematizantur qui id negant, cum ipsa Veritas Christus id expressè doceat, Matth. cap. 26. vers. 26. suis secum cœnantibus Apostolis dicens: *Accipite, & comedite: hoc est Corpus meum.*

## De Protestantibus.

*Protestantes*, sive Confessionistæ dicuntur hi de secta Lutheri, vel ex ea pullulantes alii Novatores hæretici, qui Confessionem Augustanam professantur & tenent, quæ Confessio Augustana nihil est aliud, quam fidei professio à *Luthero* primum 17. articulis proposita, deinde à *Melanctone* 21. articulis meliorem in formam redacta, & 7. additis aliis ad 28. articulos usque producta, sicque Carolo V. Imp. in Comitibus Augustanis oblata à Protestantibus Germaniæ Principibus, & istis adherentibus aliis, qui

Prote-  
stantes.

paulò antea, hoc est, anno 1529. in generalibus Spiræ Comitibus, contra decretum quo tollebatur libera cuicque religionis optio, & præcipiebatur Catholica professio, protestati fuerant, postulantes permitti sibi conscientia libertatem, seu liberam relinqui sibi religionis electionem, usque ad futurum generale, vel nationale Concilium; unde & hi primum Protestantes dicti, & cæteri deinceps eisdem adhærentes, & præfatam sequentes Melanthonis Confessionem illam, Augustanam ideò dictam, quia in iis Comitibus Augustanis à Protestantibus illis oblatam anno 1530. sed à Catholicis omnibus meritò repulsam & explosam; continebat enim 28. articulos, eratque duas in partes ita digesta, ut

Prior pars 21. contineret articulos, quorum aliqui divinam essentiam, Trinitatem personarum, vel Verbi Incarnationem spectantes, licet essent Orthodoxi; alii tamen, quantumvis modificati vel mitigati, erant quoad substantiam hæretici.

Pars verò posterior 7. dumtaxat, sed hæreticos complectebatur articulos, quorum primus Communem sub utraque specie præcipiebat, & sanctissimi Eucharistiæ Sacramenti processionem inhibebat. Secundus Sacerdotum cœlibatum damnabat. Tertius privatas abolebat Missas. Quartus necessitatem confitendi peccatorum numerum negabat. Quintus Traditiones rejiciebat. Sextus Monastica vota damnabat. Et septimus denique potestatem Ecclesiasticam, solum respicere Evangelii prædicationem, vel Sacramentorum administrationem asserbat. Quæ omnia, Catholica reprobat, & novissimè in Trident. Concilio Catholica Ecclesia damnavit, dum has & alias damnavit Lutheri & Calvinii, aliorumque Novatorum hæreses.

### De Adiaphoristis.

Adiaphoristæ.

*Adiaphoristæ*, (quales fuerunt de mollium Confessionistarum classe Vvitembergenses & Lipsenses Theologi,) dicuntur hi, qui nedum Ecclesiæ cæremonias, Conciliorum Constitutiones, sed etiam & *Sacramenta omnia ad salutem indifferentia esse* docebant; ita ut illis uti, vel non uti possent sine peccato fideles singuli pro bono pacis; unde meritò *Adiaphoristæ* fuerunt vocati, à voce græcâ *ἀδιαφορῶν*, latinè sonante *indifferens*; sed isti pariter communi SS. PP. voce, & perenni Ecclesiæ praxi damnati, imò & anathematizati ab eodem Trident. sess. 7. Can. 4. de Sacram. in genere: *Si quis dixerit, Sacramenta nova legis non esse ad salutem necessaria, sed superflua, & sine eis, aut eorum voto, per solum fidem homines à Deo gratiam justificationis adipisci, licet omnia singulis necessaria non sint; anathema sit.*

### De Bissacramentalibus, Trisacrament. & Quadrifacr.

Bissacramentales, Trisacramentales, Quadrifacr.

*Bissacramentales, Trisacr. & Quadrifacr.* sunt alii ex eadem Lutheri schola suborti, & de Sacramentorum numero malè sentientes hæretici. *Bissacramentales* nimirum, qui duo solum admitterebant Sacramenta, *Baptismum* videlicet, & *Canam*, ut Calvinus, & *Flacciani*, à Mathia viro Illyricano dicti. *Trisacramentales*, qui tria, *Baptismum* scilicet, *Canam*, & *Abolutionem* agnoscebant, ut totius Lipsensis districtus incolæ, ut & *Jacobus Præpositus* natione Flander, & Augustiniana professione Monachus, Lutheri focius. *Quadrifacrmentales* denique, qui quatuor, *Baptismum*, *Canam*,

*Canam, Absolutionem & Sacerdotium* admittebant, ut praxis communis est; sed perperam, & non catholicè in toto Vvitembergensium districtu, contra Catholicam universalis Ecclesiæ fidem, in Trident. Concilio, sess. 7. Can. 1. sic expressam: *Si quis dixerit, Sacramenta nova legis non fuisse omnia à Jesu Christo Domino nostro instituta, aut esse plura, vel pauciora quàm septem, videlicet Baptismum, Confirmationem, Eucharistiam, Pœnitentiam, Extremam-Unionem, Ordinem, & Matrimonium, aut etiam aliquod horum septem non esse verè & propriè Sacramentum; anathema sit.*

## ARTICULUS IX.

*De precipuis circa Deiparam Virginem, aliosve Sanctos in Cælo regnantes hæresibus.*

Cum sanctissima Deipara ea sit, de qua piè canit Ecclesià, *Gaude Maria Virgo, cunctas hæreses sola interemisti in universo mundo*; non mirum, si hæc ipsa licèt clemens, licèt pia, licèt dulcis Virgo Maria, benigna, inviolata & gratia plena, omniumque Sanctorum Regina, cui fecit magna qui potens est, & quam benedicent omnes generationes; non sanè mirum, si hæreticorum omnium iniqua loquentium in se concitaverit ora & odia, fuerintque ex iis nonnulli in ipsam, ejusque clientes Sanctos Dei amicos singulariter blasphemii, inter quos, præter *Manicheos, Apellitas, Nestorianos*, & supra depictos hæreticos alios, numerari possunt *Antidicomarianita, Collyridiani, Vigilantiani, Iconoclasta, Hugonista, & alii.*

Circa B. Virginem & Sanctos errant inter alios

## De Antidicomarianitis.

*Antidicomarianita, sive Antidicomariani*, seu B. Mariæ Virginis adversarii dicuntur, *Hosio & Lindano* testibus, tum hi qui impiam, dudumque ab Ecclesià in Ephesino Concilio primo damnatam Nestorii renovantes hæresim, B. Mariam Dei Genitricem esse negant; tum hi qui cum *Helvidio Auxentii Hæresiarchæ Mediolanensis* Episcopi hæretico discipulo, à quo *Helvidiani* hæretici, vel cum *Joviniano*, viro pariter hæretico & excucullato urbis Romanz Monacho, perpetuam B. Mariæ Deiparæ Virginitatem impugnant, perperam & falso putantes eam post Christum natum, fuisse à viro suo *Joseph carnaliter* cognitam, aliosve ex eo genuisse liberos, idque ex illo colligentes malè intellecto Matthæi loco, cap. 1. vers. 18. sic expresso: *Antequam convenirent, inventa est in utero habens.* Et iterum ex isto ibid. vers. 25. sic concepto: *Non cognoscebat eam, donec peperit Filium suum primogenitum.* Indeque inferentes Christum plures habuisse fratres, & confirmantes ex illo Judæorum apud Matth. cap. 13. vers. 47. Christo dictum: *Ecce mater tua, & fratres tui foris stant, quærentes te.*

Antidicomarianita.

Sed perperam & malè, cum Scripturæ mos non sit, ut primogenitum vocet, quem fratres sequuntur, sed eum qui primò natus est, ut constat de verborum significatione, cap. *Joseph*; & soleat passim eos appellare fratres, qui aliqua sunt consanguinitate conjuncti, etsi non sint ex iisdem parentibus orti; sic *Lot* vocatur frater *Abraham*, dum Genes. cap. 13. vers. 8. dixit *Abraham* ad *Lot*: *Nè, quæso, sit jurgium inter me & te, & inter*

*Pastores meos & Pastores suos : fratres enim sumus ; licet tantum , ex eadem Scriptura , fratris Abraham filius esset : ex iis ergo alijsve similibus Scripturæ locis , B. Virginem Mariam , alios post Christum genuisse filios , colligi nequit , præsertim cum id derogat Dei Matris dignitati , & repugnet Ezechiel , de ea vaticinanti & dicenti , cap. 44. vers. 2. Porta hæc clausa erit : non aperietur , & vir non transibit per eam ; quoniam Dominus Deus Israel ingressus est per eam ,*

## De Collyridianis.

**Collyridiani** Collyridiani fuisse nonnulli , in Arabia præsertim grassantes hæretici , ex Thracia & Scythia superiore suborti sub *Theodosio I.* Imp. & *Siricio* Rom. Pont. anno circiter 395. qui majori , quam pat. erat , & indebito B. Mariam Virginem glorificantes honore , eam veluti Deum colebant , eique sacra facere , & sacrificium ipsis quoque fœminis permittebant , coque ritu , ut fœminæ curram quendam , sive cellam quadratam ornantes , super eam quadrangulum panderent linteum ; cui collyridam , sive parvum panem imponentes , statò quodam ac solemni anni die in nomine Mariæ sursum tollerent , sicque ex illo communicarent pane , alijsque distribuerent astantibus cæteris ; unde & Collyridiani vocati hujusce sectæ viri.

Sed durè increpandi , & Ecclesiæ anathemate digni hi omnes , quia speciem Idololatriæ profitentes hæretici ; est enim à nobis summè veneranda B. Maria , quia Virgo Deipara sanctissima ; sed non sacrificiis colenda , quia non Deus ; Deus enim noster unus est , qui dicit *Isaïæ* cap. 45. vers. 5. *Extra me non est Deus ; & Osce* cap. 13. vers. 4. *Deum absque me nescies , & Salvator non est præter me*. Illi ergo soli , & nulli creaturæ quantumvis perfectæ divini debentur honores , dicente Paulo 1. ad *Timoth.* c. 1. v. 7. *Regi autem sæculorum immortalis , invisibili , soli Deo , honor & gloria*.

## De Vigilantianis.

**Vigilantiani** Vigilantiani hæc dicuntur à nobis hi , qui in Sanctos in cælo cum Christo regnantes impiè loquuntur cum *Vigilantio* hæretico viro , natione Gallo , professione Barcinonensis Ecclesiæ Presbytero , vivente sub *Arcadio* Imp. & *Anastasio I.* Rom. Pont. anno circiter 402. docente , inter alia impia multa , Sanctos in cælo regnantes nec venerandos esse , nec invocandos , nec illorum honorandas reliquias ; unde quòd Martyrum sepulchra veneranda esse negaret , & Sanctorum Vigiliasdammaret , non *Vigilantium* , sed *Dormitantium* potius vocandum esse dicebat olim , ad *Riparium* & *Desiderium* Presbyteros scribens *Hieronymus* , qui duobus Libris hos Vigilantii confutavit errores ,

Quos ante Vigilantium ipsum tenuere *Eunomiani* , *Eustathiani* , & *Porphyriani* : sopitofque post Vigilantium revocarunt nedom *Waldenses* , *Priscillitæ* & *Hussitæ* ; sed etiam cum *Luthero* , *Zuinglio* & *Calvino* , nostri temporis Evangelici ferè omnes , teste *Lindano* , in sui *Dubitantii* dialogo secundo , sic loquente : *Porphyrius* , *Eunomius* , *Eustathius* , *Vigilantius* , aliique *Hagiomachi* , Sanctorum miracula asebant esse *Dæmonum* prestigias , neque eorum reliquias venerandas , neque Sanctos ad auxilium invocandos ; eorum insana dogmata nunc ab orco revocant *Lutherus* , *Zuinglius* , *Calvinus* , aliique propè omnes. Evangelici ; imò & cæteri alii , quotquot Sanctos in cælo cum



cum Christo regnantes invocandos esse, vel illorum reliquias venerandas esse, cum *Vigilantio* negant, sicut & *Iconoclastæ*.

### De Iconoclastis.

*Iconoclastæ*, sive *Iconomachi*, hoc est, sacrarum Imaginum fractores & hostes, dicuntur hi, Staphylo teste, qui Christi Sanctorumque omnium Iconoclastæ. Imagines è templis ejiciunt, quales dici possent inprimis Judæi, qui Imagines oderunt omnes; asseruntque ideò Talmudici, Christianorum Ecclesias Idololatriæ domos esse, quia variis Christi Sanctorumque Imaginibus ornatas: quales & *Mahometani*, qui Judæorum exempla secuti, suo in Alcorano Imagines prohibent omnes; propriè dictorum tamen *Iconoclastarum* dici & grassati cœpit hæresis, & sacrarum Imaginum crudeliùs sævire persecutio anno circiter 719. sub *Gregorio II.* Rom. Pont. & Imp. Leone III. vulgò *Leone Isaur*o nuncupato, qui maligno nonnullorum Judæorum impulsu, impiorum quorundam convocato Episcoporum Concilio, impium de abolendis Imaginibus tulit edictum, anno circiter 730. unde & *Iconomachus*, id est Imaginum demolitor, everfor, impignator & hostis jure vocatus. Leonem Isaurum secutus est *Constantinus Copronymus*, patris impii impius successor & filius; qui altera pariter Constantinopolim convocata Synodo, non minus, imò crudeliùs sævit in sacras Imagines, quas speciali pariter decreto, è templis abolet omnes.

Hanc hæresim licèt dudum ab Ecclesia proscriptam, & à 350. Patribus in secunda Nicæna Synodo, œcumenica septima, damnatam, ausi sunt nihilominus renovare posteriores hæretici non pauci, *Iconoclastæ* recentiores ideò non immerito dicendi, quales sunt inter alios, *Valdenses*, *Wicleffiti*, & *Hussiti*, de quibus supra, imò & quotquot variis in Europæ locis grassantur adhuc *Hugonistæ*.

### De Hugonistis.

*Hugonistæ*, sive Sacramentarii sunt è tertia Evangelicorum classe hæretici viri, vulgò in Germania *Calvinistæ*, in Anglia *Puritani*, in Boemia *Picarditi*, in Belgio *Gueussii*, & passim in Gallia, vulgari nomine *Hugonistæ* vocati: unde autem sic dicti, variè opinantur varii; arbitrantur enim nonnulli eos sic ab *Hugone* quodam Iudi Magistello Parisiensi vocatos, alii ab ipsorum libello quodam supplici, cujus initium erat, *Huc nos venimus*, hoc eis evenisse nomen asserunt. Contendunt perpetràm & falsò ex ipsis aliqui, se sic ab *Hagone Capeto*, ex Parisiensi Comite, Francorum Rege dictos, eò quòd de Galliarum Sceptro certantibus *Hugonis* Capeti posteris cum aliis ex Carolo Magno satis, ipsi, ut ajunt, pro Capeti posteris steterint contra alios; putant denique & multò probabilius alii, eos sic primum in urbe Turonica dictos à turte quadam *Hugonis*, sive *Hugonica* dicta, in qua, vel prope quam suos conventus habere solebant hi præteritæ reformatæ Religionis viri, à nobis passim *Hugonistæ* vocati; quique omnes quia nedum cum *Vigilantio* Sanctos in cœlo regnantes invocandos esse negant, reliquiasque calcant; sed insuper cum *Iconoclastis* sacras Imagines è templis abolent, ideò nedum inter *Vigilantianos* cum Evangelicis, & aliis ferè omnibus, sed & cum *Valdensibus*, *Wicleffitis* & *Hussitis*, inter *Iconoclastas* licèt recentiores annumerandi.

Contra quos omnes tam Iconoclastas, quàm Vigilantianos & Hugonistas, cæterosque alios, sive in Sanctos, sive in sacras Reliquias, aut in Imagines sacras blasphemantes hæreticos, clamat communis ac perennis Ecclesiæ Catholicæ sensus; fuit enim semper dogma Catholicum, seu Catholicæ Ecclesiæ doctrina, licitum esse Sanctos in cælo regnantes invocare, sacras illorum Reliquias venerari, Imaginesque sacras honorare seu adorare, non quidem adoratione Latriæ soli Deo debita, sed adoratione longè inferiori, & solum honoraria, in sola, v. g. salutatione, genuflexione, in inflexione capitis, osculatione, vel in aliquo alio simili ritu externo posita, imò nec absoluta, sed relativa; ita ut non sistat hæc adoratio in ipsis sacris Imaginibus vel Reliquiis, sed transeat & referatur ad Sanctum illum, cujus sunt reliquiæ, vel imago: & quamvis tribus primis Ecclesiæ sæculis non tam frequens, sed ferè nullus, aut saltem rarus vigerit, ob sævientem tyrannorum persecutionem, actualis & externus tam Reliquiarum, quàm sacrarum Imaginum cultus & usus; viguit tamen in Ecclesia dogma de licita & utili Sanctorum invocatione, necnon de licito tum Reliquiarum, tum sacrarum Imaginum cultu; ac proinde non Idololatria est, nec illicitus dicendus hujusmodi cultus, ut perperam calumniantur hæretici, quodque sic manifestè probari posset, quoad singulas partes.

Prima quidem pars, quæ est de invocatione Sanctorum, sic ostenditur.

1. Ex illo Lucæ cap. 16. vers. 22. ubi dicitur: *Factum est autem ut moreretur mendicus, & portaretur ab Angelis in sinum Abrahamæ. Mortuus est autem & dives, & sepultus est in inferno. Elevans autem oculos suos, cum esset in tormentis, vidit Abraham à longè, & Lazarum in sinu ejus: & ipse clamans dixit: Pater Abraham, miserere mei, & mitte Lazarum, ut iningat extremum digiti sui in aquam, ut refrigeret linguam meam, quia crucior in hac flamma. Et dixit illi Abraham: Fili, recordare quia recepisti bona in vita tua, & Lazarus similiter mala: nunc autem hic consolatur, tu verò cruciaris .... Et ait: Rogo ergo te Pater, ut mittas eum in domum patris mei; habeo enim quinque fratres, ut testetur illis, ne & ipsi veniant in hunc locum tormentorum. Et ait illi Abraham: Habent Moysen & Prophetas; audiant illos. At ille dixit: Non, pater Abraham: sed si quis ex mortuis ierit ad eos, penitentiam agent. Ait autem illi: Si Moysen & Prophetas non audiant; neque si quis ex mortuis resurrexerit, credent. Quo in loco, ut patet, à Christo, & post Christum à Luca trina refertur invocatio facta sancto Abraham, nec tamen illam improbat Abraham pater fidei nostræ, illam non reprehendit Christus, nec arguit Lucas; arguisset autem Lucas, reprehendisset Christus, & improbasset Abraham, si Idololatria esset, & illicita Sanctorum invocatio.*

2. Ex illo Pauli ad Coloss. cap. 4. vers. 2. dicentis: *Orationi instate .... orantes simul & pro nobis. Et 2. ad Thess. cap. 3. vers. 1. Fratres, orate pro nobis, ut sermo Dei currat, & clarificetur, sicut & apud vos. Ubi Paulus invocatur Sanctos in hac vita existentes, rogaturque ut orent pro se, & hoc non putat Idololatricum esse, sed licitum, pium & utile, imò utilius dici debet Sanctos jam in cælo cum Christo regnantes invocare; unde est quoddam S. Hieron. contra Vigilantium dicat: Si Apostoli & Martyres adhuc in corpore constituti possunt orare pro cæteris, quando pro se adhuc debent esse solliciti, quanto magis post coronas, victorias & triumphos? unus homo Moyses sexcentis milibus armatorum impetrat à Deo veniam. Exodi cap. 32. vers. 14. Et*

*Stenb.*

*Stephanus imitator Domini sui, & primus Martyr in Christo, pro persequentibus veniam deprecatur. Act. cap. 7. vers. 59. Et postquam cum Christo esse ceperint, minus valebunt? Paulus Apostolus ducentas septuaginta sex sibi dicit in navi animas condonatas. Act. cap. 27. vers. 37. Et postquam resolutus esse ceperit cum Christo, tunc ora clausurus est, & pro his, qui in toto orbe ad suum Evangelium crediderunt, mutire non poterit? Ergo, &c.*

Secunda pars, quæ est de sacrarum Imaginum cultu, patet 1. ex illo Exodi cap. 25. vers. 18. ubi præcipit Moyli Deus, ut duas Statuas, seu Imagines duas faciat, quæ duos repræsentent Cherubinos super arcam, quæ magno in honore erat, ponendos, dicens: *Duos quoque Cherubim aureos & productiles facies.* 2. Ex illo Num. cap. 21. vers. 8. ubi præcipit pariter Moyli Deus, ut serpentem æneum faciat, seu æneam serpentis imaginem, dicens: *Fac serpentem æneum, & pone eum pro signo: qui percussus aspexerit eum, vivet. Fecit ergo Moyses Serpentem æneum, & posuit eum pro signo; quem cum percussi aspicerent, sanabantur.* Et hæc ænea serpentis imago magno in honore & veneratione erat. Ergo, &c.

Tertia pars, quæ est de Reliquiarum veneratione, patet 1. ex illo Moylis factio, quo veneratus est Iosephi Reliquias, secum ex Ægypto auferens illas, ut habetur Exodi cap. 13. vers. 19. *Tulit quoque Moyses ossa Iosephi secum, secundum quod fuerat filiis mandatum ab ipso, & de quibus Iosephi ossibus dicitur Ecclesiastici cap. 49. vers. 18. Et ossa ipsius visitata sunt, & post mortem prophetaverunt.* Censet ergo veneratione aliqua dignas illas Iosephi Reliquias, de quibus tam honorificam mentionem habet Scriptura sacra. 2. Patet ex illo 4. Regum cap. 13. vers. 20. ubi dicitur: *Mortuus est ergo Eliseus, & sepelierunt eum. Latrunculi autem de Moab venerunt in terram in ipso anno. Quidam autem sepelientes hominem, viderunt latrunculos, & projecerunt cadaver in sepulchro Elisei. Quod cum tetigisset ossa Elisei, revixit homo, & stetit super pedes suos.* Honore haud dubiè digna fuere aliquo, & singulari veneratione aliqua, ipsa Elisei ossa, per quæ tam insigne patravit Deus miraculum.

Ex his ergo constat Sanctorum in cælo regnantium invocationem, sacrarum Reliquiarum Imaginumque cultum non esse sacræ Scripturæ dissonum, sed consonum, nec proinde Idololatricum & illicitum, sed pium, utilem & licitum, imò & usu receptum in Ecclesia à primævis Christianæ religionis temporibus, ut loquitur Tridentina Synodus, sess. 25.

## De Rhetoriis.

*Rhetorii, sive Rhetoriani* fuere, teste Philastrio Brixienti, hæretici nonnulli à Rhetorio quodam duce suo nuncupati, & in Ægypto & Alexandria quondam iuaborti; qui ita insanæ mentis, inversque cerebri erant viri, ut cunctas approbarent hæreses, hæreticosque laudarent omnes, & ex iis nullum errare, sed benè sentire omnes, perperam & stultè dicerent cum suo Magistro Rhetorio: quæ hæresis tam stulta, rectæque rationi dissona visa est S. Augustino, ut in suo de hæresibus libro ad Quodvultdeum, impossibilè esse dixerit, ut quis sanæ mentis compos hoc sentire possit.

Cum enim plures sint ex diametro inter se pugnantes hæreses, quomodo fieri potest, ut unaquæque illarum credatur vera? nisi credatur duo contradictoria posse simul esse vera, quod rectæ & non inversæ rationi manifestè repugnat, quod communis sensus reprobat, & sacra Scriptura damnat;

Rhetorii.

damnat; si enim omnes veræ & approbandæ sint hæreses, si omnis laudandus hæreticus, laudandus erit *Sabellius*, laudandus *Arius*, laudandus *Photinus*, quos tamen omnes Catholica damnavit Ecclesia; laudandus erit & *Macedonius*, & quicumque alius in Spiritum Sanctum blasphemans hæreticus, quem tamen damnat in Scriptura Christus, Marc. c. 3. v. 29. dicens, quod *qui blasphemaverit in Spiritum Sanctum, non habebit remissionem in æternum*. Si omnis laudandus esset hæreticus, ut perperam & non minis impie, quam stultè tenuit ille *Rhetorius*; nullus consequenter vitandus esset hæreticus, contra illud Pauli ad Titum, c. 3. v. 10. manifestè dicentis: *Hæreticum hominem post unam & secundam correptionem devota.*

## ARTICULUS X.

*De clarioribus, qui circa hæreses scripsere, viris.*

Clariore  
qui de hæ-  
resibus scri-  
psere, sunt

UT, quæ hic in hoc nostro de hæresibus libello brevitati consulentes omittimus, non omittas, sed discas aliquando, tu nobilissime Candide; juvat hic tibi cursim insigniores designare, qui de hæresibus scripsere viros, quos inter eminent,

S. Irenæus.

1. *S. Irenæus*, de quo supra, *S. Polycarpi* discipulus, & Lugdunensis primus post *Pothinum*, seu *Photinum* Episcopus, qui Libros edidit quinque adversus hæreses sui temporis, & præsertim contra *Valentinianam* pro fide Catholica, pro qua Martyrio damnatus anno 205. vel 202. ut volunt alii.

Tertullia-  
nus.

2. *Tertullianus* Carthagine nobilibus, sed Paganis in Africa parentibus ortus, qui relicto Paganismo, Christo per Baptismum natus, & Carthaginensis Ecclesiæ Presbyter ordinatus, inter alia quæ pro Ecclesiâ scripsit opera, librum texuit unum de *præscriptione adversus hæreticos*, quo hæreses impugnat omnes; & insuper quinque alios contra *Marcionem* hæreticam; unum contra *Valentinianos*; unum contra *Hermogenem*; unum contra *Praxeam*; unum de resurrectione carnis contra *Sadduceos*; & contra Judæos alterum.

S. Epiphanius.

3. *S. Epiphanius* Salaminæ in Cypro Episcopus, qui insigne illud opus suum, *Panarium* vulgò dictum, & tres in Libros divisum, edidit adversus octoginta, hoc est, adversus hæreses omnes ad suum usque tempus in Ecclesiâ subortas, cui & *Anchoratum*, sive Anchoram addidit circa Christi annum 380.

S. Phila-  
strius.

4. *S. Philastrius*, in Italia Brixienfis Episcopus; qui cum *S. Ambrosio* & *Iusto* Lugdunensi, Aquilejensi interfuit Concilio, anno 381. vir eruditus & sanctus, cujus meminit *S. August.* in suo de hæresibus Catalogo; qui scripsit *Librum unum de hæresibus*, tam antè quam post Christum ad sua usque tempora subortis: sed magna cum prudentia & discretionè legendus Liber ille, cum plura inter hæreses recenset, quæ verè hæreses non sunt. Obiit autem vir ille sanctus circa annum Christi 387. quem præsentè sancto Ambrosio, publico laudavit elogio ejus in Sede Successor *S. Gaudensius*.

S. Augu-  
stinus.

5. *S. Augustinus*, insignis Ecclesiæ Doctor, de quo supra; qui unum de hæresibus contexit Librum, seu Catalogum hæreseon, ex Epiphaniî Eusebique scriptis collectum, additis nonnullis aliis, & misit ad *Quodvultedum*, Carthaginensis Ecclesiæ Diaconum, ad quem sic incipiens ait:

*Quod*

Quod petis sepiſſimè atque inſtantiffimè, ſanctè fili Quodvultdeus, ut de hæreſibus aliquid ſcribam dignum lectione cupientium dogmata devitare contraria fidei Chriſtiane, & Chriſtiani nominis obumbratione fallentia : ſcias me olim longè antequam peteres, facere cogitaſſe, atque fuiſſe facturum, niſi diligenter conſiderans quale quantumque id eſſet, ultra vires meas eſſe ſentirem ; ſed quoniam fateor nullum mihi ut te inſtituiſſe poſcendo, in ipſa tamen moleſta inſtantia tua, & jam tuum nomen attendi & dixi, Aggrediar & faciam Quodvult-Deus, &c. In cujus Libri Præfatiuncula, duo promittit S. Doctor, 1. ſe omnes hæreſes ad ſua uſque tempora graſſatas recensurum. 2. Se, quid faciat hæreticum, dicturum ; primum implevit hoc in libello, non verò ſecundum, unde eſt quòd imperfectum vocet Librum iſtum Poſſidius.

6. Theodoretus Cyrenſis, ſeu Cyri in Sytia ſitz urbis Episcopos ; qui Theodo-  
*Hæreticorum fabularum 4. Libris ſcripſit Compendium*, in quo de hæreticis retus.  
omnibus, à Simone Mago uſque ad Eutychem agit ; quique licèt olim contra Cyrillum Neſtorio faverit hæretico, poſtea tamen reſpuit, & Neſtorium inter hæreticos recensuit Libro 4. ſui de Hæreticorum fabulis Compendii, circa annum 430. vel 427. ut placet aliis, aut 460. ut opinantur alii.

7. Vincentius Lirinſis vulgò dictus, & potiùs Lerinenſis dicendus, Vincen-  
quia Monafterii Leri Galliæ Inſulæ Presbyter, *Caffiani Maſſilienſis cox-* tius Liri-  
*ſus, & S. Lupi Trecentis Episcopos germanus, vir juxta Gennad. lib. de* nenſis.  
*Script. Eccleſ.* in Scripturis ſanctis verſatus, & Eccleſiaſticorum dogma-  
notitia ſufficienter inſtructus, qui biennio circiter poſt Ephelinum  
Concilium œcumenicum, hoc eſt, anno circiter 434. proprio ſuppreſſo  
nomine, ad evitanda hæreticorum collegia, nomine Peregrini, aureum  
ſcripſit libellum, ſeu *Commonitorium adverſus profanas hæreſum omnium*  
*novitates* ; & obiit anno Chriſti 440.

8. S. Joannes Damascenus, de quo ſuprà ; qui nedum in omnes ſerè hæ- S. Joan-  
reſes, *de fide Orthodoxa ſcripſit Libros quatuor*, & ſpecialim adverſus Ma- nes Dam-  
nichæos dialogum unum, poſtea Iconomachos, orationes tres ; & in Mo- ſcenus.  
nothelitas unam ; contra Acephalos Librum unum, & in Theopalcitas  
Epistolam unam ; ſed qui inſuper *de centum hæreſibus contexuit Librum*,  
quo omnium ad ſuam uſque ætatem recenset hæreticorum ſectas ; obiit  
que vir ille ſanctus & fidei deſenſor invictus circa annum 750.

9. Euthymius Zigabenus, Ordinis S. Baſilii Monachus ; qui præterquam Euthymius.  
quòd è S. Joannis Chryſoſtomi, aliorumque veterum Patrum ſcriptis  
eximia collegit in Scripturam Commentaria, *Panopliam edidit Orthodoxæ*  
*fidei adverſus hæreſes omnes*, anno Chriſti circiter 1118. Fuit & Euthymius  
alter ſub Theodoſio juniore, anno 440. ſed qui nihil ſcripſit.

10. Honorius Auguſtodunenſis vulgò dictus, quia Auguſtodunenſis, ſive Honorius  
Æduenſis Eccleſiæ in Burgundia Presbyter & Theologas eruditus ; qui Auguſto-  
præter *Chronicon, Gemmam animæ*, hoc eſt, opus illud, in quo de divi- nenſis.  
no officio, & de ſacris Miſſæ ceremoniis agit, & cui titulum hunc præ-  
fixit, *Gemma animæ*, præter Commentaria in Libros Salomonis, poſt-  
quam de Luminariis Eccleſiæ, ſive de Scriptoriis Eccleſiaſticis, qui  
claro ſuæ doctrinæ lumine Eccleſiam illuſtrarunt, Librum ediderit ; ſcripſit  
& alterum *de hæreticis*, qui eam totò ſuarum hæreſum fumo offuſcarunt.  
Florebatur vir ille pius & eruditus, circa annum 1220.

11. Emmanuel, ſive Manuel Caleca, vir natione Græcus & doctus, Emma-  
FF. PP. Ordinis Religioſus ; qui ſub Gregorio X. Lugdunenſi ſecundo in- nuel Cale-  
terfuit Concilio, anno 1274. (ut in *vita S. Bonav.* teſtatur *Petrus Gallesinus*, ca.  
S. Sedis

S. Sedis Protonotarius, & *Aub. Mir. in sua Bibl. Eccles.*) Scripsit pro Lætinis libros 4. contra Græcorum errores de processione Spiritus Sancti, quos postea latine vertit, jussu Martini V. Romani Pontificis, Ambrosius Camaldulensis Monachus, & sui Ordinis tandem Moderator supremus, sive Generalis, quosque notis illustratos Ingolstadtii tandem edidit Petrus Stevartius, & extant in Bibl. PP. edit. Colon. Negat tamen Bellarm. lib. de Script. Eccles. Calecam interfuisse Concilio secundo Lugdun. contendens illum sub fine sæculi 14. vixisse. Vide Bellarm. *Possev. &c.*

Guido  
Carmelita.

12. *Guido Carmelita* Catalaunus, è Ruscinensis oriundus comitatu, & Guido de Perpiniano vulgò dictus, Carmelitarum Ordinis Prior Generalis duodecimus, Majoricensis postea primò, & Elnensis tandem Episcopus, qui inter alia, præter unum de *perfectiōe vite Catholica librum* Joanni XXII. Romano Pontifici dicatum, scripsit insuper ad Cardinalem Albanensem, *ingens de hæresibus omnibus Volumen*; & obiit Avenione, anno Christi 1330.

Thomas  
Valdensis.

13. *Thomas Valdensis*, natione Anglus, & professione Carmelitici pariter Ordinis Prior Provincialis, & Henrico V. Anglorum Regi à Confessionibus, qui insigne scripsit opus cum hoc præfixo titulo, *Doctrinale fidei antiquæ contra Viciositates & Hussitas*, quod Martino V. Rom. Pont. dicavit, & tres in tomos ita divisit, ut in 1. agat contra illos, *De Deo, de Christo, de Petro, de Ecclesia, de Religiosis*. In 2. verò *De Sacramentis*; & in 3. *De Sacramentalibus*. Obiitque tandem in Gallia Rothomagi, circa annum Domini 1430.

Sunt & alii numero multi, qui specialiter in hæreticos scribere recenciores, quales sunt inter insigniores, sequentes isti.

Silvester.

1. *Silvester Mozolinus*, juxta *Aub. Mir.* fuit vir natione Pedemontanus & patria Prierias, sive de Prierio, unde *Silvester Prierias* vulgò dictus, Ordinis FF. PP. alumnus, Magister sacri Palatii, ac tandem totius FF. PP. Ordinis Prior Generalis; qui primus Orthodoxorum omnium, contra Lutherum Librum scripsit unum *de Ecclesia & Romano Pontifice*, sicque velut signum fustulit ad novas oppugnandas & debellandas hæreses; scripsit insuper, inter alia, ad Leonem X. Romanum Pontificem, *Summam moralem*, quæ vulgò vocari solet *Silvestrina*, & *Summa summarum*; & obiit anno 1500.

Joannes  
Ekhus.

2. *Joannes Ekhus*, natione Suevus, sacrarum Literarum Professor, & fidei Catholicæ propugnator egregius; qui contra Lutherum, *Carolstadtium*, *Oecolampadium*, *Melanthonem*, & alios, scripsit inter alia, *Enchiridion*, quo omnes ferè tangit & resolvit controversias. Obiitque anno 1543.

Thomas  
de Vio.

3. *Thomas de Vio* Generalis Ordinis FF. PP. Magister, ac Cardinalis à Leone X. creatus, qui sua quàm plurima inter Opera alia, *multa scripsit contra Lutherum fidei controversa*.

Joannes  
Fischerus.

4. *Joannes Fischerus* natione Anglus Cambrigienfis Academiæ Doctor & Cancellarius, Henrici VIII. Angliæ Regis quondam præceptor, *Roffensisque*, seu *Rocheſterienſis* in Anglia Episcopus, ac S. R. E. Cardinalis à Paulo III. Romano Pontifice creatus, quique tandem nefario Henrici Regis divortio subscribere nolens, nec diro consentire schismati, quo à Romana Sede scissa est & erat adhuc Anglicana Ecclesia, in vincula connectus est, ut alter Joannes Baptista, & tandem jussu Regis obtruncatus gloriosè

gloriosè Christi martyr occubuit, ann. 1535. pro Christo & Ecclesia, pro qua scripserat,

1. *Contra Lutheri articulos à Leone X. damnatos.*
2. *Contra ejusdem Lutheri de captivitate Babylonica Librum.*
3. *Contra eundem de Christiano sacerdotio.*
4. *De Eucharistia Sacramento, contra Oecolampadium.*
5. *De unica Magdalena, contra Jacobum Fabrum.*

5. *Thomas Morus* è Joanne Moro Londini in Anglia natus, vir fuit eruditione, pietate & martyrii laurea clarus, Joannis Fischeri Roffensis coævus & amicus, Henricique VIII. Angliæ Regis ad varios variaque tractanda negotia sæpè legatus, & præsertim ad pacem Cameraci tractandam & componendam inter Franciscum I. & Carolum V. anno Christi 1529. è qua legatione ritè peracta in Angliam reversus, à Rege Cancellarius Angliæ creatus est. Verùm cum postea Rex ille, Henricus scilicet octavus, à Romana discessit Ecclesia, & ut Anglicanæ Ecclesiæ caput & Primas dici voluit, & agnosci, idque meritò non probaret Thomas Morus, Regis iussu in carcerem est conjectus, ubi cum per 14. menses in sancto propolito perseverasset, nec nefario Regis divortio ac schismati consentire vellet, à Rege capite plecti iussus, gloriosus martyr occubuit eadem de causa & eodem anno quo Roffensis, videlicet anno Christi 1535. die 6. Julii, ætatis verò 63.

Thomas  
Morus.

6. *Joannes Faber*, natione Helvetius, Constantiensis primò Canonici, postea Viennensis in Austria Episcopus, vir linguarum Orientalium peritus, cum Lutheranis in colloquiis & in Imperii Comitibus sæpè congressus, & è Catholicorum primis Lutherum aggressus, qui inter alia plura, præter *Orthodoxæ fidei defensionem adversus Balthasarum Pacimontanum*, & *librum de potestate summi Pontificis contra Lutherum*, insuper opus unum sex in libros divisum in hæreticos conscripsit, quod *Malleum hæreticorum* vocavit, & summo Pontifici Adriano VI. dicavit; & obiit anno Christi 1545.

Joannes  
Faber.

7. *Joannes Cocleus* Norimbergensis, vir doctissimus, & fidei Catholicæ propugnator egregius; qui contra Lutherum, Bulingerum, Osiandrum, Melanthonem, Bucerum, Calvinum, & similes alios impiarum sectarum magistros, scripsit Operaplurima, & inter alia, *Librum de actis & scriptis Lutheri* valde utilem ad Lutheranos confundendos; scripsit insuper & *Septicipitem Lutherum*, ut ostenderet Lutheri contradictiones & inconsistentiam. Obit anno 1552.

Joannes  
Cocleus.

8. *Alfonsus à Castro*, natione Hispanus, patria Zamoranus, professione Franciscanus, Salmanticensis Cœnobii professor, & Concionator totius Hispaniæ celeberrimus sub Carolo V. & Philippo II. qui tandem ad Archiepiscopatum Compostellanum designatus, sed morte præventus Bruxellæ in Brabantia nondum consecratus, è terra Cœlum petiit anno 1558. variis & eximiis relictis suæ eruditionis profundæ munimentis, inter quæ insigne reperitur opus *adversus hæreses* in Libros 14. distributum.

Alfonsus  
à Castro.

9. *Stanislaus Hosius* Cracoviæ in Polonia natus, Culmenfis primò, deinde Vvarmiensis Episcopus, & S. R. E. Cardinalis à Pio IV. Rom. Pont. creatus, ejusque postea in Tridentino Concilio Legatus, vir verè eruditus ac pius, qui hæc verba, *Mane nobiscum, Domine, quoniam advesperascit*, in corde & ore per totam vitam jugiter habens, & quæ præsertim jam moriturus sacra sumpta Synaxi frequenter iterabat; nec frustra: reipsum enim mansit cum illo, & mira per eum operatus est in Polonia, Germania & Italia

Hosius.

Domi-

Dominus, quæ tribus describit Libris *Stanislaus Reschius*, hoc ei metricum superaddens elogium, quo dicitur :

*Religionis Atlas, vox, & manus altera Pauli,  
Mors Lutheri, Cali Janitor, orbis amor.*

Quem Pius V. & Gregorius XIII. solidam Ecclesiæ columnam appellarunt, & qui præter *Confessionem Catholicæ fidei adversus Confessionem Augustanam*, præter confutationem prologomenon Brentii Ubiquitarum Coryphæi, aliaque plura, scripsit de *hæresibus* sui temporis, circa annum Christi 1565.

Prateolus.

10. *Gabriel Prateolus*, Parisiensis Facultatis Doctor Navarricus, vir eruditus & pius, Ecclesiæ sancti Salvatoris Peronenfis Parochus; qui, præter Historiæ Ecclesiasticæ volumina duo, & Tractatum de auctoritate Conciliorum, scripsit *Elenchum Hæreticorum omnium, ordine alphabetico digestum*, in quo multa narrat de vitis, sectis & dogmatibus eorum, è variis rerum Ecclesiasticarum Scriptoris collecta; obiitque Peronæ circa annum Christi 1588.

Lindanus.

11. *Guillelmus Lindanus*, patria Dordracenus in Hollandia, vir Religio- nis Catholicæ, & Ecclesiasticæ disciplinæ zelo clarus, siquæ sæculi Scriptor egregius, ex Doctore Lovaniensi Ruremondensis primò, deinde Gandavenfis, post Cornelium Jansenium, Episcopus; qui scripsit *Panopliam Evangelicam dubitantium, & tabulas analyticas omnium hæresum* sui sæculi; obiitque 2. Novembris anno circiter 1588.

Coccius.

12. *Jodocus Coccius Bileveldianus*, Canonicus Julianensis, qui edidit *Thesaurum Catholicum*, cui per 24. annorum spatium insudavit, & in quo Catholicam propugnat fidem, contra *hæreticos omnes*, circa annum 1599.

Perronius.

13. *Jacobus David Perronius*, vir ingenio magnus, in inferiori Normania è Calvinianæ sectæ parentibus ortus; qui grandior factus & eruditior, cognitis parentum erroribus & abjuratis, Clericalem amplexus statum, illustis fuit & egregius fidei Catholicæ defensor; qui Ebroiceus primò Præsul, deinde Senonensis Archipræsul, tandemque S. R. E. Cardinalis creatus, plures ad Ecclesiam reduxit, pluraque in hæreticos sui temporis scripsit & egit, inter quæ censi debet celebris *Replica*, sive responsio ad majoris Britannię Regem; obiitque Parisiis 5. Septembris anno 1618. ætatis suæ 63.

Richelius.

14. *Armandus Pleßeus* hic non est prætermittendus, vir pariter natione Gallus, ingenii præstantia & eruditione magus, *Dux Richelius* & Fronfacus, Par Franciæ & Statuum Minister quondam primus, Lucionensis Episcopus, & tandem S. R. E. Cardinalis à Gregorio XV. creatus; qui inter heroica & erudita in sui temporis hæreticos gesta, ad illos quoscumque reducendos ab Ecclesia devios, eruditum scripsit *Controversiarum Tractatum*. Obiitque Parisiis 4. Decembris anno 1642.

Bossuetus.

15. *Benignus Bossuetus* vir pariter Gallus, natione Burgundus, Divione claris natalibus ortus, sacræ Facultatis Parisiensis Doctor celebris, Mel- densium Episcopus illustis, Serenissimi Galliarum Delphiui Ludovici Magni filii Præceptor, eruditiois mirabilis, & hæreticorum sui temporis nedum doctrina, sed & Religionis zelo debellator insignis: in eos enim diu multumque defudans pugnavit scripto, verbo & exemplo, eosque errantes & à fide devios, ut ad fidem fortiter suaviterque reduceret, scripsit Gallicæ erucita opuscula varia, & inter illa præsertim, *Eruditam ac mi-  
rabilem*



*rabilem fidei nostræ Catholica texuit expositionem, quæ fuit ubique gentium summo cum applausu illicò recepta, & eruditorum omnium calculo probata atque laudata; scripsit insuper opus alterum non minùs eruditum & laudabile, in quo novatorum Religionis falsi nominis reformata multiplices in fide variationes aperuit: scripsit & alia multa, scripsisset & plura alia nisi scribendo desisset, & relicto sui desiderio Parisiis merito clarus & fama, viam universæ carnis ingressus, obiisset anno 1704.*

Præter hos omnes, sunt & alii plures sancti Ecclesiæ Patres, de quibus suprà, qui in aliquos speciatim scripsere hæreticos, ut v. g. *S. Cyprianus & S. Pacianus* in Novatianos; *S. Athanasius, S. Phœbadus, S. Hilarius* Pictaviensis, *Lucifer* Calaritanus, *Gregorius* Nazianzenus, & *Ambrosius* in Arianos; *sanctus Optatus* Milevitanus in Donatistas; *sanctus Basilius* in Eunomium; *sanctus Hieronymus* in Origenem, Jovinianum, Helvidium, Vigilantium & Pelagium; *sanctus Augustinus* in Manichæos, Arianos, Donatistas, Pelagianos & Jovinianistas; *sanctus Cyrillus* Alexandrinus in Nestorium; *sanctus Leo* in Nestorium, Eutychen & Priscillianum; *sanctus Prosper* Aquitanicus in Pelagianos, & Semipelagianos; *sanctus Fulgentius* in Arianos, & Pelagianos; *sanctus Sophronius* Jerosolymitanus, & *sanctus Maximus* Martyr in Monothelitas; *sanctus Ildefonsus* Toletanus contra Antidicomarianos; *sanctus Damascenus* contra Iconomachos; *Lanfrancus* Cantuariensis Archiepiscopus, *sanctus Thomas* Aquinas, & *sanctus Bonaventura* contra Græcorum errores; *sanctus Bernardus* contra Petrum Abailardum, Gilbertum Porretanum, Petrobusianos & Henricianos. Hos tu Consule Orthodoxos Ecclesiæ Doctores, benevole Candidate; hos interroga sanctos Ecclesiæ Patres, & dicent tibi quidquid de hæreticis dicendum omisit ille noster Apparatus; in quo, ut cum *sancto Fulgentio* juvenem *Donatum* alloquente loquar: *Hæc tibi, charissime fili, pro tuo sancto desiderio & dilectione transmissi, ex quibus tibi quidam præbeatur instructionis gustus, & ex hoc gustu crescat in te prolixioris lectionis affectus, ut tantò magis possis, Deo adjuvante, proficere, quantò studiosius cæperis sanctorum Patrum relicta requirere, inventa frequentius atque attentius recensere; unde tibi, Deo adjuvante, gratia scientiæ plenior accedat, qua possis non solum veram retinere fidem, verùm etiam hæreticorum mortiferam convincere falsitatem. Hunc lege, hunc solve, & in eo si quid incautè fortè peccaverit Auctor, Catholicæ censuram Ecclesiæ lubenter audire parato, parce, vale & vive; utque diù & in æternum feliciter vivas, det tibi desuper qui vita est, ut fideliter impleas quod juveni *Licentio* Romaniani filio, & *S. Augustini* discipulo, *S. Paulinus* sic metricè canebat olim:*

*Vive, precor, sed vive Deo; nam vivere mundo,  
Mortis opus; viva est vivere vita Deo.*

F I N I S.









